

2018

سرواير



صكوك الغفران



تفبدا

Nashina


بقلم نور اسما عيل

رواية □□

هصكوك الغفران ♠

بقلمى #نوراسماعيل

♡♡



اهداء الى /

نفساً برغم كل ما تحمله ما اهتزت يوماً ..!
وان كانت تبدو امام الجميع ستار قوى لا يحركه ساكن برغم قوة
العواصف
الا ان بداخلها طفلة صغيرة تحتمى بدميتها لتخبئ وجهها بعيدا
عن كل ماحولها
فهى مثلما قص يوسف ادريس بقصة نظرة ..

كان غريباً أن تسأل طفلة صغيرة مثلها إنساناً كبيراً مثلي لا
تعرفه، في بساطة وبراءة أن يعدل من وضع ما تحمله، وكان ما
تحمله معقداً حقاً

وراقبتها في عجب وهي تنشب قدميها العاريتين كمخالب الكتكوت
في الأرض، وتهتز وهي

تتحرك ثم تنظر هنا وهناك بالفتحات الصغيرة الداكنة السوداء في
وجهها وتخطو خطوات ثابتة

قليلة وقد تتمايل بعض الشيء ولكنها سرعان ما تستأنف المضي
. راقبتها طويلاً حتى

امتصتني كل دقيقة من حركاتها فقد كنت أتوقع في كل ثانية أن
تحدث الكارثة ولكن لم تحدث !!

الى "نفسى" المتعبة كثيراً والمُرهقه كثيراً ،،اسأل الله ان
يسامحنى على ما اقترفته بحقك

بيوم ما ...

/ نور إسماعيل



شكر خاص جداً □□

لكل شخص (شاب او بنوثة) كان له جزء من حكايته الواقعيه
جوة الروايه

وحبوا يشاركوا الناس بتجاربهم

من خلالي وخلال خيالي

وسمحو لقلمي انه يطير من بين سطورهم ويزود الي يزوده
وينقص الي ينقصه

شكر ليك وليها ، وهكتفي ب اول حروفكم بس فالشكر

لالتزامي بخصوصيتكم ع اكل وجه ..

(ر..م) (ش..م) (د..أ) (أ..أ) (ر..ع) (ش..م) (ع...ع)



{المقدمة {

□□□

الظروف والمواقف اللي أنت مریت بيها، اللي كان ليها دور كبير
جداً في تكوين شخصيتك؛ هي السبب دلوقتي في إنك بمنتهى
الضعف لسه واقف وتمسك بحاجة اصلاً

مش بتاعتك!!

صكوك_الغفران (روايتي رقم ٢١)



"جنگ الیمام" 2012_القاهرة

ایهاب

واحد واقف ماسک لوحه فیها ۳ بیونات ، و بیظهرهم قدام شاب
قاعد ع کرسی
و"الکوافیر الرجالی" بیضط شعره بعنایه

ایهاب: دقیقہ بس (بیبص علیهم) دی کویسه

صاحبہ : بیس یامعلم

صاحبہ ۲: العروسۃ یا هوبا بتقول ان دول احلی ۲ شیمیز ابیض
اسبانی
اختار منهم یلا

ایهاب: ممم الاتین حلوین فعلا وانا مش عارف اختار ، وبعدين
هی مش عارفه تختار لیه
اومال باخذ رأیها لیه انا

الکوافیر الرجالی : ممکن اتدخل یا کابتن باختیاری

ایهاب: طبعا قول انت بتاع الذوق کله هههه

الكوافير الرجالي : ده

صاحبه ٣: هو فيه حد فالدنيا ليوم فرحه منقاش بدلة فرحه ولا
ببيونه
ولا شيميز ولا برفيوم

ايهاب: هو انا مقطوع زيكم ،كنت مسافر عندى رحله وهما حددوا
الفرح وانا برة اساسا

صاحبه ٢: طب يلا انت خلصت شعرك يلا عشان تلبس

ايهاب بيلبس فغرفته فالاو تيل ، والناحية الثانية العروسة بتعمل
اخر لمسات للميكاب بتاعها

صاحبة العروسة ١: وaaaaاا يا وصال قمر بجد

صاحبة ٢: طبعا يابنتى ياسميننا احسن ميكاب ارتست فمصر

الميكاب ارتست : ميرسي يابنات عقبالكم

وصال : ممم بس خففى شوية حاسة انه ثقيل

ام العروسة : بالعكس يا وصال جميل اوى ومضبوط

صاحبه ٣: والنبي يا طنط تقوليها ،لحسن وصال عاوزة ميكونش فيه ميكاب اصلا

وصال : لا بليز عاوزاه يتخفف ، انا حره مش حابه شكلى كده
اوفر اوى

الميكب ارتست : اوك زى م تحبي بس ممتوتريش عشان الميكاب
مش يبوظ

قريبة العروسة (مسكت ايد وصال بحنيه) مالك يابنتى اهدى

وصال : عادى انا تمام بس متوترة شوية

صاحبة ٢: طبعا تلاقيها مش قادرة تصبر ،عاوزه كل حاجه
تخلص وتشطب بدرى

عشان تبقى فحضن الكابتن (غمزت لصاحبتهم الثانية وضحكت)

وصال: اكيد انا مش بفكر بفراغ كده زيكم ،انا بس عشان حاسة
ان العين عليا لانى عروسة
وجو الاضواء بيخضنى

قريبتها ٢ : ده حتى كابتن ايهاب فرفوش ياشيخه ، انتى اولم
تشوفيه

هتهيصى لوحك وتنسى توترك

صاحبته : تقريبا وصال اكثر بنت محظوظة فمصر ، هتتجوز
جوازة تشرف

عريس زى القمر

ابن ناس

كابتن طيار

وفرخ فى ارقى اوتيل ، حاجه مستوى يابنتى لازم تتوتر

قريبة ٤ : ووصال برضو مش قليله دى اشطر دكتور نسا وولادة
هاهاها على مين ده احنا جامدين

صاحبة ٤ : تلاقىها خايفه من الحسد. هههههههه

ام العروسة : بس بقا يابنات كفاية رعى وحد يهيص ويزغرط ده
انهارده فرحة عمرى

بتبص لوصال فالمراية وهى مبتسمه بعيون فرحانه ووصال
بتبصلها ...

العرسان خلصوا تجهيزاتهم وتوترهم ولخبطتهم وايديهم المتلجة
من رهبة الموقف
طبعا واحلى موقف فالدنيا

وظلع ايهاب وزمايله معاه من اوضته والكاميرا مان متابعه
،ونزل للمكان
الى هيعمل فيه السيشن

ووقف يستنى عروسته ، خبطت علي كتفه واحدة من صحباتها
ولف
غموله عيونه اصحابه بشريط خفيف ومشوه لحد عندها وفتحوه
عيونه
لاقاها قدامه بفتانها وتسريحه شعرها فى اجمل صورها من يوم
خطبتهم
ابتسم واخذ كف ايدها وباسها بخفه وانكشها ، وصلوا مكان
السيشن

اتصوروا سوا
كلها مناظر حلوة ،، وجديدة
واخذوا مع اصحابهم صور برضو.،،، وجه وقت يروحو القاعه
سوا عشان يبده الفرحة

راح ايهاب ووقف ع باب القاعة
وسلم على اهله تحت واصحابه

وبعدها جت فرقة سورى زفت العروسة وهى فذراع باباها داخلين
كان التوتر باين عليها
بس كانت بتهدا لما مامتها او اى حد يبصلها عشان تبتسم

اخذ ايدها من باباها ودخلوا القاعة بزفه مشاعل تانيه
وراقصات

واول م وصلوا البيست ، رقصوا على اغانى تهيص العريسان
واصحابهم وقرائبيهم

سوا

وابتدوا يفكوا اكثر ، وبعدها شوية دخل المطرب " حمادة هلال "
الى هيجي فرحهم
والكل اتجمع حواليه

وغنى والبنات والشباب بتهيص وترقص

وكان حمادة بيغنى اغنية " عيشك يومين " وهيص عليها
العريس اكثر

وكان بيرقص مع اصحابه بطريقه صعيدى

عند العروسة الى عالكوشة وصحباتها حواليتها

صاحبته: ايه ده بصى الكابتن بيرقص ازاي

صاحبة ٢: زي الصعايدة بتوع المسلسلات واصحابه بيشاوروه
عليه

ع كلمة الصعيد دايم ريس

هو صعيدى ولا ايه

وصال: اه ايها اصلا من سوهاج ،بس عايش هنا فكايرو

صاحبة ٣: ايه ده متوقعتش

قريبة العريس: ليه الصعايدة وحشين ؟

وصال بصت لصاحبته وصاحبته اتكسفت فحبت تخفف الموقف

صاحبته: لا بالعكس دول احسن ناس

صاحبته ٢: يلا بقايا وصال نقوم كلنا نرقص

وصال: لا مش حابة انا كده تمام مبحبش التنطيط ده

قريبتها: نقوم احنا نطنط

Let,s goo

فالفرح محدش كان قاعد من الشباب والبنات ، ومحدش مكانش
مرسومة على وشه
الفرحه

مش مطلوب منهم غير يفرحوا، ومش معنى انهم متجوزين جوازه
بقا عَرفها بين الناس " صالونات"

يعنى لاسابق حب ولا معرفه

مجرد ترشيح عروسة بنت ناس طيبين لشاب حابب يكمل نص
دينه

يبقوا مش مبسوطين ولافرحانين

دى ليلة العمر

خلصت ليلة العمر زى م بيقول الكتاب ، وكل حد عاد الى قواعده
سالمه

وبدأت اول ايام بعش الزوجية

للكابتن ايهاب والدكتورة وصال ..

#بقلمى_نوراسماعيل



"صائد البالون" 2012_ العاشر من رمضان

مارسليينو

نايم نص نومه ،يعنى بيفوق لسه
لكن الى فوقه اكثر الفون الى كان معاه

مارسليينو : يا حبيبتى صباح الخناق والهباب عالصبح ، يعنى
مصحيانى

على ٥٣ رنة ورا بعض

شغاله تن تن تن تن

عشان تقوليلى انت مبتسالش عنى ليه

البنوته: انا مرنتش ٥٣ رنة يا سينو دول ٠٢ بس

وايوه بكلمك عشان اقولك بطلت تسال عنى

مارسليينو : مبتسالش عنك فين بس ،مش بعثك عالفيس صباح
الفل

من قيمة اسبوع

البنوته: (بز عيق) اسبوع ! اسبوع يا ظالم يامفتري

ومسالتش طول الاسبوع حصلنى ايه جرانى ايه

مارسليانو : هيصلك ايه فاسبوع يا ريتا هاه ! الى هيصلك
فاسبوع

قاعدة فبيتكم لاشغله ولا مشغله

يابتنمي مع اصحابك على اصحابك برضو فالفون

يافاتحه نت ليل ونهار

يابتنفرجي يوتيوب على مسلسل العشق المفقوع ، هيصلك ايه
فاسبوع فهميني

البنوتة: قصدك اني ممله !

مارسليانو: لا العفو. انا الى ممل

البنوتة : يبقي تقصد اني تافهه بقى !؟

مارسليانو: هو اى حوار عالصبح ياريتا ، انا اتخنقت بجد

البنوتة: اتخنقت اكمنى بفكرك بواجباتك

يا استاذ احنا مرتبطين

يعنى مطلوب منك كل يوم تسال عنى ، متفوتش يومين من غير م
تسال عليها

وتظمن عن احوالها

مش تفوت يومين وتلاته من غير م تسال ولا حتى تظمن

مارسلينو: مش فاهم ايه المشكلة ياناس انى ابقى مرتبط ببنت
ومسالش

عليها يومين ورا بعض

هو انا ابوها !!

البنوتة : ياسلام ! الحب اهتمام واحتواء يا استاذ

مارسلينو: اه ده كلام هبة قطب فبرنامج خمسة لصحتك ده

البنوتة: سينو ! متستهترش بكلامى

مارسلينو: ريتا انهاردة اجازتى من الشغل، وكنت عاوز انام وانتى
مصحياى ع

الحب احتواء واهتمام واحتراق واختزال وهنقلبها حصة كيميا

ودماغى وجعانى بصراحه

فلو سمحتى انام واصحى اشرب نسكافيهى

واتظبط كده

وننكد على الى خلفونا للصبح

ايه رأيك كده ؟

البنوتة : براحتك ياسينو (قفلت السكة)

مارسليانو بيبص لفونه لاقاها قفلت ،ركنه جمبه وحط المخدة فوق
دماغه

وهو بيبرطم

مارسليانو : مصحياتي ٩ وربع تقولى الحب احتقان ولوز يوم
اجازتى
يقطع الارتباط على الى بدعه ...

#بقلمى_نوراسماعيل



" العهد" 2012_المنصورة

يامن

بيسبح ربنا على صوابعه ويحمد ويكبر
بيختم صلاة المغرب عالسجادة وقايم ،كانت خبطت مامته وداخله
بكوباية
شاي بالنعناع

الام : مش عاوز تاكل برضو

يامن : لا يا حبيبتى ربنا يبارك فيكى ، هقعد اذاكر
ولو جوعت هقولك

الام: ربنا ينورك بصيرتك يارب
يامن (بيشر ب من الشاى وهو بيفتح مادة دينتال ماتريال سنة
اولى طب اسنان)

تسلم ايدك ي امى
بسم الله

بيبدأ يذاكر وتاخده المذاكره خالص ويروح لعالمه
بتدخل عليه فجأة ،،اخته يمنى
بنت ال ٢١ سنه

يمنى : بتذاكر ؟

يامن : (باصص للكتاب) شايفه ايه

يمنى : طيب عالعموم كنت عاوزة اقولك على حاجه

يامن : يمنى متضيعيش وقتى

يمنى : خلاص ياعم خارجه ،بس روفيدا اصل يعنى (بتقفل
الباب)

يامن انتبه لما سمع اسمها

روفيدا !!

يامن : يمنى تعالى هنا

يمنى : انت مش قولت عاوز تذاكر ،عاوز ايه

يامن : ثوانى بس روفيدا مالها

يمنى جايله بعيون مبتسمه لاخوها

يمنى: جت ع فكرة شوفتها الصبح

يامن عيونه ابتسمت اوى وخدوده احمرت من الخجل مع انه
شاب!

يامن : طيب بصى بقولك ايه

يمنى : قول

يامن : ينفع تروحي تناديه لاي حاجه

يمنى : ايه العبط ده ؟ طب اقولها ايه

يامن: عبط !! طب ياست الى بتفهمي كل حاجه وانا عبيط

روحي اندهي عليها لاي حاجه فالدنيا

اتلكي

هي مش صاحبك

يمنى: صاحبتى منين ،لما انا فتانيه اعدادى وهي فتانية ثانوى

وهي مش ساكنة هنا اصلا

يامن : خلاص روحي يايمنى قفلتيها

وهما بيتكلموا حد من صاحبها البنات نده علي روفيدا

لان بيت عمته جيرانهم

وخرجت ترد من البلكونة ،ساعتها قام يامن بسرعة

وقلبه مخطوف من الخضة والدق

وفتح شيش شباكه نص فتحه وبص عليها وهي بترد على

صاحبته

وساند بكف ايده قلبه لا تتسمع دقاته

مقدرش يستحمل يفضل يشوفها كده كتير من ورا الشباك ، لبس
شيشبه الجلد
عالترننج

وعمل نفسه نازل لاي تليكيه وهي لسه فالبلكونة بتكلم صاحبها

وهو ناول من البيت اخته قاعدة جمب مامته ضحكت اوى
ومامتهم مش فاهمة
حاجه

نزل بسرعة عالسلم واول م بقا فالشارع بطء حركته. و عدا ،، لكن
روفيدا
لمحته وهي فالبلكونة

روفيدا: يامن !! ي يامن

عمل نفسه بيدور ع الى بينادى

روفيدا: انا يابنى بص فوق

يامن (رفع وشه لفوق وابتسم)

روفيدا : ثوانى هنزلك

وقف يامن هي موت من فرحته ، فرحة لقاها
روفيدا تبقى عايشة فالدقهلية نفسها ، وبتيجى لعمتها زيارات
من صغرها هي واسرتها
فالاجازات ، وعمتها جيران يامن ..
يامن الى من وهما صغيرين اتولد حبها فقلبه لكن ساكت
وكبروا وكبر الغرام
اما عنها هي ، فهي بتحب صداقتها بيه من صغره وبتعتبره
اخوها الكبير وبتستشيره فكل حاجة
ولما بتيجى زيارات بتروح بيته تسال عنه وعن مامته واخواته
اول واحد !!

روفيدا: ايه ماشى ع طول رايح فين

يامن: لا كنت رايح اشترى حاجة بس ، انتى جيتى امتى؟

روفيدا : جيت الصبح ، اجازة نص السنة بقا

يامن: كل اجازة وانتى طيبة ، لا انا عندى امتحانات لسه

روفيدا (مبتسمه) شد حيك يا دكتور

يامن: ان شاء الله (ببص عليها لاحظ ان الطرحه بتقع من ع
راسها)

الطرحه يا روفيدا

اتلخبطت هي وظيفتها كويس تانى

روفيدا: معلش حطتها بسرعة قوت الحقك

يامن سمعها وابتسم وبص للارض

روفيدا: هطلع بقا عشان ميزعقوش ، هشوفك تانى مش كده

يامن: اه ان شاء الله

روفيدا: طيب مش هعطلك ، باى باى

طلعت بسرعة وهو واقف زى م هو باصص عليها ورايح خالص

قاطع صوت اخته من فوق واقفه فالشباك

يمنى: طب مدام نزلت بالمرّة ،ماما بتقولك هات جبنة وعيش
وانت

طالع ياروميو (طلعت له لسانها)

بص لها واستحلف لها باشاره بايده ع دقنه وهو بيضحك ...

#بقلمى_نوراسماعيل



"صاحب الابتسامه" 2012_الاقصر

طه

"ياصباح الفل ياطه ، منور الهايبر والله"

قام طه من مكانه وسلم على مدير الهايبر وهو مبتسم ابتسامته
الى مش بتسيبه

طه: بنورك يا استاذ سامح والله

المدير: عبد الرؤوف شكرلى فيك اوى وانا متفائل بيك بصراحه

طه : يارب نكون عند حسن ظنك

مشى المدير ،جه زميل طه من ع مكنة الكاشير الى قاعد عليها

زميله : ايوة ياعم المدير متوصى بيك

طه : لا والله هو توفيق من عند ربنا ،انا اول مرة اشوفه
فالانترفيو

زميله : انت قبل م تستلم كاشير هنا ،كنت شغال فين

طه: ياااه ،انا اشتغلت الف شغلانه

بص كنت ماسك محل بازار لواحد معرفه

واشتغلت فالرخام

واشتغلت فالسيراميك

واشتغلت فمصنع شيبسي

زميله : بس بس ده انت خلصت على كل شوغلانات مصر

سيبت ايه مشتغلتنوش

طه مبتسم ع رد فعل زميله

زميله: بس شكك ابن حلال

طه : الله يخليك ،ربنا يثبت اقدامنا هنا بس

زميله : يارب ،اصل كان قبلك عيل كشر وبتاع مشاكل

لكن سبحان الله عليك بشاشه وش ياخى تريح القلوب

طه: الابتسامه صدقه ،هى الناس ناقصه لما انا اكشر فوشهم

زميله : طب يلا ع مكنتك ،الناس ابتدت تيجى

طه: يافتاح ياعليم يارزاق ياكريم ...

اول يوم يعدى ع طه فالشغل ،عدى حلو وهادى

قاعد ع جهاز الكاشير ،بيقرا الباركود الى ع اغلفه المنتجات

للناس ويحاسبهم

ويطلع لهم فواتير

وطبعا بابتسامته الحلوة

وعدى تانى وتالت ورابع وخامس واسبوع كمان بنفس الحماس

والروح الحلوة

طه (بيقرا المبلغ الى فالفاتورة عالجهاز بعد م قرا الباركودز)
٤٢٣

حضرتك

الست قدامه واقفه سرحانه و عيونها فيها دموع متجمده
فيه علامه تحت عيونها مزرقه ! تشبه الكدمة

طه: يافندم !

نهلة : (فاقت من شرودها) ايوة !

طه: ٤٢٣ جنيه حضرتك

نهلة : اه حاضر ، (طلعت الفيزا وهى سرحانه وبتمسح دمعه من
عيونها

نازلة بسرعة)

ادت ل طه الفيزا وهو متابعا وحس بالشفقه ناحيتها

هى مالها عامله كده ليه ؟

بس رجع وقال لنفسه وانا مالى

حاسبت واخذت اكياسها ومشيت ، وجه الى وراها يحاسب بس
طه

متابعها بالنظر لانها كانت ماشيه كانها بتتهاوى
توازنها مختل ،بتتمايل غصب عنها يمينا وشمال

وبعدين سندات ع جنب بتعب كده ع رف من رفوف ،كل ده وطه
بيحاسب
بسرعة وعينه عليها

بيبص قدامه لقي حاجه من حاجاتها نسي يحطها فالاكياس
قام من مكانه

طه: دقيقه يافندم ، يا رام خليك ع جهازى دقيقه بس

قام وراح ليها وادها الى نسيته

طه : انتى نسيتى ده يافندم


نهلة (اخدت بلامبالاه) اشكرك ...مشيت خطوات بسيطة

طه: حضرتك بخير طيب؟

نهلة (وهى متابعه سيرها من غير م توقف ولا تلتفت)

اه الحمد لله

خرجت برة الهايبر وطه استعجب لها ورجع شغله تانى وقعد
مكانه بس وهو بي فكر فحالها
حال واحدة ميعرفهاش ،، شفقته فقلبه مخلياها
تشغل عقله شوية
ونسى ... ورجع كما كان ليوم شغله العادى ..
#بقلمى_نوراسماعيل



"قصور الهوا " 2012_ المنوفيه

حسين

"مكتوب فيها ايه الورقه دى "

رضوى (بتقفل باب اوضتها) استنى بس ي ايات اقفل
الباب لحسن ماما تسمعنى

ايات: تعالى بقا يلا نشوف كاتبك ايه فيها الورقه

رضوى: انا خايفه افتحها

ايات: هيكون فيها قبله مثلا ، عادى افتحى بقا قلبي وقع فرجليا

رضوی بتفتح الورقه مكتوب فيها

ده رقمی یارضوی

کلمینی ۱۰.....

حسین ..

رضوی: ده کاتبلی رقمه ! یانهار ازرق لا طبعا اکلمه ده ایه
بیستعبط

رباب: بیستعبط ایه یابنتی انتی هتجننینی ، من واحنا فاولی
اعدادی

من درس العربي

وهو كان معانا وانتو مقضینها نظرات

واساسا كان ملحوظ صحوبیتکم من واحنا فابتدائی مشتركة

وفضلتوا ۳ اعدادی نظرات وتسبیل

وکل درس تحجزیه عند ای مستر یحجز زیك

وفتانوی برضو ، دخل ادبی عشانك وکلنا کنا عارفین

ان حسین شاطر کیمیا وریاضه اکثر

عاوزة ایه تانی

رغم ان مستر الجیلوجیا مش بیخلیه يفهم وهو قال كده

قبل م یسیبه ویروح لمستر تانی

الا انه برضو بیستناکی فالدرس بتاعه

واحنا رايحين واحنا جايين
وفعز الشمس ياعيني
عشان بس تبصوا لبعض ، اظن ٦ سنين بصات ونظرات
جالكم حول بقا كفايه
ندخل عالفعل

رضوى : عاوزانى اكله من ورا ماما وبابا ، لا طبعا

رباب: ايوة مانا عارفه انها حاجه غلط ، بس انتو
بتحبوا بعض يا رضوى
يعنى هيحافظ عليكى

رضوى: ومنين جالك انه بيحبنى زى م بحبه ، هو مقالش
اي حاجه

ده لما رمى الورقة دى تحت رجلى واحنا واقفين
فالمكتبة ساعة تصوير الورق
مقالش فيها اي حاجه
قال كلمينى
مش حتى بحبك او اي حاجه

رباب: ويعنى بحبك دى مش هتتقال ؟ هتتقال بس
لما تكلموا بعض وتتعرفوا اكثر من كده
الى فات كله كنا عيال فيه
دلوقتي احنا كبرنا
وخلص شهور وندخل الكليه ، بطلى خوف بقا

رضوساكته وبتبص للرقم اوى

رباب: خدى كلميه من تليفونى طيب
لو خايفه

رضوى بتبص ل رباب وحاسه بحيره ومش حاسمه قرار

رباب: متضيعيش الفرصة يا رضوى بقا
ده حسين (غمزتلها) يعنى الحب كله !

رضوى مسكت فون رباب وبصت فيه وبعدين سابتة مرة واحدة

رضوى : لا ! مش هعمل كده

#بقلمى_نوراسماعيل

ل L

" رمل البحر" 2012_ الاسكندرية

محمد جهاد

"عاوزة اكل جعاناااانه "

الاء: بدمتك ليكى نفس تاكلى واحنا مش عارفين ايه الى هيبناه
فالامتحان

زميلة : الامتحان غار خلاص فداهيه ،دلوقتى انا معدتى تشكو
وجعانه
اوى بصراحه

زميلة ٢: لا انا مش جعانه انا هروح ،بليل رايعين لخالتى عاملة
عمليه
وعاوزة اروح انام شوية

الاء: طب استنى نروح نشرب حاجه ،والست هانم دى تاكل
وبعدين
نروح

لسه هنشوف بعض الاسبوع الجاى

المادة الجايه علينا وعليكى بخير

زميلة ١ : اخلصوا نروح اى زفت بس اكل لانى قربت اتحول لاكله
لحوم
البشر

زميلة ٢ : خلاص تعالو المطعم ده ندخله وخلص عشان الحق
اروح

الاء: (بخضه) لا !

تعالو نروح الكافيه الى اسمه let,s go

بيقدموا اكلات برضو هناك جميله

زميلة ١ : (غمزلها) ايشمعنا يا موزتى الكافيه ده

الاء (اتلخبطت) هاه ، لا عادى

زميلة ٢ : لاجد ليه يا الاء ايشمعنا (بابتسامه خبث)

الاء: عادى يابنات فيه ايه بيقدم اكل حلو

وبيعبنى

ومشروباتهم حلوة ورخيصة

زميلة : طب يلاع هناك خلصوني
اي حته ان شالله مطعم كلاب

خدوا بعضهم وراحو للكافيه ، وقعدوا سوا
طلبت زميلة الاء اكل
وهما طلبوا مشروبات وكملوا نم ع دفعتهم وحكايات

وربع ساعة ، ودخل شاب
طول بعرض ، واضح انه رياضى
دخل جوة عند الادارة ووقف يتكلم معاهم وهو باصص
ناحية تربيعة الاء ومبتسم

زميلة ٢:) بتميل ع وذن الاء) الواد المزده من السنة الى فانت
والسنة دى كل م نيحى هنا
ي يكون موجود
يا ييحي بعدنا
ويفضل مبتسلك ومنتح كده ، هو ايه الموضوع

الاء) بارتباك) معرفش والله بجد ، عادى انا حتى ملاحظتش
الى بتقوليه ده

زميلة ٢ : ممم لاياشيخه او مال كنتى مصممه نيجى ليه

هنا بالذات k

الاء: بصى هقولك بس متسيحيش ، انا ملاحظاه من السنة الى
فاتت برضو انه بيتتح

لى كده

فالاول كنت فاكراه انه عادى ، بس فالاجازة كان عندى مشوار مع
بنت صاحبه ماما نجيبها

فستان خطوبتها وقابلته صدقه فالشارع

وكان معاه واحد صاحبه

قالى استنى استنى وانا قولت ده عاوز ايه

وقالى عاوز اتعرف عليكى بطريقة محترمه والله وسالت عنك
قالولى اسمك الاء

وانا محمد روجت انا سيبتة ومشيت

زميلتها (بشغف) ها وبعدين

الاء: بس من اول السنة راичه جايه ع هنا يمكن اشوفه
مشوفتوش الا انهارده

عاوزه اعرف ايه حكايته ده

زميلتها ١ : اه يا سوهنه كل ده وراكى ومخبية

زميلة ١ : (بتاكل) بتقولوا ايه انتى وهى وبتتوشوشوا

الاء: ولا حاجة انتى كمان خلصى اكلك

الاء بصت ناحيته وهى مبتسمه بس بتحاول تبص بعيد
وكل مرة بتبص بكسوف وهو كمان باصص ناحيتها
وبقا ملحوظ اوى

زميلة : انا خلصت يلا بينا

الاء (بزعل) طيب م تشربي حاجة اهضمى، اطلبك كوكا؟

زميلتها ٢ : يلا يا امى عاوزة انام مش وقت كوكا تشربها
فبيتهم

قاموا التلاته وخرجوا من الكافيه ، وطلع وراهم جرى
الشاب ده

الشاب: يا ... لو سمحتى

لو سمحتى

الاء وقفت هي وزميلاتها

زميلة ٢: حضرتك بتنادى علينا

زميلة ١: احنا نسينا حاجه جوة ولا ايه؟

الشاب: لا انا بنادى عليكى انتى... يا الاء!

زميلتها: الاء! (بتبص ناحيتها) هو عارفك؟

وراح مقرب ناحية الاء، والاء جسمها كله بيتنفض
من الارتباك والكسوف

الاء: انت عاوز منى ايه

محمد جهاد: فيه انى عاوز اتعرف عليكى

زميلة ١: عاوز تعرفها ليه؟ انت من المباحث

يلا يابنتى بلاقلبه دماغ

خدوا الاء ومشيوا وهى بتحاول تبص وراها

محمد جهاد : عاوز اعرفك وعاوز احبك وعاوز اتجوزك

وقفوا البنات !

الاء: انت بتقول ايه

محمد جهاد (مبتسم) عاوز اتجوزك ..قصدي شريف

وكتاب الله ...



بقلمى #نوراسماعيل



"كسره الفنجان " 2012_المحلة

آية

"اهلا يا مدام آية "

آية (بابتسامة هادية) : أنسة ...

المدير: اسف ،أسه واخذ بالى من الحالة الاجتماعيه
حضرتك خريجة ايه

آية : معايا بكالوريوس تجارة ،واشتغلت كتير فى مجال المحاسبة
قبل كده

المدير : حضرتك عارفه مواعيد العمل هنا فالشركة

آية : اه طبعا شوفتها فالاعلان ،ومعنديش موانع فالمواعيد

المدير: أنسة آية ...السى فى بتاعك ممتاز
انتى بس هتملى الاستمارة دى وتسيبي نمره تليفونك
وان شاء الله هنبقى نتصل بيكى

آية بوداعة اخدت الاستمارة وخرجت مليتها بعد الانترفيو بتاعها
وخرجت من مقر الشركة الى عملت فيها الانترفيو .

يمكن دى تانى او تالت انترفيو لاي شغل تشوف

اعلانه تعمله فنفس الشهر وكل شهر من وقت م سابت
شغلها فجأة من فترة ..

آية ...

بنت ال ٣٣ سنة ، رغم ان وشها ملامحه مصرية اوى
البشرة الخمرية الجميله
العيون متوسطة الوسع
جسمها ممتلى بعض الشئ
طريقة الحجاب المعتادة ، اللبس المحترم والغير ملفت

، وهى فطريقها للبيت

عدت جابت خضار

وطماطم

وكام كيلو فاكهة ، وعودت عالفرن جابت العيش

وقفت عند السوبر ماركت

جابت جبن ومخل وتابعت خط سيرها على بيتها ..

دخلت ، هدوء معتاد

عادة هى بتفضل الهدوء ده يوميا

فوقت لما يفضى البيت من كل الى فيه
بس بسرعة بتزهق وبيوحشوها
وبتبقى ملهوفه ع رجعتهم للبيت ...

بمنتهى صفاء النفس والرضا ، واقفه بتحضر الغدا علشان
لما ييجو
'هبة و بسمة ' يلاقوا كل شئ جاهز ، الغدا اتحضر
وبدات ترتب البيت

سمعت تخبيطهم عالباب ، راحت تفتح

بسمة : مساء الفل يايويا (باستها ودخلت وراها اختها)

آية : متاخرين ليه ياهوانم ؟

هبة : بسمة الى اتاخرت لحد م عدت عليا فالمدرسة

بسمة : يا كدااللة انا اتاخرت انا جتلك فميعادى

هبة : لا انتى الى كدابة

آية : خلصونى مش وقت نقار ، ادخلوا غيروا واغسلوا وشكم
وايديكم وتعالو

وهما داخلين لمحت آية طرحة بسمة مفكوكة مش مضبوطة زى م
خرجت الصبح

آية : بسمة ،انتى قلعتى الطرحة دى فالمدرسة ؟
بسمة (بخضه) هاه ! اه شبكت فمسمار كان هيقطعها ف قلعتها
ولبستها تانى

آية : طيب يلا

هبة : الله ي خالتو عاملة مسقعه هييه
بسمة: لا حراااام مش باكلها

آية : عملتلك انتى قرنبيط يا ام لسانين

جهزت السفرا وقعدوا ياكلوا وكل حد حكى الى حصل له انهاردة
واية بتسمعهم

مرة تضحك ومرة تزعق ع تصرف عملوه

هى حنينة اوى ،بس مطلوب منها تكون شديدة وحازمة

عشان يطلعوا بنات صح

وسط كل القرف الى هما فيه ...وفى ظل التعامل مع مجتمع بدأت
افكاره تنحدر للاسوء

قاموا من الغدا ، بتجهز بسمة عشان الدرس الانجلس بتاعها
آية عاوزة تاسسها من ٣ اعدادى عشان تفرح بيها بدخول كليه
محترمه

حتى لو كانت بتعصر ع نفسها فالمصاريف لان يدوب معاش
والدها مكفى مصاريفهم الحالية ...

لغاية م تلاقى شغل

اما عن هبة فقامت تنام شوية عشان بليل تصحى تعمل الهوم
وورك بتاعها

فبرغم صغر سنها ٨ سنوات

لكن حاسة بمسئليه وعاوزه تنجح وتبقى شاطرة وتبقى دكتورة
زى م بتقول .

دى خرجت ودى نامت ، واية غسلت الاطباق

وبدات يومها المعتاد ك خدمة فشغل بيتها تلم غسيلها وتغسله
برضو برضا

ومش تعبانه ولا زهقانه من شئ.

يمكن الحاجه الوحيدة الى بتصبرها تمشى وتتحمل وتعدى الى
بتشوفه

هى " الفيس بوك "

عندها اكونت باسم " زهرة الصبار " بتدخل تتابع جروبات الطبخ

ونصايح نضافه اثاثات البيت

وجروب الروايات

بتغوص جوة كل رواية من دووول وتعيش كانها البطلة طول م
بتقرا

وبتحلم ببطلها الى اتحكم عليها انه ميغيش

بس مفيش مانع انها تحلم ،الحلم فحد ذاته متعه !

#بقلمى_نوراسماعيل



" رمل البحر "

بيبص لنفسه فسورته عالحيط ، وقت م استلم ميدالية

تكريم لبطولته فالكاراتيه .

بيتنهد وهو بيفتكر عيون الاء وهى بتهرب منه وقت م طلب
يتعرف عليها

لانه حابب يكمل حياته بيها كزوجه !

عاوز بس يوصلها وتعرف انه مش بيضحك عليها ، بس ايه الى
يضمنلها؟

للتعارف .. هو يبقا

محمد جهاد

اسكندرانى الاصل

بعمره ال 28 خريج كلية التربية الرياضية

شاب رياضى

حصل ع كذا بطولة للجمهورية فالكارتيه

طموح جدا

والده حب يأمن له مستقبله زائد شغله فمركز الشباب والرياضه

كمدرّب

ومشارك واحد من اصدقائه

ع چيمانزيوم للشباب

،الا انه عنده كافيه ك زيادة دخل وامان للمستقبل .

قصة اعجابه ب الاء ، بدأت ب اول مرة يشوفها فالكافيه من سنة

وكام شهر

بنوته اول انطباع تاخده عنها انها جذااابه جدا بجمالها

عيونها ملونة

بشرتها فاتحه

دمها خفيف ،ليها اصحاب كتير يعنى شعبيتها كبيرة واجتماعيه

اول مرة شافها شده فالبداية جمالها ،وبعدها بقا يقعد يتابع
حركاتها فالكافيه

ابتسامتها

ضحكتها

هزارها

بقى عاشق تفاصيلها برغم انه لسه ميعرفهاش ولايعرف عنها
حاجه

بس هو حس بدقات قلبه بتميل ناحيتها

هى وبس دونا عن غيرها

حاول محاولات مستميته لحد م وصل لاسمها

ومحاولة مستميته تانية عشان يلح لها باعحابه

واخر حاجه انه يصارحها ع طول

والتلاته باعوا بالفشل ...بس هو مش مستسلم 🙄

وفمكالمة عالفون ..

ايمن: عشان كده بقولك تعالى نجيب رقمها وكلمها وخلص

محمد جهاد : يعنى هجيب ازاي رقمها يافتك

ايمن: من اي حد ،هو احنا هنغلب

اي حد قريب لحد م صحباتها

محمد جهاد: انا حاسس انها حاسة اني بضحك عليها

ايمن: بص ،اصلى دخلاتك تخض
وبعدين يامعلم مش فاهم مالك مش ع بعضك ليه من ناحية
البت دى وعاوزها اوى كده ليه

محمد جهاد: شدانى بطريقه مش طبيعيه،ده غير طريقته
فصدى مخلياتى مش شايف غيرها
كل مرة احاول معاها ولابتعبرنى
شكلها محترمة وبنت ناس

ايمن: خلاص اسمع الكلام،نحاول نجيب رقمها
وكلمها
ولو منفعش الخطة دى نشوف غيرها
المهم قلبك يهدا يا كبير

محمد جهاد: يارب نفسي بقا ،الواحد متشحتف شحتفه
بنت كلب

ايمن: هههههه طير ياحمام

#بقلمى_نوراسماعيل



"العهد"

بتبص من بلكونة شقه عمتها ، لاقته جاى من المسجد
بعد صلاة الجمعة

واقف بجلابيته البيضاء بيتكلم مع حد وقفه فالشارع

اول مرة تاخذ بالها من ملامحه انها جميله اوى
واول مرة برضو تاخذ بالها انه فعلا وسيم جدا ، روفيدا كانت
بتبص له
وهو بيتكلم تحت وكانها اول مرة تشوفه .

هو " يامن " طالب سنة اولى كلية طب الاسنان
المنصورة

الشاب المتدين الى بيحافظ ع صلواته الفرض والنوافل
الى مش بتفوته اداء صيام رمضان ولا انه يساعد فى تجهيز
موائد الرحمن مع الناس

الشاب الى من صغره بيشارك فى جمعيات الخير لمساعدة
المحتاج
والفقير

ملامحه حلوة وتدخل القلب ع طول
انفه حادة وصغيرة

بيسيب دقنه وبيهدبها
عيونه عسليه اللون
شعره كثيف وبيهدبه
بس نظرة ضعيف ، فيلبس نضارة للنظر

عمره م رفع عينه لبنت ، ولاحد قال فحقه كلمة وحشه
اسرته اسرة ذات حال متوسط زى معظم الشعب المصرى
اب موظف وام ربة منزل
هو ابنهم الكبير وبعده ياسر فتالته ثانوى وبعده يمنى
اجتهاده خلاهم يدبروا كل قرش عشان كليته ومتطلباتها
فيوم من الايام هيشوفوه دكتور اد الدنيا .
اما عن روفيدا ، البنوتة الى كلها حيوية
معظم الى شافها
بيقول انها تشبه لبنات الهنود
شعرها الاسود الطويل الناعم
العيون المرسومه
والبشرة المايله للسماز الجذاب
الحواجب الثقيله الطويله

هى وحيدة باباها ومامتها ، وطلباتها كلها مجابه
فهى اتولدت فاسرة ميسورة الحال

اب مدير عام فالشهر العقارى ،وام ناظرة مدرسة

الخروج والفسح والرحلات ،كل حاجة وای حاجة روفيدا
نفسها فيها بتعملها بس بالحدود
تربيتها سليمة وبتعرف تحافظ عالثقه ..

بس من وسط دوشة حريتها وحياتها الى عايشاها لاكل وجه
بتحن دايمًا للمنصورة
لاحازتها هناك

لاصحابها الكثير الى اكثر من صحاب مدرستها فبلدها
ل يمنى ولماضتها رغم انها اصغر منها
ول يامن وصداقته واحساسها باخويته ليها الى اتحرمت منها
فهو الوحيد الى قادر يعوضها ده
بالذات لو كانوا هو وياسر ويمنى مصاحبينها من صغره هم ،بس
هى
بترتاح ليامن اكثر

عشان كده كل م تبعد ...بترجع بلهفه للمنصورة ☺)..

روفيدا: عمتو ،هروح اودى طبق الكشك ده عند طنط مامت يمنى
اخليهم يدوقوا عمايلى

العمة: طيب متتاخريش عشان ده وقت غذا
لبست اسدالها واخذت الطبق وراحت لهم ،خبطت وفتحت يمنى
باسوا بعض

روفيدا: حبيت اشارككم عمايل ايدى لاول مرة ادخل مطبخ

يمنى: مممم ايه ده

ام يامن: تعالى يا روفيدا ،ازيك وازى مامتك وباباكي

روفيدا : كويسين يا طنط الحمدلله بيسلموا عليكى

ام يامن: هما مجوش وياكى ولا ايه

روفيدا: لاوصلونى ورجعوا ،بس جاين كمان يومين ان شاء الله

دخل من باب الشقه يامن واول م شافها ابتسم ابتسامه عريضة

يامن: ازيك ياروفيدا

روفيدا: ازيك انت ،انا قولت تدوقوا عمايل ايدى لاول مرة مطبخ

وتقولوا راىكم

يامن: تسلّم ايدك بتتعبى نفسك ليه طيب

يمنى: ياسلام ياسلام (بتغلس عليه)

خارج ياسر اخون من اوضته لسه صاحى من النوم

ياسر: ايه ده ازيك يابت

روفيدا: بته اما تبتك ، اما حمار صحيح

ام يامن: عيب يياسر (بتضحك)

ياسر: ايه الى جايباه معاكى ده

روفيدا: ده كشك وانت مش هتاكل منه عشان انا الى عاملاه

ياسر: احسن مش عاوز يجينى تلبوك معوى (دخل لامه المطبخ)

عاملين ايه اكل

جعان

يامن: هتقعدى كتير ؟

روفيدا: طول الاجازة (مبتسمه)

يمنى: انا هدخل اشوف ماما بتعمل ايه (بتغمز له)

يامن: لاخليقى يايمنى (بتوتر)

روفيدا: ايه مضايقتك وقفنا كده

يامن: لابس عشان منبقاش وحدنا

روفيدا: وحدنا ايه م هما جوه، وبعدين كلكم اخواتى

اساسا انا بحس ان البيت ده بيتى التانى

زى بيتنا الى هناك بالظبط

يامن: ودى حاجه تفرحنا طبعاً

ام يامن (خارجه من جوه) نتي هتقعدى بقا عشان تتعدى معانا

زمان عمك طالع اهو يسلم عليكى

روفيدا: لا مش هينفع اتاخر ع عمتو

يلا بالهنا والشفاف

سابت الطبق عالتربيزة وسلمت عليه وخرجت ووقف لحد م نزلت
وقفل الباب ووقف متسمر سرحان مكانه..

ياسر: مش هتيجي تتغدا ؟ ولا هتتغدا واقف زى بتوع التيك واى
يمنى: لسه هنستنى بابا يا طفس

يامن: (مبتسم) هغسل ايدى وجاى

يمنى: (بتميل عالارض) توكة الشعر دى مش بتاعتى

يامن خرج وبص للتوكة

يمنى: يمكن وقعت من شعر روفيدا ، هبقى اديهاها

سندتها يمنى ع مسند الكنبه ودخلت تساعد مامتها فى تطبيط
السفرة

بحركة خفيفه خد التوكة يامن وحطها فجيبيه بهدوء ولا مين شاف
ولا مين درى .. ♣

#بقلمى_نوراسماعيل



"صائد البالون "

مارسلينو: يالى زمان انا كنت حياتك ...شيلت زمان ليه من حساباتك

زميل الشغل: سينو وطى الاغانى شوية مش عارف اشتغل
مارسلينو : هو احنا شغالين فمدرسة ، م تشتغل وانت ساكت
ياجدع انت

زميل: طب والله م عارفة اشتغل انت وعمرو دياب بتاعك ده

مارسلينو: عمرو دياب بتاعى !

اولا عيب تقول عالفضبه كده

ثانيا انا بعمل جو عشان ندخل فالمود بسرعة

زميل: لا ياراجل!

مارسلينو: طب مانا شغال اهو مشتكتش

زميل: انت ياعم بتعرف تتكيف ع شغلك كده ،انا مبعرفش

مارسلينو: طب اشتغل وانت بالع لسانك عشان بدات تصدعنى

سابه وبص لجهازه يكمل شغله وهو بيدندن مع اغانى عمرو
دياب

ده بقا يبقى مارسلينو شنودة

عنده 31 سنة ، خريج كلية الاعلام وبيشتغل فالعلاقات العامة
فشركة توريدات كبيرة

مارسيلنو عنده كذا حاجة بتميزه

خفة الدم

كفاء فشغله جدا

جسمه مليون وبيحب الاكل ، بس فوشه براءة اطفال حلوة اوى
عيونة ملونة

بيعرف يجذب اى حد للتعامل معاه ، بيعرف يكون جدع ف اوقات
و اوقات لا

ويعرف يكون نشيط اوقات و اوقات لا

لكن المعروف عنه من وقت دراسته فالكلية بين زمايله

انه لازم طول الوقت يكون مصاحب بنت

ومبيعرفش يقعد كده من غير ارتباط

والى يعرف كده يقول انه حد كيوت اوى فى ارتباطه ، بس هو
مش كده

هو حمادة تانى خالص ... 

مارسليانو: انا جوعت ، هطلب اكل
زميل: انت مش لسه واكل باكت بطاطس اد كده

مارسليانو: وهو بطاطس ده اكل؟! اسكت اسكت ياموكوس
(بيطلع فونه من جيبه وطلب اكل وقفل)

دخلت موظفه زميلته مكتبهم

زميله: ازيك يا مارسليانو ، بقولك ايه خد الفلاشة دي ظبطلى الى
عليها وهاجى اخر اليوم
اخدها منك

مارسليانو: ماشى يا قطة ، طيرى بقا
زميلة: قولى عامل ايه مع ريتا
مارسليانو: هنفرکش بس متقاطعيش

زميله : ليه كده ،دى بتقولى عالفيس من فترة ان فطريقك
للخطوبة

مارسليانو: هي قالتك كده؟

زميله: اه

مارسليانو: لايبقى قصدها ع واحد تانى ، انا شوفتها امبارح وانا
جاى عالشغل

شافتنى ودت وشها الناحية التانيه كانها شافت عفريت بعين
واحدة

واصلا بقالنا كتير متكلمناش شدينا سوا
وبس

زميلة: يعنى ايه

مارسليانو: يعنى بخ ، وفكك بقا بلاقرف
زميله: اومال يابنى كنت ارتبطت بيها ليه لما انت متعب كده

مارسليانو: عشان موزة !
زميلة (كاتمه الضحكة) نعم!

مارسليانو: اه والله ، اشوف انا اى موزة من هنا واتلوح
عامل زى فؤاد المهندس فقيلم لما كان بيحب جزم الستات
اشوف البت حلوة واموت انا من هنا

زميلته بتضحك

مارسليانو: ولولا انك مسلمة كنت ظبطتك ويلا ع مكتبك يا ام
شلتوت

هجبتك الفلاشة لما اخلصها

زميلته بتضحك وخرجت وهي بتستعجب له

مارسلينو بيدور لقي زميله باصصله باستغراب

مارسلينو: (بيقول بحزم يضحك) بص فورقتك!

#بقلمى_نوراسماعيل



"صاحب الابتسامة"

"قولى ياظه مش ناوى تكمل نص دينك؟"

ظه (بياكل فالبريك) لا مش حاظظ الموضوع فداغى بصراحه

زميله: ليه ياعم ،الجواز ستره

ظه : عندى التزامات كتير والله ،والجواز مش فبالى اصلا

زميل: م كلنا عندنا التزامات ،بس ميمنش ان الواحد نفسه كده

بعد يوم شغل طول يلاقى ست حلوة تدفى فرشته ياراجل

ظه ابتسم وكمل اكله ...

طه

عمره الحقيقي 36 سنة ، لكن اول م تشوفه تديله

سن اصغر بكثير

ابتسامته الحلوة الى مش بتفارقه ،بتدية طاقه مش عادية

هو مش وسيم ،ولا دميم

شاب عادى

مش بيهتم اوى بمظهره

لكن من اول طلة تشوفه فيها تحترمه وتحبه !

طه العائل الوحيد لعائلة مكونة من ٦ افراد

مامته واخواته الاربعة غيره

وكلهم اصغر منه

فيه الى لسه بيدرس وفيه الى خلص وبقا بيساعده فالمعيشة

ويشتغل

بسبب ظروفه ،درس بمعهد متوسط

رغم ذكاءه العالى

واجتهاده

وكل همه فالدنيا يوفر حياه كريمة لاهله ،ويريحهم

هما وبس ...

واخر حساباته نفسه !

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

" قصور الهوا "

"ايوة ياماما جياالك "

رباب (عالفون) : انتى بتقوليلها ماما عادى كده

رضوى : ايوة ، انا وعيت لاقتها فالببيت

رباب : والله انا لو مكانك م ارد عليها اصلا

رضوى : سيبك بس ، المهم هنعمل ايه دلوقت

رباب : قولتلك كلميه مش هيخطفك يا رضوى ، احنا قربنا ندخل

الجامعه

وفالجامعه

هنتعرف ع شباب عادى لانهم زمايلنا

فين المشكله

رضوى : ده مش مجرد زميلى يارباب ، انتى عارفة ان لو كلمته

هنتكلم كلام حب

وده عيب

عشان من وراهم هنا

وعمرى م كنت اتصور ان حسين يفكر فيا كده
رباب: هو فكر فيكى ازاي يابنتى انتى هتجنينى ؟
رضوى : يعنى لما اكلمه من ورا اهلى يبقى كده واخذ فكرة
كويسه عنى يا ام العريف
رباب: والله بقى شوفى هتعملى ايه انتى حيرتيني معاكى اوى

رضوى قفلت مع رباب ، وفضلت تفكر وحدها
هى البنت الى فقدت امها من صغرها
ووعيت عالديا لاقت باباها تزوج اخرى
وبقا ليها اخوات منها كمان
بس كانت كل م بتكبر بتحس ببعدها ، بتحس ان الست دى مش
منها
مرات باباها اوقات بتتعامل كويس معاها
وكتييير لا
ورضوى عادى مستحمله ، لان ساعات باباها بيراضيها
وبتعدى امورها
جدة رضوى مامت مامتها عايشه ،ويمكن هى دى الى بتحتضنها
اوى
بس طبعا لفارق السن الكبير مش بتفهمها اوقات
ومش هتفهم هى عاوزة ايه
كان نفسها مامتها تكون موجودة عشان متحسس بوحدتها كده
وحيرتها

وخوفها من اى تصرف صح او غلط..

اما حسين

فهو شاب عادى زيه زى شباب كثير فسنه ، فسن صغير انشد
لزميلته فابتدائى

وحس بحاجه غريبه مصحباہ كل م يشوفها
وبعد كل السنين لسه مصمم انه بيحس بشعور ناحيتها
مراهقته مترجمة ده انه حب ،وان لازم يتعرفوا ع بعض عشان
قلبه بيقول
دى الى هيكمل معاها

السبب الى شد حسين لرضوى هى انها هادية وحنونة
بتعرف تحتوى

فى فترة من فترات حياته

من سنتين مثلا ،كان فاولى ثانوى كان معجب بقريبة له
وهتستغربوا لانه صغير اوى وكان وقتها حاسس حاجه ناحية
رضوى

لكن كان بيترجم ان رضوى صديقه وان قريبته دى حبيبه
لحد م صدته وعانى بعدها من اكتئاب ومبقاش ييجى دروسه الى
بيشارك

رضوى وزمايله فيها

كانت بتتصل بيه ع تليفون بيته الارضى

زيها زى زميله تظمن عليه
وكانت بتهديه من اكتبه رغم انها متعرفش السبب
حس حنيتها وحس ان احساسه ناحيتها اتبدل
وان هي دى حبه الى بجد مش قرييته .

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡

"جنح اليمام"

بعد م قضوا اسبوع غسل برة مصر ، رجعوا لقواعدهم من تانى
هى فالمستشفى بتاعت باباها بتمارس كطبيبة امراض نسا وتوليد
وهو كابتن طيار

هو يبقى ايهاب

اصوله ترجع لمحافظة سوهاج يعنى صعيدى ، لكن عاش فترة
كبيرة بالقاهرة

من مستوى اجتماعى راقى

ع قدر من الوسامه

منقدرش نحدد ملامحه ان كلها جميله وعالشعرايه ، الكمال لله
وحده

بس كله ع بعضه كشكل وشخصية مُلفت وجذاب لا بعد حد

هو الشخص الى بيعرف يكون وقت الجد جد

ووقت الهزار هزار

بعد م وصل ال 38 سنة ،قرر بقا يكمل نص دينه
خضع لترشيحات اهله والقرايب
لحد م عجبته مواصفات وصال
لان كان شرطه يتجوز من طبقه اجتماعيه راقيه ومن بنوته ليها
كيان فالمجتمع
وافق وتمت الخطوبة وبعدها الجواز بفترة قصيرة
يمكن ملحقوش يدرسوا اخلاق بعض ولاصفاتهم ولاشخصياتهم
بسبب شغلهم الدائم وانشغالهم
بس الايام كفيله زى اى جوازة صالونات انها تعمر ..

اما عنها هي ،فهى وصال
بنت الحسب والنسب
كانت طالبة شطورة جدا طول مراحلها التعليميه
وفى كلية الطب
اتخرجت اشتغلت فمستشفى استثمارى بتاعت خالها وباباها
شركاء
وبعد فترة وجيزة عملت عيادتها الخاصه وبقث هنا وهنا شغل
متواصل مبتتعبش .

وصال: حتى القهوة وروحي للمطبخ

الخدمة: حاضر يا فندم

ايهاب: وصال ايه رائيك فى اقتراح

وصال: طيب اشرب قهوتك

ايهاب (بيتناول فنجان القهوة) ايه ده !

وصال: ايه

ايهاب: دى زيادة

وصال: مش انت بتشربها زياده

ايهاب: لاطبعا ، انا كل حاجه بشربها او باكلها بتكون خفيفه جدا
سكر

وصال: خلاص محصلش حاجه هقولها تغيرها لك

ايهاب: لا خلاص ، انا بس قولت اكيد اخدتى بالك واحنا مسافرين
الهونى مون
من الحتة دى

وصال: اكيد يا ايهاب مش هدقق فكل تفاصيلك كده ...مخدتش
بالى

افتكرت انك بتشربها زي

قامت وسابته ودخلت اوضتها بتغير هدومه ، دخل بعدها بكام
دقيقه

ايهاب: انتى بتغيرى هدومك

وصال: اه هنزل عيادتي بليل

ايهاب (استغرب) مش قولتي يومين وتنزلي لشغلك ، انتي تعبانه
من السفر

وصال: لا مش حابه ابعده اكثر من كده وحشني شغلي اوى

ايهاب: شغل ايه بس ، انا كنت هقولك تعالى نخرج بليل نسهر برة

وصال: لاسهر ايه انت مشبعتش دوشه وخروجات واحنا برة

ايهاب : لا طبعا لسه مشبعتش احنا فالهوني مون

وصال : والهوني مون ده مش ناوى يخلص ، بطل دلع بقا

ايهاب: تحبي يعني اخرج بليل وحدي ؟

وصال(ابدت تغير وبابتسامه سخريه) اكيد مش هيطلعك عفريت

هناك وانت وحدك

ايهاب بيقترب عليها بعد م شافها بدات تبدل لباسها وميل ع ودنها

باسها

ايهاب: طيب مش حرام اسهر وحدي عشان انتي وحشوكي

عياناتك !

وصال: مممم اوعى مش وقته خالص

وانا عاوزة اخذ دوش بسرعة عشان ارجع الشغل فريش وكلي

طاقه

سابته ودخلت حمامها الى فاللاوضه
فضل واقف مكانه وقالها بصوت عالي
ايهاب: احنا لسه عرسان ، واخدة بالك من النقطة دي

وصال بترد من جوه الحمام
وصال: وفيها ايه يعنى ، هو عشان. عرسان يبقى فطار وغدا
وعشا كدهو

ايهاب : وسحور ووجبة بين الوجبات كمان
بقولك ايه
(فتح باب الحمام ودخل)

وصال: اطلع بررره(مبتسمه وبتزوقه)
ايهاب: لا مش بليل شغل ، اخد تصبيرة بقا

وصال: يووووه انت زنان اوى
ايهاب: اوى اوى
وصال: امشى بقى عاوزة اخد دوشي فيه حد يدخل ع حد التويلت
كده

ايهاب: اه فيه انا
وصال: مبحبش الاستعباط ده
ايهاب : ده استعباط ،، ده اسمه دلع عرسان
وصال: دلع ايه بس

ايهاب: طب اساعدك فالشاور
وصال: انت مستفز اوى ،اطلع برة لو سمحت (بتضحك)
ايهاب: لاااااه !



بقلمى #نوراسماعيل



"صاحب الابتسامة"

مناسبة عند مدير الهايبر جميله ،وهى ان زوجته اخيرا حامل بعد
زواج 17سنة

فقرر انه يزين الهايبر كله ع حسابه الخاص

فبقى كل الى يدخله ينبهر بجماله وزينته دى 🤪🤪

ومنهم ... نهلة!

زميل طه ع جهاز بعده: هو فيه عيد ميلاد انهاردة ولا ايه ؟

بيقولها بضحك ك تلقيح ع الحجات الى شارياها نهلة ،شموع
وزينة تورتات وكريم شانتيه

لكن نهلة افكرت انه بيقصد ع زينه الهايبر ،بس طه فهمه
وابتسم ..

نهلة: (بتحط حجاتها عالجهاز قدام الكاشير) هو فيه مناسبة
انهاردة ولا ايه؟

طه (بابتسامه معهودة) ليه يافندم

نهلة: المكان كله زينه وحجات ملونة

طه: اه، المدير عنده مناسبة سعيدة فقرر كل الناس تفرح وياه

نهلة (ابتسمت) تمام ...ربنا يفرح كل الناس

طه: يارب ، شكل حضرتك عندك احتفال برضو انهاردة

نهلة: يعنى حاجه زى كده

طه: 502 جنيه يافندم

نهلة : اتفضل الفيذا

طه: ع فمة حضرتك جايبه حجات فيه منها وعليها عرض

نهلة: بجد! مشوفتش فين

طه: هناك فنفس المكان الى جبتي منه دول ،قولت انبه حضرتك
لا تكونى مخدمتيش بالك

نهلة: ربنا يخليك، انت عارف حتى لو فيه امكانيه ماديه لازم
برضو ناخذ بالننا من المصاريف طول الوقت كل حاجه محتاجه
فلوس فلوس

طه: اه طبعا ،الله يكون فالعون

نهلة: طب اناينفع ارواح اشوف وارجع بعض حجات؟ استبدالها
يعنى؟

طه: اه طبعا ينفع

اتفضلى

اخذت حجاتها من تانى فالسله نهلة تغيرهم ،وفعلا غيرتهم
وشافت الى عليهم عروض

ورجعت تحاسب ووفرت كثير عن السعر الاولانى ع كل الى
اشتريته اجمالا

نهلة: (بتاخذ اكياسها) متشكرة ..

طه: ع ايه ؟ احنا فالخدمة

نهلة : ميرسي ليك ، ع فكرة انا اعرف الشركاء الى فالهايبير ده
لو سالونى عن اكفا كاشير هنا هقولهم عليك

طه (مبتسم) يافندم انا معملتش حاجه

نهلة: لا ازاي ...كفاية ابتسامتك
عن اذنك

اخذت اكياسها ومشيت وغابت عن عيون طه ،بس هو الغريب ان
طه فضل ثوانى سرحان
ومخدش باله من المشتريه الى وراها !

الست: يا استاذ ؟

طه: اه يافندم اتفضلى ...

#بقلمى_نوراسماعيل

♡♡♡

" رمل البحر "

الاء وواحدة جارتها رايعين مركز شباب يشجعوا اخو جارتها
عنده

ماتش كاراتيه مهم عالجزام البنى !

جهزوا ونزلوا ودخلوا النادى ، واتجمعت اللاعبين ومنهم اخو
جارة الاء

وهى طبعاً بتشجعه مع اخته ، ومن وسط الزحمة

ظهر ..محمد جهاد !

الاء اتخطفت ! ووشها جاب الوان

طبعاً هتسال نفسها ،جاى هنا ليه وسبحان الله نفس الوقت الى
هى

فيه هناك

بس مع مرور الوقت والماتش اخدت بالها انه المدرب !

ابتسمت ابتسامه عريضة بينت نور صفين اللولى الى مخبياهم
شفايفها

ونسيت التشجيع وجارتها واى حاجه


ومركزة عيونها مع محمد..

اما عنه ،فهو ملاحظهاش نهائى من بين الحضور ،فيه كذا حد
جای

مع قريب له هيلعب الماتش

هو بس كان مركز مع الاولاد عشان تلعب كويس

والاء كانت هتموت ويشوفها وتعمل نفسها مش شايفاه زى كل
مرة

عادى 

الوقت بيعدى

الماتش خلص ،اخو جارتها مفازش!

فكان جای وهو زعلان ع اخته والاء مسكته وحضنته ماهو
صغنون

وقعدت تواسيه هى واخته

فالحظة دى شافها!!

رقبته اتلوححت ناحيتها ،وخطوة اتنين تلاته بقا قصاها واقف ..

محمد جهاد: الاء !!

الاء بترفع عيونها لاقته !

قلبا بيخبط فضلوعها مش بيدق ، جارتها مستتية تعرف

الاء تعرف المدرب منين ولا هو يعرفها منين
اما الولد الى كان بيلعب مستناش الاء ترد...

الولد: يا كابتن مش كنت بلعب كويس
محمد جهاد مش معاه وبيرد وهو باصص ع الاء

الولد: ياكابتن!

محمد جهاد: اه يا حبيبي لعبت حلو (باصص ل الاء)

الولد: او مال مكسبتش ليه (بزعل اطفال)

محمد جهاد : المرة الحاية يكون ادائك احسن وتكسب ان شاء الله

الاء (بارتباك) يلا بينا بقا نمشى

سنظت ايدها ع كتف الولد واخته من الناحية الثانية ، مشى خطوة
زيادة عنهم ووقف قدامهم تانى

محمد جهاد : الاء ..استنى متمشيش عايزك

الاء: نعم!

جارتها؛ فيه ايه يا الاء ،انتى تعرفى الكابتن

الاء: لا معرفوش ،ومعرفش ليه بيطلع لى فكل حته اروحها

محمد جهاد : مانا والله نفسي تعرفيني واعرفك
الاء: ايه الاسلوب الغريب بتاعك ده

جارتها اخدت اخوها وبعدت شوية عنهم ،

الاء: نفسي افهم عاوز ايه

محمد جهاد : عاوز احبك

الاء: تانى ؟

محمد جهاد : وتالت ورابع ولحد م تصدقيني

الاء: طب عاوز ايه دلوقتي

محمد جهاد: اكيد صدقنا الكثير دي وراها حاجه والله

الاء: اه ده ع اساس اني متتبعاك مثلا

محمد جهاد: لا انا بقصد ربنا عاوز كده يحصلنا

الاء: انا همشى

محمد جهاد: مش قبل م اخد رقم تليفونك ... (بتوسل) ارجوكى

الاء: تليفونى ايه انت مجنون ؟ اعرفك منين انا عشان تاخذ

نمرتى

محمد جهاد: والله انا ناوى خير ، ومش بكذب
بس عاوز نعرف بعض الاول بطريقة محترمه وطبعاً هتقولى
اتقدملك

مثلاً واجى البيت

حقك

بس افرض مطلعتش الشخص الى تحبى تكلمى معاه
او مرتاحتيش
كل الى هطلبه شهر واحد بس ، وبعدها لو لاقيتى منى
اى حاجه ضايقتك او انى بلعب بيكى مثلاً
اعملينى بلاك ليست واوعدك عمرى م هتعرضك فحته

الاء: يعنى عاوزنا نتصاحب شهر !! ياسلام
محمد جهاد : مسمهاش صحوبيه ، اسمها بنتعرف
باحترام

جارتها: الاء هتروحي معانا ولا هتفضلنى شويه

الاء: انا لازم اروح معاهم
محمد جهاد: لا استنى ، ارجوكى تجيبى الرقم لانى اكر من كده
مش قادر

الاء بصتله باستسلام .

محمد جهاد (مبتسم) اعتبريني بتاع كشاف النور

وخذتى قمه يصلحك العداد ...بتاع الغاز

بتاع الانابيب

اعتبريني واحد بترنيه ييجى بيتكم ياخذ حسنه

وياخذ بعضه ويمشى ...والنبي ياشيخه توافقى ♡

.بابتسامه بصاله ...وظلعت فونها من شنطتها

الاء: اصل مش هخلص انا عارفه ،قول رقمك

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

"قصور الهوا"

فشات الفيس بوك ...

رباب: هو ده رقمها كلمها انت يلا

حسين: انتى جدعة اوى يارباب بجد مش عارف اقولك ايه

رباب: ياعم عد الجمائل بس ،صعبت عليا كل ده مستنى وهى
مش هتعملها

حسين : بس اخاف تقفل فوشى

رباب: متقلقش هههههه هى مش هتعمل كده
يلا روح كلمها وبعدين قولى الاخبار

حسين: لا مش دلوقتى ،هشحن الاول

رباب،: اوك اشطا سلام

حسين دون رقم رضوى عنده وبصله كده هيموت ويكلمها
ويسمع صوتها منه ليها كده

من غير جروب دفعتهم عالفيس عشان الدروس

ومن غير التليفون الارضى الى مش مضمون مين ممكن يسمعه..

حسين (بيكلم نفسه) اول مكالمه دى اكيد هيبقى فيها كلام كتير
وممكن تسحب جامد

يعنى عاوزة شحنة جامدة كيك

مممم

(ببيعت رسالة للشركة يعرف بيها رصيده لاقاه 8جنيه)

حسين (مبتسم) حلوين ، بس لا ممكن يخلصوا

انا هبلطج ع اخواتى وبابا وماما

انا لو كل حد منهم بعثلى 2 جنيه بس هيبقا تمام اوى

قام من مكانه ودخل لمامته

حسين: ماما ... عندك رصيد

اصل معديش وعاوز اكلم واحد صاحبي فحاجه مهمة

الام: عندك تليفونى اتكلم منه

حسين: لاهحول من عندك اتنين جنيه

حول رصيد ، ولف ع بقية افراد العيله بنفس الكلمتين ونفس

السيناريو

حول لنفسه مبلغ كويس فوق الى كان معاه

دخل اوضته وقفل الباب واستعد ، بيرن الجرس ...

رضوى: الو ...

حسين: ايوة يارضوى

رضوى: ايوة مين ؟

حسين: انا حسين ! وبصى متقليلش السكة

انا عاوز اتكلم معاكى فحجات كتير اوى

رضوى: (مخضوضة) بس انا انت جبت رقمى مينين ؟

حسين : جبته وخلص

اسمعينى بقا لانى سالف 4جنيه عشان اكلمك

اساسا اول م عرفت الرقم مستنتش انزل بكرة اشحن واستلفت
عشانك

رضوى: (انبسطت) حسين ...انت عملت كده عشان تكلمنى يعنى

حسين: اه طبعا عشان اكلمك ...رضوى انا ..

رضوى: انت ايه

حسين: انا مشدود ليكى اوى وحاسس انى بجد

رضوى: لا لا بص متقولش حاجه ،خلينا نتكلم فای حاجه تانيه

انا اعصابي مش هتستحمل

اي كلام

كفاية مفاجاة اتصالك اصلا

حسين: لا سيبينى اقول واتكلم بقا ، مش اول م خلاص اتلميت ع
رقمك

عشان نتكلم تقويلي متقولش

من برة اوضة رضوى بيناديها اخوها

رضوى: (بخوف) هقفل يا حسين معلى ، سلام سلام

قفلت وحسين اتفاجئ انها قفلت الفون، سكت ورن تانى

كنسلت وقفلت موبايلها

استغرب رد فعلها ده

بس يعتبر مرحلة اولى وعداها ...ولسه الى جاي ...!

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

" جنح اليمام "

داخل المطار ببدايته الملفته جدا للنظر ، بيص لزمائله وبيرد ع
تهنئتهم

له بابتسامه وهو بيعدل الكاب

دخل ياخذ قهوة قبل م الرحلة الى طالعها .

مضيفه ١ : كابتن ايهاب مبروووك

ايهاب: الله يبارك فيكى

مضيفه ٢: المطار منور انهاردة ، انا بقول عريسناجه

حمدلله عالسلامة

ايهاب: الله يسلمك

مضيفه ٢: اخبار العروسة دكتورة وصال ، زى القمر اهنيك ع

اختيارك

ايهاب: تمام (مبتسم)

المضيفه ٣: ايه ده كابتن ايهاب! هقولهم بيعتوك الكوفى بتاعتك

بسرعة

مضيفتين من بعيد عنه باصين عليه ...

مضيفه اولى: شايفه الدبله الذهب منورة فايده ازاي

وجاي مبتسم ومنشرح

طبعا مبسوط وانا هطق

مضيفه تانية: م خلاص بقا الله ، انتى عارفه انه مكانش واخذ

باله منك من الاساس

تعالى نباركله عشان مييقاش شكلنا ملحوظ

مضيفه اولى : لا مش هروح

مضيفه تانيه: براحتك هروح انا

عند ايهاب جم زمايله يسلموا عليه

زميل ١ : ياعم ياعم الجواز بان علينا وشك ولا القمر

ايهاب: يابنى لاتحسدنى يخربيتك ملحقت اتها

زميل ٢: والعروسة وافقت تنزل شغاك قبل الهونى مون م يخلص

ايهاب: اه ياسيدى وافقت وحطت لى دماغه ع طلب كتابى منى ليها
كمان

زمايله بيضحوا

زميل، ٣: اه طبعا اذا مكانش كابتن ايهاب بتاع الدمغات هيبقى
مين

ده انت لاعيب يابنى هههههه

مضيفه ٤: الف مبروك ياكابتن ،الفرح كان جميل اوى
ايهاب: عقبالك (بيبص فالساعة) يلا عسان نستعد

استعدوا طاقم الطيران ،واتنده ع الرحلة فالمايك

وركبوا الركاب

والطيارة علاقلاع خلاص، ايهاب فمايك الطيارة

ايهاب: كابتن ايهاب محسن يرحب بيكم وبتمنالكم رحلة سعيدة
وتوصلوا بالسلامة ان شاء الله ...

طلعت الرحلة وفي غضون ساعات وصلت بالسلامة ، وصلوا
طاقم الطيران

وظلع ايهاب ع فندق عشان بكرة عنده رحلة تانية وراجع

حط شنطته وغير وريح شوية ، واتصل ب وصال

مرة

اتنين

خمسه ...ومفيش رد !

اتضايق شوية وركن الفون جمبه ، ودخل اخد دش

وظلع نام .

بعد ساعتين صحى وبص فالساعة وفالفون ،ملاقهاش اتصلت ولا
حاجه !

رجع واتصل تانى بيها وهو فقمه غيظه
وفالمره التالته ردت

ايهاب: ايه يا وصال كل ده

وصال: معلىش كنت بعمل سيزريال ومش سمعت ميسداتك

ايهاب،: ياسلام ،انا قولت اول م اوصل هتتصلنى بياتظمنى
وصلت ولا ايه

وصال: اكيد وصلت بالسلامة يا ايهاب يعنى هى اول رحلة لىك
ايهاب: لا مش اول رحلة ،بس انا افكرت انى اول م اوصل
هلاقيكى

بتتصلنى ...دى اول رحلة ليا بعد جوازنا

وصال: سورى بجد بس من الصبح مشغولة عملت ٢ سيزريال
ويدوب

قعدت اريح اهو

حد من النيرسات نده عليها

وصال: اوک جايه ، سورى حبيبي هقفل بس دلوقت بينادونى
باى باى

قفلت حتى مستنتش يرد ، سكت وبص فالساعة لقي لسه بدرى
غير هدومه ونزل يسهر فای حته احسن من قاعدته لوحدہ
لحد بكرة ...

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡

"كسرة فنجان "

زعيق وصوت قالب العمارة الى هما فيها عاليها واطيها ،
الجيران

اتعودت ع ده

بقالهم فترة

من وقت م بسمة ابتدت تكبر،وهى مش مريحه آية خالص

آية : ايه الدرجات الزبالة دى ، فهمينى ايه الدرجات دى

بسمه: اعمل ايه يعنى ، انا كنت بحل كويس فكله
معرفةش ليه جبت درجات ضعيفه كده

آية : يعنى ايه متعرفيش
بسمه: يعنى معرفةش ..الله!

آية: حرام عليكى بقا ، انا هموت واشعبطك فای كلية كويسه
انتى واختك
عاوزاكم تبقوا ليكم شان فالدنيا
مش مجرد متعلمين وخلص

بسمه: وانا عملت الى عليا ي آية

آية: لا معملتيش ! انا بس الى بعمل
باكل واشرب واصرف دروس وكتب واقلام ولبس
وكل يوم بروح اقدم فشغل واتنين وتلاته
عشانكم

هبة جت من بعيد طبطبت عليها

بسمه: وانا والله ذاكرت وحليت هعمل ايه تانى

آية: شدى حيلك عن كده بقا ابوس ايديك ،ابوس ايديك حسي بيا
اناضحيت بكل حاجه عشانكم
حسسينى انى كسبت وانا شيفاكم بتتجحوا فحياتكم
انا تعبت يا بسمة تعبت والله (عيطة)

بسمة اتوجعت لدموع خالتها ، وراحت طبطبت عليها
وباست راسها

بسمة : حقك عليا ، الترم التانى هعوضهاك والله
وان شاء الله هدخل ثانوى عام واجيب كليه تتشرفى بيا فيها

آية بتسمح دموعها

بسمة: خلاص بقا ، هقوم اعمك احلى كوبايه لمون تروق
اعصابك

هبة : وانا هلم لك الغسيل ياخالتيو عشان انتى تعبانه انهاردة

آية ابتسمت ع براءة هبة وباستها ، واتنهت
وهى باصة لصورة متعلقه عالحيطة وهى بتقول

" يارب "

#بقلمى_نوراسماعيل



" صائد البالون "

حفلة عيد ميلاد لابن واحد صاحبه اتعزم عليها وراح ،لبس طقم
حلو وحط برفيوم
وانطلق .

بيهيصوا ويغنوا والطفل صاحب العيد ميلاد راسم وش ع وشه
ومارسيلينو جاب هدية وقدمهاله وقت م طفوا الشمع
وبعدين كل حد اخذ قطعة من التورتة وزود فطبقه من الحجات
الباقية

فالاو بن بوفيه

ووقفوا يتكلموا اتينات اتينات ، او شلة شلة

مسك الدرينك بتاعه وقال يتمشى يغلس ع اصحابه ،كلمة من هنا
ع قفشه من هنا

عمل جو فرفشه فالحفله ، ومن وسطهم لمح بنوتة جميلة جدا
لابسة جيب قصيرة

وشعرها طويل واصل لحد الجيب تحت!

مارسليانو شافها و عيونه ز غللت ، و كأن فيه ريموت كنترول
بيحركه
راح ناحيتها ووقف ..

مارسليانو: خدتى حطة تورتة
البننت: ايه؟

مارسليانو : اخدتى حطة تورتة ، اصل انا مسؤل التورتة هنا و عدد
الشمع
البننت ضحكت

مارسليانو (مد ايده) مارسليانو شنودة
83 كيلو ..

البننت : يالاهوى ع كده ههههههههه (بتضحك اوى)

مارسليانو : انتى بتضحكى فنص التعارف ليه استنى اكمل
31 سنة

شغال فالعلاقات العامة

طولى 170 سم

ولابس شوز بنى ب 280 جنيه

وعنيا خضرا والنظرة قادرة تسحر قلوب

البننت (مدت ايدها) دولاجى عزت

مارسليينو (عمل حركة براسه تضحك) ايه !

البننت: دولالااچى ،اسمى دولاجى

مارسليينو : ايه دولابي ده ،ابوكى ملاقاش اسم اصعب من كده

دولاجى: هههههه دولاجى مش دولابي

يعنى عطيه ربنا من السما

مارسليينو: ايوة يعنى اسمك دولابي ولا عطيه

انا توھت

دولاجى: (بتضحك) انت عاوز ايه

مارسليينو: عاوز اعرف اخر الجيب دى فين

دولاجى ضحكت اكثر ، وهو ضحك وياها وكمل كلام معاها

والدردشة طولت لتبادل الارقام

يامن: (خجلان) بصى يا دكتورة حور ، انا ممكن اديكى ورق
محاضراتي
تصوريه

حور: انا عاوزة شرح يا دكتور يامن ، مش فاهمه

يامن: بس انا كاتب بطريفة مبسطة هتفهمك والله
حور: لا معلى ، حاول تشوف اى وقت تشرحهالى فكافتيريا الكلية

يامن (قلع نضارته مسحها ولبسها تانى ارتباك) طيب بصى
شوفى حد تانى من زميلاتك الافاضل عاوز يفهمها برضو
وانا هشوف حد من زميلى واشرحها ليكم كلكم فالكافتيريا
واهو كلنا نستفاد

حور (ابتسمت) اوك هسوف وابلغك ، شكرا ي يامن اوى
يامن: الشكر لله ، بعد اذنك يا دكتورة

يامن مشى ، وقربت صديقة من زميلات حور عليها

صاحبته: مش هتبطلى حججك الفارغه دى ، محاضرات
ايه الى عاوزاه يشرحه

انتى فاهماهم واراھنك هترتبي عالدفة السنة دى

حور (سرحانه باصه ع يامن) هموت وياخذ باله منى ،همووت

صاحبتهأ: ولاعمره هياخذ باله ، ده مبيرفءش عينه من الارض

حور: عارفه مش محتاجه توضحيلى

صاحبتهأ: انا بجد عاوزة اعرف عاجبك فالواد القفيل الى انقرض

ده ايه ؟

والله بجد مستغربالك جدا

حور : ماھو ده الى عاجبنى فيه ، التزامه وادبه واخلاقه العالیه

يامن مبقاش موجود منه

اديكى شايفه وبصى حواليكى العيال السيس اد ايه

اما هو فمفیش غير يتعد عالصوابع

صاحبتهأ: ده خنيق يابنتى ،بتقوليله اشرحلى قالك جمعى اصحابك

ده هيخليكى تكتمى فنفسك لحد م تطقى منه

حور: (بصت لصاحبتهأ باستهزاء) هتفضلنى غبيه ...اھو كلمة

جمعى اصحابك دى عندى تسوى كتير
بيخاف الله ع بنات الناس قبل اى حاجه


صاحبته: ايوة واخرتها مع عمنا الشيخ

يامن: الشيخ الى مش عاجبك ده راجل بجد

راجل اتمنى اعيش خدامته ... طول عمرى . ♡

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

#بقلمى_نوراسماعيل



" صائد البالون "

فمقابلة فكافيه ،كان مارسلينو ودولاچى قاعدين سوا
بعد مرور شهرين على تعارفهم ..

دولاچى : المكان هنا حلو اوى

مارسلينو : انت الى محليه يا جميل ،ياحلو انت ياحلو

دولاچى : قولى يا مارو ،ايه الى عاجبك فيا

مارسليينو (ببصه متفحصه عليها كلها) الجيبة بصراحه جابتلى
روشة فالنافوخ

دولاچى: ي اخى بقا بطل هزار ،بتكلم جد
مارسليينو: بتكلم جد متقولش لحد

دولاچى: متعرفش تقعد انت من غير م تهزر ، يعنى بصراحه
ايه اكثر حاجه عجبك
فشخصيتى

مارسيلينو : شفائفك ...شفائفك تحسى انهم عاوزين يتاكلوا اكل
دولاچى : يوووه يامارو

مارسليينو: طب والعدرا شفائفك اكثر حاجه عجبانى فشخصيتك
دولاچى : واكثر حاجه فيا حسستك انى قويه الشخصية

مارسيلينو : بصراحه لبسك وطول شعرك ، عرفونى انك قويه
الشخصية
دولاچى: ازاي

مارسيلينو: ازاي الى هو ...بصى...شعرك الطويل ده
قالى انك بتستخدمى زيت دابر املا الى خلاه قوى

وقوته ادتك قوة شخصية

فهمتى

دولاجى (ابتسمت) اه ...فهمت

طب وايه اكثر ميزة فيا حبيتها

مارسيلينو : ده امتحان يا دولاجى ولا ايه ؟

دولاجى : لا لا متتهربش ،جاوب عليا بقا

مارسيلينو : اكثر ميزة فيكى هي لون الروچ الى بتحطيه

دولاجى: ازاي

مارسيلينو : زى الناس

دولاجى : لا قول بقا ، قول حاجه بتميزنى عن غيرى

مارسيلينو (بيبرطم وبيبعد وشه عنها) يخربيت امك ياشيخه (

بيبصلها) حبيبتى احنا هنقعد

اليوم كله بنحل الشيت ده

م خلاص بقا خلينا مع بعض ناخد وندى بشكل ودى زى السكينة

فالحلاوة كده

دولاجى: طب م احنا بنتكلم اهو

مارسيلينو: لا عاوزين نتكلم كلام بقا يجيب من الاخر ،يعنى انتى
وانتى بتنامى بتلبسي ايه

لما بتطلى الساحل بتقعدى قدام البحر ب ايه
اكثر فستان قصير عندك بيوصل لحد فين
كده

هو ده الكلام المفيد

دولاچى: مم فهمتك ،انت عاوز تعرف انا بجيب هدومي منين
بصمم عند مين فساتينى
هقولك

انا مبشتريش انا بعمل اى موديل يعجبني
عند خياطة فظيعة اسمها نانى لما اروح فاقرب وقت هاخذك
معايا

مارسيلينو (ببصه استياء) تاخدينى معاى فين ؟
دولاچى : هاخذك معايا عند نانى ،عندى مناسبة قريب وهفصل
فستان جديد
حتى عشان تقولى رايك فالفستان

مارسيلينو: وده قصير ياروحى ؟
دولاچى: معرفش ..بس بتسال ليه (بدلح) بتغير عليا
مارسيلينو : لا عاوز اشوف ركبك

دولاجی: لیه مالها رکبی ؟

مارسیلینو : اصل بصی انا بعرف هکمل مع الی قدامی من رکبها
،عندها شرح

عندها رباط صلیبی

لازم اتطن

دولاجی : (بابتسامه) اوک یاحیبی ،ها هنعمل ایه دلوقت

مارسیلینو : تعالی نطلع ع شقتی

دولاجی : (برعت) ایه !؟

مارسیلینو: (اتخض) مالک

دولاجی: شقتک ! بتقول شقتک

مارسیلینو : لا بقول تعالی نشوف هناکل ایه انهاردة ،لیه بس

الظن السی ده

لیه تجرحوا الناس

دولاجی: خلاص خلاص متضایقش شکلی سمعتها غلط ،تعالی

نختار ناکل ایه

مارسیلینو: یلا مدام مفیهاش شقه یبقی ناکل ،اختاریلی یاحیبیتی

دولاچى: يو ار سو سويت يا حبيبي ..

مارسيلينو مبتسم بهبل

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

"جناح اليمام"

بعد رجوعه من رحلة دامت لسفره برة مصر ٣ ايام .

قرر ايهاب يعوض وصال غيابيه ده ، بما انهم متزوجين
مبقالهمش كام شهر

بس بحكم الشغل لاهى ولاهو عارفين يقعدوا شوية سوا ..

رجع ملاقهاش فالبيت كالعادة ، فقال ف نفسه اكيد هى فالعيادة

اتصل بيها والمحادثة كانت كالآتى ..

وصال: وحشتنى ، جيت امتى

ايهاب: انتى وحشتينى اكثر ، لسه واصل

قوليلى قدامك كتير

وصال: يدوب كام كشف واجيلك بسرعة البرق

ايهاب: بقولك ايه م تزحلقهم بقا

وصال (بتضحك) طب اقولهم ايه ، اذا كانوا شايفينى فالعيادة اهو
ايهاب: قوليلهم انك بتولدى

وصال بتضحك اوى على كلامه

ايهاب: يلا بقا

وصال: لا يلا ايه ، بص معلى اقعد اتسلى قدام التى فى او افتح
نت شوف اى حاجه
وانا بسرعة هجيك

ايهاب: يا وصال هتتاخرى والله

وصال: لا بجد بسرعة هخلص الكام كشف دول واجى ، قول لهم
عندك يحضروك اكل
ولا اطلب دليفرى

ايهاب: ياستى انا هظبط كل حاجه ، بس انجزى انتى

وصال: حاضر ، يلا باى باى

ايهاب: باى باى كده مفيش تصبيرة ؟

وصال: يادى دلحك يا ايهاب ، يلا باى عطلتنى وكله من وقتك انت

قفلت واستعد ايهاب ، قال للشغالة ع اصناف اكل تجهزها للعشا
فظرف ساعتين

دخل اخذ دوش عشان يبقا فريش

حس بالجوع ،فعمل سندوتش نوتيللا تصبيرة

وفتح يوتيوب يشوف فيلم ...السغالة خلصت تحضير الاكل

ايهاب: خلصتى كده كل حاجه

الخدمة: اه ،حضرتك عاوز حاجه تانية منى

ايهاب: لا امشى خلاص ميرسي ،حضرى بس السفره عالتحضير
وبس

الخدمة : ماشى حضرتك

الشغالة خلصت الى وراها وغيرت هدمها ومشيت ، وبدا يظبط
ايهاب كل حاجه

ولع شموع فكل حتة

شغل اغنية رومانسية

رش لنفسه بيرفيوم بيميزه رايحته نفاذه جايبه من باريس رأساً

واستنىعدت نص ساعة ولا حس لوصال او خبر

اتصل بالفون ..

وصال: خلااص اخر كشف الجاى ده وهتلاقينى عندك

ايهاب: طيب يلا عشان انا ع اخرى

وصال: اوام متقلقش

ايهاب: اما انا جايبك حته هدية معايا ، هتعجبك اوى

وصال: لا متشوقنيش ، استنى اما اجيلك بقا

باى باى

ايهاب: باى

ايهاب انتظر شوية وبدأ يمل ، فتح الفيس بوك

وبدا يتصفح

ايهاب بحكم انشغاله الدائم معدوش وقت للسوشيال ميديا كتير

فبطبيعة الحال

لما بيزهق بيفتحه يشوف اخبار الدنيا وخلص ، بيتصفح

فالاكونت

ولقى نفسه فجروب غريب كده

مضمونه هو مالوش دعوة بيه خالص

استغرب!

هو مش بينضم لجروبات ، شاف مين عمله انضم

لاقاه حد من صحابه

اتصل بيه

ايهاب: ايه يا ض يا عرة الجروب الى انت مدخلنى فيه ده)
بيضحك)

صاحبه: طب قول ازيك ولا اى حاجه طيب ياعم

ايهاب: ازيك ايه بس ،انا مالى بجروب عمال يشتم ع كل حاجه
فالبند ومش

عاجبه حاجه وشوية وهي عمل انقلاب

مالى انا

صاحبه: معش غلطة من عندى دى ،كنت بضم للجروب اكبر عدد
فجت رجلك

اسف يا حوبي

ايهاب: انت عيل فاقد اصلا

صاحبه: م خلاص بقا يا عريس ،وبعدين عريس زى الفل زيك

ماله بالفيس

ايهاب: ياعم عدت شهر اهيه مبقيناش عرسان

صاحبه : لا عريس ومليون عريس والى يقول غير كده ينضرب ع
عينه

ايهاب: طب اقل ي اقل

قل ايهاب وهو بيضحك ، وبعدين كمل تصفح
وخده الوقت ، نام وهو ماسك الفون !

عدت ساعة وانتبه صحى بص لقي كل حاجه زى م هي ووصال
مجاتش
اتصل بيها ..

ايهاب: هو ده الى اخر كشف يا وصال؟
وصال: معلىش بجد فاجئتني حالتين ولادة سورى ي ايهاب

ايهاب: (متضايق) يعنى ايه؟
وصال: ي ايهاب غصب عنى اعوضهاك يوم تانى ، مضطرة اقل
لانى داخله اوضة
العمليات تانى ..باى باى

قل ايهاب وهو متعصب ورمى الفون بعيد ، طفى الشمع
والاضاء الخافته ولاغانى
ودخل اوضته ورزق الباب وراه !..!

#بقلمى نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

" رمل البحر "

محمد نايم فسريره بيتكلم وهو هيمان ،وعالناحية التانيه من الخط
الاء طايره فالسما ...

الاء: الاهتمام ده كله علشانى يعنى ؟

محمد جهاد : اه طبعا ،معنديش اغلى منك اهتم بيه

الاء: يعنى تصحيني من نومى عشان الجامعة ، وكتلى وشربتى

واما اتعب خدى دواكى وتتصل تفكرنى بميعاده

معايا 24 ساعة بتظمن عليا وبتسمع اخبارى وحصل ايه

ومحصليش ايه

حتى حكايات البنات التافهه بتسمعنى ومش بتمل منى

لابجد... انت حقيقى

محمد جهاد : وليه تحسى انى مش حقيقى يعنى ؟

الاء: اصل محدش بيعمل كده بصراحه

محمد جهاد : بالعكس ،الانسان الصادق الى بيحب بجد من قلبه
ومبيلعبش ببينات

الناس

الى جواه هيطلع بصدق ،مش هيمثل الحب والاهتمام
وانا فعلا بحبك ي الاء ..

الاء: من ساعة اول مرة قولتهاالى لحد دلوقتي ،وكل مرة قلبي
يدق اوى
اما اسمعها

محمد جهاد: عشان بتطلع من قلبي لقلبك ،ويعلم ربنا انى صادق
فكل كلمة
وقصدى خير

الاء: طيب مش ناسى حاجه يامحمد ؟

محمد جهاد : ناسى ايه يا حبيب محمد ...فكرينى

الاء: اقولك ، انت قولتلى هو يدوب شهر هنتعرف ع بعض
واحنا اتعرفنا اهو

وصدقتك بجد ،مش ان الاوان للانسان الصادق فمشاعره ده
يتكلم رسمى بقا

محمد جهاد (ابتسم) طبعا !! يعنى انتى خلاص موافقه ؟

الاء (بتضحك) اوما بقولك ليه ؟

محمد جهاد : طب م تنطقيها بقاياشيخه نشفتى ريقى

الاء (بتضحك اوى بكسوف) لا مفيش حاجه هنتقال غير لما كل
حاجه تمشى رسمى

محمد جهاد : اموت انا فالرسمى ،خلاص حدديلى معاد مع الوالد
وانا من قبله الفجر هبات
ع سلم بيتكم

الاء (بصوت على) ههههههههههههههه

#بقلمى _ نور اسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

" كسرة فنجان "

من شهر إلا كام يوم...

استلمت آية شغلها ك واحدة من موظفى سكرتارية فشركة
مستلزمات طبيه

والحمد لله عرفت الشغل واخذت علي زمايلها
وهما حبوها جدا ، ومنكرش ان الشغل ده رفع شوية من
معيشتهم لان مرتبه على
زائد معاش والد آية فمصاريف البيت ..

زميلة : آية احفظي الشيت ده عشان هيعوزوه منك بكرة
آية : حاضر

زميله ٢ : آية هنزل ربعاية اجيب حاجه وارجع ، غطى عليا لو
المدير سأل

آية (مبتسمه) ماشى بس متأخريش
بدأت شغلها آية ومركزة فيه ، جالها اتصال من رقم غريب
ردت عليه ..

آية : السلام عليكم مين معايا

البنوتة : ايوة ي ابله آية ، انا زميلة بسمة فالمدرسة

آية (بخضه) خير فيه ايه ؟ مالها بسمة
البنوتة : مفيش متقلقيش ي ابله ، انا بس اخدت نمرتك من عندها
من غير م تعرف

عشان انبهك لحاجه معينه

آية : ايه قولى خضتيني
البنوتة : بسمة متصاحبه ع بنت معانا فالفصل مش كويسة ،
والبنت دى محدش مننا
بيصاحبها عشان هي وحشة وبنتحذر منها
انا حذرت بسمة كثير بس هي مسمعتش
وهي ليها تأثير كبير ع بسمة بصراحه وانا خوفت عليها ،لما
نبهتها كثير ومسمعتيش
قولت اقولك

آية داخت جامد اوى لما سمعت وسندت نفسها عالمكتب قدامها
بصعوبة

آية:اسمها ايه البننت دى

البننت: اسمها سمر

آية : ماشىشكرا ليكى انك نبهتيني

قفلت آية وهي حاسه ان الدنيا بتقلب وتعدل معاها ، داخت لما
سمعت ان ممكن بسمة تكون بتعمل حاجه غلط وبتقلد صاحبها
دى ..

بسمه وهبة اختها امانه فرقة آية وهى شايلها ، لازم تكون اد
الامانه دى والمسؤليه دى

تعبت وبدأت تحس انها بتفقد وعيها ، وفجأة وقعت عالارض
كان داخل الاوفس بوى فلقاها واقعه كده عالارض
اتخض وراح يقول لاقرب حد من ييجى يشوفها ، جه من زميلها
كام حد وحاولوا يفوقوها مش بتفوق خالص ..

اتخضوا عليها اوى ، اتصلوا بالاسعاف اخذتها وطلعوا
عالمستشفى

وهناك عرفوا انها اتعرضت لهبوط فالسكر ف ادى الى الاغماء .

الدكتور : انتى اخدتى حقنه اهو ، ومحلول الجلوكوز ده هيقومك
بس بعد كده ابقى خدى بالك من الاكل ومن جرعة الانسولين

واحدة من زميلاتها: ايه بس ي آية سلامتک ، معقول تبقى
مريضة سكر ومتقوليش

آية : انا مش حابة اقول لحد يعنى همشى بين الناس انى مريضة
مثلا

زميلتها يابنتى مش كده بس المفروض انك تنبهيناعشان ام
تحصل حاجة زى كده نعرف نتصرف

آية : الحمد لله على كل حال

زميلتها: الف سلامة عليكى ،يخلص المحلول وانا هرجع الشركة
لكن انتى المدير قال خدى باقى اليوم اجازة من غير خصم ابسط
ياعم

آية هزت راسها بالموافقه وبنص ابتسامه ،معندهاش نفس
تضحك بعد الى سمعته
وحصلها ...

بعد م رجعت البيت كانت منتظره بسمة ع احر من الجمر ترجع
من الدرس
واول م دخلت من الباب ..

بسمة : مساء الورد عالورد

آية : بسمة ، من غير لف ودوران
لو خبيتى عليا هعرف

بسمه: ايه ده فيه ايه

آية : مين الى البنت الى انتى متصاحبه عليها اليومين دول وكل
الى حواليكى
بيحذروكى منها

بسمه: بتتكلّمى عن مين (بخوف)

آية : بتكلم عن سمر ، عارفاها سمر

الى محدش بيصاحبها عشان اخلاقها وحشه وكله بيبعد عنها
ولحظى الاسود انتى الوحيدة الى تتصاحبي عليها وتتجرجرى
معاها

عشان ايامى انا السوداء فالدنيا تكثر واشيل اكرت مانا شايله

بسمه: سمر زميلتى فالفصل زيهم كلهم ، وانا مبتصاحبش

ع حد وحش ياخالتي

ثم ان مين الى قالك

آية جاية عليها وكلها بيغلى نار من الغيظ والزعل

آية: بسمه ... انا حذرتك

اوعى تفتكرى انك برة انا مبعرفش عنك حاجه ، انا كل خطواتك
بتوصلنى

شوفى انتى ايه فداغك وصارحيني بيه احسن م اتفاجئ

نتكلم سوا ،انا طول عمرى صاحبتك ومش عامله حدود

بسمه: (بمكابرة) انا قولتلك الى عندى ومغنديش كلام غيره

انتى بس الى بتخافى بزياده

محدث وحش وحد كويس

الى عاوز يعمل حاجه بيعملها واحنا فينا عقل نميز

آية: آخر كلامى البنت دى متمشيش معاها تانى

بسمه: متعودتش عالامر ياخالتي

آية : بقولك اسمعى الكلام (ضربتها بالقلم جامد)

بسمه مسكت خدها وفوقتها نزلت دموع عيونها ،وبصت ل خالتها

لكن آية جواها لامت نفسها ازاي تعمل كده اول مرة تضرب حد

فيهم

آية : ابوكى وامك لو كانوا موجودين وربوكى صح ،مكاثوش

سمحوا ب الى

بتعمليه ده

بسمه(الدموع فعيونها وماسكه وشها) بابا وماما لو انا معاهم

،كانوا هيتعاملوا

روفيدا (صوتها معيط) انا اخدت رقمك من يمنى اختك لان كنت
محتاجه اكلمك اوى

يامن اتخض من طريققتها ولهفتها

يامن : روفيدا انا .. انا سامعك فای وقت بس كلام فالفون

مش هينفع لان ده

روفيدا: عارفه غلط وحرام ،بس انت مش غريب عنى يا يامن
وبعدین انا بجد محتاجالك دلوقتى ومفیش اى طريقة تانيه تخلىنى
اتواصل معاك غير دى

يامن ساكت ..

روفيدا : يامن؟! سامعنى

يامن : اه سامعك اه ... بس

روفيدا : انا اول م اتخنقت من الى انا فيه مجاش فبالى اى حد
غيرك

لا صحباتى ولا حد من قرايبي

انت حد قريب منى واكثر من اخويا

ومش برتاح فكلامى الا معاك

يامن بيسمعها ويكاد يكون بيدوب ، من رقة صوتها فالفون

ومن طريقة احساسها فى احتياجها له
لكن مش عاوز شيطان نفسه يسيطر عليه ،بفوق من غيبوبة
هيامه ويستغفر

يامن: استغفرك ربي من كل ذنب
روفيدا: ايه ي يامن فيه ايه ؟ انت معايا

يامن : ايوه سامعك ، طيب بصى قوليلى مشكلتك واحكيها كلها
فمسج وابعثيهاالى وانا هقراها واراد عليكى
فمسج برضو

روفيدا: وليه تعب القلب ده ي يامن
يامن: معلىش ...عشان خاطرى كده افضل

روفيدا : انا كده مش هحس انك جمبي
يامن: (مش عاوز يتعمق قلبه بيدق بلهفه وسانده وكأنه هيقع
من جسمه) انا ...انا جمبك والله العظيم فى اى وقت
بس ...بس ضميرى بيأبني انى اكلمك وتكلمينى من ورا اهلك
واهلئ
ابعتيلئ مشكلتك وانا هشوفها واراد عليكى فوقتها والله

روفيدا : يامن انا مبعملش غلط ،لو حد من اهلى دخل وسالنى
بتكلمى مين هقولهم انه انت
انا مبعملش حاجه اخاف منها
ومش بنقول حاجه نخاف منها

يامن: عارف ،بس كونى بكلمك فالفون ده يعتبر خلوة لاننا وحدنا
عالخط

وده يخلى الشيطان يدخل لنا دخلات وحشه
ونسبح له بكده

صدقينى ده يعتبر حرام شرعا حتى لو عادى تقوليلهم فالبيت

روفيدا: مكنتش اعرف انى لما افكر فيك وتكون اول واحد
احتاجله مش هلاقيك
شكرا اوى ي يامن
عن اذنك هقفل

يامن ساكت لانه لو منعها هيتماو فالكلام ،قفلت وهى زعلانة وهو
يعز عليه زعلها
لكن رضا ربنا اكبر بكثير وده الى هون عليه ...

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

"قصور الهوا"

"احنا بعد الدرس نروح كلنا ناكل بيتزا ماشى"

حسين: لالا لالا انا هروح عالبيت

زميله: ياى متبقاش رخم بقا ، تعالى ناكل ونلفلف شوية وبعدين
نروح كلنا

حسين: انا عاوز اروح ، روحوا انتو كلوا مالكم بيا

زميله ٢ : ليه فيه حاجة معاك فالبيت ؟

حسين : اه اخويا الصغير تعبان شوية وهقعد جمبه لان ماما عند
خالتي

زميله ١ : ياسلام ! مرة واحدة اخوك تعبان ولا لما سمعت اننا
هنخرج ونلفلف وناكل

وندفع ظهر فجأة ان اخوك عيان

حسين: لا طبعا ايه الى بتقوله ده ، فعلا اخويا تعبان

زميله ٢ : بطل تضايق حسين بقا انت كمان

زميله ١ : طب حد يقوله انه هيعزمه كده ، والله هيطلع اخوه مش
عيان ولا حاجة

وهيجي هوا

حسين (مسكه من ياقة تى شيرته) قصدك ايه هاه
زميله ٢ : خلاااص .. بس بقا احنا هنتخاق فالشارع

حسين: اصله بيقول كلام يفور الدم

ابتدوا يهدوه زمايله ،كانت معدية رضوى وصاحبته بعد
درسها مروحين ونازلة من السنتر
حسين شافها ابتسم وشاور ع ودنه يعنى هكلمك

وهى هزت راسها بابتسامه ،ورباب خدت بالها
رباب: ايوة بقا ياعم الموبايلات واضح ان الصنارة شغاله

رضوى؛: بيقولى كلام حلو اوى يا رباب , وحنين عليا اوى اوى

رباب : مش قولتلك كلميه ومتخافيش منه

حسين بيحبك وهيخاف عليكى

رضوى: هو بصراحه بيحبنى اوى ، ربنا يخليه ليا يارب

تعالى نشحن بس من هنا

رباب: مميم يلا انتى مش معاكى كريدت ولا ايه
رضوى: لا معايا بس قولت اعمل حسابى وازود عشان كتير مش
بيبقا مع حسين رصيد
وبكلمه انا

رباب: اها ،وبتتكلما ف ايه بقا كل يوم ؟
رضوى: بصى ،هو دايمما بيتكلم اكثر منى وبيعرف يقول عنى
وانا بحب اسمع له اوى
وبحب احس انه مهتم بيا ، بيعوضنى عن اى حاجه وحشة
بواجها بعد كده
الدراسة المملة
البيت ومشاكله

رباب: بس انتى بتقولى ان اكثر حاجه شدته ليكى ، هو سؤالك
عنه

وعن احواله فمرحلة اكتنايه لما حب قرييته دى
يعنى مبيجيش فبالك ان تكونى بالنسبة له تعويض فقد وبس

رضوى سرحت فكلام رباب وفكرت وبعدها ردت

رضوى: لا ،انا مبحسش كده

انا بحس انه بجد محتاجلى وبيحبنى انا

واكتشفنى لما بعد عن قريبتى دى
ثم ان تعلقه بقريبتى ده من فترة بعيدى
يعنى دلوقتى طريقة تفكيره تختلف ...وعقله بقا اكبر

رباب: وقلبه كمان (بتغمز لها)

رضوى: ايوه (مبتسمه) انا بحس وانا معاه انى اسعد واحده
فالدنيا

يارب نفضل كده دايما

رباب: يارب يا اوختشى

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡

"صاحب الابتسامه"

طه خلص الشيفت بتاعه فالهايبير ، وبيغير اليونيفورم عشان
يروح

وصادف

مرواحه من الهايبير وجود نهلة كانت بتطلع الفيزا وبتحاسب من
كاشير الناحية الثانية

فالهايبير

فضل واقف متتح يبص ناحيتها ومش عارف نفسه هو واقف كده
ليه ؟

وعشان ايه

بتاخذ اكياسها وبترجع الفيزا فالبورتلغى بتاعها ،وقعت نقدية منها
وهى مخدمش بالها وطالعه

مشيت ،جرى هو بسرعة واخذ الفلوس

وظلع وراها

طه : لو سمحتى ...يافندم

نهلة انتبهت ولفت تبص ،لاقت طه الى بينادى

طه : تقريبا دول وقعوا منك وانتى بتحاسبى

نهلة بتفتح شنطتها وبتبص فالبورتلغى فعلا ناقص المبلغ ده

،ابتسمت واخذتهم من ايده

نهلة: ميرسى لامانتك

طه : ع ايه دى امانه وانا شوفتها وهى بتقع منك

نهلة ابتسمت وكانت شايله اكياس كتير شكلهم تقال عليها ، طه

لاحظ بس مش عاوز يتطفل بالمساعدة

طه: اوقف لحضرتك تاكس؟

نهلة : ياريت الاقى تاكس لو مش هتعبك ، العربية بايظة
وبتصلح

طه : حاضر هشوف لحضرتك تاكس حالا،بس هو مفيش تاكس
بيدخل الشارع ده لان اخر مقفول

نهلة : يوووه يادى الحيره

طه: انا ممكن لو مش هيضايقك اشيل لحضرتك الاكياس وواطلك
لاول الشارع وهنلاقى تاكس باذن الله

نهلة: بس هتعبك ؟

طه : لا ولايهم حضرتك ، اتفضلى يافندم

مسك الاكياس عنها وهى مشيت فاضيه ، ،

نهلة : بجد مش تاعباك ؟

طه : لا والله

نهلة : متعرفش محل فاتح دلوقت بيبيع عصافير ؟

طه: اه تقريبا فيه شارع اعرفه بس مش قريب من هنا ، يعنى
روحيله بالتاكس

فيه محل مفتوح 24 ساعة

نهلة : طب كويس اسمه ايه الشارع

طه : تقريبا اسمه شارع الكعبه

نهلة : طب كويس ...

وقفوا ع اول الشارع يستنوا اى تاكس و اتاخر يعدى تاكس

نهلة : اتفضل روح انت خلاص متشكرة لىك

طه: لا عشان متوقفيش وحدك المكان يعتبر ساكت

نهلة بتبصله اوى

طه: فيه حاجه حضرتك

نهلة : انت غريب اوى ، متفاعل كده ودايما مبتسم

وجدع مع حد متعرفوش

طه(بابتسامه خجل) لا ازاي معرفش حضرتك ، خلاص انتى من

عملاء الهايبر المميزين

نهلة : (مبتسمه) وانت اسمك ايه بقا ؟

طه: اسمى طه حضرتك

نهلة: طه ... عاشت الاسامى

اجمل اسماء هى اسماء رسولنا الكريم

جه تاكس ووقفه هو

نهلة : (بتتكلم وه رايحه تركب وهى شايل لها اكياسها) انا كنت
مسمياك بينى وبين نفسي صاحب الابتسامه عشان وشك البشوش
ده

نصيحه منى خليك دايمًا مبتسم فوش الناس حتى لو حصاك ايه
متعرفش ابتسامتك دى بتهون ازاي

(ركب وشاورتله باى)

واقف طه مكانه ومبسوط اوى وبرضو مش عارف سبب فرحته
ايه ، ووشه كان مبسوط جدا

فطريقه للرجوع للبيت

اخذ شوية طلبات ودخل ، استقبلوه اخواته ومامته بحفاوة
وترحاب مبسوطين

برجوعه زى كل يوم

قعد وياهم واخته حضرت العشا ، قعدوا كلهم قدام التلفزيون
يتعشوا

ومبسوطين وبيضحكوا

ده يقول نكته

وده يقول حوار حصل معاه

وده ينكش ويقفش على دى

غالبا بيبقى ده الجو الحلو الى بيستناه كل يوم طه فرجوة من
الشغل ..

وبعد العشا ، قعدوا مع مامتهم يحكوا

دخل طه اوضته وريح جسمه عالسرير وهو باصص للسقف
وبيردد مع نفسه

طه: يا صاحب الالبتسامه !

انا جه عليا يوم حد يفكر فيا ولا فاسم ليا حتى او يقول عنى حاجه
حلوة

اتعدل من عالسرير

طه: (بيخبط ايده بعنف كانه افكر حاجه) يووووه ! مسالتهاش
اسمها ايه

زى م سالتنى

سكت شوية وبعدها وشه قفل ورجع يكلم نفسه تانى

طه: انت هتتسي نفسك ولا ايه ياطه ، اسالها اسمك عادى كده

لاطبعا

بس عليها وبص ع نفسك

انت ختة كاشير وهى واضح انها بنت ناس ،مش معنى انها حكمت
معاك كلمتين

يبقى عادى كده تتشال الحدود

فوق ... انت مجرد صاحب الابتسامه عندها،مش اكر!

♡♡♡

#صكوك_الغفران

روايتى رقم 12

#بقلمى_نوراسماعيل



وعدت شهور كثير ، الى فالدراسة دخل فسنة جديدة
والى فعلاقه حصل عنده تطورات سواء للاسوء او للاحسن
وكل حدمنهم حكايته بقا فيها جديد من تانى ...

زى مثلا يامن وروفيده ،،يامن لسه ع عهده مع ربنا
زى م هو ملتزم حتى لو غصب عن قلبه ومشاعره ،وده موتر
روفيده خالص

حتى لو كانت بدأت تحس بمشاعر جديدة ناحيته غير الاخوية
وعاوزه يبقى بينهم تواصل شبه دائم لكن ده هو رافضه تماما
،بس روفيدة مش فاهمة ده

مارسيلينو ،،اعتقد ان دولاجى اكثر بنت طول فالعلاقه معاها ومن
غير سبب

دولاجى فعلا حبه واتعلقت بيه

ويمكن بتعمل اى حاجه عشان ترضيه ،واحنا عارفين ان البنت
لما بتدخل مراحل الحب والعشق

بيوصل حد الادمان وبتبدا تتصرف تصرفات خوف ان الشخص ده
يروح من ايدها ...

مارسيلينو مش عارف هو عاوز ايه ،شخص بيحب يقطف
الزهور لشكلها الحلو

وجمالها

لكن بعد م يستمتع بيها شوية ...بيرميها وميهموش انه بكده
انهى حياتها.

المهم ان هو استمتع وخلص ..

اما عن ايهاب ووصال ، ايهاب بدأ الكيل يفيض بيه من انشغال
وصال الدائم فشغلها

ووصال شايفه ان ده شغلها ومينفعش تقصر فيه وان هو ارتبط
بيها وهو عارف ده وعارف هى ايه

ايهاب حابب احتواء اكثر من كده منها

ووصال حابه يعرف ان لها كيان عاوزه تعمله ويفضل ع مستواه
والاتنين ضايعين !

لكن لقصة رمل البحر حكاية اخرى ، هي ان محمد جهاد طلع راجل
واد الوعد

وراح اتقدم ل الاء وبعد سؤال وجواب وحوارات
اتخطبوا ولبسوا الدبل وحاليا مشغولين فى تجهيز عشهم السعيد
..

ونظير لكسرة الفنجان ، آية
الى ملاقتش اى نتيجة فالعناد مع بنت اختها بسمه خصوصا انها
بتكبر

وبتقلد الى حوالها
والزعيق بيحيب نتيجة عكسية وياها ، فقررت آية تغير من
معاملتها وياها

جايز تلاقى تغيير فسلوكها
وفعلا بدات تتغير بسلوكياتها مع آية ، بالتدريج اخذتها صديقه
تحكيها كل حاجه

ومتز عش ليها ع اى غلط
عشان تثق فيها وتحكى كل الى حاصل معاها اول باول ..
اما عن احمالها

فزادت بدخول بسمة المدرسة الثانوى والدروس الى كترت

والمطلبات

لكن آية زى م هي صامدة وياجبل م هزك ريح ..

طه!

صاحب الابتسامه الاسم الى سمته له نهلة الى لحد دلوقت
ميعرفش

عنها اى شئ

شغلت باله وتفكيره شهور ،وسبحان الله من وقت اخر مرة
ماشفهاش تانى

فالهايبير ولا حتى صدغه ف اى شارع

اتخض عليها ،ولام نفسه بيفكر ليه

تيجى او لا ،هيشغل نفسه بكل الزوار للهايبير؟

ولاعشان دى ادتله شوية اهتمام عن غيره ،ولا اصلا دى من اول
مرة شافها

وهو مشدود لها والسبب مجهول.

طه بقى مخنوق بسبب غيابها ونفسه يشوفها اوى وبيفكر فيها
كثير

بس لاجديد عنده ،زى م هو مستنيها وهي مبتجيش !

وفقصر الهوا الملعون

اتلقى حسين ورضوى ،الى بدأت قصة حبهم تتحول لشيئ تانى
مش بيندرج

تحت مسمى الحب

حسين ورضوى للحظ دخلوا نفس الكلية وفس المكان

فبقول اقرب لبعض اكثر

والى قرب بينهم اكثر واكثر هو السكن الخارجى الى خدته رضوى

والسكن الى اخده حسين ..لان كليتهم بعيد عن بلدهم اقليمياً.

علاقتهم اصبحت اكثر ارتباط وحرارة ، حسين مشاعره جياشه

وبتبقى مع رضوى من غير حساب

ورضوى مستمتع بكل لحظة حلوة بينها وبينه سواء فالفون

او فالمقابلات برة الجامعة

او فالكلية ..

وياترى ايه مستخبي تانى لحكايتهم ؟

"العهد"

روفيده تتصل بك ...

ميسد

والتانى

والتالت

شايڤ ومش بيرد يامن ،بعثها مسج عشان متحسبش انه
بيتجاهلها

وقالها ان كلام فالفون ده حرام لو عاوزاه فحاجه تبعتهاله فرسالة

.

وروفيدة مردتش ، هو قال ان اكيد هي زعلت

ومش عارف ازاي يراضيها ،لان لو دخل فالسكة دي هيبدأ
خطوات لسكة مش حاببها

وعارف نهايتها ايه ..

واقف بيفكر فالدايرة الى دخلته فيها روفيدة ، وقطع تفكيره

مجية حور عليه

بتساله فحاجه

حور : دكتور يامن !

يامن : نعم

حور: كنت عاوزة اسالك ،هت حضر الندوة الدينية الى مستضيفين

فيها المنشد مصطفى عاطف

هنا فالجامعة

يامن : لا انا مكنتش ع علم بيها ،انا مش متابع الحقيقه

حور:ازاي ،انا قولت انك اول واحد هت حضرها معانا اكي

يامن : ليه يعنى اول واحد (بيكلمها وهو موجه عيونہ فحتة بعيد عنها)

حور : عشان انت ملتزم واكيد متابع الندوات دى

يامن : لابصى هحفهمك ، الالتزام مش ندوات وتحميل فيديوهات للشيوخ

واربي دقنى

الالتزام من القلب

اكون متصل مع ربنا دائما وابدأ ، صلاتى فميعادها

محافظة قرآنة القران يوميا

اغض بصرى

مفیش نميمة

مفیش اغتياى لحد

لسانى عامر بذكره ليل ونهار سواء بالتسبيح او التهليل او التكبير

او الاذكار عامة

اتصدق

ازكى عن اموالى

اعطف عالفقير

ابر اليتيم

اساعد المسن ، هو ده الى دينى قال عليه
لكن مش ندوات وشعارات
يمكن يكونوا الشيوخ ادرى بحجات نتعلم منهم ، بس احنا فينا عقل
نميز ونفكر زى م عندهم
ونعرف نسلك سلوك يرضى ربنا

حور بتسمعه وشبه متخدره من سحر كلامه ، وواقفه متسمرة
مكانها

يامن (وهو باصص بعيد) فهمتى قصدى
حور: اه فهمتك جدا ، طيب انا لو عاوزة اكون ملتزمه وارضى
ربنا
ممکن تقولى ابدء اعمل ايه مثلا

يامن: طيب استندنك دلوقتى عشان نطلع المحاضرة وبعدها
هعملك تقرير كتابي فيه كل الى عاوزاه
وان شاء الله ربنا يجعل فيه الافادة ليكى ... بعد اذنك

مشى وراح ناحية م هتبدء تلمحاضرة وحور لسه واقفه مكانها
متفكش منها سحره لسه !!

#بقلمى_نوراسماعيل

طه: لاقيت نفسي مخنوق قولت احكى وياكى (ابتسم رغم ان
فعيونه دمعه)

اسماء: طبعا يا حبيبي تيجى فای وقت ،انا اصلا من يوم
شغلك فالكاشير مبقتش اشوفك ولا اقعد معاك الا يوم واحد

ابتسم طه وبص للارض واتهد تنهيدة حزن
اسماء: مالك ياطه ، فيه مشكلة معاك ؟

طه : لا مفيش ...بس مخنوق شوية كده ومعرفش مالى
اسماء: طب ايه رايك اعمل اتنين شاى ونطلع نشربهم فوق
طه: ماشى ... هو انتى كنتى بتعملى ايه قبل م ادخل
اسماء(ارتبكت) ولاحاجه قاعدة فاضيه
طه : طب تعالى نشرب شاى فوق يلا

وهما طالعين خبط الباب جامد ،فتح اخو طه الصغير
ولد : الحق يا طه اخوك وقع من عالعجلة واتعور ومش عارف
يحرك دراعه

طه اتخض ونزل بسرعة مع الولد ، لقي اخوه فعلا مرمى
فالشارع واقع
بعد م حكوله ان هو ومعدى بعجلته خبطته عربية وجريت
وهو وقع ووقعت العجلة فوق دراعة

جرى ع اقرب مستشفى هو واخته باخوهم ، واخدوه بسرعة
يعملوا اشاعة ع دراعه من اجل الازم !

واقفين طه واخته اسماء منتظرين اخوهم برة الاوضه ، وبعدين
وهو واقف لمحها
من بعيد ...

طه شافها وفضل باصص عليها مش مصدق نفسه انه اخيرا
شافها بعد مدة الغياب دى
بس ياترى بتعمل ايه فالمستشفى ؟

قبل م يدخل فى توهة اسئله مالهاش اجابات عنده،كانت هى قربت
وجت
عليهم هو واخته .

نهلة : خير يا طه فيه ايه ،شوفتك من بعيد

طه : هو حضرتك دكتورة هنا ؟

نهلة (ابتسمت وبصت لاخته الى بصالهم هما الاتنين) لا مش
دكتورة ،بس

فهمنى فيه ايه معاك

طه:لا مفيش اخويا كان سايق العجلة بتاعته وعربية خبطته فوق
من عليها

اتخبط واتكسر دراعه

وجبناه ع طول

نهلة : اكيد معملتش حسابك ع فلوس ولا اى حاجه
جريت بلهفة تلحقه

طه سمعها وسكت

نهلة: عموما الف سلامة عليه. وربنا يطمنكو عليه ان شاء الله
استأذنك

مشيت نهلة وبعدت شوية

اسماء: مين دى يا طه

طه : دى عميله من عملاء الهايبر الدايمين وعارفانى

اسماء: بس شكلها بنت ناس اوى

طه هز راسه بحزن

خرج الدكتور من غرفة العمليات وراحو ناحيته بسرعة ..

طه : ايه الاخبار يا دكتور

الدكتور: الحمد لله عملنا له العمليه وركبنا له شرايح ومسامير
فرجله

شوية ويفوق من البنج

بس اذا تكلمت على الحسابات

اسماء: الحمد لله

طه: حاضر يا دكتور الله يطمئنك يارب

راح طه ناحية الحسابات

طه: حضرتك كام حساب المستشفى بالعملية لآخويا

احمد فاروق الى جه فحادثه العجلة

الريسيبشن : حسابها 3379 يافندم

طه : طيب انا هوصل البيت بسرعة اجبك مبلغ منهم وبكرة ان

شاء الله

هجينب الباقي

الريسيبشن: الحساب مدفوع يا فندم


طه: (باستغراب ايه

الريسيبشن: الاستاذة نهلة دفعتها بالكامل يافندم من شوية

وقف طه مذهول ، هي تعرفه منين عشان تدفع حسابيه

وليه عملت كده
هيشوفها امتى تانى عشان يسالها ويرد الفلوس
ورجع تاه فدوامه تساؤلاته من تانى ...

#بقلمى_نوراسماعيل



"جنح اليمام"

فمرة من مرات تواجد ايهاب فى مصر بعد رجوعه من رحلة من
رحلاته
موجود فالببيت
ووصال بتجهز عشان تنزل العيادة ، بعد م رجعت من المستشفى
اخذت دوش واكلت ونامت ساعة.

بتجهز للنزول فى اوضتهم وهو قاعد عالسرير ماسك فونه

وصال: انا قولتلهم يحضروا لىك الاكل وقت م تقولهم
وعندك هنا فيه ...

ايهاب (قاطعها) هو مينفعش يوم تاخديه اجازة عشانى يا وصال؟
انا تقريبا باجى اعيش مع الخدامين
ياسهران لوحدى برة

وصال(لفت له من ع كرسي المراه) فيه ايه ؟
ايهاب: فيه انى متجوز ومش حاسس انى متجوز

وصال: مش فاهمك ي ايهاب عاوز ايه ،م كل حاجه محتاجها
موجودة
اهيه

ايهاب (بدا يتترفز) بس انتى مش موجودة يا وصال !
انتى فين

انا محتاج اتكلم وياكى
نحكى سوا

نتكلم عن مستقبنا

نسهر برة البيت نتعشى عشا رومانسي

او فالبيت مفيش مشكله

المهم نكون سوا

نتكلم فالاولاد ...انا بالشكل ده مش هخلف منك ولا بعد سنين

وصال: ايهاب ، انت اتجوزتني دكتورا
واظن انك كنت حابب ده ومختاره بعنايه
يعنى كانت شروطك واحدة لها كيان
وكارير
وع ذلك اختارتني وخطبتني ،متجيش بعد الجواز تتحجج حجج
تافهه

ايهاب: هو كوني اني اقعد وياكى دى تفاهه!
نتكلم فالاطفال ويكون عندنا ولاد دى تفاهه

وصال: انا مش مقصرة معاك ي ايهاب ،ثم ان ده شغلى
يعنى اسيبه عشان نقعد سوا ونتعشا عشا رومانسي!؟

ايهاب: متعرفيش تخصصى لما اجى يوم ليا لوحدى؟
وصال: م انت فشغلك ومش بطلب منك لا تسيبه ولا تجينى
بسرعة

عشان عندك سفر برة مصر ب ٣ وال ٤ ايام
لستقبل ده بصدر رحب ومتقبلاه ومتفهمه انه شغلك

ايهاب: (بعصبيه) بس لما يكون هنا يكون معاكى لوحدك وبس

وصال: وانا مقدرش اسيب شغلى، انا بتجيني حالات طارئة

اقول للستات الى بتجيني ايه

متولدوش

استنوا شوية لحد م اتعشى عشا رومانسي مع الكابتن ايهاب
جوزى؟

مدرك بتطلب ايه

ايهاب (باصص لها بغیظ) انا مدرك بس ان النقاش معاكى مالوش
ای

فايدة

لمجرد انى بقولك ان ليا حقوق عليكى قلبتيها حريقه
انا لحد الان مش حابب اتعامل وياكى باسلوب وحش
وتشوفى الى عمرك م شوفتیه

وصال: مش فاهمة ي اخى ايه الانانيه دى ،الواحد منكم يشترط

بنوتة ليها مركز كويس

وكارير مهم فالبلد

وبعد الجواز عاوزها تقلب ليلى علوى لخدمة فرفشته وبس

طب كنت اتجوزت واحدة من البداية متفرغالك

لكن متتجوزش واحدة من الاول كده وتيجى تشتكى

انا نازلة لانى اتاخرت

اخذت شنطتها ،مسكها من ذراعها بقوة
ايهاب: حذاري تتكلمي معايا كده تانى او باللهجه دى وده اول
تحذير يا وصال
ومش عاوز اعيده

اتالمت من مسكة ذراعها
وصال: ع فكرة بابي مش هينبسط ابدأ بتصرفك ده ،وع فكرة انا
هنزل
وراجعه ع بيت بابي
مش جاية ع هنا

مشيت بسرعة ودموعها فعينها وخرجت وقفلت الباب وراها
بردة عنيفه
وايهاب واقف مكانه مخنوق منها ومن الكلام الى قالته
وعارف الى جاى ايه بعد م اعلنت انها سابت البيت ..

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

"صائد البالون"

عالفون فى مكالمه بينه وبين دولاچى ، وشبه بينام منها لانهم
طولوا

فالكلام وسهر اكثر من اللازم برغم ان عنده شغل الصبح

وهى مفيش وراها حاجه 😊👋

دولاچى: يا مارو ...ماروووو

مارسيلينو: نعم معاكى

دولاچى : م تفوق كده ده حتى لسه الساعة ٣ وربع

مارسيلينو: ياه لسه ٣ وربع طب م لما تبقى ٤ وربع صحينى

دولاچى: يوووه فوق كده وقولى ، امتى هتيجى تكلم بابا

مارسيلينو: اكلمه ف ايه ،فيه حاجه انتى عاوزة تقوليها له

وعاوزانى

ابلغه بيها ؟

دولاچى: لا طبعا ايه الى بتقوله ده

مارسيلينو: اومال بابا مش ببسمع وانا صوتى عالى فهيسمع
منى اوضح

دولاچى : ولا دى كمان ، انت هتخطبنى امتى

مارسيلينو: اخطب مين !

دولاچى : تخطبنى انا ، م تصصح كده وتفوق

مارسيلينو: طب بصى اناملى ساغتين واصحى اروح الشغل
وارجع

نتكلم فالخطوبة الى مش هروحها دى وفكل الحاجات والسلطات
والبابا غنوج

دولاچى: لا عاوزة اعرف دلوقتى

مارسيلينو نام وساكت

دولاچى: ياسينو ! (بصوت عالى)

مارسيلينو (بخضه) ايه!

دولاجی: تخیل اننا خلاص هنتخطب وهنلبس دبل
ونتصور صور بالبوكس كده ونرفعها فيس
ونبتدى نجهز لبیتنا الجمیل
ده هیبقى اجمل بیت فالدنیا

مارسیلینو (نایم وشبه سامعها و بیبرطم) اتخیلی مع نفسك یا
دولابی یاختی مش وحش

دولاجی: ویبقى عندنا بیبهات كلبوظات حلوین
شبهك كده

مارسیلینو: (بیبرطم) بیبهات مقلوظین زى رجلك الحلوة دى

دولاجی: ونعمل بیت کبیر ونسمى
توماس

انا بحب اسم توماس اوى

واسم دیلارا

انت ایه رأیک؟

مارسیلینو: لو عالرای کویسین یاحبیبتی

دولاجى : وياخدوا حجات منى وحجات منك
يعنى طباعى وطباعك فشخص واحد
انا وانت مشتركين فيه

مارسيلينو : (وهو بينام) احنا نشترك بس ومتشيليش هم حاجه

دولاجى: يبقى بيحب الميوزك زي ويحب يلعبها
وانت ياخذ منك ايبه
تخيل يا سينو انا معرفش انت بتحب ايه
يا سينو!

مارسيلينو: نعم يا روح سينو ،يالى فلقتى دماغ سينو
يالى هتكفرى سينو فعيشته
نعم

دولاجى: تخيل انا معرفش انت هوايتك ايه ؟

مارسيلينو: هواياتى الساعة ء الفجر!

دولاجى: اه عشان نشوف توماس هياخذ ايه منك

مارسيلينو: توماس مين ؟ ابوكى

دولاجى: يوووه ركز بقا ،بتحب ايه ولا بتحب تعمل ايه

مارسيلينو: بحب البنات المقلوظين وعندهم قلاوظ

وموزز وحاجه اوووف خالص

دولاجى: لو فضلت تهزر هقفل

مارسيلينو: ياريت تقفلى هبقى سعيد جدا الحقيقه

عاوز انام

وشوية وهروح انا اصحى الديك يدن

دولاجى : قول بقا هواياتك ايه ؟

مارسيلينو : هواياتى ،الشعر يا حوبي

دولاجى : وaaaaااا ،طب قولى حاجه بتشعرها

مارسيلينو: بشعرها ؟ اسمها بستشعرها ياهبله

دولاجى : طب قول يلا

مارسيلينو : اسمعى ياستى عشان هتَعْجَبك جدا
حبيبتى..

حبيبتى شرطة مايله فراغ
واكتب ليه حروف اسمك ..خسارة الحبر فى امك
بقول البحه من قلبي واقولك ضربة فى قلبك
واصبعك صباح يوصل لعينك يعميها
واطفى سجايرى فودنك ياريت الطافيه تكويها
وعجبي

مارسيلينو شنودة

دولاجى ساكته

مارسيلينو: ايه رأيك ؟

دولاجى: ايه الشعر ده ؟!

مارسيلينو: ده شعر لما بجيب اخرى منك (اتحنح وعدل كلامه)
لماحبك بزيادة

دولاجى: لا وحش غيره

مارسيلين: هو انت طالبه لاتبه وچالك من غير فوم ! ايه
غيره ده

البضاعة المباعه لاتستبدل ولا ترد ولا تستهلك

دولاجى: تعرف انك قفلت طموحاتى ،يارب توماس مياخدش منك
حاجه

بس

يلا باى عشان زعلتنى

مارسيلينو لقاها قفلت وببيرطم مع نفسه

مارسيلينو: توماس مين ده ؟ اخوها

كويس الشعر جاب نتيجة وخلاهاقفلت

الحق اناملى شوية يحرق رغيك ياشيخه مبتفصليش زى الراديو
البايظ !

#بقلمى_نوراسماعيل



"رمل البحر "

"يوم الجمعة ي امى عاوز حته غدوة معتبرة من ايدك الحلوة
انتى وهند "

الام: ايشمنا الجمعة

هند (اخته): (بتتكلم وهى ماسكة الفون)
تلاقيه عازم الامورة بتاعته هى واهلها

محمد جهاد (متضايق) وبتتكلمى عنها كده ليه
هند: شايفنى بتكلم ازاي هو جر شكل

محمد جهاد: لا ماهو مش هتعرفى تجرى شكلها ولاشكلى ع فكرة
هند : لا ياشيخ بس بس الحمقه الفاضية دى عشان ست الحسن
والجمال

محمد جهاد : اتلمى ياهند وبطللى سخافه طول م انتى قاعدة
لسانك شغال يحدف

الام: خلاص يا ولاد مالكم هتتخانقوا وانا قاعدة ،وليل نهار انتو
الاتنين نقار كده

وهما بيتكلموا طلعت عمّة محمد جهاد ، دى عايشة وياهم من
عمره هو واخته

لان حصلها حادث شوه وشها نسبيا وده خلى حوار جوازها يقل
وبعد كده يوقف

فبقت عايشة معاهم عانس فى سن الخمسين !

عمته: فيه ايه ياهند ع طول مشاكل كده

هند: ياعمته اول م حد يجيب سيرة السحلية بتاعته دى يتحمق
ويتضايق

ويقعد يزعق ويشتم

محمد جهاد: متقوليش عليها سحليه لاصدغلك (مسكها من
وشها)

عمته: م براحه يامحمد مهما كان دى اختك

محمد جهاد : والاء تبقى خطيبتي وهند طول الوقت بتغلط فيها
كده

هند: ليه بغير منها ولا ايه

الام: يابت اتلمى بطل الرد الى فساعتها ده ع اخوكى ،قولى
يامحمد عاوز ايه

نحضره للعزومة ونجيبه عشان نحضرلها

محمد جهاد (باس ايدها) يا احلى ام فالدنيا الى هتعمليه كله زى
السكر

بس عاوز حاجه مفتخرة كده

عمته: عازم مين يامحمد ،صحايبك؟

هند: ياعمتو انتى فالهند ولا ايه ، يعنى بنناقرا انا وهو ع خطيبته
يبقى عازمها

هى والمقاطيع اهله

محمد جهاد (ضربها بوكس فكتفها جامد) انتى هتتلمى ولا المك
بطريقتى

هند: اه ،جاتك ضربه فايدك

عمته: بقى بتضرب اختك عشان واحدة غريبة حبالا خطيبتك يا
محمد ؟

محمد جهاد: اكيد خطيبتى يعنى هنتجوز وتبقى مراتى وهند
مستنيه ليها عالغطة

وبتتكلم وحش عليها هى واهلها

عمته: برضو بالراحه الله !

محمد جهاد (بضيقه) امى شوفى ايه طلبات العزومة
وهجبهالك، انا هغير ونازل الجيم

دخل اوضته

هند (بتبرطم) عماله عمل وربنا

الام : بطلى تضايقى اخوكى ، انتى عارفه انه بيحبها

العمة: م برضو يا اشجان ، ابنك ماسك فيها زى القرادة
والبت لا تتاكل ولا تتشرب

هند : دى عاملة زى عود القصب وسطها اد مقاس رقبتى ، هى
بس عشان ملونة

عنيها وبتاع

بلا قرف

العمة: تلاقيه يابت البتاع العدسات ده

هند: لاياعمتو عيونها بجد ، هى بس عارفه تجره ناحيتها بت
الناصحه

ده الف بت من بنات العيله تتمناه وتستاهاه احسن من البت دى

العمة: تصدقى من يوم م قال عليها وانا مش هضماها

بس نقول ايه

ده كانت له عروسة فماغى زى القمر حلاوتها عالفرازة

وادب واخلاق

بس هو الى جرى عالبت دى

الام: يوووه ، هو اختارها وهى نصيبه اسكتوا بقا خلينى اتابع

المسلسل

وبعدين كلامكم ده بيعصب محمد

محمد لبس وخارج من اوضته

محمد جهاد: امى ، محدش يستنى عالعشا هرجع متاخر

الام: بالسلامة يا حبيبي

نزل وقفل الباب وراه

هند (بتبرطم) الهى يتخبط فنافوخته وهو برة والذاكرة تروح منه

يرجع ناسيها هى والى خلفوها

حسين: عندي ليكي حطة مفاجأة ، مش بقالك فترة بتقولى
نفسك نخرج سوا زي اى اتنين

رضوى (بفرحه) اه

حسين: هخرجك انهاردة خروجة ملوكى

رضوى: ده بجد ! هنخرج هنا

حسين : اه هنا

رضوى : طب وميعاد السكن ؟

حسين: هرجعك قبله ،يعنى يدوب تلحقى تجهزى

اسيبك تلبسي

وهدى عليكى ع اول الشارع ارنلك تنزلى

جهزت رضوى ونزلت ع سنجة 10 وانتظرت حسين ،ويدوب
بتتصل بيه لاقتة فوشها

رضوى : يلا قولى هنروح فين مش قادرة استنى

حسين : لا دى مفاجأة

رضوی : اکید الکافیہ الی فتح جدید ده ،مش صح

حسین : لالا مش ده

رضوی : او مال

حسین : اصبری دلوقتی تعرفی

ماشیین هو وهی ،بقالهم 20دقیقه فالطریق

رضوی : انا رجلیا تعبت ،لو المكان بعید تعالی نرکب ای مواصله

حسین : لیه مواصلات خلاص قربنا اهو

رضوی : فعلا ،یامسهل

مشیو کام عشر دقایق

رضوی : مش معقول یا حسین بقالنا اکثر من نص ساعة ماشیین

م کنا رکبنا ای حاجه

حسین : خلاص اهو المكان

*قاعة افراح *

رضوى : دى قاعة افراح !
حسين : م هى دى المفاجأة ، تعالى

دخلوا وكان فيه فرح لسه بادئ من شوية ، قعدوا هو وهى ع
تربيذة

وهى بتبص حواليتها مبتسمه

جه الويترز بتوع القاعة وضعوا قدامهم طبقين جاتوهات سوارية
و ٢ حاجة ساقعه

بتبص رضوى لحسين قالها تاكل عادى
اكلوا وهما بيبصوا ع اجواء الفرحة ، رقص وغنا وهيصة

رضوى : مش هتقوم تسلم عليهم ؟

حسين : اسلم ع مين ؟

رضوى : العريس او العروسة ، الى يقربك يعنى

حسين : لا انا ولاحد منهم قريبي

رضوى : طب صحابك ؟

حسين: ولا اصحاب انا معرفهمش (مبتسم) انا معرفش حد هنا
رضوى (استغربت وقايمه) اومال جايبنا هنا ليه طالما متعرفش
حد

حسين: ياستى انا لما ابقى مخنوق وعاوز خروجه حلوة بطلع ع
اقرب قاعة افراح
اكل واشرب ببلاش
واغانى وهيصه وناس بتضحك وفرحانه
واخلص وع طول اروح لما ازهق ،من غير م ادفع ولا مليم
خروجه ملوكى ولا لا !؟

رضوى مستغربة الى بتسمعه ومن ذهولها ساكته

حسين: مالك
رضوى: طب انا عاوزة اقوم

حسين: طب تعالى قبل م نمشى كنت عاوزك فكلمه

رضوى: ايه

حسين: ع فكرة طرحتك باظت من شوية ،ادخلى الحمام اعدليها

رضوى : بجد (بتحسس ع طرحتها) طب هقوم استنانى

حسين: لا انا هقوم استناكى قدام الباب لا حد يدخل يغسل عليكى

ابتسمت رضوى وقامت راحت ناحية الحمام ، قام معاها حسين
دخلت تعدل الطرحه قدام المرآيه ، دخل حسين بعد م بص
عالقاعة شمال ويمين
بسرعة

رضوى : يا حسين دخلت ليه ده حمام الستات

حسين من غير م يرد عليها دخل بيها اقرب حمام ، وقفل الباب
جايه تصرخ
منه بيعمل كده ليه
راح فاجئها
انه باسها فشفافيفها !!

رضوى كانت بتقاومه بكل م فيها وبتزقه لكن هو كان مكمل ولما
حس ان مقاومتها تضاعفت وبقت تضربه
كتف ايديها بايداه
وساب شفافيفها وكتمهم بايداه

حسين: لو عملتى اى صوت هنتفضح

رضوى: خرجنى بقولك (خلاص هتعيط)

حسين: اسكتى بقا انتى لخرة كده ليه

رضوى: اوعى يا حسين (زفته جامد وخرجت غصب عنه وهى
بتعيط وهو طلع بعدها)

خرجت برة القاعه وهى بتعيط بحرقه

حسين: رضوى ...استنى

يارضوى استنى بقولك

رضوى (لفت له هى معيطه) من اللحظة دى انت تبعد عنى
خالص ،انت فاهم !

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡

"كسرة فنجان"

آية فشغلها زى كل يوم بقى من المعتاد بتاعها وبتاع ناس كثير..
فوقت راحه معندهاش شغل كثير

ماسكة فونها وبتقرا رواية ...ومنهمكة فيها
ومرة واحدة ابتسمت .

زميلة : ايه الضحكه الحلوة دى ، ع فكرة بتبقى زى القمر اما
تضحكى

آية (ابتسمت) اصل بقرا رواية حلوة اوى مخليانى صاحية نايمه
افكر فيها

زميلة : وهى الى مخلياكى تضحكى ومبتسمه

آية : لا ، ده انا بس كنت عاملة بوست فيه حد عمللى كومننت
عليه زى م يكون مش

عاجبه البانا كاتباه ومخنوق اوى فبضحك

زميله: ممم ، عاملة ايه مع بسمة

آية : تمام الحمدلله ، اتضح ان المعاملة الهادية وانى اكلمها
بالسياسه

بتيجى وبعرف خباياها وبتبطل تعاند

زميلة : ربنا معاكى المسؤولية كبيرة عليكى

آية : يارب

وهما بيتكلموا دخل زميل ليهم يطبع ورقه عندهم لان الطابعه
فمكتبه مش شغاله
طبع الورقه وخرج

زميلة فمكتب آية : ع فكرة ساعات بحس ان استاذ شمس بيتلكك
يدخل لينا هنا

زميلة ٢ : ليه يعنى تفتكرى

زميلة ٣ : احنا كلنا متجوزين يا حبيبتي ، هيكون عاوز يدخل هنا
ليه

زميلة ١ : ياغبية متنسيش آية

انا حاسة انه حاطط عينه عليها من ساعة م مراته اتوفت وهو
رجله اخدت عالمكتب هنا

مرة عاوز يطبع

مرة الكاتل بتاعه مش شغال

مرة عاوز قلم يكتب واهى تلاكيك

آية : ايه ده بجد ! انامخدتش بالى من الى بتقولوه ده

زميله ١ : العين عليك ياجميل وانت مش واخذ بالك

زمايلها ضحكوا

آية:لالو كده صحيح طبعا لا والى لا

زميلة ٢ : ليه بس ي اية ،الراجل ميتعيبش

زميله ٣ : ده بيقولوا معاه كذا بيت ملك وارضى

آية: وانا مالى بكل ده ،فكرة الجواز انا لاغياها اساسا من دماغى
ومش حطاها فحسبانى

زميلة : تكونيش اترهنتى واحنا منعرفش

آية : اه اترهنت،انا هعيش عشان اربي بسمة وهبة واتظمن
عليهم الاول فكلياتهم

وتانى حاجه لما يتجوزوا وكل واحدة يجيلها ابن الحلال الى
يصونها

زميلة ٣: وبعد م كل واحدة فيهم تتجوز ويبقالها بيت ،تصحى
فيوم تلاقى نفسك وحدك

حتى كوبايه المية متلاقيش الى يناولهاك

آية : ان شاء الله ربنا ميعوزنيش حد ياستى

فتحت فونها و عملت نفسها رجعت تغطس جوة الرواية ،بس
الحقيقة هى سامعاهم جدا وهما بيتهمسوا

زميلة ٢: بكرة الى انتى فنيتى حياتك عشانهم دول يتجوزوا
ويتلهوا ببيوتهم وينسوكى

زميلة ٣: وهى الواحدة مننا ايه تسوى من غير راجل يحميها
ويكون ضهرها

زميلة ١: طب والله ابو العيال لما بيغيب عن البيت بحس ان روحى
خرجت وياه
لحد م يرجع

زميلة ٣: الله الله عالشعر ومن الحب م قتل


ضحكوا البقية ،اما آية فهى سامعاهم وحاسة كلامهم وعارفة انهم
صح

لكن م باليدحيله

هى اختارت طريق انها تضحى...يبقى تكمله للاخر .

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

بقلمى #نوراسماعيل



" رمل البحر "

مانكشين بعض وبيتمشوا فوقت النوة وهطول الامطار فى
اسكندرية ، دفا قلوبهم مكانش محسسهم بالجو نهائى .

محمد جهاد: مبسوطه حبيبي

الاء: ربنا عالم انا فحياتى م شوفت سعادة ولا انبساط غير معاك
،ربنا يخليك ليا يامحمد يارب

محمد جهاد: اساسا الى يبقا معاه بنوته زيك ويزعلها
ولايبسطهاش يبقى غبي وحمار ويستاهل ضرب الجزم على
دماغه

الاء: عارف على اد الى الحب الى بتحبهولى بشوفه كتير عليا
يامحمد وربنا وبيقا عاوزه انى
اردلك ولو جزء منه تستاهله

ياناااااااااا

همووت بقا ارحمنى ياعم ابو الاء

بتضحك اوى وهى متشاله فوق كتافه زى البيبي والناس بتتفرج
عليهم وعلى جنانهم ..

#بقلمى_نوراسماعيل



" قصور الهوا "

مناديل كثير ، هنا وهنا

وعزله فاوضتها فالسكن ...

رضوى من يوم م حصل الى حصل من حسين وهى مش

مستوعبه ان هو ده يكون حبيبها الى فضلت

تحبه سنين و سنين

الى كسرت كل القواعد والعادات الى اتربت عليها عشانه ، بقت

تكلمه وتخرج معاه من ورا اهلها

رضوى كان كل خوفها انه يفهمها غلط من البداية لما اتماشت

معاه فالى عاوزه

لكن واضح بعد الى حصل انها مش غاليه عنده
والا مكانش استحل حاجه مش من حقه منها ، وكمان بالعافيه !

زميلة سكن ١ : رضوى احنا نازلين

رضوى (نايمه فسريرها وبتنشف دموعها) ماشى

زميله سكن: طيب م تغيرى وتقومى تيجى معانا انتى مبتعمليش
حاجه

غير المحاضرات والنوم هنا

رضوى: لا انا كويسة كده ،روحو انتو

زميله: طيب السكن هيفضى عليكى يابنتى لوحدك اسمعى الكلام

رضوى: تعبانه والله ومش قادرة اطلع

زميله: اوك براحتك

خرجت زميلتها وقفلت الباب ورجعت هى لحبستها ، لمحت من
بعيد فونها بينور ويطفى

معنى ذلك ان فى حد بيتصل بيها

قامت من مكانها لاقته باباها ...

رضوى: الو، ازيك يابابا

الاب: ازيك يارضوى اخبارك حبيبتى

رضوى: كويسة يابابا الحمد لله

الاب: بتذاكرى كده وشاده حيك

رضوى: اه يابابا ربنا معايا

الاب: يارب يابنتى، بقولك يارضوى

ينفع تنزلى بكرة بالكثير البلد ولا عندك محاضرات؟

رضوى: بكرة! ليه يابابا فيه حاجة قلقتنى

الاب: لا خير يابابا متقلقش، بس موضوع مهم وضرورى

هتقدرى؟

رضوى: ان شاء الله يابابا حاضر

الاب: ماشى يا حبيبتى خدى بالك من نفسك مستنيكى تيجى
بالسلامة

قفل بابها ووقفت تسال نفسها فيه ايه ؟
ياترى بابها عاوز ايه

ركنت الفون وخرجت تشرب ، رجعت لاقى فونها حد بيتصل
برضو

كان متوقعه عالاقى يكون حسين

بيعتذر عن الى حصل

لان ع اد كرها للى حصل منه ، بس لسه بتحبه

لاقى رباب صاحبته هى الى بتكلمها المرة دى

رضوى: ايوة يارباب

رباب: ايه يابنتى كل ده كل شوية اتصل ومرتديش

رضوى: اصلى عاملاه سايلنت مش عاوزة اكلم حد

رباب: مالك ! لسه مسوداها برصو عشان الى حصل من حسين!

رضوى: وهو الى حصل ده شوية

رباب: م خلاص بقا فكك ،المهم انكم تكونوا سوا

اعتبريها حركة طائشه منه

حب زياده

اي حاجه حلوة

بلاش عقدك وكلاكيك دي

رضوى (بخنقه من كلامها) عاوزة ايه كنتى بتتصلنى عشانه؟

رباب: عادى كنت بتظمن عليكى

رضوى : انا زى الزفت ياستى ،حتى بابا عاوزنى بكرة انزل له

البلد ومعرفش ليه

ربنا يستر

رباب: ليه فيه حاجه ولا ايه

رضوى: معرفش ،خايفه من حاجه فبالى كده

رباب: ايه قولى

رضوى: يكون عريس ،مرات ابويا من وانا فتانيه ثانوى

وبتجيبلى فعريس ورا عريس

رباب: ياداهية دوقى

رضوى: مش عارفه هلاقاها منين ولا منين

رباب: لا هسيبك تعددى وحدك انا مش ناقصه نكد ياختى ،سلامو
عليكو

قفلت رباب وسابت رضوى وحدها فكل الى هى فيه ..

#بقلمى_،نوراسماعيل

♡♡

" العهد "

" وايه يزعلك فطريقتى دى معاكى يا روفيدة "

روفيدة :عشان الى بتعمله ده اسمه تجاهل يا يامن

يامن : تجاهل ايه ،انا بعمل ب الى بيقوله ليا دينى وده الصح

روفيدة: بتحسنى بانى بسرق حاجه بانى حرامية ،زى بالظبط

دلوقتي واحنا بنحكي سوا

شغال تتلفت حواليك

زى م يكون حد هيقفشنا مثلا

وواقف بعيد عنى ب مترين

يامن: ي...ياروفيدة افهميني ، مش صح اى كلام او تخمين
قولتيه

انا بحافظ عليكى وعليا

روفيدة : بتحافظ علينا من ايه فهمنى

يامن: من الفتنه ببعض، الفتنه !

بيتكلم بعيون كلها حنان وتوسل ليها ، فيها كلام كتير مانع روحه
يقوله

للحرمانيه

وروفيدة كل مرة بيصدها فيها بتحس بانها بتحبه وبتتاكد من ده
اكثر

روفيدة: حرمانية واحنا واقفين فوق سطوح بيتكم واختك نزلت
تجيب شاي وطالعه

واحنا وسط الناس فمكان مفتوح

مننا للسما !؟

يامن: اى مكان انا وانتى فيه بنتكلم وحدنا واخدين لنفسنا مكان
وحدنا يبقى فتنه وخلوة

حتى لو سوق

روفيذة : واحنا صغيرين كنا بنقعد بالساعات وحدنا سواء هنا او
فبيت عمته

يامن: كنا صغيرين ! كنا

روفيذة : وايه الى فرق دلوقتي ؟ شوية سنين

يامن: شوية السنين غيرت منى ومنك حجات كثير

مشاعر واحساس

تكوين اتغير

كل حاجه

روفيذة: مش فاهمك

كلامه بدا يبقى فيه حته عصبية ،ده لانه عاوز يفهمها مش عاوز
يضايقها منه

يامن: افهمك ازاي ان احنا الاتنين جوانا حجات طلعتنا عليها
اتغيرت

افهمك ازاي اني لما شوفتك محتفظة بحاجه من حجات ياسر
ادهالك واحنا صغيرين اتضايقت وو...وغيرت!

افهمك ايه انى لمجرد انى بسمع صوتك بحسانى

(رفع النظارة من ع عينه وعمل بصوابه عيونه) استغفر الله
العظيم من كل ذنب

روفيدة قربت ناحيه خطوة صغيرة وهى بصاله

روفيدة : انت مكسوف انك تقول

يامن (بعيون حالمة فوشها) انا مش مكسوف ، الى انا فيه ده
مش كسوف

ده خجل

من الله سبحانه وتعالى

روفيدة: ليه ؟ للدرجة دى لو حد صرح مشاعره لحد فيها
حرمانيه

يامن (بصوت حنين وهادى) انتى مش حلالى يابنت الناس

روفيدة: طيب وايه يمنعك (بعيون لامعه)

يامن وقف اللحظة مندهش من كلمتها ،وبعدها بصلها بتساؤل

يامن : تفتكرى انه هينفع برغم كل الظروف ؟ هينفع دلوقتى

روفيده: قصدك دراستنا واهلى واهلك

يامن: وظروفى المادية ،والكلية والجيش الى بعد الكليه

وتكويني نفسي

روفيده: كل ده مش مهم ، نعمله ونعديه سوا ييامن

وقف باصص لها ودقات قلبه سريعه باينه ع تصاعد وهبوط

انفاسه

كانت طالعة يمنى بصنية شاي عالسلم

روفيده: يامن انا ...

يامن (قطع كلامها) روفيدة كلمى باباكي وقوليله يامن عاوز

يتقدم لى ييجى امتى؟!!

يمنى قلبت صنبة الشاي من الفرحة ورقعت زغرودة بالصوت

الحيانى

المريض ده معندوش وقت محدد يظبط نفسه عليه يمرض امتى
او لا

ايهاب: لكن هى تقدر تخصص يوم عالاقل كل اسبوع ليا وبس
اعتقد يوم مش كثير يعنى
انا كويس انى مقولتش ان وقت م اكون فمصر تسبب كل الى
عندها وتكون جمبي ومعايا

الاب: يعنى هو انت بتقدر تسبب شغلك وسفرك وتكون وياها
قولى يا كابتن ايهاب
مين الى بيحدد رحلاتك
انت ولا شغلك؟

ايهاب: شغلى

الاب: اذا انت معندكش اى سلطان على ده ،ومع ذلك هى متقبلاه
ومتعايشه معاه
لكن انت بمنتهى الانانيه
بتتهمها باهمالك
وهى الى بتشوف شغلها زيها زيك يا كابتن لا اقل ولا اكثر

ايهاب: يا دكتور حضرتك بالمناقشه دى بتصعب الامور اكثر
واكثر

دى مش طريقه ناس عاوزة تتفاهم

الاب: التفاهم ميحيش بلوى الدراع ياكابتن
ولا بالضرب

ايهاب: انا مضربتهاش ، المفروض على بنتك الدكتور وصال
تحترم زوجها

ومتكلموش بتجاوز حدود

ولا ده كمان مش من حقوقى عليها

زى ماهو مش من حقى تكون معايا ومرة واحدة تفضلنى على
شغلها

الاب: بنتى بتفهم فالاصول وعارفة حدود الادب يا كابتن ايهاب

ايهاب (قام وقف) اوك ، انا هسيبها تراجع روحها هل هى الصح
ولا انا

لانى بصراحه مش شايف انى غلطان

عن اذنك

قام ومشى ايهاب، ركب عربيته وكان بيلف شوية فالبلد من
الخنقه

وبعدھا زهق

روح عالبيت من تانى .

خلى الخدم تحضر حمام له يفوقه شويه ويخليه يفقد طاقه سلبيه
شوية ..

اخذ الدوش وفعد فسريره بيقلب ففونه ب ملل .

الهوم عنده كان فيه احداث كتير ، بقا يبص من هنا لھنا ويتصفح
من هنا لھنا

وشاف قدامه شوية بوستات فجروب الى ضمه له صاحبه من
غير ارادة منه ومن يومھا

مخرجش منه

كان بيقرأ البوستس وهو بيضحك عالكلام المكتوب

وبعدين قرر ينكش اعضاء الجروب ده ببوست منه

وكتب :

انا مش فاهم انتو مقومين الدنيا على ايه؟

على اساس ان انتو وجروبكم الى يدوب 20الف عضو ده

ھتعرفوا تعدلوا الى مش عاجبكم فالبلد

هتعرفوا تغيروا الى مش عاجبكم
انتو اخركم الكلام
وانا اخرى اتفرج عليكم وضحك ...

اول م داس كليك بسماح نزول البوست ، جاتله كمية لايكات
وكومنتس كتير
كان كلها شباب
الى بيشتتم ، والى عمل له ايموجى مخنوق منه
والى حطله صورة معناها مش محترم
الا كومنت استغربه جدا وعلق معاه ، برغم ان لما شاف الى فاتو
كان بيضحك ومش متضايق اطلاقا
الكومنت كان عبارة عن

: وواحد زيك هيحس بينا ازاي ؟ انا اول م شوفت كلامك ده دخلت
على صفحتك

لاقيتك شخص مرفه عايش حياته بالطول والعرض
بدلتك الى انت متصور بيها
وفلوسك الكثير الى باينه فكل صورة حاططها لنفسك
عمرها م هتعملك بنى ادم ، البنى ادم هو الى بيحس
وانت واضح انك معدوم ..!

ايهاب استفزه الكومنت ، دخل ع صفحة الشخص صاحب الكومنت

بص يا طه

انت بشكل او غيره ليك عليا فضل

مش عشان فمرة نبهتني ع خصم

او مثلا رجعتلي فلوس وقعت مني

انا فاكرة كويس اوى ان اول مرة اشوفك فالهايبير ، انت سالتني
اذا كنت كويسة ؟

طه: ايوة انا فاكرا

نهلة: اهو سؤالك ده جميل عمرى م اقدر ارد حقه مهما عملت

طه (باستغراب) يااه

نهلة: متستغربش ، انا عمر م حد سالتني مالك ؟

عمر م حد قالى انتى كويسة ؟

انت واحد غريب عمرك م شوفتني ولا تعرفني

سالتني مالك بمجرد م شوفتني تعبانه ، ومش كده وبس

قومت ورايا تظمن انى بخير

طه سامعها ومركز معاها جدا

نهلة: روجت يومها مش رايح من بالى احساس ان فيه حد كان
مهم عنده انا حتى لو ميعرفنيش
بعدها بقيت اجى الهايبر عادى زى اى حد
وزى كل مرة بشترى فيها مشترواتي

لكن فكل مرة كانت بتفرحني ابتسامتك ، الابتسامه والرضا الى
فعنيك الى مش بتفارقك فلامحك
اول م تشوفنى وانا جاية عليك احاسب
وكانك مستنيني مش زبونة عاديه
فالاول استغربت

لكن بعدها حسيت انك شخص اى حد محتاجه فحياته
شخص الامل بيطلع منه
التفاؤل والروح والطاقه الحلوة

وقت م شوفتك فالمستشفى وعرفت ب الى حصل لاخوك ، حاولت
ارد اى حاجه ليك تفرح قلبك
انت بابتسامتك كثير زاحت همى
ببساطتك ومساعدتك ليا فالكام مرة الى احتاحت انك تساعدنى
طب جه الدور عليا انى ارد كل الى خدته

طه: انا سمعت حضرتك للاخر ،بس مش معنى ده كله انك
تدفعيلى المبلغ ده
انا باذن الله فاقرب وقت
هرده لك

نهلة: ياطه مينفعش

طه: انا وافقت حضرتك ان اسيب شغلى واجى معاكى هنا عشان
مينفعش نتفاهم قدام
زمايلى والناس هناك
لكن انا لازم ارد دينك
انا طول عمرى شايل ع كتافى ومحبش ابدا اخلى بمسؤوليتى

نهلة: ياسيدى اعتبرهم منى لاخوك

طه: يافندم انا حتى معرفش اسمك ولا حاجه عنك ،هتبقى منك
لاخويا بامارة ايه
انا بس عاوز نمره تليفونك عشان اول م اجهز المبلغ اجبهولك

نهلة: طه!

طه: معلى بعد اذنك ، وای كلام غیر كده مش هقبل بجد

نهلة : اوك ياطه زى م انت حابب ، هعمل الى انت عاوزه
بس بشرط

طه: اتفضلى

نهلة: ف اى وقت محتاج اى حاجة تقولى ...اتفقتنا

طه سكت

نهلة: اسمى نهلة ذكرى واكيد عرفته فالمستشفى ورقمى اهو)
كتبت فورقه طلعتها من شنطتها)

اذا كان ده يريحك يا طه

طه: انا كده مرتاح يا استاذة نهلة ، بعد اذنك هقوم بس عشان
محدث من معارفك يشوفنى معاكى وتخلص مشاكل

السلام عليكم

مشى بعد م استأذنها ، ويدوب بعد عن المكان الموجودة فيه

وابتسم ابتسامه فرحه وهو باصص للورقه ورقمها وبيبوسهم

فرحان اوى ومبسوط بس عشان معاه اى حاجه توصله ليها حتى
لو هو عارف ان مهما بلغ
بيه الحلم عمره م هيوصلها .

داخل بيتهم وهو مبسوط سمع صوت اسماء اخته بتتكلم مع
جارهم الى ساكن فالشقة
الى قصادهم مروان

هو عارف ان اسماء اخته متعوده ع هناك ويعتبروا كلهم متربين
سوا ، بس فيه كلام اتقال
استوقفه

خلاه يوقف عالسلم وميطلعش وهو بيسمع

اسماء: طب م تفهمنى بدل حيرتى دى

مروان: طب ليه العياط والبكا يا اسماء طيب ، مبحبش اشوفك
زعلانه

اسماء: يامروان مش عاوزاك تكلمنى تانى بالله عليك

حرام عليك تعبي ده والله

مروان: انا معرفش استغنى عنك يا اسماء والله

اسماء: ليه م عندك منة حبيبك اهيه ، ماليه حياتك عاوز منى ايه

مروان: ماشى منة مالية حياتى لكن برضو انتى ليكى مكان
فحياتى عمرى م استغنى عنك فيه

اسماء: بقولك ايه يابن الناس، انا هوافق عالعريس الى جاى ليا

ومن وقت م البس دبلته

امسح رقمى

ومتكلمنيش

مممكن

سابته ودخلت وهو فضل واقف ، عدت دقيقتين وطلع طه

مروان شافه سلم عليه ودخل الشقه بتوتر ، طه دخل شقتهم

دماغه بتودى وتجيب

عاوز يعرف حقيقه الى سمعة ده ايه

فوجا بكل حرف، ولازم يفكر كويس جدا قبل م ياخذ اى خطوة
للكلام

مع اخته .. او مروان .

#بقلمى_نوراسماعيل



"كسرة فنجان"

بسمة : قابلت انهاردة راندا اختى مع امها سلمت عليهم ومشيت
بس لابسة لبس فظيع

هبة: كانت لابسة حلو يابسمه؟

بسمة: اوى قعدت ساعة ابص ع لبسها هى وامها

آية كانت فاتحه فيس ع جهاز الكمبيوتر بتاعهم بس ركزت مع
كلام بسمة

آية: وانتى الى بتلبسى وحش يابسمة؟

بسمة: انتى سمعانا ياخالتي؟

آية: مش قاعدة معاكم

بسمة: اه بس قولت شاغلك الفيس يعنى،بس انا مش قصدى ان
لبسى وحش

آية سابت الفون من ايدها وقامت وقعدت جمب بسمة ومسحت ع
شعرها بحنيه

آية: ان شاء الله اول الشهر لما اقبض ،هاخذك وانزل بيكى انتى
وهبه ونقوا احلى اطقم عاوزينها

هبة فرحت وباست خالتها اوى وبسمه كمان

بسمة: ربنا يخليكى لينا يا اغلى آية

طب ياخالتي كنت عاوزة اسالك ، هو بابا الله يرحمه كان شغال
يرة

يعنى مالوش معاش

هما بيلبسوا كده وعاشين منين

آية: مبحبش اجيب سيرة الناس ي بسمة ،ناس بتقول اتجوزت
واحد غنى

وناس تقول انها ورثت من اهلها فلوس

ربنا عنده العفو

هبة: يعنى انتى ياخالتيو لما تتجوزى واحد غنى هنعيش كده زيهم

!

آية (ابتسمت بحزن) انا مش هتجوز يا هبهوب ، انا عايشة
عشانكم وليكم

وانتو كل حاجه ليا

بالعربي كده انا اتجوزتكم انتو

ضحكو البنات ، وبعدين الجهاز عمل صوت ان جت رسالة ل
اكونت آية

بسمه: باين جاتلك رسالة ياخالتي

آية: طب ارجعوا ذاكرو انتو ، انا هقوم احضرلكم العشا وابقى
اشوفها بعدين

قعدت عالجهاز وقفلت صفحتها وراحت تحضر عشا البنات زى م
قالت

وبينها وبين نفسها بتدعى يعينها ويقويها ع انها تجيب كل
طلباتهم ومتخليهمش عاوزين حاجه
ابدا طول م هى عايشه .

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

"صائد البالون"

فجلسة عائلية ، كانوا بابا وماما واخوات مارسيلينو منتظرينه
ع احر من الجمر ييجى من شغله عشان يفتحو معاه موضوع مهم
جدا..

الام: الباب بيخبط يبقى جه

فتحت دخل مارسيلينو

مارسيلينو : ماما عاملة ايه اكل ، ومتقوليش احنا فصيام انا
مبقدرش عالصيام
الانقطاعى ولا صيام الرسل

الام: طب ادخل الاول ابوك واخواتك عاوزينك جوه وبعدين نشوف
حكاية الاكل ايه

مارسيلينو : يعنى ايه دخل الاكل وانى اعمر التانك باخواتى وابويا

الام: يابنى ادخل وخلص

مارسيلينو : حاضر ادينا داخلين ، كل دى حجج فاضية عشان
متعمليش اكل انا عارف

دخل لاقاهم قاعدين وكلهم بصوله سوا بصة انتظار ونظرة
متطمنش

مارسيلينو : هو انا دخلت عليكم الحمام فجأة ولا ايه؟

مساء الخير يا شباب ،ازيك ابابا

الاب: اقعد يامارسيلينو عاوزك

مارسيلينو : خير

اخوه الكبير: بص يا مارسيلينو احنا جيناك انهاردة عاوزينك
فحاجه مهمة

مارسيلينو : ماشى قولو

اخوه التانى: حاجه مهمة جدا ولازم ناخذ قرار فيهاانهاردة

مارسيلينو (بنرفزة تضحك) ايوة ايه هي الحاجه ،ايه هي
هنقعد لبكرة الصبح نقول فى حاجه فى حاجه ومعرفتش انا ايه
هي الحاجه دى

الاب: احنا قررنا انك تتجوز

مارسيلينو : ايه الكلام ؟

اخوه الكبير: قررنا تتجوز وعلى ووجه السرعة كمان

مارسيلينو : ليه يعنى حامل انا وخايفين من فضحتى ، ولا
هتجوزونى متشعلق فديل طيارة
ليه ع وجه السرعة

الاب: اتأدب يا ولد ! حنفهك دلوقتى ليه على وجه السرعة

مارسيلينو

يابنى

محلات الذهب بتاعتنا احنا واخواتك بتتهار

راس مالنا ضاع

وبدانا ننسحب من السوق

مارسيلينو : طب وايه دخل ده بالجواز ، هو انا لما اتجوز

هتقوموا انتو ع حيلكم من تانى

؟

اخوه : يابنى افهم الكلام للاخر ، بابا كان زمان مشارك واحد

فالمحلات قبل م تكبر

ويستقل لوحده

الراجل ده بعد م استقل بابا كبر فالسوق جدا

والتراب فعلا بقا يمسه يتحول لدهب

كل ده مش مهم

المهم دلوقتي اننا بعد م بدانا نخسر فكرنا فكرة ترجعنا تاني

فالسوق

وتخلينا رافعين راسنا ومحدث يقول علينا تلت التلاته كام

اخوه التاني : لازم تتجوز بنت من بنات الراجل ده ، وبالجوازه

دي هيرجع يشارك بابا من تاني

وبعدها كل حاجه ترجع زي م كانت ونوقف ع رجلنا

مارسيلينو : خلصتوا كلامكم ، انا مش عاوز اتجوز

والانجيل م عاوز

ولا بفكر

الاب: احنا مش هنستناك تفكر ، احنا قررنا خلاص وانت لازم

تساعدنا

اخوه: لولا اني انا وابرام متجوزين كنا قومنا احنا بالمهمة دي

مارسيلينو : مهمة ! هى كمان مهمة هو انتو هتخلونى احارب
ياخونا ولا ايه

اخوه الكبير: افهم ياغبي ،انا بسمع انا بناته دول قمرات
يعنى منتاش خسران حاجه م مسيرك تتجوز
يبقى تتجوز الى عليها العين
بنت زى القمر واصل وفصل ...وفلوس!

الكلام دخل دماغه جدا ودوره واقتنع بيه
ودليل ع كده انهم عملوا زيارة عائلية لبيت الراجل بابا العروسة
ده كمبدئيا قبل م م يتكلموا فاي حاجه رسمى

مارسيلينو شاف اختها الاصغر وانبهر بجمالها بس لولا انها
صغيرة جدا عليه كان علقها زى م بيعمل ،
لكن العروسة نفسها مكانتش موجودة

بعد الزيارة باسبوعين كرروا زيارة تانيه وراحو بس المرة دى
هيتكلموا رسمى

ولسه مبدأوش اى كلام

سليمان (بابا العروسة): انتو نورتونا بجد انهاردة حقيقي

ماما العروسة : المرة الى فانت لينزى كانت برة فالنادى ،كنا
عاوزينها تتعرف عليكم

المرة دى نشكر ربنا هى هنا وفرصة تتعرف عليكم

مارسيلينو (بيميل ع مامته) مين لينزى دى الموزة ؟

الام (داست ع رجليه) اتأدب

ماما لينزى :يا لينزى ،لينزى

تعالى يلا سلمى ع ضيوف باباكي

جاية من بعيد ودخلت عليهم ،خبطت عالباب واتحنحت للدخول
بكسوف

لينزى : مساء الخير (مبتسمه)

مارسيلينو وقعت الفنجان من ايده وقام منفوض من مكانه واقف
وقال

مارسيلينو : هبهيهي لا يا جدعان مش لاعب !




#صكوك_الغفران

روایتی رقم 12

#بقلمی_نوراسماعیل

صكوك الغفران ♠

بقلمی #نوراسماعیل



" صائد البالون "

سليمان (بابا العروسة): انتو نورتونا بجد انهاردة حقيقي

ماما العروسة : المرة الى فانتت لينزى كانت برة فالنادى ،كنا
عاوزينها تتعرف عليكم

المرة دى نشكر ربنا هى هنا وفرصة تتعرف عليكم

مارسيلينو (بيميل ع مامته) مين لينزى دى الموزة ؟

الام (داست ع رجه) اتأب

ماما لينزى :يا لينزى ،لينزى
تعالى يلا سلمى ع ضيوف باباكي

جاية من بعيد ودخلت عليهم ،خبطت عالباب واتحنحت للدخول
بكسوف

لينزى : مساء الخير (مبتسمه)

مارسيلينو وقعت الفنجان من ايده وقام منفوض من مكانه واقف
وقال

مارسيلينو : هبهيهي لا يا جدعان مش لاعب !

الام : (بعصبية خفيفه) ولد ! اقعد مش كده

مارسيلينو واقف زى م هو مذهول ،ودخلت عليهم لينزى
الظاهر قدامهم

بنت لابسة نضارة عدساتها سميقة جدا اشبه بكعب الكوبايه

ومجسه ايدها وبتتعزيز عكاز وماشييه واحده واحده

اما عن صفاتها الشكلية ،فَعندها سنتين من قدام طوال زي الارنب
حتى وهي ضامه شفايفها باينين
رافعه شعرها اي كلام مش مهتمه بيه ..
ومفيش نقطة ميكاب فوشها

....

مامت لينزي (قامت باستغراب) لينزي ! مالك
(بتسندها)

لينزي : مفيش ياماما وانا جاية بس عملت حادثة بالعربية
ونقلوني عالمستشفى عملولى جبيرة
مفيش حاجه متقلقوش

مارسيلينو بيشوف المشهد فاتح بوقه ع مصرعيه من هول
المفاجأة

بابا لينزي : طب اقعدى تعالى ،متصلتيش بحد فينا ليه

لينزي : محبتش اقلقكم

مارسيلينو: وانتو تستنوا تتصل ليه ،اكيد بنضارة جدو دى هتعمل

100

حادثة يوميا

دى بتضبش

بابا مارسيلينو (بيسكت مارسيلينو وبيشده من هدومه) اقعد

واخرس بقا

، الف سلامة

لينزى : الله يسلمك ياطنط

مارسيلينو (بيلطم وميل ع اخوه) مبتشوفش ومفيش تميز سمع

كمان يختى يختى يختى

ماما مارسيلينو : طيب احنا هنستأذن ويبقى لينا زيارة تانيه

نتظمن ع لينزى

قاموا وسلموا عليهم ومشيووا ،وفالطريق

مارسيلينو : هتجوزونى واحدة عاميه ومكسحه وطرشه ووشها

يقطع

الخير من البيت !

الاب: بس اسكت ،دى حادثه عاديه يعنى هى لا مكسحه ولا عاميه

الام: وبعدين البنت زى القمر كفايه روحها الحلوة

مارسيلينو : قولى والمسيح الحى كده انتى مصدقه كلامك !

الاب: اسمع الكلام ، كده كده انت لازم تتجوز انت عديت ال 31

عاوز ايه تانى

مارسيلينو : ماشى اتجوز بنت عاديه مش وحدة من الحديقه

ياناس اعقلوا الحكااية

دى انام جمبها ازاي واصطبح ع خلقتها ازاي

الام: المهم الروح يابنى

مارسيلينو : المهم الروح لما اكون هصور فيلم رعب مش هتجوز

(بيلطم)

رجعوا ومارسيلينو مخنوق من الى اتحط قدامه ، لازم يتجوز

عشان ينقذ باباه واخواته من الفلس

وفنفس الوقت عمره مارسيلينو م ضحى كده عشان حد

وكمان دى مش اى تضحيه ،،،،

الموضوع بياخد ويدى معاه وواكل دماغه ،حتى وهو معزوم هو
ودولاچى على خطوبة
ناس صاحبهم وجوة القاعة

دولاچى (بتعيط وماسكة منديل بترميه عالتربيزة قدامهم) يعنى
ايه ! يعنى حكموا ع قصتنا بالموت قبل م تبتدى

مارسيلينو باصصلها باستياء

دولاچى(رمت منديل تانى) يعنى خلاص الحلم الجميل راح
وانقضى والى بينا خلاص مضى

مارسيلينو: حاسبي ترمي لى منديل فالفنجان انا مش ناقص قرف

دولاچى: مارسيلينو تعالى ننتحر ،يلا بينا ع كوبرى قصر النيل
نرمى نفسنا من فوقه (بتشده)

مارسيلينو : اعمل ايه ياما م تهدي كده (بيقيدها)

دولاچى : لازم يكون ده ردنا عليهم ، اننا رفضنا اسلوب الضغط
بتاعهم وانك تتجوز واحدة تانيه

مارسيلينو: هو انا ليه فجاة حاسس انى قاعد مع الفنانة القديرة
شادية

م تتهدى بقى

دولاچى: انت لازم تعمل صرخة فوشهم ، تقولهم مش هتجوز الا
دولاچى حبيبتى

البتت الى عاوزين تجوزوهالى دى انا رافضها وبحب دولاچى

مارسيلينو: عارفه يا دولاچى ، لو البت كرباج كنت قلبتك عادى
واتجوزتها

وزمانك بتتلقى دعوة فرحنا

المصيبه انك تشوفى وش الكنغر عنها

دولاچى يا سلام ! هو ده الى هامك انها مش حلوة؟! لكن لو
حلوة كنت سيبتنى عادى

(بتعيط) ياخسارة الحب الى حبتھولك

(بترمى منديل) يا خسارة ياسينو ، انا بنتك حب وقصور واحلام
وردية

اد كده ليه تصحبنى فوسط الجنة بنار ليه

مارسيلينو (باصصلها بامتعاوض) انا عرفت دلوقتي ..

والله عرفت ..حقيقي يعنى

زى م فى بنات بيسموها السنديلا من لذاتها وخفتها كده

فى بنات المفروض يكون اسمها ست الحزن والجمال ست اليوس
والاكتئاب


وحجات زى كده ودول لو دخلنا فيهم اللومان يبقى حق الله فيهم

(قايم)

انا هقوم وانتى اقعدى نفي مع نفسك وارمى فمناديل وانا اشوف

قضايا الاسود !

#بقلمى_نوراسماعيل



"جنح اليمام "

وصل ايهاب دبي ،كان عنده رحلة لهنالك

بيغير هدومه وبيستقر

طلب اكل يطلع له فوق فغرفته لانه مش قادر ينزل

وقعد استكنيص

بيفتح انت ، عادة مش بيحط فداغحه حاجه او بيركز مع حاجه
لكن وحدته حتمت عليه انه ياخذ انت صديق

هتسالوا ، طيب قبل جوازه بوصال كان بيعمل ايه

كان بينزل ويتفسح ويتصور ويسهر

لكن ايهاب حس ان كل ده هو اخذ من طاقته كتير وعاوز يستريح
بقا

خصوصا بعد م عمل بيت

وزوجه

لكن زوجته مش مساعده ابدأ عالاستقرار ده ...ظروفه جت كده
بقا.

فتح فونه ، واول حاجه جاتله رنة وصول له مسجين

الاولى من صاحبه الى دخله الجروب بالغلط بيقول فيها :

صاحبه: يابنى دخلت بالغلط مش تطلع ولا تقعد تنكش فالناس

اهم بهدلو بوستك شتايم واتحفل عليك عاجبك كده !؟

شاف ايهاب المسج ضحك ورد

ايهاب: اه عاجبنى وانت مال اهلك ياعم

والمسج الثانية كانت من المجهولة

مكتوب فيها

انت الى جبت لنفسك كلامى الى ضايقتك واعتبرته تهزيق

قبل م تشوف الناس من فوق

انزل ليهم يمكن تشوف الى عمرك م شوفته ،كلنا ولاد حوا وادم !

استفزته رسالتها اوى ، هو مكانش قاصد يشوف نفسه بفلوسه

ونفوذهم عليهم

كان قاصد يتريق ع حماسهم ف ان كل حاجه شايفنها غلط فالبلد

بسبب الظروف

وكل الى بيعملوه هو شوية بوستات ليس الا..

سأل نفسه ،يوضح لها وجهة نظره

ولا يرد عليها رد انقح منه عشان يحرق دمها زى م حرقت دمه؟

محتار وخسم قراره بعد دقائق،بعد م كان بيكتب كثير ويمسح

ايهاب: طب بالراحه ع نفسك انا مكانش قاصدى كل الى قولتية ده

كان قاصدى ان الى بيشوف حاجه غلط بيغيرها بطريقه صح

مش بالكلام

الحكاية مش حكاية غنى وفقير

حكاية مبدا ،مش جروب الى هيعدل المايله ع فكرة !

بعتها وساب الفون من ايده على اساس انها هترد بعد ايام زى

المسج الاولى

حضر حمامه ودخل خد دش سريع وهو طالع ،فونه عمل رنة

وصول مسج

لاقاها هي كتباله :

اصل انا حسيت انك بتتريق وانك بتحسسنا اننا فكوكب وانت

فكوكب تانى

بس معلش يعنى الى محسسك اننا مبنقدرش نعمل حاجه ويدوب

اخرنا الكلام

هي اننا لو عملنا حاجه هنتعلق من رموشنا

لكن الى زيك لو اتكلم

محدث هيمس حتى بدلتك دي ولاييجى جنبك ،عشان كده فاكر

الموضوع سهل .

ايهاب شاف المسج ورد

ايهاب،: ع فكرة الحوار مش زى م انتى فاكرة انتى قلبتى
الموضوع لسياسه ليه ؟

البنـت: عشان ده الى بيحصل ،انا واحدة عايشة الواقع ده

ايهاب: والجروب بقا بيحل ليكم ايه ؟

البنـت: اهو بنفضفض عن الى تاعبنا لحسن نطق نموت

ايهاب شاف كلامها وضحك

البنـت: اراهنك انك دلوقتى قاعد فمكان شيك ومريح وقدامك

تليفزيون باحدث

موديل وجودة

وجمبك افخم اكل

والتكييف شغال

والاضاءة هادية

ايهاب (بعـت ايموجى مبتسم) عرفتى منين انتى مخاوية ولا ايه ؟

البنـت: لا حسيت من طريقتك الهادية الكول فالتعبير عن الواقع

ايهاب شاف اخر مسج منها وغرق فكريزة ضحك ممسكش نفسه
ورجع كتبلها

ايهاب: اه والخدم ماسكين ريش نعام بيهوا عليا بيه
والخروف بيتشوى بالكامل فى اول الاوضة وفيه واحد انا معينه
يرش لى برفيوم بس
ب 6000 جنية فالشهر !

البننت غابت فالرد مع انها شافت المسج ،ايهاب اعتقد ان انت
عندها قطع
استناها شوية وردت

البننت: طيب م اجى انا الف ليك الخروف واديني 5000 بس

ايهاب (ضحك) لا اربعة حلوين متبقيش طماعة


استنى رد ،مجاش رد

لحد م عدت نص ساعة

زهق ومل وقال مفيش فايده وعلى ايه يرهن نفسه دى مجرد
شخص عابر

قام غير هدومه وقال يسهر فای حته .

#بقلمى_نوراسماعيل



"رمل البحر "

بعد عزومة عازمينها اهل الاء ل اهل محمد جهاد فبيتهم ، حبوا
ياخدوا الشاى ففراندة البيت
عندهم واسعة ومريحه ..

مامت الاء: بالف هنا وشفا ،حالا الاء هتعمل الشاى وتجيبيه

هند: يارب عمله حلو مش ماسخ (بتبرطم فبقية الجملة) زى
الاكل

مامت الاء(اتضايقت) ليه الاكل معجبكيش ياهند ولا ايه ؟

هند: لا كان كويس يعنى مش عمايل الاء ،اهى بتتعلم

دخلت مامت الاء المطبخ وشها متغير وكانت الاء بتجهز الشاى
والكيك

الاء: مالك ياماما مكشرة ليه

الام: لا يا حبيبتي مفيش

الاء: انا مبسوطة ان الاكل عجبهم ،محمد كان بيقولى ان نفسي
فالاكل تحفه

الام: تعيشو وتتهنوا يا حبيبتي ،انا هخرج بقا اقع وياهم وانتي
متعوقيش

برة عند اهل محمد ...

العمة: الاكل لا يتاكل ولا يتشرب ،يا عيني عليك يابن اخويا وقعت
وقعة زى الفل

دى هتاكل من ايدها ايه دى

والنبي ابنك الى الناس كلها بتحسدك ع جسمه ولياقتة لتخسسه
النص

ام محمد : احنا فبيوت الناس مش كده بقا ،طب والله اكلها حلو
وحتى الديك الرومى المحشى

عجبتنى خلطته اوى وهاخذها منها

هند : ياماما بلاش بس منها الحليطة والله اكلها ماسخ وزى السم

محمد جاى من الحمام بعد م غسل ايده

محمد جهاد: اول م ييجى عمى من برة هفاته فموضوع شقتى
الى فوق

الام: ماشى يابنى زى م تحب

العمة: ومستعجل ليه ي محمد م كله ييجى باوانه

محمد جهاد: لا عشان ننجز

جت مامت الاء عليهم

ام الاء: ده احنا زارنا النبي انهاردة ، عمك طالع يامحمد اهو لسه
مكلمنى

محمد جهاد : ماشى يا طنط براحتة انا بس وحشتنى قعدتى معاه

جاية الاء بالشاى والكيك ، حطت الصوانى قصادهم وقعدت جمب
محمد

محمد (باصلها) تسلم ايدك يالوؤ عيني

الاء: حطتك فالشاي بتاعك نعاغ يا حبيبي

محمد : تسلميلي يا روح قلبي

هند (بصالهم بغيظ) طب بقول ايه م نوفر النحنة دي للتليفون
لحسن مرارتنا بتتفقع
من دلعم

الاء اتكسفت ومحمد بص لاخته بصة مستحلف لها

هند (خافت من رد فعل اخوها) انا بقول يعنى دلوقتي احنا قاعدين
مع بعض مالوش لزمة الكلام ده

ام الاء (حبت تغير الموضوع) دوقى كده الكيكة دي ياست ام
محمد ، هتعجبك حشاها الاء مربي وكريمه
قال ايه جايبه الطريقة من عالنت

هي تجيب وتخترع وبصراحه بيطلع حلو حتى لو جربت فينا (
بتضحك)

ام محمد : (بتدوق) تسلّم ايدها مرات ابني ، والله م مجاملة
عمايها انهاردة زى الفل

الاء: تسلميلي ياطنط ربنا يخليكي

ام الاء: م تمدى ايدك يا ست عزة انتى مش محتاجه عزومة
،ولانعمك حاجة غير الشاى؟

العمة: (بتتكلم من غير نفس) يعنى هو انتى كنتى قولتى اتفضلى
، كفاية عليكى حمات بنتك
ياستى قولتها ومرحبه بيها

الاء اتضايقت بس ساكته

ام الاء: والله م قصدى انتى الخير والبركة برضو ، اتفضلى

وف اثناء كلامهم فالفراندا ، جه بابا الاء وقعد معاه محمد وحكى
فتفاصيل انه هيبدا تشطيب فشقتة

الى فوق شقة بيت باباه

وان الاء تيجى ف اى وقت تقول عاوزة ايه فالتشطيبات والاب
وافق ، القاعدة خدت وقتها

وجه وقت الرحيل

نازليين هند وعمه محمد ومامته ومحمد واقف لسه بيسلم ع الاء
واقفين قدام الباب

محمد جهاد : لؤلؤ عيني من جوه هتوحشيني هتوحشيني
هتوحشيني (بيبوس ايدها)

الاء: بابا جوة بطل جنان يلا عشان تلحقهم (بتضحك ع حركاته)

محمد : متناميش انا اول م اوصل هكلمك

الاء: لا مش هنام قاعدة جمب الفون

محمد جهاد : طب م تجيبي اي حاجه الله يحسن عليكى

الاء: بطل دلع بقا يلا انزل يا حماده (بسهوكه بنات)

محمد جهاد: والمصحف الشريف م همشى من غير اطة صغونة
كده عالماشى

الاء(بكسوف وبتبص جوة شقتهم) اخرس وامشى بقا

من تحت

هند : م تيلا يابنى هتنام عالسلم ولا ايه ؟ احنا خللنا هنا خلص

من فوق

الاء: اهو يلا امشى لحسن يسوحوك

محمد بسرعة خطف بوسة من ع خدها وجرى نزل عالسلم ،وهو
بينزل جرى اتكعبل وقع درجتين وقام نفض نفسه وهو بيشارولها
باى باى وهى مش عارفه تمسك نفسها
من الضحك ع جناه ..

#بقلمى_نوراسماعيل

♡♡♡

" صاحب الابتسامة "

ع الغدا ،كلهم متجمعين سوا
طه واخواته ومامته ...لكن طه اشبه ب مركز مع اسماء الى مش
بتاكل
وبتقطع من الرغيف لقمه لقمه
وبتسيبهم قدامها من غير م تاكل وسرحانه ..

طه : م تاكلى يا سمسم مبتاكليش ليه ؟

اخوهم الصغير: اصل اسماء مبتحبش البصارة

اخوهم ٢: سبحان الله بتعملها رهيبه وشوية البصل والمخلل دول
ومتاكلهاش

الام: مالك يا حبيبتي فيكى ايه ؟

اسماء(بصت لامها بعيون دامعه) : مفيش ياما سلامتک

الام: اصلك مش بتاكلى يا ضنايا ومسهمه كده

اسما(قائمه) اصلى مش جعانه دلوقتى ،شوية كده ابقى اكل
قامت وطه متابعها بالنظر

طه كمل اكله للاخر ، وقام وراها خبط عليها الاوضه
سمحت له بالدخول
فدخل

طه: ايه يا سمسة مالك ؟ فيه حد مزعلك ولا ايه

اسماء: لا يا حبيبى محدش يقدر يزعلنى وانت فالدنيا ربنا يخليك
ليا

طه قرب من مكانها وقالها بحنيه اتعودت عليها منه

طه: انتى لسه مردتيش عليا فموضوع العريس الى متقدمك

اسماء: ياطه انت الاحمال كتير فوق دماغك ،مش كمان هتشيل
هم جهازى وازودك
فوق همك هم

طه: ياستى لو عالجهاز انا عامل جمعيات بمرتبي ، وممكن
استلف متشيليش هم
ده انتى الفرحة بتاعتنا
ولازم تدخلى بيت جوزك وانتى رافعه راسك

ابتسمت نص ابتسامه

طه : اسماء فيه حاجه فيكى ومخبياها ؟

اسماء بصاله بعيون فيها دموع

طه: قوليلى انا مش مكان ابوكى طيب ، وانتى دايمتا تقوليلى كده
انت اخويا وصاحبى وابويا ياطه

اسماء: طبعا (حطت راسها ع صدره وراحت فعياط مستمر مش
بيبطل)

طه (اتالم لبكاء اخته ع صدره) لو كل ده عشان العريس نرفضه
بس متعمليش كده فنفسك

اسماء: وهفضل ارفض لحد امتي يا طه ، انا سنى بيكبر وانتو
عاوزين تفرخوا بيا

لو عليك ففرحنا بيك مرة ومن يوم كسرتنا لما طلقت
واحنا الفرح مدخلش بيتنا تانى

من يومها وانا نفسي افرحكم بس مش قادرة
بقول لنفسي لازم المرة دى اوافق ،العريس كويس وميتعيبش
بس بحس ان روى بتطلع كل م اى موضوع ليا يقرب

طه: طب مالك بس فهمينى ،انا صاحبك واخوكى وخفهمك والله
(رفع وشها له) هو فيه حد تانى؟

اسماء بصاله ودموعها ورا بعض بتنزل ع خدودها

طه: يعنى فيه؟ طب مين قوليلى

اسماء: وحتى لو قولتلك ايه هيفيدنى ، انا كده كده متعلقه من
غير فايده

تقدر تقول حب من طرف واحد

طه : ازاي (مركز معاها)

اسماء: انا بحبه ، وبحبه اوى ومش متخيله حد غيره فحياتي
وهو شايفنى اخته وصاحبته
ويحب واحدة تانية ...صاحبتي ! (ورجعت لعياط هيستري وهى
مخبيه وشها بكفين
ايديها)

طه ابتدى يفهم موضوعها بس مش هيضغظ عليها مؤقتا تكمل
عشان يعرف
ازاي يتصرف ف موقفها بحكمة ..

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

"كسرة الفنجان"

بسمه : فصل النت من الجهاز عم حمدى قال عشان مدفعناش

الشهر الى فات والشهر ده

آية: مع انى قولتله يصبر للشهر الجديد وهدفله التلاته سوا
ماله مش صابر ليه

هبة جت عليه ببراءة قالتلها

هبة : انتى مدفعتيش انت عشان جبتلنا هدوم مش كده

آية (باستها) يا هبهوب انتو تؤمروا ،انا ماليش غيركم
اصلا

وبعدين هخليه يرجعه تانى بالجزمة ماله ده ده احنا مشتركين
فالنت من زمان عنده

بسمه (معديه تحط هدوم فالغساله) لا وانتى متعرفيش تقعدى من
غير قصص يا يويا

عامله زى السمكة الى بيطلعوها من البحر

آية : اهى تسليتى الوحيدة ياست بسمة ، حتى التليفون بتاعى
المعوق ده بيحمل

نت بطئ وبيهنج وبيطلع عينى لحد م يحمل الصفحة

بسمه: ده تروخی تبعیه وتجیبي عجلة مكانه (بتضحك)

آية ضربتها ع كتفها بهزار وهما بيتكلموا جاتلها مكالمه من
واحدة قريبتها
من بعيد ..

عشان منطولش ،المكالمة كان محورها كالاتي
جاي عريس ل آية
مطلق وعنده اولاد وعاوز عروسة
واهلها الى من بعيد شايفين انها تصلح للجواز بدل قعدتها دي من
غير جواز

لكن آية كانت بتزعق بصوت عالي ان محدش يكلمها فالموضوع
ده تانى لانها قفلته من زمان
لكن واضح ان قريبتها مش راضيه تسكت

الست: فهميني كده قعدتك من غير جواز تجيب لك الكلام وانتي
لسه برضو شابه

آية : بصى بقا ،انا مرفعتش على ابو البنات قضية ايام م كان
عائش الله يرحمه
عشان اضم حضانتهم ليا

واتبهدلت فالمحاكم

عشان فالآخر اروح اتجوز واسيبهم لاهل ابوهم يمرمطوهم هناك
معاهم

واقعد انا لاعارفه كلوا ولا شربوا ولاحصلهم ايه

الست: وهو انتى امهم ؟ امهم ماتت وربنا اخن عليهم من اى حد

آية: امهم تبقى اختى ، راحت فعز شبابها

وتبقالى اغلى الناس بعد امى وابويا

ودول حته منها وامانتها وانا مش هسيبهم عشان اتجوز واحد
واربيله عياله

واسيب بنات اختى يتبهدلوا مع اهل ابوهم الى اصلا هما غرب
عنهم

الست: اهو دماغك الناشفه دى هتوقف حالك ، والله مانا عارفه
نهاية عنادك ده ايه

آية : نهايته انى لا بفكر فجواز ولا رجاله ، انا اهم حاجه عندى
بسمه وهبه

يوصلوا بر الامان

اكون انا كده فامان

وموضوع جواز مش هفتحه مع حد تانى ، سلام

قفلت وقعدت مكانها ساكته ،جم بسمة وهبة حزنوها اوى

آية: متخافوش عمرى م اسيبكم ،حتى لو كان ايه التمن !

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

" العهد "

روفيدة ...

عروس اليوم ، اخدت هى معاد مع باباها لمقابله يامن واهله
فموضوع خطوبة !

بابا روفيدة رخب بيهم لانهم ع اى حال ضيوف وجايين من بلد
تانيه

سفر !

العيلة كلها كانت مع يامن

باباه ومامته وياسر اخوه ويمنى ...بعد الترحيب والشاى والحاجه
الساقعه

بابا يامن: والله يا استاذ وجدى احنا جايين كده بربطة المعلم

عشان نطلب ايد روفيدة ل يامن ابني

بابا روفيدة : يا اهلا وسهلا بيكم ف اي وقت حتى لو مش عشان
موضوع روفيدة ويامن
احنا اهل من زمان

بابا يامن : الله يخليك ده من كرمك وذوقك

بابا روفيدة: بص يا حج محمود ، انا معنديش غيرها بنت وحيدة
واغلى عندي من نورعنيا
وزى م انتو عارفين روفيدة فثانوية عامه السنة دي وكلها كام
شهر وتدخل الجامعه

الام:مامت يامن (على خير يارب

بابا روفيدة : وانا بصراحه شايف انهم صغيرين لسه عالخطوة
دي

ده يامن لسه فسنة تانيه

وقدامه لسه ٣ سنين كمان

وجيش

وع م يكون نفسه للجواز

الاب والام بصوا ليامن

بابا روفيدة : بغض النظر والله ع ان الشهادة لله هو شاب يتمناه
اي راجل لبنته
ويتشرف بيه كمان

يامن : الله يعز قدرك يا عمى

بابا روفيدة : لكن يا حج محمود حظ نفسك مكاني ، لو جه عريس
ليمنى بنتك
وهما لسه صغيرين وقدامهم مشوار طويل
هتوافق ؟

بابا يامن : والله ي استاذ وجدى لو عليا هفكر برضو ، بس الاولاد
انا شايف انهم عاوزين بعض

روفيدة : يا بابا كده احسن انا شايفه ان مش بدرى ولا حاجه
مامت روفيدة : روفيدة دلوقتي بابا بيتكلم

بابا روفيدة : طيب انا مبدئيا هفكر ، يكونوا الاولاد خلصوا السنة
بتاعتهم دى
وتكون روفيدة خلصت الثانوية العامة وريحت بالها

بابا يامن : واحنا منتظرينك براحتك خالص

روفيدة بتبص بعيون مترقبه ل يامن كانها مستتية حاجه ، وهو
بصلها وبعدين
كسر نظرتة للارض .

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

"قصور الهوا"

راحت رضوى لباباها زى م طلب ، اتضح فعلا انه عريس واتضح
برضو

انه من طرف شغل مرات باباها !

رضوى اتحججت بدراستها زى كل مرة وانها مش مستعدة
لارتباط ، واتصلت برباب حكيت لها
كل الى حصل فحوارها مع العريس .

ومننشاش ان من يوم الى حصل من حسين هو متصلش بيها
وهى مراحتش الجامعه بسبب سوء
حالتها النفسيه

لكن اهي بدات تهذا ورجعت تانى تنزل كليتها تتابع محاضراتها
وموادها .

وهى طالعة من محاضرة من المحاضرات !

حسين : رضوى استنى عاوزك

سمعتة واتجاهلته وكملت طريقها ،فضل ماشى وراها

حسين: متخافيش امشى وراكى كده وخلص استنى بقولك

رضوى وقفت واتدورت له

رضوى: نعم

حسين: ايه كنتى ناوية تفرجى عليا الشارع زى الجامعه ولا ايه

رضوى: عاوز ايه يا حسين

حسين: انتى لسه زعلانه منى

رضوى: يا سلام ! دلوقتى لسه بتسال مهانش عليك مرة تكلمنى
تظمن عليا ولا تحاول تصالحنى

حسين: ما هو حتى لو كلمتك مكنتيش هتردي ،هشحن عالفاضي
يعنى !

رضوى: من الاخر عاوز ايه يا حسين

حسين: انتى بجد جالك عريس

رضوى : اه ووافققت

حسين: متكديش رباب قالتلى انك رفضتية

رضوى: طيب ياسيدى. مدام عندك الاخبار عاوز منى ايه (ماشيه)

حسين: استنى هنا بطلى قفش بقا واسمعى

انا لما زعلتك لما خرجنا سوا

وانتى مشيتى وانتى بتعيطى انا اتضايقت من نفسي جدا

رضوى: ده انا الى استحققت نفسي عشان اتماديت معاك من

البداية لحد م طمعنك

فيا وافكرت ان كل حاجه مباحه

حسين: خلاص بقا يارضوى انا لومت نفسي بما فيه الكفايه

ولما كمان قالتلى رباب ان ممكن يكون جايلك عريس اتخنقت اكثر
وحسيت انك بتضيعى منى

رضوى واقفه ساكته

حسين: انا بحبك يا رضوى بحبك !

رضوى : وبعدين

حسين: احنا صحيح فاوول سنة فالكلية ،بس مسيرهم هيعدوا هوا
عشان اجى واطلبك من باباكي

رضوى مستغربة وعقدت حواجبها باستفهام

حسين: انا بتكلم جد ومش بقولك كده عشان نتصالح
انا عارف انى لو كلمتك انتى هتصالحينى ع طول

رضوى: علشان هبله

حسين: (مبتسم) لا ،علشان قلبك طيب وكبير

رضوى : انت بتتكلم جد ، عاوز تيجى تخطبنى يعنى ؟
حسين: وجد الجد كمان ،بس نعدى سنتين نكون فسنة تالته مثلا
عشان اعرف
اكلم اهلى بقلب جامد

رضوى: وايشمعنا سنة تالته ؟
حسين: هنكون كبرنا فنظرهم عن كده يعنى عشان ابوكى
ميستقلش بيا

رضوى : وانا هقعد ارفض فعرسان طول المدة دى

حسين: علشان حبنا انتى لازم تتعبى زيى ،مرة تتحججى
مرة تزعلى منهم
متخليهمش يضغطوا عليكى
احنا لبعض يارضوى ...صدقينى

رضوى ابتسمت ، مسك ايدها بايده وشبكههم فبعض

حسين : تعالى بقا اروحك السكن وبالمره نتمشى

رضوى : هنتمشى لحد سكنى ! لا ده طريق طويل انا باخدله
تاكس

تعالی نرکب تاکس

حسین: تاکس! یانهار مدوحس

لا نتمشاها مع کلامنا مش هتحسي بحاجه مش انا وحشتك

رضوی (بصاله باستیاء) انا الی هدفع یاحسین، هعتبر انی
لوحدي عادى

حسین : ممم اذا كان كده ،يبقى يلا بينا
وابقى خليه يعدى ع سکنى بالمره يروحنى
معاكى فلوس كفايه!؟

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

#صكوك_الغفران

روایتی رقم 12

#بقلمى_نوراسماعيل

♣صكوك_الغفران ♣

بقلمى #نوراسماعيل

♡♡



" جنح اليمام "

" انا عرفت الى حصل بينك وبين مراتك بالصدفه ازاي كل ده
يحصل وانا معرفش "

ايهاب: يامى هي واحدة شايفه نفسها وبس اهم حاجه روحها
اهم حاجه شغلها
اهم حاجه تثبت نفسها
ويلعن ابو جوزها
لابو اي حد يوقف فطريقها
دى مش سامعه غير نفسها، وابوها مساعدها ف ده

الام: ايهاب ! ايه طريقة الكلام دى
مراتك دكتور شاطرة وبتشوف شغلها

ايهاب: فيه مليون دكتور نسا وتوليد فمصر، والناس لو منزلتش
ليهم وصال
مش هيبتلوا يولدوا
لا هيولدوا عند غيرها
موقفتش الدنيا

مريصة وصال مش هتموت ولاهتروح منها لو وصال يوم
منزلتش عيادتها او المستشفى

لكن جوزها ممكن جدا يروح من ايديها
وممكن بيتهما يوقع من قبل م يتبنى

الام: انت وهى عنديين ، الامور متحلش كده

ايهاب: انا هموت ي امى ع طفل ! هموت ونتكلم سوا فاساميهم
هنعمل ايه فتربيتهم

الست الدكتوروة وصال مش صغيرة ولا انا
عشان نستنى كمان عشرومية سنه نفكر فاطفال

الام: انت طبعا ناقشت معاها بطريقة كلامك دى وشديتو سوا
راحت سابتك البيت

ايهاب: ياماما ، انا كل الى طلبته منها

يوم

مجرد يوم من كل اسبوع

ليا لوحدى

انا عاوز ست احكى معاها ، ست تشاركىنى تفاصيلى وشاركها
حياتها

انا شوية واتخيل وصال وقفالى بالمشروط والجونتى الى كله دم !

مامته بصاله وسامعاه

ايهاب: ويعنى خلاصة الموضوع ،دكاترة مصر مش هتضيع من
غير الهانم

لكن بيتنا واد جدا يروح بسببها

الام: انا خلاص هروح ليها واجيبها

ايهاب (بعصبيه) امى انا روحت وباباها نفس تركيبه دماغها
وهى مرتاحه هناك وانا مرتاح

الام: مرتاح ومرتاحه ايه ،انتو معدتش سنة ع جوازكم
لسه

اهدى عشان كل حاجه تتحل كويس

انا هجيبها انهاردة

ولما تيجى ،حاول تناقش معاها الموضوع تانى بهدوء
اتفقنا يا ايهاب ؟

ايهاب: اتمنى والله !

#بقلمى_نوراسماعيل



وعدت فترة كبيرة عاقل
وحصلت فيها حجات كثير ،،،

" كسرة الفنجان "

جاية آية شغلها ولايسة اسود ، الموجودين خدوا بالهم من
زمايلها
فسألوها

آية: عمى اخو بابا اتوفى ، كان زى ابويا
وكان اوقات بيساعدنى فمصاريق البنات
الله يرحمه

زميله ١ : البقاء لله ي آية ربنا يرحمه يارب

آية: سبحان من له الدوام ، بقولك متعرفيش مدرس كيمياء
كويس

عشان بسمة بتاخذ عن ميس مش اد كده وانا عاوزة السسها
عشان تدخل

كليه كويسة

زميلة: الميس دى هى معاها من سنة اولى ثانوى؟

آية : اه ،بس مستواها ضعيف

زميله : هسالك حاضر

فتحت آية فونها تتصفح ،بعد م اشترت واحد مستعمل من شهرين

بس كفاءته كويسة للاستخدام

احسن من القديم بتاعها

بتتصفح اخبار واحداث ،لاقت مسجات من صاحبها البنات

عالفيس بيعزوها لما غيرت صورتها

بترد عليهم كلهم ، وهى بترد مرة واحدة ابتمت

زميلة من زمايلها اخدت بالها وغمزت لزميلتها التانيه

زميلة ١ : مش ملاحظة ان آية كل شوية ماسكة الموبايل بتاعها

كانه لازق فكف ايدها

زميلة ٢: لا وتحسى كمان قال ايه ،فيه حاجه الفيس بتاعها
بتبسظها عشان ساعات كده بتبسم مع نفسها

آية : بطلوا غمز ولمز ، انا برد ع رسايل الناس الى بتعزيني
ولو عالابتسامه فعادى يعنى
ممك اكون قریت كلمة ضحكنتی

زميلة ١: بس ع طول ماسكاه ي اية بتفكريني بولادى

آية: اهو بيسليني وعامل لحياتى جو ، اكتب كلمة هنا ع صفحتى
انزل استفسار فجروب
انزل پوست فجروب تانى ...كده

زميلة : هياكل دماغك البتاع ده


آية بتضحك وهى سامعة زميلتها ،وعيونها مركزة مع رسالة
مكتوب فيها

" اسف لو بتطفل ،اصل بقالى كتير مغلستش عليكم فالبوستات
دخلت ع صفحتك لاقيت الصورة دى

البقاء لله فالشخص المتوفى ولما تشوفى رسالتى ردى عليا "

آية ركنت الفون جمبها من غير رد ولسه الابتسامه ع وشها ..

#بقلمى_نوراسماعيل



" صاحب الابتسامه "

طه: ٠: الو...الاستاذة نهلة !

نهلة (بصوت تعبان) ايوة مين

طه: انا طه الى شغال فالهايبر،الى ...

نهلة: اه اه عارفك ازيك ياطه

طه: هو انا بس جمعت الفلوس وعاوز اديها لحضرتك

مممكن اقابلك فين ؟

نهلة (بتعب) والله ياطه حاليا صعب ...انا

طه: مال حضرتك ؟ تعبانه ولا ايه

نهلة: انا فمستشفى ياطه وعاملة عمليه ف محدش يعرف

طه (اتخطف) مستشفى ايه ! ممكن تديني العنوان بسرعة

وفمسافة السكة بس ، كان طه عند نهلة فالمستشفى

قالتله ع رقم اوضتها واستأذن ودخلها

نهلة: مش مجازفه دى انك تجيلى ، افرض حد من معارفى شافك

طه: (بارتباك) ماهو حضرتك قولتيلى محدش يعرف انك هنا

وبعدين

دى تعد زيارة مريض

نهلة : وهو اى مريض بتزوره كده

طه (مبتسم باحمرار وش) لا ...بس يعنى

انا اول م سمعت مستشفى جيت ع طول ، انا منساش انتى وقفتى

معايا وانتى متعرفنيش

نهلة: ربنا يخليك ياطه ،، انت انسان بجد شهم وذوق

طه: هو حضرتك عاملة عملية ايه ؟

نهلة سكتت وبصت بعيد

طه اتكسف فرجع يتكلم فحوار تانى

طه: انا جبت لحضرتك المبلغ بتاعك ، اتفضلنى

نهلة: خليههم دلوقتى ياطه

طه: لا عشان ارتاح بس (بيديهم لها)

انا هخرج بس اشوف حاجه كده وجاى

خرج وهو بيكلم نفسه

طه: داخل عليها بايدك فاضية زى الحمار ، مش تجيبها عصاير

ولا حاجات تاكلها

ايه الغباء ده

اشترى عصاير كتييير وفواكه من اغلى انواع ودخل تانى ليها

طه (وهو داخل) معلى بقا ولاد البلد الى زينا بتجيب فزيارة
المريض
فاكهه وعصير
ف لو

بيص عليها لاقاها نايمه خالص بس الغطا متزاح من عليها

شد الغطا وقعد جمبها باصلنها وحاطط ايده ع خده ،فضل
عالحال

ده نص ساعة ومش حاسس بالوقت نهائى
لحد م هلوست بكلام مش مفهوم وهى نايمه

نهلة: انا ... انا كنت عايزاه
الله ... الله يسامحك

طه: يااستاذة نهلة حضرتك بتكلمينى

نهلة (نايمه وبتهلوس) كنت عاوزاه حرام عليك ليه بتعمل كده

ورن فونها فجأة فصحاها ،بتبص فيه
وقررت ترد

نهلة : الو ...ايوة يا حور

لا انا مسافرة يومين كده وراجعه ،انتى جيتى

حمد لله ع سلامتک

هجيك يا حبيبتي بسرعة مش هطول

باى باى يا قلبي

قفلت وبصت ل طه

نهلة: ايه ده يا طه انت لسه هنا ؟ وايه كل الحاجات دى

طه: انا بس اتضايقت لما دخلت فاضى (ابتسامه بخجل)

هبقى اتظمن ع حضرتك تانى ... سلامو عليكم

خرج طه من اوضتها بيتردد فونه جملتها الى قالتها وهى نايمه

وكمان انها خبت ع قريبتها انا فمستشفى وتعبانه

نهلة بقت تشغله اكثر من اللازم مبقتش محتله قلبه بس

لا وعقله كمان ..

#بقلمى_نوراسماعيل



" العهد "

يامن وروفيده اتخطبوا ، لكن مش بالشبكة

اتقرت فاتحه بس

وقالوا هيلبسوا دبل اول م تخلص السنة دي ل روفيدة

اولى كلية تربية

وحتى يكون فاضل سنه واحده ل يامن فالكلية ...

لو حبيننا نعرف تفاصيل ، هتعرفوا ان بابا روفيدة مكانش مقتنع

بالارتباط من اساسه

لكل الحاجات الى ذكرها فقاعدتهم وقت م اتقدم يامن

لكن مع زن روفيدة ، والحاحها المستمر انها مقتنعه بيه وانه

امين عليها

وع مستقبليها معاه

وافق !

مما لاشك فيه ان روفيدة مبسوطه اوى بان فيه ارتباط اهو بينهم

وان يامن اخيرا هيتكلم عادى ويبقوا زي اى اتنين مرتطين

زي م كانت فاهمة ان الارتباط هو الى معطله ، لكن يامن كانت

عنده

حسابات تانية خالص !!

فقاعدة بين يامن وروفيده فبيتها ، بعد م شرب العصير سابتهم

والدتها

يتكلموا شوية براحتهم وقالت تعمل مكالمه برة .

يامن: بصى يا روفيدة حفهمك ، احنا اه فحكم المخطوبين وقرينا
فاتحه

بس برضو

فيه حجات انا عاوز امشى عليها فارتباطى بيكى عشان نكون
ملتزمين قدام ربنا

روفيدة: يوووه لسه فيه تعقيدات

يامن: بالعكس مش تعقيد ولا حاجه ، كلام فالفون مينفعش لان
برضو احنا لسه مش حلال

لبعض

كل فترة هيبقى فيه مكالمه لبعض هنتظمن على بعض وعلى
احوال بعض

هنسمع بعض وكاننا طول الفترة دي سوا

كل كام يوم هتبعيتلى مسج باحوالك وانا هبعثلك مسج باحوالى
بالمسجات هنتظمن ع بعض

وكل فترة نفكر بعض بفروض ربنا علينا طول م بنتنفس مننسا
فرض ربنا

ناحيتنا

كل يوم نفكر بعض بصدقه نطلعها لله عشان يباركلنا فبعض وفالى
جاي

روفيدة : يعنى ايه ده ، يعنى ايه اكون مرتبطة بيك ومش بنتكلم
فون على طول

ولامسجات بينا دايما ولا نتشات او اى حاجه توصلنا ع طول
اومال مرتبطين ازاي ؟

يامن: عشان ربنا يباركلى فيكى هسيبك امانه عنده يحفظهاالى
لانى لو عجلت انى اكون معاكى زى م انتى عاوزة هنتعاقب بعدين
انك متكونيش معايا
فهمتى !؟

روفيدة (بضيقه) بس كده صعب اوى يا يامن
يامن : والله ولا صعب ولا حاجه ،بكرة اما نكون فبيت واحد
هتفهمنى كلامى ده كويس
وتحسى كل الى عاوزاه معايا وانا اكثر بس بحلال ربنا
لان صوننا روحنا وعفناها حتى لو تحت مسمى مخطوبين
...صدقينى .

روفيدة: مصدقك طبعا ، وربنا يصبرنى ع كل الصعب ده لحد م
نكون سوا

يامن (مبتسم) يارب ..

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

" صائد البالون "

" هولعلكم فنفسى انا بقولكم اهو "

اخو مارسيلينو : يابنى ...مش ربنا قال

" اِسْمَعِي يَا بِنْتُ وَاَنْظُرِي، وَاَمِيلِي اُذُنْكِ، وَاَنْسِي شَعْبَكَ وَبَيْتَ اَبِيكَ،
فَيْشْتَهِي الْمَلِكُ حُسْنَكَ، لِأَنَّهُ هُوَ سَيِّدُكَ فَاسْجُدِي لَهُ "

يعنى هى هتقصدك زى سيدها واكثر ، هتقولها شمال شمال
يمين يمين

مارسيلينو : ياعم مين دى الى اتجوزها ،الاول قولنا حادثه
وربنايشفى

لكن طلعت اصلا لابسة النظارة دى ع طول

وكل يومين متكسرة فحادثه شكل

ده غير سنتين الارنب

الى لو قربت منها ممكن تغرزهم فوريدى تطلع بالدم زى
مصاصين الدماء

اخوه: بص ياسينو ،البننت متتعيش

اهل وحسب ونسب وقلوس

وبعدين هي انجيل مراتى ولا لورانس مرات اخوك يفرقوا ايه
عنها

المهم الاخلاق يا حبيبي

مارسيلينو : يا عم انت مشوفتش الى انا شوفته

انا عرفت بنات والمسيح الحى يقولوا للوز قوم يالوز وانا اتقشر
مكانك

اجى فالآخر اخد دى !

ياوكستى السوداء

اخوه: اسمع يا سينو ، انت مشيك الغلط من الاول خلاك تطمع

ومحدث بياخذ كل حاجه

انت خدت فالاول مش هتاخذ فالآخر

وبعدين جسد ايه وشعر ايه وحواجب المهم

ان البنات كويسة وقلوسها هتحليها

مارسيلينو : يا وليم اسمع ...

اخوه،: مميم هتعيد كلامك تانى ، بابا خلاص قرب يعلن افلاسه

وانت مش عاوز تساعدنا

قال عشان شكلها مش عاجبك

طب م انت مفشكل اهو وجسمك مليون حد كان كلمك

مارسيلينو : لا حاسب حاسب ، انا البنات بيدوخوا لما يشوفنى
هتشبهنى انا بكيس السودانى دى !

اخوه : من الاخر قوم والبس يلا عشان هما عازمينا عالعشا

مارسيلينو: مش هروح يعنى مش هروح

اخوه: سينو!

طبق جاتوه بيتقدم لمارسيلينو واهله،،

لينزى (بتضغط النظارة ع عيونها) كل يا استاذ رينو

مارسلينو (ببصة استياء) اسمى مارسيلينو ،رينو دى لما تكونى
رايحه

تاجرى عربية اجرة طالعہ سفريه اسيوط ولا حاجه

اخوه (داس ع رجله) شكرا يا انسة لينزى

لينزى: انا رأيى انك متاكلش كثير حلويات ،لانك محتاج تخس

مارسيلينو (اتعصب واخوه مسك دراعه) لا بصى هتقوليلى خس
وفيك معرفش

ايه

هطلع فيكى ٤٤ عيب

لينزى مستغربة رد فعله وبتبص عليه بابتسامه بلهاء

لينزى: انا بقولك كده عشان انت تقلت فالعشا وكل ده كثير

مارسيلينو (قايم ناحيتها) انتى كمان بصالى فاللقمه !

جه عليهم بابا لينزى ،ف مارسيلينو لم الدور عشانها
عد وياهم وكان بيحكى مع اهل مارسيلينو ولينزى بتتفحص
مارسيلينو

بنضارتها من فوق لتحت

بابا مارسيلينو : احنا بصراحه عاوزين نفاتحكم فاننا نخطب
لينزى لمارسيلينو

نعمل كده جبنوت عالضيق

وبعدها نعمل نص اكليل فالكنيسة ونفرح كلنا

مارسيلينو بيسمع وفجأة كح وهو بيشرب العصير شراً ،وقامت
مامته تخبطه

فضهره وهو فعلا بيموت

مارسيلينو : (بصوت مبوح) اخروا الجبنوت ،اخرووووه

بابا لينزى : انت فاجئتنى يا شنودة ،بصراحه انا مبسوط

مارسيلينو (بيبرطم وهو تعبان من الشراه لسه) انت كدااااب
انت كنت عارف اصلا وعاوز تلزق

بنتك الكنجارو دى فى

الام: طب يلا نتفق عاليوم عشان نلحق نعمل ترتيباتنا

مارسيلينو: يا مامانتى فرحانه فى ولا ايه اصبروا طيب اطلع
ويك اند الساحل

بابا مارسيلينو : احنا معاكم ف اى وقت ،الف الف مبروك

لينزى بتقرب من مارسيلينو

لينزى: لسه تعبان ؟ تحب اجبك ميه

مارسيلينو : الدكتور مانعى من الميه ودوا الضغط عشان بيقلب
بحموضه

مامت لينزى: طب قوم اتهوى فالجنيه

لينزى: وانا هاجى معاك ...

مارسيلينو: لا متجيش معايا ومش رايح انا هموت مكتوم مكانى
اهو اهو (بيكتم بوقه)

#بقلمى_نوراسماعيل



" قصور الهوا "

رضوى وحسين ، علاقتهم اخدت شكل جديد تماما

حسين برغم الى فيه من عيوب الا ان رضوى مش شيفاهم
خالص

وصل حبها بيه لدرجه بقت عاميه بيها عن عيوبه ..

اما عن رضوى فهى بقا يبان عليها ان فيه علاقه ليها مستخبيه
ده بيبان وهى بتستخبى من اصحابها فمكان بعيد فسكنها عشان
تكلمه

وقالبيت لما بتبقى اجازات
فقلتها لاوضتها بالترباس خوف لاحد يدخل وهى بتتكلم ، او حد
يسمعها !

رفضها لعريس ورا التانى ، احساس مرات باباها بانها مخبيه
حاجه وقاعدة ليها
عالمهايفه والى تستاهل.
كل ده مخلصى رضوى شكلها مكشوف ومفضوح ، انها بتعمل غلط
ومخبياه
فالضلمة ..

رايحين كورس مادة تبع الكلية عندهم سوا ،

حسين: ايه البرج الفخم ده ! الدكتور بتاعنا ساكن هنا
رضوى: اكيد مش هيدينا كورس هنا
حسين: ماهو ممكن يا ذكية يكون ماجر شقه ك سنتر له هنا
ومش ساكن هنا
رضوى : ياعم هو احنا هناسبه ، هى مادته غلسة وكان لازم لها
كورس عشان تعدى اصلا

حسين داس ع الاسانسير ينزل له

نزل الاسانسير ودخلوا الاتنين ، كانوا وحدهم محدش طالع معاهم

حسين (بيبص ع رضوى فالمراية الى واقفه باصة للارض) انتى
حلوة اوى كده ليه انهاردة
رضوى (ابتسمت) انا !

حسين: انا بشوفك على طول حلوة ،بس انهاردة انتى حلوة اوى

حسين قرب منها وحدة وحده ،رضوى بصاله
وبعدين قرب اوى منها باسها فخدودها

رضوى : حسين !

حسين: ايه بس (بيبوسها فخذها التانى)

رضوى : حسين عيب كده

حسين: هو ايه الى عيب

ميل ع شفايفها باسهم وهو ساند بايديه الاتنين عالازاز وراها
كانه حابسها ، رضوى الاول قاومت بس مش بشدة زى المرة الى
فاتت

وبعدين استسلمت له

وحسين م صدق استحل كانه من حقه

وفغرة من النشوة الحرام الى هما فيها الاسانسير وقف للدور
الى طالعينه !

رضوى خدت بالها وزفته

رضوى: يلا وصلنا

حسين (هيمان) طب تعالى ننزل تانى ونطلع تانى الكام دور دول

رضوى : يلا يا حسين

حسين: يووه متبقيش قفيله بقا

وهما بيتكلموا فتح الباب حد


راجل: نازلين ولا طالعين !

اتخضوا الاتنين وخرجوا برة الاسانسير وهما ملبوخين
ومكسوفين

احساسهم ان باين عليهم حاجه غلط كان كافي يحسسهم بالخوف
والرعب

طول م هما فالكورس وسط زمايلهم .

#بقلمى_نوراسماعيل



" رمل البحر "

" هنا هنعمل اوضة البيبي ،وهنا الليفنج"

محمد جهاد : يا حبيبي انتى كل يومين براى ،انتى مش لما جيتى
قولتى هنا

اوضة الاطفال وهنا الليفنج
وهنا اوضتنا

الاء: لا غيرت رأيي ،الفراندا بتكون فالليفنج

محمد جهاد : طيب م هما خدوا مقاسات الاوض عالاساس ده يا
الاء هترجعى تغيرى رأيك

الاء حاوطت رقبه محمد بدلع

الاء: عشان خاطرى وحياتى يا حماده وحياتى غير كل حاجه من
الاول

محمد جهاد: حماده كده مش هيغير الاوض ،حماده هيحتاج الى
يغيرله (بيميل يبوسها جريت منه)

احنا فينا من كده

الاء: بص تعالى تعالى ، المطبخ خليهم يكسروا الحيطه دى
عاوزاه امريكانى

محمد وقف يبص وهو مادد شفایفه يفكر علامه ع ان ده قرار
صعب

الاء: ايه صعب؟

محمد جهاد: مش كده خايف يكون البيت مش حمل كسر وهد

الاء: لا البيت شديد (قربت ناحيته وبتلعب فياقه القميص)
وحياتى يابيبى

محمد: بطلى حركاتك دى عشان انتى بتقعدى تعملى كده
وانا ادوب خالص معاكى
وفالآخر بتجرى

الاء(بصتله بصة حلوة) الله ! مش بتدلع ع حبيبي

محمد (بيغيب معاها) اه

الاء: نور عيوني

محمد : ايوة

الاء: روح قلب الاء من جوه جوه جوه

محمد : جوه جوه جوه ! طب م تيلا جوه ! (بيثدها ع الاوضه
الفاضيه)

الاء: احنا قولنا ابييه؟ ممنوع ادخل معاك حته مقفوله الا بعد
كتب الكتاب

محمد جهاد: ماهو وكتاب الله انا علوز اكتب الكتاب
انا جبت اخرى خلاص يا عالم

الاء: بقولك ايه انا جوعت ،تعالى ناكل انا عاملة شوية
سندوتشات وانا جايلك
تحففه

قعدوا عالارض وفرشت وفتحت السندوتشات

الاء: ومنستش الكولا كمان

محمد : بس ماما وعمتو لو عرفوا اننا بناكل هنا ومنزلتيش حتى
تشربي

حاجه معاهم هيزعلوا

الاء: مانا هبقى انزل ،بس عاوزة اكل معاك هنا براحتنا
انا عملتهم وانا جاية ومرضتتش اتغدى

محمد : تسلم ايدك ،كبدة اسكندراني ده انا بعشقها

الاء: وعندك مخ بانية كمان ومحمره بطاطس اد كده عشان
عارفاك مجنون بطاطس

محمد : انا مجنونك انتى (مسك ايدها باسهم)

الاء: انت يا واد انت طلعتلى منين ، من يوم م شوفتك وانا
مبسوطة وشايفه كل حاجه حلوة

فرحانه وعاوزه كل الناس تفرح معايا

وبدعى لكل البنات تقابل راجل زيك ويكرمهم

ولو ان مفيش زيك يا محمد

محمد باوصلها بحب اوى

الاء: كل يا جهجهوتى

محمد (ضحك ع دلعها وكمل اكل)

الاء: الا صحيح يا واد ، ازاي اسمك محمد جهاد عبدالله وعمو
اسمه عبدالله

جهاد ده مين ؟

محمد جهاد: اهو ده بقا عيب التعليم الفسكونيا

الاء (ضربته بدلع) بس يا واد

محمد جهاد : اقولك ياستي ...واحدة قربت

تتجوز واحد ومتعرفش اسمه

الاء: انا معرفش اسمك ! انا بسال مين جهاد

محمد : مانا بقول اهو ،بابا اشتغل فترة فالعراق ، كان مصاحب
واحد اسمه

محمد جهاد ...وكانوا زي الانتيم

والراجل ده ع ايده بابا جاله خير كتير اوى واشتغل فكذا حاجه

فتقدرى تقولى بابا اعتبره زي اخوه

ففترتها ماما حملت فيا

الاء: هخاصمك يامحمد

محمد: ورحمة هند اختى م اقدر اخاصمك ٣ دقائق

الاء: اوعى يافصيل

محمد: هموت عليكى يابت

ومرة واحدة فتحت الباب هند اخته !

هند : بتعملوا ايه ؟

محمد (انتبه) الشاويش عطيه !! مش تخبطى

انتى مش كنتى برة

هند : وجيت (بغلاسه) ماما بتقولك انزلى اشربي الشاى ي الاء

الاء: اه ،حاضر هجيب شنطتى بس

هند: (بتبص علاكل) انتو بتاكلوا هنا،ليه تحت مفيش اكل

الاء: لا ...بس

محمد : مالكيش فيه ويلا نازلين وراكى


هند (بغلاسه) لا رجلي ع رجليكم

محمد حدفا بكيس الى فيه بواقى السندوتشات مخلوق من
غلاستها

نزلت تجرى وهى بتتو عدله

ونزلت وراها الاء لحسن تزن وتعمل لها مشكله ، بعد م قفشتهم
بيتدلوا ع بعض..

لكن فالحقيقة مهما تعمل هند او تدى ف ابر

محمد متمسك ب الاء ،والاء مش عاوزة غير محمد 



بقلمى #نوراسماعيل



" خلاص ماشية؟! "

حور (مبتسمه) اعمل ايه يا ابله عشان الكلية م انتى عارفه
نهلة (حضنتها من ورا وهى بتوضب الشنطة) بتوحشيني اوى
وبرجع لوحدتى من غيرك
اوى

حور: احنا عمرنا م بعدنا ، هنكلم بعض كل يوم زى العادى
بتاعنا

مش كده !

نهلة: الخمار الى انتى لابساه والدريس دول مش بيزاولوكى
،حاسه انهم خانقينك

من وقت م غيرتى طريقة لبسك وانا عاوزة اقولك بصراحه

حور: بالعكس اللبس ده ادانى ثقه فنفسى كبيرة اوى يا ابله ،
ببقى ماشية وانا واثقه

ان شكلى مش ملفت وانى محترمه محدش يقدر يجرحنى بنظره

نهلة: ايه الكلام الكبير ده ،انتى ملمومة ع حد من بتوع الخلية
ولا ايه

حور: هههههههه لا طبعا تقدرى تقولى فهمت اكر

نهلة:طيب ياستى ،، عاوزاكي تاخدى بالك من نفسك ماشى

حور: متقلقيش ،، ابقى سلميلى ع بابا

نهلة (ابتسمت ابتسامه بهتانه) حاضر يا حبيبتي

حور اخدت شنطتها وبتكلم فالفون

حور: ايوة ،تعالى خد منى الشنطه يلا يابنى ادم هتاخر عالقطر

سلمت حور ع نهلة كمان مرة ومشيت ، رجعت تبص حواليتها
نهلة

فكل حته

هى فعلا وحدها

بس فى اقدار ربنا بيبعتها لينا بتبقى رحمت ربنا وحده يعلمها

موبايلها كان بيرن ... طه !

نهلة : الو ازيك ياطه

طه : ازيك يا استاذة نهلة يارب تكونى احسن انهاردة

نهلة : الحمد لله ياطه ، متشكرة اوى ياطه ع سؤالك عليا كل يوم

واهتمامك بصحتى

طه: ع ايه ده واجب اسال عنك يعنى حضرت...

نهلة: متبررش ...مفيش واجب يخليك تسال عنى وتجينى

المستشفى

وتساعدنى فإى وقت اشوفك فيه

الواجب الحقيقى انك حد جدع وشهم ياطه بجد

طه خجلان وساكت

نهلة : ممكن اسالك سؤال

طه : طبعا انتى تؤمرى

نهلة : انت فاضى دلوقت ؟

طه : لا بس هخلص شيفت الساعة ٨ بإذن الله

نهلة : اوك استنى منى اتصال بعد ٨ ، عاوزة اشوفك !

نهلة رمت القنبله فوش طه ومستنتش رد ، قفلت وهو ساكت
ومتلخبط ومش فاهم !؟

عاوزه تشوفه

طب ليه

وايه طريقة العشم الى بتتكلم بيها دى

لكن بصراحه ترقب عيونه للساعة كانت بتدل انه فرحان ، وعاوز
الوقت

يجرى لحد م يقابلها

يقابل البنت المجهولة هويتها فحياته !

ومجهولة هوية مشاعره ناحيته

بس الى يعرفه بالنسبة له ومش مجهول ، انها مهمة

وفارقه معاه ...اوى !

نهلة : مالك بتبص حواليك كده ليه ؟

طه: لا بس المكان حلو (ضحكة كسوف) طول عمرى هنا

ومدخلتش

فحياتي مكان زى ده

نهلة : مكان انا بحبه وبستريح فيه وبحب اقعده فيه براحتى واتكلم
كمان براحتى

طه (مبتسم ك معتاده) وانا اول مرة اشوفه ،بس هو مريح فعلا

تحسي كل واحد فحاله

(اخذ باله انه رفع الالقاب)

احم..حضرتك يعنى

نهلة (ابتسمت) ع فكرة ،مينفعش بعد كده حضرتك ويا استاذة
نهلة

انا كلمتك قولتك عاوزة نتقابل

عارف ليه

طه: لا بصراحه (ضحك بكسوف)

نهلة: لانى قررت انك تكونى صديقى ياطه ، صديق اهتم بادق
تفاصيلى حتى وهو ميعرفنيش

ولايعرف عنى اى معلومه

انت حد مريبيح لابعده مدى

والناس الى باينين فحياتي اصحابي دول مش صحابي

دول عاملين نفسهم كده

الصديق هو الی يسال ويهتم ويتعامل بلطف وموجود ويسد فى وقت

وبشكل او باخر انت عملت كل ده من غير م تحس
ومن غير م تكون بتقتحم حياتى غصب عنى

طه: انا عملت ده ...

نهلة: انت عملت الی بيقولك عليه الی جواك ،تقوم عامل!
لا بتخطط وبتفكر
حد صافى اوى
مبقاش فيه زيك

طه : شرف ليا لما حضرتك

نهلة: قولنا ايه ؟ مش هسيبك تكمل كلامك الا لما ترفع الالقاب
انا بقولك ياطه. عادى اهو مش صعبه

طه(مبتسم) اصل ...يعنى

نهلة: ممم

طه: عاوز اقولك ان شرف ليا انك تاخدينى صديق او حتى او شئ
فحياتك

نهلة : اى شئ ! ليه بتنزل نفسك كده
انت اكبر من طريقتك الى اتكلمت بيها عن نفسك دى ... هاه ينفع
ناكل عيش وملح سوا

طه مستغرب ومبتسم
نهلة: زى م بيقولوا ولاد البلد ههههه فاكر!
طه : ماشى بس بشرط

نهلة بتبصله باستفهام عاوزاه يكمل كلامه

طه: انى انا الى ادفع الحساب كامل ، حضرتك ... او يعنى
انتى قولتيلى عالمان
لكن ده مش معناه انى مكونش راجل
واتقبل ان حضرتك الى تدفعى !

نهلة : ممم مش جايز

طه: جايز يكون الفاتورة مثلا اعلى من الى معايا
متقبل كده والا مكنتش قبلت انى اجى من الاول

نهلة : انت هتندمنى اننا جينا ع هنا بالشكل ده ، شكلى هدبسك

طه: حضرتك انا اه ظروفى المادية عادية بس مش مُعدم يعنى

نهلة : مقصدش ياطه والله ،بقصد ان انا الى طلبت اشوفك ونقعد
نتكلم

مش عشان اغرمك يعنى

طه: وانا قبلت عزومتك فإى حته تختاريها انا ان شاء الله سداد
ومغرمتيش ولادبستيى
ولا حاجه

نهلة : طب انا متاسفه لو كلامى ضايقتك

طه: لا متضايقتش ولا حاجه ليه بتتاسفى

نهلة : لا اتضايقت بدليل ابتسامتك راحت الى اتعودت عليها
والسبب بانى اتمسك بيك
صديق لحياتى

طه (رجع ابتسم تانى ع كلامها) اصل انا كنت فيوم من الايام
قايم ببيتين
بالى فيهم من جميع طلباتهم

لها .. 

آية (متابعه الاكل وبتكتب) شكرا علاهتمام ابقى تعالى كل يوم

:: حاضر بس اجى الساعة كام

آية بعنت له ايموجى بيضحك

:: بتعملى ايه كده

آية: بحضر الغدا

:: وااو ده انا شامم ريحته من هنا، يلا اعزمينى بقا عالغدا عندك

آية: ممم ابقى اعمل حسابك المرة الجاية

:: ممم باين انك بخيله ، غششيني عامله ايه اكل

آية : كفته بالبطاطس فالفرن ومكرونه وسلطات

: وعدى يا وعدى شكلك ست بيت هاييله

آية: طبعا ، اوعى تكون فاكر قعدتى عالفيس ليل ونهار انى

فاضيه

انا بشتغل وبذاكر للبنات

وبطبخ وبغسل وبنضف وبجيب طلبات

كل ده بعمله وانا فاتحه فيس عادى

:: وتهزقى فالناس وتبعنى رسايل تحرق دمهم ،فاكرة!

آية : ههههههه انت الى بدات مش انا

: ومين البنات الى بتذاكريلهم دول ولادك !

آية: لا بنات اختى ، انا مش متجوزة

: ااااه ، الاكل خلص ؟

آية: لا لسه فاضله تكايه

:: تخيلى بقالنا مده بنتكلم ، معرفش اسمك ولا حاجه عنك الا
بسيط

كل الى اعرفه زهرة الصبار

وبقولك يا زهرة ، هو انتى اسمك زهرة فعلا؟!!

آية: هههه لا اسمى آية مش زهرة

وانت بقا اسمك ايهاب ولا اللامنتمى !

ايهاب (ايموجى عاضض ع سنانه) اللامنتمى دى صفه بين
قوسين ليا

اصل طول الوقت انا فحته

طيار

مش منتمى لحاجه

فهمتى ، لكن اسمى الحقيقي عبداللطيف

آية (بتضحك اوى وبعثت ايموجى ضحك كثير)

ايهاب: هتعملى حاجه دلوقتى غير الغدا

آية : هستنى البنات واتغدا معاهم وكده

عالناحية التانيه

ايهاب بيقرأ وبيكتب وهو قاعد ع فوتيه ف اوضة ف اوتيل

ايهاب: ممم انا شوية واحضر نفسي لرحلة بليل

راجع القاهرة

آية: ماشى ،ربنا معاك

ايهاب: مفيش تروحي وتيجى بالسلامه ؟

آية (مبتسمه بس بتكتب) مانا قولت ربنا معاك وتروح وتيجى

بالسلامة ان شاء الله

ايهاب: تسلمى ي آية ،ع فكرة اسمك حلو اوى

آية : ده من ذوقك

ايهاب: تعرفى انى كمان خدت بالى من حاجه ..

آية : ايه هى ؟

ايهاب: انك جزء منى

آية قرت الجملة واتهزت هزة لاول مرة تحصلها ،كان الفون

هيوقع من ايدها

وعيونها استغربت الجملة فمردتش

ايهاب: معلىش التعبير خذلى ،اقصد ان اسمك جزء من اسمى

يعنى كل اسمك فاسمى وبكمل بقا انا

أ ي ه

ا ي ه ا ب

فهمتى ؟

آية : اه فاهماك

ايهاب: احسن حاجه فالدنيا

آية : ايه ده

ايهاب: ان الى قدامك يفهمك

آية : طب انا هقفل لا تتاخر ع رحلتك

ايهاب: اوك ي آية ...سلام مؤفت

كلمة سلام مؤقت بتفرحها اوى ،بتعرف آية انه هيكلها تانى
وتالت

ده مش اخر سلام بينهم

ده فاصل صغير وبيرجعوا من تانى لتواصلهم ..

ركن ايهاب الفون وقايم يتحضر ،فونه رن وكانت وصال مراته ..

ايهاب: الو ...ايوة يا وصال

وصال: ايوة ي ايهاب ،انت جاى انهاردة

ايهاب: اه عندى رخله وراجع للقاهرة كمان ساعتين فيه حاجه
ولا ايه

وصال: لا ابدأ متقلقش انا مكنتش هبلغك بس بابى وطنط قالولى
لازم تعرف

انا قدامى نص ساعة وادخل العمليات

ايهاب (بخضه) ليه فيه ايه؟

وصال: الزايدة متورمه وهعمل لها استئصال ، متقلقش

ايهاب: مقلقش ازاي انا هشوف مين زمايلى يرجع بالرحلة
وانا جايلك حالا ف اول طيارة

وصال: ي ايهاب متعطلش شغلك ،بابى ومامى وطنط معايا

ايهاب: شغلى يتعطل عشانك ، اخنا الاتنين. شغلنا يوقف عشان
بعض

لو كنت مكانك اكيد يا وصال مش هتفضلى شغلك ع انك تكونى
جمبى فظرف زى ده

متحاوليش

انا جايلك!

#بقلمى_نوراسماعيل



موسيقى ال Wedding March

بتتغزف وكانهم رجعول ل ٣ قرون ورا وقت م اتزفت الاميرة
فيكتوريا بانجلترا عليها يوم زفافها
وهي داخله الكنيسة ، نفس الموسيقى الى خلدتها ماجدة الرومي
باغنية طلى بالابيض .

فستان ديجولتية بدون حماله فضى اللون داخله بيه لينزى فايد
عريسة مارسيلينو
لان انهاردة احتفال النص اكليل بتاعهم !
بنضارتها بميكاب عادى مسمحتش باكثر منه ماشية ايدها فايد
مبتسمه
وهو كانه بيزفوه لقبره
وهما داخلين الكنيسة الكل واقف بيهنى ولكن البعض متفاجئ !

لينزى بتحبيهم ببوكيه الورد فايدها بابتسامه عريضة مبينه
سنانها عامل ليها ده
بروفایل اهل

فالوقت نفسه الى مارسيلينو بيجر رجله جر ..
مارسيلينو بيكلم باباه فودنه الى ماشى محاذيهم

مارسيلينو : بابا ازاي ادخل حاظط دراعى فدراعها دى

الاب: عادى يابنى ماهى زى القمر اهيه

مارسيلينو : لعلمك انت بتكذب عشان هى لا زى القمر ولا حاجه
والكنيسة الى انت داخلها ع رجلك دى
ممكن تطلع منها فخشبه

الاب: م تحترم نفسك يا ولد انت وتمسك ايد عروستك كويس

مارسيلينو: ليه هتقع !

ماهى ماشيه زى الفل عاملة زى القردة الوالدة بالظبط
الاب: اظبط كلامك واخرس

مارسيلينو : طب اديك يابابا كل تحويشتى فالبنك وبدلوها ،بدلوها
باى واحدة حلوة لحد م اعدى المشهد الحزين ده

الاب: اسكت انت وعدى يومك

وهما ماشيين

صاحب ١ : ايه ده ياسينو مبروك

مارسيلينو (شوية وهييعيط) مفيش حاجه ابدأ

صاحب ٢: مبروك يالينو لبست يا معلم
مارسيلينو : برضو عادى مفيش حاجه ابدأ
صاحب ٣: يابنى ايه الى عملته نفسك ده
مارسيلينو: عادى نمت واكل عجة صحيت لاقتنى متجوز دى
صاحب ٣: تعيش وتاخذ غيرها
مارسيلينو : هي حقته يابن الجزمة حل عنى

وقفت الموسيقى الاولى وبدأت الثانية المعروفة ب بلحن ال "
ابوروا"

عشان طقوس الخطبه ، زفوهم الشمامسه لحد القس ووقفوا
قدامه

القس بيرشم الصليب عليهم وهو يقول

القس: باسم ربنا والهنا ومخلصنا يسوع المسيح مشرع شريعة
الكمال وواضع ناموس الافضال
نتم فى هذا المحفل الارثوذكسى خطوبة الابن المبارك مارسيلينو
شنودة (وهو بيرشم الصليب عليهم وعالشبكة) مبارك الروح
القدس المعزى

وبعدها وقف القس والحاضرين عشان يصلوا صلاة شكر قبل
تلبيس الشبكة والدبل

مارسيلينو يببص ع اهله بحسرة

واهل لينزى وصحباتها واقفين حبة منهم مبسوطين وحبه مبلمين
وحبه مستغربين

وشوية لاباس بهم مش عاملين اى منظر !

القس لبسهم الدبل ، الزغاريد عليت والموسيقى الحلوة شغاله
اتكتب نص عقد الخطوبة تحت اشراف القسيس واتنين شهود
مكتوب فيه قيمة الشبكة والهدايا وميعاد الزفاف وبيعلن ده
فالكنيسة ..

بعد م خلصت المراسم ماشين تانى طالعين من الكنيسة ع بدء
احتفال القراب والاحباب بالعراس
مارسيلينو ماشى باصص للدبلة باستياء شوية وشوية عالعروسة
وهما ماشين داس ع ديل فستان لينزى من غير م يقصد!

لينزى: اه ! حاسب هتوقعنى

مارسيلينو : مش قاصد ومتزعقش بدل م اديهالك (بيعمل بايده
بوكس)

لينزى (بعصبيه) بتهددنى ولا ايه

مارسيلينو : لا انتى متعرفنيش انا شوارعجى وياكل حواوشى من
لحم كلاب

لينزى: انا مبخافش واتلم انا مش ناقصاك

مارسيلينو: وانت متلمتش يا كعب النيش انتى هتعملى ايه

جاين عليهم اهلهم

مامت لينزى: فيه ايه يا ولاد، ايه يا لينزى يا حبيبتي

لينزى: شغال يزعق ويشوح يا بابا وانا ساكتاله

مارسيلينو: ياناس دى مش عارفه تفرق امها من ابوها، انا
اخاف ادخل

فيوم عليها الشقة تصوت وتقول حرامى

بابا مارسيلينو: وبعدين فيك ياسينو، ده وقت خناق يوم خطوبتكم
صالح خطبتك يلا

مارسيلينو: انا من الاول قولت دى مش خلقة ست اهو اسمها
صالح طلع اهو !

بابا لينزى: زوزو القمر عيب تكلمى عريسك كده الناس بتبص
علينا

لينزى (بتضبط النظارة ع وشها) يرضيكي ياطنط انتى عمائل
ابنك دى

بابا لينزى (بكسوف) انا بابا يا حبيبتي

مارسيلينو: بصى احنا نفاك ام النظارة دى وامشى واعرفك انا
عالناس (بيحاول يخلع النظارة)

لينزى: متخلعش النظارة (بتشدها ع وشها منه)

حد من اصحابهم: ايه يا جماعة فيه ايه

اصحابها: ده حسد ع فكرة

بنوثة قريبتها: ايه مالكم ازاي يحصل كده احنا لسه مطلعناش من الكنيسة

مارسيلينو: هتقلعيها يعني هتقلعيها لان شكك عرة بيها اكرر
ماهو عرة (بيشيل النصارة بالعافيه)

لينزي : سييها بقی ومتعصبنيش طب اهو (ضربته ضربة بنص
رجلها فبطنه

وقع نص وقعه كملت بكوعها ع ظهره كذا مرة وبسيف ايدها ع
دماغه ...فقد الوعي !)

اخو مارسيلينو: يانهار اسود ،اطلبوا الاسعاف !!!

#بقلمى_نوراسماعيل

♡♡♡

" المواد الى بناخذهم السنة دي بتوع طب بشرى رخمين اوى "

يامن رد ع حور وهو باصص للمذكرات قدامه ،وهى كانت فالجهة
المقابل له من البنش

يامن : معروف ان سنة تالته طب اسنان اسمها عنق الزجاجة
حور: بتقابلك المشكلة دي زيي ،اصل انا الخمس مواد الباقيين
بتوع التخصص
بلاقيهم الذ واخف

يامن: بصى هو كل حاجة صعبه وكل المواد مقرفه الحقيقه
بس انا بستعين بالله اولاً واخيراً
وربنا بيقوينى

حور: عارف يا دكتور يامن، انت كنز والله

يامن: الله يعزك ليه بتقولى كده
حور: ثابت وقوى اوى بديننا ومفيش ناس كتير زيك ،يارب
شبابنا كلهم يبقوا زيك
فاكر الورق الى جبت هولى زمان
انا حرف حرف شربته و عملت بالى فيه حتى هتلاقينى غيرت ف
اسلوبى
ولبسى

يامن: ربنا يحميكى انتى والى زيك يا دكتورة حور

حور فرحت بكلمة يامن اوى وبان ده ع ملامحها لما بقى وشها
كلها مبتسم
وعيونها بتلمع ببصتها له

لكن عكر صفوها مكالمة جت ل يامن كشفت المستور عنده ولسه
محدث يعرفه !

روفيده : الو ...

يامن: (مبتسم) قولنا ايه اسمها السلام عليكم ورحمة الله

روفيده: طيب السلام عليكم ورحمة الله ، ازيك يا يامن

يامن: بخير الحمد لله ، عامله ايه يا روفيدة

روفيده : انا قولت لاتنسى ميعاد مكالمتنا

يامن: لا طبعا مش ناسى مكالمتنا ،كنت مستنى اروح واكلمك
والله

حور سامعاه ووشها قلب خالص ، مين دى الى بتفكره بمكالمتها
ودليل انها حد مهم

يامن قام من مكانه يتكلم بعيد ويكمل مكالمته

يامن: طمنيى عليكى عاملة ايه

روفيدة : الحمد لله يا حبيبي ،انت اخبار الكلية والذاكرة ايه

يامن: ماشى والله بالاستعانه بالله ثم بدعاءك انتى وامى

روفيدة: يااه امتى تخلص السنين دى بسرعة ونبقى سوا ييامن

وفبيت واحد

وحلال بعض

يامن: ان شاء الله تعالى يا روفيدة ،ربنا يباركلى فيكى وتفضلى

دايما جمبي

ومعايا

روفيدة: عارف لما بتقابلنى حاجه صعبة فالمواد ،او مشكله

بفتكرك اوام بنساها وبيهون عليا كتير

يامن: طب انتى عارفه انك اغلى ناسى ، لانك هتبقى زوجتى

يعنى غالية زى امى وابويا واخواتى

وغاليه لانك هتبقى سكنى الى ربنا قال عليه

وغالية كمان لان بسببك هبقى اب لاولاد صالحين دينهم ينتفع

بيهم

شوفتى بقا انتى غالية اد ايه

روفيدة: كلامك ده بيفرحنى اوى يا يامن ،ربنا ميحرمنيش منك
يارب
ويقرب بعيدنا اللهم امين

يامن: قوليلى عملتى كل الى بنتفق عليه يوميا
روفيدة: بالحرف مبنساش كلمة

يامن: طيب هنكمل مكالمتنا لما اروح عشان انا لسه فالجامعة
،ماشى
روفيدة: خلاص مستنياك حبيبي

يامن (لما بيسمع منها كلمة قلبه بيدق وبيخجل يردھا ليھا)
حاضر مش هتاخر
السلام عليكم ورحمة الله
قفل ونازل تانى عالمدرج لقى حور لسه موجودة ، اتناول
كشاكيله وكتبه وماشى
وقفته حور

حور: يامن هووو ... هو انت
اسفه يعنى فسوالى
هو انت مرتبط ؟

يامن (مستغربها) يعنى ايه مرتبط ؟

حور: يعنى خاطب مثلا او بتحب حد

يامن: بتسالى ليه يا دكتورة

حور: عشانقومت كده مرة واحدة وو

يامن: اه قارى فاتحه بفضل الله عقبالك يا دكتورة
عن اذنك

نزل وهو بيعدل نضارته ع وشه
وحور واقفه مكانها صنم ووشها غرقان دموع

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

بتتمشى رضوى فالمول هى ورباب صاحبته بتتفرج وبتدخل كل
محلات الهدايا
وعيونها لسه مختارتش حاجه معينه ..

رضوى : مش عارفه اجبله ايه بالظبط ،عاوزه حاجه حلوة اوى
رباب: هاتيله علبة حفظ سجائر الى فيها ولاعة دى شكلها شيك
واكيد هتعجبه

بما انه لسه مدخن جديد

رضوى : الحوار ده مضايقتى اوى فيه وعاوزاه يبطله من ساعة
م اتصاحب

ع العيال الرخمة الى فالدفعه دى وبقا يعمل عميلهم

رباب: واحدة واحدة هتخليه يبطل خليكى وراه ومارسى سحرك
عليه (غمزتلها)

رضوى: اسكتى هو زودها فالحوار الى قصدك عليه ده اوى

رباب: طب م انتى ساكته يارضوى

رضوى: سكوتى مش معناه انى موافقه طبعا

رباب: ياسلام! لا طبعا معناه موافقتك لو مش عايزة هتعملى زى
اول مرة اتجرا عليكى فيها

رضوى : انا اوقات بزقق وياه وكثير بنتخاصم بس بتعب فبعدنا
عن بعض

رباب: عشان كده بيضغظ عليكى يا عبيطة

رضوى: عالعموم هانت ،خلاص هيتقدملى وكل ده يبقى رسمى
ومحسش بالذنب تانى

رباب: مممم يبقى هانت فعلا ،تعالى بقا نشوف هنجيبله ايه فعيد
ميلاده

الذكر ده رجلى ورمتم

رضوى: يوووه متهنجيش منى لسه ملاقتش حاجه مناسبه
رباب: يابنتى اى حاجه اخلصى ، قال يعنى هو بيتعب لما يجبتك
هدية زى كده

ده اذا جاب اصلا (لوت شفايفها بتريقه)

رضوى (اتضايقت بس خبت) انا علاقتى بيه وحبى له مش
مقياس هدايا يارباب

انا بجيب لانى بحبه وفاكراه

وكفاية حنيته عليا طول الوقت وانه بيهتم بيا دول اغلى من اى
هدية

رباب: طب بدمتك انتى مش مخنوقه من بخله ده ! ده معفن
يابنتى وميت عالقرش

رضوى: لا حسين مش بخيل ، حسين حريص

عادى بيصرف فلوسه فمكانها الصح

رباب: مممم ولحد دلوقتى مش عارف مكانها الصح عشان كده
مش بيصرف!

وهما بيتكلموا رن فون رضوى ، طلعته من شنطتها

لاقتها باباها

رضوى: الو يا بابا ازيك عامل ايه

الاب: ازيك يا رضوى اخبارك ايه

رضوى: الحمد لله

الاب: انتى برة ولا ايه

رضوى: اه بشتري حاجه كده

الاب: طيب انتى نازلة اجازة للبلد هنا الخميس ده صح ؟

رضوى (خافت وحطت ايدها ع قلبها) اه يا بابا فيه حاجه

الاب: اه ، معزومين ع كتب كتاب ابن خالتك ف اسكندرية الجمعة

واحنا مروحناش الخطوبة فهيز علوا

ايه رايك ؟

رضوى (استريحت اتنفست براحه بعد م عرفت انه مش موضوع

عريس)

اه ... ماشى يا بابا نروح اهو نغيرجو

وماما ناهد جاية معانا واخواتى

الاب: اه كلنا يا حبيبتى عشان ميز علوش بس ، خالتك اشجان

بتبقى

عاوزة تشوفك وانا مبحبش زعلهم هما يعزوا عليا

من ريحه والدتك الله يرحمها

رضوى: ماشى يابابا ، ان شاء الله جايه
الاب: بصى مدام برة هاتيك طقم حلو كده تروحي بيه ولما تيجى
هديكى فلوس بزيادة

رضوى (ابتسمت) ماشى يا حبيبي ربنا يخليك ليا

قفلت رضوى مع باباها ورباب مستنياها

رباب: خير ؟

رضوى: الحمد لله مش عريس ، هروح احضر فرح ابن خالتي
فاسكندرية

وقالى اجيب طقم ويبقى يزودنى لما اروح

رباب: طيب هتشترى ولا هتجيبى للاستاذ حسين هديتين اصل
عارفاكى هبله

رضوى: لولا ان بابا هيسالنى ع الطقم كنت اشتريت لحسين
خلاص يلا بينا نجيب طقم

رباب: اه ياغلبى هتشل ! يلا ياختى عشان نلحق السكن قبل م
يقفل

وعالناحية التانيه ...

مامت محمد جهاد: (بتتكلم فون)

اه يا حبيبتي عقبال عندك ، ان شاء الله

ده محمد الحيله نعمله فرح فكتب الكتاب وفالحنة وفالدخله

هو عندنا كام محمد

ربنا يحميه

معدية عمته تزغرد فوسط زحمة التحضيرات لكتب الكتاب ،

طباخين

بتتفق ع الاكل وامتى هتيجي

ونشارة خشب ملونة اتفرشت فالشارع واتكتب فالنص محمد

والاء جوة بحر

وسمك ... 

هيصة واغانى وطبل بصوت حيانى سواء فبيت العريس ولا

العروسة ..

الاء بتتفق عالفستان والميكاب والطرحه وكل حاجه من الالف

للياء

وبناء ع تعليمات محمد بغرض يقرب اخته من مراته

قال لهند تكون مع الاء وتشتري فستان وتتفق ع نفس الكوافيرة
عشان تكون معاها لحظة بلحظة ويقربوا اكرت ..

هند بتتعامل من غير نفس

والاء عارفه ان هند مش بلعاها بس بتحاول تكسبها فصفها طول
الوقت

بكل الطرق لان ارضاء محمد عندها اكبر من تفاهات بتحرق دمها
من هند ..

ست شباب متقسمين ع صفين ، لابسين لبس الصيادين
وبيزفوهم زفه اسكندراني برقصه السكاكين

الاء ماشيه كل الناس بتبص عليها وع جمالها من البلكونات
وفالشارع والى فوق فبيت محمد
والناس الحاضرة فالصوان

وصحباتها وراها وبيزغردوا ومحمد ماسكها بحب وبيرد التحيه
لكل اصحابه الى بيباركو من بعيد
وقفوهم يعملوا فقرات الفرقة الى جايبيها
مرة تقعد وهو يبخره

مرة يلبسوهم نوبي ويرقصوا سوا نوبي ، ومرة يرقصوا
اسكندراني

سوا فايد بعض

والناس تهيص حواليهم وزغاريد وفرحه باينه عالكل، ومحمد
يشيل الاء ويلف بيها وكل ده فالشارع
باين عليهم سعادتهم اوى خلوا الكل يدعيهم
ومحدث بطل تصوير من وقت م نزلوا من العربية



كل بلد وليها طبعها لكتب الكتاب والخطوبة والفرح ،المفروض
كان يبقى كل ده عند بيت الاء
لكن محمد صمم انهم يفرحوا فالشارع بتاعه
لان الخطوبة كانت عندها
والفرح كده كده فقاعه ،فحب يفرح اهل الشارع واهله واصحابه
وولاد حتته المتربي معاهم ..

وفعلا الكل فرح وانبسط ، هديت الهيصه وبدات مراسم كتب
الكتاب

بابا الاء عاليمين ومحمد عالشمال
والناس كلها سامعه وشايفه من كل حتته
المأذون ويرددوا وراه محمد وبابا الاء ...وبعد م خلصوا البنات
زغردت وقام محمد قصاد الكل من غير كسوف
حضن الاء اوى وباس دماغها وايديها
وهى كمان كانت حضناه بلهفه وحب كان باين عليهم ،جه من
بعيد بابا رضوى باركلهم

وسلم عليهم

هو ورضوى

عشان يلحق يرجع المنوفيه لانه جاى من بدرى
لكن محمد حلف انه يبات ويمشوا تانى يوم ،وبين شد وجذب
وافق بابا رضوى
وكملوا السهرة
طلعت رضوى تساعد فالعشا مع عمه محمد ومامته والستات
والطباخين
الناس اتعشت وانبسطت وشربو الحاجه الساقعه
والعرايس مبطلوش رقص وبوس فبعض  

طول كتب الكتاب وبقا صباحى ،والناس سهرانه ومبتنامش
من الفرحة

هند: عقبالك يارضوى ،من زمان مشوفتكيش بقيتى عسلية
يخربيتك

رضوى (ضحكت) الله يخليكى ياهند ،انتى احلى منى

هند:مانا عارفه بس بجبر بخاطرك (بتهزر)

عارفة ياعمتمو

رضوى مبطلتش من ساعة م جت تساعدنا

العمة: رضوى دى حتة سكراية ،ياما نفسي ...ولا بلاش

ام محمد :ربنا يهنيها ونباركلها قريب ع ابن الحلال الى يسعدها

رضوى (بابتسامه حلوة بريئة) يارب .. ♡



#بقلمى_نوراسماعيل



اواخر 2017

على كرسي متحرك جمب الشباك ، قاعدة بتبص عالامطار الى
بتنزل وبتلمسها عالازاز من جوة بصوابعها بتنزل مع خطوط
نزولها ..

سرحانه وافكرت مليون حاجه ، لدرجة نسيانها انها مكانتش
سامعة الى بينادياها !
طفل جاى عليها يدوب بيبدأ يتكلم بصعوبة ، وبيمشى يتسند ويقع
واوقات خطواته تبقى صح

" ماما ...مام "

الاء: حبيب ماما تعالى .. (فاتحاله دراعاتها) يلا يلا
بيجرى عليها بفرحه وهو بيضحك وسنانه الصغنه يدوب بتطلع
وباينه فضحكته

واول م جه فحضنها حضنته اوى
وشالته ع رجلها وهما الاتنين بيضحكوا

الاء: حماده حبيب ماما عاوز ياكل

ابنها: نا

الاء: طب يشرب لبن حلو

ابنها: نا تو تو

الاء: طب تلعب مع ماما؟

جاية عليهم ماما الاء وشالت منها محمد حفيدها ع دراعها
الام: هو بيجرى منى عشان عاوزة اخليه يستحمى الكلب)
(بتضحك)

الاء: معرفش الواد ده طالع معفن ليه مبيحبش الاستحمام ولا
يغير

الام: مع ان امه ماشاء الله ع نضافتها بتموت فالحمام وتقع
بالساعة جوة

الاء: ودايما خناقنا ياماما عالحمام (بتضحك)

الام: الواد ده مش واخذ حاجه منك، لا الشكل ولا حركاتك

والنبي شكلهادى حركات ابوه

اخذت مامت الاء حفيدها وطلعت من الاوضة ، سابت كلمة صعبة
ع الاء

قالتها من غير قصد

عشان برضو من غير قصد تتعب قلب الاء وتوجعه 

بتقرب وهى بتمشى العجلات بايديها ناحية الدولاب بتاعها ، بتطلع
طقم ليها خروج

وبتروح ناحية تانية بتجيب طرحه

بتحاول تغير هدومها بالراحه زى م بتحاول تتعود ، عشان
متتعيش مامتها

اكثر كفاية انها بترعى ابنها اول باول

غيرت واحدة واحدة هدومها ، لفت طرحتها ع شعرها
حطت البسيط من الميكاب

وماشيه بعجلات كرسيها فالشقه ،

الاء: ماما انا نازلة شغلى

الام (طالعه من الحمام ملبسه محمد الصغير بورنوس وحضناه)
طيب افطرى الاول

عشان تاخدى دواكى

الاء: لا هبقى اكل اى حاجه هناك ،سلامو عليكم

الام: طب هطلعك للاسانسير

مامتها طلعتها للاسانسير وداست الزرار وجه
دخلتها بالكرسي وسلمت عليها وقفلت

الام: ربنا يستر طريقك يا بنتى يارب

وصلت للارضى وزقت عجلات كرسىها لبرة ،لاقت سواق التاكس
العربية بتاعتها مستنيها
ساعدها تتركب ورفع الكرسي
وظلع ع شغلها زى م اتعودت كل يوم من فترة طويلة ...

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

" بتغير هدومك ليه ؟"

ايهاب (بيلبس هدومه) نازل او بمعنى اصح مسافر

وصال: مسافر يعنى ايه ؟ عندك رحله

ايهاب: لا سفريه هنا داخل مصر

وصال: ايه المناسبه

ايهاب ساب البرفيوم من ايده ببرود واندور لها

ايهاب: غريب الاهتمام المفاجئ ده ! ولا عشان انهاردة اجازة
ليكى

وصال: كان ممكن ترد ع سؤالى ع طول ،مسافر ليه فيه ايه

قطعت كلامهم دخول " ريم " بنتهم عليهم بتجرى وماسكة لعبتها

ريم: بابى بابى بابى

ايهاب: (بيشيلها من عالارض) قلب بابى من جوه

جاية البيبي ستر عليهم

البيبي ستر: بليز ياكابتن ايهاب ريم بتتعبنى كل يوم كده عشان

نروح كلاس الباليه

ايهاب: طيب انا هقنعا بطريقتي وهخليها تيجي معاكى

قعد ع فوتيه وقعداها ع رجله

ايهاب: ليه بتغلبى مس نسرين ؟ مش فيه كلاس دلوقت لازم نروحه

ريم هزت راسها بالنفى

ايهاب: لا كده بابي يزعل ومش هيجيب لك الحاجات الحلوة الى بيحبهاك كل مرة وهو راجع من برة
يرضىكى

وصال: هتفضل تدلع ريم كتير ومجاوبتش ع سؤالى ؟
ايهاب بيرفع عيوناه ل وصال ببصاة طويله

ايهاب: مس نسرين تعالى خدى ريم هى خلاص هتروح وياكى

البيبي سيتر اخدت ريم وطلعت برة اوضتهم

ايهاب: رايح اعزى حد معرفه يا وصال ، اظن كده جاوبتك ع
سؤالك

وصال: ممم وكانك بتخلص من زنى ولا حاجه

ايهاب: يا وصال هو انهاردة اجازة فيلا نتتكذ ولا ايه
انا مش ناقص

سالتى سؤال وجاوبتك

اكثر من كده معنديش طاقه

وعن اذنك لانى مستعجل عشان الحق ارجع ...

اخذ البليزر بتاعه وفونه ومفاتيح عربيته ونزل .

ركب عربيته ، وبسرعة غريبة جدا

كانه فسباق طلع بيها

بايد عالدريكسيون وبايد ماسك فونه ومتابعه بقلق

ايهاب: ردى بقا ، ردى!!!

بيخلص الاتصال وبيتعاد ، بيخلص وبيتعاد من تانى
وعيون ايهاب عالطريق
ومرة عالفون
ومتربق لحظة الرد ع مكالماته ، والناحية التانيه ..

آية نايمه فسريرها وعيونها عالفون وهو بينور ويطفى
عيونها منفوخه اوى من العياط ويمكن متضخمه مخليه شكلها
وحش وباهت
وحزين ..

ماسكه المخدة وباصة عالفون ، وكل م تزيد الرنات
كل م تزيد دموعها

داخله عليها الاوضة بسمة وفتحت النور !

بسمة : آية !!

آية (دارت وشها بالمخده ومسكت فونها) اطفى النور يابسمة

بسمة: طب مش هتنزلى معانا ننقى الفستان

آية: لا ي بسمة معلىش يا حبيبتي اعذرينى

بسمه: لا يا يوى (لفت وقعد عالسرير وبتحاول تشيل المخدة) انا
من غيرك فالمشوار ده

بلح !

ده انتى زى امى ومكانها
معقول هتسيبيني فالموقف ده

آية : طيب ... (اتعدلت وهى بتمسح وشها من الدموع الى مش
شايفها بسمه عشان الاوضة ضلمة)

خلوها يوم تانى

بسمه طب م احنا قولنا ليهم عالميعاد واحنا الى حددناه يايوى
هنرجع نقول لا

آية: يا حبيبتي انا انهاردة تعبانه اوى ، بجد يومين هبقى كويسة
عشان اعرف انزل معاكى انا واختك

بسمه قربت من آية وباين ملامحها بسيط ليها

بسمه: مالك يا خالتي ؟ انتى معيطه !

آية : لا بس نمت كتير فعنيا منفوخه

بسمه: لا بس النوم الكثير ميخليش عينك منفوخه كده

قامت بسمه وفتحت النور

بسمه: يلاهوى! انتى منظرك يخض ياخالتي فيه ايه مالك

آية : بسمه اطفى النور واطلعي برة مش عاوزة اتكلم ولا احكى
ولا انزلمن فضلك!

بسمه باصه لخالتها بحزن ،مالها ؟

بقالها كتير حالها متغير

وكل ساعة بحال

بس فيه ايه ؟!

بناء ع رغبته سابتها وخرجت قفلت النور والباب وراها

ورجعت اية لنومتها

بس فونها عمل هزة فيبريشين ان جت مسج

طلعته من تحت المخده وفتحت المسج لاقط ايهاب باعت لها

ايهاب: انا فطريقى ليكى ،ولو معقلتيش ورديتى عليا

هاجى لتحت البيت والى يحصل يحصل !

آية مسحت دموعها واتماسكت وخافت يتعرف حاجه ، اخدت نفس
كان ايهاب بيتصل تانى
ردت ..

ايهاب: فيه ايه ؟

آية : عاوز ايه ي ايهاب

ايهاب: فيه ايه يا آية ؟ غاوية تتعبي قلبي ليه
عاوزه من كل الوجع ده ايه فهمينى

آية : متزعقليش يا ايهاب انا اصلا عمرى م كنت هرد عليك تانى

ايهاب: اومال رديتى ليه ي اية

اية: انا مبتعاملش بتهديد ، انا عارفه انك مجنون وممكن فعلا
تجبنى

ايهاب: انا والله فالطريق ليكى اصلا

اية: ايه؟ ايهاب بلاش جنان متعمليش مشاكل

ايهاب: المشاكل انتى الى عاملاها ، ايه الى حصل لكل ده

آية : انت عارف (بدات تعيط من تانى) بس يابن الناس
هتحمّل تعبى و غلبى فبعدى عنك
ربنا يصبرنى ويقوى قلبى

لكن

ايهاب: بس بس بلاش عبط ، مين قال انى هسيبك
او اسمحك تسيبىنى
آية !!

انا بحبك بجد وربنا عالم ، انا ماشى ع طريق يارب م ارجع منه
اقسم بربى بحبك وم دخل فحياتى حد ولاقلبى زيك
وعمرى م ضحكت عليكى

آية: انا تعبانه ي ايهاب (بتبكى) بالله عليك تسيبىنى فحالى

ايهاب: طيب ...متعيطيش وحياتى عندك
لو ماليش غلاوة يبقى وغلاوة البنات
غلاوة امهم عندك
آيةآية يا روى

آية سمعاه ابتسمت برغم دموعها

ايهاب: آية يا روح ايهاب، آية يالى مجننة ايهاب ومطلعه عين
امه

بلاش السكك الى بتودينا فيها دى
انا مقصدش حاجه من الى فهمتية
وعمرى م احب انى اضايقتك اصلا

آية ساكته وبتسمعه

ايهاب: انتى سامعانى ولا نمتى، الطريق والهوا حواليا مش سامع

آية: (بهدوء وهى بتمسح دموعها) معاك

ايهاب: يارب دايمًا

آية: _____

ايهاب: يارب دايمًا معاياقومى اغسلى وشك بقا وانزلى
روحي

مشوار بسمة

عشان خاطرى

آية : عرفت منين انى لسه مروحتش لحد دلوقت

ايهاب: طبيعى هتقلبيها نكد من امبارح وهتبوظى اليوم عاكل
فمش هتروحي
انا شربتك ي اية !
الناس دى فاكرانا بنحب وخلص باين ..

آية ابتسمت اوى ع كلامه

ايهاب: انا بحبك والله

آية: وانا كمان ، وهو انا راضية بتعبي ليه
مش عشانك

ايهاب: طب قومى فوقى بقا

آية : انت فعلا جاى ليا لوقت

ايهاب: كنت جاى والله لو فضلتي كده ارن مترديش وضاربة ام
البوز المصرى الاصيل بتاعك
وطبعا شغاله سح سح دموع من امبارح

آية: بتتريق حضرتك ،ومين السبب فالدموع مش انت

ايهاب: طيب خلاص حقا عليا مع اني مقصدتتش از علك،
هتقومي؟

آية: قوم عشان فعلا حاية اني زعلت بسمة

ايهاب: اوك وانا اغير اتجاهي بقا ، رايح مشوار مهم
ابقي صوريلي الفستان
وصوريلي نفسك صورة وحشتيني

آية: حاضر

ايهاب: طب يلا دلوقتي
آية: دلوقتي ايه
ايهاب: ابعثيلي صورتك


آية: معيطة ومنعكشه وفعلا ضاربة بوز

ايهاب: عاوز اشوف برضو مبعيرش رااي ،حبك فقلبي امريكاني
مبيطلعش

آية ابتسمت وصورت نفسها وبعثتها لايهاب
فنفس الوقت لي وصلته وهو بيضحك وبيبعثها فمسج

ايهاب: انا بحب آية مهما كانت ع اى شكل او ع اى حال ...فاهمة
!

#بقلمى_نوراسماعيل



قدام اللابتوب ، قاعد وببتكم بقاله اكثر من كام ساعة ولاحاسس
بمئل

ولا ع باله حد او حاجه

ماهو لوحدده ..!

بيكلم بنوتة زى القمر فيديو كول

مارسيلينو : لا قولى بقا مش هنلعب استغماية كثير انا قربت
ازهق

البننت: عاوز ايه يا لينو (بدلع)

مارسيلينو: قولى بتنامى ب اية هدوم

البننت: لا مانا بحب اخذ راحتى وانا نايمة ، اخذ راحتى خالص

مارسيلينو : تاخدى راحتك ازاي ،ياريت تقولى وانتي بتوصفى

البنت: بسترىح خالص ع السرير ،وببقى عاوزة امتلكه لوحدى

مارسيلينو: لا قولتلك اوصفى بقا ،وبعدين انتى لسه مقولتيش

بتلبسي ايه

متحمرءيش

البنت: لا يالينو بقا اسكت اصل انا بتكسف اوى خالص

مارسيلينو: بلاش الدلع ده لاني بقالى كثير محروم منه وحاسس

انى شويه واقع منك

البنت: ههههههههه ليه بس بتقول كده

مارسيلينو(عوج شفایفه باستیاء) مفیث اصل بقالى كثير

مبشوفش غیر خلق رجالى

رجالى

قرب شعر دقنى يطلع ع خدودى و عيونى يعميها

فالحجات الطرية دى الواحد وحشته بجد

البنت: حجات طرية زى ايه

مارسيلينو: لا متناميش قدام الشاشه عشان مقعش منك مرة
واحدة ! (قلع التي شيرت بتاعه)

البننت: (بتضحك) انت شرئان للدرجة دي م تمسك نفسك

مارسيلينو : امسك نفسي ازاي بقولك بقالي فترة مبعرفش ناس
بعرف هيئات

البننت: هيئات ازاي (بتضحك)

مارسيلينو: هيئة واسمها حنفي هيئة واسمها مرسى
هيئة واسمها رمضان

البننت بتضحك

مارسيلينو: سيبك بقا من كل الكلام ده ،يلا قوليلي بتلبسي ايه
او اقولك

قومي اعملى بروفا دلوقت

البننت: مممم بعدين بقا يا مارسيلينو اصل عاوزة انام دلوقت

مارسيلينو : طيب نامى وانا قاعد عادى اعتبرينى اخوكى الصغفن

البتت: يووه لا يلا باى (فصلت)

مارسيلينو : هالاح زوبعه بوبعه ، النفسية مولعه ياناااس

(ببص حواليه)

هفضل قاعد زى القرد كده كتير، انا انزل احسن يمكن الواحد
يطلع بحاجه طرية ،

ببص جمبه باستياء ع حسين نايم وفسابع نومه

مارسيلينو: دى احلى حاجه عملتها انك نايم

ي نايم يا بتاكل

يكش تنام م تقوم ياشيخ ،فضى المكان مسابوليش غير الضفدع
المنحوس ده

انا انزل قبل م اولع فنفسى

#بقلمى_نوراسماعيل

♡♡♡

اسود فاسود

لبسها كله ،عباية ونقاب وطرحه !

واقفه يدوب عارفه تتسند وعارفه ترد ع الى يكلمها ...
داخله المطبخ تغل فنجان قهوة حسـت بصداع من الارهاق ،،
وحسـت بخطواته
من قبل م يوصلها
اتعودت قلبها يحس بيه الاول

يامن : حور ! ايه يابابا عاملة ايه انهاردة (بيبوسها فـدماغها)

حور مسكت ايد يامن زى م اتعودت وباستهم عوسند هو راسها
لقلبه

حور: تعبانه اوى ...اوى ييامن

يامن: بعد الشر عنك من التعب (حاضنها)

بصى انا سايبك ع راحتك
وقت م تعوزى ترجعى ...ارجعى

حور (رفعت النقاب وبعيون دبلانه) لا انا هفضل هنا شوية

يامن: انا شايف ان الجو هنا مبقاش حلو ولاكويس عليكى يا ام
زياد

حور: مش عارفه ،مش عاوزة اسببها ع طول كده (عيونها
اتملوا دموع)

يامن صعبت عليه حور بهزلانها واقفه قدامه

يامن: كله مكتوب يا حبيبتي ، وهو نصيب
الى حصل ده مكتوب من قبل م كلنا نتولد
بالله عليكى تكونى اقوى من كده ،كل م تحسى انك بداتى تضعفى
صلى واستغفرى كتير
قولى لاحول ولاقوة الا بالله
رددى لا اله الا انت سبحانك انى كنت من الظالمين

حور بتعيط فحضنه اوى وهو بكفوفه ضامم وشها له وبيقرا قران
ع دماغها وهو
مخلى شفايفه قريبه من ودنها

حور: يامن ...معلش ولادى كويسين!

يامن: اه بفضل الله ، عند والدتى وكويسين متقلقيش عليهم يابابا
اهم حاجه بس فوقى من الى انتى فيه عشان نرجع

حور: وانت هتعمل ايه دلوقت ؟

يامن: عندي بس مشوار مهم

حور (بتتكلم بشرود) عارفاه (اتدورت وحطت كنكة بين عالنار)

يامن (حب يغير الموضوع) هما الناس الى هنا فين الى بتخدم

يعملوك الى عاوزاه

شكك واقفه بالعافيه حبيبتى

حور: موجودين بس شغالين طول النهار ، واساسا انا عاوزة اقوم

تعبت من قعدتى طول اليوم

يامن: هو هو والدك فين

مشفتوش فقاعة المناسبات وانا جاى

حور: معرفش، تقريبا انا وهو متقابلناش من وقتها


يامن: ماشى يا حبيبتى ، هروح مشوارى وارجعلك تانى يا بابا

خدى بالك من روحك (باس دماغها وايديها)

يامن: استودعتك انتى واولادى عند الذى لاتضيع عنده الودائع ،
(ضغط)

ع كف ايدها ومشى ()

#بقلمى_نوراسماعيل



قميص وبنطلون ع تربيزة المكوة ، بتحضرهم للكوى
رضوى ، دخل عليها محمد الاوضة وهى بتكمل شغلها

محمد جهاد : رضوى خلصتى

رضوى: لا لسه قربت اهو

محمد جهاد : طيب ماشى بس مشى ايدك لان لسه فيه مشوار اد
كده

رضوى: حاضر اهو هخلص بسرعة

محمد جهاد : لابس مش تكروتى الهدوم عشان بسرعة

رضوى (بهدوء نفس) حاضر متقلقش

محمد جهاد : هتعملى ايه لحد م ارجع

رضوى: ولاحاجه هروح لخالتي اقعد معاها

محمد جهاد: مش قولتى انهاردة معادك عند الدكتوراة

رضوى: لا بكرة ،انت بقيت تنسي كثير اوى

محمد جهاد: معلىش ...

سابها ومشى ورضوى بتبص عليه من الباب

رضوى: مكنتش اعرف ان كلكم ارتبطوا ببعض اوى كده

محمد جهاد : احنا مع بعض اكثر م بنقعد معاكم ،بيننا عشرة ازاي
مرتبطناش ببعض

مثلا

رضوى: ده انتو من امبارح شغالين تتفقوا امتى هتروحوا
والساعة كام

ربنا يوديكم ويجيبكم بالسلامة يارب

محمد جهاد : تسلمى يارضوى الله يخليكى

رضوى : محمد هو انا امبارح سمعتك كنت بتقول ...يعنى

انت قولتلى ع زمايك كلهم

بس فيه حد

محمد جهاد: اسم مين ؟

رضوى : لا خلاص ، انا خلصت يلا عشان تلحق تغير وتنزل

محمد جهاد (مستغربها) ماشى

اخذ هدومه منها ورضوى بلعت الكلمتين الى كانت هتقولهم
كعادتها معاه..

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡

بالراحه ، خطوة خطوة

ماشية اسماء اخت طه بسبب الحمل جاى بزلال ع رجليها مبطاء

حركتها شوية

والبيت لما اتغير ، اتغيرت كل حاجه اتعودوا عليها اتغيرت
ومنها الباركيه الى بقى بدل البلاط
وعشان كده خايفه اسماء ل رجلها تتشاكل وهى مدخله
الاكل ل طه اوضته ..

دخلت وسندت بالراحه الصنية ،واستنته يصدق من قراءة القران

قاعد طه ،دقنه كبيرة

وشه اصفر

شعره مش مهذب ومنعكش

لابس اى لابس

بس فاتح المصحف وبيقراً بخشوع مش حاسس بالى حوالياه

كل شوية ، عيونه تتملى دموع

يمسحها ببطء ويكمل قراية

فضل عالحال ده ولاحاسس بوجود اسماء اخته

ولا الاكل

لحد م هى اضطرت تقاطع قراءته

اسماء: طه ...حبيبي

مش يلا عشان تاكل

طه (صدق الله العظيم) لا ي اسماء ماليش نفس

اسماء: ملكش نفس دى تقولها لما تبقى واكل اكله جامدة وجاى
بعدها بشوية اتحط
قدامك اكل فمش هتاكل

طه: اسماء (بيتكلم بنفاد صبر) مش علوز اكل

اسماء: ياخويا انت بقالك يومين عالحال ده

طه: معلىش لما يجينى نفسي هبقى اكل ...سيبيني بس لوحدى

اسماء: يعنى ولحد امتى يا حبيب اختك ! لحد امتى انت بتروح
مننا

وانت مش واخذ بالك

طه (عمل حركة لامبالاه براسه) عادى

اسماء: لا مش عادى ،البيت ده كله يتهد من غيرك ياطه

طه: بعد الشر عليكم ربنا يبارك فيكم لبعض
لكن انا

انا خلاص عملت الى عليا وتعبت والله

(ابنتت عيونه تتملى بدموع) تعبت ولوحدى دائما
ووقت م ربنا بعث لى حبة حنيه (مقدرش يمسك نفسه وابتدا
يبكى)
ماهو كان زمانى انا....

اسماء (قاطعته وقامت خدته فحضنها بسرعة) متقولش كده بعد
الشر عنك

خلاص اسكت بقا ياريتنى م اتكلمت

وهما بيتكلموا جه اخوهم وخبط ع باب اوضة طه

اخو طه : فيه تلاته شكلهم بهوات برة يا طه ،جاينك
انا اول مرة اشوفهم

اسماء: وساييهم واقفين يا حمار

اخوها: لا دخاتهم طبعا وجيت اقول ل طه

طه : حاضر هغیر هدومی وجای لهم اهو ، اسماء روحی قدمی
ای حاجه لیهم
ده کل واحد جای من سفر

اسماء: دول

طه هز راسه ب اه

اسماء: بیقی نحضر عشا بقا مش مشروب ، غیر واطلعهم وانا
فتوانی هحضر مع
ماما

سابته اسماء و غیر طه وطلع

واول م طلع وشافهم

وقفوا وباصین له بحزن ، رمی روحه فحضنهم وهو بیبکی ومش
مبطل !



#بقلمی_نوراسماعیل



نرجع ل 2014

سيجارة بتتحط فطفاية السجاير بيظفيها بابا رضوى وهو باصص
ل حسين ،ومعاه اتنين صحابه

بابا رضوى: اهلا وسهلا يابنى

حسين: اهلا بيك ياعمى ، هاه مردتش عليا
(غمزه صاحبه يتكلم بادب) يعنى ياعمى مردتش عليا فطلبي

بابا رضوى: علش بس يابنى متاخذنيش،انت وهى بتدرسوا لسه
وانت مش جاهز وعلى م تجهز لسه قدامك
وده مينفعش

مرات بابا رضوى: وبعدين احنا لاشايفين حد من اهلك ولا من
عيلتك ،جايلنا باتنين صحابك
تتقدموا؟

حسين(ببصة غتاته ليها) انا قولت اخذ كلمة بس من عمى عشان
لما اقول لاهلى مجبهمش عالفاضى

صاحبه ١ : (بيحاول يجمل الكلام) يعنى هو يقصد ان يعرف موافقتك ويبلغهم فالبيت عشان يقرأ فاتحه

مرات بابا رضوى: لا واضح انه شايف ان الموضوع سهل صاحبك ،جاي حتى م دخل بعلبة شيكولاته معفنه بلا نيئه

بابا رضوى (بيبص لمراته تسكت) ناهد دقيقه لو سمحتى
مرات الاب: هو انا اتكلمت ولا كلمتى وقفت فالزور ،اصل ده مش اسلوب يعنى

حسين: يا حجه انا عارف انك مش امها كلامى مع ابوها يعنى ده لو مضايقتكيش

مرات الاب: حكم ! دى قايلاله ع كل حاجه (مصمست شفايفها)

الاب: وبعدين ياناهد مش عارف اتكلم كلمة
بص يا حسين

انا الموضوع مش مريحنى بصراحه

حسين: يعنى ايه ؟

مرات الاب: يعنى توفر تقول لاهلك حاجه ، هو مش موافق

حسين: انا اساسا جيت عشان بنتك شبطانه اجي اتقدم لها لكن
متتامروش يعنى
ماهياش بنت بارم ديئه

اخذ بعضه وصحابه ومشى ورزح الباب وراه ...

رضوى كانت واقفه برة سمعت كل حاجه ، وهتعيط
خرجت مرات باباها وعلى وشها غضب الله

مرات الاب: بقى هو ده الى انتى بترفضى عشانه العرسان
الكويسين الى بيجولك

رضوى: لو سمحتى يامرات ابويا عاوزة اسمع من بابا

مرات الاب: وبقيت مرات ابوكى مش امك يعنى ! اهو عندك
اصطفلوا سوا

الاب: رضوى تعالى هنا ، انتى فعلا ع علاقه بالولد ده ؟
يعنى مش مجرد زميلك ثانوى وكلية بس

رضوى : يابابا انا ...

الاب (ضربها بالقلم قبل م تكمل كلامها) يعنى انا مرتكيش
عشان عيل زى ده يقعد ويتتنك ويقولى

بنتك شيطانه اجيلها

وجاى بايد ورا وايد قدام

كانك رخيصة ياخذك فايده وهو ماشى (بيزقها لاوضتها وقفل
الباب عليها بعنف) خليكى هنا

واول اول واحد ان شالله يكون بببيع بطيخ هجوزك له
ومفيش كليه تانى ... سامعه!

ورا الباب قاعدة رضوى تعيط ع عقاب باباها ،وع رفضهم
لحسين كان عندها امل كبير
يتخطبوا

وتفرح بحبها له فالنور
لكن تاتى الرياح بما لاتشتهى السفن ...

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡

" ياااااى اصاله الى مبتسمعيش غيرها !" "

آية : طيب م انت بتحب كاظم الساهر وام كلثوم كنت قولتلك
ياااااى مش عارف ايه

ايهاب (بيكتبلها) لا بس اصالة صوت رائع اوك ، لكن برضو
اسمعى غيرها

آية: لا ماليش غير اصاله بحس انها بتحكى بصوت اوجاعى
ايهاب: يا سلاام بتقول شعر البنت والله ! بتحكى بصوت اوجاعى
احنا نقدمك فقسم الشعراء بعد كده

آية : هههههه متعرفش تقعد من غير م تتريق عليا
ايهاب: وهو احنا ايه عرفنا ع بعض غير التريقه (ايموجى
بيضحك)

آية قرت المسج وغابت فالرد ، بعث لها علامة استفهام شافتها
ومردتش
ايهاب: فينك ؟ اوعى تكونى نمتى

آية: لا موجودة
ايهاب: اومال سكتتى
آية: اصل مستغربة اوى الى انا فيه
ايهاب: الى هو ايه
آية: انى بكلمك ، حد معرفوش عامة
اه بقالنا كتير بنتكلم وبنتواصل

بس برضو راجل غريب ، عرفته من انت
وانا طول الوقت مبكلمش شباب ولا ليا اى احتكاك بيهم اصلا
ولاحتى فالشغل

ايهاب (بعث ايموجى حزين) وانتى متضايقه اكمنا بنتواصل ي
اية؟!!

اية: بص ضيقتى مش بسببك ، انا بتكلم عامة
هو ايه الى انا بعمله ده

ايهاب: آية بصى ، انا مش شايف ان الحوار كبير
ماهو انتى بتشتغلى ومعاكى شباب واكيد فى كلام لاي سبب ،
والدراسة كان فيه
هما مش بيعضوا ي اية بكلامك معاهم

اية: مش بقول كده ، انا بس عاملة حدود لى نفسى
فالتعامل لاجب اقرب لحد ولاحد يقرب منى
وخصوصا الشباب

ايهاب: طب قوليلى سبب
اية : عشان ده ممكن يجر حاجه تانيه ، يعنى فالاول انا مكنتش
اعرفك

كتبت بوست ضايقتنا فيه

رديت

بعدها انت بعنت مسج ردت ،ده جاب ده اتعرفنا ع بعض بعد م
اعتذرت لى

تبعلى من الذوق ارد

بعلى اضافه وضيقتك

بظانا نتبادل الاسماء

وبعد كده بنشتغل ايه ومنين وسننا كام

الكلام بقا يجيب بعضه ،بنحب ايه بنكره ايه

بنعمل ايه فيومنا

الشات بعد م كان عادى

بقينا نصبح ونمسي ع بعض

الفون فايدى 24 ساعة

حتى انت يدوب الوقت الى بتغيب فيه نومك او مدة رحلتك لاي
مكان

وبعدها بنرجع نتواصل

ايهاب: تمام ...وفين المشكلة بي اية فكل الى حكته

انتى شخص مهذب ومحترم ومن اكثر الاشخاص الى الواحد
اتعامل معاهم بارحيه

مفيش كلمة بنقولها غلط او خارجه مثلا او تزعل

اية: وانت بصراحه كلامك كله محترم وذوق

ايهاب: طيب مصعباها ليه يا اية

اية: يعنى حاسة انه وضع غلط وانا مشيت فيه مش واخدة بالى

ايهاب قرا المسج الاخيرة ومردش ، واية شافته انه شافها وكملت
كلامها

اية: يعنى ... انا حاسة بحاجه غلط

فالموضوع

ايهاب: طيب ايه الى يريحك

اية: انت اكيد انا مش الوحيدة الى بتتكلم معاها ، انت واحد طيار
وماشاء الله واضح من الى قولته وصورك

ليا انك ابن ناس ومرتاح ماديا

يعنى حياتك مش واقفه ع مجرد بنت عرفتها عن طريق الفيس
بالغلط

ايهاب: تكديبنى لو قولتك بعد كل الى قولتيه عنى ده انتى فعلا
فارقه

وحتى لو كل يومين انا فبلد وحياتى مرتاحه اسافر واخرج هنا
وهنا

فانا ماليش علاقة بجنس حوا

ده خالص

يعنى اتعامل مع زميلات مضيفات التعامل العادى ،قرايب
صديقات فدام دراسة او معرفه من بعيد لبعيد
حوارى مش زى م انتى فاكره

اية: اى ان كانت دنيتك ايه، فانا توصلنا موترنى
ايهاب: براحتك ي اية الى حباه وجواكى عاوزه اعلميه حتى لو
هيضايقتنى
فمسيرى اتعود زى قبل م نعرف بعض

اية: انا حابة اننا منتكلمش تانى معلىش ، وخليك متأكد انك شخص
انا كسبت
معرفته وتواصله فترة طويله
وان انقطاعى عنك ده مش لفكرة خدتها عنك وحشة لاسمح الله

ايهاب: عارف ...وانا اتمنالك كل خير ي اية
وربنا يطمنى عنك بخير يارب

اية قرت اخر كلمة وحست بجد انه كان اكثر مصدر للامان
والاهتمام بالنسبة ليها
حتى اخر كلامه كان غرضه اطمئنان وبس
ردت ب

اية: مع سلامة الله ي ايهاب ...

قفلت فونها وهى باصة للارض بتقنع نفسها بمسح فترة عدت من
حياتها فرفت كثير فصحتها
ووشها وطاقتها وحالتها المزاجيه
عشان تعرف ترجع للى كانت فيه وتتعايش ..

#بقلمى_نوراسماعيل



روح وماسكرا وشوية بلاشر عالخدين ..

قدام المراية واقفه الاء تتزوق وهى بتغنى وبترقص مشغله اغنية
عالفون

وشكلها بتستعد للخروج

وهى فقمة انبساطها دخلت مامتها

الام: خارجه ولا ايه ؟

الاء: اه يا ماما, خارجه انا ومحمد

الام: طب عرفتى بالكلام الى قاله لباباكي ؟

الاء: كلام ايه

الام: الارض بتاعتهم هو واعمامه عليها خناقه وهو كان من نصيبه من الورث فالارض دي

هيجهز باقى شقته والعفش بدل وقفان حالكم ده

الاء: طب ياماما مسيرهم يتصالحو فيه ايه مكبرة الموضوع ليه)
بتحط روج قدام المراية)

الام: مكبرة الموضوع !

شوف البت وبرودها

يابت بقالكم اد ايه مخطوبين ، وهو اتسربع وقعد يزن ع كتب
الكتاب ليه مش عشان يخلص

واهى وقففت كل حاجه

هتقعدوا مرهونين يتصالحوا وياخد ورثه

الاء: (باست مامتها فخذها) يا ماما يا روح قلبي ، طالت
ولاقصرت هنتجوز ان شاء الله وكل حاجه تتم

الام: وهو انا خايفه مفيش حاجه تتم يابت ولا ايه ، انا بقول
التطويل ده مالوش لازمه

بصراحه

الاء: یعنی يعمل ايه ياماما ماهو كان بيعمل كل حاجه لحد مالظنيا
كلها اتعطلت اهو

الام: وهو الكافيه ولا الجيم دول مش بيحبو حاجه

الاء: ياست الكل الى بيحبو الكافيه للبيت متنسش جهاز هند
ومصاريفها ومامته وعمته

والجيم شرك بينه وبين واحد تانى

يعنى مش حاجه برضو

الام: وهو بعد الجواز مش هيفتح بيته منهم برضو

الاء: الله ينور عليكى يفتح بيت لكن مش يكملوا تشطيبات شقه
وجهاز وعفش

(باستها تانى) يلا باى بقا عشان هتاخر

الام: طب متتاخروش برة

الاء (عند الباب) ياماما ده بقا جوزى يعنى متخافيش عليا طالما
معاه

باباها فاوضته بيقرا جرنال وشافها عالباب سلم عليها بدماغه

الاء) رجعتله باسته فدماعه) سلام يا حبيب قلبي انت

الاب: عاوزة فلوس يابت

الاء: حبيبي هو انت مخليني عاوزة حاجه ،وبعدين انا خارجه مع جوزى هو ال. هيدفع طبعا) قالتها بطريقة تضحك ضحكت باباها
(ونزلت)

اخذت مواصلتين ،ووصلت لكافيه محمد جهاد

دخلت ملاقتهموش

اتصلت بيه لاقت فونه مقفول ،معدى الجرسون ووقف عند
تربيزتها

الويتر: انسة الاء منورانا ،اجبك الاييس كريم بتاعك ولا هتاخذى
حاجه تانية

الاء: لا هطلب لشوية كده ،بس فين محمد؟

الويتر: الكابتن محمد كان هنا ولسه ماشى

الاء: ممم طب خلاص (مشى الويتر) هو انا اتاخرت يامحمد
يعنى !

طب لو سمحت

هات كابتشينو ...ميرسي

فتحت فونها تلعب فيه شوية مستنيه محمد كل شوية ابص
فالساعة

وترنله مقفول برضو

رنت ع صاحبه دايمه معاه الى مشاركه عالجم

الاء: الوي ايمن محمد معاك ؟

ايمن (صديق محمد) لا مشوفتش جهاد انهاردة ، ليه مش هو
انهاردة معاكى باين

عشان قالى مش جاى الجيم

الاء: يوووه طب فونه مقفول ومش عارفهاوصله

ايمن: شوية وتلاقيه جايلك ممكن راح مشوار عالسرير وراجلك

الاء: طيب خلاص ماشى ، وانت عامل ايه

معلش خدنى الكلام

ايمن: كله بونو وكله كويس (بيضحك) متقلقيش

الاء: تمام يارب دايمه (بتبص لوقت ويت) طب سلام ي ايمن
محمد بيرن

(ردت ع محمد) حبيبي

محمد جهاد: نور عين حبيبك ، معش والله فصل شحن الفون
انتى اتاخرتى عليا ع فكرة

الاء: لا متاخرتش اناجيتك هنا بالدقيقه ، انت فين بقا
محمد جهاد : انا خلاص داخل عليكى اهو

وصل محمد يدوب سلم عليها وكان فيه اتنين وراه شايئين حاجه
سوا مستطيله علبة كبيرة

وبعدها انطفت الانور وانضرب صواريخ زينه كثير
وابتدت اغنية

روح قلبي انا وعدتك لتامر حسنى ، الاء بتبص فيه ايه ومحمد
عمل اشارة يبجو

من جوة

تربيذة جرار بعجل عليها تورتة مستطيله كبيبييرة عليها صورة
الاء

الاء (مندهشه وفرحانه) ايه ده !

محمد جهاد (مسك كفوف ايدها باسهم) كل سنة ولؤلؤ عيني
بخير

ياحثة من قلب محمد انتى (باس دماغها)

الاء: ايه ده استنى استنى ، عيد ميلادى لسه بعد يومين

محمد جهاد : وهو انا زى الناس يحتفلوا بيكى وقتها؟
انا غيرهم

الناس فالكافيه ، كل سنة وانتى طيبة
الويترز : كل سنة وانتى طيبة ي انسة الاء

خلصت الاغنية واشتغلت وراها اغنية فارس احلامك سامو زين

محمد جهاد : تسمحيلى برقصة معاكى يا اميرة اليوم ؟
الاء (مكسوفه وبتبص حواليتها) طب مش قدام الناس
يامحمد

محمد : يلا ...

شد كفوف ايديها وحضنها من وسطها ، وفالكافيه خففوا الاضاءة
ورسمولهم الجو
وبقا فيه بابيلز بتنزل عليهم والاء بتبص ومبسوطة ومستمتع
اوى

الاء: عملت كل ده امتى ياقرده

محمد جهاد : عملته بتفكير بقالى فترة ،والى خلانى اطلع وامشى
قبل م تيجى تورتنك ياهانم

الاء: انت دايمى بتاع خطط كده

محمد جهاد : انا من زمان بتاع خطط عليكى انتى ، من وقت اول
مرة شوفتك

ولوحيتنى

وصيتهم هنا فالكافيه وقت م يشفجوفوكى داخله يدونى رنة

وانا لو كنت فجهنم اجيالك

ده غلبت لحد م عرفت اسمك

(باس كف ايدها) اه منك يا مدوخالانى

الاء: انا بحبك ،وبحب التراب الى بتمشى عليه

وبحب اللبس الى عليك عشان بيلمسك يامحمد

وبحب كل يوم عرفنى بيك وقربنى منك

وبحب الهوا الى حواليك

وبحبك حروف اسمك وحروف اسم الشارع الى انت فيه

والله العظيم بموت فيك

محمد جهاد: ربنا يقدرنى واسعدك واحافظ عليكى لحد م تبقى

عجوزة وكركوبه

وجمالك ده ميروحش منك
هيفضل جمال روحك ياغلى من روى

الاء: عاوزة افضل معاك دنيا واخرة يامحمد ، عاوزاك نصيبي
الحو

ع طول ياجهاد ومتفترقش عنى

محمد جهاد: يارب يا حبيبة محمد نكون سوا دنيا واخره
بس افرض انتى دخلتى الجنة وانا دخلت النار
اعمل ايه ساعتها؟!!

الاء: بعد الشر عنك ، ان شاء الله سوا فالى مكتوب لنا
ربنا م يبعدنى عنك يارب

خلصت الرقصة وراحوا عالتورته ، غنولها واحتفلوا لها
وظلع من جيبه هديتها
خاتم ذهب شكله رقيق
لبسهولها وباس كف ايدها وقعدوا ياكلوا التورته سوا

الاء: انت ! طلعت مش ساهل
هتخلينى بقا اتصرف تصرفاتك دى والعب الاعيبك
وقت مناسباتك

محمد جهاد : انا مش عاوز منك حاجة غير انك تفضلى جمبي
وملازمانى

الاء: وانا عمرى م هسيبك ، (بتاكل) ع فكرة ياجهجوحتى
ايمن كان عارف صح؟

محمد جهاد: اه كان عارف ليه
الاء: الجزمة اكلمه يعمل فيلم عليا

محمد (غار شوية بس مبينش) انتى كلمتية ؟
الاء: اصل اتاخرت قولت اكيد معاك طالما فونه مققول سالتة
عملى نفسه الى مش عارف
محمد : (متضايق) ممم تمام ، بس متكلميهوش عمال ع بطل
الاء (كانت مبتسمه وبقت عادية) انا كنت عاوزة اعرف انت فين
محمد : مفيش مشكله ... (بياكل)

الاء حست انه زعل قربت جمبه وباسته فخده

الاء: ع فكرة الروج ده مش بيطلع وهتمشى بعلامه كده فالشارع
(بطريقه طفوليه)

محمد (ابتسم) ينفع يعنى الى عملتية ده

الاء: الله ! مش جوزى ياعم انت

محمد : الله ...قولى جوزى تانى كده

الاء (بدلع) جوزى حبيبي ، جوزى قلبي وحياتي

(قربت لعيونه ونفسها قريب من انفاسه ونسيت نفسها انهم
فمكان عام)

انت عارف انا ابقى حرم الكابتن محمد جهاد يعنى انا ابقى مراته
وحبيبتة

وان شاء الله هشيل له بيبي هنا صغنون

وهشيل اسمه كمان

محمد جهاد غاب معاها خالص وقرب عليها هي رجعت ورا وهي
بتزقه بكف ايدها

الاء: الناس ، احنا نعتبر فالشارع عيب (عملت نفسها بتاكل)

محمد : هي بقت كده ماالشي ، تانى مرة لو عملتي الحركات دي
استحملي الي يجرالك

الاء : ههههههههه

#بقامى_نوراسماعيل



فمعرض فخم لتجهيزات العرايس عفش وستاير وكل حاجه وكل
الانواع

مودرن وستيل من كافة شئ..

كانوا بيتفرجوا سوا مارسيلينو الى كانه مضروب بطلقه قبل م
بيجو وخطيبته لينزى ..

لينزى (بتضغط النضارة ععيونها) انا رائي الصالون ده اشيك
من التانى

البائع: يافندم تحت امرك ،خدى فكرة عن الكل وفالاخر بلغينا
بقرارك

لينزى: (بتشده من هدومه) م تبص معايا وتختار

مارسيلينو: بت انتى متتعاملش بغباوة عشان متغاباش عليكى

لينزى : م انت سارح وماشى بعيد عنى مش تختار معايا

مارسيلينو : اختارى اى زفت انا مخنوق من ام المشوار ده

لينزى: بقولك ايه اتعدل لحسن انت عارف

مارسيلينو (خاف ورجع لورا وهو باصص لها) هو انتى عشان
واخدة كذا بطولة

كونج فو هتقرفينى

والله اكلك مقص يكمل عليكى

عشان لاتبقى نظر ولا سمع ولا كلام بالمره وارتاح من صوتك
المزعج

لينزى: (مقربه عليه هتضربه) طب ورينى كده ونشوف مين
هيرجع التانى بعاهه !؟

مارسيلينو (بيبص حوالياه) الناس بتبص يا ذكر الحداية الله
يخربيتك اخلصى اختارى
اى قرف هنزرعه فالببيت
يارب م تلحقى تدخليه

لينزى: بتبرطم تقول ايه ،م تخليك راجل وتقول الكلام فوشى
مارسيلينو : طب بقولك ايه انتى شكلك مخنوقه من ام الحوار ده
زيبى يا ست
عززة

تعالى نفكنا ونقول مرتحناش
وانا ليكى عليا هكتبك اوضتى الى فشقتنا باسمك

لينزى: بص يا عم رينو انت ،انا اصلا كارهاك انت وشكلك
لكن تقول ايه بقا الضرورة تحكم (قرصته فدراعه) بابا وماما
حابينك وموافقين عليك

مارسيلينو : ماهو لازم يخبونى ويوافقوا عليا ،مش هخلصهم
من عم ابو الفضل الى قاعد فخلقتهم ملاقاش حد يزحزحه من
مكانه زى العمل الرضى !

لينزى : طب انجز واختار انهى فـدول
مارسيلينو : دول ايه شايـفاهم ايه اصلا !!

* غرف نوم اطفال*

لينزى: ايوة صالونات

مارسيلينو : صالونات! دى مطابخ ياشيخه!
يلا ع بال م تشوفى حاجه صح هكون اتنقـطت

لينزى: بس متقاطعـش

بيتنقلوا من ركن لركن يشوفوا وينقوا سوا ،لحد م المشوار عدى
ع خير بعد مناقرتهم جوه

خرجوا برة المعرض

لينزى : اتفضل وصلنى البيت ،السواق انهاردة مع ماما بتجيب
حجات

مارسيلينو (بقرف) استنى اوقفكـ كارو

لينزى: نعم !

مارسيلينو : خلاص هوقفكـ هباب تاكس

وهما واقفين بيحاولوا يشوفوا تاكس ،عدوا بنتين حلوين جدا
وعاملين ميكاب اوفر

ولبسهم ملفت وبيضحكوا بصوت عالي

مارسيلينو : ااااه يا سمك

لينزى (بصت للبنات ورجعت بصتله وداست ع رجله)

مارسيلينو: اه !

لينزى: تحترم نفسك طول مانا معاك يابجم يالى معندكش ريحة
الاحساس

وعارف لو عملت كده تانى انا هشتيكك لابونا

وانت عارف ايه العقاب هاه !

مارسيلينو: طب انا راضى حكمك واحد هيتجوز واحدة شبهك
يعنى متفرقش عن المكنسه

الى لامه من عالارض تراب وفتات عيش

وعدوا عليه اتنين شبه بسكوت العيد

يبص ولا ميبصش

لينزى: لا ميبصش لان ده حرام وعيب ويحترم نفسه ،وبعدين
افرق انا ايه عنهم

مانا زى القمر اهو

مارسيلينو : زى ايه ؟ سمعيني تانى زى ايه
بصى متظلميش القمر معاكى

لينزى: طب هات تاكس يلا لحسن اعصابي بدات تفلت (بتعمل
بايدها بوكس)

مارسيلينو : ايه هتضربي ولا ايه (خاف)

لينزى: (بعصبيه) هات تاكس!!

مارسيلينو : حاضر ! (فسره) ياعدرا نجيني من البومة دى
لحسن ارميها تحت التاكس بنفسى
تزمرعجلاته ع زورها !

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

العلاقه بين نهلة وطه

اصبحت كل م يعدى عليها يوم تطور

هو صحيح مش بيتكلموا كتير ولا فكل وقت

بس ممكن كل يوم يبعث مسج طه

ويوصله رد

منها

ممكن هو ينشغل ،تسال هى

ممكن تكون نهلة محتاسه فى معرفه حاجه تساله عنها

ممکن يكون هو ملاحظ غيابها تيجى الهايبر

يتصل يطمئن عليها

صداقتهم كانت واخدة شكلها الطبيعى المحترم ،ونقدر نقول

نهلة عرفت بمعظم حياة طه وبتدور ازاي

لكن طه كل الى عرفه اسمها وانها من مستوى اجتماعى متيسر
الحال

وان اصلها مش من الاقصر ،لكن جت تعيش هنا من فترة كبيرة
اوى.

كان يوم اجازة طه فشغله ، وطبعا نهلة عارفه

فمكالمته ليها عرفت

انه عاوز يروح اسوان بقاله كتير مراحش

وعاوز يغير جو ،فهى قررت انهم يقضوا اجازته سوا فخطة من
خطتها الفجائية الى دايمًا

تفاجئوا بيها.

فعربية اجرة عادية رايحه من الاقصر لاسوان ،كانت معاه
وقاعدين فنفس الكنبة

نهلة : ايه رائيك فالمفجأة دى

طه: نهلة اوقات بحس انك عفوية مبتفكريش فحاجه ولابتعملى
لها حساب

نهلة : وهى الحاجه نستمتع بيها ازاي لو حسبنا لها ؟ لازم نتجنن
والى يطع فداغنا نعمله

(كملت كلامها وهى سرحانه وباصه للشباك)

انا بقالى كتير بعمل كل حاجه بحساب

والخطوة بمشيها بخطه مسبقه

تعبت ...

طه (يغير الموضوع لاحظ انها اتضايقت) هو انا مش بتدخل ،بس
هو والدك شكله مقيدك

جدا ولا ايه

نهلة : والدى !

طه: اه ،انا شوفتك فمرة بس انتى مشوفتنيش

كنتى راكبه عربيه معاه ،راجل شكله هيبه كده

نهلة (هزت راسها وبصت بعيد)

طه: مالك؟

نهلة: ولا حاجه ،بص انا عاوزة انبسط انهاردة وانسى كل حاجه

مممكن!

طه: تحت امرك انتى بس اوامرى

نهلة ابتسمت ، فى ٣ ساعات وصلوا اسوان !

نزلت نهلة مع طه ، وسابت نفسها له يمشيها زى م يمشيها
وبعد م كانت خطة طه انه رايح يتفسح هناك فاسوان مع اصحابه
اتحجج لهم باى حاجة عشان يفضل مع نهلة
حتى ولو كان هتقتصر خروجه ع رحلة نيليه وبس يفضفض
فحضن النيل
بس حب يخليها خروجه شامله عشان نهلة ..

الاول راحو معبد ابو سيمبل ،مكانتش اول مرة تروحه نهلة بس
المره دى كانت مختلفه وكانت مبسوطه اوى

وبعدها راحو لقاعة الاعمدة الكبرى ،هى قدام المعبد ع طول
وفيه ٨ اعمدة
وقدام كل عمود فيه تمثال للملك رمسيس

وخرجوا من هنا ،راحو المعبد الصغير او المعبد الثانى لابي
سيمبل
معبد حتحور

نهلة كانت بتتنقل مع طه ،الاول كانت متحفظة وبعدين فكت
ضحكانه وبتتصور وياه عالفون بتاعه من غير اى قيود

ومن المعبد لجزيرة النباتات
ومن جزيرة النباتات لرحلة نيلية بمركب فالنيل وقت الغروب
والاستمتاع بمنظر جميل ونسمة هواصافيه
قعدت نهلة منها للنيل سرحانه

طه : سرحانه ف ايه
نهلة (انتبهت وابتسمت له)
طه: شكلى جبتك من اخر الدنيا

نهلة: عارف ياطه ، كنت سرحانه فالناس
وعلاقتهم ببعض
يعنى مثلا الاتنين الى معانا هناك دول عالمركب (بتشاور براسها
ع بنت وولد مبسوطين وبيهزروا)
دول واضح انهم متجوزين وميتين فحب بعض
بدليل دبلهم الى فايدهم وهزارهم وضحكهم ده

يعنى ليه الناس كلها متبقاش كده ،ليه مش كل اتنين سوا كده

طه (بيهز راسه) انا اكر واحد فاشل فالاجابه ع سؤالك
انا نفسي عاوز اجابه ومش فاهم

نهلة: مش فاهم ايه

طه: اصل فيوم من الايام ،كنت متجوز
ومحصلش للنصيب اكثر من الى ربنا كاتبه
وظلقتها

بس كنت عاوز اعرف هو فيه ايه بيبوظ الدنيا كده
وليه مش كل الناس سعداء؟

نهلة: هو ده السؤال الى انا دايماساله لنفسي ، وعاوزة اساله
لمراتك السابقيه

هي ازاي تسيب بنى ادم زيك
بنبك واخلاقك وتفاولك

وضحكك الحلوة وبساطتك وشهامتك
انت فيك كل حاجه يا طه

طه : يمكن بيتها لك ان فيا كل حاجه (سرح) لو فيا كل حاجه
مكانتش مراتي
سابتنى

نهلة: كنت بتحبها؟

طه: هي جوازة عادية ، بس انا كنت مكنتش بكرها ولا بحبها
فاهمانى

عادى

نهلة: طيب وطلبت الطلاق ليه؟

طه (ابتسم) انهاردة يوم اجازتى ..ولحسن حظى انك معايا
وبقضيه وياكى

مش عاوزين اى سيرة حزن

مش كده

نهلة (ابتسمت) صح كده ...ولعلمك عشان نقفل موضوعها
خالص

هى خسرت كتير

طه ابتسم لها ورجعوا شردوا الاتنين ناحية النيل مستمتعين
باللحظة الحلوة ..

#بقلمى_نوراسماعيل


♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

" ممكن اقولك حاجه ؟"

يامن : قولى

روفيدة : بحب الابتسامه الى بتكون فنظرة عيونك لما بتكلمنى

يامن ابتسم لها ابتسامه صغيرة ، وخفى بقية احساسه بالفره
ورد عليها نفسه

يامن (نفسه) انتى لو ركزتى كويس هتلاقى صورتك عاكسه
جواها ... عشان شايلك فيهم 

روفيده : مالك باصص لى وساكت ليه
يامن (اتكسف وبص فالارض) عاوز ابصلك!

دخلت مامت روفيدة وجايبه العصير وبسبوسه
وقدمتهم ل يامن وقعدت

الام: منورنا يا يامن ، بتيجى زى العيد والله
كل فترة كبيرة لولا م حد يشوفك

يامن: ربنا يقرب البعيد يارب وتشوفونى ع طول ، هو عمى
هيتأخر بره؟

الام: لا جاى يا حبيبي

يامن: كنت عاوز افاتحه نكتب كتاب بصراحه يعنى عشان ..

روفيده : (بفرحه) ياريت ... ياريت ياماما بابا يوافق

الام (بارتباك) اما نشوف بابا هيقول ايه ياروفيدة بطفى تسرع
يامن: انا باذن الله جاهز انى اجبلها الشبكة كامله لان ده حقها
وفاضلى
سنة واحدة فالكلية

الام: ما هو لسه فيه جيش يا حبيبي
يامن: قالولى احتمال اخذ اعفاء عشان ضعف نظرى ، باذن الله
كل حاجة هتتحل
بس عاوز كلمة من عمى (بص لروفيدة بحب ورجع بص
لمامتها) عاوز المسافات تقرب بس

الام: انا فاهماك يا بنى ، بس يعنى انت فسنة هتجهز نفسك فكل
حاجة
يامن: ان شاء الله لو بتقصدى جهاز وشقه وعفش وتوضيبات
فرح وكده
الله المستعان
ربنا هيقدرنى

الام: بص يا يامن ، بييجى عمك و جدى و اتفاهم معاه براحتكم
وربنا يقدم الى فيه الخير
انا هروح اشوف الى عالنار ، انت مش هتمشى قبل م تتعشى معانا

يامن: مش هينفع انا بس منتظر عمى

الام: لا ودى تيجى كل مرة تجينا كده من سفر وبتيجى كل فين
وفين ومنتعشاش

ده حتى المثل بيقول جوز بنتى فمعزة ابنى ...

مشيت وسابتهم

روفيده: حلوة فكرة كتب الكتاب دى ، انا بجد عاوزة نقرب اكثر
وانت بقيت بالنسبة لى كل حاجه ييامن

يامن : يارب بس والدك يوافق ،حتى عشان اعرف اتعامل معاكى
بالى يرضى ربنا
وعلى راحتى

روفيده (بتبص لعيونه بحب) بتحبنى ي يامن ؟
يامن(بصلها ورجع غض بصره للارض) ربنا عالم بالى فالقلوب
ياروفيده

روفيده: نفسي اسمعها منك

يامن(اتهد ورجع بصلها بصة كلها حنيه) ربنا عالم عاوز اريح
قلبي واقولك ع كل
الى فيه ازاي

بس فحلاله ..

روفيده: حلال اكثر من كده؟

يامن: اما تبقى حلالى وزوجتى بشرع الله وسنة رسوله ، هتعرفى
انا جوايا ايه ليكى


ووقتها هتحسيه بجد

وهتعرفى انى كان عندى حق انهم يتشالوا لوقتهم ، عشان لما
يطلعوا من ... (ارتبك) يطلعوا من قلبى

يدخلوا قلبك على طول... من غير استئذان ♥♥

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

#بقلمى_نوراسماعيل



فسريه ..

قام واتعدل وزاح الغطا شوية عنه وولع سيجارة وهو شكله
متضايق ، قامت وصال نص

قاعدة جمبه وهى بتزيح شعرها لورا وبصاله ...

وصال: فيه ايه ؟

ايهاب (بيشرب السجاير) مفيش سلامتک

وصال : او مال مالك مكشر كده

ايهاب : عادى يا وصال (نفخ الدخان) عادى

وصال: الله ! هو لغزي ايهاب ؟

متقولى فيه ايه

ايهاب: (باصلها) هسالك سؤال وتجاوبيني بصراحة

وصال: اتفضل

ايهاب: انتى بتبقى مبسوطة معايا ؟

وصال: ايه السؤال ده

ايهاب: عادتك ولا هتشتريها يا وصال،السؤال يترد عليه بسؤال

الكلمة بكلمتها

سالتك سؤال قولت بتبقى مبسوطة معايا

وصال: انا شايفه ان ده سؤال محرج لاينفع تسالنى فيه ولا

اجاوبك عليه

ايهاب: للعلم .انا جوزك !

وصال: اوك جوزى بس مش كل حاجه هنتكلم فيها ومش كل

حاجه قابله للنقاش

فيه امور...

ايهاب: امور ايه ؟ راجل ومراته يتكلموا براحتهم فكل حاجه

ايه التعقيدات دى

قام وهو بيرمى الغطا بعنف من عليه ودخل الحمام وهى بصاله
باستغراب

اخذ الدوش بتاعه

وخرج

بيطلع طقم خروج وهى زى م هى

وصال: خارج ؟

ايهاب: شايفه ايه

وصال : مالك متعصب ليه ي ايهاب ؟ يعنى السؤال الى بتساله

ده اجابته عندك

م انت شايفنى وانا معاك

ايهاب: بصراحه الى بشوفه بيدل ع انك لا مبسوطة ولا بتبقى
مستعدة

كل مرة سلق بيض

واجب عليكى والسلام

وصال: انت بعد كل ده جواز جاى تقول انى بعمل ده واجب مش
اكثر

ايهاب وقف قصاها وباصص ليها

ايهاب: عارفة يا وصال ، قدرتى تبقى شاطرة فمدرستك
والكلية وتبقى دكتوراة الناس تحلف بيها
لكن مبتعرفيش تكونى شاطرة فى فن التعامل مع جوزك
تهتمى بيه

بيحب ايه ... عاوز ايه

تدلى عليه

تدلىه

اي حاجه ... اي جديد بدل الروتين ده

الى بصحا فيه

فيه بنام

حتى الحاجه الوحيدة الى بتربط بين اي زوجين انتى بتعملها
وخلص

سايبها وبينزل عالسلم وهى واقفه شايفاه

وصال: ايهاب ! انا مش مقصرة اعمل ايه تانى

ايهاب: مصيبتك انك شايفه انك صح ومش مقصرة

نزل سلمتين وبيتكلم بظهره نازل

ايهاب: والمصيبه انك اسمك وصال !!

آية (بتاكل) ماله

هبة : مليون ملح (سابت المعلقة)

بسة : ومش مطبوط

آية : معش يمكن سرحت وانا بعمل الفول ، هعملكم غيره

بسة : والبيض سادة نسييتى تحطيله ملح

هبة : ياخالو انتى لخبطتى (بتضحك)

آية : طيب هقوم اعلمكم غيره معش

قامت اية وشايله الاطباق ، جت وراها بسة

بسة : انتى كويسة ؟ اخدتى جرعة الانسولين بتاعتك ؟

آية : اه ، متقلقيش يا بسة انا كويسه

بسة : لا ملاحظة انك مهمومة كده

آية : لا مفيش حاجه ، هعملكم الاكل بسرعة اهو

اية بدات تجهز فاكل جديد وسرحانه برضو ، هو عمل ايه فيها

عشان تبقى كده

هى مش خدت عهد ع روحها انها تقفل باب ع نفسها وع قلبها

طب الى حصل ده ايه

اية (بتكلم نفسها) يالاهوى لو كنت حبيته؟!
ده يبقى نهار ازرق مطلعش له شمس

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

عالم بحر كان فيه ناس كتار ...

بس هما الاتنين ،محمد جهاد والاء مالمش دعوة بحد
كانو واخدهم الكلام لحاجه مهمة جدا

محمد جهاد : مش عاوز اطلع مش اد كلامى مع اهلك
الاء: طب بص تعالى نتكلم فكل حاجه ونفصص الحوار سوا جايز
نوصل لحلول

محمد جهاد : هنفصص ايه ماهو كل حاجه واضحه بي الاء
الاء: برضو نفكر سوا ،يمكن تشوف حل انت مش واخذ بالك منه

محمد جهاد : بصى ، انا كنت ماشى فالشقه لوز العنب تمام
بس الفلوس قصرت

فاتكلمنا انا واعمامى فبيع الارض بالسعر الحلو الى جالنا فيها ده
وخلص وافقوا

اتخانقوا عشان مش عاوزين يورثوا عماتى معاهم
ناس منهم شايفين ان ده حرام
وناس منهم شايفه ان الستات متورثش وتأخذ اى حاجه
ومن هنا جت المشكله ،وقفوا البيعه
وانا الدنيا عندى باظت
فهمتى

وانا لوحدى مينفعش ابيع ،لازم موافقه من الكل

الاء: طب مفيش فلوس فالبنك ؟

محمد جهاد : خلصوا عالتجهيزات الاولى للشقه والشبكة وكتب
الكتاب وكل الزيتة دى

الاء: مميم

سكتوا يفكروا سوا

الاء: بص انا مش مستعجلة ع فرحنا ،يعنى وقت م يتفقوا اهلك
نبقى نكمل

محمد جهاد : انتى عارفه عشان نكمل عاوزين اد ايه مده

وبعدين انا قايل لباباكي ع ميعاد
والراجل بيتربط بكلمة من لسانه

الاء: طب قول مثلا محتاج اد ايه فلوس؟ عشان تكمل

محمد جهاد : يعنى لو باقى تشطيب الشقة والعفش والفرح
وتجهيزاته

ممم حدود ال 300 ، 350الف مثلا

الاء: ممم مبلغ فعلا

سكتوا تانى وباصين للبحر ،وطقت فداغ الاء فكرة

الاء: انا عندى فكرة هتخليك تبوسنى من هنا ومن هنا

محمد جهاد: انا هبوسك من غير الفكرة ، بس قولى ايه هى

الاء: اولاً بابا عامل ليا وديعة باسمى تامين ليا من زمان

هكسر ها

وثانيا الشبكة انت جايبهالى غالية اوى

هنبيعها

وممكن دول يغطوا الى فاضل ،ايه رايك ؟

محمد باصص لها بصة مش حلوة

الاء: ايه يا حمادة رايك فالفكرة ؟

محمد : حمادة وبتاع ايه بس، حد قالك ان باباكي هيجوزك اختك فالرضاعة

الاء: ليه بس

محمد جهاد: انا اخد فلوس منك عشان نكمل الجوازه! ليه مكتوب فالبطاقه ذكر ولا ام حمدي ؟

الاء: ومال دي برجولتك يا حبيبي بس (بتدلع عليه) مش بقيت مراتك وفلوسنا واحد

محمد : اه ده فبيتي ، لكن مش عشان عندي ظرف وقفنى تقوليلى خد الشبكة وفلوسى فالبنك

انا لو وصلت استلف واشحت

مش هاخذ مليم منك

انا راجل يابت مش كيس جوافه!

الاء) بدلع وبتقرب عليه وهى بتلعب فصوابعه) طب ما هو انت راجل وسيد الرجالة كمان

وبصراحه انا هموت ع بيت يجمعنا

ومش شايفه اى تعقيد اننا نقرب ونبقى واحد بالفعل مش كلام

محمد : ياقلب محمد انتى افهمى ، لما اعمل كده ابقاراجل
ولامواخذة كاورك

العضلات دى اروح افسها واقلب بعملية

مشكلتى هحلها مع نفسي متدخليش فيها

ولعلمك ده درس لبعدين

اى مشكلة مادية اتعرضت لها فالببيت مالكيش انتى دعوة ، اتشقلب
واحلها

وانتى فبيتك ملكة مش ناقصك حاجة

(خبطها فدماغها بهزار) بيس يا لؤلؤ!

الاء: (مبتسمة) بيس يااحب لؤلؤ (بعته بوسه)

بس انا كنت...

محمد : ممم هنتكلم تانى ، هغرقك فالمالح واقول ولاشوفتك

الاء: متقدرش ياحمادة

محمد: مانا مقدرش طبعاً بتقولى فيها

الاء: هههههههه

#بقلمى_نوراسماعيل



"فيه ايه ياروفيدا كل المشكلة الى عاملها دي "

روفيدة : يعنى انا مستنية من يوم م كنت عندنا وانا مستنية
تكلمنى

وانت برضو ملتزم بمواعيد المكالمات
وكاننا مش زعلانين ان بابا موافقش بموضوع كتب الكتاب
وانك مشيت متضايق

يامن: روفيدة ممكن بعد اذنك توطى صوتك لان من اداب الاسلام
صوتك عوره

وكمان انتى بتزعقى فالشخص الى هيكون زوجك
ده ينفع

روفيدة.: ي يامن انا مخنوقه من الوضع ده ،عاوزه اسمع كلمة
حلوة منك

عاوزه احس باهتمامك

عاوزه نتكلم كتير ونحكى

تحكىنى الى فقلبك كله

انا حاسة انى مش مرتبطه من الاصل

يامن: وهو انا كنت طلبت الطلب ده من والدك ليه
مش عشان نقرب واتعامل معاكي بارحيه انك زوجتى يابنت
الناس

روفيده: وده حصلش وبابا موافقش ، هفضل كدهو كتير
لسه قدامك فالكلية
وتجهيزات
انا تعبت
مخطوبة مع ايقاف التنفيذ

يامن: طيب انا ايه قصرت فيه معاكي ياروفيده
روفيده: يامن انا استخملت كل الى انت
قولت عليه
وبنفذها كلها من غير نقاش
بس بصراحه زهقت

يامن : عشان مبتعمليش ده من قلبك يا روفيدة بتعملى الى
يرضىنى
لكن من جواكى مش مقتنعه
لو خابة ارتباطنا يبقى زى م يرضى ربنا ولاهتسني بخنقه
ولازهق
من الى بتقوليه ده

روفيدة: هو لازم اكون انا الغلطانه وخلص؟
يامن: وهو احنا فحرب مين الغلطان والتانى مستنيها عليه

روفيدة: يووه ي يامن !

قالتها بعصبيه وصوت على شوية ،خلته يسكت ثوانى ويتهد

يامن: فيه اداب للحوار مع اى شخص يا روفيده
ده بخلاف ان فى اداب حوار بين شخصين هيكونوا زوج لبعض
فيوم من الايام

طريقة كلامك مش عجبانى خالص

ياريت تعرفى تغيريها مع الوقت

وكلامى انا معنديش غيره ولاطريقته

يعلم ربي وحده بالى فقلبي ،بخاف وبحترمك وبحس ناحيتك ب
ايه

لكن اكر من كده

لايكف الله الا وسعها

وده وسعى الى هبقى مسؤل عنه قدام ربنا

روفيدة: يامن !

يامن: بعد اذنك هقفل ياروفيدة ...السلام عليكم ورحمة الله

قفلى وهى هتطق من الغيظ ، رمت الفون فالحيط اتكسر عالارض
نصين!

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

فمكالمة تليفونيه بين رضوى وحسين

كانت دموع رضوى الى بتتكلم مش صوتها ، وحسين ..!؟!

رضوى: انا م صدقت انه رجعى تانى الكلية يا حسين وادانى
التليفون

حسين : انا مش عاوزك تعيضى ، بس كنت اعمل ايه ومعملتهوش
ابوكى هزقنى فبيتكم هو والمحروقه
مرات ابوكى

رضوى: تروح تقولهم بنتك شبطانه فيا يا حسين خلعت بابا
يضربنى ومراته تلقح عليا بالكلام

حسين: ماهو انا اتضايقت من اسلوبهم مش طريقة ابدا ده انا
جاي لحد البيت اطلب ايدك

ماجرمتش

رضوی: حسین ...ینفع طیب بعد م نخلص السنة دی تتقدملی
تانی؟

حسین: تانی!

بعد م اهانونی

رضوی: عشان خاطر ی ...هو انا مش حبیبتهک طیب (بتعیط) الی
بیحب حد بیتعب عشانه

حسین: طب نبقی نحلها بعدین ماشی ، لان دلوقتی انا لسه بغلی
من موقف ابوکی معایا

رضوی لسه بتعیط وهو سامع عیاطها

حسین: خلاص بقا انا مبحبش تعیطی مانتی عارفه

رضوی: ماهو انا مش متخیله اننا ممکن نفترق او انی انا وانت
منتجوزش

حسین: اظن انی ملعبتش بیکی وجیت فعلا زی م وعدتک لانی
بحبک بجد

رضوی: انا عارفه یا حسین ،وانا هفضل احبک طول عمری ()
بتعیط

حسین: طب انتی امتی هتبطلی عیاط

رضوی: خایفه اوی من الی جای

حسين: ربنا يستر...خليها عالله

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡

مروان ..

جيران طه من زمان الزمن ،الشقة لزق فالشقة
والخطة واحد مخلية البيتين بيت واحد ،وده الى خلى اسماء اخت
طه

تحب من غير شعور منها روان
وان كان عليه فهو مش بيستغنى عنها نهائى ،لكن مش عارف
تحت اى مسمى

اوقات يقول صحوبيه

واوقات اخوية

لكن لو عليها ،فهى حاسمه امرهابينها وبين نفسها وقلبها
انه حبيبها !

وانهاردة فيه عقيقة فبيت مروان لابن اخته

واسماء واماتها بيساعدوا معاهم فالطبخ وتوضيب البيت عشان
الناس

اسماء: انا هدخل اقشر التوم عشان الفتة

شباب من قرايب مرواندخل وراها

الشباب: اساعدك

اسماء: لا خليك معاهم برة لا يعوزوا حاجه

الشباب: بيقولوا تفصيص التوم بيخلى الواحد يعيط فعلا

اسماء(بتضحك) لا البصل انت السلوك عندك دخلت فبعضها

ضحكوا الاتنين سوا وجه مروان وقف

مروان: مالك انت بحوارات الستات دى روح شوف هيعملوا ايه
تحت

الشباب: طاب ياعم متزوقش

مروان دخل لاسماء وفضى ميه لنفسه وبيشرب وهى بتطبخ

مروان: ايه الضحك ده يعنى

اسماء: بتكلمنى انا ؟

مروان: اه ...شغاله هزار وضحك

اسماء: هو كان بيسال عن حاجه وانا رديت ،فيه ايه

مروان : والى بيسال ده بيقعد يضحك

اسماء: ايوة قال كلمة تضحك فيه حاجه يامروان

مروان : اه فى متهزريش مع حد

اسماء: بمناسبة ايه الاوامر دى

مروان : اهو كده وخلص

اسماء: يعنى ايه كده وخلص

مروان: بتخنىق ياستى

اسماء: ليه بقا ان شاء الله ؟

مروان : معرفش انتى اسئلتك كثير كده ليه

سابها وخرج وهى ضحكت عليه ،سمعت صوت مامتها بتقولها

تجيب مخرطة ملوخية

من شقتهم

طلعت وراحت الشقه

لاقت شوزة طه موجودة

اسماء: هو طه جه ؟

رايحه ناحية اوضته لاقته بيتكلم فالفون ،كانت داخله ع طول

لكن طريقة طه فالكلام وقفها عالباب تسمع !!

طه: سلامتک ...ربنا يعفى عنك يارب

نهلة : تسلملى ياطه

طه: طيب م تروحي دكتور يكتبك دوا كويس

نهلة: لالا لا بكره الدكاترة ،انا هشرب بورتقان كثير ولمون وهبقى
كويسة

طه: سلامتک ...ياريت كنت (سكت مرة واحدة)

نهلة: ياريت كنت ايه ؟ انت كنت هتقول حاجه وسكتت ياطه

طه:(مبتسم بخجل) لا مفيش

نهلة (فهمت وابتسمت) انت خلاص روحت كده البيت

طه: لا راجع انا بصراحه اتلكتك بان المحفظة نسيته عشان
اعرف اكلمك واتظمن عليكى

لان هناك بيمنعوا الموبايل كثير اثناء الشغل

نهلة: طب يلا انزل عشان متتاديش بسببى ،انا بقيت احسن

وببقى احسن اكثر بسؤالك عنى

طه: ربنا يبعد عنك كل شر يانهلة

نهلة سمعته وساكته

طه: الو ...

نهلة: ايوة ياطه

طه: اصل سكتى افكرت المكالمة قطعت

نهلة: لا موجودة وسمعتك ، ويقول لنفسي انت غيرتلى فكرتى
عن الرجالة

ان فيهم ناس حنينين زيك كده
ربنا يديم حنيتك عالغلابه الى زيينا

طه ضحك بصوت عالى وبعدها استأذنوا يقفلوا وليهم مكالمة تانى
لما يرجع
يتظمن عليها

قفل وخارج لقى بالصدفه اسماء

طه: انتى ايه الى موقفك كده؟

اسماء: (مرتبكه) كنت معديه عادى ، هجيب حاجه امك عاوزاها
من المطبخ

مشيت وهى بتسال نفسها مين دى الى بيكلمها طه وبابن عليها
طاير من الفرحة

وهو بيحكى وياها؟

هو مش بعد موضوعه القديم...قرر يقفل حوار الستات ده
نهائى؟!!

#بقلمى_نوراسماعيل



صوت ضحكتهم كان على اوى كل الموجين ،اخذت لينزى
وباباها ومامتها

وبابا وماما مارسيلينو واخواته وزوجاتهم

الا مارسيلينو ولينزى الى مش بيضحكوا وباصين لبعض بغيظ
وقرف ميكس 🤪

بابا لينزى : (بيضحك اوى) ياااه من زمان مضحكش الضحك
ده ياشنوده

بابا مارسيلينو : احنا بجد قعدتكم مش بيتشبع منها ياسليمان
ياخويا

ماما لينزى: ايوة فعلا وعاوزين نقرب اكثر من كده ،خلاص
الاولاد جابو كل حاجه

عاوزين نحدد ميعاد الاكليل فالكنيسة ونزفهم لبعض

مارسيلينو: احيه (نظم)

ماما مارسيلينو: فيه ايه يا ولد !

مارسيلينو: مفيش جت نموسة ع خدى ضربتها بس ،(بيبيص
لحماته) عاوزة ايه ياطنط (بضحكة صفرا)

لينزى: ماما انا رائى ناجل شوية الاكليل والزفاف انا لسه مش
مستعده

اخوات مارسيلينو بصو لبعض اتضايقوا وبصوا لآخوهم
مارسيلينو

آخو مارسيلينو : (ميل ع ودنه بصوت واطى) اكيد انت السبب
، هو ده الى قولناك حبيبها فيك

ياغبى

مارسيلينو: طب والمسيح الحى ولا ليك عليا حلفان انا ببلع
قرصين بانادول اكسترا مسكن للآلم
عشان اعرف اتعامل مع البنى ادمه دى

آخوه : مالها انا مش عارف ،يعنى انت الى عدل اوى

مارسيلينو: طب اسكت عشان مقومش اقلب التربيذة دى ع
نافوخها واصور قتيل
قال تقدموا معاد الفرخ

بابا مارسيلينو: انا كمان رايبى اننا نعجل بالفرخ ،مفيش داعى
للتاجيل

ولو فيه حجات مضيقاى يا لينزى قولى

لينزى:مارسلينو كله مضايقتى يا طنط

بابا مارسيلينو : انا عمك يا بنتى ،طب قولى مضايقتك ف ايه

لينزى : مارسيلينو بيص للبنات واحنا برة ،وبيضايقى بالكلام
وبيتعامل وحش

ولما اكلمه يقولى هاه ...قال يعنى هيضربنى
بصراحه انا مش مبسوطه

كلهم بصوا لمارسيلينو ،ومارسيلينو بصلهم بخضه ورجع بص
للينزى

مارسيلينو : انا برضو الى ببقا عاوز اضربك ، ده انتى مخوفانى
منك من يوم الخطوبة

ما مت مارسيليو: اوعدك يا حبيبتى مش هي عمل كده تانى ،فيه حد
يبقى معاه القمر ده
وميقدر وش

(قرصت ابنها فرجله) د يبقى غبي

مارسيلينو : ااااه ! ياماما هو انا عيل فابتدائى ايه الى بتعمليه ده
اخو مارسيلينو : اوعدك يالينزى ان مارسيلينو هيتظبط من هنا
ورايح

مارسيلينو : يا جماعة انتو صدقتوها !!

بابا لينزى : انا عارف ان اى شاب فسك كثير بيص ويحب
يعاكس

لكن لما بيتجوز بيتظبط
وانا عارف انك هتبقى امين ع بنتى يا سينو

بابا مارسيلينو : هاه ياسليمان ، امتى الفرخ ؟
بابا لينزى : مممم لو عالحاجه كلها جهزت ، نقول اسبوعين كده
من انهاردة

بابا مارسيلينو : كويس ، الف الف مبروك

قاموا حضنوا بض ، والباقيين هنو بعض
وفضلوا هما الاتنين باصين لبعض بقرف وكان ده معاد حرب
بينهم
مش جوازه !

♡♡♡♡♡♡♡♡♡♡♡♡♡♡♡♡♡♡

#بقلمى_نوراسماعيل



مرة واحدة ...

بعد القرب الشديد الى حصل بين نهلة وطه ، مبقتش ترد ع
تليفوناتاه

ومبقتش تتصل

ولما بقى بيتصل بيها كتير عشان حتى يلاقى رد ، قفلت موبايلها
نهائى !!

طه استغرب فالبدائية ، وبعدها القلق اكل حته من دماغه
اذا مكانش الخوف وعدم الطمأنينه اكل الباقي من قلبه

صاحى

نايم

بياكل

ماشى فالشارع

بيشتغل

فباله نهلة ... هى فين وحصل ايه ؟

مبقتش تيجى حتى الهايبر ، مش عارف يوصل ليها نهائى ولا لاى
خيطة حتى يعرفه مكانها ..

طه اكبر من انه ينعزل ويتعب او يدخل لمرحله اكتئاب بسبب
غيابها ، هو بس بقا مشغول

اوى وعاوز يتظمن

وغياب نهلة عنه اترجم فوراً للحاجه الى خايف يصدقها

هو حبها ! وميغرفش الكثير عنها

كان شاكك يكون تعود ع تعلق مش اكثر ،لكن الواضح وضح غير
كده

من وسط انشغاله افكر ان نهلة فمرة من المرات ودته لمكان
بعيد متطرف بتقعد منها للنيل سرحانه
بالساعات

طه لما افكره ،بقا يروحه كل يوم
لدرجه ان فمرة اخذ اجازة وقعد من اول النهار لآخره ،ع امل انها
تيجى ...بس مجاتش،!

حال طه ان كان مش الكل شايفه ،ف اسماء اخته ملاحظاه
وعاوزه تعرف من يوم م سمعت مكالمته مع نهلة

وبعد العشا لما رجع من شغله هو واخواته ،دخل اوضته
اسماء عملت الشاى ودخلت له بيه

اسماء: احلى شاى للغالى

طه (ابتسم) ربنا يخليكى يااسماء يارب

اسماء: مالك يا حبيب اختك

طه (لسه ع ابتسامته) مالى ؟

اسماء: سرحان ...ع طول

ومش بس ده الى ملاحظاه ،فمرة كده كنت سمعتك بالصدفه

بتتكلم مع واحدة بنت ...ايه الحكاية (ابتسمت)

طه: فمرة معدية ولا وقفتي تلمعى اوكر ،قولى (بيضحك)
اسماء: طب ورحمة ابوك كنت معدية عادى بس كلامك لفتنى
فرجعت اسمع
ايه ياطه؟
هو انت بتحب ولا...

طه عاوزة ايه من الاخرى اسماء
اسماء: عاوزة راحتك ،انت اغلى اخواتى وكل امورك تهمنى
عاوزه اعرف مالك
لو فعلا هتبدأ علاقه مع حد ، عاوزة افكر انى مينفعش يابن امى
وابويا
وانت ادري الناس ليه

طه (الابتسامه راحت) مش عشان قولتلك سرى فكل شوية
هنتكلمى فيه
اسماء: والله م اقصد ،انا بس خايفه عليك

قام طه وهى بتتكلم وبص من ازاز بلكونته
اسماء: اول مرة مكناش عارفين ،بس دلوقتى عرفنا
حرام نظلم بنات الناس معنا

طه (ابتدا يتعصب) شيفانى رايح اخطبها واتجوزها ! فيه ايه ي
اسماء

محدث فالدنيا عرف بحقيقة طلاقى الا انتى

مش كل شوية تفكرينى وتنغصى عليا

ده بيجرحنى لو متعرفيش

اسماء لاحظت توتره من كلامها وعصبيته ،حبت تهدي الموقف

اسماء يعلم ربنا انى مش قصدى وان غرضى مصلحتك

طه: اتظمنى يا اسماء لا انا بحب ولاهى بتحبنى

هى بنت ناس اوى

ووخدانى اخ ليها وصديق مش اكثر

بتتعامل بحدود الاحترام والادب

اسماء: طب وانت ؟

طه: لو جوايا حاجه مش هقول ولاعمرى هقولها (بص من

الازاز بحزن)

اسماء: عشان الموضوع ولا ...

طه: عشان الموضوع وعشان حتى لو كل حاجه تمام ف انى

ارتبط بيها دى حاجه مش ساهله

وهى نفسها لابتحبنى ولا نيلاه

هی عاوزانی فحیایاتھا صدیق و متعداش حدودی
ارتاحتی کده

اسماء: ولحد امتی یاطه؟ القرب یابن امی مبیحیبش الا حب
والحب وجع قلب
وقرف

ولو کمان کان من طرف واحد (عیونها دمعت) تبقی عمال بتدی
بتدی والی قدامک
شغال یاخذ وبس
حرام علیک قلبک یاطه

اسال نفسک لامتی هتفضلوا بالنسبة لبعض مجرد اصحاب وکل
یوم بتزیدوا قرب عن الی قبله

طه: ومین قالک اننا بنقرب، بقالی کتیر لاعرف حاجه عنها
ولابشوفها واختفت کانی کنت بحلم

اسماء(قامت طبطبت ع کتفه) یبقی هی کمان خایفه تقرب!
طه اسمع کلامی


طلع نفسک من الدوامه دی... انا خایفه علیک

طه: هو مش زرار یا اسماء (اتدور وبص لها) مش هدوس
زرار لقلبی اخلیه

ينسى وميفكرش وميتوجعش
وانتى ادرى الناس ...مش كده؟

سكتوا الاتنين ،حقيقة واحدة بتجمعهم
و مصير قلوبهم بايد ناس تانيين ،،وياريتها كانت فعلا زراير !!

#بقلمى_نوراسماعيل



بعد محاضرة من محاضرات يامن ...
فضل موجود فالمدرج يراجع فالمحاضرات لغاية المحاضرة الى
وراها م تبدء
وكان فيه كام بنوتة من زميلاته قاعدين وبيتكلموا مع حور
واتنين من زمايله الشباب بيتلموا برضو بس قاعدين بعيد ...
يامن كان مركزمحاضراته والمراجعته بتاعته ومش مخلي دماغه
مع حاجه،
بس اما قرر يريح دماغه دقائق عشان يقدر يستوعب اكثر
سمع حوار داير بين حور وبقية زميلاتها
من غير قصد منهم ،او منه انه يسمع ليهم !

زميلة: بصى انا نفسي البس زيك كده يا حور ،بس باجى
فالمناسبات

ببقى عاوزة اطقم

او البس حاجه سواريه

فاهمانى

طريقة لبسك دى هتكبتنى

حور: ع فكرة ولا كبت ولا حاجه ، اساسا فيه سواريهات كتيرة

مش ضيقه ولا شفافه

واسعه وشكلها شيك تقدرى تحضرى بيها مناسباتك

زميلة ٢: طب والميكاب ! انا معرفش اقعد من غير ميكاب نهائى

معرفش ازاي انت بتيجى عادى كده يا حور

زميله ١: حور مش محتاجه يابنتى ميكاب

حور: ثوانى بس ، حتى لو محتاجه ميكاب

مفيش حد وشه وحش عشان يحطله ميكاب

او مال الرجاله عايشين ازاي

ربنا خلقتة شريفه مش محتاجه تعديل

زميله ٢: يابنتى بنخفى العيوب م انتى فاهمه
حور: استخدمى حجات تحسن بشرتك مع نفسك فالبيت واهتمى
بصحتك

لكن ميكاب بياذيكى زائد انه حرام

زميله: ع كده التزامك ده فكل حاجه ياشيخه حور ؟

حور: قصدك ايه مش فاهمه

زميله ٢: قصدى يعنى التزامك شامل

لبسك واداة فروض ربنا ولا كمان لما ترتبطين!

حور: وهيحصل ايه لما ارتبط ؟ عادى كل الامور تمشى زى
ماهى

هو معنى الارتباط انى انحرف

ارتبط بشخص عادى نحافظ ع بعض ونحترم بعض فين المشكله؟

زميله ١: هى بتقصد فالتعامل يعنى تتعاملوا ازاي بما انك ملتزمه

حور : اولاً انا مش هوافق ع ارتباطى بحد غير ملتزم ده اول
شروطى

عشان نفهم بعض

ونتفق ع كل حاجه سوا ،بمعنى اصح تبقى دماغنا واحده

مش ابقى انا بتكلم فحته ، وهو فحته تانيه ومن هنا بييجى
الانفصال

زميله ٢ : مممم يعنى عاوزاه مستشيخ!

حور: ومالك بتقولها بتريقه

زميله: عشان كده الدنيا هتبقى صعبه اوى

حور: بالعكس بيتهيا لك ، كده هتبقى مرتاحين سوا بنعامل بعض
بمايرضى ربنا

مفيش كذب ولاحوارات

بيخاف ربنا يبقى هيتقى ربنا فيا

يبقى عمره م هيزعنى ، هيسمع كلام رسولنا الكريم فيا ويطيعه
بالعكس

المستشيخ الى بتتكلّمى عنه بتريقه ده

هو اكثر واحد يعرف يتعامل مع الست ويحافظ عليها لانه عارف
قيمتها من كلام ربه
ورسوله عنها

زميله ٢ : طب قوليلى بقا يافالحه ، لو حبكها عليكى بلاش مكالمات

عشان حرام

بلاش خروج

بلاش فسح

بلاش كلام حب

هتعملى ايه ، اراهنك هتطفشى وتفسخى وقتى ! (بتضحكى)

حور: اهو الى تعمل كده تبقى غيبه ، عاوزة مظاهر وبس
كلام الحب مفيش اسهل منه والخروج والفسح ده كلام فاضى
يعنى شباب كتير بتعمل كده ومبتكلمش ...وارد جدا
لكن العاقله تعرف الى بيشتري رضا ربنا ده ، عمره م يبيعها
بالعربي له خير فربه هيبقاله خير فيها
اما بقا الى عاوزه تعيش. الدور دى موجود من الى عاوزاه كتير
لكن الى توقع فحد ملتزم الالتزام ده وقوى بدينه ، تشتريه بعمرها
ويبقى يابختها!
لما يبقوا حلال بعض
هتعرف وقتها يعنى ايه حب حلال بجد ونضيف

يامن سمعها وبص ناحيتها وهى بتتكلم ! سمع كل حرف
فمناقشتهم ولا ارادى منه

استمع للباقى

اتفاجئ بعقليه حور انها كده !

واستغرب نفسه اتشد ليه يسمع حوار بنات مالوش دخل فيه ومن
الاساس حاجه زى كده

مبتشدوش

حتى حور كان شكلها بتتكلم بعفوية مع زميلاتها مش قاصدة مثلا

يعنى دى معتقداتها فعلا !

وهو يفكر قطع تفكيره تليفون جاله من والده

يامن : السلام عليكم ورحمة الله وبركاته ،ازيك يا ابي

الاب: ازيك يا بنى ربنا يبارك فيك عامل ايه

يامن: بخير بفضل الله ونعمته

الاب: اوعى اكون عطلتك عن محاضرة

قام يامن من مكانه وخرج يتكلم ع راحته بره

يامن: لاياحببي انا مش فمحاضرة حاليا،فيه حاجه يا ابي عاوزنى

اجيبها وانا جاى

الاب: لاياحببي انا كنت بس عاوز اقولك ع حاجه تفرحك بس قبل

م تيجى

يامن : خيراً

الاب: بص يا بنى ،خطيبتك روفيدة كانت اتكلمت مع يمنى اختك

انها زعلانه عشان باباها رفض كتب الكتاب

ويمنى قالتلى انا ووالدتك رغم انك مقولتتش

بس فكرنا نقربكم ازاي ،انتو بقالكم كتير قاريين فاتحه

فاتحت ابوها نجيب دبل ونلبسها

وهو وافق يااحببي

يامن ابتسم ورد ع باباه بفرحه

يامن: الحمد لله الذى بنعمته تتم الصالحات ، طيب ي ابي متشلش
هم

انا محوش مبلغ وهنجيب منه الدبل بمشيئة الله

الاب: يابنى لما تيجى نحكى فالتفاصيل دى انا قولت افركك
وبعدين

انت البكرى بتاعى ولازم اتغرمك ي اول فرحتى
اسيبك ولما تيجى نكمل كلامنا

قفل والد يامن معاه ، ويامن سرح ان من اخر مرة روفيدة زى م
بنقول كده
مقموصه

حب يصلحها رغم انها هى الى ضايقته بصوتها ونرفزتها
لكن هو بيتحلى بمكارم الاخلاق دايم
ومش عاوزها تطول فالزعل ...

بعث لها مسج كتب فيها

" بمشيئة الله هقابل والدك عشان نحدد ميعاد لبس الدبل ، بنقرب
اهو عشان مش كل حاجه تتقمصى وتزعلى

وحتى لو مزعلانى مقدرش ع انك تاخدى جمب منى ياروفيدة
،ربنا يحفظك ليا يارب"

#بقلمى_نوراسماعيل



" والنساء فليخضعن لرجالهن كما للرب لان الرجل هو رأس
المرأة ..ايها الرجال احبو نساءكم

كما احب المسيح ايضا الكنيسة ،لكى يحضرها لنفسه كنيسة
مجيدة لادنس فيها ولاغضن او اى شئ من مثل ذلك بل تكون
مقدسه وبلاعيب هذا السر عظيم ...فليحب كل رجل امرأته هكذا
كنفسه وانا المرأة فلتهب رجلها "

طقوس زواج مارسيلينو ولينزى شغاله ع لحن تى شورى
الخاص بالسيدة العذراء وهو بيرتل
مخصوص فالمناسبة دى عشان تفتكر العروسة انها تمشى نفس
طريق الطاهرة مريم .

بعد صلاة الشكر الى صلاها القس ،رددوا الجميع
يارب ارحم ..

القس: ايها المسيح كلمة الاب ...اعطنا هذا المملوء من كل فرح

مارسيلينو ببص بقهر ل لينزى ،خلاص وقعت الفاس فالراس
ومفيش بعد كده خلاص

المسيحى لايجوز له انه يتجوز ع مراته

ولا يطلقها !

الا فحالات معينه ولازم توافق عليها المحكمة والكنيسة

مارسيلينو كان اهو عليه يصلوا عليه بدل صلاة اوشية السلام الى
بيصلها القس مع الشمامسه

والحاضرين

لينزى مبسوطه بتبص حوالها مبتسمه ابتسامه عريضة مش
مخلية منظرها حلو

اصلا بسبب اسنانها!

لكن الغريب ان اهلها مكانوش مبسوطين زى يوم الخطوبة ، ولا
صحاباتها والسبب مجهول !

القس: اطلع ع عبدك ثبت اتصالهما . احرس مضاجعهما
نقيا . استرهما مع بيتهما بيمينك غير المغلوبة نجهما من كل
حسد . احفظهما باتفاق واحد وسلام . هب لهما فرحا وسرورا

الشمامسة: لاتنسى عهدك

وبعد صلاة الخضوع ودهن العروسين بزيت مقدس ، يمسك القس
الاكائيل ويصلى عليها ويرشمها بالصليب ويرد الشمامسة امين

وبعدها اتحطت لأكاليل ع روس مارسيلينو ولينزي ،ويقرب القس
راسهم من بعض ومارسيلينو هيفرقع
وبيرشم عليهم الصليب وهو بيردد

القس: كللهم بالمجد والكرامه ايها الاب امين
باركهما ايها الابن الوحيد امين
قدسهما ايها الروح القدس امين

خلصت الصلوات والاكليل ،وبكده اصبحوا زوج وزوجه
بيتزفوا من الكنيسه سوا ،لينزي رافعه ايدها بالچيرب بتشاور
للناس

ومارسيلينو حاطط دراعه فدراعها مش طابق

خرجوا وركبوا عربيه زفافهم طلوعوا عالقاعه الى فيها الفرحة ...

واول م وصلوا بدا الفرحة ،الغريب ان لينزي اتخلت عن النضارة
انهارده بس عشان عروسه

لكن فضلت لابسه شابوه نظام فرنسي

ليها زي بيشه نازلة ع عنيا كده

او وشها كله بمعنى اصح فمش مبين حاجه منه

هيفة ورقص ال العروسين واصحابهم ،لكن هما قاعدين زى
الكراسي مش حاطين منطق !

حتى لما حد بينادى ع حد منهم او يشدوه ينزل يرقص مبيرضاش
بس اصحابهم مستنهمش كانوا بيرقصوا مع نفسهم ...

كل شوية مارسيلينو يبص ناحيتها ويرطم مع نفسه

مارسيلينو : ايه الوقعه السوده دى ، ايه التدبيسة النحس الى انا
دبست روى فيها

انا حاسس ان وقت م ارفع البيشه النحس دى هتفاجئ بالتنين
الاخضر فوشى !

يارب خدنى حالا

لكن لينزى كانت كل شوية تبص ناحيته وترجع تبص عالفرح
،وقت تقطيع التورته قاموا كانهم رايعين للاعدام

واقفين بيمثلوا حركات تقليدية عادى عشان الفرع يمشى

وبعدا صمموا الكل يرقصوا سلوا ، وقفوا يستعدوا للرقصة

لينزى: حاسب تدوس عالفرح ، اصل عارفك مفتح

مارسيلينو : مين بينده ! اطلعيلى بس من ورا الستارة الى انتى
مستخبية وراها دى

لينزى: معلى اصلك جاهل ،ده استايل يا حمار

مارسيلينو : شوفى هتقولى حمار هخدك مقلب حراميه اكفيكى ع
وشك متعرفيش وش من قفا

لينزى : طب جرب واعملها ونشوف مين فينا هيروح يقضى ليلته
فمستشفى

مارسيلينو: ع ايه الطيب احسن ،اخلى خلىنا نخلص من ام
الرقصة وزفت

لينزى: ع ايه رقص قال يعنى دايبين فبعض اوى !
مارسيلينو: اهو تخيلى فاكرين انا وانتى الحب الحب الشوق
الشوق يلامعش
والله ورخصت ياتفاح

بيرقص معاها زى الاهل وكل شوية يتلفت من البيشه

مارسيلينو: البيشه دى مزهقانى ،انا حاسس انى برقص مع
بلكانه بلكونه

لينزى: متشلهاش انت فاهم متعملش زى النضارة

مارسيلينو: لا طبعا مش هشيها عارف ان خلقتك مش ولا بد مش
عاوزين نطفى نور اليوم
خليه ماشى

لصت الرقصة وشوية وخلص الفرغ ، وخلص الكل مروح
وراوح المفروض انه يكون عشهم السعيد ...

واول م دخلوا ، دخلت اوضتها قلعت الشابوه ولبست النضارة

لينزى : اسمع من اولها انا هنام ف اوضة وانت فاوضة انا
مبطقش حد ينام جنبي

مارسيلينو : يكون احسن

لينزى : شغل اعلميلي اكل ، اكوي هدومي اعلمى شاي ...قهوة

انا مش قهوجية عندك

حضرى فطار غدا عشا

كنت اتحوزت سفرجى احسن

صحينى عشان شغلى ، اظبطى المنبه حضرى الحمام

تجيبك فلبنيه اكرمك

مارسيلينو : لا بجد! اومال انتى فحياتى وملبسينى فيكى ليه

لينزى : مقالوش ليا انى هكونك خدامه يا حبيب ماما

مارسيلينو : اه يعنى انا هخدم روحى وكمان اتصبح واتمسى

بالخلقه دى

لينزى : وان كان عاجبك ، واياك

حسك عينك

تبص بص او تعمل غراميات

لحسن ماضيك كله انا رسيت عليه

هشتيك فالكنيسة وندخل فقضايا ومحاكم وتعويضات

واعتقد انت فغنى عن ده كله (بتقولها بتريقه)

مارسيلينو : (خايف) لا وع ايه ، اساسا انتى سديتى نفسي عن

اي مؤنث فالدنيا

لينزى: ودلوقتى ادخل نام (بتثيل ديل فستانهاوماشيه) قلبت

دماغى

مارسيلينو: طب افرض مش عاوز انام انا

لينزى (بعصبية) بقولك نام !

مارسيلينو: انا نمت اهو ، انا اساسا بقالى ربع ساعة فالسرير

عمل نفسه نايم وهو واقف ، وشخر كمان !

#بقلمى_نوراسماعيل

♡♡♡

" متغير معايا بقالك فترة ومش حساك !!"

حسين: فيه ايه يارضوى هو اى نكد
رضوى : نكد ! يا حسين لابقيت تكلمنى ولا بقت تهتم زى م كنت
ولمتك ع شلتك الفاسدة دى خنقانى
مبقتش تيجى الجامعه وكمان بتسهر برة ل الفجر

حسين: رضوى اطلعى من دماغى ، قولتيلى عاوزة اشوفك
خرجت اهو معاكى وغرمتينى تاكس وقاعدة ومشاريب
مش ناقصة كلام حمضان كمان

رضوى: لو خايف عالفلوس ادفع انا يا حسين (بغيظ)
حسين: مش حكاية فلوس ، هو انا عمرى اتاخرت معاكى
بس منجيش ونكع وندفع
وكمان نتنكد (قرب عليها وحاوط بدراعه ضهرها وهما قاعدين)
م تخلينا نقعد شوية كويسين

رضوى (بتشيل ايده بالراحه من ورا ضهرها) يا حسين اسكت
وده وقته

حسين: ما هو ده وقته يعنى هو انا بعرف اتلم عليكى وحدينا ابدأ ()
قرب ع خدها باسها)

رضوى: يا حسين احنا فالكافيه بس

حسين: اومال انا جاى ودافع ليه مش عشان نتظبط ونعطف
ونلطف (قرب منها وباسها تانى)

رضوى : يا حسين اسكت عاوزة نتكلم سوا
حسين(قرب ع سفايفها) ده احسن من الكلام يا عبيطه

جه الويتر مرة واحدة ،حسين اتعدل فقاعدته ورضوى اتاخذت
واتكسفت

الويتر: تؤنروا بحاجه تانى

حسين : لاشكرا لسه مخلصناش العصير

مشى الويتر وحسين بيبرطم

حسين: كوباية مانجا ب 14ولسه مخلصناش واساسا انا جاى
عشان مكان وحيد مفيهوش كاميرات
هنتظلى كل شوية

رضوى: حسين اسكت بقا عشان قلبي وقع لما جه الجرسون
،ممكن نتكلم شوية بجد
انت ليه متغير معايا

حسين (مسك ايدها باسها) يا حبيبتي فين متغير م احنا حلوين اهو

رضوى: لا مش حلوين ولو سمحت بطل وحدد موقفك معايا
عاوزاك ترجع زي م كنت

تقريبا انت الحاجه الوحيدة الحلوة فحياتي

حسين: (ساب ايدها بضيق منها) وياستي انا متغيرتش زي مانا
معاكي

رضوى: لا مش م انت

حسين: طب عاوزة ايه

رضوى : تكلمني زي م كنت ، وتطمني عليك وتبطل تاخير وسهر
برة

ماشى

وتسيبك من الشله الفاسدة دي

وتبطل سجاير

حسين: كل ده ! طب وحدة وحدة ماشى (ابتدا يبوسها) حاضر
ياستي

هعمل كل الي يرضيكي

خلينا بقا نعمل بال 30 جنيه الي هندفعهم هنا دول

(ببوس خدها وبيقرب ع شفايفها) هو انا ليا غير رضوى

انت توامر يا قمر

واستمر حسين ع الى بيعمله ورضوى تحت تاثير كلامه المعسول
لافيه احترام للمكان ولا للناس ولا حتى لنفسهم
ولا خوف من ربنا !

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

جرادل بويا كتير عالارض ، فشقه محمد جهاد
ومكانش فيه عمال ولا صنايعيه يشتغلوا فالشقه نقاشه ، هو الى
كان النقاش !!

ووسط الهيصة الى بيسمعها فالهيد فون بتاعه ، مسمعش خبطه
الباب

ان الاء جاتله وواقفه وبتبص عليه وهو شغال وفملكوت تانى ..

الاء: انت يا عم النقاش !! (خبطت ع كتفه) يا عم الحج

محمد شال الهيد فون وسلم عليها وحضنها وهو مبتسم

محمد جهاد: حبيبيايه الى جايباه معاكى ده

الاء: انا قوت طالما هتشتغل فالشقه لوحدك لحد م نجيب فلوس
وطنط اشجان وطنط عزة
وهند مش موجودين
فمش هيعملوا اكل ليك وانت وحيد ياقلبي وشريد
عملت ليك اكل اهو

محمد جهاد : يالا هوى عالجب والحنيه ياناس (باس ايديها) طب
يلا اقعدى

الاء: لالا انا سبقتك ، هكمل بس الى بتعمله ده ع بال م تتغدا
انا اخدت اذن بابا وماما
اقعد معاك كتير عشان اساعدك وهما هيتاخروا
زى م قولتلى

محمد جهاد (بياكل وباصصلها بابتسامه)

الاء: فيه ايه يا واد

محمد : لامفيش ياقلب الواد بس بحبك مش اكر ، عارفه ده

الاء: اسكت ياعم انا هدخل اغير عشان هدومى متتبهدهش
من البويا

دخلت الحمام *

محمد جهاد: وكمان عاملة حسابك فهدوم ي اروبنا انتى

غيرت الاء وبدات تعمل الحيطان وتكمل الى بدأه محمد وهى
بتبصله وهو يضحك ،

وهو خلص اكل وحصلها

بيساعدوا بعض ويغلس عليها ويضحكوا ، وبعد كام ساعة تعبت
الاء فقعدت

وكان معاها شيكولاته فقالت تاكلها

محمد جهاد : ربنا م يحرمنى منك ياقلبي

الاء: ولامنك يانور عيون قلبك ،ايه رايك فتاتشاتي !

محمد جهاد: حلوة ياروح محمد مفيش كلام ،ع فكرة اول مرة
اشوفك بلبس بيتى

مخليكى قمر (ميل عليها باسها)

الاء: بس يا واد هتضرب ، هما قالوا جايبين امتى

محمد : مين دول

الاء: طنط وهند

محمد : مش عارف جايز يبيتوا وجايز ييجو ،ليه فيه حاجه

الاء: لا عشان ميعلقوش بس ع قعدتى دى
انا هقوم ماشى

قامت فقام معاها محمد وهو ماسك ايدها

محمد : رايح فين ياغالى هو انا لحقت اقعد معاك (لف ايده ع
وسطها)

الاء: (بتشيل ايده) لا ماهو انا كده اتاخرت وبعدين انت بكاش
احنا قعدنا وكلنا واشتغلنا نقاشين ،يدوب هغير هدومي الى
اتوسخت دى وبعدها
انزل

محمد : طيب م اساعدك ياقمر (بيغمزلها)
الاء(بتزقه وبتقفل الباب) لايخويا مش محتاجه مساعده

دخلت غيرت وبتسلم عليه وماشية

الاء: هتوحشنى بقا وحجات

محمد جهاد: طب اصبرى انا نازل اوصلك

الاء: لا انت لسه هتلبس وتغير كده هتاخر ،هاخذ مواصله بسرعة
من تحت

لما اوصل هكلمك (باست صباعها وحطتها ع شفائفه عمل حركة
كانه هيعضها اتخضت وصحكت) يارخم

باى

نزلت الاء ومحمد باصص لها بحب اوى ، سهل تلاقى حد يحبك
صعب تلاقى الى يفهمك ويقدرك انت وظروفك فاي وقت
وكان من حسن حظ محمد ف الاء
انها بتحبه...وتفهمه...وتقدره !!

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

جبس ع رجليه اليمين وقاعد فالسرير صاحى ، بعد م بص عليه
الدكتور المعالج
خرجت المدام معاه لبرة
ماسك فونه وبيتصغح فيه ، او نقدر نقول تدقيقا ان ايها كان
جايب ع اكونت آية الشخصى
وبيبص ع بوستاتها
الى قلبت لشخص حزين اكثر من حزنه الى قبل كده المتدارى
واقف ع صفحتها الشخصية مش بيتحرك ، لحد م قطع تفكيره
صوت وصال

وصال : خلاص كلها اسبوع وتشيله ي ايها ،المسكن غير هولك
عشان انت قولت مبيجبش نتيجة معاك

ايهاب: تمام (باصص للفون)

وصال: بتعمل حاجه حاليا ؟

ايهاب: لا بس معرفش الزفت حازم كتبلى ع صفحت. الشخصية
الف سلامة وبتاع

وعمل دربكة كله داخل يسال فيه ايه

مكنتش عاوز حد يعرف

وصال(بعدم اهتمام) مممم جو السوشيال اصلا خنيق متركزش
فيه

ايهاب: مانا طول عمرى مش مركز اساسا

وصال: وايه الجديد

ايهاب ركز فكلمة وصال وباصص ليها بتركيز ورد

ايهاب: برضو مفيش جديد ،بس ساعات بفتحه من الملل اشوف
الناس والدنيا

اصلى ع طول طاير فالسما

عاوز انزل عالارض شوية

وصال : اوك (بتجهز قدام المراية) انا هنزل ي ايهاب اوك

وعشان ماقولش مكنتش جمبك

انا سبت الشغل يومين عشانك

لان فاوقات الزعل بتطلع بحجات غريبة كده فقولت اعمل حسابي
من قبلها

ايهاب ضحك نص ضحكة بسخرية وهز راسه ورجع بص للفون

وصال : هنزل ي ايهاب اوك ،يلا باى
لو عوزت اى حاجة ال...

ايهاب (قطع كلامها كانه حافظ) الخدامبن موجودين متقلقيش يا
وصال

وصال بصتله ان اوك كل حاجة ونزلتودقايق وسمع الباب
بيتقفل

وصوت انذار العربية بتاعتها .

ايهاب دخل يرد عالناس الى قلقت عليه من البوست ، وبعد كده
دخل شات ايه وفضل واقف عليه وساكت ...مش عارف يعمل ايه
بيقرا اخر كلام كان بينهم
ومحتار

بس مش هو بس الى محتار ، هي كمان كانت محتارة

هى مين

طبعاً آية

آية الى بتدخل ع صفحته كل يوم وكل ثانيه ، رغم البعاد

واول م شافت البوست اتجنت

عاوزه تعرف حصل ايه

شايفه ان من الطبيعى تبعت له مسج تسال فيها عنه

وترجع تفكر الاتفاق الى بينهم ومينفمش تواصلهم تانى

قلبها يرد ده واجب هما بينهم معرفه برضو ومسج مش هتعمل

حاجه

وعقلها يقول مسج هتجيب الى وراها والى وراها وهنفتح حوار

من تانى

وما بين لكتابة مسج وتمسح ف اخر لحظة

وتكتب وتمسح تانى

وتكتب وترجع تانى تمسح

ظهرت فجأة مسج من ايهاب كاتب فيها

ايهاب: هتفضلى تكتبي وتمسحى كثير!؟

آية اتخضت ورمت الفون من ايدها ، وحطت ايدها ع صدرها تاخذ

نفسها

هى اتفاجئت انه شايفها بتكتب وتمسح

يعنى فاتح الشات بتاعها
يعنى وسط تعبہ مفيش فداغہ غيرها !
يعنى هو حاسس بالى حاسه بيه
ولا كان فاتح عادى ولا ايه ؟

فدوامه تفكيرها بعت مسج تانيه لان شاف ان الاولى اتقرت
ومفيش رد

ايهاب: ايه ؟

آية : السلام عليكم ،ازيك ي ايهاب

ايهاب: الحمدلله ي آية اخبارك ايه

آية : بخير الحمدلله ،بس انت فيه ايه مالك

ايه البوست ده؟

ايهاب (ابتسم وكتب) انتى متابعه بقا ؟

آية : (اتورت وكتبت) لا ...بس

ايهاب: لا وبس ايه بس بطلى تخبي اما تعملى حاجه خليكى

مواجهه وقوليها عادى

مش هيحصل حاجه

آية : ابدأ كنت بتصفح عادى ولاقيت البوست بتاع صاحبك من

ضمن الاحداث وكده

اتخضت

ايهاب: اتخضيتى ليه؟

آية وشها احمر وده بتستغريه جدا انه بيحصل لما يكلمها ايهاب
زائد كمان ضربات قلبها الى بصوت عالى
الى مش بتبطل لما يكونوا بيتكلموا

آية: اتخضيت عشان ده العادى البوست يخض اساسا
ايهاب: لاياستى متخضيش انا بس وقعت من السلم اتكسرت
رجلى
آية (كتبت لا ارادى) يلاهوى !
طب انت كويس

ايهاب شاف المسج وابتسم اوى وكتب
ايهاب: تقدرى تقولى دلوقت بقيت كويس
آية : الف سلامة عليك
ايهاب: يسلمك ربنا ي آية

سكتوا ، فبدء هو بالكلام تانى
ايهاب: عاملة ايه وبنات اختك ... تمام

آية : كويسين الحمد لله

ايهاب: هو انا ينفع اطلب اطلب ؟

اية : افضل

ايهاب: هقولك ع حاجه ومش عاوزك تضايقي منها

اية (بخضه) قول

ايهاب: انتى وحشتينى. ي اية

اية قرت واتخطفت !

وبلمت

اول كلمة حلوة تتقال ليها فحياتها !

ومش عارفه تقول ايه الرد

ايهاب: الحمد لله انك شوفتيها وسكتتى ، لان بصراحه ده شعور

ومش هداريه

ولا هتكسف منه

حد كان فحياتى فترة واتقطعنا

ف اكيد افتقدته ...واكيد وحشنى

اوى !

اية برضو بتقرا وساكته

ايهاب: طيب برضو بتقري ومبتديشاحسن برضو

اية : ليه احسن برضو

ايهاب: عشان ساعات ردودك بتبقى دبش

اية ضحكت وبعثت له ايموجز بتضحك

ايهاب ابتسم وبعث لها

ايهاب: صدقيني لما اقولك من يوم م بظنا نتكلم دى اول مرة
ابتسم فبها من قلبي

اية : ليه يعنى ،محدث حواليك ببسطك؟

ايهاب: الى حواليا مش فاضيين يبسطونى ولايبسطوا نفسهم

هبة من برة بتنادى اية *

هبة : ياخالتيو ام عمر برة وعاوزاكي

آية (سمعت هبة وبترد ع ايهاب) طيب انا مصطرة اقل ،جاتلى
جارتى برة وبينادونى

ايهاب: اوك بس قبل م تقفلى

اية : نعم

ايهاب: اوعديني هنتكلم تانى ونتواصل تانى ، اية انتى فحياتى
صديقة عاليه

وفقدانها عزيز

وانا فحياتك معرفش ايه بس الى اعرفه ان اكيد الشعور متبادل

مشاركة تفاصيلي معاكى وتفاصيلك معايا وحشتنى
ممکن لو سمحتى متسبينيش عطشان اخبارك !
عاوز ارجع اتظمن ...ماشى

اية قرت الكلام وابتسمت بفرحه حلوة اوى نورت وشها وكتبت
كلمه وحدة

اية: ماشى

ايهاب: قولى وعد

اية : الوعد لو رجعت فيه ...

ايهاب: ماهو انتى مش هترجعى ،قولى وعد ي ايهاب

اية : وعد ي ايهاب

ايهاب: تمام هسيبك تشوفى عندك ايه وعندنا كلام كثير عاوزين
نقوله لبعض

فايتينا من اخبارنا

مش كده

سلام مؤقت

قفلت ايه وهى ضامه الفون ع صدرها وباصه لفوق بعيون
فرحانه

بسمه: ي اية !

آية : ايوة حاضر جايه اهو ...



#صكوك_الغفران


روايتى رقم 12

#بقلمى_نوراسماعيل

صكوك الغفران ♠



#بقلمى_نوراسماعيل



مارسيلينو ع مكتبه فالعلاقات العامة كان من الصبح موجود
،يمكن من اوائل الموظفين الى جت
حالته تصعب عالكافر ومش باين عليه انه عريس ابدأ ...

زميل ١ : ايه يا سينو الهونى مون كان حلو ؟

مارسيلينو (حاطط راسه ع ذراعه وانتبه رفع راسه) نعم!
بتكلمنى ؟

زميل : هو فيه عريس هنا غيرك

مارسيلينو : عريس! قول تعيس قول نحيس قول زفت قول هباب
قول لبست خازوق مش هخلص منه ابدأ طول حياتي

زميل: (بيضحك) ليه بس كده فيه ايه ياعم ، انا بصراحه لاحظت
انك حتى فالفرح مكنتش مبسوط

مارسيلينو: انا ايامي السعيدة انتهت خلاص (بيمثل العياط) انا
البؤس بدأ ايامه معايا خلاص
جه وقالى استعد ياسينو
وانا مستعدتش

قعد ينبهنى ...يا ولا استعد

قولتله لا لا ابعد عنى

راح لطشنى زغروف كفانى ع ودانى لاقيتها فوشى ، خبط لزق
كده

زى م تكون ضربت برص من عالحيط بشبشب وراح نازل لازق
ع خلقتك

لا انت عارف تتخض ولا تقرف ولا تتف

حالة بؤس بعيد عنك

زميلة داخله ع كلامهم

زميله: سينو يلا ورينى صور الهونى مون هموت واشوف
عروستك ، معرفتش اجى الفرحة

مارسيلينو: بقولك ايه اطلعى من نافوخى بلا صور الهونى مون
بلا صور العزاء الاسود

انا وهى متصورناش لانه ببساطه كان شهر عسل مدهون زيت
حار

ومش عايز افكر

زميلة: انت مش عايز تتحسد ولا ايه ،م تورينا وتخلصنا

مارسيلينو: ياستى كويس انك مشوفتيهاش هى منتشافش اصلا
طبعة واحدة نزلت فالسوق وانا الى لبست فيها

وهما بيتكلموا دخلت دولاجى عليه المكتب ووقفت وبصتله جامد
مارسيلينو قام وقف واستغرب وجودها

مارسيلينو: دولابى!! دولابى حبيبتى قلبى حياتى

شوفتى مصيبتى

(جاى عليها جرى وهى واقفه بتبصله بصة وحشة من فوق
لتحت)

دولاجى: انا حضرت فرحك ع فكرة عشان اوريك انك مش
فدماغى اصلا دلوقتى

مارسيلينو: ماناشوفتك ف سى دى الفرحة الزفت يا حبيبتي
،دولاجى بصى تعالى

دولاجى: لا اجى ولا مجيش انا خلاص ارتببت بانسان كويس جدا
ومقدرنى وقريت هنعمل جنبوت كبير وهعزمك عليه
خد (بوكس كبير) دى كل هداياك مش عاوزة حاجه تفكرنى بيك
تانى

انا جاية امحى صفحتك
واشرب لينزى بقا يابتاع لينزى (ضحكت بسخرية وخرجت)

مارسيلينو) بيتكلم بطريقة استعطاف (ضحك) جاية تشمتى فيا يا
دولاب معفن
ياللى مخلنيش ارتبط بيكى الا جيبتك القصيرة يا عرة
معلش ...

زميلة: دى واحدة غير ريتا!؟

مارسيلينو: ريتا... هيهيهيهيهي

ريتا وماريان ورانيا ومريم وليندا ونرمين ، كل دول ولبست
لينزى

لبست شوز بوز عريض مقاس 59

زميلة. فيه ايه يا سينو ، هو انت مش مبسوط فجوازك؟

وامشى !"

آية بتبص لكلام ايهاب الى قاله ليها اخر مرة بعد م رجع الوصال
بينهم من تانى

آية حاسه ان مبقاش فيها عقل يفكر
فيه حاجه تانيه سيقاها

يجوز قلبها !..

آية مش ابنتت ،نقدر نقول اتعلقت بيه جدا جدا وحاسه ان لو تانى
طلبت الفراق مش هتقدر

رجلها راичه ع سكة مخوفاها

احساس ايهاب وكلامه مخاينها ماشية ومش حاسه لنفسها
سامعه صوت عقلها بعيد

وصوت قلبها هو المتحكم الاعلى فيها ،وهى عمرها م كانت كده

بتفكر فعرضه انه طالب يشوفها ،اصل اخر مة اتكلموا فيها قالها
انه عاوز يشوفها

بجد زى م شافت هى صورته وهو ميعرفهاش لسه !

عاوز يعرف حقيقة الى بتكلمه دى ايه

آية فالبداية رفضت ،لكن ايهاب مزودش عليها بطلبه

عادة ايهاب فالتعامل

زى الملوك

بيعتز بنفسه وشخصيته اوى حتى لو روحه فالحاجه دى

معدوش فكرة الالحاح

لكن لما اتفتح الموضوع تانى بينهم ،ادالها مبرراته

مبرراته الى خلتها من غير م تفكر

تركز ازاي هتعرف تشوفه وتعمل الخطوة دى ...

" هنا فالمحلة! لا مينفعش "

" طب قوليلى فين وانا هتلاقينى هناك "

" بص ... انا معرفش انت ليه مخلينى لاغيه عقلى وبفكر اشوفك

ازاي "

" م احنا هنشوف بعض ي اية مش محتاجه تفكير ده حقى عليكى

"

" حقك عليا! "

" حق صداقتنا ومعرفتنا الطويلة تخلينى عاوز اعرف شكل الى

بتكلمنى دى علاقل دلوقت "

" سيبنى طيب افكر فيها "

" مستنيكى .. "

بسمه: خالتي ! خالتي سرحانه ف ايه

انا خلصت مذاكرة

مش هتيجي نشوف الفيلم الجديد الى اعلنوا عنه ع قناة ال art

آية: هاه ! خلصتي انتي واختك مذاكرتكم!

بسمه: اه ،وبعتها تحيب لب من تحت كمان عشان تحلى السهرة

اية: ماشى انا جاية معاكم

* وسط مشاهدتهم للفيلم واية مش مع الفيلم اصلا بتفكر*

آية: بقولكم ،مش كنتي عاوزين تحضروا فرح بنت عمك

وماسكين فيكم تباتو هناك؟

بسمه (بفرحه) ايه وافقتي خلاص؟

آية: اه بشرط : هو يوم الحنة تباتوه وتحضروا الفرحة وتيجوا

قامو من الفرحة باسوها وحضنوها

هبة: هتيجي معانا

اية: لا مبحبش اهل ابوكم انا ،روحوا وانبسطوا انتو

بسمه: ايه الى غير رايك ي جميل

اية: مفيش قولى تغيروا جو ، غلظت ياست بسمة
واساسا اليوم ده (بدات ترتبك فالكلام وباصه لشاشه التلفزيون
مش فعيونهم عشان متغلطش) انا هقابل بنات كانوا زمايلى
فالقاهرة فالجامعة
وهنقضى اليوم سوا
فهغيب عن البيت

بسمة: يا يوى يا مودرن انت،ايوة كده اخرجى وانبسطى
مبتعمليش حاجه غير شغلك واحنا
هتخرجى ب ايه ؟

اية انتبهت ان لازم تجهز نفسها غير اى مرة بتخرج فيها للشغل
او زيارة لحد

اية: هو لازم لبس محدد يعنى؟ دى خروجه عاديه

بسمة: ياخالتيو ... لا طبعا دول اصحابك وبقالك كتير مشوفتوش
بعض

لازم تتظبطى كده

بصى استنى تعالى نعمل بروفا ع لبسك من دلوقت

قامو واية بتضحك عليهم ولاول مرة مستسلمة لقرارتهم كان اول
مرة تحس انها مهمة و هتعمل حاجه
تحتاج اهتمام

بسمه: ممم بصى ي خالتى ،مبدئيا الالوان دى محبطة
بنى وطوبى ورمادى واسود
لا

هبة جريت طلعت من دولاب جدتهم طقم حلو اوى بس موضته
قدمت لكن لونه حلو
او بينك هادى

هبة: البسى بتاع ماما ده

ااية: ده لبس امكم الله يرحمها ،وبعدين لونه فاتح اوى
امكم كانت عايقه (ضحكت)

بسمه: طب والله عز الطلب قيسىه كده بس وشوفى

اياه: لا نشوف حاجه تانيه

بسمه: قيسى بس مش هتخسرى حاجه

* وجه اليوم الموعود *

آية لبست طقم اختها وجه مقاسها بالمل ، محتشم ومخلى شكلها
كيوت

ورقيق

طقت له طرحه لونه

وبسمة القردة استلفت ميكاب من واحدة جارتهم

وادته ل آية الى مكديتش خبر ولاول مرة من فرح اختها ام البنات
تحط ميكاب هادي يدوب لمسات بسيطه

نزلت وقلبها بيدق وبتفتكر كلامه

" متعرفنيش اى حاجه عنك ، لا لابسة لون ايه ولا حاجه

ولا حتى تبعنى صورتك او تعملى نفسك بعلامه

سيبنى اعرفك وحدى "

" انا هعرفك لوحدى من الصور ، بس بقولك هتشوفنى من بعيد

ونمشى

زى م اتفقنا ماشى؟

" المهم اشوفك بس، اوعى تتاخرى عن مكاننا الى اتفقنا عليه "

فالعريية الى هتوصلها للقاهرة ،بعنت مسج انها اتحركت

جواها مليون سؤال هى ازاي عملت كده؟

هى بتطوع ايه بيحركها او كده ناحيته

لكن برضو ماشية ومكمله بلهفه هى نفسها مستغرباها، معقول
ايهاب عيشها احساس
طول عمرها تقرا عنه فالافلام
وتقرا فالروايات
معقول هى انهاردة لما بصت فالمرآة قبل م تنزل ، شافت نفسها
زى القمر بسببه؟!!

وصلت المكان ، وقعت
كافيه معروف فوسط البلد
طلبت عصير ترتاح من الطريق وتريح ضربات قلبها الى مش
عارفه تسكت
شغاله تتلفت حواليتها
هنا وهنا

واوقات تبطل عشان شكلها مييقاش ظاهر، لحد م دخل ايهاب!!!
آية لمحته ووشها بقى 100 لون مرة واحدة
بطنها كركبت
ورجليها سابو
لمجرد بس انه دخل ، قعد ع تربيضة وطلب قهوة

هى بصت ناحيته ومرجعتش تبص تانى وبتكلم نفسها

آية: يخربيت جمالك ! انت تركى ولا ايه
الصور ظالمك حرام
ايه ده ، انا لو جه وعرفنى هقع من طولى وقتى

ايهاب بيص حواليه ، كده وكده
كان فيه بنت غيرها قاعدة وحدها
وكابلات بنات وشباب
وشلة بنات

بيص عالكل ، وركز مع البنيتين
وبعدين ركز مع اية

قام من مكانه ، هى ارتبكت اوى
وبصت بعيد وحطت ايدها ع قلبها قال يعنى بتسكته وبتكلم روحها
اية: ايه الى انا بعمله ده؟

ايهاب وقف قدام تربيزتها

ايهاب: (مبتسم) آية !!!

آية انتبهت وبتدور ناحيته ،رجلها مش عارفه تشيلها
بتحاول توقف

ربنا ستر وعرفت توقف

ملاحها بقت اكثر براءة من الكسوف

ايهاب (مادد ايده) انتى اجمل مما توقعت !

آية بصاله وبتبص حواليتها وبعدين حست انها مش عارفه تجمع
خالص

ايهاب: هقعد معاكى ماشى ؟

اية: يلاهوى حاسة انك رجعتى ل 15سنة ورا!

ايه الى بنعمله ده

قعد وهو مبتسم وهو شايفها بتدارى وشها ومكسوفه اوى

ايهاب: ارفعى وشك انا مش جاى نقرا فاتحه ،جاى اتعرف عليكى

صديقتى الى محيرانى بقالها فترة

نتكلم

منتكلمش

ابعد

لا تعالى

آية ابتسمت وضحكت غصب عنها

ايهاب: طبعا عرفتي من الصور

آية : اه.... من اول م دخلت لمحتك

ايهاب ساكت وبيبص لوشها اوى فاتكسفت وميلت تانى للارض

ايهاب: لاجو الكسوف ده بتاع عيال ثاتوى

احنا ناس كبيرة واصحاب

وناضجين

اية: هو احنا مش اتفقنا نشوف بعض بس منقعدش ولانتكلم

ايهاب: طب راضية اننا نقطع المسافه دى ، انا اجى من الزمالك

وانتى من بلدك المحلة

عشان نشاور لبعض بمناديل وبس

فيلم حب فالزرنانه ده ولا ايه؟ (بيضحك)

كلمة حب فالزئزانه هزت قلبها من مكانه وهى اساسا ماسكة
نفسها ومهدياها بالعافية

ايهاب. بتشربي حاجه ولا اطلبك ؟

اية: لا شربت ومضطرة امشى ي ايهاب عشان ...
ايهاب: مش بس شكك حلو، حتى ثوتك حنين
ومش بعكس ع فكرة
ده حقيقى

اية : عاملة ايه رجلك دلوقت ؟ رجعت شغلك ؟
ايهاب (فرحان) انا ماشى ع جلسات العلاج الطبيعى ليها
وانهاردة اول رحلة ليا هطلعها بعد الكسر

اية: ربنا معاك يارب (بتخبي عيونها عنه)

ايهاب: تسلمى ي اية

اية: ايهاب ..انا

انا همشى لسه هروح مكانى بعيد اوى

ايهاب: طب اوصك بعربيتي بدل المواصلات والبهدلة
وبعدين ملحقتش حتى اشبع من مقابلتى ليكى

اية: بص ... هو (مرتبكه) هو اكثر من كده معرفش هيجرا ايه
فلازم امشى

ايهاب: طيب عايز تليفونك !
اية بصاله اوى ومش عارفه ترد ب ايه

ايهاب: ايه؟. احنا اصحاب وانتي عرفتيني اظن كويس
التلفون...

اية: مش شايف ان كل دى حجات بتخلى شكل العلاقه ...

ايهاب: ماله شكل الغلاقة؟ بدمتك فيه اتنين صحاب ميعرفوش
ارقام بعض

من باب الاطمئنان ياشيخه
اوقات انت بيقطع عندك وميعرفش عنك حاجه

اية: يعنى هو انت طول الوقت فاضيلى ي ايهاب

ايهاب: مش حوار فاضى او لا
حوار انى بجد ببقى عاوز اتظمن عليكى جدا
اية ليه مش مصدقة انك شخص مهم فحياتى ولحياتى !!

طريقته بكلامه بصوته ونظراته ، خلتها ثابتة مكانها وعقلها واقف
لاعارفه تتحرك ولاتاخذ قرار ولاتتكلم

ايهاب: طيب انا مش هغصبك ، (بينده عالويتر) ورقه وقلم لو
سمحت

جاله الويتر بورقه وقلم

ايهاب (بيكتب الرقم) ده رقمى ، كلمينى وقت م تحسى ان علاقتها
واثقه
شكلها يبقى ازاي

اية بصت للورقه وهو مادد ايده بيها
اخذتها عشان ميبقاش قلة ذوق مادد ايده كده ، واستأذنت
ومشيت
بس وهى ماشية

ايهاب: دى المرة الاولى ، لكن مش الاخيرة ي اية

فحفظ الله

مشيت اية وهى فعالم تانى ،بتفتكر كل ثانيه عدت وهمسة وحركة
وطريقة

ل ايهاب

وتبص للورقه وخبثها فشنتطتها وهى مبتسمه

اما هو فهو سايق عربيته ومروح كان بيدندن ومبسوط
وميعرفش ايه السبب

وصل بيته

وطالع

ايهاب: حضرى الشنطه عندى رحلة بعد ٣ ساعات

الخدامة: حاضر يا كابتن ،بس حضرتك نسيت دبلتك فالحمام قبل
م تمشى وانا شيلتها

لحضرتك جوة فاللاوضة

هجبهاك

ايهاب وقف مكانه استغرب انه قلع الدبله وهو يياخد دوش لما
اترحلقت من صباحه ونسى يلبسها

ابتسم باستغراب وطلع يكمل الى كان هيعمله ..

#بقلمى_ نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

من غير اغانى ، ومن غير زينة ولا اى حاجه

يدوب زغردتين

وقت تلبس دبل روفيدة ويامن

وهى لبست فستان حلو وراحت الكوافير ، وبعد تلبس الشبكة

سابوهم الاهل يتكلموا ع راحتهم

وقعدوا برة مع الناس المعزومة

روفيدة (بتبص للديلة) و اخيرا

يامن (مبتسم) مبسوطة ؟

روفيدة: اكيد اى حاجه هتقربنى لىك هتبسطنى يا حبيبى

يامن ابتسم لها

روفيدة: انا اكيد مش قصدى ازعلك ، انا بس عاوز اتظمن انك

بتحببنى

واحس ده

يامن (بحنيه) كل ده مش حاسه ي روفيدة

روفيدة (بحب) انا عاوزة اتأكد لما اسمعها منك ي يامن ،
عاوزه احس بيها طالعها من شفائك
كلمة واحدة مافيهاش اى حاجه
بس عندي بالدنيا وم فيها

يامن : الكلمة دى ياروفيدة شايلهاك فقلبي من سنين وربنا شاهد
، من وقت م كنتى بتكبرى قدام عيني
من ساعة م بطلت احس ان زيك زى يمنى اختى بالنسبة لى
من وقت م بكرنا واتمنىك زوجتى وو...حلالى

روفيدة (بصاله فعيوونه) قول انك بتحبني ، نفسى اسمعها ولو مرة
واحدة
مرة واحدة بس

يامن بيبتسم ليها بخجل
يامن: هو يعنى انا مش ...

روفيدة: انا مش عايزة مبررات ، هى كلمة
كلمة هموت واسمعها منك حتى لو متأكدة منها ي يامن

يامن : عاوز تعرفى انك غاليه اوى ، وعشان غالية مخلصى كل
غالى لبعدين

حتى لو كان كلام

عهد ربنا عليا هتحسبه وتعرفى ليه شيلتهوك

ومش عايز مشاكل وصوت على تانى

اتفقنا !

روفيده: (مبتسمه) اتفقنا ي حبيبي ...

#بقلمى_نوراسماعيل



فرسالة مكتوبة ل رضوى من حسين .. كان محتواها

" انتى عارفه انى مبحبش غيرك وانك مكانى الوحيد الى يرتاح
فيه

وماليش غيرك بس غصب عنى يحصل كل ده"

قرتها بعيونها الى مدمراها الدموع ، الملخص المفيد ان حسين
اهله ضاغطين عليه

يخطب بنوته معرفه ليهم

وده الى هو قاله ليها

لكن الصبح، ان هو كان بيعرف البنت دي ووفنيته يخطبها من
البداية

حتى وهو مع رضوى

يعنى كان بيخونها

يوم م اختار يكمل المشوار، مختاروش معاها

اي حد مكان رضوى كان هيكون اعمى، عكس الى برة الى شايف
انها علاقه مش نافعه من البداية

وفمكالمة تليفونيه بينهم

رضوى : دي اخر مرة اكلمك فيها، هي حصلت خلاص

هتخطب وكانى مكنتش حاجه فحياتك

حسين: افهمى، كل ده غصب عنى

رضوى: بس انت وعدتنى انك هتتقدملى تانى

حسين: اهلك بهدلونى وانتى عارفه ده وحسيت ان كرامتى

ضاعت لما اتقدمت لك

وكانى بشحت منهم

رضوى: حسين ... انا اشتريتك كتير

وكل اصحابي عيبو عليا فعلاقتى بيك

وقولت مش دريانين بالى فقلبي والى بينا

بس طلعت فعلا مش شاريني وبعنتى بالرخيص

حسين: رضوى استنى لو سمحتى ... انا مبعتكيش
هى الظروف جت كده

رضوى: انت اتغيرت ، كل حاجه فيك اتغيرت
بقيت تشرب سجاير
وصلاه سيبتها
ومصاحب عيال فاسدة ... ونهايتها خونتنى
وانا كل السنين دى معاك

حسين: برضو مصممه انى خونتك !

رضوى: حسين دى اخر مكالمه بينا
ومش عاوزة نتكلم تانى ابدًا ، وقلبي هدوايه بمعرفتى
ربنا يجبر جرحى منك
واشبع بيها

بس والله تعرف تحبها ولا تضحى نص الى ضحيتها عشانك

قفلت فوشه السكه ، وجريت عملت بلوك عالفيس والواتس وكله

حكاية حسين برصوى انتهت بسببه

ولا بسببها الله اعلم

ودى اخرها ولا لا ... برضو الله اعلم ☺

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

عائيل وحدها

كانت موجودة نهلة ، سرحانه وقاعدة فدنيا تانيه خالص مالهاش
دعوة بالبشر

جه من بعيد يستناها زى كل يوم ، ولقاها طه!

مصدقش عيونه لما شافتها!

جرى بسرعة زى طفل لقي مامته اخيرا ..

طه: حرام عليكى كل دى غيبه؟

نهلة بتبص وراها لاقتة طه ، مسحت دمعها ع خدودها

وابتسمت له

نهلة: اقعد ..

طه قعد جنبها

طه: كنتى فين ، جيت هنا كتير

واتصلت بيكى كتير

دورت فكل حته عليكى ، دورت فإى مكان ممكن القاكى فيه

عملتى كده ليه؟

نهلة بصاله بتركيز وهو بيتكلم

نهلة: هو انا مهمة اوى لدرجة انك تدور عليا وتستنانى

طه: اكرر مما تتخيلى بقيتى مهمة فحياتى

نهلة (رمت طوبة فالنيل) اصل انا مش مهمة لحياه حد خالص

طه: ازأى بتقول كده ؟ انا كنت هموت

نهلة بصتله وركزت

نهلة: وصلت للموت ياطه

طه باصصلها بحب وهيام اوى ،ومن غير شعور ميك ايدها

ورفعها ع صدره

هي مستغربة ردة فعله الجديدة عليه دى
طه انسان نبيل وبيتعامل بذوق
ايه التصرفات دى؟

طه: قلبي ده كان هيموت من القلق عليكى ... نهلة انا
بحبك

ومعرفش الشعور ده جه ازاي ومنين
بس قلقي وتعبى عليكى الفترة الى فاتت اكد لى انى بجد بحبك
وعارف ان دى مشكلة دخلت نفسى فيها
نهلة بصاله وعيونها مدمعين
نهلة: طه ...مبقتش مشكلتك لوحداك

طه استغرب وعيونه وسعت وابتسامته لا ارادى اترسمت ع وشه
بفرحه

طه: ده معناه انك ...الى هو ...
انا فهمت صح ولا ايه طيب

نهلة: حسيت صح ياطه ،انا كمان
بحبك

طه من غير شعور منه من الفرحة ،رفع كف ايدها لشفافه
يبوسه اوى

ونهلة بصاله بعيون حزينه

طه : طب اختفيتى فين وبعدتى عنى ليه ؟

مطمنتيش عليكى ليه حرام عليكى

نهلة: ياريت كل حاجه كانت بايدينا ي طه،انا جيت لدنياك عاوزاك
صديق

يخفف همومى وخمولى

يسمعنى وانا متضايقه

يسمع تفاهاتى الى محدش يستحملها

يسال عنى ويهتم باحوالى

لاقتنى بقربك وبحسلك حجات مينفعش احسها ،انا مش صغيرة يا
طه ولا مراقه

عشان يدوب شوية اهتمام يحسسونى انى بحبك

انت انسان كان جوايا محتاجه و م صدق لقاها

شوفتك بقلبي قبل عينى م تلاقىك

اتخطفت واتشدت وحببت

طه: برضو بعدتى ليه ؟ كنت هموت يانهلة

هموت واقسم بالله

نهلة: بعدت عشان خوفت ،خوفت اوى
ايه الى دخلت فيه ووصلتك ليه ده؟

طه: انتى مدخلتنيش ،انا حبيتك من اول مرة شوفتك فيها
واتمنيت من ربنا تحصل اى حاجه تقربنى ليكى
انتى بعد كل السنين دى
خلتيني احب الدنيا واقرب من حد
انا مكانش ليا علاقه بست
ولا عاوز

الى بينى وبينك يانهلة اكبر من الكلام ولو قعدت 100سنة مش
هعرف اشرحه

نهلة اتنهدت وبصت للنيل بحزن

طه: نهلة ، اوعى تغيبى
عارفه سميتك ايه بينى وبين نفسي

نهلة بصاله باستفهام

طه: سميتك حياتى ،يعنى بغيابك اغيب
انهارده بس بدات اعيش
والى فات والله م يتحسب من حياتى
انا عارف ان فيه حجات كتير تمنع الحب ده يبقى فالنور
لكن دى قلوب ومالناش عليها سلطان طيب
والال كان الى انجرح انجرح ...ولا الى فارق فارق وهو بيموت

نهلة: واكبر مشكلة تمنع اننا حتى نواجه الناس بحقيقة شعورنا
ياطه ...

طه: (حط كف ايده ع شفايفها متكلمش) ابوس ايدك م تتكلمى
،خلينى عايش حلم
انك بتحبينى للنهاية
خلينى اعرف كل حاجه فوقتها زى م قولتى
انا معرفش غير انى بحبك حتى لو عندك الف مشكله وانا عنى
مليون

انا بحبك
وانتى بتحبينى

نهلة (هزت راسها بعيون فيها دموع)

طه : (بص لها بحنيه) ممكن متدمعيش ... (مسح دموعها الى
بدات تنزل)

رغم كل الحواجز ... حبيبتك

وحلم عمره م كان بسيط زي ده

اتحقق

مش عاوز ابوظ فرحتى بتحقيقه...ممكن !

نهلة ابتسمت وهو ابتسم ع ابتسامتها ومسك ايدها شبك صوابعه
فصوابعها بحب

متمسك اوى بالحلم الصعب الى فداية تحقيقه

متمسك باخر امنياته فالدنيا،وهي كمان ♥

#بقلمي_نوراسماعيل



كذا شريط برشام لعلاج نزلات البرد ، وجمبهم علبة مناديل كبيرة

ومج لمون سخن

والاء قاعدة فالسرير هالكها الانفلونزا

وبتتكم فون مع خطيبها محمد جهاد

الاء: يا حبيبي هما مكانوش يعرفوا اني هتعب
محمد جهاد: يعنى ينفع عمى وطنظ يروحوا تانى بلد عشان عزا
ومعرفش ايه
وسايبينك عيانه وهتموتى كده بعد الشر عليكى

الاء: ده انت عضلات يا واد انشف كده ،مجرد انفلونزا وتعدى
دلوقت
انا بشرب لمون وباخد ادوية اهو

محمد جهاد: لا مياكلش من الكلاب ده، قومي حاولى تيجى ع روحك
وتغيرى
وانا هعدى اوديكي دكتور اتظمن عليكى

الاء: يا محمد !
محمد جهاد: (بعصبيه) خلص الكلام ! يلا

فمسافه السكة كان محمد تحت بيت الاء ، طلعلها كانت لبست
ونزلت معاه

حجز عند الدكتور واستنى ميعادها ،ندهوا اسمها ودخلت
بعد الكشف وضح ان الاء كانت هتدخل ع حمى

وبدات تدخل ففور سخونيه ،محمد قلق اوى عليها رغم ان دى
مش حاجه مقلقه

وعادية

بس هو بيحبها اوى وبيخاف عليها

خلص الكشف وعدى جاب الادوية وطلعها للبيت ،دخل معاها
اوضتها

كانت فعلا الاء فصلانه تعب

قعد تحت رجلها وقلعها الكوتشى وهى شافت ان دى كبيرة اوى
منه رغم ان منعتة بس محمد دماغه ناشفه

وبعد م قلعها الكوتشى

خرج تغير بقية هدومها ، دخل هو مطبخ بيت الاء مع نفسه يدور
ع انه يعمل لها شوربة لسان عصفور

كانت غيرت وجت سمعت كركبته فالمطبخ

وقفت ع باب المطبخ وهى بتضحك

الاء : اطلع وانا هعمل كل حاجه

محمد: لا طبعا بلا تعملى كل حاجه (شالها ع دراعه) انتى
تروحي تقعدى هانم وانا بسرعة هعملك

شوربة عشان تاخذى ادويتك

الاء: (بدلع) يامحمد بقى

محمد جهاد: بس بقا طلعت عيني بعنادك

نيمها فالسرير وغطاها كويس وراح المطبخ تانى

كركب

ارزع

لحد م وصل ،فدقايق عمل احلى شوربة اندومى لان ملقاش غيره

الى يعرفه 🤝🤗

وعمل لها عصير برتقان فريش

ودخل لها

الاء مبتسمه وبتضحك عليه

اكل ها وحدة وحدة وبعدها شربت،وادالها الدوا

الاء: مش هتنزل اخنا تقريبا لوحدنا فبيتنا

محمد جهاد: ياستى استريحى وانا هنزل ،وبعدين انا جوزك

يعنى حتى لو طنط وعمى جم عادى

الاء: يانقتك بنفسك انت ،ده هيجرى وراك ياض

برضو عيب

محمد جهاد: طب بس ارتاحى وانا هنزل والله ،المهم اتظمن
عليكى مسبكيش كده

الاء ركزت مع تليفزيون اوضتها الشغال وهى عالسرير وهو
عالكنبه جنب السرير
لحد م راحت فالنوم

لاحظ هو قام عدل نومتها زى م تكون بيبي ، وغطاها وقعد
عالكنبه باصص لها اوى
بحنيه بيتفحص ملامحها

وبعدين من غير شعور منه،لقى نفسه بينام وراح فنوم عميق ع
انفاسها فنفس الاوضة
الى هى فيها

عدت الساعات من غير شعور منه ، وبعدين قلق ع صوت اذان
الفجر

صحى بيبيص حوالية ،دراعه خبط الكوبايه وقعت عالارض
من دون قصد

صحت الاء كسرت الكوبايه

الاء: (بتعمل فعيونها) ايه ده الساعة كام ! انت لسه هنا يامحمد
؟

محمد جهاد: (بيضحك كسوف) نمت محستش بنفسي
تقريبا ده اذان الفجر

الاء: يانهار ابيض ، طب هتنزل ولا ايه

محمد جهاد : حاضر هنزل اهو

راح يتناول الشوز بتاعته يلبسها

الاء: معرفش ليه مسكاني رعشه غريبة

محمد جهاد (جاى عليها ملهوف) اوعى تكونى سخنتى تانى ()
بيجس حرارتها) هتبتدى تسخنى
استنى اديكى الجرعة الثانية من دواكى

ادالها الدوا وقعد جمبها عالسرير ، كانت فعلا بتترعش من
السخونية من غير م تحس
ضمها له اوى كحنان اب
وباس دماغها

ابتدت تهدا من رعشتها ، هو حس ب ده ، رفع وشها له وهو
باصص لعيونها

محمد جهاد: الف بعد الشر عنك ياروحى ، سلامتک يانن عيون
محمد

الاءابتسمت وخبث وشها فصدره وبعدين بصتلته تانى
محمد جهاد: اااااه ...امتى نكون فبيت واحد يابنت الحلال
منهم لله اعمامى

الاء: (حاضناه وراسها ع صدره) قريب ي حبيبي ...قريب ربنا
هيحل كل حاجه

محمد جهاد (رفع وشها له) انتى فحياتى انا مش عاوز حاجه
كنز الدنيا بالنسبة لى هو انتى
ربنا يخليكى ليا
(باس دماغها)

الاء: متقربش انفاك كن انفاسى لا تتعدى منى
محمد جهاد: مالكيش دعوة ، ياريتتى اتعب بدالك ولا اشوفك
عيانه ابداء
(باس مناخيرها)

الاء: يديك ليا نعمة يا محمد

محمد جهاد باصص لها بتركيز اوى ورفع بصباحه دقنها وباس
شفايفها بوسة خفيفه

وبعدها باسها تانى وتالت بخفه

الاء غمضت عيونها وهو بيبوسها ، محمد نسي الدنيا والناس
وافتكرك حبه وبس

افتكر قلبه الملهوف عليه

وحضنه الى عطشان حضنها بقالهم كتير

باسها فشفايفها كذا مرة بوسة عشاق ملهوفين ، وفوشها كله

حضنها اوى

مال بيها عالسرير والاء مش هنا فعالم محمد ومش حاسة بحاجه

اتملكها بحضنه اوى ، ورفع الغطا عليهم يقفل عليه وعليه

مملكة فيها اعلان ممضى بعشقم ولهفتهم لبعض ... لوحدهم
بيسرقوها

اللحظة دى


حنى لو مش حرام

فهى مش وقتها ... ان فالوقت ده يكونوا زوج وزوجه

بحق وحقيقى



#بقلمى_نوراسماعيل



رباب ...

مبقتش الصديقة المقربة لرضوى ، بقت مبتسمعهاش
ولافاضيالها

حتى لما رضوى فاصعب اوقاتها تعوزها

متلاقيهاش

تتصل بيها ..

متردش ،،، بقت وحيدة اكثر من وحدتها

مبقاش فيه حد يسمعها ويطبطب عليها ... لغاية م ظهرت فحياتها
" نوران "

نوران دى بنت زميلة ليها فالسكن طول فترة سكنهم ايام الكلية
البننت دى ع اد هدونها وحكمتها، الا انها فرفوشة وجدعة
وبتعرف تتصرف صح فالامور من غير م تعمل اى غلط ...

نوران حست ب ان رضوى شخص مينفعش يتساب لوحده
عرفت من خلال كلامهم سوا الى مش كتير انها يتيمه ام ، يعنى
فاقدة حنان وهتمام لابد
من وجوده بالذات فسناها ده

وبعد م رضوى وحسين سابو بعض ، اصابها اكتئاب من اشد
درجاته

نووووم كثير

مبترووحش الجامعة

ساكته وسرحانه

عياط مستمر

فقدان للشهية

وزنها بيقلكل ده خلى نوران توقف جمبها

وشوية بشوية بقوا قريبين لبعض ،لدرجة الى خلت رضوى
تحكى كل شئ دار بينها

وبين حسين من بداية علاقتهم ببعض من سنين

بكل م فيها

لحد م سابو بعض !

نوران (حاضنه رضوى وقاعدين ع سرير نوران فالسكن) انا

مش عايزاكي مستسلمة كده يا رضوى

هو خلاص عاش حياته بعيد عنك

فوقى بقا من الى انتى فيه ،حسين مش الدنيا

رضوى (معيطه) ده عايش حياته عادى وكانى مكنتش فيها

،متصور هو وهى فخطوبتهم

حاططها ع صفحته

وبيكتب لها كلام حب ع صفحته

ومبسوط

وانا هنا متدمرة

نوران : يا رضوى انا مش عاوزة اتقل عليكى كفاية الى انتى

فيه ، هو من الاساس

مكانش امين عليكى

يعنى كان بيستحل كل حرام معاكى وعيب

من اول التليفون

لصاحبتك الله يسامحها كانت بتسهل وياكى كل حاجه تعملها معاه

وكانه عادى

ده حقكم

وهو كمان كان مستغل طيبتك وحبك له بالافعال القذرة الى كان

بيعملها معاكى

وانتى كان مضحوك عليكى بكلمة هتقدمك

واتقدمتك وكنت راجل معاكى

مش كده ، بس والله ربنا بيحبك انه مشى من حياتك

رضوى : ي نوران انتى مش حاسة باللى فقلبي ، انا حاسة انه

هيسيبها ويرجعلى

نوران : مع احترامى ليكى يا حبيبتي هو هيرجع فعلا زى الجزمة

عارفه ليه

رضوى بصالها

نوران : عشان الخطوبة يعنى التزامات وهدايا ،ومن كلامك

حسيت ان حسين بخيل

وانه خيخه واهله ممشينه

يعنى البنت هتسيبه فاقرب وقت

وهيرجلك لان مفيش غيرك بيستحملة

رضوى (بانهيار) عمرى م هرجعله تانى لو عمل ايه

نوران : طب اهدى يا رضوى بلاش تعيطى ، اهم حاجه فعلا انه

لو رجلك

تفضلى بثباتك ومترضيش

او عدينى

رضوى: بس هو مش هيرجع (بتعيط)

نوران: وحتى لو رجع ،ارجوكى مترجعيلوش

خليكى غالية ي رضوى

رضوى هزت راسها بالموافقه لنوران ، هى بجد هتعمل بالوعد

ده

ولا مش من قلبها ...

#بقلمى_نوراسماعيل



متوترة ...

باين ع حركة ايدها وبصات عيونها ،حتى وهى بتمسك الفنجان
تشرب

كان بيتهز فايدها ...

الاء (منهاره بس ماسكة نفسها) انا لآخر لحظة قولت ده اكيد حلم
،او انك فاخر لحظة تراجع

لحد م شوفت الى يخلينى اصدق خلاص

انه كان بجد مش حلم

محمد جهاد: طيب اهدى بالله عليكى وحياتى عندك ،ياقلب محمد
انا وانتى مش غلطانين فالحرام

ولا دايرين ع حل شعرنا

انا وانتى متجوزين ...مكتوب كتابنا ع سنة الله ورسوله

انتى مراتى شرعا يا حبيبتى اهدى

الاء: اهدى ازای ! بيقولى اهدا ده وهيچنى
اهلى واهلك والناس عارفين بانى بنت بنوت لسه ، دخلتنا مش
دلوقت
حرام عليك هتجننى ببرودك

محمد جهاد: والله م برود ، انا مقدر انفعالك
بس بهديكى
عاوز اعرف انتى خايفه من ايه
انتى مراتى وانا متحمل اى حاجه تحصل ، احنا معملناش حاجه
حرام

الاء: بس غلطنا يامحمد
محمد جهاد: ماشى غلطنا ، معاكاتنا اتسرعنا
انا بقالى كتير ملهوف عليكى والجوازه عماله تتاجل كل شويه
مش هقول حصل غصب عننا عشان احنا مش عيال وغلطت
احنا اتنين متجوزين
ومسولين عن الى حصل ، هو بس التوقيت كان غلط
لان كل واحد فينا
كان عاوز التانى اوى
وكل حاجه عماله توقفنا

الاء: ودلوقت بعد الى حصل ! ومش باين ملامح لجوازنا خالص
!

محمد جهاد : يا حبيبتى هعمل المستحيل عشان اعجل بالجواز
ان شاء الله اقتل اعمامى واحد ورا التانى
بس بالله بلاش انهيارك ده

الاء: وافرض كنت حامل (عيونها دمعت ومسحتهم بمنديل

محمد جهاد : طب ينفع نروح دكتور سوا نشوف اذا كنتى حامل
ولا لا

الاء(ابتسمت غصب عنها) يابنى مينفعلش لازم يعدى شهر لولا
م اعرف
هو اى حاجه كده

محمد جهاد: طيب ي قلبي اهدى وحتى لو طلعتى حامل عمري م
اسيبك

تتوتري كده او تتحملى حاجه كنت انا السبب فيها

هجيب اى عفش بالقسط مؤقت

ولو طولت استلف تمن الفرح ،انا ليا جمائل عند اسكندرية كلها
ونتجوز

وان شاء الله لما تتباع الزفته الارض
نظبط الشقه من جديد ولو طولتى اعمك فرح تانى

الاء ابتمت

محمد جهاد: ايوة اصحكى ،والله بزعل لما اشوفك متضايقه
انتى روحى ي الاء
وماحبش اتسبب فدموعك ابدا

هتتحل وكتاب الله

الاء: طب هما عمك وو طنط ممكن يطلبو (سكتت استحت تكمل
كلامها)

محمد جهاد (حب يستفهم الى سكتت عنه بس تقريبا فهم)
يطلبو ايه امى وعمتى ! (باستخفاف منهم) يطلبو ايدى ساعتها
يخطبونى

مالكيش دعوة ومتقلقيش من حاجه
معاكى راجل ع فكرة والله

الاء رغم انهيارها ،قويت بكلامه واتظمنت شوية
هى معاها راجل ...وطول الوقت مطمئنها سواء كويسين

او عندهم مشكله

هما سوا



كذا شاب من زمائل يامن فالكلية حوالية متجمعين بيباركوا له
عالخطوبة

بعد م شافو الدبله فايده

وقرروه وقال انه فعلا خطب

وقفوا الى يهنى وال يسال امتى وفين ،سمعت حور التهانى
والمباركات

مهتمتش

ونزلت من المدرج خرجت عادى ،كأن يامن ده شخص زى اى حد
فدفعتها !

زميل: قول عاوز تاكل علينا الشيكولاته يانمس

يامن: لا والله ليه ياعم بخيل ،هى بس كانت عائلية ،باذن الرحمن
فكتب الكتاب هتبقي ليله كبيرة هجيب مقرئ

وهتتعموا

ومش هتبقي شيكولاته وبس ان شاء الله ياسيدى

زميلة: اكيد عملتوها من غير زيطة ولا حاجه ياشيخ يامن

يامن (مبتسم و غاضض بصره) بالظبط عقبالك يا دكتورة

زميلة ٢: اسمها ايه عروستك يا دكتور ، وياترى دكتورة زينا

يامن: اسمها روفيدة وهى طالبة فكلية التربية

زميل له ميل وقال فودانه ،،: غريبة دكتورة حور سمعت ومشيت
عادى

يامن: وفيها ايه ؟

زميل : اصل يعنى بعض الزميلات بتقول انها معجبة بيك ،جايز
تكون اتضايقت و غارت عليك

يامن: (استغرب) لا اكيد كل الكلام ده مالوش اساس من الصحة
دكتورة حور بنتعامل انا وهى فحدود الزمالة
اعجاب ايه بس بطلوا كلام و خلاص يا جماعة

زميل: بس هي فعلا مهتمتش بالخبر زي باقى الدفعة

يامن: وهتهمت ليه عادى الى بارك يسلم جزاه الل خير
والى مباركش جزاه الله خير برضو
مش قضية افكر فيها يعنى

* وبرة عند حور كانت بتاكل فالكافيتريا مع صاخباتها*

زميله: انتى قصدتى متباركيش ليامن

حور بطلت اكل وبعدين كملت عادى

زميله: مالك يا حور؟

حور : ع فكرة انا عارفه انا خاطب من فترة طويلة بس مكانش
لابس دبله

وعادى لاقصدت ولا مقصدتتش

زميله: يا حووور طب عينى فعينك كده

حور: طب و حیاة ربنا یامن حالیا مجرد زمیل ، اه کنت بحس
اوقات بمشاعر ناحیته

بس هو مرتبط

خلاص

ارکز فمذاکرتی وکلیتی

والی ربنا عاوزه هیكون

مش یمكن انا حبیت یامن او اعجبت بیه ، والی ربنا کاتبه افضل
انا معرفوش

زمیلة : یمكن ... عندك حق

زمایلها کملوا اکل ، وهی جواها بیتعصر بس بتداری

حور اتعمقت فامور دینها اوی ، یدوب یامن حطها عالطریق الصح
وهی کملت باقتناع

ومن اداب الی عرفته فدینها

انها لاتتعامل مع شاب خروج حدود دراسه او زماله

ولو جواها مشاعر ... هی مش حرام

لکن حرام البوح بیها فی اطار غیر شرعی

وهو خلاص ارتبط ... یعنی مبقاش سکتها

وهی لازم من هنا ورايح ... تفکر صح

#بقلمی_نوراسماعیل



مشط بيترمي بعصبيه ع تسريحه اوضة نوم شيك
وفى نرفزة
وشكله كده فيه صوت على

لينزى : ده من واجباتك ،تفسحنى وتخرجنى ونعمل كل حاجه
انا لسه عروسة وعاوزه افرح بنفسى

مارسيلينو : تفرحى بنفسك من انهى زاويه ،عاوز اعرف
لابجد

تفرحى بنفسك منين
وانتى الحمد لله ع كل الى ربنا يجيبه
ياشيخه اتوكسى
اتوكسى واتنلى ع نيلتك

لينزى : انت شغال طول الوقت تتريق ع شكلى ،خد تعالى هنا
ع اساس ان انت الى بدر منور
ده انا بخاف اشوفك فالضلمة بكرشك ده
بسم الصليب افتكره بوكس داخل بضره عليا فالشقه

مارسيلينو : هيهيهي ، اضحكك كمان ولا كفاية

اساسا ده عز ياماما

وحتى لو مشكلتي انى جسمى مليون

ف دايت وكام تمرين ابقى فله شمعة منورة

لكن حضرتك

نعمل ايه فوشك

نولع فيه يسيح نلخبطه من اول وجديد

ونشكله بقا

لينزى (بتضحكه بغلاسه) هاهاها ، مشكلتك مش جسمك وبس

مشكلتك تناحتك وغلاستك

فاكر نفسك دنجوان وانت شبة قلة المية الى لابتشش ولابتنش

مارسيلينو: انا لا بهش ولابتنش! ده انا احسن واحد فشغلى لدرجة

بيرشحونى لاي حاجه

ليها تعاملات برة الشركة

انا الى لا بهش وانش لما بتشوفنى اى بنت بتدوخ

لينزى (بغلاسه) ليه بيرسول !

مارسيلينو: لاغاز مسيل للدموع ياخفه

لينزى: نهايته ، هتنزل ونخرج ويلا غير هدومك
انا زهقانه

مارسيلينو : اولعى وانزلى انا مش نازل مع حد

لينزى: لا ياشيخ ، (جت عليه بحدده هو خاف منها) متأكد انك
مش هتنزل ؟

مارسيلينو (خاف) اسمعى بس نزول وخروج يعنى فلوس وعشا
وكع ياسينو

والى جاى ع اد الى رايح

الا بقا لو هتعزمننا ياباشا من فلوس ابوكى الى مكنزهم ع قلبه

لينزى: فلوس بابا ! وكمان نطع

اساسا بابا بينهار فالسوق وقرب يفلس ويعنن افلاسه
وكان فاكر ان عمو شنودة معاه يشاركه عشان يلحقه

مارسيلينو (لطم) نعم ي حبيبتى!!!

نعم يا موزة

نعم يا حلوة

مين يتسند ع مين ومين مستنى مين يشيله

ده ابويا الى بيضيع

لينزى (بعصبه) ايه ! يعنى ايه ابوك كمان بيفلس

لا بقولك ايه انا رضيت عالجازه دى عشان بابا وماما وانقدهم

تطلعوا مفلسين

يعنى تضحية ببلاش وكمان تضحية مع واحد زيك

نطع وتافه ونرجسى

مارسيلينو : انتى الى بتقولى كده ! اومال اقول ايه انا يا دكر

السلطعون المتحول

يابت مشوفتيش روحك فالمراية

انا كل يوم ببقا عاوز ارش فعينى سبراى عدم رؤية

عشان ارتاح من خلقتك

انا بعد م اتمتعت بحلاويات الدنيا ،لبست خازوق مغرى اسمه

حضرتك

لينزى : ممم من الاخر

مشكلة بابايا وباباك

مالهاش دعوة بينا

اھنا دلوقت اتیلنا خلاص ومفیش رجوع ی بموتک او موتی
وانا عاوزة اتفسح واخرج حالا
هتخرجنی ولا لا (بصوت عالی)

مارسیلینو (اتخض وخاف ورجع ورا) انا لابس وجاهز بقالی
ساعة انتی فین منزلتیش لیه (بابتسامه بريئة)

لینزی : ایوة کده شاطر (بتططب ع خده)

خرج مارسیلینو بیضرب کف ع کف

مارسیلینو : یعنی حولة وعامشة ومكسحه وطارشة وشبه ارنب
الخطيرة

وکمان مفیش فلوس ولا طلاق ولارجوع
ولو لعبت بدیلی هترفع قضية

(لطم) کان مستخبي لك كل ده فین یا سینو !!!

#بقلمی_نور اسماعیل



" الجو هنا كل حاجة فيه مضبوطة ، مش ناقصه
غير وجودك "

آية قرت كلامه وابتسمت اوى

آية : حد يكون ففرنسا بلد الجمال ويفكر ف اية برضو ، عندك كل
حاجة حلوة اساسا

ايهاب: ومالو عندى كل حاجة حلوة ، بس وجودك يكمل جمالها

آية : ليه بقا وانا هعمل ايه مثلا

ايهاب: بصى ياستى

انتى راحه

وهدوء

واطمئنان

وفرحة حلوة

بلاقيهم وانا بكلمك ، او فای وقت بفضيه نتكلم سوا

تخيلى بقا معايا

اية : انا بتخيل اهو

ايهاب: اننا فمكان ساحر زى الى انا فيه حاليا ، وبتكلم

ومبسوطين

ومع بعض

ايه فالدنيا جمال اكثر من كده هنعوزه !

اية قرت كلامها ودقات قلبها كانها فسباق ، اشتغلت دق ورا بعض

كان قلبها شوية يخرج من صدرها

ايهاب: آية ...!

اية: معاك

ايهاب: يارب دايم

اية (مستغربة) يارب دايم ايه؟

ايهاب: دايم معايا

اية رجعت ل لخبطتها وسكوتها من تانى

ايهاب: هاه ...مردتيش عليا ايه راك

ابعتك تيجى هنا

اية : لا محضرتش شنطتى

ايهاب: معطلك عن حاجه ي اية ،خايف بكلامى معاكى الكثير ده
اكون مضايقتك

اية قرت المسج ورايحه ترد ،الفون فصل مرة واحدة خالص
مع انها لازقاه فالشاحن طول م بتتكلم
جربت تفتح فيه مرة واثنين
مش راضى
خبطته ع الترييزة من الغيظ

اية: عملتها تانى فيا ،مش كنت صبرت لحد بس م اجمع حق
واحد جديد
اصبر طيب ارد عليه

(بتكلم نفسها لسه) وحتى لو دخلت كملت كلام من جوه عالجهاز
فاوضة البنات هيشوفوا المحادثه
طب اعمل ايه ياربي ..

اية ،،

من عاداتها انها شخص ثقيل ...كل حاجه بتعملها ليها حساب
وتفكير عندها

بس من وقت م جه ايها حياتها
وهي متلخبطة

مش هي اية بتاعت زمان

ساعات بتعمل حركات مراهقين

وساعات حركات ناس مش بتفكر مندفعه ، المهم منطولش عليكم
نزلت فالحال تودي الفون يتصلح فالمحل الى تحتهاوافتكرت
انها مردتش ع ايها وممكن يزعل

ومش بس ده الى افتكرته

افتكرت رقمه الى من كتر بصتها فيه وعشان هو سهل
هي حفظته عن ظهر قلب

اية: يعنى مش هيتصلح انهاردة !

الشاب: لا سيبيه ي ابله اية زى المرة الى فاتت وبكرة وانتى
راجعه من الشغل تعال خديه

بس نصيحه شوفيك واحد غيره

ده بيودع

اية : ممم لسه بكرة (انتهت)

الشاب: هوقعك واحد مستعمل بس زى الفل متقلقيش

اية: طب انا كنت عاوزة اعمل مكالمه حالا

الشاب: خدى التليفون ده ي ابله اية حطى خطك فيه
ع بال م تستلنى بتاعك بكرة

اية: شكرا ي انون تسلم

الشاب: ع ايه ي ابله انتى تؤمرى

اخذت الفون حطت الشريحه بتاعتها فيها وكتبت الرقم وخلص
هتتصل

ووقفت تسال نفسها

اية : طب ماهو مسافرة هيبقى اكيد مقفول ، ولا ممكن فاتح
التجوال بما انه طيار فمتعود

انا هتصل

نفع اوك

منفعلش خلاص يبقى دى اشارة من ربنا

رنت اية ع رقم ايهاب ، هو كان بعيد عن الفون بعد م قفلت
مسمعهوش لانه سابه

وبعد ربع ساعة

مسكه لقي نمره غريبه ميعرفهاش متصله مرتين

استغرب جدا وهو باصص للرقم ، واتصل

كانت اية استسلمت ان مفيش حاجه هتوصلها بيه خالص

انهارده لحد م يتصلح فونها بكرة

وفجاة لقت رقمه بيرن عليها !!!

اتهزت

وقلبها اتخطف

هتسمع صوته لتانى مرة

لازم ترد

عشان توضح سوء التفاهم

اية : (مرتبكه وايدها متلجه) احم....الو

ايهاب: الو ...

اية : ي ايهاب انا ايه و كنت عاوزة ...

ايهاب: استنى بس استنى (ضحك ضحكة خفيفه سمعتها هي) انا
اول م شوفت النمبر بتاعك
حسيت انه انتى والله حتى لو هتقولى بستعبط

اية (بتضحك بخجل وارتباك ورعشه) لا وهقول بتستعبط ليه
انا ...

مصدقك ، هو بس كنت عاوزة اقواك ان فونى مرة واحدة فصل
ومرضيش يفتح
فانا نزلته يتصلح

وحطت الشريحه ففون غيره قديم مش فيه نت
معلش فحببت اقواك لحسن تحسب قلة نوق منى مرضتش عليك

ايهاب سمعها للاخر وهو مبتسم ع طريقة كلامها وع ارتباكها
الغريب
ورعشة صوتها البايئه فكلامها

ايهاب: بصى انا بصراحه بشكر الفون الى باظ ،وبشكر التجوال
وبشكر التليفون الى مش فيه نت
عشان كل دول عملوا مؤامرة ونجحت فانى اسمع صوتك دلوقت
ومش كده وبس
وكم ان رقمك اعرفه

عشان لما توقعى فدروب زى ده تانى، اعرف الايكي تانى

اية سمعت كل كلامها بطريقة صوته الى حبتها ومحطتش منطق

ايهاب: آية !!

اية: معاك

ايهاب: يارب دايم معايا

ابتسمت ابتسامه رسمت جمال وشها اكثر، ورجعت خصله من
شعرها ع ودنها

وكملوا كلام كده طووول الليل

لحد م راحت هي الشغل تانى يوم مطبقه، وهو طلع رحلته للقاهرة
بيسقط ع نفسه نوم! 😄

#بقلمى_نوراسماعيل



بانفعال داخله مكتبه من غير اى استئذان ولا حتى خبطتين
عالباب !

نهلة : لحد امتى هفضل كرسي فالبيت يا صادق !

بيرفع عينه عن الورق قدامه بهدوء ،وبيشيل نضارة القرآية وهو
باصصلها

وقام من ع كرسيه

صادق: مش المفروض فيه استئذان ! مش المفروض فيه حاجه
اسمها اداب الدخول ع شخص

نهلة : (بانفعال) انا مش هاخذ محاضرة

صادق (وقف ناحيتها ومسكها جامد من وشها) متتعاملش معايا
بالاسلوب ده

انتى فاهمه

نهلة: عاوزة اعرف بتعاملنى كده ليه ؟ ايه الغلط الى انا ارتكبته
عشان يحصل لى كل. ده

عاوزه اعيش حرام عليك

صادق: طيب م تعيشى ، بس عيشى بالطريقة الى ارسمهالك

واحدة زيك

ب مؤهل تعليمها البسيط

ودايرة معارفها الهبله الساذجه

متعرفش تدير حياة طفل

فما بالك بشخص بالغ زيك، انتى ياماما عاوزة بجد حد يعرف
يرسلك الخط الى تمشى عليه

نهلة: بقالك سنين راسملى الخط، بقالك سنين حابسنى ومايدنى
وانا فكبت ليل ونهار

صاوق: فين الكبت وانى بتخرجى وتدخلى ع مزاجك
فين الحبسة وانا سايب لك حرية اختيار وفعل اى شئ بس بعلمى
وتحت اشرافى

نهلة: هى دى مشكلتك يا صاوق، تعرف كل حاجه وتدير كل حاجه
تمشى الكون كله بامرك
ومش مهم ان دول بنى ادمين مش مجرد اثاثات لابتحس ولا
بتتكلم

انا انسان يا صاوق

انسان عاوز الى يحتويه ويحس بيه

عاوز حد يتكلم معاه

صادق: وتفكرى بعقلك الصغير ده ، هسيب شغلى وامورى
وكل حاجة طالبة منى تواجد ومشورة
طالبة منى مجهود واخذ فالاعتبار
واقعد اتسامر مع حضرتك

نهلة: اتجوزتنى ليه يا صادق!!

صادق(ابتسامه سخرية) ياهانم انتى وردة احطها فعروة الجاكت
بتاعى اتباهى بيها
مجرد زرار يتحط فاسورة القميص لزوم الشياكه
بنتى حور كانت محتاجه حد يكون معاها 24 ساعة
وانا مكانش عندى وقت

نهلة : كنت جبتلها مربية اكرم ليك وليا من الى انا فيه

صادق: وشكلى الاجتماعى يكمل ب ايه،انتى ناسية انتى متجوزة
مين ي ماما

نهلة : عارفة والله ، وعارفة زى م انت راجل مهم ومالى الدنيا
باستثمارتك ومشاريعك
بس اكيد جواك قلب

صادق : (قطع كلامها) وافقتى ع جوازى ليه يانهلة

نهلة (عيونها دمعوا) انت اول م اتقدمت ليا مكنتش كده

كنت حنين

كنت بتتكام معايا

كنت بتفهمنى

فوقت قليل عوضتنى حنان بابا ...بس بعد كده..

صادق (بسخرية) هو الانسان كده ، عاوز كل حاجة

انا زى م انا

انتى الى عاوزة زائد الفلوس والعربيات واللبس والخروج

الحنان والحب والاهتمام

كان مينقصكيش حاجة

نهلة : والاطفال يا صادق

قطعت كلامه وهى بصاله فعيونه بتحدى ودموع فنفس الوقت

صادق: انتى عاوزة ايه ؟

نهلة :انت مبتحسش اني محتاجه اتكلم معاك،،طب مبتخفش اروح
افضض مع حد غيرك

حتي لو ال حد ده بنت مش بتضايق اني محكتش ليك انت
احسن،،امتي هتعرف قمتي!!

لما اموت مثلا!!

خلي بالك لو طريقتك استمرت كده ممكن ازهق منك ومن العيشة
دى...

ممكن اكرهكده اذا مكنتش فعلا فعلا كرهتك

قالت كلامها وخرجت برة مكتبه بتبكي ،وحالا دخلت اوضتها
رمت نفسها عالسرير

ولاحظت بصعوبة ان فيه اتصال ع موبايلها ...من طه

ردت بصوت خافت وتعبان

نهلة: ايوة يا طه

طه: ايوة ياطه؟! فيه ايه اتصلت كتير ومردتيش

انتى معيطه ولا ايه؟

نهلة: متشغلش بالك

طه: يانهلة ابوس ايدك طمنيى مالك

نهلة: مفيش ياطه (بعصبيه)

طه: عاوز اعرف مالك ،عاوز اعرف ايه الى بيخليكى كل ساعة بحال

نهلة: عاوز تعرف (بانهيار) انا وانت قصة مينفعلش توصل لاكثر من كده مداها

انا وانت اتنين محكوم نفضل فالضلمة او نموت

انا ياسيدى ست متجوزة

متجوزة حد معروف فالبلد وله كلمة

متجوزة شخص معرفش اخلع منه ولا يطلقتى

وبرغم كله ده غصب عنى حبيتك (بتعيط) هنوصل لفين معرفش

طه سمعها وسامع انهيارها ،مردش بالكلام

رد بدموعه

مش عارف اد ايه صدمته انها متجوزة رغم انه كان حاسس بس

كذب نفسه انها فكرة جواز

وقال عشان هى من عيله كبير وهو فقير


لكن موضوعهم طلع اكبر من التوقعات واكبر من احلامهم

هيوقفوا ولايكملاوا !؟



2

#بقلمى_نوراسماعيل



مسلسل تركى بيتعرض حصرى ، ومامت محمد جهاد وعمته
واخته متابعين

محمد عنده كلام عاوز يقوله ، مش عارف يبدء منين
بس قرر يتكلم وخلص

محمد جهاد : امى ..

الام: (بتاكل لب ومركزة فالتليفزيون) نعم ي حبيبي

محمد جهاد: انا عاوز تظبطينى فكام جمعية كده ، انتو ستات
وبتعرفوا فالحجات

الام (انتبهت) حاضر بس ليه؟

هند: اكيد عشان متسريع ع جوازه من الغندورة ، محسنى انها
ملكة جمال قارة اسيا

محمد جهاد (قام ووقف ناحية هند وباصصلها بصرامه) بقولك
ايه خليكى فحالك عشان ملبسش طبق اللب ده فخلقتك

العمة: جرى ايه ي محمد هي خطيبتك ممنوع اللبس كل م هند
تقول كلمة تبقى عاوز تضربها كده

بكرة وبعده اما تتجوزها

تقولك اعمل ايه ومتعملش ايه واتبرى من اهلك

محمد جهاد: عمى انا دكر اظن ومحدث يتحكم فيا ، وتانى حاجه
الاء اخلاقها مش كده

وهي بتحبكم معرفش انتو فيه ايه من ناحيتها

الام: يابنى لو ع الجمعيات الموضوع ساهل ، شوف عاوزهم بكام
وربنا يسهل

محمد : تسلميلى ي امى

وعاوز كمان لو حد يعرف عفش بالقسط يبقى كتر خيرك

العمة: ع اية كل السريعة دى ، بكرة اعمامك يبيعوا الارض ويدوا
كل واحد نصيبه

وتتجوزها

فيه ايه

الست الاء مش طايقه تصبر ولا ايه

محمد : ع فكرة ياعمتى انا الى مستعجل لانى بحبها وعاوزها

ومش كل كلمة هقولها هتنطولى بالف حوار

واحد واتاخر فالخطوبة وعاوز يتجوز

وبيتصرف

ايه الى مز علمكم

هند: اسكت ي لسانى اصل لو نطقت مش هتسد (بتريقه وباصه
عالتليفزيون)

محمد جهاد : انتى مالك حطاها فدهماغك ليه

دى مرات اخوكى الوحيد

هى عملتلك ايه للحقد ده

هند : حقد !

محمد : اه حقد ، لو بتعاملك وحش هقول ده السبب

لكن انتى حطاها فدهماغك من غير داعى

معرفة ايه سبب الغيرة دى

انا اخوكى مش خطيبك

هند (اتضايقت واتعصبت) انا لحقد واغير من الاء الذكرور
بتاعتك!

ليه ان شاء الله

احلى منى ..ولامتربية عنى (مصمست شفايفها)

انا يا حبيبي

لا بخلى حد يطولنى ولايقعد يكلمنى فالتلفون ويرغى وناخد وندى
وقاا بعدها يخطبنى

ده انا احسن منها

بمشيش ع حل شعرى

محمد مخدش باله من رد فعله وضربها بالقلم من غير وعى منه
،ولان ايده ثقيله من شيل

الحديد والتدريبات

سنتها دخلت فشفتها اتعورت ونزلت دم !

مامته وعمته اتخضوا عليها وهى بكت بحرقه

العمة: (بعصبيه) جرى ايه يامحمد ،انهارده ضربت اختك
عشانها

بكرة تتبرى منا بسببها

الام: ليه بس كل ده يابنى (حاضنة هند) ادخلى الحمام اغسلى
الدم

محمد جهاد (بصوت عالى ونرفزه) انتو حولتوها مشكلة ،كل
كلمة اقولها بتريقه
وقرف


مجرد طلب طلبته من امى
هى بلسانها الطويل استفزتنى
مينف عش اتكلم فموضوعنا كلمتين ع بعض الا والاقى كل واحد
عنده صفحة طويله عريضة على الاء شتايم وتريقه وزفت
قرفتونى

لا وفا لآخر هجيبها نعيش فوقكم عشان تسودوها اكثر ماهى
سودة

خرج ورزع الباب وراه كسرت شراعة الباب من عصبيته ،
الغلطان هو ولا اخته
والظروف !!

وياترى ايه نهاية تشابيك زى كده

#بقلمى_نوراسماعيل



" انا ايه الى حاسه ده ؟

حاسس انى مشدود ورايح لدنيتها

حاسس ان كلمة صحاب انا بضحك بيها ع نفسي

غمضت عيني عن حقيقة الى انا فيه ومشيت ورا قلبي ..معقول بحب؟

كلامنا بيان عادى بس هو كلام حبايب مش اتنين صحاب

معقول مجرد تعود يقلب بحب؟!!

حب بنت شوفتها مرة واحدة ،وكل الى بينا كلام فكلام

بس نقاء روحها انا حاسس بيه

دى كفاية اقول ان فيا حاجه

لهفتها فانها تظمن عليا اكثر من الى معايا تحت سقف وفبيت واحد!

طب انا محتاج مجرد اهتمام فحسيت ان حب ؟

لا

الاهتمام كتير حواليا ،مضيفات زمايل

او زميلات دراسة او معرفه

لكن انا مش شايف ولا بفكر غير فيها ..❤

لو الحكاية كده ي ايهاب انهيها ...انهيها قبل م تكبر

والمؤخر الكبير المكتوب عليك هدفه عادى

انا مش قادر اعيش العيشة دى اكر من كده
طيب م تدى مراتك فرصة !
فرصة اكر من كده ... لا كفاية ..

وصال: شايفاك سرحان يعنى ومش بتاكل
ايهاب (انتبه) لا باكل

وصال: انت مبتحبش الاصناف دى ؟ كنت قولتلهم
ايهاب (بتريقه) بالعكس الخدم عارفين انا بحب ايه جدا من كتر
قعدتى وياهم

وصال رفعت عنبها وبصت لهم نص بصة وكملت نظرتها للطبق
الى قدامها وبتاكل بصمت

ايهاب: وصال ... ايه رايك فالى احنا فيه

وصال: ماله ؟

ماديا يعنى ولا ايه

ايهاب: مبقصدش ماديات ، بقصد العيشة المشتركة الى بيننا

انا وانتى

انا فشغلى وانتى فشغلك

مالناش حاجه تجمعنا

بنتقابل كل فترة زى الاغراب
مش حاسس ان دى عيشة اتنين متجوزين عادى

وصال (ابتسمت بسخرية) والله انا كبرت لاقيت مامى بيزنس
وومن بتدير شغلها
وبابى فالمستشفى والعياده وسفره للخارج
ومع ذلك متفاهمين جدا

ايهاب (بيغيظها) ومشكتيش ان باباكي يكون عينه زاغت كده او
كده

يعنى الراجل لمامش بيرتاح فبيته
بيدور عالراحه برة

وصال: بابي بيحب مامى ومتفاهمين ع كل حاجه ،ومظنش
هيشوف غيرها
ابدا مهما حصل

مين زى مامى اساسا او احسن منها

ايهاب (مبتسم وبيتكلم بسخرية) او مين زيك مثلا ،م انتى حابة
تتشبهى بمامتك

وصال (بثقه) انت بتقول فيها

انا فعلا محدش زيي ولا هيكون
اظن انها لسه متخلقتش

ايهاب: يااه!

وصال: طبعا، وع فكرة انت كل يوم لازم تحمد ربنا لوجودى
فحياتك

ده لو كنت لسه محستش بوجود الكنز ده

ايهاب فاض بيه وهيفجر القنبله فوشها

ايهاب) بيكلم نفسه وباصصلها بحدّة وهى مميله تاكل) انا دلوقت
هقولها ننفصل معدتش مستحمل

(بيكلم وصال) وصال حابب اقولك ع موضوع مهم

وصال: مم قول ،بس ع فكرة كان عندى موضوع مهم حابه اقولك
عليه

عرفته من كام يوم وانشغلت

ايهاب: موضوع ايه

وصال: قول موضوعك الاول لو اهم

ايهاب: هو مهم فعلا بس ايه موضوعك انتى

وصال (بمنتهى اللامبالاه وبتاكل عادى) انا حامل

ايهاب برء وساب المعلقه من ايده ومبعلق ل وصال

وصال: كنت متوقعه رد فعك هتنبهر ، ع حد علمى هتموت
علاطفال

بس للاسف هيجى البيبي يعطنى عن كل حاجه

ايهاب (بنرفزه) اوعى تفكرى تنزليه انا ممكن اقتلك !!!

ايهاب قال الكلمه بعفوية ووصال بصتله باستغراب جدا وهو
عرف انه انفعل فكلامه

ايهاب: مش عشان شغلك تحرمينى من ان اكون اب
وصال: انا بقول هيعطنى لكن مقولتش هنزله ع فكرة موصلتتش
انك تهددنى

ايهاب: انا عارف ان عشان شغلك مستعدة تضحى حتى لو بحته
منك

وصال: مش للدرجادى والا مكنتش قولتلك

ايهاب ع اد فرحته ، ع اد م اتحطم !!
كان خلاص هيعن انفصاله عنها ويعيش مع اية حياة زوجين
نفسه فيها
بعد م اتاكد من حبه ل اية
وبغضه لعيشة وصال ونرجسيتها واعتزازها بنفسها وكيانها فوق
اي حد
بس جه خبر انه هيبقى اب !!
وخلف كل الترتيبات

قام من عالسفرة شارد ووصال بصاله

وصال: كمل اكلك

ايهاب: شبعت

وصال: ايه الموضوع الى كنت هتقولى عليه؟

ايهاب وقف وضهره ليها بيرد بحسره

ايهاب: نسيته !!

#بقلمى_نوراسماعيل



فمطعم عالنييل ..

اول مكان يطلعوا فيه طه ونهلة سوا

كانوا انهاردة سوا برضو ،وبعد م الامور ابتمدت توضح من خلال
نهلة ل طه

حبت نهلة تكمل كل نقط الحروف

عشان يعرف كل حاجه ويبقى بالبلدى...ع ميه بيضا !

نهلة : انامتجوزة بقالى سنين ، صادق اتجوزنى عندى 28سنه
لما اتقدملى

اهلى قالو فيه فرق كبير بينكم ،، وكمان عنده طفلة عندها 9
انتى هتشتغلى مربية

مبصوش لمركزه الاجتماعى انه عضو مجلس شعب
ولا انه رئيس المجلس المحلى

ولا مشاريعه واملاكه الى مالميه البلد

توكيل العربيات الكبير الى فاول البلد بتاعه

والمستشفى الى اتحجز فيها اخوك بتاعته

واراضى وعقارات

انا مبصتش لكل ده ، انا بصيت انه راجل كويس وحنين

انا كان سبق ليا الجواز

قبله

يعنى هو متجوزنيش بنوته

اتجوزت واحد مستهتر ، شرب خمره وقرف ولعب عالفلوس
مكملتش شهرين معاه واتطلقت

كان حلمي فصادق انه هيعوضني حنان بابا
هو فالاول فعلا كان كده

وهور انا حسيت انها اختي الصغيرة مش بنت جوزي
بقت مسؤوليتي فكل حاجه

فالبداية صادق كان فرحان بيا وبمعاملتي لهور
وهور كمان حبتني وقربتلي جدا

طه: تمام وبعدين

نهلة: وبعدين مرة واحدة صادق مبقاش هو صادق
بيستتفهمني فكلامي
وفتفكيري

اي حاجه اقولها يقول عليا غبية ومعرفش افكر
اي اقتراح اقوله يقول عليا يتهمني بالسذاجه
المشاكل كترت م بينا ... ومبقتش بس مشاكل
بقت مده ايد

بقا عاوز يرسم حياتي خط امشي عليه

اتحول من انسان لوحش مرة واحدة

طه: انتى علاقتك مع جوزك بقت مضطربة و مليانة مشاكل

--طول عمره بعيد ،بس دلوقتي بعد اوى ومبقتش من ضمن اى
حاجه فحياته مش هقولكنهلة : اولوياته !

واحدة نصحتنى اغير لون شعرى واهتم بنفسى واغير شكلى عن
كده او اروح الجيم واخس يمكن
تخنت شوية مثلا

_طبعا دول مشوارين مهمين مقدرش اعترضه:
بس فى حاجة اهم لازم تعرفيها

ع فكرة مش لازم يبقي سبب نفور جوزك انك مقصرة فى حقه...
لا بالعكس

ساعات تضحية الزوجة المفرطة و استمواتها انها ترضيه بيبقوا
السبب..

سمعت عن واحد من صديق ليا كان بيطفش لما بيحس ان مراته
معدهاش حاجة غيره فى حياتها... مفيش اهتمامات عندها غير
هياكل ايه و هيأبس ايه و هيأعد معايا اد ايه..

ساعتها بس بيحس انها مملة..فاضية.. مفيهاش جديد..
مواضيعها مكررة..

ساعتها بس ببدا يدور علي حاجة جديدة مثيرة عندها جديد
تحكيه..

انا مقلتش انه هيدور علي واحدة تشاركه اهتماماته... لا هو
هيدور علي واحدة يشاركها اهتماماتها... و توريله دنيا جديدة..

نهلة: بس مبحسش ان صادق همه واحدة ست ع ادم همه نفسه
وسيطرته وصورته

طه: طيب انتي عارفة ان كل اخصائين الاستشارات الزوجية
بيدينوا تضحية الزوجة عشان عارفين ان معظم الرجاله بيعتبروا
تضحية الست ... غباء و ضعف

دينك مقالش انك تضحى بحقوقك.. ايا كانت عشان اي حد.. لا
زوج و لا اولاد..

نهلة: انا مش بس ضحيت ،ضحيت واتنازلت كتير واخرهم ابني)
قالتها بطريقه كلها حزن)

طه:الراجل بيحب الست المستقله فكريا و اللي عارفه حقوقها و
بتحافظ عليها حتي لو بين العكس..

عايزة منه اهتمام... اهتمي انتي بنفسك..
عايزة يحبك... حبي انتي نفسك...
عايزاه يحترمك... احترمي انتي حقوقك و انوثتك و احتياجاتك
كلامى ده لو كنتى لسه باقيه عليه ومش ...

نهلة: اا قطعت كلامه) انا خلاص يا طه مش عاوزة منه حاجه
،عاوزاه يطلقنى ويسيبنى
طه: اطلبى الطلاق يانهلة ،اطلبيه وانا جنبك ومش هسيبك

نهلة(هزت راسها بتريقه) ياريتها ساهلة زى م انت فاكر
صادق يموتنى وميطلقنيش

طه(بضيق) اخليه ، انتى مش عاوزة منه حاجه

نهلة: اخلعه! تفتكر مفكرتش فالحل ده
بسبب حور كنت بتراجع ،كانت محتاجانى جمبها طول الوقت
لكن صادق الراجل الملياردير السياسى المعروف
يرضى اسمه يتلطح فالمحاكم بقضية خلع وتبقى قضيه الموسم
اراهنك اكون فقبرى قبل م اوصل المحكمة

طه: ليه يعنى مالك الكون !! انا بحبك وعاوزك يابنت الحلال
وشاريكى

والله العظيم م اتمسكت بصنف ست فحياتى ادك
حتى لو موضوعك ملعبك ليها حل
لينا ربنا فوق صادق والى زيه
هو احنا قصدنا ايه غير الحلال ..والحلال قصدنا نكون سوا فنور
ربنا
مش عشان اى حاجه
حتى لو عندك وعندى م يمنع

نهلة: عشان كده بقواك نبعد
طه: نبعد ونتعذب يعنى ونموت عشان واحد ميعرفش ربنا وفاكر
انه يقدر يمشى الكون
ليها حل باذن الله الا البعد

نهلة: طب دلوقتي هنعمل ايه ،انا خايفه يعرف بالى بينى وبينك
ولو عليا انا مش مهم
خايفه يأذيك

طه: ميقدرش بعون الله ربنا قادر يخفسه ،ميقدرش يعمل حاجه
ارجوكى تتقى بالله ثم فيا

نهلة : يارب

طه: والله العظيم بحبك ، و م صدقت لاقيتك

زعلان انى مش هقدر اوصلك ع طول وطريقي ليكى مش سالك
يابنت الحلال

بس كاه بامرہ

يلين الحديد ...وتكونى ليا


نهلة ابتسمت اول مرة من اول م قعدوا ...طه مستعين بالله اولاً
واخيراً

عاوز شئ حلال طريقه مسدود

بس ظنه بالله خير

يسهل الصعب ..

#بقلمى_نوراسماعيل



فنجان شای بيتخط ...

مامت روفيدة: منور يابنى

يامن: بنور حضرتك ، هو عمى فينه بس

انا اديت علم لروفيدة انى جاي

الام: هو كان موجود بس جه واحد من زمايله كلمه ونزل يشوفه
جاي ع طول متقلقش
بس انا ... (بصت لروفيده)
كان عندي كلمتين كده عاوزة اقولهم ليك
قبل م ييجي عمك

يامن: خيراً اتفضلى

الام: هو بس يابنى مش عاوزة كلامى يبقى ثقيل ع قلبك ، انا
بكلمك زى م تكون ابني واكثر
يامن: طبعا حضرتك فى منزلة امى وربنا العالم

الام: تسلم ي حبيبي ، هو انا بس كنت بسالك ، انت وروفيده بنتى
بقالكم فترة قاريين فاتحه
ودلوقتى لابسين شبكه
وقدامك السنة دى وتخلص
وبعدها جيش

يامن: بدون قطع كلام حضرتك ، ان شاء الله مفيش جيش ليا

الام: يارب يابنى، عامه انا بحسب باسوء الظروف

كل دى سنين بتتعد عليكم
وانت لا جهزت شقه ولا فلوس مهر ولا عفش
ولا تشطيب
وطبعا لسه ممسكتش شغل

روفيده جاية وماسكة طبق فيه لقمة القاضى بالسكر ودخلت
،حطته جنب الشاى
وقعدت جنب مامتها

روفيده: ماما ايه لزمة الكلام ده
الام: الله! يامن بيسمعنى ومتقبل كلامى متدخليش انتى

يامن (بيرجع النضارة ع وشه بارتباك) انا فاهم حضرتك ، هو
بس الظروف حاليا مش متوفرة
لكن...

الام: وهفضل مش متوفرة لحد امتى يابنى ؟ وبعدين هتخرج
تستلم التكليف
بتاعك

تقبض ملاليم
ومتأخذنيش
باباك انا عارفة البير وغطاه

يامن (اتخرج) والدى مالوش علاقه بالموضوع
انا الى هجيب واجهز كل حاجه
وباذن الله بعد التكليف هشوف شغل
كويس فمستشفى لحد م يبقالى عيادتى الخاصه

الام: ايوة يعنى ولحد م يحصل ده كله هتعدى كام سنه ! وانتو
بقالكم كام سنة مخطوبين
يابنى

يابنى انت ع راسي
وفرحانه بيك وشايفه فرحه روفيدة بيك كمان
ودى بنتى الوحيدة

يامن: حضرتك انا مش هتاخر حتى لو هشتغل فحاجه جمب
التكليف واقدر ابني شقتي
الى فبيت والدى

الام: لا!

يامن استغرب وروفيدة وبصت لمامتها

الام: معلىش يابنى ، بيتكم قديم
ثم كمان بنتى متبعدهش عنى

انا ماليش غيرها بعد ابوها

يامن: بس عمى وجدى مقالش اى اعتراض ع موضوع السكن ده

الام (بحدة) انا بقا الى معترضه ! وبصراحه قولتلك كل الكلام ده

عشان تشد حيلك عن كده

وتشوف ممكن تخلص وتجهز ازاي

السنين دى تجيب لبنتى الكلام

وم يقدر عالقدر الا ربنا

يامن اتكسف وقام عدل قميصه من القاعدة وبص فساعته من
الاحراج

يامن: كلامك صح ، انا بس مضطر استأذن عشان ...

روفيدة (بزعل من امها) ياماما ينفع كده ! استنى ي بامن
متمشيش ملحقتش اقعد وياك

يامن: هجيك مرة تانية ي روفيدة ، السلام عليكم

نزل يامن ووقفت تبص عليه روفيدة بضيق ورجعت لمامتها
تتنط زى الاطفال ومتعصبه

روفيدة: ي ماما حرام عليكى

الام: حرمت عليكى عيشتك، انا كنت بتكلم فمصلحتك
خطوبة ايه الى تقعد ده كله ومش باين ملامح لجوازكم
الله!

هركنك جمبي والاسم مخطوبة

روفيدة: بس بابا راية مش كده

الام: ابوكى رايه من رائبي، بس كان محرر منه عشان هو مؤدب
وذوق

هو زى الفل مقولناش حاجه بس يشهل

روفيدة: الله وهو هيعمل ابيه

الام: يعمل الى بيعمله كل الناس والشباب الى زيه

هو يعنى هيخترع الذرة

ولا لبسك حته دبله نقعد عليها 10 سنين تانيين


يشهل عاوزة افرح بيكى ، ده انتى الى حيلتى

روفيدة نفخت واتعصبت برجلها

الام: او عى متنفخيش انا بعمل ده لمصلحتك ،خلينى اشوف الى
ورايا او عى
سمعنا كلامك وزنك
وفالاخر هتقعدى كده لا لاحقه سما ولا ارض

روفيدة اتضايقت من كلام مامتها ع يامن ،ودخلت ورزعت الباب
ع نفسها بحدة
كعلامة اعتراض عالموقف ككل ..

#بقلمى_نوراسماعيل



" بابا ...انا مش موافقه !"

بابا رضوى: يعنى ايه مش موافقه ،ده ظابط فالبحرية

يعنى ايه اقول لا ؟

بتستعبطى يابت (رايح يضربها)

مرات باباها: استنى بس واهدى عليها ، (بتكلم رضوى) قولى

ليه رافضاه

اظن المرة دى واد يشرح القلب

رضوى (بضيق) مش عشان ظابط فالبجربة هوافق وخلص
انا لما قعدت معاه
لاقيت كذا عيب

مرات باباها: رضوى ميتعيبش العريس وانا حايشه ابوكى عنك
بالعافيه

الاب (عاوز يضربها) قسماً عظماً اموتك دلوقت واخلص منك
ايه الى ده لا
وده لا
وده
فيه ايه يابت
معمولك عمل

ولا لسه دايرالى ع حل شعرك مع الواد الفلتان اياه (ضربها بحد
ع دماغها)

رضوى (بتتالم من الضربة) والله ابدنا ماليش دعوة بيه خلاص
الاب: اومال ايه حكايتك يابت (ضربها بلكمة فكتفها)

رضوى: ياناس واحد قعدت معاه ومرتاحتش مش بالعافيه بابا

مرات الاب: خلاص اطلع انت وانا هتفاهم معاها

خرج باباها

مرات الاب: قوليلي مالك وانا مش هقول لابوكي بس نفهم

رضوى: مفيش حاجه ،مش عاوزاه

مرات الاب: وكل عريس مش عاوزاه يارضوى

من كتروا خطابها بارت

وان دلوقت بيجولك كتير

بكرة وبعده من بطرك

ده متلاقيش الى يعبرك

وع ايه

الراجل كويس وابن ناس وشاريكي

رضوى: يوووه (عيظت)

مرات الاب: ياغلبى يانى ،معرفش اخرتها معاكى ايه انتى

سابتها وخرجت ، وفضلت تعيط رضوى

مسكت الفون تتصل ب نوران صاحبته تحكى وتفضفض معاها

من لبختها

اتصلت بهند بنت خالتها
ومعرفتش ان المكالمه غلط غير لما سمعت صوت محمد لما رد
عليها

رضوى: الو ..

محمد جهاد: الو...مين

رضوى (بتبص فالاسم لاقتة هند راحت شتمت نفسها) معايا مين
محمد؟

محمد جهاد: ايوة

رضوى: انا رضوى بنت خالتك يا محمد معلى كنت بتصل
بصاحبتي وجه
الضغطه ع اسم هند

محمد جهاد: ولايهمك ، هو بس اناشوفته رقم

وهند سايبه الفون بتاعها عالكنبة

فقولت حد بيعاكس

رضوى: هي هند مش كاتبه رقمى ولا ايه

محمد جهاد : لا يمكن مسفياه بس لما غيرت العدة بتاعتها راح

رضوى: اه

محمد جهاد: مالك صوتك شكك معيطه

رضوى: انا لا ، بس عندى نزلة برد

سلامتك

محمد جهاد: اللهيسلمك

رضوى: طب انا هقفل وابقى سلم ع خالتى وهد ووطن عزة

محمد جهاد: الله يسلمك

قفلت وعدت هند ،قالها محمد ان رضوى كلمتها وهو رد لان

شافه رقم

هند برطمت بكلمتين من تحت لتحت ان كان نفسها يتجوز رضوى

بس معلتش

صوتها عشان ميتخانقوش زى كل مرة

اما رضوى

فهي المرة دى اتصلت صح ب نوران صاحبتها، وحكت لها كل

حاجه

حتى المكالمة الغلط الى حصلت

لان معندهاش غيرها صديقه

فبتحكيها الى له لازمه والتافه ونوران بتسمعلها بانصات وبتديها
النصيحه ع اكمل وجه

شارت عليها بصلاة الاستخارة عشان العريس

رضوى راسها ناشفه مش عاوزة ترتبط

لكن مع طريقة نوران فالاقناع اقنعتها تصلى وتفكر تانى

وهنشوف

رضوى ممكن ترسي قراراتها ع ايه فالآخر ؟

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

مارسيلينو : خازوووق !

انتى لبستونى فخازوق مغرى

زى م تكونوا رموتونى قدام قطر وبتقنعونى انه مش هيدهنى

اخوه ١ : اسمع ! احنا مكناش نعرف ان هو كمان مفلس زى بابا

اخوه ٢ : وطبعا احنا زعلانين ومتضايقين زينا زيك بالظبط

مارسيلينو: اعمل ايه بزعلكم انا ،اروح وزارة التضامن

الاجتماعى

اقولهم تضامنا معانا انا واخواتى زعلانين

يسالونى ليه

اقولهم عشان بس فيه معزة بتضبش ومكسحه لبسوها فخلقتى
العمر

كله لا هعرف افرفر منها ولا حاجه

الاب: م تتهد بقا ، احنا مصيبتنا زينا زيك بالظبط

مارسيلينو : لا انتو مش زيي

محدث زيي

انا وحدى الى بنام ومعايا زومبي

اخوه: بص ، انت تشد حيلك وتجبب لنا مولود مبارك

نفرح بيه

وده هيزيل الخلاف الى بينكم اسمع كلامى

مارسيلينو : اجيب ايه! سمعنى تانى

اصلى عاوز اتسلطن

انا مبستحملش ابص فخلقتها ٨ ثوانى ع بعض

اقوم واخدها فحضنى

وهى تتشعبط فرقبتى زى الضفدعه الكسيحه بالظبط

وابوسها وو.....لالالا

دى الواحد يعدى ع وشها بمكوى يضيع ملامحها الاول

جايز بيدء ع نضافه

الاب (بخضه) هو انت لحد الان مجتش ناحيتها يا واد؟

اخواته كلهم بصوله وقربوا عليه ببصة غريبه تخض

مارسيلينو : فيه ايه انتو هتتحولوا ولا ايه ؟

لا انا مسبش كبير عصابة المستنبيين هناك

عشان الاقى شلة العذاب المقنع هنا

اخوه: يعنى ايه ملمستش مراتك لحد دلوقت

مارسيلينو: تعالى المسها مكانى وشوف هتتسع ولا لا

الاب: اتادب يا ولد عما فعينك ،دى مراتك عيب تتكلم عليها

بالطريقة دى

مارسيلينو : انا عاوز اعرف انتو كلكم بتعزوها ليه وبتحبوها

ودايبين فدباديبهت

ليه مش فاهم

ليها فلوس عندكم

ولا ماسكة سى ديهات عليكم

فيه ايه

ياجدعان نفسي فحد بيفهم فالعيله دى ،اقوله

انا كنت برنس زمانى واحلى بنات كنت مصاحبها

فجاة ماشى وفحالى اتزحلق ففشرة موزة

اتشقلطت دبل كيك نزلت ع نافوحتى

بتعدل

لاقتنى متجوز درفة نيش مخلووعة وليها سنتين ممكن فای وقت

تستخدمهم كسلاح

لمص الدماء

الاب: عشان انت مشيك كان غلط وحرام وميرضيش يسوع عنك

دى يامغفل الى هتمسكك

من ايدك للجنة عند القديسين والشهداء

مارسيلينو: ماهو انا بعد جوازى من لينزى اتحسبت مع الشهداء

خلاص

المهم

نهايته

فلوس مفيش

وانا الى اتعكيت

خلصونى من الورطة دى

اخوه: هو لعب كورة؟ مينفعلش الجواز ابدى بسم الرب يسوع

ومن جمعهم الرب لايفرقهم انسان

مارسيلينو: ماشى ع عيني وراسي برضو عاوز اسيبها

الاب: كل ده عشان شكلها مش زى م انت عاوز ؟ المهم الروح ي
ابنى

لينزى طيبة وبنت ناس

مارسيلينو: وبتلعب كونج فو، من يومين بتقولى صباح الخير
مسمعتهاش

رجعت خطفتنى شلوت ع عمايا

كنت هقع ع سيراميك الحمام

اخواته بيضحكوا

مارسيلينو: بتضحكوا؟ عاوز اخلص من ام الجوازه دى

لا اروح اسيب غاز الشقه واسيبها تولع مع نفسها

الاب (بخوف) اوعى تعمل كده انت عاوز تجيب لنا مصيبه ولا ايه

مارسيلينو: يعنى ايه مفيش حل

اخوه ٢: اتقبل الوضع زى م هو ، خلاص ربنا عاوزلك كده

واوعى تلعب بديك زى م كنت
ساعتها ياحلو هتروح فداهيه هتروح

مارسيلينو: ليه وانا كده مش رايح، انا فالطريق اهو يدوب فاضل
له

نفر ويطلع بينا

الاب: اسمع احنا هاودناك كتير ، اتعامل مع مراتك كويس وبذوق
وحاولوا تتفاهموا سوا

موضوع وشربناه خلاص مفيش رجوع

يعنى هى والدتك الى حلوة !

والدتك روحها جميله واخلاقها

ارضى بامرك الواقع ومتقرفناش

مارسيلينو بصلهم بقلة حيلة ، هيسلم امره ولا لا؟

♡♡♡♡♡♡♡♡♡♡♡♡♡♡♡♡♡♡♡♡♡♡♡♡

#صكوك_الغفران

روايتى رقم 12

#بقلمى_نوراسماعيل

هصكوك الغفران ♠

♡♡

اوائل سنة 2016

=====

"تقربوا وتبعدوا بمزاجكم..."

تسكتوا وتكلموا برضو بمزاجكم...

ولما رد فعلنا يبقي مش علي مزاجكم نبقي إحنا الي وحشين
وزبالة؟!

فيه ايه يا اولاد الكلب؟ هو مفيش حد بيحس غيركوا ولا ايه "

اخت مروان : فيه ايه ي اسماء بتتكلمى كده ليه ؟ كل ده عشان
قولتلك مروان متضايق
اكنك هتتخطبي؟؟

اسماء: مروان متضايق ؟ مروان ايه ؟

قوليلي مروان علوز ايه

بقالى كام سنة جمب مروان ...الصاحبة الجدة الي بتخاف عليه
وع مصلحته

بقالى كام سنة شايفاه يرتبط ب دى ويسيب دى

بقالى كام سنة

حاسة باحساسى وكتماه جوايا بيكبر يوم عن يوم

يغير عليا

اساله ليه ي مروان ...يقولى عادى اخوات واصحاب

يتضايق لو اتكلمت مع اى حد

عاوز خط سبرى يوميا روحتى فين وجيتى منين كل يوم

كل الحجات دى بدمتك تفسر اننا مجرد اخوات واصحاب!؟

اغت مروان شايفه انهيار اسماء وساكته مش عارفة ترد ب ايه

اسماء: لو جالى عريس وخلص هوافق ، يتخفق ويزعل ويقعد

يقولى ارفضى

لا ي اسماء

متتخطببش

افرح انا واقول بيحبك يابت

(بانفعال) ي شيخه ده من غلبى فمرة قولتهاله

انا بحبك ي مروان

وانت ؟

قالى مش عارف (بسخرية) قال مش عارف

اومال مين الى يعرف

بتعرفنى عالبنات الى بتصاحبها ليه

وبتقولى كل اخبارك ليه
وبتستنى اتظمن عليك يوميا ليه
وقبل م تنام تكلمنى واول م تصحى، تصحى ع صوتى
كل ده يفسر اننا اصحاب واخوات !!

او ك طالما هى صحوبية واخوية، نمشيها للاخر وييجى يباركلى
انا خلاص وافقت
وقريب هيحضر الخطوبة

اقت مروان: بس انتى كده بتظلمى واحد معاكى مالوش ذنب انك
بتحبي غيره

اسماء: مسيرى اتعود عليه واحبه، ده حد اشتراى ع فكرة وجه
وظلبنى اكثر من مرة
وانا بقا عاوزة الى شارينى
مش الى طول عمرى قدامه... ومعرفش قيمتى غير وانا بروح
من ايده !

سكتت اسماء وهديت انفاسها الى كانت مشعله وهى بتتكلم
بحرقه

عن كل حاجه حست بيها مع مروان وطفاهما

اسماء اخدت قرار صح انها تبتدى مع حد شاربيها بجد حتى لو
قلبها مش معاه
فبالعشرة هتقدر

واوقات جوازات العقل بتستمر عن جواز العاطفه
لو الاتنين عاوزين ينجحوا العلاقه ... او الجوازة دى .

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

علبة قطيفه حمرا جواها شبكة ...
محطوطه ع مكتب يامن فبيته ، وهو قاعد باصص لهابحزن
وعيون فيها دموع .

بتدخل والدته جايبه كوباية ينسون بالعسل عشان تهديه ، وقعدت
جمبه

الاول طبطبت عليه

ومسحت ع شعره بهدوء ...

الام: قدر الله وماشاء فعل ي حبيبي ،الى حصل مكتوب لك من
وانت فبطنى

وانت ملتزم ومؤمن بقضا ربنا

وان شاء الله هيكتبلك الخير مع الاحسن منها

يامن (باصص لعبة الذهب وبيتكلم بهدوء) بس انا مكنتش عاوز
احسن
منها
عاوزها هي ..روفيدة

الام: يعنى انت كنت هتعمل ايه اكر من الى اتعمل
خطبتها من وانت بتدرس
وقدمت لها شبكة
كلمت ابوها ع كتب كتاب مرضيش
قالوك ظروفك مش مساعدة وهركنها جمبك
دورت ع شغلك حتى وانت دراستك صعبة واشتغلت
ولولا زميلتك الله يكرمها دكتورة حور دى
كان زمانك بتدرب ببلاش وبعد التخرج بتاخذ ملايين عشان لسه
دكتور مبتدئ
جابتلك شغل فمستشفى ابوها
وبقيت تسافر وتيجى واتشحطت ي والداه م بين الكلية والتخرج
والتكليف والشغل
ومع ذلك جيت ع روحك
هما بقا شافو ان لسه مشوارك طويل ،، وان جالها الى هيشيل ع
طول

المهندس الى فرحانين بيه ده احسن منك يعنى !

والله ابدأ

بكرة يعرفوا قيمتك لما كانوا مناسبين واحد زيك بيتقى ربنا فبنتهم

وخلص رجعوا لشبكتك وقالوا انصيب وقف لحد هنا

نقعد ونزعل !

او مال عارفين ربنا ازاي يا بنى

يامن رفع النظارة من ع عيونيه مسحها من الدموع وحطها تانى

وبص لأمه بحزن

يامن: راضى بقضاه والله ، انا لله وانا اليه راجعون

انا بس

كنت بحبها

وعملت المستحيل عشانها وعشان ميبقاش فيه تقصير

الام: ايوة عليك نور يا بنى ، انت مقصرتش فحاجه خالص

هو نصيب


وشئ ومتقدر ي حبيبي

يامن : ونعم بالله ، الحمد لله ع كل حال

الام: قوم اغسل وشك واتوضا وصلنى كده واستغفر ربنا
واحمده ع كل الى يجيبه
لا انا ولا انت نعرف الخير فين
وانا واثقه ان ربنا هيعوضك وهتقول امى قالت

قام يامن وخرج للحمام يتوضى ، وقفت اليمنى تبص بحزن ع
اخوها
وع حاله
وبتدعى فسرها يعدى المرحلة دى ع خير وبسرعة ..

#بقلمى_نوراسماعيل



صورة سيلفى سوا بالسناب شات ، اتلقت وبعدها ضحكوا ع
منظرهم فيها
وهما فالكافيه قاعدين سوا..

رضوى: انا قولت لبابا انى راичه لتيتة عشان اجى اشوفك
انت مخلينى اتلكك كتير (مبتسمه)

حسين: طب بذمتك مش بتبقى عاوزة تشوفينى ولا انا بس الى
عاوز اشوفك

رضوى (مبتسمه) وانا كمان ، مرة اقوله بشوف شغل مناسب
متضايقه من قاعدة البيت

ومرة تيته

ومرة هشتري هدوم

تلاكيك كلها وربنا يستر بقا

حسين: ع فكرة عندي خبر ليكي حلو ، وعارف انك هتفرحي

رضوى: قول

حسين: انا اتقبلت فالوظيفة بتاعت شركة السياحة

رضوى (بفرحه) مبروووك ، انت عايز هدية بقا

حسين (ضحك) الحدق الى يفهم (بيبيص حواليه) بقولك ايه

م تديني حلاوتي بقا

رضوى: الله ! قولنا ايه عالحركات دي

مفيش يعنى مفيش

حسين اتضايق وولع سيجارة ، خطفتها من بوقه وطفتها

حسين: ليه ي شيخه حرام عليكى انتى عارفة علبة السجاير بكام

رضوى: مش اغلى من صحتك ، وبعدين انت هتشتغل وتبقا راجل
مسؤل

عاوزين تاخد بالك من نفسك

احنا لما اتفقتا نرجع بعد م حضرتك فسخت ،ساعة م روحت
خطبت وسيبتنى

حسين: واية لزمتهما السيرة دى م احنا قاعدين مبسوطين اهو ()
بيمشى ايده ع خدها)
ولسه هننيسط

رضوى: ليه وانا هنسي تعبي لما سيبتنى وروحت خطبت وكنت
بتكتب لها كلام حلو وقال مش عارف ايه

حسين: خلاص ي رورو بقا مانا رجعتك اهو

فون رضوى بيرن بتشوفه لاقت نوران

رضوى: استنى ارد ع نوران

حسين: انا مبحبش البت دى ،حتى لما بكلمها عشانك لما بتقفلى
تليفونك

بتكلمنى من طراطيف مناخيرها

رضوى شاورتله يسكت وابتدت تتكلم

رضوى: الوي حوبياه انا برة فيه حاجه

لا مش عند تيته

هقولك لما اروح

تمام ماشى

* قفلت المكالمه *

رضوى: كنت بتقول ايه ع نوران ؟

حسين: مبقولش ،فكك منها

المهم هقوم انا عشان عندى كذا مشوار كده

رضوى: خلاص وانا كمان عشان متاخرش ،هتكلمنى بليل ؟

حسين: معرفش ع حسب فاضى ولا مع العيال

ومعايا رصيد ولا لا

رضوى: ع كل حال انا هتصل بيك ماشى ،يلا باى باى هتوحشنى

قامت رضوى وخرجت قبله عشان محدش يشوفها برة الكافيه من
الى يعرفوها

ومشيت عالبيت وفالطريق اتصلت بنوران وحكت لها انها قابلت
حسين!

نوران: هو انتى مبتحرميش ،قبل كده مش حد من قرايب مرات
باباكي كان هيشوفك
وبعدين فيكى بتقلقينى عليكى

رضوى: ربنا ستر ،المهم انا فرحانه اوى انه هيستلم شغل
يعنى المسافات قربت انه ييجى تانى يخطبنى وبابا ميقولش عليه
انه فاشل
ومينفعش

نوران: ع اساس لما كان خاطب قبل كده كان فيه الى بيمنعه
الحجج والاعذار دى بيخلقها ليكى
وانتى زى الهبله بتصدقى وبتمشى وراه

رضوى: حسين مش وحش ي نوران ، الظروف بس معانداه

اهله بعد الرفض هو قالهم وشافوا ان كبيرة انه يترفض
وكمان كرامته وجعته من بابا

نوران: تمام كل ده كويس، وخلص متوفقش مع واحدة غيرك
وعارف ان سكته اولها واورها عندك
خلص يقتع اهله بيكى ويقولهم انا عاوز دى
لكن هو سلبي
ومبياخدش خطوة بجد واهله بيمشوه

رضوى: لا يانوران حاسة المرة دى علمت حسين انه مالوش
غيرى
وخلص هانت
وهنتخطب

نوران: انا مكرهش ي رضوى انا بحبك الخير، بس يكون صادق
فكلامه
يبطل يكون بياع كلام

رضوى: ان شاء الله يانوران هانت والله وهتفرحى بيا قريب
وبعلمى
الى هيتحقق

نوران: ربنا يكتبك الخير ويبعد عنك الشر يارب

رضوى: ربنا يكتبهولى هو وخلص اى ان كان ،خير...او شر
انا عاوزاه!

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

لبسها الاسود فاسود زودها جمال ،بقالها شهر لابسها
من يوم وفاة باباها مقلعتوش
مع انها تعتبر عروسة وخلص بتجهز فرحها ...

محمد جهاد : (بيحط ايده ع ايدها بحنيه فوق التريزية الى
قاعدين عليها)
حبيبي .،تحبي نروح فين انهاردة ؟

الاء: (بعدم حماس) اى حتة مفيش حاجة فدماغى يا محمد

محمد: لا عاوز لؤلؤ الفرغوشة السوكر بتاعتى

الاء: بص ...كل الحجات عماله تخبط ورا بعضها

محمد جهاد : ولا بتخبط ولا حاجه ي حبيب محمد ، كل الحكاية
بس انها شوية
عقبات بس بتتحل

الاء: يعنى بعد م مشكلة الارض تتحل وخلص بنجهز
بابا.... (سكتت وعيونها دمعت)

محمد جهاد : يا حبيبتي حتهون والله ادينا سوا

الاء: معرفش ليه طول الوقت فرحتى ناقصة ...حتى لو كل حاجه
تمت

من غير بابا
انا مش فرحانه

قرب منها محمد وضمها له بحنيه عشان يهديها ويطمئنها كالعادة
مش عاوزها تنهار

محمد جهاد : ياروح قلبي انا جمبك ، وبابا فمكان احسن
اطلبي له الرحمة

وربنا ان شاء الله هيعوضنا كل الصبر الى صبرناه ده
فالآخر مالناش الا بعض
يانن عيني من جوة

الاء: محمد انت اكثر واحد بتخلينى اتمسك بامل للدنيا واحبها
بتخلينى عاوزة اعيش

محمد جهاد: بعد عنك كل شر ، ان شاء الله طالت ولاقصرت
كل الكعبة دى هتنتهى
صدقينى

* حابب يغير الموضوع*

محمد جهاد: وبعدين تعالى هنا ، ، هو انا يابت مش عامل الى عليا
وبسعدك
(غمز لها)

الاء: (ابتسمت) بص يامحمد مش كل مرة تسلم الجرة
من اول مرة حصل ومحصلش حمل الحمد لله
و انت فداغك تكرر ها انا عارفة مدام ربنا سترها
المره الى فانت ربنا ستر ومحدث من اهلك طلع واحنا فوق
مفيش تانى ليوم الفرح انت فاهم !

محمد جهاد: الى يسمع كده يقول مقضينها انا وانتى ، ياناس
خاطبها بقالنا سنين
ومكتوب كتابنا وهما مرتين عمى الى حصل فيهم كده

وبعدین انا مش كنت بهدیكى (باس ایدها بهزار)

الاء: لا تهدينى ولابتاع خلاص بقا مش هقعد تانى حاطه ايدى ع
قلبي خايفه

محمد جهاد: ع فكرة والمصحف الشريف انتى مراتى

الاء: مراتك عالورق وده الى كل الناس عارفينه

محمد جهاد: بس الى بينا ده مش حرام ع فكرة

الاء: يوووو متجادلش يا جهاد هى غلط وانت عارف وبتكابر
انا اعصابى مش مستحمله اصلا

حضن بكف ايدى كفوف ايدىها بحب وبصلها بصة اتعودت عليها
منه، وقاموا من المكان

وراحو غيره، اى حاجه بيعملها محمد عشان خاطر الاء وبس
والاء كمان كل دنيتها محمد

برغم الظروف والعقبات واى حاجه توقفهم ...

#بقلمى_نوراسماعيل



بيوتى سنتر ، وسبا

وجاكوزى

وچيم نسائى

مشروع عملته نهلة خاص بيها.

بعد علاقتها ب طه ، اتغيرت فيها حجات كتير

بطلت توقف حياتها ع صادق وبس

او تفكر هو سايبها ومهملها ليه ، سمعت كلام طه ان يكونلها

كيان خاص يشغلها

طلبت الطلاق من صادق مرة واتنين موافقش

ولسه حياتهم سوا ماشية ع نفس المسيرة

حتى حور لاحظت التوتر الى بينهم ، بعد م اتخرجت وبقت تشتغل

فمستشفى باباها

وماسكة ادارتها

فخلاص بقت متواجدة ع طول وملاحظة ، يمكن كلامها بيهدى

نهلة كتير

وبسببها نهلة بتصبر رغم ان نفسها تخلص من قيد صادق

عشان تكون مع طه فالحلال ...

الشغل بقا يشغل معظم وقتها ، ولو فضل وقت تانى

بيبقا لطه ...

نهلة : انا واقعه من الحوع وقولت اكل وياك

طه : حبيبتي بس انا خايف يكون بيمشى حد وراكي او كده
بعد م طلبتي الطلاق اكثر من مرة
هيشك فيكي

نهلة : يشك يشك ، يارب يحس ع دمه ويطلقني
طه : انا مش عاوز يعمك مشاكل ، انتى بتتصرفى عادى كده كانك
مش متجوزاه
وهو راجل مش سهل

نهلة : انا وفرت عليه كل ده وطلبت الطلاق وهو مش موافق
يستحمل

وبعدين انا جاية اكل واقولك ع خبر بمليون جنيه

طه : خير

نهلة : عقد عمل ، ست من الستات عملاء البيوتى سنتر بتاعى
جوزها بييجيب تاشيرات
وعقود عمل فالخليج

انا من فترة قولتها علشانك
وقولت لما بييجى اعملهاك مفاجاة ، هتسافر الامارات
وتشتغل نفس شغلك هنا كاشير بس فهايير كبير ف دبي

طه باوصلها ومستغرب عملت كل ده امتى ؟

نهلة: انا خلاص ي طه ، بقيت بحس بيك من غير م تتكلم
راجل وجدع وشهم واد كلامك
عارفة ان عليك مسؤوليات كتير ومهما كنت بتحبنى عمرك م هتقبل
اساعدك

حببت اشارك فرفع الحمل عنك
حببت اعمل اى حاجه اقدمهاك قصاد كل الى بتقدمهولى

طه: وهو انا بعمل ايه ي نهلة ليكى

نهلة: انت ! بتسال بتعمل ليا ايه
انت رفعتنى من غير م تحس
خليت ليا شان ، واحده ليها كيان
مش طول الوقت بتخفس بيا وبتفكيرى الارض
انت شجعتنى الاقى نفسي الى اتدفنت مع صادق
انت بتتيمنى كل يوم ع وشى مرسومه ضحكة من زمان
مزارتتيش

كل ده وبتسال عملت لى ايه
عمرى م هوفيك اد الى قدمتهولى ي طه

طه: عشان ربنا عالم بحبك ازاي وبخاف عليكى ، عارف ان الى
احنا فيه ده غلط

ومش من حقى احبك او اقرب منك وانتى ع ذمة واحد تانى
بس انتى مظلومه معاه
وانا مقدرش عالبعد بصراحه

نهلة : ربنا يخليك ي طه ي احن حد شوفته فحياتى

طه: مش عارف اقولك اتبسطت بخبر شغل الخارج ده ازاي
هيعمل نقلة معايا منكرش
اسماء هجهزها جهاز ملوكى وباقى اخواتى
وهنكس البيت ونظبطه
ربنا يسعد قلبك ي نهلة يارب

نهلة: ويسعدلى قلبك

طه: طيب ، احنا اه الى بينا مالوش علاقه
بالشغل

العقد والتأشيرة هدفهم عشان ميقاش فيه نقاش وكلام تانى

نهلة: عارفة دماغك الناشفه، انت ياسيدى سافر ورتب نفسك

وبعدها

ابعت لى جزء جزء

خلاص !

طه (ابتسم) تسمحيلى ي ست الكل اقولك انى بحبك

نهلة (ضحكت اوى) اسمحك

ضحكوا سوا وقضوا سهرتهم يتكلموا عن المستقبل الى هيتغير

وهيعملوا ايه

لما ربنا يريد وتسبب جوزها

وتكون زوجته ع سنة الله ورسوله ..

بس الى هما ميعرفوش ان مينفعلش اعيش حلم حلال فوقت حرام

والى بيستعجل شئ قبل اوانه بيتعاقب بحرمانه

الحب اعمى ومعروف، بنمشى طريقه مغمضين

ومهما كانت العواقب ... بنتحمل عشان قولنا اننا بنحب !

#بقلمى_نوراسماعيل



" هو ايه الى بيحصل لنا ده ؟"

"بيحصل ايه "

" احنا تقريبا مبنسبش بعض الا عالنوم ، فيه ايه لكل ده ي
ايهاب ؟"

" عاوزة تعرفى فيه ايه ؟"

" عاوزة افهم ليه بقيت بعمل كل حاجه من غير حساب ولا تفكير
....ليه بقيت ماشية كده كان حاجه بتحركنى "

" الى عاوزة تعرفيه هو انى بحبك ي ايةبحبك اوى كمان

انا اتأكدت من احساسى ناحيتك خلاص

بحبك بالظبط زى م اكون بتكلم واكل واشرب

حبي ليكى شئ اساسى

وانا من اللحظة دى ي اية ، عمرى م هخذلك ولا اسيبك ولا

اندمك ع انك تخطيتى حدود

كل حاجه حطتها لنفسك فيوم بسببى "

* بتفتكر فميعاد اتفقوا يتقابلوا فيه *

" انا سمعتك ، وسمعت كل الى مريتى بيه

من اول ظروف وفاة اختك لتحملك مسؤليه بناتها

لوقفوك قصاد اهل باباهم فالمحاكم

ووفاة مامتك بحسرتها ع اختك بعدها ،ومبقاش ليكى حد
والمكايد الى كان بيعملها جوز اختك فيكى
عشان البنات لحد م توفاه الله
ده غير مصاريفهم وانك بديتى مصلحتهم عليكى ..تفتكرى كل ده
واحدة بالاخلاق والتضحية دى
مش هحبها بس!
هحبها واموت فيها وعمرى م اتخلى عنها "

" ايهاب...اخره حبك ومقابلاتنا ايه ؟انت لسه قايل
انا مش بتاعت كده ولافكرت فيوم يكونلى علاقه براجل "

"اخرة حبي ليكى ي اية الجواز !
انا من يوم م اتاكدت انى بحبك وانا نويت اتجوزك "

"بس اناانا كل هدفى اريح البنات واتظمن عليهم فبيت
اجوازهم

بكده هكون اديت رسالتى للاخر"

" يعنى ايه ؟ مش موافقه نتجوز ؟!"

" مش بقصد ...انا ي ايهاب

عمرى م حلمت براجل ولا اتمنيت غيرك

انا بس كل همى البنات

اتجوز ازاي واسيبهم؟"

"الى عاوزاه وتطلبية انا تحت امرك فيه ي اية ، وكل الى عاوزاه
هعملهوك

اهم حاجه نفضل ونكون سوا"

" طيب انت فاهم قصدى؟"

" فاهمك والله وحاسس بيكى ، مع ان جوازنا مش هيعارض انك
تفضلى مع البنات

وناخذ بالنا منهم سوا "

" لا ي ايهاب ، معلىش انا وهبت دنيتى للبنات من البداية

خلينى اكمل رسالتى وياهم وبعدها نتجوز"

" احنا لو استتينا هبة كده مش هنتجوز ي اية هههه كده انا
هفيص منك "

" الف بعد الشر عنك ... خلاص اتظمن ع بسمة عالاقل وبعدها
ربنا يحلها"

* رجعت من ذكرياتها الى واخدها ، انهاردة عدت سنة ع كلمة
بحبك الى قالها اول مرة

ليها ايهاب ... اد ايه من يوم م عرفته وهى فدنيا تانيه

فرحانه ومبسوطه ووشها مشرق
كلها حيوية وكأنها صغرت 10 سنين .

آية فاقت من ذكرياتها ، وطلعت من مكتبها فالشغل
واتصلت ع ايهاب
تقوله كل سنة وانت طيب ...


* عالجانب الآخر *

حفلة baby shower

معملوله ففيللا ايهاب احتفاللا بالمولودة الجديدة " ريم " الى كانت
مش مزعلة حد فالشبهه
برغم لسه متحددش ملامحها
لكن الى يشوفها يقول واخدة جمال مامتها وخفة دم ووسامه
باباها ..

جنينة الفيللا فيها ناس كتير ، بلالين وحجات طائرة فالهوا
ومكتوب ريم ع كل شجرة
وسفرة طويلة اوبن بوفيه

واغانى ، وريم شايلها ايهاب وفرحان

وواقفه جمبه وصال بيصوروهم صحابهم وقرابهم
وايهاب بيردد مع الاغنية ي فرحه فوقتها جاتلى ...يابكرة الى
ماسكلى ايديه
ي احلى حاجه حصلتلى
ي حلم سنين حلمت الاقيه 

صاحب ١ : البت الموزة دى تحجزهاالى انا بقولك اهو

ايهاب: ده بعينك ،دى ستك ي كلب

وصال: ريما حبيبة مامى ،مش هتتجوز غير دكتور
ايهاب (بسخرية) ليه بسدكاترة تانى (بيضحك)

وصال: ياسلام ! طب ايه رايك ريم هطلعها دكتورة

ايهاب: ياستى ربنا يبارك فعملها وبعدين نشوف هتبقى ايه

قريبة ل وصال: ايشمعنا اسم ريم ي وصال الى اختارتوه ؟
وصال: ايهاب الى اختاره ،انا مكانش فبالى اسماء بصراحه

ايهاب وقف وابتسم لما افكر سبب التسميه

فلاش باك

اية : بحب اسم ريم اوى ، لما بقرا رواية فيها ريم او مسلسل
بحس انها بنوثة قمر

ايهاب: بس اية احلى ع فكرة
اية (ضحكت بخجل) تسلملى ي ايهاب ..

* افكر انه فحفل بنته*

وصال: ايهاب ...البيبي سيتر جاية انهاردة لريم
عشان لما انزل فای وقت

ايهاب: ع فكرة البنت محتاجك اكر من البيبي سيتر
الفترة دى

وانتى كمان لسه والدة ، ارتاحى شوية ي ستى

وصال: ع فكرة انا تمام ، وبعدين البيبي سيتر هتعمل كل حاجه
لريم

متقلقش انت

ايهاب واقف وشايل بنته وباصص لها باستياء،فونه رن باهتزاز
فجييه

ناول ريم لمامته
وبيشوف الفون لاقاها آية

خد ركن لوحده ورد عليها

آية (بفرحه) ايهاب ...ازيك

ايهاب: ببقى كويس لما اسمع صوتك

آية (مبتسمه) انا عطلتك عن حاجه ؟

ايهاب: ولو نتعمل فين المشكله

آية: (لسه بتتكسف بسبب كلامه) انا بس كنت عاوزة اكلمك

واقولك ان زى انهاردة

(مكملتش مكسوفه)

ايهاب: مممم زى انهاردة ايه

آية: زى انهاردة بالظبط كانت اول مرة

ايهاب: تحبي اكمل انا ،كانت اول مرة اقولك فيها بحبك
كل سنة وانتى قلبي ي اجمل آية

آية اتكسفت واتبرجلت كان اول مرة تسمعها ،وسندت ضهرها
للحيط

وهى بتبص شمال ويمين على حواليتها

ايهاب: انا اساسا عارف ومحضر للمناسبة دى من بدرى
ومنتظر يوم تفضى واشوفك عشان نحتفل بيه

آية: ايهاب انت بجد حاجة حلوة ربنا يخليك

ايهاب: حاجة حلوة بسبب مين ،ويخلينى لمين
حاجة حلوة عشان حبيتك
ويخلينى ليكى ياكل عمرى

اية سكتت ،كان جاى حد من صحاب ايهاب عليه

ايهاب: حبيبي ...

اية (مخطوفه من احساسه) نعم

ايهاب: متتاميش بليل بدرى عندنا كلام كتيبيير عاوزين نقوله
قبل م اطلع رحلتى اوك

اية: طيب انا مستنياك ، هقفل عشان الشغل

ايهاب: سلام مؤقت يا حبيبتى

* قفلوا سوا وكل حد رجع لدنيته وقباله التانى مشغول بيه
ومش بي فكر الا فيه وفسعاده *

#بقلمى_نوراسماعيل

♡♡♡

بخطوات هادية بشوز رجالى قيمه داخل فيلا كبيرة المساحه .
الى حد ما مرتبك ، لاول مرة يسيب بلده ويسافر ، بحركة معتاده
بيضغط ع نضارته
وماشى ورا صاحب الفيلا بيسمع منه التعليمات ..

راشد بن خليفه :مرحبا الساع ياخويه .. انت بتكون المستاجر
الرابع ويانا،مبدئيا ايجار الغرفة بيكون ب ٥ ء الف يندفعون على
٤ اقساط ..

يامن: تمام مفيش مشاكل

بيوريله الفيلا كلها ،كان طالع من المطبخ مارسيلينو واقف
وباصص للشيخ راشد صاحب الفيلا

مارسيلينو: شيخ راشد ،هلا والله

راشد بن خليفه: هلا فيچ اخ مارسيلينو ،عندك مارسيلينو
فالحجرة اللي حذالك و فاخر المممر اخوك طه واخوك ايهاب
كابتن طيار يسير ويرد على دبي

يامن سلم عليه ع مارسيلينو وبص ع باقى الفيلا

راشد بن خليفه : و مستاجر عندك الاخ يامن دكتور اسنان
فمستشفى ميدكير

مارسيلينو: دكتور (بابتسامه وسلم عليه وباسه من الخدين
ويامن ضحك) ايه الحلويات دى

راشد بن خليفه : اي مشكلة طويل العمر لا يردك الا لسانك انا
حاضر وفالشوفة وان شاء الله مايبنا خلاف ... طبعا الازعاج

فالمنطقة والصوت العالي بعد الساعة ١٢ ممنوع لانه ممكن
اهالي المنطقة يشتكون عليكم والله يبعد عنا وعنكم المشاكل

يامن : ان شاء الله مش هيكون فيه مشاكل ولا ازعاج

راشد بن خليفه: نظافة الغرف عندنا شي أساسي وتقدر تطلب في
أي وقت ونطرشلك عامل من عندنا

يامن: تمام حضرتك

راشد بن خليفه: ان شاء الله بيعيبك المكان وبترتاح فيه واي شي
تحتاجه انا حاضر وفي الشوفة

مشى راشد بن خليفه صاحب الفيلا وسلم عليهم ..

وقف يامن يبص ع اوضته ويحط شنته ويرتاح من سفره ،
المكان الى عملت سيرش

بيه حور عالنت وعرفته عشان ياجر فيه اوضة

مارسيلينو خبط عالباب واذن له يامن بالدخول

مارسيلينو: دكتور يامن صح

يامن (مبتسم) ايوة

مارسيلينو: ياعم ايه الحلاوة دي م تدينا شوية

يامن ابتسم

مارسيلينو: بص ي سيدي ،انا مارسيلينو شنوده

جيت مع شغل للشركة الى انا فيها

انا فالعلاقات العامه

ولان شغلى كويس نشكر ربنا ، كنت من المرشحين بتوظيف

العلاقات هنا

فعندى فترة هقضيها معاكم

يامن: ي اهلا بيك

مارسيلينو: ومعانا عمك طه جه من فترة بسيطه برضو شغال

كاشير فهاير

الجمعية هنا غلبان وطيب ومع روجه

وكابتن ايهاب ده راجل عسليه وصاحب مزاج بييجى كام يوم كل

اسبوع

هترتاح معانا متقلقش

يامن: ان شاء الله

مارسيلينو : اسيبك ترتاح ولينا قاعدة اما كل واحد ييجى من
دوامه

وييجى ايهاب نفعد كلنا بقا ونتسلطن

يامن: (بيضحك) شكك مشكلة ياعم مارسيلينو

مارسيلينو : ايهاب برضو بيقولى كده ،بيقولى انت فاكهة المكان
اصل محسوبك كفران من مصر والى فيها و م صدق خلع

يامن: ليه بس كده،انا مبقاليش ساعتين ووحشونى

مارسيلينو: قولى جاى عادى ولا طفشان زى حالاتى
انا اول م سمعت بترشيحات حد يسافر للشركة
كنت راشق فيها فالسريع

يامن (بيضحك) لا انا كنت بشتغل فمستشفى فمصر عادى بعد
تخرجى

وبعدين زميله ربنا يكرمها كنت شغال معاها فمستشفى والدها
قالتلى ممكن احسن دخلى بانى اشتغل فترة فالخارج وان والدها
له علاقات

بناس مستثمرين

منهم صاحب المستشفى الى انا استلمت فيها دى هنا

والله المستعان

مارسيلينو: لا ربنا هيكرمك ع فكرة ، انت شكك عامل بس زى

دكر البط الى مش متزغط

وصغنن بس الشغل هيطلع المارد الى جواك

والجواز بقا هيطلع المارد عليك

يامن بيضحك مش مبطل: انت متجوز !

مارسيلينو: ايه الكلام! اسمها انت متقندل

انت متهيب

اه متحوز

يامن: طب وزعلان ليه دسنة حياة ، وستره للواحد

مارسيلينو: وغلب ازلى ومرار طافح وعد تنازلى بينك وبين

عزرائيل

يامن: انت شكك معبي اوى (مبتسم)

مارسيلينو : لو اتكلما مش هنخلص ،اسيبك دلوقت والكلام مش هيطير

مشى سينو وقفل باب اوضة يامن ،ويامن بيص حوالية وبيتهد استعداد للجاي .



#صكوك_الغفران

روايتي رقم 12

#بقلمي_نوراسماعيل

صكوك الغفران ♠



#بقلمي_نوراسماعيل



"حببتي صباح الفل"

الاء (بتضحك) قول مساء الفل الساعة ٥ ي استاذ محمد

ناموسيتك كحلى

محمد (فسريره) اه والله معرفش مالى روحت فالنوم كده ليه

الاء: ايه السهرة كانت صباحى ولا ايه

احنا قفلنا بليل الفون بدرى

محمد : اه سهرت ع فيلم كده ، انا هقوم اخذ دوش
عشان عندى تدريب انهاردة
للعيال فالنادى

الاء: ماشى ي كابتن ربنا معاك

محمد : انتى فين ، صوتك بيقول انك برة فيه دوشة حواليكى

الاء: انا ... برة مع ماما بنشترى حجات

محمد : طيب ي حبيبتى متتاخروش ماسى ياقرى

الاء: ماشى ي حبيبي

* قفل محمد *

الاء قاعدة ع تربيزة فكافيه مع ايمن صديق محمد وبيتكلموا ..

الاء: قرد ... فقس انى برة

الاء: بس اوعى تقوله اننا اتقابلنا وكنا بنفكر فمفجاة لعيد ميلاده
انت فاهم

ايمن: لا طبعا مانا فاهم

الاء (ضحكت وسلمت ع كف ايد ايمن) حبيبي ...

* بعد وقت بسيط*

عدى صديق لمحمد جهاد وايمن فالكافيه وراح يسلم ع ايمن
وشاف الاء وعارفها

صاحبهم: ازيك ي الاء ،ازيك ي مون عامل ايه ياض

ايمن: ماجيسكووووو (بيحضنه) فينك ياواد

صاحبه: موجود انت الى مبتسالش

ايمن: انت بطلت تيجى الچيم

صاحبه: لاجاى انهاردة (بيبيص ل الاء) او مال جهاد فين؟

ايمن: جهاد باين عنده تدريب فمركز الشباب العيال الى بيدربهم
عندهم ماتش

صاحبه: يعنى مش جاى الجيم انهاردة ؟

ايمن: لاكلمه وشوفه

صاحبه: ماشى ... سلام بقا هطير

* مشى صاحب ايمن ومحمد جهاد*

الاء: لاحسن يقول لمحمد انى كنت معاك ويبوظ المفجاة !

ايمن: لالا ماجيسكو نساى ... هههه ده فاكرنى بالعافيه
المهم انا طقيت لى فكرة لكن تحيفه

الاء: قول

ايمن :بصى ياستى عيد ميلاد فالشارع
كل معارفه يحضروه
وبانر كبير لصورة ليكم انتو الاتنين
وتجيبه لحد المكان الى هنتفق عليه ويتفاجئ

الاء: ايوة كده ي ايمن ، هو ده

طب هو البائر هيتعمل فيومين؟!!

ايمن: طب استنى هكلم واحد صاحبي عنده مكتب دعاية واعلان
ممکن

اقعد استعطف فيه يعمله فيومين ده لو نفع

الاء: لو نفع انت بتعكهاى ي ايمن

ايمن: اعمك ايه مش جىالى انتى فالوقت المزنونق تقوليلى عاوزة
عيد ميلاد ومفاجاة

مكانش من بدرى ليه كنا عملنا حسابنا

*فون الاء رن *

الاء (بتبص فيه) محمد تانى ايه الحكاية (ردت) الو حبيبي

محمد جهاد : فينك ي الاء

الاء: م قولتلك مع ماما فيه ايه

محمد : فين بالظبط يعنى انتو

الاء: جرى ايه ي جهاد ايه الى فين مالك

وهما بيتكلموا رن فون ايمن برنه معروفه انها بتاعته ومحمد
سمعها

محمد : الاء قوليلي فينكم متخليش اتعصب

الاء: فيه ايه ي محمد ، احنا فحطة حنب محطة الرمل خلاص

محمد : محطة الرمل ! ماشي ي الاء

سلام

قفل معاها ...والاء مستغربة طريقته

ايمن: فيه ايه

الاء: معرفش محمد بيقولي فينك وبتاع ونبرة صوته مستغرباها
جدا

ايمن: مستغرباها ازاي ،يمكن فيه حوار معاه ومضايقه

الاء: لا لو كده كان حكالي ع طول ، هو متضايق من حاجه بسببي

العصبيه دي بسببي انا

بس معرفش ايه

انا خلاص حفظت محمد

ايمن: ميم مش عارف بس انا معرفش الى بينكم عشان احكم
زعان منك ليه

الاء: طب يلا عشان نمشى ، كلمت صاحبك ده بتاع مكتب الدعاية

ايمن: هكلمه اهو ، بس فكى كده فيه ايه

الاء: مكالمة جهاد وترتنى

ايمن: خلى بس دماغك معايا عشان نظبط التظايط كلها سوا
وعالمظبوط
اشطا!

الاء: اتفقنا ي ايمن اما اشوف هتودينى لحد فين

فاخر جملتين كان دخل محمد الكافيه وسمع كلام ايمن والاء وجه
عند تربيزتهم
ايمن شافه الاول وبعده الاء

محمد (بوش مقفول) هو ده الى مع مامتك ؟

الاء: ماهو ... (فهمت انه بيحك فيها) جهاد انت فهمت ايه

ايمن: يامعلم مالك اقعد نفهمك

محمد (مكشر وهادى) لا مانا فهمت خلاص
مش تخليها معاك عشان تظبطوا كل حاجه

الاء: محمد انت فهمت ايه (بعصبيه)

محمد : هو انا لسه هفهم انا سامع والله مش اطرش

ايمن: طب افهم الحوار متدخلش زى الكور كده وانا والاء

محمد : مش عاوز اسمع من حد منكم كلمة كمان ...

مشى بسرعة وطلع من الكافيه ، اخذ تاكس

طلعت جرى وراه الاء ووقفوا تاكس هي وايمن سوا وطلعوا وراه

وصل البيت محمد وطلع بسرعة ع شقته هو والاء ع طول ووشة
عليه غضب الله ، كان بالصدفه باب شقة مامته مفتوح
وهند شافته ولسه هتتادى عليه
لاقت الاء طالعه جرى ومعاها ايمن

هند : فيه ايه ؟!

دخلوا وراه

الاء: محمد استنى هنا انت حسبت ايه ؟ ايه الغباء ده

محمد : (بنرفزة) غباء ايه ؟ انا سمعت وانتى بتكذبى

بقولك فينك تقولى مع ماما

لولا ماجيسكو قالى انه شافكم وكان فاكر انى معاكم بس فالحمام
مثلا

ميعرفش ان الهانم مركبالى قرون

ايمن: ماجيسكو ده ابن وسخه ولما اشوفه هطلع عين امه

عشان الحوار مش كده واسمع قبل م تحكم

محمد : اسمع ايه ي شقيق زى م بقولك اسمع ايه

ايمن: ياعم فك ام صمولة مخك الشمال دي واسمعنا ،انا والاء
اتفقنا نتقابل

عشان نرتب للزفت عيد ميلادك

محمد : ع اساس انى برضع فصباعى عشان اصدق العبط ده

الاء:(بعيون فيها دموع وبنظرة حادة) او مال ايه الى تفهمه
بخونك مثلا !

انت ازاي تفكر كده

ع كلمة بخونك كانت طالعه عمته ومامته وهند اخته وفجاة كلهم
واقفين

فصالة الشقه

محمد : انا اخفس بيكم الارض لو فكرتوا بحاجه من ورا ضهرى

سيادتك قال تكلميه وتقوليلى ببقا عاوزاك ومش بترد

وهو يقولى الاء بنت ناس وحافظ عليها ويابختك

ايمن : انت البعيد غبي مبيفهمش!! معندكش تمييز

مش عاوز تسمع حد غير نفسك

محمد : انت يلا مش عاوز اسمع صوتك

العمة: جرى ايه يا جماعة فيه ايه ي محمد ، م تفهمونا

هند : لاهى مش محتاجه فهم ماهى واضحه كل حاجه (بتبص ل
الاء من فوق لتحت)

الاء: محمد اتكلم ! قول ان الى فهمته غلط

محمد : الى فهمته غلط وانتى بتقوليله حبيبي وبتهزرى وبتكدي
عليا

وفالاخر تقولو قال بتمهدوا لعيد ميلادى
ماهى هتكون دى الحجه ...ايه الحجه يعنى

ايمن بصله بصة وحشة ونزل ، ووقفت الاء ع وشها دموع

الاء: حصلت تشك فاخلاقى ي محمد ؟ حصلت وكمان مع اعز
اصحابك

محمد: انا ماليش صحاب كلهم كلاب

الام: يا عيال استهدوا بالله

العمة: فيه ايه ي حبيبتى ،والله واتمسكنوا لحد م اتمكنوا
ده عاوز يجبك حته من السما
وانتى تقومى مقابله جزاء الاحسان العملة السوداء دى

الاء (بتبص لعمة محمد) عملة سودة !!

الله يسامحك

حقك تقولى اكثر من كده ...شكرا يامحمد

ياجوزى

ي سندی بعد بابا

متشكره

اخذت بعضها ونزلت جرى عالسلم وحماتها بتنادى عليها مفيش
رد ،كان فيه

تاكس واقف

شاورت

عدى وجالها

الاء (معيطه) فاضى ي اسطا

السواق: اتفصلى ي انسه

ركبت وطلع التاكس ،مسافة مش كبيرة ووقف التاكس وركب
واحد قدام

الاء: ايه ده انا واخدة لوحدي لو سمحت التاكس

السواق: لا بس ي انسه هو واصل هنا ونازل

مشيوا قدام شوية ولاحظت الاء ان السواق واخذ طريق غير
طريقها

وهى كانت ملهية فدموعها

ومش مركزة

بس ركزت

الاء: ايه ده ! ده مش الطريق

السواق: ده يوصلنا بسرعة ي انسة (بيتكلم فالفون) اه اسبقنا ع
هناك

معانا حته

هتعجبك اوى

الاء اتخضت وخافت

الاء: لو سمحت نزلنى ،نزلنى !!

السواق بص للى جمبه ،راح مطلع سبراي رشه ورا مكان م
قاعدة

وفثنوانى معدودة

الاء محستش بحاجه والدنيا غيمت فعيونها سواد ...

#بقلمى_نوراسماعيل



بمستشفى ميد كير الكبرى ب دبي ،استلم يامن شغله ك طبيب
اسنان

متوصى عليه من الدكتورة حور صادق رأسا

بما ان صاحب المستشفى له علاقة وطيدة بابوها ، اليوم عدى
لطيف

ف ان يامن يتعرف ع طبيعة شغله وعالناس والمرضى

واجره العالى جدا الى فوجاً بيه يامن وحمد ربنا وشكر فضله
عليه ...

وكان من اللازم شكر حور عالنقلة الى كانت السبب فيها دى والى
عمره م كانت هتيجى ع باله
خرج واشترى كارت يقدر يتكلم دولى

واتصل بحور

* فون حور بيرن وهى كانت بتمر فالمستشفى فمصر تحديظا
بالاقصر
وسايباه ع مكتبها*

جاية عاملة نظافه جرى وجابت لها الفون ،شافت الاسم
قلبها نظ من مكانه
هدت نفسها واستجمعت قواها تتكلم عادى وياه ك زماله زى م
اتعودت
غصب عنها

حور: السلام عليكم ورحمة الله ي دكتور يامن

يامن: و عليكم السلام ورحمة الله ي دكتورة حور ، ازيك

حور: بخير ونعمة نشكر الله عليها

يامن: يارب دايمافى افضل حال ، انا عاوز اشكرك بجد ع كل
المساعدات الى ساعدتيني بيها
الشغل كويس جدا بفضل ربي
والسكن مريح
ربنا يعز قدرك يارب

حور (مبتسمه وقلبها بيدق) على ايه يا دكتور انت روحت لمكان
يستحقك

وبعدين انا شوفت كفاءتك وانت شغال معنا هنا
وعارفه انك تستحق مكانه اكبر

يامن: ربنا يبارك فيكى يارب

حور: الحمد لله ان السكن عجبك وارتاحت فيه

يامن: مفيش افضل من كده ، والمغتربين الى فيه كلهم مصريين
يعنى عشان محسش باغتراب

حور: لو احتاحت اى شئ كلمنى

يامن: بارك الله فيكى انتى حطتيني ع اول الطريق خلاص

حور: انت حطنتى ع اول طريق الله زمان ، وطبعا بفضل الله ثم
بتوعيتك

انا بقيت كده

حياتى مريحه فكنف الله عز وجل

فطبيعى اقدمك اى شئ تستحقه

ولو ان ده قليل

يامن (ابتسم) انتى شخصية عذبة جدا ي دكتورة حور ، وربنا
هيو فقلك ويهيالك

كل خير وصالح

حور: (فرحانه وبتدارى) اللهم امين واياك ي دكتور ، بستأذنك
عندى مرور فالمستشفى

يامن: اتفضلنى فحفظ الله

* قفلوا سوا ... عند حور *

واقفه وسرحانه وضامه الفون ليها ، افكرت واستغفرت ربنا
وكملت مرور فالمستشفى

اما عند يامن

فهو كمل مكالماته بان يظمن والدته ووالده واخواته ويقول اخر
اخباره ليهم ...

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

" لولاكىلولا لولا

لولاكى ...لولا لولا "

على حميده بيجلج بصوته الجميل باغنية من التراث الحلو
لولاكى

ومشغلها طه وعامل حملة للتنظيف والتطهير الشامل للفيلا
قبل م يطلع ع دوامه

والصوت عالى جدا وطه منسجم معاه وشغال بكل عزمه ،لدرجة
ان صوته

صحى كابتن ايهاب من عز نومه !

بقمة الغضب نازل ايهاب من فوق وطه ولاهو هنا ..

ايهاب: انت ي بنى ادم ! انت يابنى !!

عالصوت كان مارسلينو فاوضته وطلع ،مش صوت الاغنية هو
سامعه
ع زعيق ايهاب ..

طه: فيه ايه ؟

ايهاب: اقل الزفت ده يخربيتك

طه قفل الاغنية ...

طه: انت بتزعق ليه

ايهاب: بزق ايه يعنى ايه ،جاى انا من رحلة وسفر وعاوز
ارتاح

عشان عندى رحلة الفجر

الاقى حضرتك قالب المكان كباريه !

طه: اول الصوت مش مسموع لدرجه اوضتك ي كابتن ،ثانيا
بنضف الفيلا

مش معلى الصوت برقص وحدى فصالة الفيلا

ايهاب: هو حد طلب منك نضافه ! فيه ناس للحجات دى ي حبيبي
متقرفش امى

طه: انت بتتكلم بز عيق ليه محدش هنا خدام عند سيادتك

ايهاب: انا طريقتى كده عاجبك ولا لا

* مارسيلينو جه ووقف بينهم*

مارسيلينو : ايببييه يا جدعان بتقولوا ايه انتو عشان تهديوا

ايهاب: استنى يامارسيلينو كده ،البتاع ده ميشتغلش طول مانا هنا
ومخمود
مفهوم

طه: انت بتدى فرمانات ع اساس اننا جايين مع طقم شوك
وسكاكين الفيلا

حاجه من ضمن الحاجات

ع ايه النفخه دى م تنزل عالارض ياعم الطيار

ايهاب (مسك طه من ياقته) ولا انت حته كاشير امشيك من هنا
مترحل

طه (مسك ايهاب نفس مسكته له) متقدرش محدش عرفنى عليك
يابيه وقال انك من القنصليه

مارسيلينو: يخربيوكم هترحلونا كلنا اهدوا ، (بيكلم طه) بتقولوا
ايه عشان تهدوا
ياد يابن الموكوسه

طه: مش عاوز اهدى اما اشوف الى ف اخره يعمله

ايهاب: ولا متحدثنيش ياض وانت مفكش ضربه اساسا

طه (عاوز يضربه) خوفت ي اندر تيكز،جون سينا ساكن معانا

يامن بيفتح باب الفيلا ويبدخل

ايهاب: طب تصدق بسبب طولة لسانك هتقطع انهاردة

طه: اتكلم ع ادك يخربيت نفختك الكداب ده انت ريش وقش

يامن (جه جرى بعد م سند شنطته) ايه ده ! ايه ده

لا حول ولا قوة الا بالله

ايه ي جماعة استهدوا بالله

مارسيلينو: شيخ يامن بيقولوا ايه عشان يهدوا عندكم

ايهاب: (بيكلم مارسيلينو) م تتهد انت كمان شغال بيقولوا ايه

بيقولوا ايه

يامن: صلوا عالنبي حصل ايه

مارسيلينو: ايوووة هي دي صلوا عالنبي يا ناس

ايهاب: اخر مرة بحذرك ولا تشغل اغانى ولا تعمل شئ يزعجنى

طول مانا هنا

ولا تتكلم باسلوب سافل زى الى اتكلمت بيه ده

معايا

طه (بصوت عالى) لا متحذرنيش اكتبهم فورقه وعلقهم ع

ضهرى

مارسيلينو (بيكلم طه بهدوء). م انت غلطان اسكت عشان
ميجيش يضربك

وانت فعلا عامل زى ايد المكنسه

طه: ميقدرش يعمل حاجه يامارسيلينو ،اشكال بنت كلب صح

مارسيلينو : فيه حد يشغل اغنية لعلى حميدة ! انت منين يابنى
م انت مستفز

طه: نبقى ناخذ اذن الكابتن بعد كده

ايهاب بص له بصة وحشة وطالع

يامن: خلاص بقا ي طه ، الاغانى اساسا حرام ولا تشغل اغنية
بصوت عالى ولا واطى

طه: نعم ي شيخ يامن انت كمان

يامن: لا انا كمان ولا حاجه انا بديلك نصيحه وبس

طه: انا بنضف مع نفسي ده جزاعى يعنى

يامن: النضافه نكلم ناس تيجى تنضف ،منعا للمشاكل

طه: انا مرتبي مش هيستحمل ايجار سكن
ولا مصاريفى ولا الى هبعته لاهلى فمصر

يامن فهم ان حالته ع ادها

يامن: طيب ربنا هيدبرها بس ع كل شئ ، هي عاوزة صبر
لاننا قاعدين مع بعض فترة طويله
الخناق مش هينفع

طه: انا من عادتي لا بتخانق ولا ليا دعوة بحد واسال مارسيلينو
،هو من ساعة م جيت
بيكلمنى بتعالى

يامن: طيب خلاص هون ع نفسك
ربنا يصلح الحال يارب

اخذ شنطته يامن وطالع كان ايهاب نازل

ايهاب: مكنتش احب ابدا اول مرة اقابلك فيها تكون بمشكله)
بيمد ايده للسلام)
كابتن ايهاب محسن

يامن (مد ايده ومبتسم) يامن محمود بشتغل فمستشفى ميد كير
دكتور سنان

ايهاب: اهلا بيك ،ويا ترى بتخلع بالراحه ولا بتموت الى عالكرسي
بالبطئ
(ضحك) اصل انا اكثر دكاترة بكرههم بتوع الاسنان

يامن: ربنا م يحوجك ليا بس لو عاوز تجرب انا تحت الامر

ايهاب (بيضحك) منين ي يامن فمصر

يامن: من المنصورة

ايهاب: ماشاء الله مطلعش بنات المنصورة بس الى حلوين
وشبابها كمان
الله اكبر عليك

انا من الصعيد من سوهاج بس عيشت فترة كبيرة فالقاهرة

واتجوزت فيها

يامن: ماشاء الله (بيهزر زى م ايهاب هزر) طيب م الصعايدة
وسماء اهو
مش شبه الخط الى بيخوفونا منه

ايهاب ضحك ع كلام يامن

ايهاب: انا قولت الدقن ومارسيلينو ادانى فكرة عنك اول م جيت
شكلك شيخ
بس بتهزر اهو

يامن: وهو الشيخ مش انسان، بنهزر ونضحك ونتكلم ونألش
مدام مفيش حرمانيه

ايهاب (مبتسم) ربنا بزيدك (نازل) هستأذنك المؤدى ده صحانى
هنزل بقا مفيش نوم

يامن: كنت بس عاوز الفت انتباهك لحاجه ، طه شخص مهذب
صحيح

اتعاملت معاه بسيط فاليومين الى فاتوا

لكن بان عليه انه محترم
هو من الواضح انى اخوكم الصغير وكل التقدير ليكم
بس ياريت تقبلوا نصيحتى
نتعامل بهدوء سوا
عشان دى هتبقى عشره وعاوزين تكون صلاتنا طيبة ببعض

ايهاب: لا هو طه دماغه مش متركبه مع دماغى
من ساعة م جه
انا اساسا من بداية م اتوطدت العلاقات بين الامارات ومصر
فخطوط الطيران
ووقعوا عقد بتزويد رحلاتهم ع دبي
مع شركة فلاى دبي الاماراتيه
وبقت فيه تقريبا ٥ رحلات يوميا
فعالقل باجى ثلاث او رابع مرات اسبوعيا
لدبي
فاضطريت اجر سكن احسن من الفنادق ،ومن ساعة م جيت
مارسيلينو جه بعدى بفترة
راجل كويس وفاكهة تقعد يقلبك اليوم مسخره
وبعدها جه طه
مقولش غم

كل كلمتين انا وهو نشد لما اكون موجود وحاجه تزهدق

يامن: هي يمكن سوء تفاهم لكن بالوقت هتزلول خلافاتكم ان شاء
الله

ايهاب: ربنا الهادي ي شيخ يامن ، عن اذنك

* كمل ع اوضته يامن ونزل ايهاب وخارج*

مارسيلينو : خارج هتسهر ؟

ايهاب: هعمل ايه مفيهاش نوم

مارسيلينو: طب استنى انا مخنوق من القاعدة هغير وانزل معاك
،قعدتك

انس وفرفشه ياراجل

ايهاب: طب انجز يلا

مارسيلينو : هوا

طه خالص تنضيف ودخل اوضته ، جاب ع شات نهلة عالواتس
اب
وبعتلها

طه: نهلة!
موجودة؟

ماشافتهاش نهلة ،كمل طه كلامه

طه: انا كنت مخنوق ومتضايق وعاوز احكى معاكى شوية
،واساسا انتى وحشتينى اوى
انهاردة متكلمناش خالص
عاوز اكلمك قبل م اروح استلم دوامى لبكرة الضهر
وهو بيكتب فتحت وشافت نهلة ...

نهلة: ايوة ي طه معاك
مالك مخنوق ليه

طه: الحمدلله انك فتحتى ،انتى لسه فالبيوتى؟

نهلة : اه ...قولى مالك

طه: مفيش شديدت مع واحد من الى معايا فالسكن
وكلامه حرق دمي قولت احكى وياكى

نهلة: انا معاك،حرق دمك ازاي

طه: يعنى حسنى ان هو من كوكب واحنا من كوكب تانى
اتخنتت من اسلوبه كل مرة ع كده

نهلة: ايهاب ولا ايه؟

طه: انتى خلاص عرفتيهم وحفظتيهم (بعث لها ايموجى مبتسم)
اه هو

الاستاذ لكابتن

نهلة: سيبك منه، هو اكيد مقصدش الى فهمته

انت بس حبيبي حساس اوى

واوقات بيبقى الكلام عادى بس انت بتاخده بمحمل تانى

طه: يمكن

نهلة: لالا مش عاوزة التكشيرة دى

طه: محتاجك ي نهلة ، ووحشانى اوى

عارفه

من يوم م سافرت

محستش بغربتى عنك

اساسا كده كده انتى جوايا مهما كنت فين

هو بس بحس ان بصتى لعيونك وانتى قدامى الى بتصبرنى ع

حجات كتير

هى دى الى ناقصانى

نهلة: اومال اقولك انا ايه

ساعات بتخنىق انى كنت السبب انك تبعد

بس برجع واقول ده لمصلحتك انت وعيلتك

وبصبر نفسى واقول مجرد م بفتكر بكون مبسوطه ياطه

طه: ربنا يخلىكى ليا يانهلة ، ويحميكى من كل شر

نهلة: ويخليك ليا ياطه ، بص بقا عاوزاك تفرفش
ومتاخذش كل حاجة بحساسيه
وتفتكر انك مهما كنت انا جمبك

طه: يارب ع طول جمبي يانهلة ، مهما اقولك على بيا
حاسس انى مش هعرف اعبر
بعدى عنك يانهلةفارق معايا اد ايه (بعت ايموجى حزين)

نهلة: ربنا يصبرنا عالبعد ..ويكتب لنا الخير سوا
طه: ويزيل من طريقنا الشوك ...ويجعل ليا فيكى نصيب
مهما كانت عقباتى

نهلة: هو لسه فيه عقبات!!

طه: دى لوحدها عاوزة قاعدة وياكى وكلام منى ليكى مش شات

نهلة : وقت م تحس ان عندك كلام لسه مقولتوش ليا
قوله

وانا مهما كان متقبلاه وفاهماه

طه: انتى احلى حاجه حصلتلى ي نهلة ،ومش عاوز من الدنيا
حاجه حلوة غيرك

نهلة : تسلم ويحميك يا طه يارب ...ويديم حنيتك

طه: ويديمك فحياتى وميغيبكيش عنى

ياحياتى انا 

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

" انت بتزقق معايا ؟ كل ده عشان بعثك هدية لحد شغلك !"

حسين: انتى بتفهمنى منين ،انتى خليتى شكلى زى الزفت قدام
زمايلى

فالشغل وقعدوا يلسنوا

مين ومش مين ومصاحب ولا ايه

رضوى: مصاحب ! م تقولهم خطيبتى

ولا اساسا قولهم وانتو مالكم فيه ايه ي حسين

حسين: فيه ايه انتى مش عارفة عاملة ايه

رضوى: عملت ايه انت غريب جدا ، انت كل حاجه كده تعمل
معايا مشكلة عليها
وبعدين مش هو ده الحوار الاساسي ي حسين
كلمت اهلك!؟

حسين: اكلهم ع ايه ؟ وبعدين هو ده الحوار الاساسي
انك غبية يمكن تكونى اغبي واحدة شوفتها
هكلم اهلى ع ايه
انا بشتغل بمقاليش سنة يعنى عشان اقولهم اروح اخطب

رضوى: وانت لما خطبت قبل كده كنت مستنى تشتغل سنة ي
حسين ؟

حسين : كل دقيقتين تقولى فالخطوبة الاولى فالخطوبة الاولى
زهقتينى ياشيخه

رضوى: حسين متتكلمش كده معايا سامع!

حسين : م تطلعى من السماعه واضربينى احسن

رضوى: الحق عليا قولت اعمل حاجه تفرحك عوطول الوقت بفكر
امتى هنقرب من بعض
وانت دايمًا تحبطنى بكلامك وتبكينى

حسين: اهلى مش هينفع افتح معاهم كلام عن خطوبة لينا ، لسه
منفوخين من الى فانت
بعد الصرف الى صرفناه وخذت الشبكة الست هانم كمان

ارجع ازاي اقولهم اخطب !
مش بقولك غيبه

رضوى: حسين ... انا بكره اسلوبك معايا فالكلام بالطريقة دى
واتكلم كويس ماشى !
* قفل السكة فوشها*

رضوى بصت للفون اتقفل الخط ، اتصلت هى بيه

رضوى : انت قفلت السكة فوشى ولا ده رصيدك خلص

حسين: رصيدى انتيل خلص ، كل ده عمالين نهري سوا فكلام
وحوارات فاشله

ع حساب رصیدی ونسیت افتح دقایق
عشان عارف ان حضرتك رغايه ومش هتبطلی كلام

رضوی: تانی بتشتم ! بطل قلة ادب ي حسين
انا لا رغاية ولاغبية
انت الى مبتفهمش وانانى ...وكمان بخيل
هاه !

حسين: (بزعیق) انا بخيل !! انا
وكل الصرف ده مكالمات وزفت وقرف يبقي ايه

رضوی: اساسا انا الى بكلمك ع طول ،انت تعبتنى نفسيا ي
حسين
روح مش عاوزة اكمل كلام

حسين: وانا بقا مش عاوز اكلمك اساسا خلاص !

رضوی: غور ي حسين يلعن ابو شكلك (قفلت فوشه السكه)

وقفلت فونها خالص ،واستسلمت لعياطها دافنه راسها بمخدتها .

#بقلمى_نوراسماعيل



مارسيلينو : بعد ما فرکشنا سوا ، راحت قال تنزل على صفحتها
عندما أخبرته أن قلبي من طين سخر مني لأن قلبه من حديد

قريبا ستمطر... سيزهر قلبي وسيصدا قلبه ! ♡

روحت عملتها كومت قولتها فيه

لامتخافيش هو عمل حساب المطرة واداله وش معجون زى الى
بتديه لوشك قبل م تخرجى كل يوم

وبين قوسين

بلوك حلو اهو عشان خاطر الحلوين ☺

ايهاب (بيشرب المشروب بتاعه وفصلاان ضحك) دى نرمى !

مارسيلينو : اه كانت بت عايشة فالدراما اوى ، ومزهقانى فعيشة
الى خلفونى

سينو مبتجيش ليا ورد ليا ليه

سينو مبتحلفش بحياتى ليه

سينو مبتحددش دقنك بالموس ليه وتكتب ع حدودك نرمى للابد
ليه

ايهاب: لا دى فالضيااع هههههههههه

مارسيلينو : فلتت منها بمعجزة ، دخلتلك بقا ف ريتا الاهتمام
والاختزال

ايهاب (عنيه برءت بضككه) ايه !!! اسكت يافقر هتوقف قلبي
ضحك

مارسيلينو : اه والله طول الوقت

الحب اهتمام ، الحب اختزال

الحب احتراق

الحب سودا وميه يدك صابون وملح باين

ايهاب: ياعم شكلهم بنات كويسة وغلابه ، انت الى مفترى

مارسيلينو : طب ورحمة جدى معزوز الله يقدر روحه

كانوا بنات منتهيه ي راجل

ايهاب: لا ياشيخ (بيشر ب) وبعدها بقا استقرت واتجوزت

مارسيلينو : لا لالا اصبر عليا ، روحنا ل دولابي بقا

ايهاب: مالو دولابك ؟

مارسيلينو : هي اسمها دولاجى ، بس انا بحس انها دولابى اشيك
عارف بقا البت دى فورتىكا
احلى م فيها ايه ؟

ايهاب: اه دى الحب بقا (غمز له) ي صايح انت
ايه احلى مافيهها

مارسيلينو : عليها جيبه مش مداريه حاجه تقصف رقبة اى حد
يتلوح معاها

ايهاب(ضربه ع كتفه وهو بيضحك) قوم روح يلا هتموتنى (
بيضحك اوى)

مارسيلينو : طب والمسيح الحى ، شفايف ب جيبه قصيرة ب
وسط
باكدج بنت فورتىكا

ايهاب: فاتجوزتها !

مارسيلينو : استنى انت مستعجل ع جوازى ليه ، جاية نيلتى
السوده
ياريتنى اتجوزتها

علاقل كان زمان فيه حاجه طرية فحياتي

انا جايلك فالكلام

انا كنت ي سيدي مع الفورتيكا دي زي السكينه فقبالب الزبده

بناخد وندي بشكل عرفي

لحد م فيوم نمت صحيت ، لاقتني لابس جزمة واحد معفن

مبيغسلش رجله فوشى مقاس

50

ايهاب: ايه وقعت يعنى ولا ايه ؟

مارسيلينو : وقعت ! اه وقعت ولاحدش سمي عليا

لاقيت اهلي لازم تتجوز وبتاع

ياناس كرامه وشفاعه

هنتحوز دي يعنى دي

خد شقلبه جبنوت نص اكليل اكليل وفرح

لاقيت دي فوشى

وعارف مبيتفاهمش ، واخدة بطولات كونج فو

لو يوم مصبحتش تناولني قفا

لو مقولتش مساء الخير وانا داخل تلاقى شلوت زغرد عليا

لو رديت الباب والهوا رزعه تفتحه وتقوم ملبسانى بوكس فعينى
ودنى تصنج

ع فكرة انا قاعد معاك ومش سامع المزىكا ، انا سامعك انت
والناس وبتواصل بودن واحدة

ايهاب مسك بطنه من الضحك ويخبط بكف ايده عالتربيزة

ايهاب: مش قادر هموووت ، هموووت انت مش طبيعى والله م
طبيعى

مارسيلينو (بيتكلم ب اسي يضحك) هقولك ايه ولا ايه
لو حكيت عن الى فقلبي
مش هيكنى ده انا معبي

ايهاب: كفاياك متقولش يخربيتك (جاتله مسج ع فونه وبببص
فيه)

مارسيلينو : شوف ياعم تليفونك فالיום الاسود الى احنا فيه ده

ايهاب بيفتح لقى مسج من اية مكتوب فيها

" بقالنا سنين سوا ، عيشتنى احلى حلم
ووصلتني لسابع سما
وخذتني بالراحه ...ونزلتني ع جدور رقبتى
مبروك م جالك ع ريم يابو ريم
بس عالاقل عشان احترامى ليك ميقلش
كنت قولتلى انك متجوز ومخلف ،وسيببتنى اقرر نفضل سوا ولا
ايهاب من اللحظة دى مش عاوزاك فحياتى نهائى ولاحتى تنطق
اسمى
انا ندمانه ع كل الى اتنازلت عليه عشانك
ربنا يسامحك
اشكر صاحبك الى نزل صورتك انت وبنتك ع صفحتك وعرفى
الحقيقه
والا كان زمانى كل ده مكمله وياك ع عمايا "

ايهاب قرا المسج كلها واتخطف ،وشه اتغير فلحظة
بيتصل بيها لقي فونها مقفول !! بيجرب يبعثها واتس
او فيس

لقى البلوك فوشه من الاتنين
واتسدت كل الطرق ،الى بتودى ل آيه !!!

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

#صكوك_الغفران

روايتى رقم 12

#بقلمى_نوراسماعيل

هصكوك الغفران ه

♡♡

#بقلمى_نوراسماعيل



مركب شراعية فالبحر ، ماشية بالراحه بتوديها وتجيبيها الامواج
ع كيفها

قاعد جواها ومستسلم طه ، مبسوط بريحه البحر والهوا الحلو
الى بيلمسه
باصص للسمما ومبسوط

المركب ماشية بهدوء عشان يستمتع بكل لحظة ، ووسط هيامه
وهو فالمركب
ظهرت مركب تانية جاية من بعيد

وقف وهو بيتابعها مين فيها وجاية منين ؟

لحد م ظهرت بوضوح قدامه ... فيها نهلة !

كانت باجمل صورها ، واقفه
ابتسامتها الى مليانه اشراق
لابسه لبس لونه فاتح ومبهج غير معتادها خالص

عيونها ضحكت لما شافت طه ومركبته بتقرب عليها ...
يدوب هتهدى المركبتين ويقفوا قصاد بعض .

طه: انتى عرفتى ازاي انى هنا ؟
نهلة : انا كل حاجه فيا بتحس بيك ي طه اصلا

طه: بحبك اوى ي نهلة ، انا مكنتش اتوقع انك تلاقينى هنا بالذات
خرجت من شغلى وقولت ابعده شوية عن الناس

نهلة: منين م تروح هتلاقينى قصادك ، وعمرى م اسيبك

طه: بتحبينى ي نهلة؟
نهلة: بتسال سؤال اجابته عندك ... طبعا بحبك

طه: ومش مهم عندك اى حاجه مهما ان كانت ...ممكن تكون
هتفرق بينا

نهلة: انا كل الى عاوزاه حنانك ي طه ومش عاوزة اى حاجه
تانى

مركب نهلة ابدت تمشى لوحدها بعيد عنه

طه: طب استنى انا هجيك مركبتك واقعد معاى
عاوز اقولك كلام كثير من زمان مقولتوش
وهموت واعرفه ليكى

نهلة: طب يلا المركب بتنحرك هات ايدك

نهلة مادة ايدها ل طه وهو بيحاول يوقف عالمركب
وينط لمركب نهلة
المركب اتحركت اكرت وبعدت ،كان هو نط
ووقع فالميه !!!!!

نهلة (بخضة) طه!

* قايم مفزوع من نومه*

طه: نهلة !

بيص حواليه لقي نفسه فسريه فغرفته فالسكن ب دبي ومفيش
حد حواليه

بص فالساعة لقي لسه بدرى ع ميعاد صحيانه

طه: اعوذ بالله من الشيطان الرجيم (بيترك عينه ووشه واتناول
الفون بتاعه)

جاب واتس نهلة وبعثها

طه: نهلة حبيبتى..

مشافتهاش وانتظر وقت ملاقاش فتحت ولا شافتها ، راح بعت
لاسما اخته

طه: اسما ...

موجودة وصاحيه ؟

اسماء: اه ي حبيبي ، عامل ايه

طه: الحمد لله ، حظى حلو انك موجودة انا مخنوق اوى وكنت
عاوز اتكلم مع حد

اسماء: انت فالشغل؟

طه: لا فالسكن مش وقت دوامى ده

اسماء: او مال مالك احكىلى ، وفين زمايلك فالسكن

طه: اكيد كلهم فشغلهم ، اصل وقت اشغالهم عكس الوقت بتاعى

اسماء: ربنا يساعذك ويساعدهم

طه: اسماء ... واخدين بالكم من نفسكم ومن امك؟

اسماء: اه والله متشلش هم ي حبيبي كفاية غربتك

طه: معرفش مالى صاحى من حلم وحش وقلبي مقبوض

اسماء: استعيذ بالله واشرب ميه

وحاول تقوم كده

افتح شباكك وشم هوا

عشان بس اعصابك ترتاح

طه: حاضر...المهم خدى بالك من نفسك

عاملة ايه مع خطيبك؟

اسماء: كويسين ي حبيبي

طه: الواد ده طيب ويحبك

اسماء: مانا عارفه ،ربنا يقدرنى ع راحتته

طه: طاب ي حبيبتى اسيبك دلوقت

اسماء: ماشى ابقى طمنا عليك

طه: ابقى ابعثلى فويس بصوت امك واخواتك وحشتونى
والمكالمات غاليه

اسماء: احنا هنركب راوتر ان شاء الله ونكلمك فيديو بعد كده
براحتنا

طه: طب عاوزين حاجه ابعثها ولا فلوس؟

اسماء: ربنا م يحرمانا منك

مش مخلينا عاوزين حاجه والفلوس انت لسه باعت الى يكفينا
وزياده

المهم كل انت وخذ بالك من صحتك وامتشغلش بالك بينا

طه: ماشى ي سمسمة ... مع السلامه

اسماء: سلام حبيبي

خلص طه مع اسماء وبص ع شات نهلة مشافتوش!
قام واستغفر ربنا وحاول يشيل تفكيره فالحلم عن دماغه
كل خوفه حاجه تطلع له من تحت الارض ... تبعده عن نهلة
والخوف الاكبر
لايكون سره الى مخبيه هو الفيصل!

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

" ايه ... خمس مرات عالفيديو كول تن تن تن تن " "

لينزى : الحق عليا بتظمن عليك

مارسيلينو : لا متظمنيش يابوز الاخص انا كويس ، قاعد
فالميتينج

ودى شغاله تن تن تن عن عن

ايبيه

لينزى : بقولك ايه بطل طريقتك المستفزة دى فالكلام ، بقالى كتير
معرفش حاجه عنك

بشوفك عايش ولا حد اغتالك عندك

مارسيلينو : اكيد لو حد اغتالنى هيكون حالى افضل من مكالمتنا
دى دلوقتى

وبعدين تعالى هنا

بتكلمينى فيديو كول!

لما انا هريان من السحنه دى فمصرتنطيلى فالموبايل ف دبي

لينزى : بص بص بتتكلم ازاي! طبعا م انت بعيد وانا مش طايلاك

مارسيلينو : اه بعيد عن قفيانك وبونياك فمش طايلانى

نشكر ربنا

فى واحدة فالدنيا كل الى تفاهمها مع جوزها ضرب

الا لو كانت من عائلة المتحولون

لينزى : اساسا انت بتجبرنى اتعامل معاك كده ، انت لو بتخلينا
نحكى سوا ونتفاهم
مش هتبقى دى طريقتنا
لكن انت ي تتريق عليا
ي تزعق فوشى

مارسيلينو: ياستى نقعد ونتفاهم مع بنى ادمين ، عمرك شوفتى
بنى ادم
قاعد يتفاهم مع سحلفه حوله !
ولا دبانه عامشه

لينزى: ده ع اساس انى بكلم توم كروز من جماله ! انت فاضلك
اتنين كيلو ويخصصوك لنقل
الركاب وتبقى من قطاع المواصلات

مارسيلينو : هيهيى طب ي خفه عاوزة حاجه دلوقت

لينزى: ايوة انت اجازتك امتى ؟

مارسيلينو: ماليش اجازات

لينزى: ده ازاي يعنى انا عمو كلمنى وقال ان ليك اجازات
هتستعبط

مارسيلينو: اه هو عمو فالج اوى يقولك ليا اجازات
فالج فالتدابيس بس... انا هقضيها هنا

لينزى: اخلص قول جاى امتى !

مارسيلينو : انا بخبط عالباب فمصر اهو افتحى انتى فين

لينزى: دمك خفيف اوى ! ابعلى مسج اجازتك امتى
اوك

مارسيلينو : ع اساس هتظبطى الشمع والورد ! ده انا هاجى
هبقى ف صحبه
مستشفى القروء

لينزى: بلاش رعى وكرر كلام مسج وفيها ميعاد وصولك مصر
سلام

* قغلت وبيبرطم مع نفسه وهو باصص للفون*

مارسيلينو: هو مين فينا الراجل !! انا معرفش اخره الجوازة
النحس دى ايه

يعنى ياربي م دون كل الحوادث الى بتحصل فمصر
مفيش حادثه تلوشها واخلص من بلوتى !

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

قدام سرير اطفال ،كان موجود ايهاب بيتكلم مع ريم بنته
فاوضتها لوحدهم..

ايهاب: هى زعلت منى ي ريم ، ومش عاوزة تانى نتكلم ابدا
مش عاوزة اوصلها حتى

ريم بصاله وبتلعب فصوابعه

ايهاب: انا مقصدتش اكدب ... (بص فالارض ورجع بص لبنته)

لا قصدت

قصدت اخبي

كنت خايف تعرف تمشى !

ريم عملت صوت حلو وهى بصاله ببراءة

ايهاب: قصدك يعنى ان لازم تمشى لما تعرف

هو انا كنت انانى ي ريم ؟

عارفة ... انا بحبها واتاكدت انى مقدرش ع بعدها لما مشيت

ومش عارفها طريق

مش عارف اوصلها خالص

ريم بتبص له وماسكه ايده

ايهاب: كده خلاص مبقاش عندى اى وسيله تخلىنى اوصل ليها؟

طب هى عارفة انى مش قادر اعيش ؟

طب بدمتك ... هى عارفة تعيش وتنسى عادى

انا تعبان من يومها ... ومش عارف اعمل ايه

دماغى مشلوله اقدر اوصلها ازاي

سكت عن الكلام وسند راسه ع سرير بنته بضعف ، خطوات
شوزة وصال برة

ووقفت استقرت عند باب اوضة ريم

وصال: مس نسرین بتقولی انك من ساعة م جيت قاعد مع ريم

ايهاب بيرفع راسه عن سرير ريم وميل باس دماغها وقام وقف

ايهاب: اصلها كانت وحشاني

وصال(بصاله بتركيز) هي مين

ايهاب: ريم

* خرج من اوضة ريم وهي وراها *

وصال: انهاردة حسيت اني دايله فمكملتش وجيت ،مش ملاحظ
جيت بدرى عن مواعيدى

ايهاب: مبقتش ملاحظ حاجه ي وصال

وصال: مالك ؟

ايهاب: مفيش ...سلامتك دايله من ايه

وصال: مش عارفة جايز عشان منمتش كويس امبارح طول الليل
ولادات ومتابعات
حاجه متعبة جدا

ايهاب هز راسة ب لامبالاه

ايهاب: طب ايه رايك انا مخنوق تعالى نخرج انا وانتى شوية

وصال: بقولك دايله ي ايهاب ، ايه
لو كنت هخرج كنت قعدت برة فالعياده

ايهاب: العياده ! بقولك نخرج نسهر ننسي نغير جو تقولى العياده

وصال: اصل انت غريب جدا ، انا جاية اخد دش واناام

ايهاب: انتى حتى لما جيتى مسلمتيش ع بنتك !

وصال (بسخرية) مثالى اوى ي ايهاب ،اكيد هى كويسة
ولا كانت مس نسرين قالتلى ان فيها حاجه لما جيت

ايهاب باوصلها وخلص جاب اخره غيظ ،وهى ولا ع بالها
دخلت الحمام تاخذ حمامها وهو واقف مكانه ،اخذ مفاتيح عربيته
ونزل مش عارف رايح فين ؟

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

" آية بعد م كانت مبسوطه وع طول بتضحك
رجعت للغم من تانى "

زميلة ٢: لا ولبس الغوامق مش ملاحظة

آية سامعاهم ومش بترد ع حد عاملة نفسها بتشتغل ومشغولة

زميلة: والموبايل ساب ايدها ...

زميلة ٣: اه شكل كده كان فى حاجه

آية : ايه ي جماعة فيه حاجه ؟ هو انا محور كلامكم انهاردة ؟

زميلة ١ : احنا بنناغشك ي اية ، م تتكلمى كده وتردى علينا زى م
كنتى

زميلة: بجد مالك طيب

آية: مالى ، انا كويسة جدا الحمدلله

زميله: طب البنات فيهم حاجه

آية: الحمدلله ربنا يبعد عنهم اى شئ وحش

زميله: يارب دايمًا ، اليومين دول مفيش امان فالبلد

شوفتى انتى الست الى ضربها الحرامى بمطوة فوسط الشارع
وفنهار ربنا !

زميلة٣ : منهم لله كفره ... ده بيقولوا ست وعندها عيلين

زميلة٢ : طب محدش عارف كان بيقتلها ليه

زميله: بيقولوا كانت شايله فلوس معاها

آية سامعاهم ودفنينا خالص ... النهار والليل
الساعات والدقائق بقوا عندها واحد
الحنن مخيم ع قلبها وبابن ع وشها وعنيها

متغيره جدا عن قبل حتى م تعرف ايها ، صدمتها فايهااب كبيرة
اوى
لدرجة صعبه

درجه مش عارفة تطلع منها
حاسة بغربة عن الناس كلها ، الامان مش بتديه لحد
وزعلانه من نفسها اوى وبتلومها ع التنازل الى تنازلته

دموع عيونها محبوسه عشان ميبانش ضعفها
بتفكر اد ايه كانت رخيصة يلعب بيها ويخدعها بكلمة هنتجوز
وهو مش فباله هي الا لعبه وبيتسلى بيها شوية
ع عكسها هي الى كانت شيفاه عمر بحاله
شيفاه عوض وخير مستنيها من كتير

فاقت من شرودها وهما لسه بيتكلموا عن جريمه القتل الى
حصلت

آية :

ومين قال انك شرط لو موتت حد يبقى بالسكين ولا الرصاص ولا
حرق ولا شنق !

فى طريقة اسهل بكتير
فى انك تستعمر قلب حد وتبقاله كل حاجه ،وتبدأ تختفى بالرااحه
حبه حبه

تسيبه مابين القلق والجنون
هو ده اسمى معانى القتلهى دى الطريقة الى اتقتلت بيها !

الموظفات زمايلها سكتوا وبصولها واستغربوا كلامها ، اما هى
ففضلت سرحانه بعد م قالت
الكلمتين

ودمعة نزلت ع خدودها قفلت كل الكلام .

#بقلم_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡

فالسريير نايمه ومش بتتحرك ...

الاء شخص اقوى من انها تتهد بسهولة ، يعنى بعد الحادث
موجوده وفايقه
وبتتكلم

مش مغيبه عن العالم

بس واضح ان ضغطها النفسي مستحملوش جسدها ،واترجم فوراً
لاشارة شلل مؤقت !

مامتها بتبصلها ومتحسره وساكتة ، مش عارفه تعمل ايه بعد الى
سمعتة وعرفته

وهو كان حصل ايه فالحادثه؟

فلاالش بالاك

بعد اتخطفت وغابت عن الوعي ، كان فى راجل معدى جمب
التاكس بعجله

لاحظ ان الاتنين الى فالتاكس من قدام السواق والى جمبه شغالين
يضحكوا بهيستريا عاملين زى المساطيل ولمح بنت ورا زى م
تكون نايمه

شك فامرهم واتصل بالبوليس خصوصاً انهم كانوا ماشيين ناحية
حته مقطوعة

والراجل ده بلغ عن نمره التاكس والحة الى كانوا فيها فوقتها
وانه شاك ان معاهم بنت مخطوفه

فنفس الوقت الى مامت الاء استغربت تأخرها وقلقت واتصلت
بيها كذا مرة مردتش

فاتصلت ب محمد خطيبها

الى كان منهار بعد م نزلت ومش عاوز يكلم حد

لما رد عليها وضحت مامتها ان الاء نزلت مع ايمن عشان ترتب
لحفلته الى عاملاها له مفاجاة
ولحد الان مرجعتش

محمد اتخض فالبداية ، زائد ان اكيد حماته ست اكبر من انها تعمل
فيلم عليه
وتكذب

يبقى الاء وايمن كانوا صح وفهم غلط
اتصل ب ايمن مردش
معرفش ينزل يدور فين ، ،

طبعا ع بال م كانوا بيدوروا وقتلتين ، كانوا السواق وصاحبه
وواحد كمان

طلعوا الاء من التاكس وبيجردوها من هدومها عشان يتناوبوا
اغتصابها

بس ملحقوش

البوليس جه

واخداهم متلبسين والاء لسه فاقدة الوعي وشبه عريانه!

خدوها وفوقوها وفالمستشفى تم وقع الكشف عليها ، عشان
يعرفوا هل الاغتصاب حصل

بعد م القسم ادى اشارة ل محمد ووالدتها بعد نص الليل انهم
لاقوها

لانهم مكانوش سابو اى مستشفى او قسم الا ودورا فيه وسايبين
ارقامهم ...

مامتها لما شافتها انهارت مكانها

اما محمد كان بيعرف ايه الى حصل وهو مفزوع جدا ،حاول
يحتضن الاء

بعدت عنه بقرف وضيق

ولما اتكشف عليها اتضح انها مش بنت بنوت !

متسر عش الطب الشرعى فحكمه ان انفض غشاء بكارتها حديثا
من الاغتصاب

وعرفوا ان انه منفض من فترة طويله

وان مفيش اى حاجه تدل عالاغتصاب ليها فجهازها التناسلى

يعنى جهازها زى م هو وملحقوش يعملوا حاجه ..

اتقال كل الكلام ده للام ولمحمد وفمحضر رسمى ،ولما امروا
بالخروج

الاء مقدرتش توقف ع رجلها!

كشفوا عليها تانى .. وكانت صدمتهم الاكبر والغير متوقعه
الاء اصيبت بشلل مؤقت

خرجت مع مامتها ، ووصلوا البيت
مامتها الى مش عارفة تستحمل انهى صدمه فيهم
صدمه انها استغفلتهم
ولا صدمه خطفها
ولا صدمه شلل رجليها !

الام كانت وحيدة وعاجزة عن التفكير ، من غير سند فالدنبا تبكى
فحضنه عن مصيبتها فبنتها
ثابته مكانها بلا حراك
لا عارفه تمسكها تضربها وتبهدلها
ولاتاخذها فحضنها!

الموقف كله سكوت فسكوت ، هى ساكته وباصه لبنتها
والاء حزنها مهما دارته مكشوف
حزن ع صدمتها فمحمد ، حزن ع صورتها قدام مامتها الى
انهارن
حزن ع الى صابها من جديد

هـى مش عارفه تبدء ازأى حياتها من ثانى

وفوسط تفكيرهم الاتنين جواهم بحر كلام ومن بره ساكتين
بابهم خبط
وكان محمد !

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

من كام يوم ، يمنى شافت روفيدة خطيبة يامن السابقيه
عند عمته
ومعاها خطيبها واهلها كانوا معاها برضو !

يمنى حبت تستنى روفيدة ع فروغ صبر
عشان تسال عن احوالها وتشوفها متأثرة ببعداها عن يامن ولا لا
؟

وفصدفه اتقابلوا فالشارع
وجت ل يمنى لحظتها الحاسمه ..

يمنى: عاملة ايه ي روفيدة ؟

روفيدة: بخير ازيكم انتم كلكم

يمنى: احنا تمام الحمد لله ، عامله ايه مع خطيبك
شكلك مبسوطه

روفيدة: وانتى عاوزانى اكون زعلانه ي يمنى ولا ايه

يمنى: لا مش قصدى بقصد ان يعنى مفاتش حاجه ع فسحك ل
يامن
اخويا واتخطبتى
والمفروض انكم كنتو بتحبوا بعض

روفيدة: ويامن ضيعنى من ايدى ي يمنى حصل ولا لا

يمنى: لا مضيعكيش ، عمل كل الى فوسعه واشتغل وحوش وطلعت
عينه

ده كويس انه نجح فالكلية اصلا

روفيدة: ماشى عارفه انه عمل الى عليه بس مكانش بيتقدم
خطوة

يمنى: ع اساس انكم بتدوروا عالجاهز مش الحب وانسان كويس
يصونك

روفيدة (اتضايقت) وخلص محصلش نصيب لحد هنا ي يمنى

يمنى: ممم انتى عاوزة تمشى صح ، ماشى انا موقفاكى اسال عنك
وكنت عاوزة اتأكد لما سيبتى يامن كانت رغبتك ولا رغبة طنط
وعمو

بس واضح انك موافقاهم
ع فكرة نسيت اقولك حاجه

روفيدة: ايه

يمنى: يامن بقى يشتغل فمستشفى كبيرة فالامارات ومرتبته بقا الله
اكبر لو قولته ليكى

هنتخضى ،يعنى فوقت قير هتتغير كل حاجه اصلا
واكيد سمعتى من عمك

روفيدة (كشرت) وانتى بتقوليلى الكلام ده ليه ،يامن انا بتمناله
الخير

يمنى: لا عادى بقولك عشان بس تعرفوا انكم استعجلتوا

الجاهزين كثير ي روفيدة
بس الانسان الكويس ونضيف من جواه صعب تلاقيه ...روحي
خلاص مش هعطك

مشيت يمني بعد م طلقت كام رصاصة لروفيدة ترجع بيهم حق
اخوها
الى بعد كل الحب والتعب ده
كان جزاء حبه مكسور

ومش بس ده عملته يمني ، بعنت مسج ل يامن
قالت فيها

يمني: يامن ي اخويا ي حبيبي
اوعى تفكر فحاجه فاتت
الى فات عايش حياته بالكول والعرض ، ربنا هيبعتك فرحه
تستاهلك
وتستاهل قلبك الطيب ي احسن اخ فالدنيا .

#بقلمى_نوراسماعيل



"ايه الحجات الحلوة الى تفتح النفس دي ،الف مبروك ي قلبي"

رضوى : الله يبارك فيكى ي حبيبتي ،عقبالك ي نوران

نوران: لا انا مش مستعجله خالص ،بس واقسم بالله اول م فتحت
فيس

وشوفت الخبر فرحت

قولت انك مش مياله ومش هتعملها

رضوى : انا قعدت معاه زى رغبتهم وكده ولاقيته كويس
بصراحه

وارتاحت

نوران : ربنا يسعدك ي حوبي ويبعد عنك كل شر

رضوى : يارب

نوران: وهتلبسي الشبكة امتى ؟

رضوى: لسه يمكن اسبوعين كمان

نوران : محاولش يكلمك الاستاذ حسين؟

رضوى: (بضيق) لا ومش عاوزة اسمع حاجه عنه اصلا

انا عاملاه بلوك من كل حاجه

نوران: م انتى لما بتحنى بتفكيه ي رضوى وبصراحه خايفه
تحنى تانى

وتظلمى خطيبك ده معاكى

رضوى: لا خلاص حسين صفحه وانتهت بالنسبة لى وعاوزه
ابدء حياتى بقا

نوران: يارب المرة دى يكون بجدي رضوى وتبعديه عنك لان
والله م يستاهلك

رضوى: متقلقيش ،حسين انا استحملت معاه كتير
وهو مقدرنيش

نوران: بس عالله قلبك ميفكر كيش بالى كان وترجعى تقوليلى لسه
بحبه

رضوى (بحزن) ماهو انا مش بين يوم وليلة هنساه
شوفى بينا كام سنه
واستحملت منه اد ايه
كل ده ميتنسيش بسهولة ،انا عالدينا طلعت ع حب حسين
ومعاملته معايا

نوران: تمام وهو مقدرش كل ده ومع ذلك خطب غيرك عادى جدا
ولما فسخ رجع كانك تحت امره
المره دى بقا تكون الناهيه
خلاص ليكى حياتك
وهو يبعد عنك بخيره وشره بقا

رضوى: يارب ،ادعيلى بس فصلاتك اعرف احب خطيبي واتعامل
معاه زى م يستاهل منى
واعرف اعيش عادى من غير م حسين م ييجى فبالى مرة واحده

نوران : يارب ي حبيبة قلبي ، عمرى م نسيتك فدعواتى

رضوى: ربنا يخليكى ليا ي حبيبتي

نوران: وميحرمناش من بعض يا رورو يارب ♡

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡

خرجت عن سكوتها اخيرا.

مامت الاء ،جه الشئ الى نطق الحجر الى جواها .

الام: انتى ليه مرضتيش نقوله ع انك حامل !

الاء: عشان مش عاوزة ي امى ،محمد بالنسبة لى دلوقت

مش هو محمد الى حبيته واختارته جوزى

انا بقيت بخاف من دماغه وساوسه

انا مبقتش اتق فيه

الام: ماهى دى مصيبتيه ولازم يشيلها معاكى ، الدكاترة

فالمستشفى قالت لى انك حامل

وفاكرين انك مش متجوزة لكن انا قولت انك متنيه

متبقاش فضايح والسلام

انا مش عاوزة اكمل عليكى كفاية الى انتى فيه

الاء: والى انا فيه مش هو السبب فيه ! مش هو الى خلاتى امشى
ع عمايا يومها
ويحصل الى حصل
مش هو طول عمره لما انزل من عنده يركبنى ويتطن عليا !
هى دى انتى امانتى

الام: تقومى مسالماله روحك من قبل الفرخ !! اسكتى عشان انا
من يومها معبيه وحاسه
انى هقع من طولى بجلظه مقومش منها

الاء: (باحساس ذنب) انا عارفة انى غلظت ،بس انا مراته ع سنه
الله ورسوله

الام: الناس متعرفش ده الا وانتى فبيته ، مش مكتوب كتابكم
وكمان حامل ومش عاوزة تقوليله
هو مش ابنه يابت!؟

الاء: ايه ي امى الى بتقوليه ده ! انتى بتشكى فيا

الام: الى تستغفل ابوها وامها كل ده تعمل اى حاجه

الاء: الله يسامحك ي ماما (ابتدت تبكى) انا مهما عملت

معملش ده

ليه يعنى !

انا سبت روحى له غصب عنى بحبه وشوفته جوزى وامين عليا

لكن مش للبيع لاي حد ي ماما

مامتها عرفت انها قسيت عليها فاخر كلمتين

حضنتها تهديها

الام: طب قولى ليه مش عاوزة تقويله انك حامل ؟

الاء: ماما ... انا اصلا بفكر اسيب محمد

مش عاوزاه يعرف بحملى ويبقى فيه اجبار لربطى بيه

وكمان اهله الى سمعونى كلام محدش يستحمله

الام: يعنى ايه ؟ يغلط هو الغلطه وتستحملك انتى لوحدك

تشيلى ذنبه وذنبك

الاء: (بشرود ودموع ع خدها) انا بفكر انزله ، عشان لايبقى

لمحمد

عندی ولا جوایا
حاجه تربطنی بیه ...!

الام: یالاهوی !! حرام علیکی حته منک تقتلیها بایدک

الاء (بانھیار) یعنی وهو جای بعد ایه !

بعد م خلاص

طلعی خاینه قدام اهله وصاحبه وقبلهم قدام نفسه؟

فین الحب والوعود

اتبخرت!

فین انتی انا ،،، هو فیه حد بیشک فنفسه

اکون ع ذمته ازای واخلف منه وهو مبیثقش فیا لمجرد کلمتین

اتبخوا فودانه

معنی ذلك

لو حد من اهله

لو عمته ولا اخته قالو حاجه عنی هیصدقهاهما کده کده

بیکرهونی

ده لو قالواله وانت برة جابت راجل البيت مش بعید یقتلنی من

قبل م یسمعی!

عاوزانی اخلی حته منه جوایا واقوله علیها

الام: الراجل جه يستسمح وكلنا بنغلط ،ومحمد بقاله سنين
شايلك فوق دماغه

الاء: ومرة واحدة دهسنى تحت رجله!
غلطه وحدة بعترت كل الحلو الى له فحياتى
غلطة جابت ٣ غلطات فرجليها
فجاة عرفت واتاكدت انى ماليش سند ...ولا حبيب ولازوج!
وانى هقضى طول عمرى عاجزة بسببه
وانى مش عارفه ارفع عينى فعينك ياماما برضو بسببه

وتقولى حرام ...الحرام هو الى اتعمل فىا
منه لله

عمرى م هسامحك ي محمد ...عمرى !

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

لون عيونه ..

غمازات خدوده البارزين ويعتبروا من علامات وسامته..

وقفته..

بصته للكاميرا وهو بيتصور ..

تسريحه شعره ..

كل دى تفاصيل حفظتها عيون آية عن ظهر قلب ،من كتر بصتها
لصوره

الى حفاظاهم ع فونها ليل ونهار ..

الحب

هو الكذبة الصادقه ، هو العسل الملعون

حاجه مش بايدك ولا بايدى ولا بايد ناس تانيين بتتحكم فيك

حاجه تقدر تطلعك لسابع سما

وتنزلك ع جدور رقبتك

حاجه متعرفش تخلعها من جواك مهما حصل لو ادمنتها

ومتعرفش تنساها حتى لو بحبوب نسيان!

ع اد الوجع ، ع اد الصدمه

ع اد تعب البعاد

آية منسيتش ايها ،ومش بتفكر الا فيه

آية كل يوم تسأل نفسها ، ايه الى حصل عشان تحبه وتتعلق بيه
كده

هى الى كانت حالفه م حد يدخل سور قلعتها
من الرجال !
هى الى اقسمت عالبعده عنهم غنيمه .

يعنى ايه كل يوم تفتكر كلامه ونبرة صوته وتعيط ؟
ويعنى ايه قبل م تنام لازم تقلب فصوره الى متمسحتش من ع
فونها

اياه انطفت!

طفاها الحب ، كانت الاول وردة دبلانه
صحاها ايها وسقاها رعاية واهتمام
عرفها انها انثى تحب وتتحب
عرفها يعنى ايه حياه وقلب يدق
علمها السهر والضحك وانها تستنى... وفجأة صحاها من حلمها
الجميل بكابوس
آيه اقوى من انها ترجع
غيرت ارقامها للابد والبلوك عمره م هيتشال ، لكن الى مش عاوز
يتشال
هو ايها!

مش قادرة تطلعه منها ، مش قادرة ترجع زى م كانت وتنسى الى
كان

كل م تحس انه كان بيتسلى بيها ، قلبها يصرع عقلها ويقولها لا
هو فعلا كان بيحبك
الى كنا بنحسه كان صح
لهفة صوته وحنيته
لمعة عيونه وهو بيكلنا

مكانش كذب ، تنفض عن دماغها انها تحنله
تبات يومها بعذاب فقدانه وبقوة اصرارها انها تتخطى مرحلته
كانها
لم تكن
ولو كذبت برضو بيبان
حتى لو كلمتين عالفيس منها ، زى م كتبت من غير شعور منها
وهى بتبكي
ع اغنية سمعوها سوا وفكرتها بيه

كتبت وقالت

لية تسرق حد من حياته لما انت مش ناوى تحافظ عليه !؟

#بقلمى_نوراسماعيل



" سبحان ربي الاعلى..

سبحان ربي الاعلى..

سبحان ربي الاعلى...

يارب ...يارب مش عاوزة غير تحقيق مطلبي ده

بمشيئتك وعونك

انا لحوحه فدعائى وعندى يقين بانك هتستجيب

يارب قلبي واجعنى اوى

مش عاوزة احس انى لما بفكر فيه بيبقى حرام

يارب يا قادر ع كل شئ ...اجعل ليا ف يامن نصيب

ان كان هو الخير ليا

يارب لو مكانش خير ابعده عن تفكيرى وعن قلبي

يارب ارضنى بقضاؤك

انك ع م تشاء قدير ..."

قامت من سجودها حور فصلاتها وهى خاشعه لله ، وكمالت

صلاتها

وسلمت

وبدأت تختم صلاتها عالسجادة بالتسبيح والحمد

وهى شاردة فيه برضو

يامن !

الى عمره م ساب دماغها ولاقلبها بس بينها وبين نفسها

انما قدام الكل هي شخص عادي وهو مجرد زميل !

بسبب سرحانها ،دمعه نزلت من عيونها غصب عنها

كانت فدخل نهلة اوضتها ،جت جنبها وقعدت ومسحت هي دمة

حور

بايدها

نهلة: عروستنا القمر بتعيط ليه

حور(بابتسامه باهته) انا لسه موافقتش ،قولت خلوني افكر

مش كده

نهلة: وبراحتك خالص محدش هياثر عليكى ده قرارك لوحدك

بس برضو

عيونك فيها دموع ليه

حور بصت ل نهلة بحزن واترمت فحضنها وبدات فبكاء شديد

بصوت مسموع

نهلة: ياااه ! هي حاجه مزعلاكي اوى كده

اتكلمى يا حور ، مالك ي حبيبتي

حور (بتمسح عيونها) مفيش ي ابله ، كل الحكاية انى كنت
مخنوقه شوية
وبفضفض مع ربنا يخفف عنى

نهلة : ونعم بالله ي حبيبتي (لملت خصلات شعر حور الى
خرجت من غير قصد
برة الاسدال ودخلتهم بصوابعها)

اجمل ملاك يلبس اسدال هو انتى ، الله اكبر عليكى فيه

حور ابتسمت

نهلة: الى تاعبك ربنا هيسمعك فيه وهيجبر بخاطرك
انا مش عاوزة اشوفك زعلانه ابداء ولا معيطه

* حور هزت دماغها بالموافقه *

حور: لسه انتى وبابا مبتكلموش بعض؟

نهلة: وهو امتى انا وهو اتكلما ،كان حلو اسلوبه الضرب
والاهانات دى

حور: عاوزة ليه تطلقى ي ابله نهلة ؟ انا مقدرش استغنى عنك

نهلة سكتت ومعرفتش ترد

حور: انا عارفة ان بابا معاملته ليكى صعبه وقاسيه

يمكن بسبب ضغط شغله ومشاريعه

بس برضو طول عمرك كنتى بتستحملى

عشان خاطرى استحملى

معرفش اعيش من غيرك ،انتى الى مصبرانى ع كل حاجه وحشه

نهلة (حضنت حور) بسببك استحملت وهستحمل يا حور

لحد بس م توصلى لبر امانك الى اتظمن انك مش هتحتاجينى
بعدها

حور: عمرى م هستغنى عنك ي ابله ،ابدا

انتى عوضتيني غياب ماما الله يرحمها

عمرى م حسيت انك مجرد مرات بابا ...

عشان خاطرى ،بابا برضو بيحبك عشان كده مش عاوز يسببك

انا متاكده

نهلة (بابتسامه صفرا) باباكي فعلا بيحبني حب من نوع تانى
عشان كده

ماسك فيا بكل طاقتة،حب انتى ابرء من انك تفهميه

* سكتوا الاتنين وسرحوا وهما ماسكين كفوف بعض*

نهلة: بقولك ايه انا جعانه ،تيجى نطلب اكل

حور: لا عشان الدايت

نهلة: دايت ايه هو انتى فيكى اصلا ،يلا يابت متدلعيش


ده انتى زى القمر

يابخت ابن المحظوظه الى هيتجوزك

حور ابتمت وقامت مع نهلة وهى بتضحك وقلبها

لسه بيردد دعائها الى كان فصلاتها ..

#بقلمى_نوراسماعيل



فنجان قهوة بيتحط بلامبالاه ع بار المطبخ فالسكن الجماعى
بتاعهم..

ايهاب مبقاش ع طبيعته الاولى ، او زى م شافوه فالبدديات
ومحدث بيعرف يخليه يضحك
الا مارسيلينو

مارسيلينو: مساء الجمال ي سواق الطيارات

* ايهاب ابتسم ابتسامه جانبيه*

مارسيلينو: بقولك ايه انا هجيك دوغرى ،خف من ع طه
(غمزله بطريقه تضحك)

ايهاب: هو مستفز وربنا ،يعنى انا بخترع مشاكل معاه من الهوا

مارسيلينو: اه بتخترع ،انت مستنى له عالساقطه

بصراحة

انت غلطان المرة دى

ابوس ايدك فوت يوم من غير م تتخانقوا سوا

ايهاب سكت وهو بيشر ب قهوته ومقتنع انه غلطان

بما انه مزاجيا مضطرب اليومين دول

مارسيلينو: انت مش عاجبنى ...مالك؟

ايهاب: عادى ي عم سينو هكون مالى

مارسيلينو: لاجد بعد م كنت اساس البهجه والصهله

بقيت الراعى الرسمى للبوس

بقيت شبه لينزى

ايهاب: مين لينزى ؟

مارسيلينو: ياراجل برضو محدش يعرف لينزى!

زوجتى المصونه والجوهرة المجنونة

ايهاب ابتسم بجد

مارسيلينو: اقطع دراعى ان الموضوع فيه حريم

ايهاب: لا حدق اوى

مارسيلينو: ياسيدنا لو المدام قارفاك فالعيشه

ارمى اليمين واخلص

انت عندك كنز اسمه الطلاق

مش لازقه الغرا الى انا فيها، انا كل يوم اولع شمعة للعدرا

واقولها اى حادثه ي عدرا فديلها تاخذ لينزى

اى عجلة تاكس الزقيها فيها ي عدرا

اى مكنة مية تفرمها متبينش ليها معالم ي عدرا

ايهاب (كشر باستغراب) ولا ... انت غبي ياض

حد يدعى ع مراته الدعوى دى

مارسيلينو: انت لو قعدت معاها يوم مش هتقول كده

هتعدرنى وترميها بايدك قدام القطر

ايهاب: تلاقيك مجربتش تتفاهم وياها بالحسنى

مارسيلينو: دى مش بتاعت حسنى دى بتاعت حقنه

واسالنى انا

مبتتفاهمش

بالبوكس واديه ع طول

ايهاب: عشان انت معودتهاش عالهداوة من الاول فطبيعى

يكون ردود افعالها قاسيه

مارسيلينو: اعودها ازاي عالهداوة اخدها ع حجرى واهشتكها!

يا عم فكك بلا مغص بطن

المهم انت ..لو الموضوع حريم طلقها !

اسمع منى بقولك المفيد

ايهاب: ولو قلبي الى عاوزها اطلقها منه ازاي ؟!

مارسيلينو: ااااه جينا للكلام الثقيل ولو قلبي عاوزها

ولو كبدى بيتمناها

ي حبيبي طلع قلبك وافرمه فمفرمه اللحمه

الا العكنه

صدقنى مفيش احلى من حريرتك

ايهاب قام وهو بيضحك ع مارسيلينو

مارسيلينو: اهى شغاله ليل نهار انت نازل امتى

نازل امتى

قال بعنى هنزل اتفاجئ انى متجوز جنات

مش حسن الاسمر!

وايهاب معدى وطالع كان طه نازل بس شاف ايهاب

قفل وشه

ايهاب: طه !

طه: نعم

ايهاب: حقك عليا انا مضغوط وحت فيك ،متزعلش

عشان حوار من شوية

طه: انا بس عاوز افهمك ان كلنا زى بعض

محدث هنا احسن من حد
قاعد بفلوسك وانا قاعد بفلوسى
وكلنا عباد الله

مارسيلينو: ياجالو معانا واحد من الشتراكيين اهو فقلب
البيت
اوعى البوكس يخضك

ايهاب (بيص ع سينو وضك ورجع بص ل طه)
انا مبصدهش كل الى فهمته
معرفش ليه الناس بتفهم كلامى ع انه تعالى

طه: عشان دى الحقيقة

ايهاب: والله ابدأ بالعكس

مارسيلينو: طب خلاص اسكتوا ،انا حفظت كلمة صلوا عالنبى
من كتر خناقاتكم
تعالو الصلح خير وبتصلح
ونخرج نقطع التورته ونطفى الشمع سوا

طه: ليه عيد ميلاد مين؟

مارسيلينو. مش انا نازل مصر قريب ،يبقى عيد
ميلاد جرحى انا

طه وايهاب: ههههههههههههه

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

يامن ..استقباله لرساله اخته كان فاهم مضمونها جدا

وعارف تقصد ايه

وكل يوم كان بيدعى فصلاته انه ينسى روفيدة عشان يقدر تكون
فى مساحه

لقلبه لشخص غيرها يقدره

عشان يعرف يبتدى من جديد .

بعد يوم شغل ليامن ..

ع اد ماهو متعب ع اد ماهو ممتع ،بيعمل حاجه حايبها

بيقضى وقت راحته فالسكن بعد الشغل ، ي فغرفته

بيقرا قرآن

ي بيكلم اهله

ي نايم

واوقات بسيطة بيفتح نت ، يتصفح يكلم صحابه

يكلم اخواته

يشوف دنيا مصر عامله ايه

وفيوم ، وهو بيتصفح

اتفاجئ بصورة لهور ع اكونتها الشخصى ..صورة شخصية ليها

الاول استغرب

وبعدها اتضايق جدا ، هي ليه تحط صورة ليها عالفيس

رغم ان الصورة محترمه

بحجابها الجميل فالمستشفى وابتسامتها النقية

وكل الى ضيفاهم بنات

الا هو وبعض زملائها الدكاترة المحترمين ، بس برضو اتضايق

ومفهمش ضيقته سببها ايه

غيرة ع بنت من بنات دينه والى ميرضاش اخته تعمله ميحبوش

من بنات الناس!

ولا اساسا حور لها شكل خاص عنده وشاف ان صورة بروفايل

ليها

بصورتها بتقلل من قيمتها!

ع كل حال

ارتبك كثير يقولها ول لا ، لحد م وصل ان يقول من باب النصيحة
الكلام ليها مفيهوش مشاعر عشان الحرمانيه
هيبت مسج اتقبلتها تمام
متقبلتهاش خلاص

فتح الشات بتاعها وكتب

يامن: السلام عليكم ورحمة الله ي دكتورة حور
انا لفت نظري صورتك موضوعه ع صفحتك الشخصية
هي اينعم لا غبار عليها ولا هي ملفته
لكن انا مش متعود ع فعل زي ده منك
الجوهرة بتفضل بعلبتها مصونه ، والمعروض هو الشئ الى
مالوش قيمه
وانتى قيمتك عاليه اوى
حتى لا احد يرى صورتك فيفتتن من اصحاب القلوب المريضة
والعياذ بالله
نصيحه ليكى ك اختى
تشيلها
لانك اكبر من فعل زي ده ...واسف لتدخلى

”

بعث المسج ،ومكانش واخذ باله انها متواجدة اون لاین فوقتها
وقرتها

كان هو انشغل يقرأ منشور عن شئ مهم منزله حد من زمايله

راحت كتبت وردت

حور: عندك حق ي دكتور يامن،حتى انى احط صورتى مكانتش
رغبتي

كانت رغبة صحباتى

انا هشيها فورا

وجزاك الله خير ع نصحى ..

يامن فتح الشات وقراه ،واترسمت ابتسامه ع وشه حلوة

واستغرب

هو انبسط ليه انها اتقبلت نصيحتة وفساعتها كمان !

بالفعل حور شالت الصورة بتاعتها ويامن شاف ده وانبسط اكثر

من غير شعور منه ومش عارف ازاي كتب لا ارادى منه

يامن: ربنا يكملك بالعقل ،شكرا لقبول نصيحتى

حور قرتها وقلبها طار من الفرحة ،بتسال نفسها ببيغير عليا ولا
ايه؟

اي ان كان هو يهमे امرى

كتبت وردت

حور: بارك الله فيك مرة تانيه وفميزان حساناتك

يامن: واياكى..

الشات كان يدوب كلمتين بينهم واتقفل ،بس كان جدير
انها تنام مبسوطه

وهو قلبه يحس براحه غريبة اول مرة يحس بيها 



#بقلمى_نوراسماعيل



"هالو ثيرد برزر"

يامن سمع الكلمة من مارسيلينو لما خرج يقعد معاهم وابتسم
كالعادة

ايهاب:يابنى اطلع اقعد معنا لما تيجى من شغلك والله م بنجيب
خمر ونساء

قاعدين قاعدة رجالى ابيه

يامن : (مبتسم) لا والله مش فكرة كده ،انا بس اخدت عالغزله

مارسيلينو: لا اخرج ..اخرج حظ همك ع همنا

وهو نقول اى كلام يطلع الى جوانا

طه:صحيح ي يامن عندى ضرر اتكسر جزء منه من فترة

وحاليا بدء يوجعنى لما وكل عليه

مارسيلينو: وهو بدئناها فكشف ووحدة صحية و الراجل هيرجع

فالخن بتاعه تانى عشان من اولها استغلال

طه: يا عم ده مجرد سؤال

مارسيلينو: سؤال يبقى تدفع تمن الكشف الاول مش داخل زحاليق

كده كأنك فملاهى ابو ناعسه

يامن: هههههه لا كشف ايه انتو زى اخواتى الكبار

مارسيلينو: الكبار ايه شايفنا بنتعزز انت كمان ! وانا الى كنت
رايح اقعذك واحجزلك الكشف

ايهاب: ع فكرة احنا اكبر منه فعلا يعنى متصغرش روحك مش
لسه نوغا ي سينو

مارسيلينو: لا انا لسه نوغا بتاع الزمان وكل زمان، اتكلم ع
نفسك انت وابو ضرس ده

يامن (بيضحك) بص ي طه ، ضرسك لما اتكسر كنت روحت
عملت طربوش

له لان واضح ان حصل له تسوس لانه مكسور وده سبب الالم
ابقى عدى عليا فاي وقت وانا هظبطهولك متقلقش الف سلامه
عليك

طه: الله يسلمك

مارسيلينو: وهو هيركبك طربوش فسنانك ومش بعيد يدك رفصة
ترجع وياه لل ستينات (بيكلم يامن) وانت ليه يعدى عليك
وميعديش واوام عملت فيها دكتور القبيله ، اربطهولك هنا وانت
اشتغل يلا

طه: يربط ايه الله يخربيتك

مارسيلينو: بسرعة مش هتحس بحاجة

ايهاب: اقعديلا اقعديلا عامل صدام عالفاضي

مارسيلينو: كده ي هوبا ؟ ده انا حبك

انا قلبك

انا روح قلبك

طه: خلاص ي اصاله متعيطيش

ع ذكر اصاله ،ايهاب افكر اية الى مش بينساها

وسرح

ايهاب: صحيح ي شباب ،كان عندي مشكله كده مع واحد صاحبي

عرفته من عالفيس ومعرفش مكانه ولا بيته ولا وفونه تتغير

مارسيلينو: ايه كل ده ،لايطلع شبح وكان بيتهيا لك

ايهاب: افصل ي بلوة انا بتكلم جد ، دلوقتي الاكونت بتاعه اتقفل

وعاوز اوصل له اعمل ايه

طه: اعمل اكونت جديد وكلمه منه

ايهاب: لا ده هبل اوى ي طه ،يعنى مش سننى ولا طريقتى
وبصراحه انا مزعله فخايف اعمل كده ميردش عليا برضو

يامن: اكيد ذكر لك مكان شغله!

ايهاب سرح وسكت

مارسيلينو: بس ي معلم ،هات الشات وشوف
وروحله واعملها فجأة

ايهاب ابتسم اخيرا لقى ثغرة ،يرجع بيها ل اية من تانى .

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

محاولات محمد لارضاء الاء مش بتنتهى..

لكن الاء بتحس طول الوقت انه مش زى الاول سواء فكلامه
عالفون او لما بييجى بزورها

وقف جنبها فمحننتها للشلل المؤقت ووداها دكتور واتنين

وقالو ان فيه امل ترجع تمشى لكن كله بالعلاج وتحسن الحالة
النفسية

لكن حالة الاء مش بتتحسن
حتى لو محمد ..وقف ع راسه !

محمد (بيكلم الاء فون) ايه حوار الترجيع الكثير ده تعالى تروح
دكتور

الاء: مش مستاهله ،يمكن الدول بتاع رجلى قالب معدتى

محمد: الاء فيكى ايه بس طمنينى عليكى ،من اليوم الشؤم ده
وانتى مش زى الاول

الاء: مفيش ي محمد انا تمام الحمدلله
محمد: الاء ...طب اعمل ايه تانى عشان ترجعى
زى الاول معايا

الاء: ياريت ي محمد ،بس للاسف حجات كثير اتكسرت بينا

محمد: الوقت بينسى ي الاء ومتتسيش انا كنت لك ايه
وانتى عندى ايه

وهو بيتكلم دخلت اوضته مرة واحدة اخته وسمعت اخر جملة
قالها

هند (بطريقة مستفزة) انت بتكلمها!

محمد بيدور يبص ع الاء بسخافه كانت عمته سامعه وجت وقفت
ع باب اوضته

العمة: هو انت لسه بتستعطفها ست الحسن والجمال

محمد: عمتى ! اذا سمحتى اطلعى انتى وهد برة

العمة: قال بطلو ده واسمعوا ده ،لقت الواد بكلمتين
وحالا طلعت غلطان وبيستسمحها بعد عمائلها السوداء
وكمان جايلنا بعد حادثه الله اعلم عملوا فيها ايه

الاء (بانهيار) اقفل ي محمد مش عايزة اسمع كلامهم كفاية

محمد: ثوانى ي الاء ، عمتى !

كلامك بيشعل الدنيا نار

العمة: ايه ... زعلت الست هانم

ايه ي واد هتوطى ع رجلها تبوسها عشان تسامحك

دى محمد ربنا انك لسه بتبص فوشها
ومكمل معاها

محمد: جرى ايه ي عمى هو انا الى بقوله مش بيتسمع ليه

العمل: نسمع ايه ي روح عمك ،قولها ارمى عملتك ع ذكر تانى
ابننا راجل من ضره، راجل
واسمع عشان تثبت لنا ان محصلش حاجة لما خطفوها
هتدخل عليها بلدى سامع!!

الاء: (بصريخ) محمد من انهاردة انا مش عاوزاك
كفاية الى اهلك عاملينه ده انا معتش استحمل
عندهم بنت زيي يخافوا عليها

محمد: الاء اصبرى بس

الاء: ورحمة بابا ي محمد م جبت المأذون
وظلقتنى لارفع قضية خلع عليك
كفاية ذل وتجريح من اهلك وانت ساكت
انا تعبت

محمد: اطلقك (بخضه)

النعمة: ياخويا الف نهار ابيض لولولولولى اول مرة
تقولى كلمه تعجبني من ساعة م شوفت وشك

هند سمعت كلمة طلاق واتضايقت وبان ع ملامحها ،وجت والدة
محمد عالزغرودة تفهم فيه ايه

الام: فيه ايه

الاء: خلى عمتك تكمل فرحتها الاخر ، مش عاوزاك ي محمد
ويهون عليا الموت ولا نتجوز
طلقنى ...وانهاردة !

*قفلت الفون ومحمد مذهول الاء طالبه الطلاق ومش عاوزة فيه
رجعه*

محمد: عاوزة تطلق ! كويس كده ي عمتى مبسوطه

العمة: هي لما سمعت انك هتدخل عليها بلدى خافت لا تتفضح

مؤكد اغتصبوها

هند: (بضيق) يا عمتى المستشفى قالت مفيش حاجه حصلت
وبعدين كده اتعدت اكثر

العمة: فستين داهيه يغور اللبن من وش البوم
بكرة ي واد اخطبك ست ستها عيني عليها من زمان
ادب واخلاق محدش رفع عينه فيها ولا تعرف السما من العمل

الام: الله ي عزة ! محمد مش هيسيبيها انتى بتقولى ايه

محمد (بانهيار) مش عاوز تشوف حد ، اطلعوا كلكم برة
سيبونى

اتخربت ومبسوطين ...سيبونى وحدى!

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡

" ايه حركات العيال دى ؟ جايب نمرة جديده تكلمنى منها"
حسين: اعملك ايه قفلتى كل السكك فوشى ،مش عارف اوصلك

رضوی: وتوصلی لیه مالناش دعوة ببعض من هنا ورايح خلاص
ي حسين

حسين: يااه البيع باين فكلامك و قلبك حمد ي رضوی عليا
رضوی: مين فينا قلبه حمد الاول عالتانى؟ من الاخر عاوز ايه
ي حسين

حسين: عاوز نرجع ي رضوی، انا تعبان من غيرك

رضوی (قلبها حن بس ثابتة) لا والله !

حسين: طبعا بتتکلمی وبتستقوی ، اتخطبتی وچالك قلب تقعدی
مع عريس وتقبلی
وتتقفوا ع خطوبة
عادى بالبساطه دى و مش مهم حسين ولا اى حاجه بينا

رضوی: وانت عرفت منين انى اتخطبت ؟

حسين: وفسختی کمان ، تحبى اقولك بالتواريخ
انا عملت اکونت تانى ومتابعك منه

رضوی: ي حسين...عاوز ايه منى مش هنعیده تانى
انت مبعثش زى م انت

وانا خلاص كنت بدات انساك واعيش ابعـد عني

حسين: لو كنتي نسيـتيني فعلا مكنتيش فسختي قبل م تلبسي
شيكـتك

انتى اصلا مش شايفه غيرى ي رضوى
وعمرك م هتكونى مع غيرى لا بـقلبك ولا بجسمك!

معسول كلام حسين له كل مرة تاثير عليها بتاخذ القرار وبـتروح
كذا خطوة لقدام

وحنين لحسين مع محاولاته ،زائد قلبها الى تاـعبها طول الوقت
بـيرحوها لنقطه البداية

كل مرة بـيرجع لها حسين بتـحس ان مهما حصل مش هيشوف
غيرها

مهما عمل مش هيبطل يحبها

هى بدايته ونهايته ..وكل ده بيعشمها اـكثر

ان تديله فرصة تانيه ...ومتسبهوش!

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡

عالفـيديو كول ..

كان فيه لقاء رومانسي من نوع خاص ل طه ونهـلة .!

طه: روحى وخذانى لعندك اوى ، طب وحشتينى اول ي نهلة
اعمل ايه دلوقت

نهلة: ندعى ربنا يقرب بعيدنا يارب ..شكلك تتغير ي طه
سايب دقنك
وبين بسمتك الحلوة

طه: وابتسم وانتي بعيدة عنى قوليلى ازاي

نهلة: قبل م اعرفك كنت متبسم وكنت احلى وش
شوفته فحياتى
متتلكش بيا

طه (ابتسم) وانتي احلى من ابتسامتى ومن حياتى نفسها
عمرى م هسيبك دقيقه

نهلة: هانت ،اتكلمت تانى مع صادق وواضح كده انه هيوافق
يطلقنى من غير شوشرة

طه: بجد !

يمكن ده احلى خبر سمعته

نهلة: خلاص قربت ي طه الحمد لله

طه: يارب دايمًا قريبه ومش، بعيده عنى

نهلة: انا عارفة ان ربنا مش هيخذنى حتى لو انا حاليا بعصيه
وبكلمك من ورا جوزى

فربنا عارف انا اد ايه تعبت وياه ومش عاوزة حاجه حرام
عاوزه نتجوز وتكون معايا تحت سقف بيت واحد


طه: كلامك الحلو ده مخلينى عاوز ... عاوز احضنك اوى
بس اعمل ايه

كلهم نزلوا ع مصر اجازات وسابونى

نهلة: هتهون وهتيجى وهنبقى سوا بس نقول يارب

طه: يارب ي حبيبتي... يارب

#بقلمى_نوراسماعيل



شموع كتير فكل حته فشقه مارسيلينو ، ورد طبيعى
وروايح جميله

مارسيلينو: هى دى شقتى ولا (بييص عالباب)

طلعت له لينزى لابسه روب ابيض وبتضحك ضحكه واسعه
وحاطه ميكاب او فر

مارسيلينو: يا عدرا!! بسم الصليب فيه ايه

لينزى: وحشتنى ي حبيبي (حضنته من رقبتة) ياااه

مارسيلينو: ياااه ايه هو انا بقالى نص قرن برة ؟

لينزى: تعالى يلا انا عملت اكل انهاردة بنفسى

مارسيلينو: لا مانا عاوز ابات هنا مش بالمستشفى

لينزى: لا ي سناسينو ده انت هتاكل اكل

مارسيلينو: والمسيح الحى م عاوز انا هنام واقف هنا

* بتشده ع اوضة النوم وهو بيحاول يفلت منها*

لينزى: مش عاوز تدخل ليه انا محضرة كل ده عشانك

مارسيلينو: ااااه قولى ده الحوار ، لا مفيناش من تدابيس

ي لينزى

لينزى: بقولك ايه ده حقى عليك وانا محضراك كل حاجه ومهياة
الجو

وتقولى لا

مارسيلينو: مش لقف من عالباى الايكي شبه المعزة المتحنطه
كده وحطالى 400 لون ع خلقتك

وعاوز افهمك ان شكلك الاصلى كان اهون وتقوليلى تعالى قلة
ادب وسفاله (بيغمز)

متجيش

عشان كده شغاله زى الجرس المضروب جاى امتى جاى امتى

لينزى: بقولك ايه الذوووق مش نافع ،يبقى بالعافيه

* بتشده من هدمه للاوضه ودخلته وقالت الباب بقوة*

#بقلمى_ نور اسماعيل



" حمد لله عالسلامه ي حبيبي مصر نورت "

يامن: الله يسلمك ي امى ...

يمنى: خد نفسك عشان نفرجك عالبيت

بابا بيصلح فيه زى م انت قوله

الام: ربنا يباركلنا فيك يابنى ،ولو انى كنت عاوزاك تخلصى الفلوس
دى

ليك حوشهم وكون نفسك

يامن: ي امى كلامك ع راسي ،لكن انا بقيت دكتور وسافرت

بفضل الله ثم بدعائكم وتعبيكم عليا

اقل حاجه اضبط البيت الى شالنا واوفى حق بابا واشيل وياه

ياسر: واد ي يامن ،حوش واخطبك بت موزة من بتوع دبي

الى شعرهم نازل لتحت رجلهم

دول وعيونهم دباحه

يامن (ضحك وضرب اخوه بهزار) استغفر ربنا ي ياسر
وبعدين هناك بيلبسوا عبايات وطرح وبيقولوا عليها شيله
ماشاء الله عليهم

يمنى: اتكلم حاجه بلهجتهم كده ي يامن

يامن (مبتسم) ملقش حاجه من كلامهم بس بقيت افهمهم
الحمد لله

يمنى: كله بسبب الدكتور صاحبتك دى ربنا يخليها
هى الى نشتك من شغل مصر ابو مرتب مياكلش عيش حاف

يامن: بلدنا حلوة وفيها شغل بس الواحد يسعى

الام: مرتاح فسكنك ي بنى

يامن: ربنا فضله واسع ي امى ، معايا زملاء فسكنى

محترمين ومش بتوع مشاكل

وفيهم واحد دمه خفيف جدا ماشاء الله عليه

لما بنقعد معانا بيهلكنا ضحك

وهما بيتكلموا ،فونه رن وكانت حور
شاف للاتصال واستغرب
بس قام فاوضته يرد

يامن: السلام عليكم ورحمه الله

حور: و عليكم السلام ي دكتور يامن ،حمدلله عالسلامه لسه
عارفه انك جيت مصر
امبارح

يامن: الله يسلمك

حور: دكتور بدر نعمان بعثلى وقالى ،انت طبعا عارف
لازم تعدى عالمستشفى هنا قبل م تمشى

يامن: اه فاهم دكتور بدر قالى وباذن الله هسافر الاقصر
وجاى للمستشفى

حور: انا بعثلك عالواتس بس واضح انك مشوفتهاش فاضطريت
اكلمك

يامن: انا اسف من وقت م جيت وانا مع اسرتى انتى عارفه
معرفتش

اتواصل عالنت

حور: ولايهكم .. وحمدلله عالسلامه مرة تانيه

السلام عليكم

* قفلت المكالمه ورجع يامن ل مامته واخواته يقعد وياهم

*

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

"انا حبك .. انا فرحك ... انا عقلك وتفكيره"

موظفه ١ : م تطفى اصاله دى وشغلى حاجه شعبيه كده

موظفه ٢ : هو انا فالشغل ولا فمولد هههههه

موظفه ٣ : ي جماعة سيبو اية تشغل الى تشغله هى حرة

وبعدين اختيارات سماعها ل اصاله حلوة

آية: ربنا يخليكى ،معرفش ليه مش ناس كتير الى بتسمعها

موظفه ١: هي ان كان ع اصاله فاليها شعبيه اد كده وصوتها
ممتاز


لكن الى محيرنى بقا

انتى انهاردة مشغله شوية اغانى حب ورومانسيه عالكيف اول
ايه الحكاية؟

آية(ابتسمت وقالت وهى سرحانه) اصل حلمت حلم حلو اوى
انهاردة

موظفه ١: طب م تحكى ياختى خلى الوقت يعدى لسه بدرى
عالمرواح

وهما بيتكلموا هلت ريحه بيرفيوم متميزه وحلوة اوى
وبعدا ظهى ايهاب واقف وماسك فايده شنطه هدايا
ع باب مكتب اية !!

آية اتخضت وبان ع ملامحها وهو باصص لها بعيون مشتاقه
وابتسامه فيها وسامه غمازاته. 

موظفه ١ : ايه مين ده ؟

موظفه ٢ : مش ده البطل التركى بتاع حب اعمى، كمااال!!

موظفه ٣ : يلاهوى مين القمر ده، حضرتك عاوز مين ي استاذ

ايهاب: بعد اذنكم ،كنت عاوز الانسة اية !

كلهم بصوا لاية الى شبه غرقانه فشبر ميه

موظفه ١ : اتفضل ي استاذ

دخل وهو مستحى وبعد ع مكتبها وهما باصينله ومنتحين فيه

آية: عرفت تيجى ازاي ؟

ايهاب (بيص بجمب عينه ع الستات زمايلها) طيب نتكلم فمكان
تانى مش عارف اقول حاجه هنا

آية مكسوفه وقلبها بيدق اول وايدها بترتعش
وفنفس الوقت حاسه بعيونهم راشقه فيه وفيها

آية (بصوت واطى) انا مش هروح معاك فحته

ايهاب: ي ستى اسمعيني وبس ولو معجبكيش الكلام سيبينى
وامشى
م صدقت اتلم عليكى ي اية

اية مش عارفه تحسم امرها ،حظها قدام امر واقع من غير سابق
انذار

بعد م طوت صفحته من جواها للابد

جائ يعيد الى فات

ودور وبالنهاية جابها ...بس فموقف دلوقت

هتعمل ايه !؟

♡♡♡♡♡♡♡♡♡♡♡♡♡♡♡♡♡♡♡♡♡♡♡

#بقلمى_نوراسماعيل



من سكات ...

عشان الموقف يتحل بسرعة قبل م تزيد التساؤلات حوالين ايهاب
ويقرب ايه ل اية

وافقت اية ع انها تخرج معاه واستاذنت من شغلها بحجه انه
قريب بنات اختها وفيه امر مهم جدا وده الى هيخليها تمشى ..

فعربيته جت ع زعلها و كرامتها ومبادئها وركبت وياه
عشان الشوشرة والناس متتلفتش عليهم.

راح بيها لمكان بعيد عن البلد ع حسب طلبها ، ووصلوا لاقرب
كافيه
وقعدوا ..

آية: وافقتك لان مكانش فيه مجال نتكلم فيه هناك فالشغل وكلهم
كانو بيتهمسوا انت مين وتقربلى ايه

ايهاب (مبتسم وهو بيتفحص ملامحها بعنيه) وحشتيني اوى ي
اية
اوى

اية (اتلعثمت) ده ع اساس ايه يعنى بتيجى وو...و تخرجنى من
شغلى

ايهاب: على اساس انى بحبك ومقدرش استغنى عنك ابدأ

اية: انت عاوز ايه ي ايهاب ، اتكلم ع طول

ده ع اعتبار انك قولت انك هتقولى حاجه مهمة وفالاساس انا
مش عاوزة اسمع منك حاجه

ايهاب: بصى ي اية، حقك انك تزعلى لانى خبيت
اية (قطعه): لانك كذبت

ايهاب: بكذب لو كنتى سالتى انت مرتبط او لا وانا قولت لا
لكن انتى مسالتيش وانا مقولتتش

اية: ع اساس انك لو كنت سالتك كنت هتقول انك نتجوز ومخلف
!

ايهاب (سكت لثوان وبعدها اتكلم) اية ، انا فعلا قصدت انى اخبي
لان مراتى مش بتشكل اى ركن فحياتى غير انها ام بنتى
احنا نعتبر منفصلين بس قدام الناس متجوزين
والله م كنت بفتكرها وانا معاكى ، واول مرة قابلتك نسيت الدبله
فعلا من غير، قصد

اية: يعنى مطلقها؟

ايهاب: لا انا مطلقتهاش ، يوم م عرفت واتاكدت انى بحبك
كنت هطلقها بس فوجئت انها حامل فبنتى ريم ، فسكتت

فضلت انى استمر عشان مصلحة بنتى الى جاية
والله العظيم انا صادق فكل كلمة قولتهاك ومش بمثل عليكى

اية: و عشان بنتك ريم تظلمنى معاك وتكمل وانا ع وهم

ايهاب: عمرى م وهمتك ي اية ، انا عاوز اتجوزك وانا اد كلامى
واد كل كلمة وعدتك بيها

اية: نتجوز ! وانت متجوز وعندك بنت

ايهاب: وفيها ايه

اية: ومتطلقهاش هى ليه

ايهاب: عشان بنتى ي اية ، انتى ضحيتى بشبابك عشان بنات
اختك

وانا ضحيت ان واحدة زى مراتى مفيش فداغها الا شغلها
وظموحها وانانيتها تفضل ع ذمتى عشان بنتى متحرمش منها
لانى لو طلقتها البنت فحضانتها

اية: وليه من البداية محكتش ليا كل ده ، مقولتليش ليه

وانا اقرر

ده انا حكته كل حاجه فحياتي ومخبثش عنك حاجه
وانت داريت وخبيت كل حياتك عنى، انا قوات ادق تفاصيلي
صدقتك وصدقت كل حرف قولته وحسيت لك بامان
خلانى ابدأ محسش ناحيتك انك خاين او محتال
بتقول كلام فالهوا

حتى لو معرفتنا جت عن طريق نت، وان معظم الى بيتقال عليه
كذب فكذب

انت جرحتي جرح كبير اول، عارف يعنى ايه حد مدارى نفسه
وقلبه طول الوقت عن الناس

وفجأة يدريك كل حاجه وميعزش عنك شئ، تقوم انت تطعنه فضهره
مرة واحدة !

ايهاب: خوفت تبعدى عنى... خوفت تعرفى تضيعى من تانى بعد م
اتعلقت بيكى و م صدقت لاقيتك
وانتى اول م شوفتى الصورة نزلتى عليا مدتنيش فرصة ادافع عن
نفسى

اية: عشان طبيعى احس انى مجرد نزوة، وانك بالنهاية لبيتك
ومراتك وبنتك

فالاخر مجرد يومين حلوين ، مرضتش اخلى قلبي لعبة فايدك اكر
من كده

ايهاب (بلهفه) يلاهوى ي اية ، قلبك لعبة فايدى
عمرى م فكرت كده ، قلبك ده حته منى اساسا
من يوم م حبيتك وانا عاهدت نفسي يتقالك كل الحقيقة بس
فالوقت المناسب
والله م بضحك عليكى ي اية

اية سامعاه وحاسه بلهفه صوته واشتياقه الى باينين فكلامه
وعنيه
اية: وعاوز ايه دلوقتي ي ايهاب !؟

ايهاب: عاوزك ..

اية اسبهلت من الكلمة

ايهاب: عاوزك معايا ...متبعديش عنى

عاوزك فحياتى

انتى طلعتى عينى عشان اوصلك ، هبت الجنونة وبسرعة هوب
اقفل اكونتات وبلوكات وبلاك ليست

اجيبك منين

افتح عليك المنديل

اية ابتسمت ع كلامه

ايهاب: جبتي القساوة دى منين بس

اية: انت قسيت الاول لما خدعتنى

ايهاب: متسمهيوش خداع ،انا فدنيته مكنتش بفتكر ولا بشوف
غيرك

اية: وهى عارفة انت فين وبتعمل ايه دلوقتي ؟

ايهاب (اتهد بحزن) وصال لو تعرف انا فين وبتعمل ايه ومهمته
مكانتش وصلتنى ليكى ...
* اية فهمته وسكتت*

ايهاب: اكيد مدوختش عليكى ووصلت لحد عنوان شغلك وسؤال
وجواب لحد م عرفت طريقك
عشان اخدك او انى شايفك لعبه

اية: اضمن منين انك مش هتكذب عليا فاي حاجه تانى

ايهاب: الضمان الى عاوزاه انا تحت امرك فيه

اية حاسة بكلامه انه صادق، ولا يمكن عشان هي محتاجاه لحياتها
ك سند واحتواء وحبيب وكل حاجه

ايهاب مدهاش فرصة تفكر وقطع سرحانها

ايهاب: يلا ي اية قومي (مسك ايدها وقايم)

اية: فين

ايهاب: نتجوز ودلوقتي وحالا واللحظة دي

اية (مبتسمه) جواز !! دلوقت

مبتجيش كده ي ايهاب

ايهاب: اومال بتيجي ازاي؟ يا بنت الحلال شاوري ع الى عاوزاه
وانا هنفذه

اية : طيب نبقي نفكر فالموضوع برواق مش كده خبط لزق

بتبص فساعتها

انا لازم دلوقتى اروح .. عشان متاخرش ع البنات

ايهاب: هوصلك انا ،بس قبل اى حاجه

افتحى البلوك

وفونك

ااية بصاله باستسلام

ايهاب: قلبى جواه كلام عاوز يحضن قلبك ويقول كل الى جواه

ارجوكى خليكى حنينه عليه

* قلبها اتحرك من مكانه فالكلمتين دول بس فضلت ثابتته برضو

حتى عالاقل لغاية م تروح *

ااية: انا همشى ، مش هينفع توصلنى انت فاهم طبعا ليه

هاخد اى مواصله من هنا

* بتاخذ شنطتها وطالعه*

ايهاب: ااية !

ااية: نعم

ايهاب: والله العظيم بحبك ..

اية لفت وادتله ضهرها وهي اخيرا اترسمت ع وشها الابتسامه
وخرجت واخذت اول تاكس ف وشها واول م ركبت
مستنتش تروح

فكت البلاك ليست والبوك

واتصل بيها فساعتها،كملوا كلام سوا لحد م تروح
ويتظمن عليها وقلبها وقلبه بيدقوا فالساع100 دقة

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

عروسة بلارينا بتلف فصندوق موسيقى كبير...كان هدية من طه
لنهلة اول هدية تتبعثها من دبي!
وكتب لها فمسج عشان تستناها
" انا شايفك كده ...عروسة بتملى الدنيا فرح"

نهلة فرحت بيها اوى،وكانها بنت العشرين
حطتها وفتحتها وشغلت موسيقاها
وفضلت تلف مع نفسها ف اوضتها وهي بتتراقص زى العروسة
ومبسوطه اوى

فكت شعرها ومديه لنفسها البراح ،ببتمايل يمين وشمال

كانها بترقص فحضن طه فعلا ع موسيقى العلبة الى شغاله !

ومرة واحدة اتفتح الباب عليها فاتخضت وايدها جت عالعروسة
وقعت عالارض وانكسرت

نهلة : ايه ده!

صادق (واقف باصلها) ايه ؟... مالك

نهلة: مش طول عمرك بتقولنا ي صادق بيه ان فى اداب استئذان
!

ولا ده ليك و احنا لا

صادق: (بابتسامه سخيغه) استأذن ادخل ع مراتى

نهلة: مانا بستأذن ادخل عليك ولا مينفعش لينا احنا

اي حق بتاخده لنفسك

صادق: انا راجل بشتغل ويببقى بين ايديا حجات مرتبطه بمصاير
ناس

مش هتعمل عن رقص وكلام فارغ زى م انتى عامله كده

نهلة بتبصله بحزن ونزلت عالارض وجابت العروسة المتكسره
وبتلمها بايدها

صادق: اقدر افهم ايه التفاهم الى انتى فيها دى ، فكيتى شعرك
وبترقصى

ايه حركات البنات المراهقه دى

نهلة: سبحان الله ي اخى ، يعنى قاعدة فاوضتى ولوحدى وكمان
بتدخل بعمل ايه وبتقل منه

صادق: انا مش فاضى لمهاتراتك دى ، اجهزى معزومين ع حفلة
بليل ل سيد هاشم بيه

نهلة: احنا مش اتفقنا عالانفصال وع اساسه هنتعامل

صادق: ولحد م يتم الانفصال هتفضلى مراتى وتعملى كل الى
امرك بيه من غير مناقشات

(مسكها من دقنها) ولاقطنى الحلوة اتعودت تخربش

نهلة(شالت ايده من ع دقنها) مفيش اسلوب احسن من ده
تكلمنى بيه وكانى مش آله

صاااق (كمل وكأنه مش سامعها)فستانك هيوصل كمان شوية
استلميه ومش هو صيكي

خرج وسابها بصاله وبتعلنه جواها مليون مرة وبتلم الى باقى من
العروسة المكسور بحزن ..

قامت وبعثت مسج ل طه وكتبت فيها

نهلة: العروسة انكسرت ي طه ! (ايموجى حزين بدموع)

وبعد ساعات كانت بتجهز للحفله بجسمها بس و مفيش روح
وهى بتحط اخر لمسات الميكاب الاخيرة رد عليها المسج وقال

طه: ولا يهملك ... يتجايبك غيرها

بس ابتسامتك متروحش منك ،وتفضلى انتى ي نهلة

نور دنيتى ...

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

"ي محمد..افتحلى ي حبيبي"

من برة اوضة محمد جهاد

الام: الواد مش راضى يفتح ولا حتى بياخد منى وكل ولا بيطلع
ياخوفى يجراله حاجه

العمه: يومين وينسي

هند: يا عمتى انا مخنوقه اول عليه ، مهما كان متوصلش لطلاق
قبل فرحهم

النعمة: انتى يابت مش بتكرهياها ومش بتنزلك من زور !

هند : اه ي عمتى ماشى ، اتخنى منها

اتضايق

بس مش طلاق ، اول مرة هى تصعب عليا

وصعبان عليا اكثر محمد

الام: النبي ابني لايجراله حاجه

النعمة: ولا هيجراله جمدى قلبك ، ليه كانت عروسة البحور و
احنا منعرفش

هينسي ويتجوز الى عليها العين والنية وساعتها هيقولى كان
عندك حق يا عمتى وكل الى تقوليه صح

هند اتضايقت وقامت دخلت اوضتها،انما جوة اوضة محمد كان
قاعد فاوضته ساند وشه ع ركبته

خلاص تم انفصاله عن الاء نهائى عند مأذون ومش هيبقاله
علاقه ب الاء من قريب او من بعيد

هى مش عاوزاه تانى وكررتها فوشه كذا مرة

ومتراجعتش عن طلبها

هى خلاص استغنت للنهاية وده الى محمد شايفه

هى مش عاوزاه لمجرد ذلة لسان منه باعت حب كبير

باعت ومش عاوزة تشتري تانى

..

الدنيا سواد فعينه ،لاعاوز ياكل ولا يشرب ولايكلم او يشوف حد

حبه الكبير راح

اجمل سنين عمره بكلمه اتمحت !

مكانش هيوافقها ع طلاق ، ولا عمره كان هيفيط

بس هو حس ان اللي داست كل الى م بينهم برجلها لما

حلفت عالمصحف انها مش عاوزاه وان لو مطلقهاش هترفع

قضية عليه ...وانه بالنسبة لها محمد الى حبته

مات من ساعة الى حصل فالיום المشؤم !!

محمد عاهدها ان لوع تدخل اهله هيقطع لسانهم من ناحيتها حتى
لو هي اتهمته ان هما بهدلوها هي وشرفها وهو مردش كانه
راضى !

الاء المها اكبر من بهدلة اهل محمد ليها و اكبر من شكه فيها
و اكبر من فضيحتها وقت الحادث
و اكبر من الحب الى كان ...الم ميتلمش جرحه
الا بقطع عرق الصلة ،والفراق للابد !

وسط تفكيره وحزنه ،رنات صحابه مش بتبطل
وهو مبيردش
بس فيهم حد اتصل كتيبير وولما غلب ان محمد ميردش بعته
مسج
ان عاوزه فحاجه مهمة جدا

ورد محمد ..

الكابتن: يابنى انت فين

محمد: موجود فالدنيا

الكابتن: فرصة من ذهب ي محمد ،يدوب تحضر ورقك

ودنيتك

محمد : مش فاهم حاجه

الكابتن: حفهمك ،بقالى يومين قالب الدنيا عليك
تعالى نتفق ع مكان نتقابل وافهمك التيته كلها
امين !

محمد: امين ...مستنيك

* قفل مكالمته ورجع لشروده وسرحانه وحزنه ،ولدبله الاء الى
ماسكها فايده ومش عاوز يسيبها*

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

فزيارة ل يامن للاقصر ،اولى محطاته فجولات العمل
مستشفى صادق بركات الاستثمارى !

وفائتاء جولته وترحيبهم بوجوده ومجيته ،مكانش ملاحظ وجود
حور !
هى فين

محطش الموضوع فدهاغه ،ودخل المكتب عند رئيس المستشفى
وخدم الكلام ،وبعدها طلع وكانه بيدور ع حاجه بس مش عارف
ايه هي

في حاجه بتجذبه كده مش فاهمها ، وهو ماشى لمح من ازاز
مكتبها

حور وهي ساجدة لربنا فصلاتها!!

زي م تكون في شئ ثبته مكانه يبص عليها وهي بتصلي بخشوع
رهيب

حجابها لونه هادي عليها ومخلي شكلها زي ملايكة الجنة

يامن انتبه ل ثوان انه واقف وكانه بيراقبها ،استحي
ومشى

لكن كان ماشى وصورتها فعينه من غير اي سبب
ودخل مكتب دكتور زميل له فالمستشفى ،الا وربع ساعة وجت
حور بنفسها تسلم عليه وترحب بوجوده

حور: حمد لله عالسلامه ي دكتور يامن

يامن: الله يسلمك ي دكتورة ،عاملة ايه

واية الاخبار

حور: تمام الحمد لله ،قابلت دكتور بدر

يامن: اه وقعت معاه فالمكتب وخذنا الكلام بس لاحظت انك مش متواجدة فقولت يمكن مجتيش انهاردة

حور(ابتسمت وبصت الارض باستحياء) لا جيت بس كنت بمر بالمستشفى

* سكتوا الاتنين وهما غاضين بصرهم عن بعض بنظرتهم الارض*

يامن(قطع السكوت م بينهم) انا لاقيتك فمرة كتبتى انك بتدورى ع كتاب الرضا للشيخ محمود المصرى وانك مش لاقيه الطبعة بتاعته

حور: احم ..اه كنت بدور عليه فعلا ورفعت پوست عالفيس الى يلاقيه يقولى فين

يامن(بيطلع من شنطته كيس صغير) هو انا بصراحه وفرت عليكى تعب المشاوير والتدوير

ولاقيته ف دبي بالصدفه وقت م شوفت البوست بتاعك
اشتريته...اتفضلى (بيمد ايده ليها)

حور (مبسوطه ومكسوفه) تعبت نفسك ليه انا كنت موصية كذا
حد عليه

يامن: وانا لما شوفت البوست اعتبرت فعلا انك وصتيني وبعدين
انا لاقيته من غير مشقه بحث يعنى
مفيش تعب ولا حاجه

حور مدت ايدها اخدته وبصت للكتاب اوى وانبسطت جدا

يامن: انا بقا كان معايا مجموعة الايمان بالقضاء والقدر ل الشيخ
محمد حسان

لو حابه تستعيرى منهم شئ يسعدنى كلنا نستفاد

حور (بانبهار اخدت الكتاب التانى) طبعا ، انا بحب مؤلفات شيخ
حسان جدا

جزاك الله خير ي دكتور يامن

يامن ابتم وبص الارض كعادته فوقت هى كانت بتتصفح اولى
صفحات الكتاب

حور: هو ينفع بعد قراءتي له اناقشك فيه ، عن طريق رسايل
الواتس !؟

يامن (بابتسامه هادية) مفيش مشكله ي دكتورة

حور فرحت واتبسطلت وهرمون السعادة" السيروتونين"
نط من نافوخها لكل حته فيها ،اما يامن كان حاسس بانجذاب مش
طبيعة ليها
ولولا ان طول النظر ليها حرامكان فضل طول عمره باصص
ليها مراقب ملامحها فسكوت
بيتلذذ بنعيم النظر لجمالها الربانى...

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

فخطوبة كبيرة فقاعة

..

اتقابلوا سوا حسين ورضوى، هي جارتها العروسة وهو صاحبه
العريس

واساسا كانوا عارفين بتحركات بعض فاتفاجئوا بانهم هيشوفوا
بعض اليوم ده عادى من غير خطط ولا تمثليات

رضوى: عقبالنا ي حسين

حسين: للدرجة دى ؟

رضوى: للدرجه دى ايه ؟

حسين: بتحبينى وعاوزه نتجوز

رضوى: اومال صبرت كل ده معاك واستحملت بابا وغمز ولمز

مرات بابا و انك تخطب غيرى وترجعلى

واتخطب لغيرك ونرجع

مش عشان بحبك وعاوزاك تكون جوزى قدام الناس

وحب السنين يتكلل بعقد رسمى عند مأذون

حسين: وعيوبى ! الى اشتكىتى منها قبل كده

رضوى: مش بشوف حاجه ي حسين قدامى غيرك

حسين: مهما كان

رضوى: مهما حصل

حسين: وانتى عارفة انى بحبك صح ولا لا

رضوى: اكيد،والا ايه الى كان هيخليك مش عارف تكمل فالبعد

كل م نبعد عن بعض

انت لما كنت بتراقبنى وغيرت انى اتخطبت لغيرك
فرحت اوى وعرفت انى غالية عندك وان عمر م حد هياخد مكانى
فقلبك ابدا

حسين: عارفة ي رضوى، مهما حصل
ميرتاحش الا معاكى وفوجودك
بحس انك جزء كبير من حياتى اتعودت عليه وعاوزه
مينفعلش نسيب بعض لان بالنهاية احنا لبعض (مسك ايدها)

رضوى: يعنى كلمت اهلك عشان نتخطب؟!!

حسين (بيحسس ع كف ايدها وايده التانيه ع رجلها) هكلمهم
والمره دى هقف لهم بقا والى يحصل يحصل

رضوى (بفرحه) بجد

حسين: انتى بتاعتى ي رضوى ، انا بحس طول الوقت انك مراتى

رضوى حست بانها بتعشقه مش بس بتحبه بعد كلامه ده

حسين (بيمشى ايده ع خدودها) وحشتينى جدا

رضوى: الناس ي حسين

حسين: طب ايه رايك (غمز لها عالحمام) فاكره

رضوى: لا ي حسين

حسين: بقولك انتى مراتى ي بت ، احنا سوا اكر من المخطوبين
والمتجوزين
خليفه من ايه

رضوى: طب ...

حسين خدها من ايدها من غير م حد ياخذ باله ، ودخلها حمام
الستات

واتلفت يمين وشمال كذا مرة واتاكد ان الدنيا هايصة
دخل وراها وقفل باب الحمام

اتملكها باحضانه ، وحاصر شفايفها بشفايفه واستحل ده كانها
فعلا مراته وكل ده حلال يحصل بينهم
رضوى مع نعومة لمساته وكلامه المعسول الى بيقوله فودانها
بصوت واطى

خلاها تستلم وتقع فشباكه للمرة الخامسة ولا الساته

بس الى منعرفوش

دى الاخيرة ولا لا ، وهل كل مرة هتسلم الجرة!!

كان غيرهم اشطر ..ربنا ستير ع عباده

لكن لحد م نتراجع عن الذنب ،لكن طول م احنا متمادين

فيه...يبقى محدش يلوم الا نفسه 🙏

#بقلمى_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

" احبك...اكرهك ، اسيبك اندهك

اضمك ابعذك ، اقوم وبايدى اشنقك

غريب احساسى بيكى مش متظمن له لبيبيه"

قاعد ومانتخ فالسرير وبيغنى ،وداخله عليه لينزى بضحكة اتعود

ع رؤيتها وزى م سماها " بلهاء"

وبروب احمر وبتدلع عليه وفايدها طبق فاكهة

لينزى: بتناديلى ي سناسينو

مارسيلينو:(لسه بيغنى) احساسى ده ممكن يهد جبال يضيع

بين انى اكهربك واقوم ارمىكى من البلكونة خيط رفيع

لينزى: ايه رايك يومين خدناهم سوا فمنتهى اللذاه

مارسيلينو: اه اللذاه ، انتى حبسانى !؟

لينزى: لاي حبيبي اخرج بس فنطاق الشقة بس

مارسيلينو: ليه ميجبش شبكه بره ، ي ستى عاوز اخرج واتهوى
اسم نفسي

بقالى فوق ال80ساعة من ساعة م جيت مبشوفش غير خلقتك
كده وحش ع صحتى

لينزى: وهو فيه احلى منى ي سناسينو

مارسيلينو: انتى مش الى كنتى عاوزاه حصل !
عاوزه ايه تانى

لينزى: طب بدمتك منبسطتش!؟

مارسيلينو: انا ببقا مبسوط طول م عينى مش لاقطاكى فالصورة
وغريب يعنى موزة موزة من جوة ، وعجة بيض من بره
تيجى ازاي التركيبه دى !؟

لينزى: ماهو هو ده الاختلاف عشان مبقاش حارماك من حاجه
اهو

مارسيلينو: من ناحية متحرمتش فانا متحرمتش
ست بتسرع فالنور ...شوفت

بطنى تمشى عليا مجرد م ابص لخلقتك ...حصل
قربت اكلم روى من ساعة م اتتيلت واتجوزتك وابقا زى
المجازيب
...منكرش

بصراحه انا ع ايدك اصبحت انسان مختلف ومتخلف فنفس الوقت

لينزى: طب اية رايك فاليومين الى خدناهم سوا ؟ عرفت بقا ان
المفاجاة بتاعتى حلوة

مارسيلينو: بالنضارة دى الى مشبكاها ع وشك قربت احسن
انى بكلمك من وراها زى فاترينه عبده تلوث بتاع الكبده!

لينزى: م تخلص وتقول بقا

مارسيلينو: عايزة رأيي ..؟ حقيقى؟
كانت ليالى معفنه

* قام من السرير مرة واحدة وخرج من الاوضة*

لينزى: رايح فين

مارسيلينو: رايح اشم هوا برة تعبت واتخنقت

لينزى: مفيش خروج

* قامت وراه ووقفت عند الباب*

مارسيلينو: طب اخرج ٥ دقائق وارجع

لينزى: لا

مارسيلينو: طب امشى رجلى عالسلالم وارجع

لينزى: قولت لا

مارسيلينو: طب اشاور للبوابة

لينزى: مميمم (عملت صوت يخوف)

مارسيلينو: (بيتكلم بخوف يضحك) ايه ي حبيبتى صوت الزئير
ده ، هو انا متجوز عضنفر

لينزى (بطريقة تخوف) لسه عاوز تنزل!؟!

مارسيلينو: انزل ايه انا جوة وهو ، اعملى شوية فشار
بالشيكولاته وتعالى

فيلم اسماعيليه رايح جاى هيبدء ي حياتى !

سابها ودخل جرى ع اوضتهم ، ضحكت بخباته ودخلت وراه
وقفلت الباب..

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

بقلمى #نوراسماعيل



وردة مشبكاها فشرها من ع جنب ومنها ، وماسكه بقية البوكيه
فحضنها.

آية

من ساعة م جه ايهاب لحد عندها ولخبط كيانه وكل الى هي فيه

هي مينفعش مكانتش تسامحه!

كل حته فيه كانت بتقول بحبك وعاوزك جمبي ومتسبنيش ..

كل حاجه بتقول انه صادق ومش كداب ومش بيلعب بيها !

بتبص الورد وبتفتكر ، لما قالها انه جابه مخصوص عشان كل
وردة فالبوقيه شبهها فرقته

وان جابه فكييس هدايا عشان محدش يشوفه غيرها !

سبحانه وهيمانه ، عاوزة تقبل طلبه للجواز ودي تاني مرة يعرضه
عليها

بس خليفه ع بنات اختها اهل باباهم هيعرفوا وياخدوهم منها
وبعد كل القرف الى فات وشافته ، يتهد فلحظة ويرجعوا للصر

وهي عمرها م كانت هنتهني

وهي قلبها واجعها من ناحيتهم ، وانتم مش مستقرين ومش
مبسوطين

ونومة اختها فقبرها قلقانه

الرسالة مكملتش للنهاية !?

طب تعمل ايه ، تكمل فتضحيتها الاخر

ولا مرة تشوف نفسها زي اي بنت وتفرح ...

قطع تفكيرها ، مكالمه من ايهاب ...

اية: الو ...

ايهاب: بحبك

اية (بتضحك) فيه حد يردع الو ب بحبك؟

ايهاب: هو كده فقاموسى الو نرد ب بحبك

اية: وده ع كل الناس؟

ايهاب: لا ع يويا بس ،حبيبة قلبي انا

اية اتكسفت ورجعت خصله شعرها لورا وعضت شفايفها

ايهاب: قوليلى بتعملى ايه؟

اية: ولا حاجه ،سرحانه وماسكه الورد

ايهاب: لالا زمانه دبل ،انا دلوقت اجيبك غيره

اية: وع اية ،كفاية انك نقيته ولمسته وشوفته

عمره م يدبل فعينى

ايهاب: (اتهد وبص السما) ااه

اية: مالك؟

ايهاب: بتنهذ ،موجوع

اية: من ايه ؟ قولى ي ايهاب مالك (بخضه)

ايهاب (بيضحك عليها) حته فقلبي كده وجعانى اوى

اية: سلامتک ي ايهاب ، طب حرام عليك اكشف وطمنى

ايهاب (مبتسم و مبسوط) تعرفى انك اجمل بنت فالدنيا !

انتى وريم

اجمل حاجه ربنا بعتهالى

اية مبتسمه وفرحانه

ايهاب: انتى بجد حاجه غالية متقدرش بفلوس ولا بكنز من الدنيا
ي اية

اية: متاخذناش فالكلام لازم تكشف وتطمنى عليك

ايهاب: مانا كشفت خلاص وقالى كل الى واجعك بقلبك هى اية

اية: انا ! انا واجعه قلبك

ايهاب: اها، واجعه قلبي ومحيراه وتعباه
لو بس توافقيه ع طلبه
هيرتاح

اية: حرام عليك خضتنى وقولت فيك حاجه

ايهاب: ولو فيا حاجه يعنى

اية: بعد الشر عنك يارب انا

ايهاب (مبتسم) انا بحبك والله ، بحبك والله

اية بتضحك ع اسلوبه ، خبطت هبة بنت اختها عليها الباب

اية: طيب هقفل حد من البنات عاوزنى

ايهاب: اوعى تتاخرى عليا ... سلام مؤقت ي حبيبي

* قفلت اية مع دخول وصال البيت وسمع صوت رجلها ايهاب
وهي داخله*

وصال: مساء الخير

ايهاب: مساء النور

وصال: ريم نايمه ؟

ايهاب: شوفيها

وصال : هاخذ قهوتي بس عندي صداع مش قادرة دماغى خلاص

ايهاب (بلامبلاه وهو قايم وخارج من الاوضة) سلامتك

وصال: ع فكرة ي ايهاب ،بابي عازمنا ع العشا بعد بكرة

ايهاب: ايه المناسبه

وصال: بيقول عشان وقع عقد مستشفى جديدة مع شريكه

ايهاب: مبروك

وصال: حضر نفسك عشان مش يزعل

ايهاب: وانتى بقى هتفضى نفسك اليوم ده للعشا

وصال: شور ،بابي ممكن يزعل وانا مبحبش ازعله انت عارف

ايهاب ابتسم ابتسامه جانبيه بسخرية ورايح ناحيه اوضة ريم

وصال:رايح فين

ايهاب: هقعد مع ريم ، ده بقا شئ مقدس فيومى

وصال(بتضحك) انت بقا تسيب الطيران وتقعدلها بيبي ستر
هههههه

ايهاب (بيتريق عليها) وماله احسن وهبقى مبسوط

وصال: طيب ربنا يعينك

ايهاب:: (ببرود) ويعينك !

#بقلمى_نوراسماعيل

~~~~~

"بجد كتاب اكر من رائع انا استفدت منه جدا"

بيرد يامن ع حور مسح الواتس...

يامن: لو خلصتبه ممكن تعبيريه لغيرك يستفاد بيه

حور: اه ان شاء الله كنت هعمل كده فعلا

يامن: الحمد لله الذى بنعمته تتم الصالحات

حور: وكمان الاجزاء الى مكنتش فاهماها ،بفضل الله ثم

بمساعادتك قدرت توصلنى

يامن: الحمد لله ي دكتور ة ،ده شئ يسعدنى انى قدرت افيدك

\*سكتوا شوية بس لسه متصلين\*

وبعدها..

حور: دكتور يامن !

مشفهاش فوقتها ،بس بعد دقيقة شافها

يامن: نعم ي دكتورة حور

يامن: كتاب الرضا كان ممتع جدا ،وانا بقراه كان عندي تساؤل  
طول الوقت بس يعنى مفسرتوش لان اجابته مش عندي

يامن: مش فاهم ،ممکن توضحيلي اكثر ي دكتورة!

حور: يعنى ان زى م الشيخ محمود وضح ان الرضا بالعسر  
والابتلاءات

بيبقى اجره اعلى وان كل م الانسان يرضا بما قسم له  
ربنا هيرضيه

يامن: وده مظبوط

حور: بس وقتها جه سؤال شخصى لك فبالى

يامن: شخصى !

حور: انا اسفه لو بتدخل ، بس كنت عاوزة اعرف كمية الرضا  
الى رضيت بيها وقت م ربنا م ارادش تكمل انت وخطيبك

برغم انى عارفة انك بتحبها جدا  
ووقت م كنت بتدور ع شغل ،وقولتلك ع شغل بمستشفى بابا  
كنت بتقول اسبابك انك بتجهز

يامن قرأ وسكت ،ومش عارف يرد ب ايه  
افتكر واساسا الموضوع بيضايقه  
واستغرب ان حور بتساله وعاوزة فعلا راضى كده ازاي بالفراق  
بعد كل الحب ده؟

يامن: ببساطه اجابتي انه نصيب ، انى بتمنى لها الخير  
حاليا زيها زى اختى بالظبط  
وانى رضيت بالله ربنا كتبه عليا لانى حتى لو مرضتتش  
فهو مكتوب فالنهاية  
وبالتاكيد نصيبي فمكان تانى ربنا شايفه افضل ليا  
فلازم ارضى ...

حور قرت كلامه وسكنت،لامت نفسها  
ازاي فتحت كلام معاه خاص ،هما كان كل كلامهم ي عن الكتاب  
ي عن الشغل او شي فدراستهم  
لا اكثر ولا اقل ،هى نفسها متعرفش كتبت ازاي من غير م تحس  
كده

سؤالها ده

يمكن عشان عقلها وقلبها الحو كثير تعرف الحقيقة،حتى وان  
كانت بتساعده وروحها في هو هو ملك غيرها  
فهى بتعمل ده بدافع الخير للغير وبس !

بعد لومها لنفسها استأذنت تقفل كام هو سابقها واستأذن وقفل  
الشات والنت..

عند يامن بلا..

كان مستغرب ، الحالة ككل

بدء يحس بانجذاب ل حور فشخصيتها وهدوئها وتفكيرها ونقاءها  
...وده خلاه يقلق من نفسه

فعلاوة ع ذلك ، قرر يامن انه يقلق صفحه حور من باب الكلام  
والمحادثات و المناقشات

دخل كلامهم كده فى اطار تانى غير الزمالة والسؤال والجواب  
وده مينفعش لحد م يتأكد يامن من الى فيه ومشاعره  
لولا م يقرر هيبقى التعامل ازاي بعد كده ،وفى انهى اطار !

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

اسماء اخت طه ...

بعد م كلمت خطيبها فون وهى واقفه فالبلكونه ،كان داخل مروان  
البلكونة صدغه وسمعها

فوقف

يسمعها ويشوف بتكلمه ازاي ..

خلصت اسماء الفون ولمحت مروان ،وقفت عادى بلامبالاه

مروان: ازيك ي اسماء

اسماء( بتبص كان اول مرة تلمحه) ازيك انت ،انا تمام

مروان :هى خطوبتك دى هتخلينا نخاصم بعض

اسماء: لا ونتخاصم ليه

مروان: انتى مش من ساعة م اتخطبتى بعيلى مع اختى ماليش  
علاقه بيكى

وكمان عملتى بلوك

اسماء: طبيعى الواحدة اما تتخطب ميكونش ليها صداقه براجل  
غير جوزها

او خطيبها

مروان: ي ستى بلاش صداقه نمشيها سؤال

اسماء سمعته وسكتت



مروان: ولا خلاص ولا حتى السؤال عاوزة تسالي

اسماء: لا اسال ومسالش ليه

مروان: حبتيه ؟

اسماء: هو مين

مروان: خطيبك

اسماء: راجل محترم وبيحبني وبيخاف عليا محبهوش ليه

مروان: بس الى بيحب مش بيقول عشان،

مبيجيش اسباب بمعنى اصح

اسماء: بجد ! تمام معلومه حلوة

مروان: مالك بتتكلمي كده ليه

وهما بيتكلموا ،طه رن عالماسنجر

اسماء ( بفرحه غير مفتعله ) حبيبي!!

مروان ( بغيظ ) تانى ! مش لسه قافل

اسماء: الوي طه ...ايوا سامعك

انا فالبكونه اصلا

طب استنى كده سامعنى

\* دخلت وسابت مروان واقف\*

اسماء : كلنا بخير ي حبيبي

طه: عاوز اتظمن عليكم واكلمكم واحد واحد

اسماء: حاضر ي حبيبي هديهملك

المهم طمنى عليك

طه: بخير متقلقوش انت و بس ادعولى

عندى ليكم خبر حلو

انا نفسي لما قالولى طرت من الفرحة

اسماء: ايه ي حبيب اختك قول وفرحنى

طه: نازل اجازة قريب 15 يوم

اسماء: 15 يوم بس !

طه: كويس انى خدتهم

اسماء: مش مهم ،المهم هنشوفك ي حبيبي تيجى بالسلامه

طه: قولولى عاوزين ايه

اسماء: سلامتک مش عاوزين غير اننا نشوفك ي طه

طه: المرة دى هتفق مع خطيبك ع معاد الفرح بتاعكم ان شاء الله

اسماء:(اتاخذت ومتعرفش السبب) طيب ي حبيبي الى تشوفه

مستنينك ع نار من دلوقت

طه: تسلمى ي حبيبتى ،يومين واقولكم جاى امتى ،سلام ي

اسماء

اسماء نزلت تلفون من ع ودانها ، وخبر ان فرحها هيتحدد المرة  
دى

مفاجأة

بس هل هي مش متوقعة ، ولا اسماء كانت فاكرة ان كل ده حلم  
وهتصحى تلاقى نفسها متجوزة مروان!

ولا فالاصل هي نسيت مروان بس لسه بتعود قلبها وحياتها ع  
شخص جظيد؟

احساس مش مفهوم

ومحير ويلخبط ...

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡

"كان يا ما كان ... الحب مالى بيتنا ومدفينا الحنان ،، مدفينا الحنان

زارنا الزمان ... سرق منا فرحتنا والراحه ولامان .. والراحه  
والامان

حبيبي كان هنا

مالى الدنيا عليا ... بالحب والهنا

حبيبي ي انا ي اغلى من عنيا نسيت مين انا "

ميادة الحناوى بصوت شجن حزين بتغنى كان ياماكان ، وكانها  
جت ع جرح

الاء اوى

جرح م بتصدق تداريه و متكشفوش للنور ، عشان بيوجعها  
دموعها ع خدها و بتمشى ايدها ع بطنها و بتفتكر ع كلمات الاغنية  
، دخلت مامتها عليها

الام: خلاص ، اسماعيل ابن مالك كتر خيره خلص لك تراخيص  
الحضانه

وكل حاجه

الاء: يسلم ربنا يبارك له

الام ( بتمسح دموع بنتها ) الله مدمعه ليه ؟ مش ده الى كنتى  
عاوزاه

يلا بينا من اسكندرية ي ماما حاضر

وخلتينا نسيب بيت ابوكى الى كله ذكرياتنا و حياتنا ، قولت هسمع  
كلامك

الدكتور قال انك تكونى ع راحتك عشان تتحسنى وترجعى تمشى  
ع رجلك

جينا القاهرة عشانك واحنا منعرفش حد هنا غير ابن عمى

اكسرى الوديعه ي ماما و هفتح مشروع حضانه وانزل اشتغل

ماشى

بتعيطى ليه بقا؟

الاء: تعبانه ي ماما...مكسورة اول من جوايا  
زعلانه من الدنيا الى عملت فيا كده مرة واحدة وخذتني ع مشمى

الام (بتططب عليها) عاوزاكي تنسي وتكملى انا عملت كل ده  
عشانك

رغم انه صعب عليا

وانتى بتطلعيني من البيت كنت عاملة زى السمكه الى بتطلعياها  
من المية

لكن اعمل ايه

كنا هنواجه الى هناك ازاي وانتي حامل وليه مدخلتيش

الاء: خلاص ي ماما ابوس ايدك انا مش مستحمة

مامتها هدت من كلامها ، باست دماغها وخذتها وطلعت  
برة وهى بتزق كرسيها ،والاء كل الى كانت عاوزة عمله عملته  
بكل القوة نفذت كل الى عاوزاه  
لكن لسه جواها الاء مهزومه وتعبانه ومجروحه ..

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡

مارسيلينو : ي مساء الفل عليكم ي رجاله ،اومال هوبا فين

يامن: لا ايهاب تقريبا مجاش ،يعنى لسه رحلته موصلتش

طه : انتو ي بختكم كل واحد خلص ورديته وجاى يريح وانا  
الوحيد

الى يشتغل وقت الراحه عكس الناس

مارسيلينو: وردية ايه شايفنا شغالين تمرجيه م تختار الفاظك

طه: طب اسمها ايه ي عبقرى زمانك

مارسيلينو: اسمها نوباتشيه اشيك

طه: لا ناصح

يامن: ههههههه

طه: بس راجع صحتك حلوة ومليان كده الكرسي مش شايلك ي  
راجل

مارسيلينو: ده فقرة الفرشة دى ولا ايه ، ي سيدى صحتى جاية  
تمام

عشان المدام كانت شغاله تزغيط فيا الله ينور يعنى

طه: هههههههه وانت ناقص تزغيط

يامن: الاكل الكثير مضر ، والسمنه المفرطه برضو غلط عليك

مارسيلينو: مفيش ضرر اكر من لينزى سليمان

طه: مين لينزى سليمان

مارسيلينو: ليه كل م اقول اسمها بتترسم ع وشكم علامه تعجب

لينزى دى الموزة التعبانه الى فحياتى

المدام

يامن: ( بيضحك مش ماسك نفسه) ي اخى الله يهديك ،بتتكلم

عنها ليه كده

مارسيلينو: لا انا كده بمدح فيها

\* وهما بيتكلموا طلع محمد جهاد من اوضته وحافظ فوطه

حوالين رقبته ورايح الحمام\*

محمد جهاد: سلامو عليكم (مكمل عالمام)



مارسيلينو: ( باستغراب باصص لمحمد ) هو شرقاوى بعتلنا  
فاندام ولا ايه  
مين ده؟

طه : نسيت اقولكم ده محمد جهاد عبدالله ،الساكن الخامس فالفيلا  
جه الصبح

مدرب كاراتيه وهيثارك فبطوله لتدريب فريق هنا

يامن ( مبتسم ) عضلاته جامدة اوى ماشاء الله

مارسيلينو: انا افكرته باب زيادة متحرك معانا فالفيلا ،وبعدين  
جهاد الى هو جاييها  
معاه

الشيخ راشد.مقالوش انه سكن شباب بس

طه: يا عم ارحمنى،جهاد ده اسمه

مارسيلينو: ولو برضو ده سكن شباب

يامن ( بيضحك ع سينو وبيكلم طه ) مش المفروض مفيش سكان  
تيجى تانى ولا ايه

طه: لا الفيلا واسعه وكبيرة والشيخ راشد حر يسكن طالما الغرف  
مكفيه

فاهمنى

يامن: اه

\* عدى تانى طالع محمد جهاد من الحمام ورايح عرفته\*

مارسيلينو: ي اخ جهاد وسلامه ، دقيقه بس

\* وقف محمد وبص لمارسيلينو\*

مارسيلينو: معدى كده كانك معدى ع ناس جربانه وخايف تتعدى

مش تيجى تعرفنا عليك وناخد وهدى بشكل ودى

احنا كلنا زمايل سكن مش فحمام التلات

محمد جهاد استغرب اسلوب مارسيلينو بدليل رفعه حاجبه

محمد جهاد: محمد جهاد مدرب كارتية وچيم

من اسكندرية ( سلم ع سينو)

مارسيلينو: اوعى الضرب ! بقا انا اسيب الكونج فو هناك  
يطلع لى الكارتية هنا  
حرام  
م علينا ، ده طه عرفته اما جيت

محمد جهاد: ممم لا مش اوى لما جيت مكلمتش حد

طه: عادى يا باشا نعرفك مالك واخذ الموضوع ع صدرك كده  
انا طه شغال كاشير فهايبر الجمعية  
وده دكتور يامن وده ...

مارسيلينو: سيبلى الطالعه دى، مارسيلينو شنودة  
96 كيلو

بالعلاقات العامة لشركة ريانا وعم الشعب هنا  
عارف عمك الشيخ راشد صاحب الفيلا  
يبقى خالى

محمد جهاد ( باستغراب ) خالك ! ده ازاي بقا

مارسيلينو: كده احنا عيله بتشجع الوحدة الوطنية

و عندك فيه كابتن طيار قبطان زعيم رئيس المجرة اصلا  
كابتن ايهاب محسن ببيجي كام يوم فالاسبوع  
بس لا بيحب الزعيق ولا الصوت العالى وتتك وبيتخفق من شعر  
وشه

محمد جهاد ( بسخرية ) ع نفسه

\*سابهم واقفين ودخل ع اوضته\*

باصين له التلاته مذبهلين له ، وحسوا انه شخص دمه ثقيل

مارسيلينو: ايه المفجاة دى

طه: شكلها ايام سودة ، شكله عيل كلح

يامن: لا تسبو الدهر ي طه، هو بس عشان لسه جديد

مفيش مشكله

ربنا يستر فاللى جاى

مارسيلينو: الى جاى كفته والى عدى طحينه واسالنى انا ..



دلوقتي الامر اختلف

وعادى الى عاوز حد بيروحله مرة واتنين وتلاته

حسين: طب اعمل ايه تانى، انا اتخنقت معاهم اصلا

رضوى: ي حسين تعبت من سلبيتك انا البنت ،بقف وبتكلم  
وانت صنم

حسين: بقولك ايه بطلى غلط ، مش ناقصة هبل هي

رضوى: هبل ،بتسمى الى بينا هبل

حسين: يووووه

\*سكتوا وبدات تعيط رضوى وحسين شايفها ، قرب ناحيتها  
بهدوء وضم راسها له \*

حسين: طب خلاص متعيطيش ،اعمل ايه تانى ي رضوى طيب ؟

رضوى: اتصرف ،اعمل اى حاجه مش معجزة يعنى خطوبتنا

منهم لله حسبي الله ونعم الوكيل

حسين ( اتضايق عشان حسبت فاهله بس عداها) طيب بقولك ايه  
انا عارف هخليكي ترجعي تضحكى ازاي ( خطف بوسة من خدها)  
انتى وحشائى

رضوى: لا لا لا ي حسين ،اخر مرة كنت هموت من الرعب  
دخلتنا عمارة منعرفهاش وركبتنى الاسانسير  
ولولا انى انتبهت لما الاسانسير وقف كان الراجل شافنا  
انا كنت نازله رجلى بتخبط فبعض

حسين ( اتضايق وعوج شفايفه) مم طب مش يلا نروح ،هنا  
كافيه رخم  
كل م تقعد لازم نشرب ولما يخلص لازم نطلب غيره  
القاعدة بالمشاريب اصلها

رضوى: ايوا انا هقوم يدوب تروح انا قولتلهم هروح اشترى  
هدوم ليا

خارجين الاتنين ،ومشبكين ايدهم فبعض وحسين لسه بيحاول  
يراضيها بطريقته  
المقرزة

وع باب الكافيه اتفاجئت ،بترفع عينها رضوى ..

رضوى ( لظمت) ي نهار اسود !!!



#بقلمى\_نوراسماعيل



"الف حمد لله ع سلامتک ي حبيبتى "

الاء بوش متعب قاعدة فسريرها وباصه لابنها الى كان نسخه من ابوه ..

الام: ( بتكلم البيبي) مستعجل ع الدنيا اوى ي ابن الاء وجاى ابن سبعة

الاء (بتعب) حتى ولادته طلعت عيني يالاھوى اتارى فعلا الم الولادة زى الموت

الام: خالك جاى هو وولاده واسماعيل ابنه ومراته يباركوك لسه مكلمنى

قال وزعلان بيقولى لما الاء ولدت مقولتيش كنا جينا معاكى قولتله عملها فينا الكلب وولدت قبل اوانها

الاء مبتسمه واخذت ابنها بين ايديها وحضنته ..

الام: اكيد هيسالو ابوه مجاش حتى شافو ليه مدام متطلقين



برضو له ابن ولازم يعرف بيه  
هنقول ايه ؟

الاء افكرت محمد جهاد والى تقريبا مش بتتساه وهى بتتأمل  
صوابع ابنها الصغيرة

الام: دبريني عشان من ساعة وحلتك دى وانتى الى بتخططى  
وتقررى

وانا ماشية وراكى خايفه اخالفك تتكسى وانتى مش ناقصة

الاء: عادى يا ما ما هنخترع اى حجه ،الى خلانا نقولهم انى  
اتجوزت سوكىتى عشان وفاة بابا

وانى اتطلقت عشان اهله كانوا بيعملوا لينا مشاكل

نقولهم برضو انه ....مسافر مثلا ولما ينزل هيجى يشوفه  
وبكرة ينسوا

الام: اى حاجه بتتنسى ي الاء الا النسب ي بنتى واللحم والدم

الاء: عاوزانى اقول لمحمد انى ولدت مثلا !!

الام: كان المفروض يعرف من بدرى انك حامل والمفروض يشيل  
شيلته معاكى

بدل م احنا عمالين نقول فتايف وكان ابنك من حرام!  
لكن ازاي ... انتي تمشي رايك و كلامك من دماغك وانا اسكت م  
هو ابوكي مات

الاء: عمري م كنت هقوله ع الخيط الوحيد الى يرجعني له غضب  
عني ولاهله الى  
بهدلو بكرامتي الارض وبشرفي

الام: هقولك ايه ، انتي نفساء ومش عاوزة انكد عليكي كفاية الى  
فيكي

الدكتور الى بيتابعك جاي لك بكرة  
ربنا يكتبك الشفا لحسن هموت بحسرتي عليكي ..

\* البيبي ابتدا يعيط \*

الام: رضعي ابنك ، وشوفي هتسميه ايه  
عشان يطلعوله شهادة ميلاد من الصحة  
هخلي اسماعيل ابن خالك يعمل كل ده اهو شقيان معانا الراجل  
بجملة جماليه  
حضري القسيمة بتاعتك وبطاعتك

الاء: حاضر ( بترضع البيبي وبصاله بحب) كله شبه ابوه

الام: م انتى لسه بتحبيه ،ولا هتكدي ف دى كمان ؟  
بتحبيه وجبتى الواد نسخه منه

\*الاء سمعت كلمة مامتها ومردتش\*

الام: سميه ع اسم ابوكى

الاء ( سرحت وابتسمت بسخرية) ما هو ده الى كان فبالى  
هسميه محمد !

مامتها سمعتها ومشيت موقته من جواها ان الاء سمته ع اسم  
باباها وعقلها مفكرهاش خالص  
ان بابا الاء وجوزها نفس الاسم...محمد !

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡

بذل بتسحب رجليها ع الارض ، ماشية ومطاطية  
كل الى بتعمله  
محبوسة جوة اوضتها ، تطلع عالحمام وبس .  
تاكل وتنام جوة اوضتها.

رضوى من يوم عملتها وهى منبوذة من اهلها ، خطيبها السابق  
شافها وهو داخل

كانت فاكرة انه هيبقى جنتل مان ومش هيقول لحد ع انه شافها  
مع واحد

شبه حاطط ايده ع كتفها !

لكن هو كان ذوق للنهاية ، قال بس انه شافها خارجه من كافيه  
مع واحد

لقريبته ،الى هى تبقى صاحبة مرات ابوها

ودى مكديتش خبر ...وقالت لمرات ابوها الى اتقال وهى شبه  
شمتانه لان من يوم الفسخ وهى مخنوقه من رضوى ومتعرفش  
ليه فسخت و ايه السبب مع ان قريبها كويس و1000بنت تتمناه.

الكلام وصل لباباها،الى كان رد فعله قاسي جدا  
ضربها لغاية اما الضرب علم فوشها وجسمها،واتاخذ منها الفون  
واتحبست فالبيت متشوفش نور الشارع!

عاشت بالمنظر ده ٣ شهور و شوية ،مش بتكلم حد ولا بتعرف  
تتصل بحد او تشوف حد  
ولا حتى حسين بالاخص او نوران صاحبتها..

وفالمطبخ ،واقفه مرات باباها تجهز لكل

رضوى: ممكن استخدم تليفونك يا ما ما ناهد

مرات باباها: لا طبعا ابوكى منبه

رضوى: دقيقة واحدة هكلم نوران زمانها قلقانه عليا

مرات باباها: انتى عاوزاه ييجى يطين عيشتنا ،ولا نوران ولا غيرها

رضوى: حرام انا تعبت ، بقالى شهر كده

نسيت شكل الشارع

واصحابي وحشونى

مرات ابوها: انتى الى عملتى كده فنفسك ،ياما حذرتك من ابوكى

و قولتك احكىلى مالك

احكىلى الى مخبياه

فى حد يعمل عملتك دى ! وكمان مين شافك الى كان خطيبك

خلتهم يشمتوا فينا

رضوى: هو هيخطبنى وجاى تانى زى م جه اول مرة يعنى يعتبر

خطيبى

مرات ابوها: بت انتى متفرسنيش ،الى بيسرخص واحدة

مبيفكرش يغليها

يعنى الى اتعود يشرب اللبن ببلاش عمره م يفكر يشتري البقرة !

فاهمانى ( بصتلها من فوق لتحت )

رضوى : حسين بيحبنى بقاله سنين متعلق بيا ومش عاوز غيرى  
وبكرة تحسوا بالذنب  
لما ييجى يخطبنى على انتو عاملينه فيا ده

مرات ابوها : ياختى ان م فكر يجي فعلا ويقول انه عاوزك تانى  
ويصلح غلطتك

ماهو اكيد غيابك يعنى اتعاقبتى  
ولا هو فاكرانى مش فاهمه لما تدحلبى فاوضتك وتقفلى عليك  
الباب  
انك بتكلميه

منكرهش ... ييجى ويطلبك تانى .. ده لو جه ولا سال

تلاقيه بيدور ع غيرك يخطبها

بت كده متكونش اتسهوكت معاه فالموبايل بالساعات ولا خرجت  
من ورا اهلها

حافظت ع ثقه اهلها فيها واختارها هى ، عشان كده مسالش فيكى  
ب بصله

رضوى : حسين مش كده ، حسين بيحبنى انا

رضوى سابت مرات ابوها ودخلت تانى اوضتها تعيط ، عاوزة تفك  
حصارها

عاوزة تقول لحسين تعالى خدنى ع حصانك الابيض من هنا  
واثبتلهم انهم غلط واننا صح  
بس مين يسمع...ومين يفهم.

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡

"انا رنيت اكثر من مرة وانت مردتش عرفت انها موجودة مش  
محتاجه فهم"

ايهاب: انا مبخافش منها ي اية ،لو وصال موجودة هرد عادى

اية: هترد ع انى اية ولا راجل

ايهاب: ياستى هرد زى م ارد المهم انى مكنتش سامع الفون  
وكنت واقف ب ريم  
بنتى فالجنينه

اية: وهى معاكم طبعا الاسرة السعيدة ، انا نفسي اعرف زمان  
كان كل وقتك

ليا مش بتسيبنى الا عالنوم

او فشغلك ،دلوقت الحجج كترت ي ايهاب

ولا الاول عشان مكنتش اعرف انك متجوز ومخلف فانتى مفضى  
نفسك عشان تسبك القصة

ايهاب: اسبك ايه ؟ ايه الطريقة الى بتكلمينى بيها دى  
طريقة فمنتهى السوقيه

اية: بجد !! معلى نسيت انى من قاع المجتمع وحضرتك من  
الطبقة الكلاس

ايهاب: اية!! الاسلوب ده متكلميش معايا بيه تمام

اية: ده تهديد ي كابتن ايهاب ولا ايه ؟  
دى طريقتى وده اسلوبى

ايهاب : ع اساس عاجبك عاجبك. مش عاجبك  
اخبط دماغك فالحيط مش كده؟

اية سكتت\*

ايهاب: طيب ي اية اما تختارى اسلوبك معايا بعد كده وتاخدى  
بالك

انك بتكلمينى

نبقى نتكلم تانى ،سلام ي اية



قفل ايهاب وهو فقمه عصبيته من اسلوب اية وكلامها  
معاه واول مرة يشوف عصبية منها انما هي فكانت الغيرة مشعلته  
نار فقلبها

اية فالبدائيات مكانتش ابدأ بتحس بغيرة ولا ضيق  
لان طبعا ايهاب كان محسسها انه سنجل وليها وبس فهي خدت  
عالانطباع ده

ولو كانت اتصلت مليون مرة مكانتش هتعمل مشكله  
لكن لانها عرفت ان فحياته ست او بمعنى اصح زوجه وبنت  
وبيت

بقا كل تفسيرها ع هذا الاتجاه ،لان الغيرة عامياها

بسمه: ي خالتي قاعدة ليه لوحداك ؟ انتى بقالك كتير متغيرة  
معرفش مالك

مبقتيش تقعدى ويانا ولا تحكى حصل ايه معانا  
فيه حاجه مغيراكي اول

اية بصالها بعيون فيها دموع

بسمه: اهو معيطه ي سرحانه ي قافله ع نفسك الاوضة  
ي نايمه

فيه ايه

اية: مفيش ي اية ( ابتسمت بسخرية) باين لى عجزت

بسمة: عجزتى ايه ده انا ساعات بحس انك صغرتى من عمرك

10 سنين اليومين دول

اية ابتسمت وطبطبت ع بسمة

بسمة: يلا بقا ف فيلم حلو هيبدء

اية: حاضر جاية وراكى اهو

قامت بسمة واية باصه لفونها ،منتظرة ايها يكلمها يعتذرلها

ولا منتظرة ايه

اى ان كان الى حصل حصل ومين هيداويه المرة دى ؟

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

يامن ومارسلينو ومحمد جهاد ..

قاعدين ف ريسبشان الفيلا بيتابعو ماتش كورة مهم سوا ،اتفاعلو

مع الاحوال الى خسروها

والى كسبوها

بصوت وتحفيل كانهم ع قهوة بلدى فمصر  
يامن مالوش فالكورة ،بس حابب ينصهر جواهم  
جمعتهم بيهم وعلمته حجات كتير وادته خبره مهما كان كلهم اكبر  
منه

ومحمد جهاد ،الايام دوبت الجليد م بينهم واحدة واحدة

خناقه ف اتنين

خصام مرة واتنين

صلح ،فتجميعه كورة

ليوم عاصف ومحدث راح شغله

واهى جت كده

اما عن مارسيلينو فهو فاكهتهم ، هو الى بكلامه وهزاره والشه

عالى رايح والى جاى

معدى الوقت والغربة ومهونها

مارسيلينو: والله الواد طه وحشنى

يامن: ده مبقالوش اسبوع نازل مصر، كانه م صدق

وعدوه بالاجازة بقالهم شهور وكل م بييجى عليه الدور يقوله لا

لما زميلك بييجى الاول من اجازته...بيتعب اول فشغله ربنا يعينه

محمد جهاد: عارفين ايه الفارق فغياب طه اوى ،يوم م ينصف

حميد الشاعرى وعلاء عبدالخالق

بيسمع حجات لناس انتهت ي راجل

مارسيلينو: برضو عامل صهلله فالمكان هو ابن القردة ايهاب  
مزاجه عسليه راجل رالايق

يامن: كلكم احسبكم ولا ازكيكم ع الله ناس كويسة ومحترمه

محمد جهاد: انت ي شيخ يامن الى عسلية، كلهم ناس فاقد  
واسالني انا

عندك ايهاب ده حمقى عالفاضى ويطلع يطلع وينزل ع مفيش  
طه غلبان وطيب بس زعلته ايدك والقبر عامل بمثل اتق شر  
الحليم

مارسيلينو تافه وهايف ونفسي اشوفه متترفز مرة ولا واحد  
موقف جد

مارسيلينو: ( باصصله بطريقه تضحك ) اوام انت فنطت نا وده  
فيه وده صفته وده نعته

ع اساس انك شيخ العرب وانت بولغه اصلا

محمد جهاد: م تحترم روحك يا عم بولغه ايه

يامن: ي جماعة اهدوا الموضوع كان هزار ما لكم

محمد جهاد :مش هو الى بيغلط ي يامن

مارسيلينو: م انت قولت تافه و هايف ومحدث كلمك

محمد جهاد: عشان انت فعلا كده

مارسيلينو: والله احسن من المنفوخ عالفاضى عضلاته كوتش

محمد جهاد ( بهزار ) تعمل نصهم دول ي بكابوزا !

مارسيلينو: لا معملش ولا عايز ،ممكن انزل المرة دى الاقى

لينزى عاملاهم

الله يساعد مراتك ع دول

محمد جهاد ( بتأثر ) لا انا مش متجوز

يامن: انا افكرتك متجوز زى ايهاب وسينو لابس دبلتك فالشمال

محمد جهاد سمعهم ومردش

مارسيلينو: اوبالالال الحوار وراه عاطفيات ،مدام سكت وسهم

واتنيل ع عينه كده

محمد جهاد: اوام عملتلك فيلم وانت قاعد

مارسيلينو: اقطع دراعى ولا اعظم لينزى فيه قصة هوب فاشلة  
بحياتك

يامن: ي سينو اسكت يمكن مش عاوز يحكى متبقاش كده

مارسيلينو: ثوانى ي شيخ يامن عشان دورك جاى ، اصل سمعتك  
وانت بتقول لايهاب

ان لبس الدبله ذهب حرام عندكم للرجاله  
وقولتله ان لبس الفضل هو ده الصح زى قال ايه لما انت كنت  
لابس

ده انا هنفخكم

كل واحد يحكى حكايته ونهيهها بقصتى الماساوية

محمد جهاد ( قام من بينهم ) لا حكاية ولا رواية انا هدخل انام

\* سابهم وقام\*

يامن: وانا كمان هقرا جزء من المصحف واصلى ويدوب انام  
بصحى للمستشفى من بدرى

تصبح ع خير

مارسيلينو ( باصص ع يامن وهو طالع ) سيبتونى وقومتو ي جزم  
كانى شورت عيل صغير مرمى قصادكم

ماشى

مسيرك ي ملوخية تيجى تحت المخرطة وهتكو وتتنفخوا منى ي  
كلاب ...

( مسك فونه ) اما اشقظلى اى موزة من عالنت اهو اتسلى بدل  
الفصلان ده .

#بقلمى\_نوراسماعيل



ع سطوح العمارة الى فيها طه ...

كانت واقفه اسماء بتشرب شاي وسرحانه ، ترتيبات فرحها بدات  
من وقت م كان هينزل طه اجازة وقبل م تتاجل وكان جاى ع انه  
يحدد الميعاد

لكن اتاخر فمجيته

واتاخر تحديد المعاد لحد م جه ، خلاص جهازها كامل كله مش  
ناقص الا رفايع وتترفل عريسها عروسة متوجه  
بتفكر خلاص ، كل الامور بتقول ان الامر بقا جد

ومش هزار

هتكون كلها ملك شخص تانى ، اختارته بعقلها وموافقه عليه  
لكن تنغيص قلبها

هتعمل فيه ايه

مروان : واقفه لوحدك ليه ؟

اسماء التفتت ع صوته ولاقته هو

مروان : طبعا سرحانه فاللى جاى ، عروسة جديدة  
حقك

اسماء: عقبالك

مروان : لا انا مش عاوز اتجوز

اسماء: طيب

مروان: لو حاسة انى خانقك ووقفتي معاى هتقطع حبل افكارك  
الوردية

انا ممكن انزل

اسماء: بتتريق يعنى ولا ايه مش فاهماك

مروان: اسماء هسالك سؤال وتجاوبي بصراحه

اسماء : نعم

مروان: فرحانه ؟ فرحانه بانك عروسة



## وهيبالك بيت وزوج

اسماء: ومفرحش ليه ،طبعا فرخانه

\*سكتوا وبصوا من السور\*

مروان: ساعة م اختى قالتلى تنسى انك مسؤل عن اسماء تانى

فالرايحه والجاية تسال عنها

شافت مين كلمت مين احوالها ايه

ناوية ع ايه

فيه واحد تانى بقت مسؤله منه

هو له كل الحق ،اتجننت والدم غلى فعروقى

خلاص كده اسماء مبقتش تبعى ؟

اسماء: و ايه الجديد جاى تتفاجي دلوقت ،بقالى اد ايه

مخطوبة انا

مروان: اسماء مش هينفع كل الى كان بينا يكون مع واحد تانى

اسماء: الى كان بينا بصفه اية ي مروان؟

مروان: بصفه.....

اسماء: لسانك اتلجم كالعادة ، انا ليه مش فاهماك  
محتاجلى معاك وتطلع مش ده الى تقصده وانى فهمتك غلط

مروان: اسماء ينفع تفسخى ، اسماء فسختى مرة قبل كده

اسماء: افسخ!

مروان اصحى اتحدد فرحى خلاص ، م جيتلك قبل الخطوبة قولتلك

لو عاوزنى هقول لا عالعريس

بس قول وانا مستعدة استناك 10 سنين

وانت الى منطقتش

انا عملت الى عليا خلاص

مروان : يعنى خلاص ي اسماء

اسماء: هموت واعرف انا ايه بالنسبة لك

٨ سنين محيرنى ومبرجلنى ومش عارفة ارسى ع بر

جاي وخلاص هيبقالى دنيا بجد مع حد شارينى تقولى

افسحى

ونرجع ايه

اصحاب ولا اخوات!

لا ي مروان ،مستحيل اظلم حد اشترانى وعزنى وجانى من الباب  
لمجرد عندك رعب  
انى امشى ومبقاش بتاعتك

مستحيل اظلمه ...زى م ظلمتى  
حتى وان كانت روحى متعلقه بيك !

سابته ونزلت بعد م كلامها كسر اخر طوبة كانت بتحاوط علاقتهم  
وهى واخدة قرار حياة جديده ومتسمعش كلام قلبها  
عشان تكسب .

#بقلمى\_نوراسماعيل



فمطعم جميل كانوا قاعدين سوا ..  
بقالهم كتير مشفوش بعض ، سفر طه خلى نهلة تشتاق له اكثر  
وتحتاج له اكثر  
اما هو ببعده عنها  
عرف ان نهلة جواه وحبها بيجرى فعروقه  
عرف انها شخص ميقدرش يستغنى عنه ، وان لو بارادته  
المستحيل يعملها ويوصلها

نهلة : وحشتنى اوى ي طه ، حاسة انى عاوزة ادقق فلامحك  
وابصلك كتير

عاوزه اشبع منك لحد م تجيلى تانى

طه: انا بقا كلمة وحشتينى قليله ، انتى وحشتينى فوق م  
تتصورى

بقيت صاحى نايم بفكر فيه

عاوزك اكثر من الاول

وبحبك اكثر من الاول

وبتمنى اصحى ع خبر انه طلقك بلا وبقيتى ليا

نهلة: قريب خلاص ، هانت ي طه

طه: امتى بس ، معرفش انا هو بيماطل ليه

عاوز ايه

خروجه زى دى مخليانى الف حوالين نفسى ، بتلفت لايشوفك

تحصل مشاكل

نهلة: متقلقش هو مسافر

طه: بس اكيد له عيون

نهلة: متقلقش بقى مش حتى الوقت الحلو الى انا قاعده معاك  
نفكر فيه

اليوم ده بتاعنا، صادق مش هينزل نفسه لمستوى انه يراقبنى  
هو شايف انه اكبر من كده  
وانى اتفه من انه يهتم بيا

طه : انتى اد الدنيا واحسن ست  
متقوليش ع نفسك كده ده ميعرفش قيمتك... غبي

نهلة: ربنا يخلصنى منه بخيره وشره ،المهم  
انت قوات انك عاوزنى فحاجه مهمة

طه( ابتدا يرتبك) هو موضوع ...من اول م حبيتك واتمنىتهك  
وانا عاوز اقله ليكى  
( بيشرب ميه بارتباك ايده بتتهز) بس معرفش ايه ممكن يكون  
رد فعلك

نهلة: قول ي طه قلقتنى

طه: مانا هقول لان لازم تعرفى  
نهلة: موضوع يهمنى انا يعنى

طه: طالما هنتجوز ،لازم تعرفيه

نهلة: سامعاك ي طه قول

طه: متلومنيش انى مصارحتكيش من البداية غصب عنى  
الموضوع ده

محبش احكيه ولا افكره ولا اجيب سيرته  
ومحدث فالدنيا يعرفه الا اختى ومراتى السابقيه

نهلة ع وشها استفهام مستنين يكمل

طه: ( احد نفس واتكلم)نهلة ...انا شخص عاجز !

نهلة: عاجز يعنى ايه ؟ بتشتكى من حاجه عضوية؟

طه: عاجز بمعنى انى ...عندى مشكلة جنسية

زى م بيقولوا بالبلدى

ماليش فالستات !

وده سبب طلاقى الى محدش يعرفه

نهلة رجعت بظهرها عالكرسي مذهولة ، هي سمعت بجد  
ولا ايه

نهلة : يعنى انت عاجز جنسيا!  
طه: كشفت وسافرت اكثر من مكان وماليش علاج

نهلة: تفتكر هسمع ده ويكون رد فعلى ايه

طه: اية؟

♡♡♡♡♡♡♡♡♡♡♡♡♡♡♡♡♡♡

#بقلمى\_نوراسماعيل

◆◆◆◆◆◆◆◆◆◆◆◆◆◆◆◆◆◆

طه: ( احد نفس واتكلم) نهلة ... انا شخص عاجز !

نهلة: عاجز يعنى ايه ؟ بتشتكى من حاجه عضوية؟

طه: عاجز بمعنى انى ... عندى مشكلة جنسية

زى م بيقولوا بالبلدى

ماليش فالستات !

وده سبب طلاقى الى محدش يعرفه

نهلة رجعت بظهرها عالكرسي مذهولة ، هي سمعت بجد  
ولا ايه

نهلة : يعنى انت عاجز جنسيا!  
طه: كشفت وسافرت اكثر من مكان وماليش علاج

نهلة: تفكر هسمع ده ويكون رد فعلى ايه

طه: اية؟

نهلة رجعت بظهرها عالكرسي ، وهى بتبص لل ازاز  
فالمطعم الى قاعدين فيه  
طه قلق من رد فعلها ،سكتت وسهمت وكشرت

طه: خلاص وصلنى ردك ي نهلة (بضيق) كنت عامل حسابي  
عليه من البداية  
ومتوقعه

نهلة: طه استنى متتسر عش، فاكر اول مرة شوفتنى فيها فالهايبير  
كنت معيطة وفيه كدمات ف وشى



طه: ايوة فاكر

نهلة: اليوم ده صادق كان ضاربني عشان كنت حامل  
وهو عاوزني انزل الطفل وانا عاوزة احتفظ بيه  
ضربني لحد م نزل ...وسقطني

طه باصصلها وصعبان عليه الكلام الى بتقوله

نهلة: وتانى مرة لما زورتني فالمستشفى كنت برضو بعمل  
اجهاض  
ووقتها الدكتور قالى هيبقى ف احتمال ضعيف خالص للحمل  
بعد كده ،لكن الامل موجود يعنى مش منعدم

طه سامعها ومركز رغم باين ع وشه الضيق

نهلة: يعنى انا كان كل املى فالدنيا طفل ...حتى لو من راجل  
محبوش

فما بالك لما ربنا بيعتلى راجل احبه ويحبني يبقى اللهفه ع ان  
يكون ليا طفل مضاعفه

طه: وانا بكلامى حطمت امنيتك ،مش كده !

نهلة : ارجوك افهمنى ي طه ، الحياه الجنسية مش همانى اد  
طفل منك والله العظيم ده الى اقصده  
نفسى اعيش ف اسرة  
متكامله

انا وزوج بنحب بعض وعندنا اطفال ،سرى هادى  
هعيش ان شاء الله ب 10جنيه فاليوم

لكن...

طه: خلاص ي نهلة مش عاوز جرح منك اكر من كده ( قايم)

نهلة: ( مسكت ايده توقفه ) طه انا مش بجرحك انا بشرحك  
كل الى حسيته لما قولتلى

طه: ووصلنى ردك.....ربنا مش رايد لنا اكر من كده  
( عيونه فيها دموع )

كنت عارف من الاول انك حلم جميل وهصحى منه فيوم

\*سابها وحدها ع تربيزة العشا ، متضايقه وع وشها100 علامة  
ضيق وحزن

هل هى الى قفلت صفحه طه بالنسبة لها لما متحملتش سره؟  
ولا هو كان انانى للدرجة الى استنى يتملك فيها مشاعرها وقلبها  
وبعدها يروح

بالي مينفعش يحتمل؟

ولا من الاساس الموضوع صعب ، وربنا جابها ع اهون سبب!

#بقلمى\_نوراسماعيل

"♡♡♡♡♡♡♡♡♡♡♡♡♡♡♡♡♡♡♡♡♡♡♡♡"

"عارفة مامى جابتك للدنيا ازاي؟

اكلت حنة مارشيملو كبييرة اوى ...وفضلت تكبر تكبر جواها

لحد م طلعتى انتى "

ريم ضحكت لباباها ضحكة بصوت بيبهاتى برئ وهى بتاكل

فبوقها السيريلاك

من ايدين باباها وهو بيكلها ع انها حد كبير وبياكلها وبيعمل ده

بحب شديد

ويمكن تعد من اسعد لحظات ...

ايهاب ( بيديها فبوقها بالمعلقة) عارفة ضحكك الحلوة دى الى  
مصبرانى ع حجات كتير

ريم بتاكل وهى فرحانه وماسكه اطراف رجلها

ايهاب: مس نسرين كانت عاوزة تاكلك هى ،بس انا قولتلها طول  
مانا هنا

ريما قلبي انا اعمل لها كل حاجه

الا تغيير الإف

ريم ضحكت كانها فاهمه

ايهاب ( بيزغزغها) انت تضحك ع بابا ! قال يعنى فاهم ي كتكوت  
انت

وهو بيلاعب ريم ،ومسح بوقها بالوايبس

فونه رن

وكانت اية ...

فوجئ ايهاب باتصالها من يوم خناقهم مكلموش ببعض

بس بيراقبو تحركاتهم عالفيس عادى

ايهاب: الو ..

اية: وحشتنى !

ايهاب سمعها وكلمتها فرحته لدرجه علاماتها بانتم ع وشه

ايهاب: وانتى كمان وحشتينى اول

اية: ايه ؟ البعد ناساك اية وبقيت تعرف تستغنى اهو

ايهاب: ما هو انتى كمان لسه فاكراى دلوقت من يومها

اية: استنيت تراضينى زى م عودتنى

ايهاب: لو كنت انا الى مزعلك كنت هراضيكى فعلا

اية ( قاطعت كلامه ) انا مزعلتكش ، انا غيرت

ايه مش من حقى اغير ؟

ايهاب: من حقك ي حبيبي لو فعلا فيه حد شاغلنى ادك

ولا زيك ، لكن والله م فى فقلبي ولا بالى غيرك

اية: انا من بداية م عرفت ان خلاص لك زوجة وبيت

الدم بقا يغلى جوايا من غير سبب بعد م كنت بحس ان انا وبس

بقالى شركاء فيك

ايهاب: شريكه قصاد الناس، لكن فحياتي مش بتشكل اى شئ غير  
انها ام بنتى

انا ووصال نادرا لو اجتمعنا ع سفرة واحدة

او قولنا كلمتين

مش اسرة سعيدة والجوده ، ومن البداية قولتلك

لو كنت فعلا لاقى الى يكفينى فبيتى

مكنتش لاقيتك

اية: ساعات بحس انى عشان اتنازلت ...لازم استحمل

ايهاب: اتنازلتى عن ايه ؟

اية: اتنازلت انى اكون ست تانية لحياتك وع علاقه براجل متجوز

وعنده بنت

ايهاب: متسميهاش علاقه ...سميها رابط

انا وانتى مرتبطين

وان شاء الله هيكون رابط ابدى وع سنة الله ورسوله

بس انتى توافقى

اية: انا مش ممانعه ،طبيعى واحدة زي

عمرها م عملت شئ غلط  
ولاول مرة تدخل فعلاقه حب وتبقى كده  
طبيعى عاوزاها تمشى صح  
بس كل خوفى ع بنات اختى ، احنا لو اتجوزنا دلوقت  
هياخدوهم منى اهل باباهم  
وهيبهدلوهم  
وتعتبر كل تضحيتى السنين الى فات فالهوا

ايهاب: طيب تتحل ازاي ي اية ، انا راجل مش بتاع علاقات  
طياري  
ولا حب فالتليفون وشغل مراقبه  
حبيتك يعنى عاوزك زوجة

اية: انا بفكر ليل نهار فحل

ايهاب: وانا مستنى والى هتقولى عليه هعمله  
اية ( بلهفه) بحبك اوى ي ايهاب

ايهاب: وانتى روح ايهاب والنفس الى بيتنفسه اصلا

اية: ربنا يخليك ليا يارب ، حقك عليا تانى وتالت  
مكنش قصدى

ايهاب: ولا انا عمرى اقصد ازعلك او ابعد

اية: خلاص بلاش عتاب ي حبيبي

ايهاب: طيب عاوز اشوفك قبل رحلتى الجاية

اية: تلايكي كتترت للبنات مش عارفة هقول اية المرردى

ايهاب: قوليلهم الحقيقة ي اية ، انا عاوزك بالحلال  
هو احنا بنسرق

اية: لا لا لا مش دلوقتى ، انا عارفة هقولهم امتى

ايهاب: زى م تحبي ... المهم اشوفك اخترعى الى تخترعيه  
انا قتيلك

اية ابتسمت ع كلامه وقلبها بيرقص من فرحته لتعويضها راجل  
زى ده فحياتها



بعد كل سنين التعب والحرمان الى شافتهم ..

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

حسين: انا زهقت طول م انتى قاعدة خايفه وبتراقبى الى حواليكى  
انا تعبت من الحوار ده

رضوى: يعنى انا غلطانه اكمنى دورت. ع اى شئ اتعلق فيه  
عشان نتقابل وتتكلم واستنيت مرات ابو يا تخرج وخرجت بدل م  
هى عاملة زى م تكون سجانتى

حسين: طيب ماشى هنقضيه كده كتير؟

رضوى: ع اساس انك سالت عليا يعنى طول الفترة الى فانت  
ولا حتى لاقتنى غايبه عنك ويومها انت عارف ان الى كنت  
مخطوباله شافنا سوا

انت حتى مخوفتش عليا

هو انت بجد مش عارف انا بضحى وشايفه كل القرف ده عشان  
ايه؟

معندكش اى تفسير لتصرفاتى؟

مش عارف انا مستحيلة كل ده ليه؟

حسين سمعها وطلع سيجارة من جيبه وولعها ونفخ دخانها  
بهدوء

رضوى: م ترد ولا انت فالح تنفخ فسجاير وتسيبنى احرق ف  
دمى

حسين : انا عارف على فكرة..

-عارف ايه؟

عارف ليه دايماً بتردي علي تليفوناتي بسرعة و ليه بتكحي لما  
بشرب قدامك سجاير مع ان باباكي مدخن و ليه فرحانة باى حاجه  
بتحصل معايا سواء ايام الدراسة او فشغلى اكثر منى و ليه  
بنتصور كتير و حاجات غيرها كتير عارف سببها..

انا مش عايز ادايقك، ومش عاوز اعشمك اكثر من كده اللي  
مخليني اتكلم انك شايفاني حاجة انا مش عليها، عشان كده قالوا  
علي مرايته عميا.. انا مش حلو اوي زي ما انتي متخيلة. و الا  
مكنتش وجعتك دلوقتي بكلامي ده..

ولا هتغير عشانك،..

كل اللي عايز اقلوه، متحاوليش تقربي اكثر من كده،

عشان ساعتها مش هتعرفي تقربي اكثر، ولا هتعرفي ترجعي  
خطوة لورا مكان ما كنتي واقفة. و انا مش عايز ده يحصل.

تقريباً المفروض امشي دلوقتي، على فكرة انا كلمت صاحبتك  
تجيك.. عشان متعيطيش لوحدك،

انا اسف.

رضوى بصاله باستغراب ودموعها بتنزل ع خدودها ورا  
بعض... هو ايه الى سمعته ده؟!!

هو بجد حسين بيتخلى عنها  
للمرة الكام ؟ الثانية .. الثالثة .. الالف !

حسين مشى من قدامها بكل هدوء ، وفدقايق كانت فعلا نوران  
موجودة

لانه كلمها من بداية م قبل يروح يقابلها،يعنى هو كان محضر  
هو كان هيعمل ايه

ماشيه مع نوران بتعيط جامد ونوران ماسكاها بحضن

نوران: طبيعى كان هيعمل كده ، من امتى قولتلك سيبك من العلاقه  
دى بلا

سيبك منها

خدت من قلبك ومن حياتك كتير

كفاية معاملتهم ليكى فالببيت ي رضوى وانتى السبب ...

رضوى: كفاية بقا مش عاوزة اسمع كلمة من حد

ارحمونى بقى

نوران وصلتها لبيتها بهدوء ومشيت

نوران: هتصل بيكى بليل اتظمن عليكى عند مرات باباكي

طلعت رضوى مش مركزة معاها ، مش شايفه من دموع عنيتها

خبطت فتحت اختها الصغيرة ،الا من غير مقدمات لقت باباها

فوشها مسكها من شعرها

وهاتك ي ضرب ورا بعض

لكن رضوى مصرختش زى كل مرة ،،كانت عارفة بتضرب ليه

ومهما كان الم جسمها والوجع من الضرب

وجعها قلبها وكسرتة اكبر!

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡

"يابنى كفاية هز فرجلك ..كفاية هز هي امك كانت بتتوحم علي رقاصه"

محمد جهاد ماسك فونه وباصص له وواقف ع رقم معين  
ومشخص نظره عليه

محمد جهاد : انا الحركة دى فيا عصبية دايمًا ،لما يكون مركز  
فحاجه اعملها او فبالى حوار بفكر فيه

مارسيلينو: ومركز فيه ايه ي رئيس مديرية الامن !

محمد جهاد ساب الفون وبص لمارسيلينو بصة وحشة ورجع  
بص لفونه

مارسيلينو: ايه هو انا قولت كلام ريحته وحشه ولا ايه

محمد جهاد: قولى ي مارس

مارسيلينو:،يامارس

محمد جهاد: انت مبتعرفش تتكلم بجد ابدأ ؟

مارسيلينو: بعرف ،فالشغل

ويوم المرتب

ولما اكون عاوز اكل

محمد جهاد: طب كويس ...حلوين عليك

وبتتعامل مع مراتك واهلك كده برضو؟

مارسيلينو: لا مراتى مبتعاملش معاها ،هى الى بتتعامل

اما بالنسبة لاهلى فانا الحب كله بالنسبة لهم  
اخر العنقود ابو دم خفيف

محمد جهاد: ياض مرة واحدة لله تتكلم عادى تتكلم زى الناس

مارسيلينو: وهو الناس العاديين بيتكلموا من بوقهم وانا بتكلم من  
شعر راسى

محمد جهاد: انت مفيش فايده فيك

\*رجع بص للفتون تانى ومارسيلينو باصص له ورجع بص  
عالمطبخ\*

مارسيلينو: هموت واكل

محمد: م تقوم تاكل

مارسيلينو: الشيخ يامن حاظلى نظام عشان جسمى يتظبط  
واخس

بيقول السمنة المفرطة تؤدى الى الامراض والبقع وذهاب العقل

محمد جهاد: ولاي مارس، انت تيجى النادى تلعب شوية رياضه  
ع حديد

تفوق جسمك ده ( ماسكه من بطنه) تسيح ام الية دى  
ونتظبط

مارسيلينو: اه انتو اتنقلوا عليا بقا واعملوا الفيلم فهمت انا  
الدكتور يعمل دكتور والرياضى يسفلتتى  
وبتاع الكاشير يصرفلى اكلات دايت  
والطيار يربطنى فديل الطيارة ويشد

محمد جهاد ( بيضحك اوى) هههههههه اسمع الكلام فالاول  
هتتعب بس جسمك هيتظبط وهتاخذ ع كده

مارسيلينو: ياعم مش عاوز ،قلبي مش جايبنى اعمل نفسي كده

محمد جهاد :قلبك !! متخليش كرمه يبوظك

مارسيلينو: احسن من بخله ي اعم جهاد

محمد جهاد سرح فكلمة مارسيلينو واتنهد

محمد جهاد : ياشيخ القلب ده ابخل حاجه خلقها ربنا  
تسألنى ليه

اقولك ان الفرق بين الجوع والشبع ... رغيف واحد!

و الفرق بين التعاسة والسعادة ... شخص ... شخص واحد من  
بين الملايين الى عاارض .

ومع ذلك ، فيه ناس بتموت جعانه  
وفيه ناس بتموت متغربه ... وكله منه

القلب

يلعن ابو شكله

مارسيلينو : ايوا مفهمتش ياعم سقراط انت عاوز ايه

محمد جهاد: ولاهتفهم ... انا قايم

مارسيلينو: رايح فين ؟ هتعمل طينه ؟

محمد جهادضحك وخدقه ب خلة السنان الى بيعمل بيها سنانه  
ودخل اوضته ..

اتصل عالرقم الى واقف عليه من بدرى ...  
قلبه بيدق كتير اوى ، وزادت دقاته لما سمع صوت الجرس

عالناحية التانيه الاء لاقت فونها بيرن جمب محمد ابنها  
جت بالكروسي بسرعة دخلت الاوضه و عملته سايلنت



وبتبص فيه لاقت رقم دولى ...  
استغربت وردت

الاء: الو.

محمد جهاد: ،الاء!

الاء اول م سمعت صوت انفاسه قبل م ينطق اسمها عرفته!  
ولما قلبها اتعرف عليه قبل ودانها  
اتلهف واتخطف وارتجفت كان اول مرة تسمع صوته

محمد جهاد: واحشنى حضنك ي الاء ....وتعبان

تعبان اوى

انا ميت

الاء: \_\_\_\_\_

محمد جهاد: كل شئ مات من وقت م سيبنا بعض

واولهم قلبي

الاء: \_\_\_\_\_

محمد جهاد: كونك سمعاني ورديتي عندي بالدنيا، مستعد اكفر عن  
ذنبني فحقتك

مستعد اخرس لسان اي حد يتكلم عنك بشئ وحش

\*محمد الصغير بيزمزق هيصحي ، بسرعة قفلت الاء وقفلت الفون  
خالص\*

محمد فوجئ اتقفل الاتصال فوشه!

بيعيد اتصال لقي الهاتف مغلق ، رمى الفون جنبه بحسرة وحط  
دماغه بين ايديه

اما الاء...

فهى حضنت محمد ابنها وبترضعه وهى سرحانه فكلام ابوه  
وصوته

والرقم الدولى!

هو ساب الدنيا زى م هى سابتها ؟

قلبها حس بصدق كلامها، لكن كلام كرامتها ليها كان اكبر

حبت تتناسي الموضوع كانه لم يكن وتركز فلامح محمد ابنها  
الى باصص لها بحب وهو بيرضع


الام: محمد صحى ؟

الاء: اه يا ماما تعالى

الام: اومال مين الى كان بيتصل ، انا معرفتش اسيب الى فايظي  
واجبلك الموبايل

الاء ( سرحانه) رقم غلط ،متاخدش فبالك

#بقلمى\_نوراسماعيل



فصحرا والهوا عاصف ، بيخبط يمين وشمال وبيخبط فيه  
شوية وهيوقعه لكن مقاوم  
بيمسح بايديه جبهته من العرق ، وبيحاول يشوف اى مكان يستظل  
ببيه

عاوز يضل عليه اى مكان  
مش لاقى ،صحرا واسعه طولها زى عرضها  
مالهاش اول من اخر  
والشمس حاميه ..

ابتدا يدوخ يامن من شدة الحرارة والعطش ،قعد ع ركبته ياخذ  
نفسه

اخذ نفسه وقام يكمل مسيرة ،وبعدين اتهياً له من بعيد فيه شئ  
مش مفسره

هو ايه ؟

فضل يمشى ناحيته وهو بيجرى عشان يروحله  
وبيعافر

يقوم ويقع ورجله تغرز فالرمل ،لحد م وصل

شخص مايل راسه ع ركبتيه متدارى

ولقاه فاتح كفينه بحبوي قمح محصود ،يامن اكل من الجوع كتير  
اوى

من كف ايد الشخص ده

ويتناول من ايد اليمين والشمال

كتير ،وبعدها حس العطش اشتد عليه

رفع راسه الشخص وكان حور!

يامن فوجئ بيها وبردائها اخضر اللون

وبابتسامتها ،ساكته وبتطلع من من وراها قلة ميه فايدها اليمين

وبنديهاله يشرب

شرب كتيبيير

وبعد م ارتوى

يامن: شكرا جزاكي الله خير

قايـم وسايـبها يكـمـل سـير وقـفـته حـور من غير كلام ورفعت له حذاء  
شـكله جـمـيل

حور: الـبـسـه يـسـاعـدك لـمـشـقـه الـسـير

يـامـن: انا عـاـوز وـاحـد بـس عـشـان رـجـلي اـبـتـدت تـفـفـقـق من الرمل  
رـجـل وـاحـدة

حور: الـبـس الـاتـنـين هـيـسـاعـدوك وـيـسـانـدوك  
الـاتـنـين سـوا !

اـخـدـهم مـنـها ولبسـهم وجم مـقـاسـه بالـظـبط ، اـبـتـسـم وـشـكرـها لـلـمـرة  
التانيه

ومسك كـف ايـدها وـتـابـع مـشـوارـه بـيـها

♡♡♡♡♡♡♡♡♡♡♡♡♡♡♡♡♡♡♡♡♡♡♡♡

#صـكـوك\_الـغـفـران

#بـقـلـمـي\_نـور اسـمـاعـيل



"قالو ياما ان القمر عالى وبعيد... والملايكة مستحيل تلمسها ايد  
"

ايهاب ( حظ كف ايده ع ايد اية ) انا بعشق الاغنية دى  
اية: انا مبسمعش عمرودياب اوى ،بس اى حاجه انت بتحبها انا  
هحبها ( سحبت ايدها بكسوف )  
ايهاب: معقول فى حد كده كل مرة اشوفه يحلو عن الى قبلها؟!  
اية خجلت ووشها احمر

اية: كان عندى طلب ممكن تحس انت انه سخيف ،بس هو ملح  
عليا  
ايهاب: اتفضلى حبيبي

اية: عاوزة اشوف مراتك وبنتك !

ايهاب استغرب وعقد حواجبه وبان عليه غرابة طلبها..  
ايهاب: حاضر بس ليه

اية: انت عاوزنا نتجوز ،طب عالاقل كل الى معرفوش اعرفه !  
دول عيلة شخص يهمنى امره  
وهيبقى اهم م فحياتى ...

ايهاب طلع فونه،وفتح صور ل ريم وصور له مع وصال

اية بتتفرج،بتبتسم عند صور ريم الكثير والى سبق وشافتها  
عالفيس وهى مولوده

يمكن كان قصدها الاكبر تشوف وصال

وصوره معاها

اية: جميلة اوى مراتك ...فعلا ملكة جمال

يكاد يكون مفيش مقارنه بينى وبينها

ايهاب: وبتقارنى نفسك بيها ليه؟

اية: عاوزة اعرف حبتنى ع اى اساس! وعندك ست بالهور

ل والنجاح ده

وبنوته بسم الله ماشاء الله زى ريم

ايهاب: الاجابه باختصار ان الجمال والنجاح مش كل حاجه

فالعلاقه

اية: بس انت قولتلى ان دى كانت شروطك من البدايه

ايهاب: فعلا كانت شروطى ...بس مكانش فحسبانى ابدأ انى اقابل

شخص بارد كده ....عنده جفاء وبرود مشاعر

ومش ليا بس

ولبنتها

اية: كنت حاولت معاها كذا مرة جايز تعرف غلطتها فحقك  
وتصلحها

ايهاب: محاولاتى كلها باءت بالفشل ،دلع وحنيه واهتمام  
وصال بتعترف ان ده دلع بايخ وميلقش بيها

\*اتنهد ب اسي وكمل كلامه\*

ايهاب: انتى شخص هتبقى مراتى ، وانا مش هتكسف منك  
وصال مراتى حتى فعلاقتنا الزوجية بتادى واجب عشان تخلص  
اهو حاجه والسلام بتعملها وخلص  
لابس بيها ولابقى مبسوط

\*اية غارت لكن ميينتش\*

اية: كنت قولتها مباشر طالما الايحاءات مش مفهومه ولا  
وصلاها

\*ايهاب باصص لها\*

اية: اقصد تكون عملت الى عليك للنهاية ،وكنت خيرتها



ايهاب: اخيرها ب ايه؟ بالانفصال

اية: احسن م تحس انك زوج خاين

ايهاب ( اتضايق من كلمتها وكظم ضيقته) انا مش خاين ي اية

انا بالصدفه

حببت بنت وعاوز اتجوزها

وهى الى سابت فراغ فمكانها خلتنى احتاج غيرها

وبدون مثاليه ي اية

عمرى م هطلقها عشان عاوز بنتى

اية: بنتك خدها بالقانون،تتربي مع اب بتحترمه

احسن من اب وام مش عارفين يبصوا ف وش بعض

ويمكن يقالها اخوات من ست تانية متجوزها باباها غير مامتها!

انت فاهم قصدى

مش مثاليه والله....انا بفكر فكل الاتجاهات

ايهاب: وانا فكرت ي اية ومن قبل م اخذ حتى خطوة ناحيتك

\*فون ايهاب رن وكانت وصال واية فهمت ف رد \*

اية سكتت وبدات تاكل

ايهاب: الو ي وصال

وصال: ايوة ي ايهاب انت فمصر ولا سافرت

ايهاب) بابتسامه سخريه) لا فمصر لسه مسافرتش خير

وصال: بص هطلع الجونا يومين مع مامى وبنات خالتو

اغير جو

وهسافر ناو انا بخ

بحضر شنطى

ايهاب: ده الى هو عادى تحصيل حاصل انى اعرف

وصال: مانا بعرفك اهو ي ايهاب ف ايه

ايهاب: كنت بتحايل عليكى كتير تاخدى اجازة ونسافر مكنتيش

بتوافقى

دلوقتى نفع؟

\*اية رفعت عيونها عن الطبق وبصتله ورجعت تاكل تانى \*

وصال: يوووو ي ايهاب كل م اقولك ع حاجه تقارنها بينا

ايهاب: خلاص خلاص ...هتاخدى ريم

وصال: لا طبعا انا عاوزة اريح اعصابي

هاخذ ريم ازاي

ايهاب: يعنى هتسيبي ريم وحدها فالبيت (بعصبيه اخدت بالها ايه)

وصال: معاها مس نسرين ، وبعدين م انت بتسافر وتسيبها عادى

ايهاب: ده شغلى

وصال: اوك اوك ي ايهاب وانا كلها يومين وارجع مش قضية

مضطرة اقفل عشان بجهاز ناو

\*قفلت وصال وايهاب هيفرقع من برودها\*

ايهاب: انتى فكرتى فالعرض بتاعى ؟

اية: فكرت...وقريب اوى هقولك ع قرار

يريحنا كلنا

ايهاب: ياريت ي اية لانى بجد.محتاجلك فحياتى

واكثر من كده ...

اية: ان شاء الله مش هيكون فيه اكثر من كده

ايهاب: اتمنى ده

#بقلمى\_نوراسماعيل



تفكير... تفكير... تفكير

مسابش دماغها خالص ، نهلة من يوم كلام طه ليها وهى بجد  
مش طايقه الدنيا

جواها مش مصدق انهم سابو بعض كده خلاص!

بتلوم روحها هى كانت صح ولا غلط

انانية ولا مش انانية ..

هل حبها لظه مش كبير لدرجة تخليها تكمل طريقها وحدها من  
غير طه ولاحتى صادق

ولا تفضل مع صادق وترضى باللى ربنا كتبه

ولا ترجع ل طه وتتخلى عن حلم امومتها؟

وهى مشغولة ، دخلت لها حور بعد م استاذنت ب خبطتين عالباب

نهلة: ادخلى حبيبتى

حور: قاعدة لوحدك ليه ؟

نهلة: مفيش مخنوقة شوية قولت اقعد مع نفسي  
حور( بهزار) طب اطلع

نهلة: لا طبعا خليكى ...انا كمان عاوزة اتكلم  
حور: لاحظت مبتروحيش البيوتى خالص ولابتخرجى  
نهلة:مش عاوزة اشوف ولا اكلم حد ، مش عاوزة حتى اطلع برة  
اوضتى  
حور: ليه للدرجة ،حصل حاجه مع بابا ضايقتك؟  
نهلة عملت حركة بوشها بلامبالاه...

حور: احكى طيب وفضفضى ويايا متسيببش نفسك كده جواكى  
كلام كتير  
وساكته  
نهلة: انا عاوزة اتكلم بس مش عارفة اقول ايه،اصلها مشكله حد  
من صحابى  
ومخلياتى افكر فيها ليل نهار

حور: قولى مالها المشكله جايز الاقيلها حل معاكى  
نهلة: بصى (بدات تتوتر) هى بنوته وكانت بتحب واحد فترة  
يعنى بتجمعهم علاقه حب قديمه  
وبعدها اتقدم لها  
رسمى ...

حور: لحد هنا تمام

نهلة: بس هو بعد م خطبها يعنى...قالها ع سر مكانش مصرح  
لها بيه

قبل كده وده

الى عمل مشكله م بينهم وعاوزه تسيبه ومتوافقش عالجواز

حور: ايه هي المشكله

نهلة: هي انه عاجز ...عاجز جنسيا يعنى

حور: اوووه مشكله صعبه فعلا ، طيب مصرحش ليها من البداية  
ليها

ده جواز

ليه الغش

نهلة: كان خايف تبعد عنه

حور: ماهي عاوزه تبعد اهيه ...ده غلظه من الاول

انا اسفه

الدخول فالمواضيع دي شائك ، ده جواز يعنى هتبقى فيه حياه  
جنسيه م بينهم

واولاد

ربنا قال عالجواز ووصى بيه عشان نعف نفسنا بالحلال

وده راجل عاجز

يعنى اكثر شئ فالجواز اساسي مش عنده ...وده فيما بعد هيولد  
كراهيه م بينهم وممكن خيانه  
والعياذ بالله

لان هيكونلها متطلبات هو مش هيقدر يديهالها

نهلة: بس هي مش باصه للمتعه الجنسية ع اد الاطفال

حور: ي ابله نهلة قولى لصاحبتك متضحكش ع نفسها  
الجواز متعه شرعها ربنا واولاد  
كله ع بعضه مش هتاخذ حاجه وتسيب حاجه

نهلة سكتت بعد م سمعت حور لانها صح

حور: مقتنعه بفكرتى عشان توصليها ليها

نهلة: بس هي بتحبه ومتعلقه بيه جدا جدا

حور: مممم ،لو صديقتك فكرتها الاولاد وبس

تصلى استخارة

وممكن يكفلوا طفل يتيم ياخده ثوابه ويعوضهم

وتفضل وياه

مدام بتحبه ...لازم تضحى !

الظاهر ان حور عندها حق، ووجهت نهلة اكثر ع حقايق مكانتش  
واخدة بالها منها  
وهتعيد تفكير فيها..

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

رضوى..

دام حبسها ويمكن بقا عليها سجانين مش سجان واحد ، بيدعى  
ربنا باباها ييجى اى عريس مناسب عشان يجوز هاله ويخلص!

معاملتها منهم فالبيت بقت اسوء من الاول ، وكل حاجه بحساب  
حتى لو بصت من الشباك  
وهى الى عملت كده فنفسها.

عيونها بقوا شبه الطماطم من العياط ، ومنفوخين

زعلانه ع نفسها وع حبها الى راح

خصوصا انها اوقات بسبييطه ممكن تستاذن مرات باباها تتكلم  
من فونها وبتكون قاعدة جمبها كمان  
وفعلا بتكلم نوران او هند بنت خالتها!



الى لاحظت اختفاءها تماما من عالقيس والواتس واتصلت لاقت  
فونها مغلق فقلقت

وكلمت جوز خالتها بابا رضوى

ادالها رقم مراته تكلمها عليه وقال ان موبایل رضوى بايظ  
وبيتصلح..

ورضوى مشيت فالكذبة عشان مالهاش عين تقول الحقيقة .  
اما عن نوران ،فزفت ليها خبر خطوبة حسين للمرة الثانية  
وواضح برضو انه ع وفاق مع العروسة ومش ضغط من اهله ولا  
حاجه

وانه مختارها وحاببها

وده الى حسس رضوى بان لو انتحرت هيكون لها ده اسلم حل  
،فبيت مفيش حد بيعاملها فيه كويس  
وحبيب خاب املها فيه ...

رضوى: انا كويسة الحمد لله ي هند

هند : ماما بتسلم عليكى وبتقول يعنى عمو مش عارف يجيبلك  
فون غيره

رضوى: عمو! لو طال يمنع عنى النفس هيعملها ( بصت  
لها مرات باباها بصة وحشة وشافتها رضوى) اصله بيخاف عليا

هند: ماشى كلنا بيخافوا علينا بس مش كده وهو الفون هيعملك  
ايه يعنى  
هيفوظوكى منه !

رضوى: الفون والخروج والدخول ...متعديش  
انا مبقتش اشوف نور الشارع

هند: يابنتى الله يكون فعونك ،مكنتش اعرف ان عمو شديد كده  
رضوى: اوى اوى متعرفيش حاجه  
هند: وطبعاً مراته جنبك

رضوى ( بصت ع مرات باباها) اه مش بيسييونى

هند: ايه الخنقه دى ، يارب يبعثك واحد طيب وابن حلال يخلصك  
من الذل ده

رضوى: ربنا يخلصنى من الى انا فيه وخلص عشان تعبت

قفلت هند مع رضوى سرحانه وبتفكر ،جت عمته دخلت اوضتها

العمة: بت ي هنود نحضر العشا دلوقت ولا شوية

\*هند سرحانه\*

العمة: مالك ي بت مش سمعاني

هند: رضوى بنت خالتي طلغان عينها فبيت ابوها، بفكر ان الاوان  
نقول لمحمد عليها  
يخطبها وينجدها

العمة: طلغان عينها ليه مالها؟

هند: مكنتش اعرف ان باباها صعب كده، الفون بحساب وماتعه  
عنها اصلا

والخروج والدخول

دى مبتشوفش الشارع

العمة: الله اكبر هي دى البت الى تصون شرف وعرض اخوكى

متعرفش السما من العما

طول عمرى نظرتى متخيبش، واهى تيجى هنا امك وانا نربيها ع  
ايدنا

وتأخذ ع طبعنا

مش الى فرخاناه بعيونها وشعرها وجسمها ومع اخوكى شوية  
وصاحبه شويتين والله اعلم مين تانى

هند: خلاص ي عمتى راحت لحالها مش عاوزين نتكلم عنها،  
المهم ايه رايك

فاول اجازة لمحمد نفاتحه

العمة: ماشى... ايدى ع كتفك

اهو ساعتها تبقى فرحتى بمحمد من قلبي بجد.

هند ابتسمت وعمتها بتدعى... وفالنهاية كل شئ نصيب

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

"لا محبتش اغير رقمى لانى مش خايفه من حاجه استخبي  
واتدارى منها بعيد عن الناس"

محمد جهاد: ي الاء... ربنا بيغفر

الاء: عليك نور المغفرة صفة الهيه... وانا مش اله

محمد جهاد: واياه الى حصل لكل ده وقساوتك دى

الاء: انت قسيت الاول، قسيت لما سبتنى وحيدة

قسيت لما سبتنى مكسورة

قسيت لما سبتنى عاجزة وماليش ضره ولاسند

محمد جهاد: انتى صممتى نتطلق، ده انا ميلت ع ايدك بوستها

وانتى زعقتى فيا وقولتى مش عاوزاك

الاء: طبعا مش عاوزاك ،مش هنعيد عتاب فالى فات ي جهاد  
انت شكيت فيا

والى ثقته بيقلدها مرة بيقلدها كل مرة

والى بيدى ودانه لحد يبقى انسان معندوش عقل ولا دماغ يفكر  
ولا عين تشوف

انت زعلان ع شكك قدام صاحبك كان ايه

وسيبنتى وحدى عمك تقطع فيا وتنهش فعرضى وياما استخملت  
منها

اومال لما يعرفوا ان الى بينا كان جواز رسمى بحق وحقيقي  
هتعمل ليه عمك واختك

هتقول ان مش ابنهم الى عمل كده وانى شمال اصلا

محمد جهاد: ي الاء انا بكلمك اصلح الى فات

الاء: الى فات انكسر وميتصلحش ابدأ

محمد جهاد: ي شيخه اعملك ايه اكثر من كده ...انتى ايه

الاء: راجع بعد ايه عاوزة افهم ،انا خلاص مش عاوزة منك  
حاجه

محمد جهاد: اومال رديتى عشان تحرقى دمي

الاء: هرد ...وكل مرة هتس بندمك هرد

عشان تتعذب اكثر وتلوم نفسك اكثر واحس ان جزء من حقى  
رجع

ورقمى مش هيتغير ي جهاد

\*،قفل محمد جهاد ف وشها من الغيظ ،وهى بصت للفون  
باستهتار

ورجعت لشغلها عادى ك ادارية فحضانتها بتتابع كل شئ بكرسيها  
المتحرك.

اما جهاد خرج من اوضته فالسكن ببسب ويلعن ومش طايق  
نفسه

لقاهم برة قاعدين فالريسبشان بيتكلموا سوا  
يامن وطه وايهاب ...

طه: يعنى انت عاوز تخطبها بس خايف هى ترفض؟ ولا ايه مش  
فاهم

يامن: لا بص حفهمك ،هى ع مستوى على اجتماعيا وماديا  
بصراحه انا اقل

لكن لو عليها فعندى احساس بقبول منها

ايهاب: خلاص طالما فيه قبول اتقدم لها ي شيخ يامن

الماديات مش شئ اساسي اهم حاجه التكافؤ الفكرى والثقافى

تبقوا فاهمين بعض

حاسين بانكم لايقين ع بعض مش هي ف وادي وانت ف وادي

محمد جهاد (قعد جمب يامن) يحرق لجواز والعرايس والناس الى  
عاوزه تتجوز

والناس الى عاوزه تتجوز او بتفكر تتجوز او بتقول لحد عالجواز

طه باصصله ويامن

ايهاب: انت مالك داخل شوية وهتفخ نار ف وشنا ،الراجل داخل  
ع مرحلة حلوة

وانت بكلامك ده كآبته

ثم انت مش متجوز من الاساس ،بتحكم شفوى يعنى ولابالسمع

محمد جهاد: ياعم الطيار اراهنك ان م كنت كفران فجوازتك

ايهاب: ياعم كفران ولا لا ،ده واحد عاوز يتجوز وشكله حابب  
الانسانه الى عاوز يرتبط بيها

وبيأخذ راينا

هنسم بدنه يعنى

يامن (مبتسم) ع فكرة انا متأثرتش بكلام محمد انا بسال فنقطه  
تانية خالص

محمد جهاد: متزعلش ي شيخ يامن كنت متعصب بس

يامن: ولايهمك

طه: المهم..زى م ايهاب قالك خد خطوة وروح اتقدم

وفاتها الاول

يامن: خايف للرفض يبجى من والدها،شوفته فمرة شكله متشدد  
وجد

ايهاب: متشدد وجد مفيش مشاكل انت عاوز بنته زوجه ع سنة  
الله ورسوله مش خناقه

محمد جهاد: بص ي شيخ يامن هلخصك الحوار ، لو بنته  
عاوزاك

والله لو انتطط ع راسه وقال لا

هى هتخليه يقول اه

ولو قال اه وهى مش عاوزاك هتخليه يقول لا

البنت مدام نوت ع قرار بتنفذه لو ع رقبته...اهم حاجه دلوقت  
تتاكد منها

لو هى عاوزاك

اتكل ع الله

طه: كلام محمد صح ،اتاكد منها هى الاول وهى هتدعمك عند  
ابوها



محمد جهاد : اسمع كلامى ،ده كلام واحد زهق من البنات  
وحوارتها والارتباط والجواز والرفض والقبول والهباب كله

ايهاب ( بيضحك ع كلام محمد ) لتانى مرة بنبهك ي كوتش ان  
الواد رايح يتجوز رايح  
يدخل دنيا ..مش رايح عالاخرة بعد الشر

طه: وانت لسه منبهه ، هو شكل جواه طاقه وعاوز يفرغها

محمد جهاد: عندك حق يا عم طه ، انا هقوم اجرى المساحه الى  
حوالين الفيلا دى 16 مرة عالاقل عشان اهدا

\*قام محمد وخرج وهما باصين له\*

ايهاب: جمل فالبيت بسم الله ماشاء الله

طه: هههه فككوا منه ، ركز بس ي شيخ يامن وربنا يبسرلك  
الطريق

خلى حد طريقه يتيسر وتدخل الفرحة علينا يارب

ايهاب: بتحسنى بالست الى بناتها عوانس جمبها وعاوزه  
تجوزهم بفارغ الصبر ( بيضحك )

طه: هههههههههه لو سينو هنا كانت كملت للصبح  
ايهاب: سينو ده عيل مسخرة مش بعيد كان قلب ع جهاد تحفيل  
وع الشيخ يامن  
وع كلامى وكلامك

طه: وجوده فارق فعلا...

\*يامن قايم\*

ايهاب: رايح فين

يامن: هصلى استخارة

طه: ربنا معاك

يامن: ( اتهد ) الله المستعان ...

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

دهان للجروح ، وشاش وقطن ...

لينزى بتمرض مارسيلينو الى نزل اجازة يدوب اخذ معاها اسبوع  
وفيوم خارجين

بيعدوا الشارع سوا ومش شايف  
سبقته لينزى وخبطته هو العربيه!  
محصلش غير خدوش من الاسفلت عملت جروح ،ولان جسمه  
تقيل كانت كدمات جسمه  
صعبه مخليه صعب يتحرك لحد م يخف.

لينزى قاعدة جمبه وهو نايم ، بعد م دهنت جروحه وربطتها  
مسكت فونه ونقلت حجات معينه من عليه لفونها  
بالاسكرين!

وبعدا حطته مكانه ومسحت الاسكرينات ، وسرحت فيه  
سرحت فيه بجد سرحان واحده عاشقه  
لواحد مش حاسس بيها  
وبعدا بشوية مارسيلينو صحى ...

مارسيلينو: شوية ميه ي لينزى

لينزى: حاضر

فضت له مية فكوبايه وادتهاله ،شرب وحطها جنبه

مارسيلينو: هفضل متدشده كده كثير؟ خايف للاجازة تخلص وانا  
هنا هيجولونى للتحقيق

لينزى: متقلقش هتقوم بسرعة ، عمو وطنط واخواتك جليتك  
شوية كده

مارسيلينو: كل دول جايبين ! يلا عالبركه

شوية وجم اهله يزوروه ، دخلوا الصالون وهو قام واحدة واحدة  
دخل قعد معاهم

مارسيلينو: جايبين معاكم ايه ( بيبيص فالاكياس ) موز!

انتو بتزوروا صرصار عامل حادثه

الناس بتدخل بشيكولاته ودول داخلين ب موز وشكلهم واكلين  
نصه فالطريق

الاب: م تتلم بقا ي ولد

الام: معذبك وياه ي لينزى كتر خيرك

لينزى: لا طبعا ي طنط ده سينو جوزى حبيبي

مارسيلينو: ايه جوزى حبيبي دى هو لازم التعريف؟

هما طلبو منك البطاقه!

مرات اخوه: هو انت كل حاجه تتريق عليها كده ، هموت واعرف  
مستحملك ع ايه

مارسيلينو: يبقى موتى احسن

\*وكزه باباه بعكازه فرجله\*

الاب: اخرس واتلم

مارسيلينو: انتو جايين ليه انا نشكر ربنا كويس

الام: بسم الصليب ع لسانك طول الفرقله ، عاوزنا نمشى يا لينو؟

مارسيلينو: لا بس جو الواجب ده بتخفق منه

حتى م داخلين بتورتايه كان الواحد از از فيها

بدل قاعدة قرود الجبلية دى

اخوه الكبير: حاضر المرة الجاية هنجيبك تورته

مارسيلينو:ليه هعمل حادثة تانى انا!

الاب: قومو بينا الواد ده هيعصبنى ويعلى الضغط عليا

\*قايمين كلهم \*

لينزى: استنوا لسه بدرى

الاب: تعيشى ي بنتى

مشيو وقفلت بعدهم الباب

لينزى: انت البعيد شلحف!

مارسليينو: شلحف ايه ي شلحفاية !! عاوز اريح ودول جاين جو  
عامل ايه وشدة وتزول وعقبال حادثتك الجاية

لينزى داخله الاوضة بتضحك

لينزى: بس كان شكلك يضحك وانت زى الكورة بتدحرج عالارض  
وقت الحادثه

مارسيلينو: هيهيهي...طب اوعى اوعى عشان انام

لينزى: لااا مفيش نوم ،الدكتور قال انك اتحسنت خلاص

مارسيلينو( بخوف) عاوزة ايه

لينزى( بتقلع هدومها) انا بقالى كام يوم صابرة ومستنياك تخف

مارسيلينو( بخوف) ماهو انا لسه مخفتش حتى بصى

لينزى: لا بقيت تمام ( رمته عالسرير بقوة)

مارسليينو: السرير هيقع ي مجنونة ، وبعدين قبل الحادثه انا

محرمتكيش من حاجه يعنى

سيبيني استمتع بالحادثه وب دشدشه جسمى شوية

لينزى: لا مانا هعملك مسالاج هايل دلوقت ( طفت نور الاباجورة)

مارسيلينو :كفاية ابوس ضوافرك مش هيبقى حلم وحقيقة كفاية  
بشوفك اتسرع

لينزى : ليه بومه ولا ام اربعة واربعين

مارسيلينو: العن

لينزى: العن!


مارسيلينو: حرام انا بايظ لوحدى ارحمىنى هو مضادحيوى كل  
24ساعة

لينزى: بقولك ايه اخلص ...

مارسيلينو: ابانا الذى فالسموات ...انت عالمفتري!



#بقلمى\_نوراسماعيل



"انت تعبتنى ...ولا شغله ماشى فيها

ولاشوغلانه مريح فيها ومريحنى معاك "

حسين: يعنى ي بابا اعمل ايه

الاب: عمك اسود على راسك ي شيخ ، انت دلوقت خاطب

وقربت تتجوز

يعنى عليك مسؤليات

وانت حاطط ايدك فالميه الباردة ...من شوغلانه لشوغلانه

حسين: يعنى هما مش مريحينى فالشغل اقعد؟

الاب: لا تسيبه ،كل م حد يضايقك فشغلانه ولا تطلعك علة تسيبها  
وتجرى

حسين: او مال اقعد

الاب: اقعد واستحمل وكل عيش زى كل الناس ، انت قرفتني

انا مش هصرف ع راجل طويل عريض وشنبه خاطط فوشه  
وعروستك دى هتجوزها واصرف عليك وعليها ولا ايه حكايتك

حسين: يابابا بلاش منه الكلام الى يفور الدم ده

الاب: كلمتين ابرك من 10 تدور ع شوغلانه مناسبه وتثبت  
اقدامك فيها

منتاش صغير للدع والتهريج ده

م كلنا استحملنا

\*خارج من اوضة حسين ولسه بيتكلم وصوته بيبعد\*



الاب: داهية فيكم وفاشكالكم السوداء، هقعد اربي واكبر واصرف  
حتى وانتو رجاله ومتجوزين كمان!  
طلعتوا عيني داهية فيكم وفقلة ادبكم

\*حسين رد الباب بعد م باباه طلع وعوج شفايفه مش عارف  
يتصرف للجای ازای؟\*

#بقلمی\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡  
بعد كذا استخارة ...

منتظرش احلام ولاخرافات ،انتظر يامن تيسير امور وتسهيل  
حال

اذا كان خير كل الامور هتيسر ناحيته

وان كان شر

كل الامور هتبعده عنه .

لكن واضح ان يامن بعد الاستخارات اصبح عنده شغف ناحية  
حور مش مفهوم واجتذاب ليها مش عارف سببه.

تجربة يامن الاولى منكرش انها اثرت فيه ،يعنى هو مش عشان  
بيتابع شغله وحياته وسفر والنقلة الى بقى فيها

يبقى نسي!

بالعكس... حب الصغر او حب العمر زى النقش ع قلب الواحد  
مش بيزول بسهولة ابدا

مهما الواحد تناسي... ومهما تظاهر بالقوة ، عشان كده فكرة ان  
يامن يبدا من جديد وينسي

يبدا علاقه جديدة خالص

ده مش سهل ، بينه وبين نفسه هو عارف انه مش بقلبه مختار  
حور

بعقله واقتناعه بيها ك زوجه وانسانه صح تكمل وياه وتشاركه  
حياته الجايه

عقلها عاجبه .. وتصرفاتها واتزانها ، ده غير الراحه الى بيحسها  
فوجودها

والكلام وياها..

اتفتح شات الواتس بتاع حور ففون يامن ، عاوز يبدا كلام ومش  
عارف يبدا منين

سمى بالله واتكل بالله

يامن: السلام عليكم ورحمة الله... دكتورة حور

موجودة؟

حور مشافتهاش... انتظر 10 دقائق وبرضو مجاش رد لسه

ساب الفون من ايده  
وفتح كتاب كان بيقرأ فيه بقاله فترة يوميا وشاده  
اسمه ..قم فانذر للشيخ عبد الرحمن العريفي

اخذته القراءة عشان مينتظرش رد او يعلق روحه ،وبعد فترة رن  
فونه بمسج!  
ساب الكتاب بهدوء ومسك الفون  
لقى حور الى بعنت ..

حور: وعليكم السلام ورحمة الله ي دكتور يامن ،حاليا موجودة

يامن: اخبارك ايه فالشغل ؟

حور: بخير بفضل الله ...واخبارك انت عندك فالمستشفى مستريح

يامن: كل شئ من عند الله خير ..

حور: الحمد لله

يامن: كنت عاوز اكلمك فموضوع بس لاول اتاكد ...معطك عن  
حاجه؟

حور: لا معاك انا مش مشغولة دلوقت

يامن: طيب... هو انا مش عارف منين ابدء كلامي

لكن هتكلم زى م تملى عليا نفسي

حور: اتفضل

يامن: دكتورة حور ... احنا زملاء فترة دراسة طويله

وشغل

ومنساش ابدأ وقوفك جمبي انى اشتغل مع والدك فالمستشفى وانا

يدوب خريج جديد

معديش اى خبرة

زائد مساعدتك انى اسافر واشتغل هنا ،حاجه مكانتش هتحصل الا

بعد سنين

حور: دكتور يامن انت تستاهل المكان الى انت فيه دلوقت ،وانا

مكنتش الا سبب

يامن: ربنا يعز قدرك يارب ... ببساطه وبطريقة مباشرة

الوقت الى خلانى اقرب من تفكيرك ومن طريقة تعاملك اكثر

وعرفنى حجات بسيطه عنك خلتنى اخذ خلفيه عن الباقي

خلتنى بكل احترام ... عاوز

حور قرأت كلمة عاوز الى مكملش وراها كلام ومستنيه مش

فاهمة حاجه

يامن: عاوز ... ارتبط بيكى بشكل رسمى واتقدم لوالدك واطلبك  
للزواج على سنة الله ورسوله

حور قرات اخر، مسج و عيونها خرجوا لبرة مترين !!

هو ده بجد

يامن عاوز يتجوزها ، بحركة عفوية من بنت بتحركها مشاعر  
عشق

مش التزام

رمت الفون واتناولت طرحه ونزلت سجدت عالارض وهى بتعيط  
دموع فرح وجسمها  
كله ماسكاه قشعره وبتردد

حور: الحمد لله كما ينبغى لجلال وجهك ولعظيم سلطانك ،  
الحمدليك يا صاحب الفضل

قامت من سجودها

ومسحت دموعها ورجعت مسكت الفون نسيت انها سابته  
بيكلمها، لاقته مش متصل!

لسه هتبعته لاقته بيتصل

ردت وكلها رجفه وفرحه ومش عارفة تتلمع نفسها

يامن: السلام عليكم

حور: وعليكم السلام ورحمة الله ...بتأسف كنت لسه هرد عليك

يامن: انا بس خوفت يكون كلامي ضايقك فحببت اسمع الرد  
مباشر

واتاكدي اني متقبل اي ان كان الرد

\*قلبها بيدق اوى ومش عارفة تتلم ع بعضها\*

يامن: انا مقدر ان ليكى وقت تفكرى ،ده مش عرض لساعة  
ده عمر

يعمى لازم نتريث فالتفكير

حور: عندك حق

يامن: انا بس قولت افاتحك الاول واتظمن عن رايك وبعدها اكرم  
اهلى نيحى نطلبك من والدك

حور( ماسكى نفسها لكن نبرة صوتها بالفرحه فاضحاها) طيب انا  
هفكر فكلامك ي دكتور وايام وابلغك بقرارى

يامن: ماشى ...ربنا يعمل الى فيه الصالح

حور: يارب ... عن اذنك

يامن: اتفضلنى

\*قفلت ورمت الفون وخضنت المخدة فرحانه ووقفت عالسرير  
بمنتهى

العشوائية كانها طفلة فال8من عمرها

انتطت عالسرير وهى مزقطه وبطوح فالمخدة بسعادة وسابتها  
ووقفت عند الشباك بصت للسما

حور: احمدك واشكر فضلك يارب

حققتلى مطلبى وخليت دموع الفرحة احس بيها

ياصاحب الفضل والعدل

يسر الامر للنهاية ... وتيسر جوازى به

فانى احببته فيك ♡

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

"حبيبي تصدق بايه ... قلبي معرفش ليه

اول م شافك ناداك ... قال ده الى هموت عليه "

"عارفة ...من يوم م شوفتك حلمت ب ايه "

"ب اية ؟"

"انى اسمع كلمة بحبك منك وانتى فحضنى ، انى احس بنبض  
قلبك وكأنه جوه قلبي انا

ان يجمعنا بيت ونبقى سوا العمر كله"

"واتحقق الحلم ؟"

"فاضل تكة ويتحقق كله ، مكانش عندى اى امل انك تحبيني  
وتكونى معايا

عارفة اول مرة وشوفتك وجبتينى ع بوزى

روحت لايمن صاحبي بليل قولتله ، انا انهاردة شوفت مراتى !"

"لايا شيخ ... وقالك ايه"

" قالى زيك كده ...انت متعاطى حاجه ي جهاد؟

قولتله عليا الطلاق انهاردة بس عرفت البنت الى انا هتجوزها

قالى رهان منى ليك لو حصل عشان انت اهل

قولتله وان حصل

قالى هقلع ملط وامشى فالشارع

قولتله ابقى اتحضر للملط بقا ي سيد امك "

الاء جمب اغنية ايهاب توفيق كانت بتسترجع ذكرياتها ، واجمل

ذكرياتها



وحياتها الى فانت  
وجود باباها ومحمد جهاد...حياتها كانت مليانه دفا وحنان قبل م  
تنقلب راس ع عقب  
ويحصل كل ده  
بعد م كانت بتضحك ع كلام محمد فذكرياتها ،رجعت افكرت الى  
هى فيه  
ووحدها وكسرتها..

الام: نيمتى ابنك ي الاء؟

الاء: اه ي ماما

الام: طيب تعالى خالك وابنه ومرات ابنه برة وعاوزين يقعدوا  
معاكى

الاء: حاضر جاية اهو

طلعت بكرسيها الاء وقعت وياهم بعد م مسحت دموعها.

الاء: ازيك ي خالو ،ازيك ي اسماعيل

ده امل قربت خلاص اهو فالشهر الكام؟

امل (مرات اسماعيل ابن خالها): خلاص فالتامن

الاء: ع خير

خالها: عاملة اية ي الاء فشغلك ومع ابنك

الاء: والله كويسة ي خالو متشلش همى

امل: طيب مفيش تحسن لرجلك ي الاء ،انتى متابعه بقالك فترة

الاء( اتضايقت) ربنا عنده العفو ،انا ماشية عالعلاج اهو

خالها: بيتصل بيكم جوزك يتظمن ع ابنه ويبعت مصاريفه

الاء؛ ( ارتبكت) انا مش عاوزة مصاريف من حد ي خالو  
،الحمد لله الحضانة ع معاش بابا  
مش مخلينا محتاجين

خالها: يابنتى مش احتياج ده حقكم

اسماعيل: جوزك لحد دلوقت مجاش يشوف محمد ي الاء

الاء: مسافر،برة مصر وفاول اجازة له هيبجى يشوفه

\*بان عليها الضيق واتخركت بكرسيها\*

الاء: هعملكم حاحه تشربوها

امل: استنى متعبيش نفسك

الام: استنى انا هعمل كل حاجه

الاء: لا ياماما استريحى انتى

\*دخلت المطبخ، وميلت ع كف ايدها تبكى\*

الام: انا جيت اعمل انا واطلعى انتى، انتى بتعيطى؟

الاء: خلاص ي ماما عشان محدش يلاحظ

الام: ياما قولتلك كدبة ورا كده، الموضوع هيتعرف

الاء: محدش له عندى حاجه، انا حرة امشى حياتى

مش زى م الناس عاوزة

\*مسحت عيونها\*

الاء: بعد اذنك ي ماما اخرجى لهم وانا هعمل عصير وجاية

امها وقفت بصتلها بحسرة

الاء: انا تمام ان شاء الله متقلقيش

\*خرجت من المطبخ\*

الاء بدأت تقطع فاكهة فعلا عشان تضربها وتعمل غصير، وهى  
بتقطع انجرت جرح بسيط فصوباعها  
اتالمت

وبصت للدم وحطت ايدها ع قلبها، تواسي جرح ظاهر  
خفيف بجرح عميق ونزيف اعمق جوهر!

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

"ده بجد انتى ولا موبايلى بيخرف!"

نهلة (مبتسمه) ليه يعنى بيخرف  
طه: عشان مش مصدق بصراحه

نهلة: بص ي طه احنا كبار وعلاقتنا اكبر من اننا نلف وندور ع  
بعض

الكلام الى انت قولته صدمنى

وكان محتاج انى افكر مخدش قرار بسرعة اهوج  
صح ولا لا

طه: كنتى عالقل طمنتى قلبى وقولتلى انا هفكر انا قولت خلاص  
سابنتى ومش عاوزانى

نهلة: انا حتى مكنتش عاوزة اعشم نفسى بحاجه مش هقدر  
عليها لحد م فكرت

طه: ووصلتى لايه  
نهلة: لسه عاوزنا نتجوز (مبتسمه)

طه (بفرحه) ايه؟! طبعا  
انا عاوز اتجوزك امبارح... عاوز اتجوزك بقالى سنين ي نهلة

نهلة: شوف نفسك مستعد امتى تاخذنى لبيتك، ولو ع اطفال  
فهتكفل يتيم  
ثواب ويعوضنا حرمان الاطفال

انا هكلم صادق لآخر مرة... ولو فضل يماطل جهده بالخلع  
وهو ان شاء الله هيطلقنى وهنكون لبعض ي طه

طه: ( فرحان ) تعالى شوفى وشى عليه ابتسامه احلى من اول  
مرة شوفتك فيها

قوليلى انك بتحيينى

وانك مش هتسيبنى

خلى الدنيا كلها تسمعك

نهلة: ربنا يجمعنا وكل شى يتم فالنور وساعتها بس هتعرف  
انا بحبك اد ايه ي طه

طه: تضحيتك دى تخلينى اعيش العمر كله بعشقتك  
وتحت امرك

نهلة: انا مضحتش ي طه ،انت تستاهل ابيع اى حلم عشانك  
انت متقبل انى اكبر منك  
وانى اتجوزت مرتين قبلك  
وان احتماليه وجود اطفال معدومه منى  
وست مش محجبه

انت متقبل كل شى انت حسيت بعكسه لاي ست غيرى كان ممكن  
تكمل معاها

طه: انا مش عاوز اكمل غير معاكى ي نهلة ،انتى وبس حبيبتى

وبعدين متكبريش نفسك دول يدوب كام سنه

نهلة: طه انت غالى اووووى وعشانك كل شئ يرخص

طه: يارب يقرب بعيدنا ويصبرنى لحد.م تبقى معايا فبيت واحد

ومش خايفين من حاجه

انا بحبك ي نهلة

نهلة : وانا كمان ي طه ...

#بقلمى\_نوراسماعيل



"قولى ي بنتى ...زوجتك نفسي ع كتاب الله وسنة رسوله"

اية ايدها فايد ايهاب لابسه فستان ابيض زفاف رقيق والمنديل من

فوق ايديهم

وفوجود اتنين شهود

اية:زوجتك نفسي ع كتاب الله وسنة رسوله

ايهاب باصلها بحب شديد اوى وابتسامته بغمازاته الى  
بتسحرها

الماذون: قول ي استاذ ايهاب ...قبلت زواجك ع سنة الله ورسوله  
وع الصداق المسمى بيننا

ايهاب: قبلت زواجك ع سنة الله ورسولة وع الصداق المسمى  
بيننا

الماذون: زواج مبارك ( شال المنديل )  
الشهود وقعوا وهما الاتنين وقعوا واخدوا القسيمة ، وطلعوا ع  
فندق حاجز فيه ايهاب رويال سويت  
فالساحل الشمالى

بفستانها ماشية جمبه وداخلين والناس بصت عليهم  
اية فرحانة اوى ، اول مرة تدخل فندق بالفخامه دى  
وبتبص حوالىها

طلعولهم الشنط ، وطلعين سوا  
عمل ايهاب لافته رومانسيه وشالها ع دراعه وطلع بيها جوه  
الاسانسير شايها وهى هتموت من الكسوف



دخلوا الرويال سويت ،اية كانت منبهرة وبتبص فيه اوى بكل حته  
وايهاب باصلها بحب

اية: انا بحلم صح

ايهاب جه عليها وضم دماغها لشفافيه وباس جبهتها

ايهاب: لا ياروحى صدقى... احنا اتجوزنا وسوا دلوقت

اية : انت احلى حاجه فحياتى ي ايهاب

\*حضنوا بعض لاول مرة حضن جامد وشديد اووووى يمكن جسم  
اية اتفك من بعضه  
من شظة ضغطه ايهاب\*

ايهاب: اااه كنت محتاج الحضن ده من امتى

\*استحت اية وهى فحضنه وبعدت ل ورا \*

ايهاب: طب بتبعدى ليه عنى ( مسك كف ايدها وقربها عليه من  
تانى )

اية: ي ايهاب...

ايهاب: ايه بس ي روح ايهاب ( رفع دقنها له وقرب انفاسه من  
انفاسها اوى )

اية: طيب ...

ايهاب: تو تو تو ( من غير سابق انذار باس بوسة خفيفة  
لشفايفها وبعدها بوسة اتقل ثم اتقل

ثم بوسة عشاق دامت فترتها دقيقة بحالها من غير م ياخدوا  
نفسهم من بعض وكانت اول مرة فحياتها تعرف اية يعنى ايه  
بوسة شفايف! )

اية: ايه ده؟

ايهاب ( بحنيه وصوت واطى ) ايه ده ؟ انا ببوسك  
انا بدوق جمالك عن قرب ي ست الكل

اية: يالا هو ي ايهاب دوختنى

ايهاب: انا الى دوخت من عسل شفايفك، اول مرة اعرف انى  
ممكن اسكر من خمرهم

اية : هقع منك عالارض ،مش قادرة استحمل ده كله

ايهاب: انا لسه معرفتكيش حاجه ي قلبي ( رايح يبوسها تانى )

اية قلبها بيدق اوى ، فلتت من حضنه وجريت بعيد عنه دخلت  
جوة

ايهاب ( بيضحك ) اجرى وهاتى اخر السويت ي اية هجيبك  
هتروحي فين  
بقيتى مراتى ي اية  
خلاااص

قلع الجاكيه بتاعه وطوحه بعيد ودخل جرى وراها ومتسمعش  
منها غير صوت صرختها بضحك  
انه قبض عليها  
ودخلت عرين الاسد خلاص ...

#بقلمى\_نوراسماعيل



بيلف هنا وهنا ...يمين وشمال  
بيبص فكل حته فالفيل ،جاى غصب عنه اساسا

حسين بعد م باباه توعد له دى اخر مرة يتدخل له فموضوع شغل  
وعرف يتصرف ففلوس تأشيرة والشغل الى هيطلع عليه ل دبي

كان خلاص استسلم ورفع رايته البيضاء وع حسين يثبت انه راجل  
واد الظروف

ويصبر عالغربة وعالشوغلانه الى مش بشهادته  
وعالناس الى ميعرفهمش وهيعاشرهم ، وعالمكان الى لازم ياخذ  
عليه وع عاداته

بعد م الشيخ راشد عرفه الفيلا وهيدفع كام والقوانين الى حاكمه  
البلد ومشى

بيتنقل فالفيلا

مش عاجبه ياخذ الغرفة الى فالدور الارضى  
واتضايق ، عرف ان له زملاء وكانوا كلهم فشغلهم  
م عدا ايهاب فمصر  
وطه نايم

طلع بص لكل الغرف ، وعجيبته واحدة منهم  
طلع الى فيها برة ودخل حاجته

وبعدين وهو نازل تحت يحط حجات الغرفة دي لغرفته الاولى  
قابل محمد جهاد!

محمد جهاد: انت مين وبتعمل ايه هنا ؟

حسين: انا زميلكم فالفيلا هنا ،واوعى من سكتى

محمد مسكه جامد من دراعة

محمد : واخذ الى فايدك دول ورايح فين

حسين : فيه ايه ي عم ؟ هوديهم لغرفته تحت

محمد جهاد: انت حرامى يلا ولا ايه حكايتك ( مسكه من ياقه تى  
شيرته)

حسين: حرامى ايه بس اوعى ايدك

\*وهما بيشدوا دخل مارسلينو من شغله مع يامن اتقابلوا فالطريق  
وجم سوا\*

مارسلينو: هاللو ي رجاله العالم ،ايه ده ايه الوش الجديد

مش كفاياك بقا ياعم راشد ده مصر كلها جت هنا

محمد جهاد: اتكلم يا ض وقول انت مين حرامى وداخل تقلبنا ولا  
ايه

حسين: لم لسانك لحسن اعلم عليك متفرحش بفخ الكاوتش ده

يامن: ايه ي شباب ( بيك بينهم ) خيرا خيرا كده اهدوا  
مش كل شوية مشاكل  
مين حضرتك

حسين: يوووه ،يا عم انا حسين الساكن السادس معاكم  
فالمخروبة دى  
والشيخ راشد فهمنى كل حاجه

مارسيلينو: برفيوم باريسي ! اوعى وشك دى حاجه ايها  
مالك بيها

حسين: انا معجبتيش الاوضة الى تحت دى  
هاخذ الاوضة دى عشان عجبتنى وهو ياخذ اوضتى

يامن: لا طبعا مينفعش انت كده هتعمل مشكلة ،كل الغرف هنا زى  
بعض فوق زى تحت

مارسيلينو: ي حلاوة ! قوم انت خدت الحجات بتاعته وشكحته برة  
وحطيت حاجتك

ايه ياض المريسة الى انت فيها دى

ايه العسل ده

حسين: بقولكم ايه م كلكم قاعدين ومرتاحين فغرف فوق ورامينى  
زى الكلب تحت

يامن: ماهو محمد جهاد غرفته تحت زيك ومعرضش

حسين: بقولك ايه انت كمان ،بلا محمد جهاد بلا محمد ولاء

انا عاوزى يعنى عاوزها

محمد جهاد: هو شغل عافيه يعنى

حسين ( ببلطجه) اه والى معاك اعمله، وانا هكلم الشيخ راشد

دلوقت يوض د

محمد جهاد : لا احنا هنكلم حد غير الشيخ راشد


حسين: ( بيرود) مين؟

محمد جهاد نزل عليه روسية ف اتنين فبوكس فسنانه طوحه  
وداخ وقع

محمد جهاد ( بعصبيه ) اطلب الاسعاف ي روح امك !

♡♡♡♡♡♡♡♡♡♡♡♡♡♡♡♡♡♡♡♡♡♡♡♡

#بقلمى\_نوراسماعيل



يعني يستوي يايبيني على ويهي واخر شي تطلعون متضاربين ..  
استحوا ع ويوهكم انتوا ريايل شطولكم"

حسين قاعد متخرشم دماغه وارمه وسنانه بتنزف دم وشفافيه  
مورمه

محمد جهاد: دى قلة ادب وده داخل كاننا فزريبة متعلمش فبيتهم  
الاستندان

حسين ( بيتكلم بالعافيه ) بقواك ايه اتلم واتق شرى

مارسيلينو ( بيضحك ) مين يتق شر مين انت احول



الشيخ راشد: من اليوم ورايح ... ماتتعرضون لبعض  
واى شئ فيه اشكال بتحلوه بالهداوة

حسين: انا مش عاوز الاوضة دى ياعم الشيخ

الشيخ راشد: بلاعا الحجرة يعني ربيعك محمد يالس فيها  
وما عمره اشتكى زينه ومليحه

حسين: لا زينه ولا مليحه ،خنقه وهما قاعدين فوق مرتاخين

الشيخ راشد: م يصح تدخل غرفة شريكك غايب ،ماايوز تنبش  
فاغراض الناس وتطلعهم وتحط اغراضك مكانهم بس لانهم مب  
على مزاجك !! هالتصرفلا لا من سلطنا ولا طباعنا

مارسلينو: لا دخل ورمى الحجات برة بتاعته زيه زى اى عامل  
بلدية بينضف عشان المحافظ معدى

محمد جهاد: وبمنتهى البجاجة مش عاوز حد يتعرضله

حسين: تقوم ضاربني وفرحان بعضلاتك صح ،انا هندمك دلوقت  
ع الى انت عملته

يامن: انتكده

تفزيته الاول ، هو صح مكانش ينفع حد ايده تتمد عالتانى

بس انت الى كبرت الموضوع ي استاذ حسين

حسين: اه اصحابه وبتحاموله وبتاع ... ماشى ماشى

الشيخ راشد: المرة الياية الشرطة تتولاكم انتوا مب يهال افجج  
بينكم

حسين: انا هعرفك الله حق (بيص لمحمد ب غل) اصبررر

ماسلينو: يابنى اتم من شوية جيبناك من زورة جمب لسان  
المزمار بالعافيه  
اهدا واسكت

حسين: معلى بس بتتكلم ليه ع انك صاحبي

مارسليينو: واصاحبك ليه بفالتك الى انت جايها من الوكالة  
دى... انا بنصحك ياعم انا غلطان

حسين: اه غلطان ومحدث هنا يتكلم معايا

مارسليينو ( برطم ودور وشه بعيد عنه) دم امك سم عيل غتت  
الشيخ راشد: مايستوي تتضاربون نحن مب فسوق سمج

وهما بيتكلموا سمعوا صوت سرينه الشرطة

وخطبوا فتح يامن الباب

الشرطي: مطلوب القبض ع المدعو محمد جهاد وحضوره بالمغفر  
حالا

لتعديه ع زميله حسين بالضرب واحنا حضرنا بناء ع شكواه  
تلفونيا

اخذوا محمد فعلا وخطوا كلبشات فايده وصحي طه ع صوت  
سرينه الشرطة وواقف مش فاهم حاجه ومين ده

الشيخ راشد: ان شاء الله خير بروح وياه وبحاول اصلح بينهم  
\*خدوا محمد ومشى الشيخ وراهم بعربيته\*

طه: ايه ده فيه ايه، ومين ده؟

حسين: اتصلت بيهم عشان ياخدوه ويربوه ومش هتنازل عن  
الشكوى

خليه يفرح بعضلاته

مارسيلينو: ايه ده ي جدع ! انت ف فعيلتكم حد حلاق!

\*حسين طالع ع فوق ومش معبر سينو\*

يامن: طالع فين حضرتك دلوقت

حسين: اوضتى فيه مانع

يامن: انت هتعمل مشكله جديدة؟ دى اوضة ايهاب

اوضتك تحت اخزى الشر

حسين: اسمعوا ....بلا ايهاب بلا زبييب اوضه وعجياتى وهاخدها

والى معاه خاجه يعملها

وانا معايا الشرطة ماشى ...

\*طلع حسين وهما باصين له مدهولين من تصرفاته\*

طه:مين ده حد يرد عليا ، وايه الى حصل الشرطة خدت محمد ليه

مارسلينو: انت عامل ي طه زى الشرطة المصرية بتيجى اخر

الفيلم بعد م يكون الى مات مات

والى اندعق اندعق



"طيب م تعرفيهم هييجى وقت هكون عاوز نشوف بعض ومن  
غير كسوف بينا يعنى انتى فاهمه

ده حقى ك زوجك .. هتقوليلهم ايه لو وصلت لبيات"

"اخاف من نظرتهم ليا ... طب هقول انى بعد كل تضحيتى وياهم  
كل ده انا كنت انانية وروحت شوفت نفسي واتجوزت!"

"معرفش ليه بتحسبها كده ي اية ؟ م انتى هتفضلى معاهم

مروحتيش عيشتى فبيت جوزك يعنى وسيبتيهم

يبقى لسه مضحيه ولا لا، انتى فضلتهم ع انك يكونك بيت مستقل  
لحد م تظمنى عليهم"

"مش عارفة خايفه يشوفونى انانيه "

"اية... انا صبرت كتير اخر قرارك ايه؟"

"خلاص هانت ... بسمه طالعه رحله مع الكلية وانا وافقت  
واشتركت لاختها معاها

لاسكندرية ومعاهم جارة لينا انا بثق فيها هياخدوا ٥ ايام  
ويرجعوا"

"يعنى افهم من كده ... انك موافقه نتجوز ونسافر سوا"

"يدوب فميعاد رحلتهم"

"انا بجد قلبي بيرقص من فرحته ،اخيرا هتبقى حلالى وحييبتى  
من غير خوف ي ايتى"

"انت الى متعرفش انا بدعيلك كل يوم عالسعادة الى انت  
معيشهاني دي ،ربنا يخليك ليا"

"هجبك احلى فستان ..وهتجيك احسن حد بيعرف فالميكاب  
هنقضى احلى هونى مون وهيكون ومش ده بس ...كل مرة  
هتكونى فيها معايا  
هحسسك اننا فشه عسل جديد"

"ايهاب انت هدية من ربنا ليا ...قلبي بيدق مع كلمة قولتها"  
"ولسه هيدق اكر وانتى فحضنى ي اية "

بتفتكر كل الكلام الى قاله ايهاب ليها قبل م تتجنن جنان عمرها  
وتتجوز وتسافر  
مع حبيب قلبها الى متفحش لحد غير،ليه

نايمه جمبه عالسرير وصاحيه ،بتبص لمامحه وهو نايم ع وشه  
بتمشى ايدها بحب ع وشه وشعره وبتبص له بحب ...بتبوس  
دراعه المحطوط عليها  
من غير وعى منه

فاق نص فوقه ايهاب ع لمستها له

ايهاب (مسك كف ايد اية باسه) صباح بطعم حبيبتى

اية: صباح الفل ياقلب حبيبتك

ايهاب ( بيتئائب) الساعة كام

اية: لسه بدرى...كمل نومك وانا خلينى بصالك كده

ايهاب: لا اكمل ايه احنا عندنا حجات كتير عاوزين نعملها واماكن  
كتير نزورها

اية : طب استريح شوية ..احنا سهرنا جامد امبارح

ايهاب: رايك نستريح يعنى

اية مبتسمه

ايهاب: طب م تيلا نستريح سوا ( شد الغطا عليها وعليه وخذها  
فحضنه بقوة)

اية: ي ايهاب (بتضحك)

ايهاب: م احنا بنستريح هو انا عملت حاجه

اية: هههههههه اه ي شرانى انت بموت فيك ..

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

"اعمل ايه دلوقت انا اتسرقت ...اعاااا"



مارسيلينو بيسلم ع زمايله فالشركة وطالع وساند الفون بايد  
وماسك شنطته بايدہ التانيہ

مارسيلينو: تفتكرى اعمل ايه دلوقت ،اقطع تذاكر طيران  
واقبضك عالحرامى

وارجع

حد قالك جوزك فشرطة المستنقعات

لينزى: ياراجل اتحرك ...احتوينى قولى متزعليش

قولى فداكى

اتسرقتى ازاي؟

مارسيلينو (عوج شفایفه) طب ي لينزى اتسرقتى ازاي ،احتويكى

ومتزعليش

فداكى

حلوين دول ولاقولتى ازيد من كده

لينزى: بتسمع ورايا يعنى ! انا غلطانه ان فعز زعلى قولتلك

ولجاتلك وكنت فاكراك صدر حنين ليا

مارسيلينو: لينزى انتى لسه شايفالك 27 حلقة من مسلسل فاطمة

جول ولا ايه

ايه الكلام المدبلج الى انتى بتدلقيه فودنى ده؟

لينزى ( بتمثل العياط) ياااه عالزمن ياااه ،لما الراجل يقسى ع  
مراته ياااه

مارسليينو: طلعتى من فاطمة جول دخلتى ف ابناء ولكن

\*لينزى بتمثل العياط ومارسليينو نفخ قلة صبر منه\*

مارسليينو : طب قوليلى اتسرقتى ازاي

لينزى: كنت بشترى فواكه وبفتح البورتفلى بتاعى احاسب، لاقيت  
راجل بعجلة عدى

ونتش البورتفلى وجرى بعجلته ملحققوش ( بتعيط)

مارسليينو: كانوا كام معاكى

لينزى: 500 وصورتنا ففرحنا وبطاقتى ي حبيبي

مارسليينو: لا طالما صورتنا وبطاقتك منورة فتاكدى ان الراجل

هيدور ع عنوانك وبيرجع محفظتك

لان مش هيستحمل بشاعة المنظر الى فوشه دى

لينزى: بتتريق تانى ( بتمثل العياط) اهئ اهئ  
مارسلينو: خلاص ي لينزى عوضنا فالسما انسي متعيطيش

لينزى ( ابتسمت) اول مرة تقولى كلمة حنينه من ساعة جوازنا

مارسلينو: هي فين دي

لينزى: متعيطيش

مارسلينو: لاجد ! متعيطيش حنيه

لينزى: طبعا مش عاوز دموعى تنزل ع خدودى تجرحهم

مارسلينو: ليه دموعك بضوافر؟

لينزى: هيهيهي بطل سخف مرة خليك للاخر كويس وطيب

مارسلينو: م انتى الى بتقولى كلام عجب ،عموما متضايقيش  
نفسك

مصاريك الشهر ده هبعثها ناقصة 500جنيه عقابا ليكى

لينزى ضحكت وهو ضحك معاها ،يمكن ربنا هداهم لبعض  
او هداه هو ليها

مين عارف... او ممكن يكون مهما اتعمل الطبع غالب!

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

"لاخر مرة ي صادق ...انا عاوزة اطلق!"

صادق: فجأة ...حياتنا بقت مستحيله وعاوزه تطلقى  
وعاوزه تفكى اسرك منى

نهلة: م انت عارف اننا متفقين ليه وعشان ايه ،انت اتجوزتنى  
هدف اربى حور واراها  
حور كبرت وبقت عروسة وخطابها كتر وافى وقت هنتجوز  
وهفضل انا فجحيمك

صادق( بهدوء) جحيمك معايا شكله ايه ي ست نهلة ! عربية  
فخمه

ولبس سينيه

ومشروع ضخم اتصرف عليه

ومظهرك الاجتماعى الى ظهر وبقيتى سيدة مجتمع ليها اسم

نهلة: وخذ عليهم ذل وبهدلة وضرب وقلة قيمه فالرايحة والجاية  
وتحسنى انى ولا حاجه

وانى مجرد خدامه جت تربى بنتك وعملت الى عليها خلاص

صادق: حور قالتك ان فى عريس جاى ليها وشكلها منحازه له  
وموافقه وده الى حسيته فطريقتها

نهلة مستغربة ..

صادق: طبعا مش عارفة ...بقيتى انانية ي نهله  
كل تفكيرك فمصلحتك

نهلة: انا لو كنت بفكر فمصلحتى مكانش زمانى قاعده ف اسرك  
ده مذولة سنين

يعلم ربنا انتظارى طول المدة دى عشان حور

\*صادق بينفخ ف وشها دخان السيجار \*

نهلة: حور الى حبتها اكثر م تكون بنتى وحتة منى ،حور الى  
عوضتنى سنين بتغصبنى اخد برشام منع حمل

لان مهمتى هنا مربية لبنتك وواجهه ليك مش اكثر

والمفروض الواجهه متجيش اطفال

ولما بطلت البرشام عشان نفسي فاطفال ... اجهضتتى مرة واتنين  
وتقولى فالنهاية انى انانيه

صادق: تفتكرى...انى مش عارف  
انك دايرة ع حل شعرك مع حنة عيل معفن كاشير  
وعشان كده بتلحى ع طلاقنا!

نهلة استغربت وعيونها خرجوا لبرة ...ايه ده!

نهلة: انت..

صادق: انا عارف كل حاجه ...اتقابلتو امتى وبتروحوا فين  
بالايام...بالمواعيد  
وبتعملوا

حتى الرحلة الى سيادتك طلعتها وياه

نهلة خايفه وكلها بتتهز بس متماسكه

صادق: مجاش فمخيلتك انى مش عبيط ولاساذج عشان تضحكى  
عليا طول المدة دى !

نهلة : طلبت الطلاق كثير وانت الى رفضت

صديق: انا اطلقك بمزاجي ... وارميكى بمزاجي  
واخليكى ع ذمتى بمزاجي  
انا الى اقرر مش انتى

نهلة: ليه نظام استعباد!

صديق: لمصلحتك ولمصلحته الهلפות بتاعك ،انك  
تنتظروا موضوع حور يتم  
او ميتمش ... ع حسب  
هنشوف ونقرر  
وبعدها نفضى للعروسة التانيه ولا ايه ( ابتسامه تخوف)

نهلة: انا معملتش كده الا....

صديق: مفيش اى مبرر يبرر الخيانه ي ست نهلة

نهلة: وعشان كده طلبت الطلاق مرة واتنين عشان مييقاش  
اسمها خيانه ي استاذ صديق

صادق ( خبط بايدہ جامد عالمکتب) مفاضلش غير حتہ برغوت  
صغير يقرفنى ويقلقنى

ويخلى شكلى ووضعى الاجتماعى مهدد  
وده كله عشان سبتلك الحبل عالغارب

نهلة: فين الحبل الى اتساب ده ،انت لو فضلت زى م انت زمان  
معايا

حنين وطيب

مكانش كل ده حصل

صادق: ( باحتقار) اذا ده عذر لكل الزوجات انها تخون !

نهلة: لا بس انا ياما استجديت عطفك

صادق: الموضوع منتهى لحد م امر انا امتى يتفتح تانى ...

قامت نهلة من قدامه رجليها مش شيلاها ....وخارجة من مكتبه

صادق: هدى اللعب عشان مقلبش

وانا زى البحر ...الى يبغنى

يغرق!

#بقلمى\_نوراسماعيل





ساند دماغه ع حيطه من حيطان الحجز، او المغفر بلهجه الامارات

..

مخنوق ،كل تفكيره فواحدة بس

حاسس ان كل الضيق والمصايب الى فيها بسببها هي ،بسبب  
ظلمه ليها

وفدماغه بيردد من غير صوت طالع

محمد جهاد: هو انا ظلمتك ! ظلمتك فالدنيا بتخبط فيا من يومها  
عايش بقلبي نصه عندك ي الاء ...والنص التانى عندي مليون  
حزن ووجع وتعب

حنيى ليكى عامل زى الخدش كل م يتلم ينزف تانى...

طب هموت ونتسامح ونتصالح ونرجع زى م كنا

يا وجعى !

كنتى بين ايدى وملكى ،فجاة دلوقت وجودك رابع مستحيل

ولاعايزة تسامحى ولا تدى فرصة ع غلظه انا وانتي غلظناها

مش لوحدى

شغال اشيل فذنوبي فحقك كل يوم عن التانى ..

بس فعلا عندها مليون حق متسامحكش

انت سيبتها عاجزة مكسورة وحدها !  
لو مليون اصرت عالطلاق مكنتش طلقت  
يارب تعبت تفكير ووجع تعبت

وهو يفكر بصوت مكتوم ، اتنده عليه

العسكري : محمد جهاد!

محمد جهاد: ايوة ...

العسكري: الضابط بيريدك

قام محمد معاه وطلع ان الشيخ اثر ع حسين يتنازل  
وطلع من المغفر مش عاوزين يبصوا فوش بعض  
لكن حسين عمل كده عشان اتهدد من الشيخ يبلغ عن مشاكلهم  
ويترحلوا الاتنين .

كانوا مستنينه برة يامن وطه ومارسلينو وفرحوا بطلوعه  
وروحوا سوا ..

مارسلينو: كفارة ي وحش

\*محمد جهاد ابتسم\*

طه: اكيد جعان... انا محضر اكل كثير فالببيت

مارسلينو: طه ماما الحنونة ،محضرلى معاه

طه (بيضحك) اه يابو لسان طويل وشكلك هتاكلهم منه

يامن: حمدالله عالسلامه ي محمد

محمد جهاد: الله يسلمكم .

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

بيجهز فنجان قهوة لنفسه طه فالمطبخ... وواقف يدندن مع نفسه

كان معدى يامن رايح الحمام

طه: الدندنه حرام ي شيخ يامن (بيضحك)

يامن: لا هو الى حرام فعلا الاكلة المعتبرة الى عشتنا بيها دى

الواحد مش عارف ياخذ نفسه

طه: اه سبع صنايع والبخت ضايع ،الف هنا وشفافا

\*يامن دخل المطبخ ل طه\*

يامن: بعد اذنك لو فنجان معاك يبقى جزاك الله الف خير

طه: بس كده عنينا ي شيخ ،ايه اخبار الحوار بتاعك

يامن: بتاع ايه

طه: العروسة ...الى خدت راينا فيه

يامن: اه ...فاتحتها الحمد لله وقالتلى هتفكر وترد عليا

خلال ايام

وبعدها بلغتنى بقرارها انها موافقه

طه( فرحان) ماشاء الله الف مبروك ي يامن انت تستاهل كل خير

ومخبي ليه بس الاخبار الحلوة دى

يامن: لا والله مش مخبي منتظر بس موافقه والدها دى المهمة  
الاصعب

وللاصعب منها

فكرة انتقالها للعيش فبلدى ، اصلها هتيجى من الاقصر  
خايف لا دى تبقى العقبة

طه: لالالالا وكمان بلدياتى ! بنت مين فالاقصر راعبك. اوى كده

يامن: عارف كل الى فالاقصر يعنى

طه: لا مش كلهم بالظبط ، بس لو هى ساكنه فالمركز نفسه فانا  
اعرف ناس

يامن: بنت عضو مجلس شعب وصاحب مستشفيات وشركات  
اسمه صادق بركات

\* طه كان بيصب القهوة اتخض فوقعت منه عالرخام\*

يامن: فيه ايه خير؟

طه: لابس ايدى خلت منى

يامن:سلامتك ، تعرفه!

طه:حور بنته العروسة مش كده

يامن ( باستغراب) تعرفها منين

طه: اصل ااا ( ارتبك) اخويا عمل عملية فالمستشفى هناك بتاعت باباها

وتقريبا شوقتها هناك او هى الى عملتها ...مش فاكر

يامن: بس هى دكتورة سنان ،كانت عملية ايه

طه: يمكن اتلخبطت ... ( مرتبك ) عالعموم ربنا يبسرلك

وان شاء الله باباها يوافق وموضوعك ميعصلجش

طه خارج من المطبخ ،الدنيا صغيرة لدرجة هو من بلد

ويامن من بلد

ويجتمعوا فبلد تانيه خالص ،ويقعوا فغرام بنتين من نفس البيت

بس مصيبة طه

ان حبيبت يامن تبقى بنت غريمه !

والخوف يتعرف المستور والمستخبي بيان !

♡♡♡♡♡♡♡♡♡♡♡♡♡♡♡♡

#بقلمى\_نوراسماعيل



ماسك كف ايدها بتمشى عالسور ع امتداد كورنيش وهو  
علارض وهى فرحانه وبتتصرف تصرفات بنوته فالعشرين ،  
اما عن بروجرام اليوم  
فالعريس الكابتن ايهاب مرتب كل حاجه تسعد العروسة اية

فالبداية ... عزومه لمرواح ملاهى كل الى فيها العاب قاسيه  
وميستحملهاش الا اصحاب القلب القوى  
العب خطيرة وصريخ ... لكن فالآخر بتطلع طاقه سلبيه جوانا  
وبنهي اليوم بضحك ..

لعبة قطر الموت ، اية كانت ماسكة ف ايهاب ب ايدها ورجلها  
وبتقرا كل القران الى حافظاه  
وايهاب حاضنها وبيضحك عليها ، وكل م الناس تزيد صريخ قلبها  
تسمع دقاته

ومن قطر الموت للبيت الملعون للمقص الى بيقلب ويعدل  
ومبيديش نفس

للشلالات وضحك ايهاب ع ردود افعال اية ، لضحكها لما تشوفه  
بيضحك عليها

ايس كريم واشتروا ونصه كلوه ونصه لخبطوا بيه وش بعض  
فشار وسينما دخلوا ، تصوير ، واتصوروا  
مسرح بليل ودخلوا

وبعد المسرح سهرة صباحى لحفلة لحماقى حضروها

وهما مروحين للفندق دايعين تعب وارهاق ، اية خدت بالها من  
شي

معروض لفتها جدا

ايهاب اخذ باله ، ومن غير اشتراها

وبعد م اتظمنت ع بسمة وهبة بنات اختها فرحلتهم الاتصال  
العاشر اليومى

دخلت اخدت دوش ، واتظبطت

ولبست الحاجة الى لفتتها ب مشتملاتها



بدلة نانسى عجرم بالترتر والشخائل والحزام للرقص والصاجات!

وفثنوانى اية قلبت رقاوصه!

وبان وش جديد ل اية ، ايهاب شافها طالعه كده انبهر  
وفاتح بوقه ع مصرعيه ومش بيعقب

جابت ريموت التلفزيون وشغلت ع اغنية ترقص

ولفت ل ايهاب غمزته

ونسيت الارهاق والتعب وبقت كلها طاقه ،ولاول مرة اية فى ثوب  
الشقاوة

والحركات

رقت عالغنية وايهاب مش مصدق عنيه

وبيشوفها ومبهور بجمال رشاقتها وحركاتها ودلعها ،ودقايق  
وقام شاركها

اخترع مكان عصاية

وبالصعيدى رقص وياها ع واخدة ونص وهى كانت فرحانه اوى  
بحركاته

معاها والمتعه والسعادة الى شايفاهم مالمهمش اول من اخر معاها

ولما الاغنية خلصت

رفعها ع دراعه ...

ايهاب: والله م اعتكك اليوم ي رابحه  
اية: ( بتضحك اوى وماسكه رقبتة) سيبنى ي حواس

ايهاب: ده عند ام جلامبو...اتشاهدى

اية: ههههههههه

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

"عاوزين من نوع القماش ده لو سمحت!"

اسماء خارجة من المول شايلة شنت اد كده، ومعاها خطيبها شايلا  
اكثر منها

يدوب ع اقرب كافيه عشان يرتاحو من كل المشاوير دى ..

اسماء بتبصله بعد م طلب لهم المشروب ،وع فجأة غرقت فكريزة  
ضحك!

مروان: بتضحكى ع اية ي هيلة انتى

اسماء (بتضحك لسه) مش عارفة ابطل ضحك بصراحه ...  
سبحان الله مين كان يصدق

مروان: يصدق ايه (مبتسم)

اسماء: انا خلاص جهزت وهفرش شقتى وكل شئ يعتبر خلصان  
وتيجى الدنيا تتقلب فوقانى تحتانى  
صحيح محدش فالدنيا يدى امان لحاجه ابدأ

مروان (بيضحك) كان لازم اتحرك قبل م تروحي منى ،كلمتك لما  
قولتيلى

مش هظلمه حتى لو روى فيك  
خلت جبل البركان الى جوايا بخمد فيه بقاله سنين يتحرك ويوشك  
عالانفجار

اسماء: واول م انفجر ...انفجر ف وش طه اخويا صح (بتضحك)

مروان: طب اعمل ايه ،واحدة بتضيع منى وانا فعلا بحبها  
وفضلت كاتم فقلبي

سنين عشان كنتى مرتبطه بصاحبى سنين من صغرك  
وبتخبوا بعض وانا شاهد عالعلاقه دى

اسماء: عشان انت متخلف ومش بتفهم اصلا

مروان: انتى ي بت اسكتى بدل م اطقمك متشتميش خطيبك  
وجوزك المستقبلى (بيعدل ياقته)

اسماء: اصل يعنى ده حوار وقديم اوى ومن زمان وكنت صغيرة  
وعبيطه

وهو كان ابن عمتى

وكلنا كنا اصحاب سوا وكبرنا سوا وهو قالى وانا قولتله

شغل مراهقين ، هو اول م دخل كليته ارتبط بغيرى وانت عارف  
انى نفضته من دماغى

وانى انا وانت كبرنا قربنا اكثر ك صحاب واخوات

وانى بدات احس بحاجه حقيقية ناحيتك غير ابن عمتى  
ومحصلتش مع اى حد

وقولتلك

وانت كل ده ،خايف ع شعوره وانك تقولى انك انت كمان بتحبنى  
لا تخسرنى وتخسره

مروان: ماهى دى الخقيقه اعمل ايه يعنى

اسماء: والله مغفل ! والبنات الى كنت بتصاحبهم عليا

مروان: كنت بتمنى يكونوا ربعك عشان اعرف اعوضك  
ومعرفتش

مش شايفه انى كنت بيدلهم زى القمصان

اسماء: اه وتحرق ف دمی انا ، ي اسماء اجيب ايه هدية  
ي اسماء صالحينى ع فلانه  
ي اسماء كلميلى علانه

مروان: خلاص بقا فكك ، احنا فدلوقت ومع بعض ولا بسين دبل  
بعض  
وهنتجوز ( بيغمزلها)

اسماء: انا عرفت اد اية انت بجد بتحبينى وعاوزنى من قلبك لما  
خبطت علينا الفجر تقول ل طه  
افسخ لاسماء  
انا عاوزها

مروان: كنت هتجنن اصلا ، انتى هتروحي منى بجد  
والى مخبيه سنين طلع وبان عليا

اسماء: طه يومها قال عليك مجنون

مروان : طه غسلنى ، يقولى يابنى الراجل خلاص جهز حاله  
وهى والفرح خلاص

وشقتهم هتتفرش

قولتله ماليش دعوة اسماء ليا لازم تفسخ وانا مستعد اجيب  
الشبكة وقتى واخطبها واشتغل ع روى دعك شغل صبح وليل  
عشان نجهز

اسماء: يومها طه قالى راضية بالتهريج ده

قولتله انا خايفه اظلم خطيبي معايا ،انا فعلا مبحبوش  
وخايفه يفضل مدينى وانا باخد ومش عارفة اسعده  
وبكده حرام عليا

اتريق عليا (بتضحك) قالى وايه صحاكى من النوم بعد كل ده  
قولتله كلمة واخدة جابت الناهية

انا بحب مروان من زمان ،حاولت اتاقلم مرة واتنين ع ناس تانية  
واتخطبت  
منفعلش

وده جواز وكنت مستنياه يتكلم ويشترينى

مروان ( بنظرة حب) واشتريتك !

اسماء بصتلته واتكسفت

مروان: اشربي لفراوله بتاعتك عشان لو سخنت بيبقى طعمها  
وحش

وبعدين يلا انا مطلوب منى اروحك ٨ عشان مزوغ ساعتين  
وعاوز افسحك

اسماء: بالشيل دى؟

مروان: واشيلك فوقيهم ...العمر كله بي اسماء  
مستحيل اسيبك تانى

اسماء بصتله بحب وكملة شرب عصيرها ،وبين طرفة عين  
وانتباهتها  
يغير الله من حال لحال.

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡

"ايوااااا.....عاش ،عاش كملوا "

محمد جهاد فشغله بيدرب الفريق المسؤل عنه عشان  
البطولة، لكن حتى وهو بيشتغل وفبلد تانيه فباله وقلبه مع الاء  
يدوب قعد يتابع الفريق وهما بيتدربوا سوا ع تعاليمه ،ومسك  
فونه وكتب مسج ليها

محمد جهاد: قوليلي ايه اخره عنادك ؟

كتبها ومستتاش رد ، وتابع التدريب .  
كانت عالناحية التانيه الاء ماسكه ابنها بتغنيه ففسحه ليها هي  
ومامتها برة

حبوا يغيروا جو مع بعض ويشموا هوا  
راحو نادى دخوله من غير عضويات ...

الاء: ( حاضنه محمد الصغير وبتغنى له ) لانك ابني ...بدي الدنيا  
تخكى عنك

اكبر فيك وتكبر فيا اشوفك شاب وافرح فيك  
بركض بسهر بشقى وبتعب لكن همك انت الاصعب  
م بصدق ارجع تا العب ي حبيبي وياك  
بتصير تعربش ع كتافى ( بتميل تبوس خدوده ) واكل خدودك  
بشفافى

\*محمد الصغير بيضحك وبيرفص برجليه\*

الام: ربنا يخليهولك يابنتى ويحفظه لك يارب

الاء: سندی فالدنیا ی ماما بعد ربنا

الام: یاااه ی الاء ع کل الحب ده محدش یصدقك اما کنتی عاوزة  
تنزلیه



\*الاء بصت لامها بضيق وتجاهلت ترد ومامتها حسنت انها  
ضايقتها\*

الام: انا رايحه التويلت ورجعالك

\*مامتها مشيت والرساله وصلت ،بتتناول الفون الاء من ع  
التربيزة قدامها

وقرتها !

ابتسمت بسخرية واحترت ترد او لا ،بس افكرت انها وعدته كل  
م يحس بذنبها هترد

عشان تحس بندمه اكثر\*

فتحت خانه الرد وكتبت

الاء: مالکش دعوة بعنادى ولا بيا من اساسه ،عاوز ايه قطعت  
صفحتك من زمان

\*عند محمد جهاد\*

محمد جهاد: عاش ي ابطال ...تاشى رائف هيستمر معايا بعد  
التدريب هو رينشى حسن

الشباب :تمام ي كوتش

\*رنت المسج طلع الفون من جيبه وبيقرا\*

محمد جهاد: تصدقى انك مستفزة ! مكانش ده غلطك من البداية

الاء: ي سيدى غلطى ...ممكن ملكش دعوة بيا نهائى

محمد جهاد: انتى فاكرة نفسك ايه ولا مين ...فاكرانى هموت  
عليكى

ولا هموت من بعدك

الاء: مش هرد عليك هسيبك كده دمك يغلى

محمد جهاد: ان م حرقت دمك ي الاء مبقاش جهاد واعتبرى دى  
اخر محاولة ليا معاكى

وهتخسرى ي الاء صدقيني

\*الاء قرات اخر مسج وسندت الفون عالتربيزة ،سرحت من كلامه  
وطريقة تهديده  
واستغربت

الاء مش حاسه انها غلطت فشى عشان تندم ،بس قلب الانثى  
بطبيعته حنون

قلبها حس ان المرة دى كانت لازم تهدى مع جهاد ...عشان  
متنقلبش العواقب ضدها اكثر!\*

#بقلمى\_نوراسماعيل



عبر الفيديو كول ...

طه: انتى بتقولى ايه ؟

نهلة:بقول الى انت سامعه ي طه ،صادق عارف كل حاجه

ومن زمان اوى ومطنش بمزاجه

وانا خايفه من تطنيشه ده

طه: يعنى ايه ؟ عشان كده مكانش عاوز يطلقك!

موت بالبطئ يعنى والا ايه

نهلة: طه... انا كل خوفي عليك انت ، خايفه يأذيك  
او يأذى حد من الى ليك

طه: انا مبخافش من حد ، مبخافش غير من الى خلقتى  
هو لو عنده دم يطلقك  
يخلى ليه واحدة ع نمته كارهاه وبتحب غيره  
ايه ده  
هو فاهم ليه انه اشتراكى

نهلة: معرفش ليه كل م بتضحكلنا بتتعقد ... انا خايفه

طه: ميقدرش يعمل حاجه صدقيني  
ده واحد كل خوفه ع شكله وبس ، ولاهمه انتى ولا كرامته ك  
راجل  
هو الى يخاف مش احنا

نهلة: طه مش هندخل معاه تحدى خسران ، احنا لازم نسيب بعض

طه: انتى بتقولى ايه ( بعصبيه )

نهلة دموعها نزلت قدامه

طه: قدرتی تنطقیها ازای بعد کل الی بینا ومرینا بیه ده

نهلة: ی طه انا میته من الرعب علیک قبل علیا

انا کده کده میته من زمان بسببه

ورجعت انت صحیت روحی من تانی

مش فارق معایا روحی ادک

طه: انا مش هعرف ابعد واصحی عادی فیوم کده الاقیکی مش

معایا ..!

،ومش هعرف اسیبک

ومش عارف شکلها ایه العیشة من غیرک او من بعد ما دخلتیها

..هتخرجی ازای واکمل!؟

لو کل الناس قالت یمین وانتی قولتی شمال هروح معاکی

ولو کل الناس قالت عالجنة وانتی قولتی عالنار هروح معاکی

..والله العظیم ما هسیبک

ولا هقدر

نهلة: واضح ان الدنيا بتقولها لنا بكل الطرق احنا مش لبعض ی

طه

بس احنا الی مکناش سامعین

من دلوقتی

انت فطريق  
وانا فطريق ..

\*قفلت انت للنهاية بتعلن انهزامها قدام صادق خوف ع حبيبها  
وسابت طه  
برج من عقله هييطير، وقلبه وقفت نبضاته حسرة عالفرق \*

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

"انا مش هشارك فدفق فلوس النضافه الى بتدفعوها"

مارسيلينو كان بيلعب جيمز عالفون بتاعه ،وبص بازدرء لحسين

مارسيلينو: يبقى عليك مرة تنصف المكان كله وحدك زى طه

حسين: ولاهنصف

مارسيلينو قام من مكانه مستفز

مارسيلينو:،ياض انت سمج ليه هاه؟ يعنى دمك الثلج ده مين  
السبب فيه

جينات الام ولا الاب؟

يعنى لا عاوز تدفع ولا تتضف ...طيب ايه رائيك نخصص يوم  
نرقصك فيه

ويوم نحمرلك قطع اللحم الشهى ونحطها فبوقك؟

حسين: نضافه مبعرفش ...

مارسيلينو: يبقى تدفع معنا

حسين: بي عم جاى اشتغل واحوش ولا ادفع،ايه الى من ساعة م  
جيت ادفع ادفع

مارسيلينو: يعنى انت عاوز ايه دلوقت ،ايه كل حاجه ادفع

هو انت بتدفع لجهاز حد فينا هيتجوز

ده لنفسك

حسين: طب مفيش حل تالت

مارسيلينو: اه فى

حسين: ايه هو





مارسيلينو: نشكر ربنا

الاب: لازم نسال احنا ي ندل صح

مارسيلينو: اه لازم

\*مامته من بعيد: انا عاوزاه استنى\*

الام: ولاا...ازيك وحشتنى

مارسيلينو: ازيك ي ماما عاملة ايه

الام: انت فين ي واد مبيتسالش

مارسيلينو: مانا سالت اهو انا الى مشغل البرنامج ده ومكلمكم

الام: ضلالى وكلب ...بس انا زعلانه منك

مارسيلينو: وانا زعلان منى وهما زعلانين منى كلهم...ف معلىش

الام: بقا مراتك تبقى حامل وتبعتك عالبتاع ده اسمه ايه وتحاول

تفهمك

وانت حتى متقولهاش مبروك

مارسليينو: ( اتاخذ ومش مستوعب وسكت) حامل

الام: اه ...كلمها وباركلها يلا ولو ينفع تنزل تقعد معاها طول فترة حملها ...

مارسيلينو ( قطع كلامها) ايبييه !! هو انا شغال فطابونة ابويا كل ده هعمله ...خلاص ي ماما هكلمها اهو

الام: طيب ماشى وحسن اسلوبك معاها ...يلا سلام ونعمه

\*قفلت ومارسليينو لسه مدهول\*

وخبط يامن واستئذن الدخول فاذن له سينو يدخل

يامن: مارسليينو انت هتفضل هنا ولاخارج

مارسليينو ( لسه متوه) اه ي يامن

يامن: مالك؟

مارسليينو: مراتى حامل

يامن: طيب مبارك مالك متاخذ كده ليه

مارسيلينو: مفيش... انت فرحنلى بجد

يامن: طبعا كلنا اخوات ودى ذرية مباركة ربنا يباركك فيها

مارسيلينو: (مبتسم) كنت عايزنى ف ايه

يامن: انا بس بليل ميعاد سفرى وتعبان اوى فهنام وخايف تروح  
عليا نومه

الرحلة تفوتنى

مارسيلينو: لا متقلقش قول عايزنى اصحيك امتى...

يامن: ع ٨ بمشيئة الله... وفرفش كده ده خبر حلو فرحنى والله  
ادانى تفاؤل للمهمه الى نازل عشانها..

مشى يامن وفضل سينو ع تتنحيته... هيبقى اب  
من لينزى

دقتين بالراس توجع!

#بقلمى\_نوراسماعيل



فستان اخضر ف ابيض واسع ،بتلبس مصوغاتها الذهبية  
بتراجع لفة طرحتها،خبطتين عالباب  
ودخلت نهلة ..

نهلة: الله اكبر ي قمرى ...احلى عروسة فالدنيا

حور: امورة ! بجد

نهلة: لو فى احلى منك عروسة يبقوا كدايين  
حور: يارب بابا يوافق يارب ،كلى بيترعش ومش ع بعضى

نهلة ( ماسكة ايديها ) بتحببيه؟

حور: ونفسي ربنا يكمل فرحتى بيه وبتمام جوازنا وبابا  
ميعصلجش الدنيا

نهلة: طب حاسة ليه ان باباكي هيعطل الدنيا

حور: عشان يامن حالة بسيط المادى ومش زيننا وخايفه بابا  
يبص للنقطة دى

نهلة (حست بقلق عشانها) ان شاء الله يوافق متقلقيش ... هو  
هيشوف فرحتك دى  
ومش هيرضى يكسر خاطرك

حور: يااارب

بعد شوية ... كان ع وصول يامن واخواته ووالده ووالدته  
من المنصورة !

دخلوا الصالون .. واتقدم واجبهم  
دخلت نهلة رحبت وعرفتهم انها مرات باباها بس مربياها زى  
بنتها .

دقايق ودخلت حور ودخلت قلوبهم كلهم من اول مرة شافوها !

وشوية ... ودخل صادق بهيبته ونفخته وشموخه .

قعد رحب بيهم وبعد سؤال وجواب وكلام فالعام

بدا بابا يامن فالكلام فالموضوع الى جاين عشانه وك اى اب  
بيبجل فابنه ويفخم فيه  
وسمع صادق للاخر ..وبعدها ولع السيجار وبعد كام سؤال ليامن

سكت شوية وقال

صادق: طبعا ي دكتور يامن عارف ...بنت السلطان  
لو جالها مين يتقال وزنها ذهب  
ايه الحاجه الوحيدة الى تخلى السلطان يامن ع بنته برة مملكته

يامن سكت وفكر ثوانى وهو باصص له وبص للارض ورفع  
عيونه ورد بثقه

يامن: لو هتكون فكنف الرحمن عيشتها ومش هتنقص ومش  
هتقل

هتعلى

وتكون راضيه ومقتنعه ومبسوطه وعزيزة  
ساعتها ينفع السلطان يتخلى عن بنته ..

صادق ابتسم وبص ليامن بصة عجبته

صادق: .....

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

#بقلمى\_نوراسماعيل



صاااق: طبعاءى اءكءور يامن عارف ...بنا السلطان  
لو جالها مين يتقال وزنها ذهب  
ايه الحاجه الوحيدة الى تلى السلطان يامن ع بنته برة مملكته

يامن سكت وفكر ثوانى وهو باصص له وبص للارض ورفع  
عيونه ورد بثقه

يامن: لو هتكون فكف الرحمن عيشتها ومش هتنقص ومش  
هتقل  
هتعلى

وتكون راضيه ومقتنعه ومبسوطه وعزيزة  
ساعتها ينفع السلطان يتلى عن بنته ..

صاااق اباسم وبص ليامن بصة عجبته

صاااق: (بص لءور) ايه راءى اميرتى ...

ءور) بءجل) الى تشوفه يابابا

يامن متوتر وبابن ع حركة ايده وهزة رجله وانتظاره

صاااق: وعايز الرد دلوقت ي دكتور ولا ...

يامن: الاستعجال من الشيطان ،وعلى كل حال  
انا منتظر دلوقت او بعدين

صاااق: شارى بنتى لاي مدى ي دكتور يامن

يامن: للمدى الى لو حور فبيتك اميرة ،فهى فمدينتى سلطانه

صاااق : ممكن يكون كلام

مجرد كلام

يامن: لو كلام مش هنطقه عشان هيبقى عليا عهد ، وانا لو  
مكنتش اد كلامى

متعيش بنات الناس معايا

مع الفارق

حور انسانه عايشة فالقصر العالى ... عار عليا لو نزلت منزلتها  
ومرفعتهاش

اكثر



مش بالمادة ...بالاحتواء

بالعشرة الطيبة

بالاكتفاء معنوى وذاتى

بالاحترام ...بان تفضل طول العمر فوق راسي

\*حور عيونها بتتنقل فالمناظرة م بين باباها ويامن وماسكه كف  
ايد نهلة الى بتدعيها فسرها\*

صادق ( مبتسم) بصراحه ي دكتور يامن اشهد لوالدك بحسن  
التربية

واشهد ليك بحسن الخلق ، رغم صغر سنك

الجمتى ...

\*خور ابتسمت ونهلة غمزتلها علامه النصر الامور هتبقى  
لصالحهم\*

صادق: كنت ناوى اجل الموافقه لوقت افكر فيه ، لكن انت مدتنيش  
مهلة افكر

انا موافق ي دكتور

مامت يامن بعفوية اطلقت لزغاريدها العنان ، وباباه قام حضنه  
جامد

وهو فرحان بيه

اما عن حور حضنتها نهلة اوى وبعدها يمى اخت يامن بفرحه  
وبعدها قامت لبابها تحضنه

وكان صادق مبسوط بفرحتها اوى وهو شايف بنته فعلا عاوزاه  
بس حياءها مانعها تقول

وبعدها جه سلام العرسان ع بعض بخجل حطت ايدها فكم الدريس  
وسلمت بكفها عليه والعيون اتلاقت بخجل والقلوب بتدعى مشتاقه  
القرب فالحلال..



"قووووم يلاااا... قوم!"

بعصبيه ايهاب جاى مش شايف قدامه قوم حسين من نومه ..

ايهاب: بتعلم ع مين انت ولا بترخم ع مين

اول م سمع منهم قالوله وطلعوا ع شغلهم محمد وسينو خرج  
اشترا حبل وسوليتب وجاى ع حسين

اول م صحاه اداله بركبته فبطنه اتالم حسين ووقع عالارض  
فتوانى كتفه وشد سولتیب ع بوقه وحسين مش عارف يخلص  
منه ..

قعد قدامه ايهاب وولع سيجارته بهدووووء

ايهاب: شوف ... طه وسينو ويامن ولاد ناس قالوك مرة واتنين  
مينفمش ميصحش وانت مكل كاتك فزريبه  
( خد نفس من السيجاره ونفخه) وجهاد برضو ابن ناس  
اتصرف بالطريقة الى بيعرفها وغلط نفسه مع عيل رمة زيك ومد  
ايده مسكك عليه غلظه  
وجبتله البوليس

\*حسين متكم ومتكتف وشغال يعافر ويصرخ بصوت مكتوم\*

ايهاب: لكن انا لا هضرب ولا همسكك عليا غلظه، ( طلع ساعة  
من جيبه) انت سرقت ساعتى الذهب  
( حطها فجيب حسين) او عا ياض تفكر هعاملك معاملة بنت ناس  
لا

انا هعاملك معاملة بنت كلب ... اوسخ من معاملتك

\*حسين بيص عليه وشغال يعافر ومكشر\*

ايهاب: وحياء الى يعرفوك لارحلك دلوقت ي حرامى ... انا بتقعد  
وتعيش فاوضتى

يقولوك وايهاب تقولهم بلا ايهاب بلا بتاع!

حسين بيتالم من الحبل ومعرض

ايهاب: حد قالك انى مش دكر ياض ( خبطه فوشه) ده انا صعيدى  
بيجى عيل متنى زيك عاوز يعلم علينا  
ايام م انا بقيت مسؤل وخطالى شنب كنت بتلعب فالطينه الى قدام  
بيتكم  
ي ننوس ماما

طه جه وشاف ووقف عالباب

طه: ايهاب...

ايهاب: ثانية واحدة ي طه عشان الشرطة ع وصول خليها تاخذ  
الحرامى ده وع بلده

عارف ياض ي معفن انت انا هموت واعجنتك بس مش هنولهاك  
اشوفك بقا شبعان ضرب بايد الصولات ومخبرين القسم

حسين معرض وبيحاول يفك نفسه

طه: خلاص ي ايهاب اكيد جاى لشقا زينا ،عشان خاطر اهله بس

ايهاب: ليه مش هو عمل فيها سبع رجاله فبعض ومش هامه حد

خليه يشرب...ده بيطلع ويدخل وشغال بمزاج الى خلفته كاننا خدم  
(اداله برجله فركبته وهو قاعد حسين)  
يلعن 100 مرة الخلفة الى شبهك...خلفة تجيب العار

طه: نعيها المرة دي خلاص هو عرف ان الى بيعمله ده غلط

ايهاب: انا تنام مكانى وترمى حاجتى وتقولهم لما ييجى اعلى م  
فخيله يركبه

ع ايه البلطجه دي عاوز افهم

( خبطه فدقنه بايداه) اسمع يلا

عاوز تقعد ومتخبيش امل اهلك فيك تترزع بادب

كل الى هنا اكبر، منك لو اهلك علموك الاحترام تحترمهم..

مفيش غير شغلك ووجودك هنا من غير مشاكل

تشارك ففلوس النضافه او تنصف بنفسك زى طه منتاش رئيس

الوزرا لا عاوز ده ولا ده

تتكلم بادب وتتصرف تصرفات متضايقناش بيها عشان معندناش  
خلق

الا وقسما عظما انت عارف عندى مليون طريقة تمشيك مترحل  
من غير م امد ايدى وهبقى مرضى واقسم بالله وانت بتتحسبن فيا

طه راح ناحيته وفكه وايهاب قام ع حيله

ايهاب: لم حجاتك وع اوضتك تحت ، مش عاجباك الاوضة اطلب  
من اى حد فينا يبذل وياك باحترام

مخناش عيال صغيرين مين يلحق يقعد جنب الشباك

حسين ساكت بجد خايف منه لا يلفق له تهمة ،وبيلم حاجته

ايهاب: ده انا جاى من يومين حلوين مخدمتش نفسي يا مبقع

حسين ( بانكسار) بس انا مش عاوزها الاوضة دى

ايهاب: ليه مالها بيطلع لك فيها مارد وشوشنى !

حسين: مش مستريح لها

ايهاب:محمد قاعد زيك فالارضى وهى هى نفس الاوض دى

حسين: انا مخنوق منها من اول م دخلتها

ايهاب: خلاص نشوف الحوار ده بعدين ، ولعد اذن سيادتك  
بسرعة عشان عاوز استريح شوية

بيلم حاجته حسين وفرش سريره ونازل كان ايهاب بياخذ حاجته  
من تحت

وبعد مخلصوا حسين ساب الساعة ل ايهاب ع الكومود وقفل  
الباب وراه ..

ريح جسمه ايهاب بعد.م فرش سريره من تانى واستقبل مكالمه  
من عروسته اية

ايهاب : ايه ي روح حبيبك...

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡

"وصلت ي خبيبي بالسلامه"

اية رافعه الفون وبتتكلم وضحكت ...

اية: يعنى ايه لسه او مال بتكلمنى منين ؟ من بوقك ( بتصحك  
اوى)

تخيل وحشتنى اوى ومش عارفه هستنى ازاي لرجوعك تجيلى  
بالسلامة يارب

\*سكتت بتسمعه\*

اية: ايوة ي حبيبي شغال كويس وعملت منه اول مكالمة كانت  
انت عشان احبه زى م بحب صاحبه

\*سكتت\*

ايه: اه البنات كويسين وراجعين مبسوطين خالص من رحلتهم  
وبيقولولى شكك متغير

\*سكتت\*

اه الحمد لله... انا هسيبك بقى ترتاح واكلمك تانى حبيبي  
خد بالك من نفسك عشان خاطرى  
ربنا يحميك ليا يارب... ماشى حاضر  
سلام ي غالى..

\*قفلت وخرجت من اوضتها\*

اية: يلا احضر السفر ا ولا لسه

بسمه: خلااص انا خلصت ،تعالى ي هبة حطى الاطباق



اية: وانا فالقاهرة كان ف اغنية اشتغلت كثير معلقة فداغى  
بتقول هو حبيبي الى اتمنيته يكون ليا

هبة: انتى ي خالتو اى حاجه لاصاله مركزة معاها

اية : اااه بتجيب من الاخر اصولا

بسمة: بس انتى راجعه زى القمر من عند صاحبك ومتغيرة  
وفاكه كده

هبة: ايوة شبه رانيا جارتنا اما كانت عروسه فامرة ي بسمة  
كانت عيونها منورين  
ووشها وبتضحك  
تمام زى خالتو كده

اية سامعاهم وبتاكل ومبتسمه

اية: سيبكم منى انتو تخلصوا اكل وتخكولى بالتفصيل عملتو ايه  
فالرحلة

بسمة:م احنا كنا بنقولك كله اول باول لما بتتصلى بينا

اية: وتقولوا عشرين مرة واتظمن عليكم معديش اغلى منكم ( سرحت) ولا منه ..

بسمه: ابداءى ستى اول م وصلنا ....

بدات بسمه تخى واية معاها بروح حلوة كلهم سوا بيتكلموا  
راجعين التلاته كلهم طاقه  
ايجابيه ... حب و شحنه تفاؤل وتغير عن مالوفهم.

#بقلمى\_ نور اسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

محشى بانواعه ... فتة رز بالكوارع  
فراخ مشوية  
صنية بطاطس باللحمه  
وبسبوسة وكنافه بالقشطه... كل السفره دى كانت فى انتظار محمد  
جهاد  
لرجوعه فاولى اجازاته لمصر..

العمة: يلاهوى ع فرحتى ...نفس دخلة ابوك علينا زمان الله  
يرحمه وهو راجع من العراق

الام: والله يابنى انا دلوقت بس ارتاحت ...وانت جمبي ي ضنايا

محمد جهاد: ي امى يباركلى فيكى وفعمتى وفالقردة دى ( قرص  
هند فخدھا)

هند: انت تشطب ع كل الاكل ده عشان فى موضوع مهم عاوزينك  
فيه

العمة ( غمزت لهند) موضوعين بقا مش واحد

الام: طيب ياكل ويرتاح وياخد نفسه الاول متخدهوش ع مشمه  
كده

محمد جهاد ( بياكل) لا قولوا فيه ايه

العمة: هند جايلها عريس

هند اتكسفت

محمد جهاد ( بفرحه ) بجد. ! اخيرا هتتراح يعنى  
وايشمعنا ده الى موافقه عليه يعنى

العمة: هو اصله ابن ناس واتكلم كثير وجه هو واهله واحنا  
قولناله لما ييجى محمد

محمد ( اتعصب ) ازاي حد ييجى وانا مش هنا

الام ( مرتبكه ) ماهو ي حبيبي مكانوش عارفين واحنا قولنا  
لماييجى راجلنا  
ليكم كلام معاه  
وهند اختك صلت استخارة وارتاحت

العمة: باين ي واد السخر اتفك عنها بعد كل لآ الى بتقولها ع كل  
عريس  
قالت اه

محمد جهاد ( ببص لهند بتكشيرة ) ليه هي قعدت معاه ولا ايه؟

العمة: لا هي سمعت عنه مننا

محمد جهاد ( بياكل ) ممم

الام: ي حبيبي مفيش حاجه هتعمل غير لما انت توافق عليها

محمد جهاد: والموضوع التانى ؟

العمة بصت لهند ومامته سكتت وبصتلهم

محمد جهاد: م تتكلموا هو سر

الام: جوازك انت ! ولا هتقعد كده ومش مكتوب عليا اشيل  
عوضك يابنى

هند: واظن سافرت وبعدت وهديت وارتاحت ان الاوان تنسي  
وتعيش خياتك

\*محمد جهاد افكر الاء وسكت\*

العمة: اما ي واد ليك عندنا عروسة نقاوة ...جمال وادب مفيش  
كده

ولحمك ودمك

محمد جهاد ( باستغراب ) مين ؟

الام: رضوى بنت سناء اختى الله يرحمها

محمد ( بطل اكل وسرح) رضوى...بس دى زى اختى  
عمرى م شوفتها اكثر من هند

العمة: لا هند ده ايه ،اسكت عملناهم زيارة وروحنا يوم  
ابوها مانعها من كل حاجة خايف عليها  
وامك قلقت عليها،روحنا ماشاء الله بدر منور  
وتختخت ودملكت كده ..بقت موزة زى م بتقولوا

وادب مسمعناش صوتهغ طول القاعدة

الام: وبراختك يابنى

هند: لا براحتة ايه هو مش هيلاقى احسن منها اساسا

محمد جهاد: بس انا مش مستعد لاي ارتباط حاليا

هند: ده ع اساس ذكرى الاطلاع ولا ايه مش فاهمه  
ع فكرة هى شافت حالها

بيقولوا عزلت وسافرت باين اتجوزت فحته غير هنا  
يعنى انت مش فدماغها

العمة: وانت ي حسرة قلبي كنت لسه حاطط امل عليها بعد.م  
بهذلت كرامتك  
العايبه بتاعت الشويان

الام: م خلاص ي عزة عندنا وليه وهى راحت لحالها

محمد جهاد: خلاص خلاص محدش يفتح معايا سير

\*قام من عالاكل\*

الام: يابنى كمل اكلك دى مش اكلتك

العمة: سيبيه بكرة تيجى رضوى تفتح نفسه وتاكله بايدها

ضحكت هند وعمتها ،اما هو دخل اوضته يفكر

الاء فعلا اتجوزت !

عشان كده قلبها قسي عليه فكل مرة ترد عليه ...

مش مصدق ممكن تبيع وتهون بسهولة ،ممكن تكون مع غيره  
مثلا عادى

ممکن تقول نفس الكلام  
ممکن تحس نفس الاحساس..

حیران کعادته من غیرها و خدوه ع مشمه  
هیتصرف ازای؟

#بقلمی\_ نوراسماعیل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡

"انت من یومها بتتصرف بتجاهل معایا کان الموضوع مش  
حاصل اصلا"

مارسلینو: ایه الی عملته معاکي فهمك كده

لینزی: انت مبارکتش حملی! ولا بتسال عنی ولا عن صحتی  
ببعت مسجات بتتجاهلها

بقولك تعالى ن فکر ف اسماء زی ای زوجین

مارسلینو: شایف ان الموضوع لسه بدری علیه ي لینزی

لینزی: لا مش بدری الايام بتجرى ویدوب الشهور تعدی



وتلاقينا خلفنا وجه ابننا

مارسلينو: ( بضيق) لينزى هو اى مشكلة ،كل دى تفاهات

لينزى: لا مش تفاهات انت بتتعمد تتجاهل ،تفتكر مش فاهمة  
عشان انا مش جميله

ولاموزة زى م بتقول

انت زعلان ع نفسك و ع حالك ...نفسى مرة تبص جوه

بطل تتخدع فشكل وهيلمان البالونه هتفرقع فوشك

الى جواها هوا...فاضيه

فكر فجوهر بنى ادمه قدامك واتعامل بروحها مش شكلها

مارسيلينو سامعها وساكت

لينزى: متقلقش مش هيبجى البيبي وحش ليا ،هيبجى زى القمر  
عارف ليه

مارسلنو: ليه

لينزى: لانى بحبك !

\*نهت المكالمة قبل م حتى م تسمع رده\*

كانت مفاجأة ع سينو ، اول مرة يتكلم هو وليزى جد  
اول مرة يسمع منها كلمة حب بجد حقيقية دخلت جدار قلبه  
فلحظتها

فجرت ف وشه القنبله وقفلت، لينزى لو مش فارقه مع مارسليينو  
مكانش

حاول يتصل بيها من تانى لكن مردتتش  
هى فارقة لدرجه سكوته فاوضته ومخدش الموضوع تهريج  
وخرج

يهزر مع زمايله فالسكن  
عادى كان شيئا لم يكن ...

مارسليينو بدا يعتاد لينزى عن غيرها ،هى بتحبه  
طب وهو

زواجهم وارتباطهم بق امر واقع  
وفيه طفل

لو نبطل ناخذ كل الامور بظاهاها هنرتاح...ونريح الى حوالينا.

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

رجعت لجمود روحها... لشحوب وشها

مفیش ابتسامه  
اخر امل انقضى!

يمكن شئ واحد مصبرها حاليا ، فرحتها بحور  
نهلة رجعت اله من تانى  
بتشتغل ، بتاكل ، بتشرب ، بتنام ان قدرت... من غير روح!

كل تفكيرها طه ...روحها هناك عنده  
وجسمها بس بيتحرك هنا  
صادق مبسوط انها خافت وهدت اللعب وده لمصلحته الانتخابات  
ع الابواب وهو مش عاوز حاجه تعكر صفوه

نهلة: ماشاء الله عليكى ي مدام افنان اللوك عليكى تحفه

العميله: ي نهلة ده من ذوقك انتى الى قمرين  
نهلة: نورتيانا ... ( مبتسمه )

\*جاتها مسج ع فونها استقبلتها وكان طه مكتوب فيها\*

طه: قولتلك مش هبعد ولا اسيبك ولا استسلم لتهديده  
انا بحبك واد حبي ليكى واد انك ضحيتى بكل حاجه عندك او  
عندى

وطمنتيني بكلمه وقولتي عاوزاك فبيت واحد  
انا عرفت هحارب صادق عليكى ازاي واكسب التحدى مدام هو  
عاوزها كده

مكسبي انتي ي نهلة ...بس اوعى تظنى انك تروحي وتسيبيني  
اقسم بربي م صدقت لاقيتك

لو كان ربنا بلانى بعجز عضو ،فقلبي شغال  
وبيبنبض باسمك وليكى وبيكى ...قريب نازل  
اجازة

وقريب هتكونى فعصمتى انا خليكى متاكده

بحبك 

نهلة قرت المسح قلبها رفرق من الفرحة ، ع اد م فرح ع اد م  
خاف

بصت للسما ربنا يكون معاهم حتى لو كانوا ع غلط  
بيطلبوا عوناه لان مالهمش حيله ،عاوزين الحلال  
فوقت غلط ...وربنا يستر!

♡♡♡♡♡♡♡♡♡♡♡♡♡♡♡♡♡♡♡♡♡♡♡

#بقلمى\_نوراسماعيل



دبلة ذهب حریمی بتتحط فصوباع رضوى وبتعلى الزغاريد ...

وبيتناول بقية الشبكة من علبة الذهب وعمته ومامته بيزغردوا  
وهند واقفه جمبها فرحانه اوى ...

رضوى بتلبس شبكتها باستكانه ،مش باين عليها فرحه او زعل  
عادية..

لابسه فستان خطوبة وعاملة شعرها ،يدوب ع اد الاهل والاقارب  
الحضور

كان اتفاق م بين بابا رضوى ومحمد.جهاد

وقالو عالفرح الكبير هتعمل الزيته ...الخطوة اتاخذت  
بسرعة

محمد فكر بسرعة كالعادة مداش لنفسه مهلة ،ووافق  
زيارة فالتانيه

ميعاد اجازته قرب يخلص...حددوا ميعاد تلبيس الدبل  
عشان يلحق شغله

والاجازة الجايه الفرح!

شغلوا اغانى بنت صديقة لرضوى ترقص ،وصديقة تانيه

جارة من الجيران مع هند

حتى عمته من فرحتها قامت رقصت وخذت ايد رضوى ترقصها

لكن هي عملت حركتين كده وقعدت جمب عريسها من تانى ..

نوران قاعدة جمبها ع طول ...حاسة انها مش فرحانه بس  
بتدعيها

يكون بيحبها وتحبه

وتعرف تتجاوز الى فات وتعيش بما يرضى الله .

وقت العشا...

دخلوا العرسان الاكل لحد عندهم وطلعوا برة ياكلوا مع بعض  
بقيتهم خويا

ن يتكلموا سوا

محمد جهاد: مش بتاكلى ليه

رضوى: احم...شبعانه

محمد جهاد: وانا كمان ماليش نفس خالص

رضوى: ليه ؟

محمد سكت

رضوى: هو انت مكنتش عاوزنى صح؟

محمد جهاد: لا ليه بتقولى كده

رضوى: اصل شايفاك عادى ومش فرحان

محمد جهاد: يمكن عشان ميعاد سفرى قرب

رضوى: بس انا شوفتك فخطوبتك الاولى مكنتش...

محمد جهاد) قطع كلامها وهو متعصب بسيط ومش مبين)  
خطوبتي الاولى عدت بحلوها ومرها  
بلاش كلام عنها ولا مقارنات لو سمحتى ي رضوى

رضوى: انا بس بستفهم مستغرباك

محمد جهاد: طيب م انتى كمان عاديه اهو

رضوى: لا ده العادى بتاعى... يعنى انت شوفتنى فانبساطى قبل  
كده

\*محمد سمعها ومردش... ومسك فونه يبص فيه\*

رضوى: بتبص ففونك ليه... عاوز تمشى

محمد جهاد: لابس كنت بشوف الساعة كام

رضوى: طيب

\*محمد حس انه رخم فعلا وياها فبدء كلام من تاتى\*

محمد جهاد: عارفة...

رضوی: ایه

محمد جهاد: عندي بيحبوكي اوى، عمتي وهند وامى

رضوی ( ابتسمت ) طبعاً دول اهلى يسلمولى يارب

محمد جهاد: قوليلي ي رضوى ...المواضيع جت بسرعة

ملحقتش احكى وياكى

رضوی: الايام جايه كتير وهنحكى

محمد جهاد: عندك حق...بس كنت عاوز افهم حاجه

رضوی: قول

محمد جهاد: مسبقش ليكى مثلاً حب او اعجاب

كلنا بنمر بالمرحلة دى عادى

رضوی: ( اتاخذت واتربكت ) انا...لا مجرد اعجابات طيارى

حد ممثل مثلاً حد شخصيته كويسه

اول م بيمشوا مش بفتكر

محمد جهاد هز راسه وهى اتنفست الصعداء ...



دخلت هند تغلس عليهم جايبه شيكولاته

هند: خدى حته واديله باقيها ي رضوى ...عشان تبقى حياتكم  
مقسومه بينكم

لعسل وشيكولاته

زى م عملت انا مع خطيبي

رضوى ابتسمت وخذت حته وادت الباقي فكف ايد محمد ،بصلهم  
وكل بعدها

وميلوا فالارض

سوا بيسمعوا الى بيتقال من غير مشاعر ...من غير قلب ...من  
غير روح!

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

العلاقات المهزوزة...

اللي الطرفين فيها بيدوروا على الغلطة لبعض علشان كل واحد  
فيهم يثبت للتاني ان هو اللي مقصر، علاقات صعبة و مش  
هتستمر...

هى نفسها العلاقات الى من اولها بايظ بس مخناش شايفين ، زى  
بالظبط ايهاب ووصال

الاتنين واخدين جوازهم تحدى

مين يثبت عالتانى الغلظه !

ايهاب: تخيلى مثلا يوم انتى مفضيه نفسك لينا انا وريم وتقوليلى  
تعالى نقضيه

ي ايهاب بتخطيط سوا

دى متحصلش، لكن مع مامى واصحابك يحصل

وصال: تخيل انت بقا احنا كام سنة متجوزين وانت بتتكلم نفس  
الكلام ونفس  
ونفس المشاده

ايهاب: عشان دى مشكلتنا من يوم جوازنا ي وصال... وصال  
انتى مش شايفه ان احنا بنقع من بعض!  
بنبعد وكل واحد فوادى

وصال: ايهاب انا تعبت من الحوار ده ، بقيت اتجنب اشوفك عشان  
هنتكلم عنه

ايهاب: بتتجنبي تشوفينى !

طب ايه رائيك ننفصل بهدوء وكل حد يعمل الى يريحه بعيد عن  
التانى

وصال: نتطلق! انت اتجننت

ايهاب ( بعصبيه ) احترمي نفسك

وصال: عاوز الناس تشوفنى فاشله وبعد يدوب كام سنه جواز  
اتطلقت ومعايا بنت

ايهاب: البنت هاخدها ...وي ستى لو خايفه ع شكك قدام الناس  
صلحى الى جوه الاول

وصال: لما تصلح انت الاول وبعدين تعالى هنا البنت ازاي هتكون  
معك

لو اتطلقنا هي فحضانتي وبالقانون.ده لو!

ايهاب: مصيبتك ي وصال ان حتى الانفصال مرضتيش بيه عشان  
شكك الاجتماعى

كل حاجه وضعك الاجتماعى

كل حاجه انتى ...يعنى مقولتيش مثلا لا منفصلش

كل شئ بيتحل بالهداوة

ندور ع مشكلتنا ونحلها

وصال: هو كل حاجه انا! م تحل من نفسك الاول

ايهاب: ايه الى ومعملتوش

وصال: انك تعترف بيا وبوجودى وبطموحى ... انك تؤمن بيا  
وبالى بعمله

وتسيبنى اكل مشوارى وانت بتساعدنى  
انا مترشحه لكذا منصب وانت ولا ع بالك

ايهاب: انا عاوز ست ! انا عاوز بيت وكيان  
انا عاوز احتواء ليا ولولادى

وصال: من البداية مكنتش اختارتنى ، ولا كنت فاكه هنتجوز  
وتقعدنى فالببيت

استناك بطشط الميه اغسل رجلك  
او ببدة الرقص واتهزلك يمين وشمال

ايهاب: وفيها ايه لو توازنى بين الاتنين ، مقولتس متحققيش ذاتك  
بس مش ع حسابى  
وحساب بنتنا

وصال: انا بوازن وعارفه نفسى بعمل ايه

ايهاب: ( بقلة حيله ) انتى متعرفيش حاجه ... عشان كده بقولك

## الانفصال فصالحنا

وصال: طلاق مش موافقه ،انت عاوز تهدد كياني بانى ابان قدام  
الناس زوجه وام فاشله وانا فالاساس مش كده  
وبعدين متحلمش انك تاخذ بنتى منى

ايهاب: ع اساس انك بتراعيها

وصال: انا امها!

ايهاب: مس نسرين ليها فيها اكثر منك ي وصال ،بتشوفى ريم  
كام مرة  
بتقعدى مع ريم كام مرة  
بتلاعبي ريم امتى

وصال: يعنى هو انت الى بتفضى نفسك عشانها؟

ايهاب: علاقل لما يكون هنا يكون طول الوقت معاها ،،،

\*اتنهد بفروغ صبر\*

ايهاب: كل الخلول سدتيها وشايفه برضو ان معاكى حق

وصال: ايهاب...فيه مليون راجل يتمنوا ست ناجحه زيي

ايهاب) سايبها وخارج من اوضتهم) النجاح مينفحش ولا ليه اى  
لازمه وبيتك بايظ!

#بقلمى\_نوراسماعيل



"ياختى الف مبروك عقبال فرحته الكبيرة يارب "

ام يامن ( من البلكونة لجارتها) وباركلك فولادك وتفرحى بيهم  
يارب

الجارّة: يارب ...وع كده بقا حلوة ؟

ام يامن : زى البدر المنور ،ومتدينه زيه  
وبنت ناس اوى اوى ،الراجل مبصش غير ان يامن راجل  
وهيصونها

الجارّة: يامن زينة الينات تتمناه يتم فرحته ع خير يارب  
ام يامن: خلاص شفته بتتوضب فالواخر وفاجازته الجايه الفرح

الجارّة: ياختى دى فيلا مش شقة ربنا يسعدهم

ام يامن: والله مكلفها مش خسارة فيهم ، الاصيل يجيله كل حلو

\*من جوة بيت عمه روفيدة ، كانت روفيزة موجودة بالصدفه  
وسمعت كل حاجه

قامت اتنفضت من مكانها بحرقه دم ، ووقفت متربصه الشباك  
مستنيه تشوف طالع او نازل عشان تكلمه !

روفيدة ناسية انها بقت ست متجوزه ومسؤله من راجل تانى  
،ونسيت انها ع وش ولادة وقربت تبقى ام  
رجعت روفيدة الطفلة الى لسه بتغير ع يامن  
بس ده غلط!

المهم..

يدوب لمحته وهوب جرى حطت طرحه ع  
دماغها ،وببطنها العاليه  
عشان تلخقه كانت بتاكل السلالم قدامها..

روفيدة ( بتاخذ نفسها بصعوبه)يامن ! ...ازيك

يامن استغربها وعض بصره ورد عليها السلام ووقف

روفيده: انت صحيح خطبت وهتجوز ؟

يامن ( باستغراب وباصص للارض) طبيعي ...فيه مشكلة؟

روفيده: وشكلها ايه دي بقا ان شاء الله؟

يامن: مش فاهمك ! بدون قلة ذوق ده شئ ميخصكيش

روفيده ( متضايقه) مامتك بتقول دكتورة معاك من ايام الجامعة

،وهى السبب فسفرك

يعنى الحب شغال اهو الله ينور وعندي انا لا وحرام واصل خايف

من ربنا

يامن ( اتضايق منها) اولا مفيش شئ من ده مع ان مش لازم

ابرلك لانى مش مجبر بس عشان توصلك الصورة كامله

ثانيا انتى دلوقتى زوجه وهتبقى ام ع خير وسلامه

كونى اتزوج ولا لا، حد اعرفه ولا لا

انتى ليكى حياتك ي بنت الناس وانا لياحياتى ،ثم توقفينى

فالشارع

وتسالى اسئله مالهش علاقه بيكى ده شئ مرفوض

احترمى حرمة وغيبه زوجك

ونظرة الناس ليكى ،الى بينى وبينك ووقف للحد الى ربنا كاتبه

عن ادنك...



وقفت روفيدة مخنوقه منه ع غيرانه وطلعت فوق بتنفخ، اما يامن  
فهو عرف حكمة ربنا فكل الى قدره له حتى لو عكس ارادته .  
عرف انه بيختار له الاصلح وان الحب مش كل حاجه  
التفاهم ...

اكبر بكتير من الحب ، بالتفاهم المشاكل بتعدى  
والخلافات بتزول  
عرف دلوقتي الهدية الى ربنا كان ماخرها له لميعاد وحكمه، وان  
جرح قلبه زمان  
علامه قوية ان الخير فيما يختاره الله.

#بقلمى\_نوراسماعيل



فوسط الصفا فيه عاصفه هتقوم ...

طه اخذ اجازته اخيرا، ونزل يصفى حسابه ويوقف ع ارض ثابتته  
بعد م وصل لقرار اخيرا ...

بدون سابق انذار... عرف طه من نهلة ان صادق فالببيت  
وحوار مش موجودة فالمستشفى

استعان بالله وتوكل ،راح ع منزل صادق بركات عضو مجلس  
الشعب

صادق قام ع حيله وهو مبتسم لما الخادمة قالت له مين بانتظاره  
برة

ووافق ع دخوله غرفة مكتبه

صادق: اهلا اهلا استاذ طه ،اتفضل  
خير؟

طه( مرتبك بس مش مبين لما شافه وحس بهيبته) قبل م ابدء  
كلامى

عاوز مفيش اى شئ يقطع حديثى معاك  
لانه مهم جدا

صادق: اتفضل قدامك بالظبط ( بيبيص فساعته) تلت ساعة  
لان عندى ارتباطات

طه: كلامنا مش هياخد كتير ... ( استجمع قواه وقال بحدته) طلق  
نهلة!

صادق ضحك اووووی وطه ثابت

صادق: یاااه انت واخذ حبوب شجاعه بقا! ( خبط عالمکتب  
بعنف)

حصلت هلفوت من الشارع ییجی یامر ویقولی اعمل ایه ومعملش  
ایه فامور بیٹی

طه ( بیحاول الثبات) الهلفوت ده یقدر یسحقکک  
صادق ( قعد بهدوء واتکلم بلغه تریقه) ممم ان شاء الله  
هتسحقتی ازای

طه: انت مستهین بکلامی ( قام وقف) طیب  
انا بقا هوریک فعل مش کلام

طه ماشی وصادق وقفه بکلمه  
صادق: اعلى م فخیلک ارکبه ( حظ رجل ع رجل وولع سیجار)

طه اتدور بثقه

طه: لما اتصور انا ونهله وادور ع کل الجرايد وابناء دايرتك  
واخسرك الانتخابات

والمصداقيه واسقط حصانتك

عشان انت عارف طبعاً شی زى ده هیهز صورتك ازای

هى او انا معندناش الى نخسره قدك  
وانك عارف ومطنش...شوف ده فعرف الناس وبالذات الصعيد  
يتقال ايه ،والشخص ده بيتعرف ب ايه

صادق( شعل من جواه وقام وقف) بتتحدانى ي حته صورصار

طه: قولتك من الاول متبهاش بجاهك ،انا اقدر احطمه  
هى مجرد كلمه

واحدة منك ...تخلص امورك انت وهى وانا من غير شوشرة

صادق: وعاوز الناس تقول ايه،سابتنى انا واختارت جربوع زيك!  
اكيد هياكدوا نفس الاشاعة  
ويقولوا انها تعرفك من ورايا وهى ع ذمتك

طه: او مال انت عاوز ايه نفسي افهمك، بتلعب ع حصانك  
الخير ان ليه  
هى مش عاوزاك  
وبنتك واتربت وهتجوز

صادق: نهلة موفقاك عالكلام ده  
طه: نهلة عاوزانى

\*لثوانى عيونهم اتلاقت فنقطه واحده لبعض يبتحدى\*

صادق سكت وقعد وعقد ايده قدامه بي فكر

طه: قرارك ايه؟ انجزنى

صادق : امهلنى وقت افكر فيه

طه: وهترد عليا امتى ؟

صادق: فى اقرب وقت

طه: لو طولت عن اسبوع هعمل الى قولت عليه

ومش باقى ع حاجه ... تمام

صادق: اوك اسبوع وهيجيلك الرد

طه: اوك ...

خرج بكل قوة وثبات من مكتب صادق حاسس بانتصار

وساب صادق فدوامه حيرته هيقرر وناوى ع ايه .



\*طلع حسين من جيبه سيجارة كان نصها مولى ومطفيه بيولعها  
تانى\*

مارسلينو: ايه ده انت عامل لنا عمل ولا ايه؟

حسين: لا ي عم دى سيجارة

مارسلينو: دى مرحومه مش سيجارة، دى مشروبة قبل كده

حسين: لحد نصها بس، اصل سعر السجاير هنا مولى  
فبحافظ عالسيجارة اقعد اشرب فيها لا طول وقت

\*مارسلينو مد شفته التختانيه مستغربه وبص للتلفزيون وبيقلب  
بالريموت\*

حسين قام من جنبه وراح للمطبخ جاب شوية لبن كانوا فازاة  
زودهم ميه  
وحطهم فكوبايه وقعد جمبه

مارسلينو: انت زودت اللبن ميه!

حسين: اصل كل حاجه هنا صعبة وسعرها على  
مارسليانو: بس مش للدرجة دى ،شوية وهتحقن روحك ردة  
عشان متجو عش  
وتقول اصل الاكل على

حسين: لو ينفع كنت عملت

\*مارسليانو بصله بامتعاض\*

مارسليانو: انت شغال ايه صح هنا؟

حسين: موظف صغير فشرة عقارات

مارسليانو: مرتبك ضعيف يعنى ومش بيكفيك وبتبعث لاهلك؟  
حسين: لا ده انا مرتبي ايبويه حاجه علىه اوى ،بس الحرص  
واجب برضو

مارسليانو: ( بص لايد مارسليانو ) انت خاطب ولا دى غيره من  
الى بتتسب فالشخت بخت؟

حسين: لاخاطب ي عم وهتجوز ( مبتسم )



مارسليانو: اومال لا شوفتك كلمتها ولا كلمت اهك مرة قاعد  
مقطوع كده

حسين: اصل هكلمهم هيتكلموا عن المصاريف والخجات  
والتجهيزات فانا منفض بصراحه

مارسليانو: يعنى حتى متطمنش عليهم ! ي جبروتك

حسين: ياعم لو حد مات هبقى اعرف (بيبص بلا مبالاه  
للتلفزيون)

مارسليانو: حد مات !

حسين: بقولك ايه ؟

مارسليانو: قول ي خويا

حسين: انا جعان

مارسليانو: طب خير اقوم احضر ببرونه ولا ايه

حسين: لا مش قصدى معاك اكل

مارسلينو: ايه الكلام!

حسين: اصلى مجبتش وانا راجع من الشغل وهموت من الجوع

مارسلينو: م تطلب دليفرى يابنى هتقرف الى خلفونا معاك ليه

حسين: لا دليفرى ايه انا مضمنش الدليفرهات هنا وبعدين

الدليفرى ده حاجه صعبه

وفلوس عالفاضى ومش بيشبع

مارسلينو: طب المطلوب ارضعك طيب !

حسين: لا بقولك هات اكل ونتحاسب بعدين

مارسلينو: ليه انت بتشحت ! ولا قاطع ايدك وبتتسول بيها

حسين: ياعم انت الظريف الى فيهم وانا حبيتك لله فله

مارسلينو: وانا لا

حسين: مش مهم ،تعالى بقا نضرب عيش وملح سوا

مارسلينو: ياعم لا عيش وملح ولا عيش وخبيزة

مش عاوز

حسين: ممم حيث كده بقا ، طه كان سايب فرخه فالفريزر  
باينله ناسيها  
هقوم اعملها

مارسلينو : فرخه طه !!

\*قام حسين وطلع الفراخ وبدا يحضرها \*

مارسلينو: انت عارف .

حسين: ايه ؟

مارسلينو: وحياة التجميعه الزباله الى اتجمعناها دي احب اقوك  
انك

اكثر انسان شوفته بئس ويئس وعره

حسين) بابتسامه غلسه رفع ايده ( ياعمنا ع وضعنا لحد م نقابل  
ربنا

مارسلينو : خدك ربنا ي شيخ !



#بقلمى\_نوراسماعيل



"انت بتتكلم جد ي ايهاب ! قول تانى انا مسمعتش"

ايهاب: لا ي ماما انتى سمعتينى كويس

الام: اتجوزت يعنى ايه

ايهاب: يعنى اتجوزت ليها معنى تانى ؟

الام: ووصال

ايهاب: وصال هى اكبر سبب انى اتجوز ،ماما..

ماما انا مش لاقى راحة فبيتى بسببها

ياما اترجيتها

ياما لفتت نظرها اننا بنضيع من بعض

الام: فالتصرف يبقى بالجواز عليها! فيه تفاهم وكان ممكن تتكلم

كذا مرة وياها ولو لاقتها زى م هى انفصلوا

ايهاب: يعنى هو انا معملتش كده!

الام: وصال لو عرفت...

ايهاب: تعرف ولا متعرفش مش مشكلتي سيادتها ده حقي  
انا مشكلتي ريم بنتي كلمت المحامي فموقفى فحضانتها قالى  
ضعيف

لانى زى جنح اليمام

كل يوم فبلد وماليش مستقر...وان بكل المقاييس من حضانتها  
وانى لو اثبتت انها برضو مش هتقدر ترعاها بسبب انشغالها  
قالى هيتحكم لوالدتها

يعنى انا هخسر ريم وده الى معذبنى ومخلينى ساكت وصابر ع  
وجودها فحياتى برفان

الام: وهى لو عرفت هتنوى العند وهتكرمك من البنات فعلا  
وجايز...

ايهاب: هقتلها ! وصال لو فكرت تحرمنى من ريم مش عارف  
هيكون تصرفى

بس اتاكدى انه مش هيعدى ع خير

الام: وليه توصل الامور للدرجه دى

ايهاب: ماما...انا كنت ناوى اطلق وصال وقت م خلاص ادركت  
ان من غير ترتيب منى حبيت اية

لكن فوجئت بحملها وده الى عجزنى

الام: واية دى عرفتها منين واتجوزتها امتى

ايهاب: هتعرفى كل حاجه لان دى قصة طويلة ، المهم دلوقتى

فيوم هعرفك

عليها

ولحد م تتعرف ع بقية العيله ، عاوز ارتب حساباتى بحيث

مخسرش ريم

الام: محدش بياخد كل حاجه يابنى ... ي ريم بنتك

ي حبيبتك

مينفعش الاتنين

ايهاب: ان شاء الله الاتنين ي امى

الام: خايفه عليك ي ايهاب ، اتعودت تكسب طول الوقت

بس المرة دى الرهان ع حياتك وبيتك وبنتك

ايهاب: وانا عملت الى عليا وسواء بنتى او اية مراتى

مش هفرط فحد فيهم

وهى ان عاجبها تشرب من البحر...

\*بيبص فالساعة\*

ايهاب ( قام باس مامته فخذها ) بستأذنك بس هقابل اية  
قبل م اسافر  
ده حقها عليا لانها مراتى...حتى لو مبحبش وصال  
فلازم عدل طالما الاتنين ع نمتى  
مينفعش اجى ومتشوفنيش

ايهاب بيستعد يمشى

الام: والقلب ي ايهاب ؟ عندك عدل فيه

\*اتدور ايهاب لامه\*

ايهاب: اهو ده الى ماليش عليه سلطان ( ابتسم ومشى)

وفغمضة عين ركب عربيته ، عال عنوان الى بعته لاية فمسج  
واول م وصل قبلها

طلع فوق واتظمن ع كل شئ واستنى.

جت اية وكلمته ،نزل استقبلها وطلعوا سوا

اية: ايه العمارة دي انت جايينا هنا ليه ؟

ايهاب: هتعرفى كل حاجة دلوقت

\*فتح باب الشقة ودخلت \*

اية عيونها بتلف فالمكان كله،شقة فاخرة عالنييل

اثاث احدث طراز فخم وشيك

من كله مش ناقصها حاجة ...

اية: برضو مش فاهمة حاجة

ايهاب جه ناحيتها ومسك كف ايدها وبص لعيونها وحط ورقه

فايدها، بتفتحها اية ولسه

مش فاهمة

طلع عقد شقة تمليك باسمها !

اية ( مبتسمه ) ايه ده!!

ايهاب: شقتك ي ست الكل ( باس خدها ) وانا هنا ضيف



اية ( متاخدة وفرحانه) انت بتتكلم جد

ايهاب: اها ... اتدفع المقدم واول قسطين وخلص قسط والتانى  
ونخلص

والعفش انا اسف انى مخدمتش رايك فيه لانه كان مفاجأة ( بيبيص  
علي العفش)

لكن قولت يارب ذوقى يعجبك

( رجع يبص ل اية بحب) ده مكانك ...وتحت امرك

اية: انا مش مصدقة ،ليه عملت كده

انا مش محتاجه حاجه من الدنيا غيرك

ايهاب: وده حقك ي روحى ...ولسه

اية انتى متعرفيش انتى عندى ايه

\*تشعبطت فرقبتة زى الطفلة وهو ابتسم وشالها وهى بتبوسه

وبادلها وداخل بسرعة على اوضتهم\*

اية: استنى رايح فين ،هتفرج عالشقة طيب

ايهاب: مفيش فرجه قبل م تعرفى انتى وحشانى اد ايه

\*حطها عالسرير بشويش وهو بيبوسها ، اية مستسلمه وبعدين  
زفته فصدره بدلع وقامت تجرى\*

اية: هنتفرج الاول

\*سابته وخرجت وهى بتضحك بصوت على وهو قاعد عالسرير  
بيضحك\*

دخلت كل اوضة شافتها وانبهرت ، والمطبخ والحمام  
الريسبشان  
طلة الشقه والفيو التحفه بتاعها

الا ولاقت ايهاب وقف جنبها فالبلكونه

اية: كل الى بيحصل ده خقيقه مش حلم، يعنى انا  
معاك وفبيتنا  
واتجوزنا

وعايشة فالنعيم والسعادة دى؟! مش كده

ايهاب) بيمسح بكفينه ع خدودها) انا لسه معملتش حاجه تسعدك  
انا بقول ي هادى

اية؛يعنى كل مرة هنتقابل ...هنيجي البيت هنا؟

ايهاب) مسك كف ايدها وباسه) بيتنا!سستمي نفسك ان كل اجازة  
ليا

فيه ايام هنقضيهها هنا

انتى مراتى مش عيشقتى عشان اخطف منك كام ساعة

اية: طب كل مرة هقول ايه للبنات

ايهاب: قولى الحقيقة ي اية بقا،وقولىلى امتى اتعرف عليهم

لو مش هتعرفى ممكن اقول انا

انا قولت لوالدى وقريب هعرفك عليها وع اخواتى

اية( مذبهلة) قولتلهم!

ايهاب: حبيبي ليه محسسانى اننا مثلا شاقطين بعض

انا متجوزك ع سنة الله

وقريب هيكون مفيش غيرك الكل فالكل وريم ويانا

والى ربنا هيرزقنى بيهم منك

اية ابتسمت ولفت ايدها ع رقبتة

اية: انا بحبك والله

ايهاب ( بيمثل ) لا انا زعلان

\*سابها ودخل\*

اية: ليه بس حقاك عليا ي نور عيونى

ايهاب: مش عاوزة تتفرجى وسيبتيني ( دخل اوضتهم )

اية ( بتضحك ) طب خقاك عليا ( باست كف ايده ) متزعلش منى

( باست خده )

والله بحبك ( خده التانى ) وبعشقاك ( بتبوس دماغه )

صالحتنى ولا لسه؟!!

ايهاب ( بيمثل ) لا زعلان حبه صغيرة

اية: يلاهوى! ده انا لاعيشت ولا كنت

ايهاب ( ابتسم) بعد الشر ...واعيش ازاي لو مش هتكونى

اية ( بتبصله بحب) بعشقتك اصلا

ايهاب: عارفة انتى افرجتى عالشقة كلها ونسيتى حاجه

اية: ايه هى ؟

ايهاب: اهيه

\*زق برجلة شوزتها ودلقها عالسرير وهى بتضحك \*

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡

عالفون ...

كانوا العرسان بيتكلموا ....وبيحطوا النقط عالحروف

قبل م يتم زفافهم

فيه بعض الحاجات.،لابد وان تؤخذ فالاعتبار

يامن: حور...انا مش عاوز اتقل عليكى بطريقتى  
بس دى الطريقة الى برتاح بيها

حور: يامن انا مقدره ده ومحترماه وحباه جدا

يامن ( ابتسم) يعنى كوني مخلي لينا مكالمه واخده اسبوعيه  
ونتظمن بمسج او اتنين يوميا عن احوال بعض  
ونراجع بعض بفروضنا  
ده نظام مش مضايكك ؟

حور: اطلاقا...يامن انا بعمل ده وانا حابه ومش مغصوبه  
بالعكس

طريقتك دى مخليانى متركبه ع طبعك اكثر  
وانا عن نفسي مش عاوزة غير الاطمئنان عليك  
مش اكثر

لا بحب احكى وارغى،ولا اصلا بميل للطرق دى  
الافعال تهمنى قبل الكلام

يامن: الله يعزك ويريح قلبك دائما

انا مبسوط انا متفاهمين وع نفس الطريق

حور: اتاكدي يامن انى هعمل كل شئ مقتنعه بيه ،ولو فى حاجه  
مكنتش مقتنعه بيها

فهنتكلم فيها وبتناقش وهنوصل

احنا ع طريق لزواج وبيت ...يعنى مش حرب

اهم حاجه بيننا لازم تكبر وتتبنى ...هى التفاهم  
والمودة

وده دعائى كل صلاه من يوم م خطبتنى

يديم بينى وبينك المودة والتفاهم

يامن ( فرخان اوى بيها ومصداق كلامها) يكملك بعقلك وايمانك  
يارب

اعذرينى ف انى مبقولش الكلام الى بيحبوه البنات

وهو انى ....

حور( ضحكت بصوت خافت سمعه هو) قولتك يهمنى الفعل قبل  
الكلام

يامن: يعنى انا بصراحه بتق الله فكل كلامى وتصرفاتى

وشايف ان كل دى جزئيات لما حد بيفتحها بيتابعها ما هو اعلم

وده مش وقته

مازلتى اجنبيه عنى واجنبى عنك

حور: فاهماك جدا ومرتاحه

يامن: تعرفى انى لازم اصلى كل يوم ركعتين شكر

حور: يدوم حمدك وشكرك لله...بس ليه

يامن: علشان رزقت بيكى ...

\*حور قلبها دق وفرحت اوى وانفاسها متلاحقه وهى بتسمعه\*

يامن:كان كل همى طريقتى مترهقكيش وتضايقك

زيك زى اى بنت حابه اهتمامى وتسمعى م يرضى اذنيكى

بس انا بحب كل وقت يكون له تصرفاته واقواله

ولاقيتك بسم الله ماشاء الله متفهمه ودماغك كبيرة

ودى علامة مبشرة للى جاى ي حور

حور: ربنا يقدرنى...واكون عند حسن ظنك



قالتها بصوت ملائكي شبيهها خلى قلبه ينطرب لما سمعها، يمكن  
اختيار حور

ليامن كان بالقلب

واختيار يامن ليها العقل... لكن واضح انهل هنتجح  
انها تخلى يامن قلبه وعقله يتفقوا عليها !

#بقلمي\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

"كنت فجلسة عند الدكتور وانتي بترنى ...معرفتش ارد"

صديقة الاء (من اسكندرية) اصل قلقت لما مردتيش

الاء: لا متقلقيش انا كويسه

صديقتها: قوليلي اخبار رجلك ايه دلوقتي؟

الاء: والله الحمد لله ع كل حال ،حاسه ان مفيش تحسن خالص

صديقتها( بزعل) ان شاء الله زى م فجأة حصلتك ده، فجأة  
تخفي منه

ربنا مش بعيد عنه حاجه

الاء: ونعم بالله

صديقتها: طبعا انتى لاغية الفيس بتاعك

الاء: من زماااان معادتش ليا نفس لحاجه ،ليه؟

صديقتها: اصل انتى عارفة ،من زمان لما عرفتيني ع هند اخت  
محمد

فالخطوبة وهى عندى فالاصدقاء

الاء (بخنقه) ممم مالها ! عادى خليها انا ماليش دعوة بيهم

صديقتها: مانا عارفة ،انا بس قرئت خبر كده

وقولت اقولك

عشان مترهنيش نفسك ع حد

الاء (قلقت) خير

صديقتها: انا عارفة انى الوحيدة الى عارفة خقيقة الى حصل  
بينكم

انتى و جهاد و عيلته و الحادته و ليه مشيتى

متقلقيش محدش هيعرف حاجه، انا بس عرفت  
ان محمد ... خطب!

الاء قلبها اتخطف لما سمعت و اتعصر اوى و دمعه عيونها  
حضرت فوقتها!

صديقتها: انا مش بقولك عشان تزعلي، انا بقولك عشان لو لسه  
فاكرة تنسي  
و تدورى ع حياتك بقا

الاء: حياتى! هى فين حياتى  
انا انتهيت عاجزة و وحيدة و مكسورة و عندى عيل معرفش هكمل  
تربيته ازاي من غير امي بعد  
عمر طويل

صديقتها: ي سلام! لا طبعا منتهيش اتجوزى و افتحى قلبك من  
تانى

الاء: انا مش هكذب ع نفسي انا هعيش و اموت محبتش ولا هحب  
غير محمد

وعمر م اسلم قلبي ولا اى حاجه فيا لغيره  
حتى لو مكنتش عاجزة او عندى طفل

صديقتها: او مال ليه مدتلوش فرصة؟

الاء: عشان وجعنى ....الوجع شديد وصعب اوى  
اوى ( هتعيظ )

صديقتها: بس الى بيحب بيسامح

الاء: اخطاؤه لسه موجوده ...لسه تسرعة فيه  
لسه لاغيان عقله وتهوره موجودين  
لسه ودانه راميه لاهله  
مكانش ينفع اعالج غلط بغلط اكبر وهو لسه زى م هو

صديقتها: هو من حقه يعرف انه اب ي الاء ! عنادك خلاه خلاص  
فقد امله وهيتجوز غيرك

الاء: يتجوز ... لكن عمره م هيعرف ان له ابن  
عمرى م هعرفه شئ يجبرنى عالرجوع له ولذل اهله

صديقتها: ومرتاحه دلوقت ! فى واحدة غيرك هتكون...

الاء (قطعت كلامها) ربنا يهنيه بيها !  
بعد اذنك هقفل...محمد صحى وهرضعه

صديقتها: ماشى...هكلمك تانى

الاء قفلت واتفجرت فالعياط كان بقالها سنين منزلتش دمعته!  
عياط فراق ووجع وخسارة  
عياط يزيح جبل هم من ع قلبها !

محمد خلاص هيتاقلب ع عدم وجودها،محمد خلاص مبقاش ليها  
ولا عاوزها  
وهتبقاله حياته...بعد م سابها حياتها متدمرة  
واتخلى !

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡

"انا موافق عالطلاق...هطلقها  
بس ليا عندكم رجاء...نهلة هتستنى فالبيت عادى

عشان حور متحسش بحاجه تعكر فرختها بتجهيزات فرحها  
وانا هتعامل بعيد عنها كانها ضيفه بس من غير م تشعر حور  
تقضى شهور عدتها وتتجوز حور...وتقدر تمشى وتتجوزك ي  
طه  
بس فالمقابل محدش يعرف باتفاقي ده لحساسيه مكانتي وموقفى  
"

نهلة: انت مصدق بذمتك ( بفرحه)

طه: كنت عاوزك تسجلى له وهو بيرمى عليكى اليمين ،انا وزعت  
هنا  
شربات ولما سالونى معرفتش ارد

نهلة: طه اخيرا بقيت حرة وبقيت بتاعتك خلاص كام شهر  
دلوقتي انا مش خايفه من ذنبي  
ولا حاسه انى خاينه  
انا حرة وهتجوزك بما يرضى ربنا

طه: انا الى فرحتى مش سيعانى ،كنت عارف انى داخل عش  
الدبابير برجلى  
وكنت عارف ان حربي عليكى هو الطرف الاقوى فيها  
بس انا طلبتك فكل دعاء ليا

ومش ذنبي انى وقعت فحكك وانتى لسه متجوزة  
ولا ذنبي انى معرفتش ابعده  
بس الحمد لله...كسبتك اخيرا ي نهلة وهتبقى مراتى

نهلة: يااااه ع فرحه قلبي ،خلاص حلمنا اتحقق ي طه  
من غير مشاكل  
من غير قرف  
من غير خوف ، استغربت طه ابو شخصية حنونه  
الهادى  
ابو ابتسامه حلوة وسلام نفسي يطلع منه تهديد ووعيد  
وفكرة زى دى

طه: قولتلك مستحيل اتخلى عنك ، ومستحيل اسيبك  
وهدافع عن حبي ليكى حتى لو التمن رقبتي

نهلة: بعد الشر عليك

طه: المهم تلتزمى باوضتك وحوور وبس لحد م تتجوز عشان  
نخلص  
اوعى يقرب منك

نهلة: مستحيل مكنتش بطيق ييجى جمبي وانا مراته هسمحله  
يقرب اصلا  
بعد م خلعت منه بمعجزة

طه: ع فكرة نسيت اقولك، ديامن خطيب حور  
انا اعرفه

نهلة: تعرفه منين ده من المنصورة مش من هنا

طه: ماهو المفجأه بقا ، انه معايا فالسكن فدبي

نهلة اتخضت وبعدها ضحكت

طه: متقلقيش محدش هيعرف حاجه ومحدش اصلا فيهم بيتدخل  
فحاجه  
لحد

نهلة: انا بس هعرف الدنيا كلها وقت جوازنا  
بعد حور م تتجوز

طه: خلاص هانت ي حبييتي ، عمرى م انسي تضحي  
بسئطه وجاه



وفلوس وعز...وومتعتك

نهلة: متكلمش ! قصاد التضحية دى اخدت حب كبير  
وقلب عمرى م هلاقى احن منه  
والست مننا تبيع عمرها، عشان شوية حنيه

كون انك تلاقى الى يشتريك ...يهون عليك تبيع اى حاجه  
فالدنيا  
لان هتلاقيه هو الدنيا .

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

فالريسيبشان ...

محمد جهاد بيعمل تمارين ضغط ،معدى سينو بص عليه وهو  
رايح للمطبخ

مارسلينو: هتجوز جمل البت الله يساعدها

\*محمد بيضحك وهو بيتمرن\*

مارسليانو: كفاية لعب ضغط انت بتتمرن من العصر

محمد جهاد: لازم اكمل ي بكابوزا ،وان شاء الله فيوم مش  
هسيبك

غير اما تنضم ليا

مارسليانو: لا سيبنى انا عاجب نفسي كده

\*داخل ايهاب المطبخ لمارسليانو\*

ايهاب: بتعمل ايه ي حوب!

مارسليانو: بعمل شاي ...تشرب

ايهاب: اه اخضر ياريت ...وهاتهولى ع الفراندا

مارسليانو: م تكرمشلى خمسين جنيه فصدري بالمره ! الكاميرا  
الى جت مع العفش

\*ايهاب بيضحك ع سينو وهو طالع من المطبخ وبص ع محمد \*

ايهاب: فين صور خطوبتك ياض م تفرجنا

محمد ( بيلعب ضغط) ي كابتن ايهاب كانت .... عالضيق

اساسا الفرح

انتو كلكو دايسين معايا

ايهاب: ياعم كفاية انت تدوس وترفع راسنا ملكش دعوة بينا)  
غمزله)

\*يامن نازل من فوق وجاى يقعد وياهم\*

يامن: هعمل عشا ... حد يتعشا معايا

ايهاب: حتى الشيخ طلع ندل،نزلتوا خطبتوا ولاتقولوا ولا تعزموا

يامن ( مبتسم) حقكم كلكم عليا بس انا معملتش هيصة ولا حاجة

لبستها شبكه وبس

انا وهى مش بتوع هيصة واغانى وكلام فاضى

ايهاب: عالشريعه يعنى

يامن ( بيضحك ) بالظبط

محمد جهاد: هو اصله كان موسم التزاوج

ايهاب: فقلت تلحق دورك

محمد جهاد: بينى وبينك مش فارق ( بيكلم يامن بصوت على  
عشان

يوصله المطبخ) زود ي يامن عشان جوعت من التمرين

مارسيلينو ويامن فالمطبخ

مارسيلينو: الحق اعمله 40بيضة ليسناكس ع دراعك

ده لما بيجوع بيبقى غبي

يامن: هههههههههه

\*دخل حسين المطبخ عليهم\*

حسين: بقولك ايه ي مارسيلينو

مارسليانو: قول ي صغير الحلوف

حسين: م من غير غلط بقا ،بص انا وصلت لحل

مارسليانو (بيصب الشاي) الحل هو الحبل

حسين: اسمع بس ... انا اقسامك اوضتك

وادفع معاك

يعنى النص

منها اوفر عليك

ومنها اسيب الاوضة النحس الى تحت دى

مارسليانو (بيبصله بازدرء يضحك) انت يابنى راضع من

كنغر رخم!

انا مبطقش اشوفك الكام ساعة الى بنقعدهم هنا

هنتام فاوضتى

يبقا وشك فوشى صبح وليل

حسين: اسمع بس

مارسليانو: مش سامع وحل عنى بقا انت سمج ياض

عيل بلط يخربيت الى يعرفوك  
شوية شوية يقولى هاتلى غيارات داخلية ع حسابك

\*خارج من المطبخ وخارج وراه حسين\*

حسين: ع فكرة انت الكسبان اسمع كلامى

مارسلينو: ايه مكسبي فهمنى فامى اصطحب واتمسى  
بخلقه عكره زيك

حسين: انت هتخف غلط ولا ايه

ايهاب ( طق طق بصوباعه) فيه ايه !

مارسلينو: عاوز يقاسمنى اوضتى وندفع سوا

ايهاب: يابنى انت جاى تتسول هنا ! تقيل عليك الايجار متسكنش  
متقرفش الى خلفونا معاك

حسين: مش خوار تقيل بس انا زهقت من الاوضة الى تحت دى

مارسليانو: وايشمعا انا الى عاوز تلزق فيا زى الدبور الذكر  
الغنت

حسين: عشان اوضتك انت وايهاب هي احلى اوض فالفيلا

ايهاب: احلى اوض ازاي عاوز افهم ، اوضنا بتطلع بليل اليسا  
وهيفاء وهبي  
واوضكم بيطلع فيها عفاريت نص الليل

\*يامن حضر السفارة ومحمد بيساعده وسامعين ومتغاضين من  
حسين\*

حسين: انت قولت عشان معملش مشاكل اطلب من حد يبدلني  
ومحدث راضى

ايهاب: عارف ليه

حسين: لا معرفش (برخامه)

ايهاب: عشان انت بتطلب الحاجه كانها حق مكتسب ، بغلاسه  
بسقو عيه

حاول تبقى لطيف ، كفاية الغربة بالله عليك

حسین: یعنی اطلب ازای بلطافه ، اشتری وردة واقف اکلکم بیها

مارسلینو: ی خفه

محمد جهاد ( بیاکل) لا هات بیانولا واعزفلنا علیها وانت بتطلب ی  
امور

\*حسین بصله بصة وحشه\*

ایهاب: نهایتة عشان انت قرفتئی ، خد اوضتی وهاخذ اوضتک

حسین ( بانبساط) ده بجد!

ایهاب: واحنا اصحاب عشان اهزر معاک ! انت عشان کترت کلام  
فیه

الموضوع ده وانا خلقی ضاق منك

وکده کده انا بقعد کام یوم هنا وامشی ،مش فارق اساسا

کلهم زی بعض



حسین: طیب م کان من الاول خرجتني ليه ؟  
ايهاب باصص له بخنقه وانه هيبتدي يضايقه

حسین ( رجع فطريقه كلامه ) اقصد يعنى ...متشكر  
هننقل دلوقتى؟

ايهاب: اصبرر. هاه... اصبر وابع ريقك شوية

\*قعد حسين باستكانه جمبهم\*

مارسلينو: ايه اخبار الشاى؟

ايهاب: لا تمام تسلم ايدك

\*مارسلينو بيبيص ع ايهاب لاحظ حاجه\*

مارسلينو: ده ايه الى فرقبتك ده ي معلم انت معروض

ايهاب ( بيحسس ع رقبتة ) فين دى



اغاني ورقص ومشروبات عادية وكحولية لكن هما مطلوبوش غير  
العادية

وبيشوفوا المدنيين الاماراتيين شباب وبنات لابسين زي عادي  
مش ازياءهم المعتاده

جوة الصاله

مفيش عبايات وطرح

مفيش عبايات وشماغ وغطرة!

مارسلينو: الناس مغيرة خالص هنا ( بيص حواليه)

ايهاب: بيقولوا ان ممنوع يدخلوا بلبسهم المعتاد هنا ،لازم يلبسوا  
كاجوال

محمد جهاد: بلد تحيفه ي راجل ...نضافه ومعامله ورقى

يمكن جمال البلد وصوحتكم الى مهونين عليا غربتي

طه: ومش بس كده ، عريس بقا ي كوتش

ايهاب: عاجبنى ان فرحك انت ويامن فنفس الايام ومتوافق مع  
اجازاتنا

مارسلينو: ايوة صح م عدا السئيل الرزيل حسين الى معندوش  
اجازة

طه: ولو عنده هيوافر تذاكر الطيران ويقعد برضو

كلهم: هههههههه

ايهاب: ( باصص ع ايد محمد ) اول مرة فحياتي اشوف واحد  
لابس دبلة فاليمين  
ودبلة فالشمال

محمد بص ع ايديه وارتيك

مارسلينو: ماهو محمد متجوز وخاطب ومرتب وسنجل فنفس  
الوقت

طه: ههههههههههه

محمد جهاد: لا الدبلة الى فالشمال دي بتاعت ابويا مقلعهاش)  
بيتلعم) والى فاليمين بتاعت خطيبي

ايهاب: طيب البس بتاعت باباك تحت بتاعت خطيبتك هيبي  
الشكل مقبول لكن كده مينفعش

محمد جهاد( اتهد) لا ماهي بتاعت خطيبي الى هتروحها لكن  
بتاعت ابويا مش هنقلها

ايهاب استغرب ومارسلينو عقب عالكلام

مارسلينو: بص ي كابتن منك ليه ، كل واحد فيكم عنده كلكوعه  
اد كده

وهييجى يوم وتحكوا

وتقعوا فحجرى بلا دبلة ابويا بلا دبلة عم حزومبل

\*محمد حب يغير الموضوع\*

محمد : الاغنية دى بعشقتها،تحس ان الواحد عاووز يقوم يرقص  
عليها

اول م يسمعها

طه: طب م تقوم ترقص ده انت عريس ي راجل انا لو مكانك اهد  
الدنيا رقص

مارسلينو ( بيص لظه بصه تضحك) ميبانش عليك ي سُهْن انت  
قوم ارقص قال

طه: لا م هو ويامن السابقون ونحن اللاحقون

ايهاب: ايوووه ده انت سُنهن بجد بقا ،قول ي عم طه يابو ضحكة  
جنان  
هتتجوز!؟

طه مبتسم اوى ابتسامه فقسوه خلاص

مارسلينو: انا بقول مدام القاعدة اتملت عرسان نقوم نرقص كلنا  
قبل م الاغنية تخلص

قام مارسلينو وشد ايد محمد جهاد وعالبيست ،محمد كان بيرقص  
بهزار مع سينو وبيضحك ع عته سينو فالرقص  
وحركاته الهبله الى بيقتد يعملها  
وبعدين الدنيا ولعت لما طلع ايهاب ع فجأة ، هيصوا الاتنين  
وبعض شباب ميعرفهمش ك تهيص فالزيطه  
وطه عالتربيزة بيسقف لهم

ايهاب طلب عصاية ،وجات له  
صعيدى بقا ودى رقصته ....رقص بالعصاية وكان بيلفها ولا  
احسن محترف  
ومحمد بقا يرقص بجد قصاده ومارسلينو نسي الهزار وبقا  
بيسقلهم وهو بيضحك  
وراح جاب طه وسطهم

وبقوا الاربعه بيرقصوا سوا وبيضحكوا ومبسوطين ،يمكن كانوا  
محتاجين

صورة لبروزة الذكرى دى

ذكرى فرح ...ذكرى صحبه من غير ميعاد!

#بقلمى\_نوراسماعيل



نزلوا اجازاتهم...

وكانت اول مرة يشوف مارسليانو لينزى بالتعب والهمدان ده  
بسبب الحمل !

شكلها شاحب ومش بتناقز وساكته

حتى لو هو جر شكلها...مش بتترد

مارسليانو: البس انهى بدلة عشان الفرح !

لينزى ( بتبص عالذولاب وهى ع سريرها) الرمادى

مارسليانو: ومالك بتقوليهها كانك بتقولى اللون الكاى مثلا!

\*لينزى سمعته وسكتت ومردتش\*

مارسلينو: اه صحيح...ليه من ساعة م عرفتى انى نازل اشتغلتي  
نازل امتى

نازل امتى وبالساعة والدقيقه واليوم  
ليه هاه...كل اجازة تسالى السؤال ده ومفيش جديد يعنى

لينزى: عادى..من باب الاطمئنان

مارسيلنو: باب وشباك الاطمئنان ايه بس، لا بجد فيه حاجه مش  
طبيعيه

لينزى: ايه الى مش طبيعى انى بسال جوزى هيجى امتى

مارسلينو: بالدقيقه والثانيه !

لينزى: عادى

\*مارسلينو جاب شنطه وخط بدلته عشان تروح للمكوجى\*

مارسلينو: مقالش الدكتور ليكى ولد ولا بنت ؟

لينزى بتبصله باستغراب



مارسليينو: ايه قال شايب!

لينزى: غريب السؤال يعنى؟

مارسليينو: هو مش ابنى ولا جايباه من العتبه

لينزى: ابانا الذى فالسموات ...صبرنى

مارسليينو:فيه ايه هو انا قولتك تعالى نتخانق

لينزى: اصل بتسأل عن الحمل ...مستغربة

مارسليينو: طيب اسف انى سالت

لينزى: بتتاسف! بتتاسف عن الحاجه الوحيدة الى فرحتنى من  
ساعة م جيت

مارسليينو ( ببص ل لينزى لأول مرة من غير طريقه هزراه)  
عوازانى اعمل ايه يرضيكى ي لينزى  
من ساعة م جيت وانا بكلمك كانى بسحب الكلام من بوقك سحب  
بتردى عالاد

بقول تعبانہ...بتتامى فاوضة وحدك

قولت مش مشكله .. هي عاوزة كده يمكن محتاجه مساحه وانا شافط منها السرير

بجد مالك؟

لينزى: مالى! اول مرة تسالنى مالك

عارف مالى

متضايقه عشان بحب واحد مش حاسس بيا ولاشايفنى

بالعكس بيستنكر وجودى ومش بيحبه لانى مش حلوة

وهجبله طفل هو اتخق من وجوده من قبل م ييجى

عشان منى

ومفيش مفر... لا طلاق ولا تتجوز غيرى تسعدك بشكلها وجواها فاضى

مارسلينو (اتضايق) انتى ليه بتحسبها كده

لينزى (بصاله بحب) اومال بتحبنى ي مارسلينو؟

مارسلينو معرفش يرد وبص للارض وهي رجعت لسكوتها

مارسلينو: بصى... انا معرفش ارد ع كلامك التخين ده

لينزى: عشان اتعودت عالهازار

مارسليينو: مش القصة..

لينزى: او مال

مارسليينو: انا بصراحه الاول كنت مخنوق من وش امك ومخنوق  
من الجوازة خصوصا انها طلعت فستك  
لاعشان فلوس ولا فى اصلا  
بس بعدين

\*لينزى بصاله منتظرة المزيد الى يروى عطش قلبها حتى لو  
كلمه\*

مارسليينو: بعدين الى هو دلوقت يعنى... انا بحس انى معرفش  
استغنى  
عن هزارك الرخم وعن غلاستك عليا واغتصابك ليا بالاكراه

\*لينزى بتضحك\*

مارسليينو: حتى لو شكك مش ولا بد

لينزى رجعت كشرت

مارسلينو: الا انى بحس اوقات انك وحشاني

\*لينزى فرحت اوى وحضنته بجد ،الاول اتخض من حضنها له  
وبعدھا حضنها هو كمان وهو بيضحك\*

مارسلينو: هتفضلنى قالبه بوزك بقا  
لينزى؛: اهو انت الى هتقلبنى اهو

مارسلينو: لا خلاص ...قومی كده روشى وانكشى شعرك اكثر من  
نكشته

وشوفى هتلبسى ايه

لينزى بصاله مستفهمه

مارسلينو: اومال هروح فرح ف اسكندرية وحدى زى القرد  
المنغولى

لازم وفدراعى المدام

لينزى فرحت اوى

لينزى: طب م تختار لى انت

مارسلينو: ي ست ثومى اختارى خليه يروح المكووة لسه هتدلى  
وتعملى فيها ماجدة الرومى  
البيسي اى هم فوق راسك اساسا كل فساتينك معفنه

لينزى: اعمى البصر نستنى ايه منه

مارسلينو: بقولك ايه اتلمى عشان متاخديهاش فبطنك تولدى  
بكشف مستعجل

لينزى: طب جرب كده وانا بدل م احضرك فرح احضرك 48 ساعة  
فالانعاش

مارسلينو: حتى وانتى حامل مفترية ...منك له  
لينزى: ايوة كده اتعدل

مارسلينو: معدول اهو لوحدى ياختى

لينزى: اخلص ناقيلى هلبس ايه

\*قايم مارسلينو وهو بيبرطم\*

مارسلينو: لبستي فوش قطر رايح قبلى ي بعيدة ،ماهو انا الى  
جبتة لنفسى

عامل فيها الفنان حمادة امام وتعالى معايا ومش تعالى

لينزى: بتقول حاجه

مارسلينو: لا ي روى بقول ي ترى هختار لها انهى واحد كلهم  
هياكلوا منهاحته

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

"مالك حاسه ان فىكى حاجه مش طبيعيه"

اية طالع من الحمام تعبانه كانت بترجع ،مسكت ايد بسمه

بسمه: تروحي دكتور طيب ؟

اية: لا انا هبقى كويسة ...كنت عاوزاكى انتى واختك فحاجه

بسمه: حاضر بس نتظمن عليكى شكك تعبان اوى

اية: انا عارفة مالى... عاوزة بس اتكلم معاكى انتى وهبة فحاجه

بسمة: ماشى هندهالك

بسمة ندهت هبة ودخلوا اوضة خالتهم اية ..

اية : اسمعونى كويس لانه موضوع مهم ( بتتالم)

هبة: انزل اجبك دوا من الصيدلية؟

اية: لا انا عاوزاكم ... بصوا قبل كل شىء احلفوا ان هيفضل كلامى  
ليكم سر

وده مش عشان انا خايفه من حاجه

انا خايفه عليكم انتم

بسمة: قلقتينى فيه ايه

اية: احلفوا الاول ...

هبة: ورحمة ماما وبابا وحياء ربنا مش هنقول

بسمه: والله العظيم م اقول

اية سكتت مش عارفة تبدء منين كلامها ،صعب اوى

اية : من البداية وقبل م ييجى فبالكم حاجه وحشه

انا عاوزة اقول انى ...

بسمه وهبة مركزين معاها ..

اية : انا...اتجوزت !

هبة فتحت بوقها وبسمه ع وشها علامة استفهام

اية: من فترة ...وكنت عاوزة اقولكم بس خوفت لا تفهموا غلط

او تحسوا انى هتخلى عنكم

او الكلام يطع برانا واهل ابوكم يعرفوا ياخدوكم عند

فيا.وتتبهدلوا

ووقتها كل الى ضحيت بيه يضيع

بسمه: انا بقالى كتييير حساكي مش طبيعية،مش خالتي اية الى

اتعودت ع تصرفاتها

متاخده وبتسرحى



وقت فرحانه ووقت زعلانه  
شكلك اتغير وكل حاجة فيكى متغيره

اية: انا لسه مخلصتش كلامى ي بسمه ، انا كنت عاوزة اقولكم  
مش بس ع انى هتجوز  
عاوزه اقولكم من وقت م اتعرفت ع جوزى  
بس خوفت عليكم انتو بتكبروا وفرحلة مراقبه وحاسة انكم مش  
هتفهمونى  
زى م انا عاوزاكم تفهموا

هبة: ياخالتي احنا من زمان نفسنا نشوفك سعيدة ومبسوطه  
ومرتاحه  
انتى ضحيتى بكل حاجة عشاننا

بسمه: وانا كمان ، طول عمرى زعلانه ان حياتنا بتبتدى وحياتك  
بتنتهى علينا  
بس مكنتيش خبيتى  
انتى عودتينا عالصراحه  
وربتينا اننا منخبيش اى حاجة ع بعض ، وده جواز وفالحلال  
وبعدين ي خالتى انا مستغرباكي  
انى كنتى رافضة الجواز وچالك ياما عرسان وكنتى اصغر من  
دلوقتى

ايشمعنا دلوقت

اية: ماهو لو تصبرى ع رزقك ي بسمه و متبقيش قاضى و جلاذ  
هقولك

انا كنت وفضلت فعلا زى م قولتى لاعاوزه راجل ولا بفر فجاز  
وانتى واختك كل حياتى حتى بعد جوازك هعيش ليكم ولولادكم  
لكن قدرى...

\*افتكرت ايهاب و بدات ترتاح فالكلام شوية\*

اية: انا فوقت كنت فيه عالفيس عادى ، حصل مشاده بيى وبينه  
ومكنتش اعرفه ولا يعرفنى بسبب

بوست رفعه ضايقتى

دخل فالشات كان متضايق من شتمتى له

كلمه فكلمه ...سؤال عليا و ع احوالى

اتعرفنا ع بعض

وبعداها قطعت منه لانى حسيت انى غلطانه

وبعدين بقا... هو ربنا كان اعوز كده اعوزه يبقا جوزى وحلالى

وانى ابقا مراته وان كل ده يحصل

هبة ( بشغف و مبسوطه) اسمه ايه و منين و بيشتغل فين؟

اية ( مبتسمه) اسمه عمو ايهاب وبيشتغل طيار مدنى ومن الصعيد  
بس عايش بالقاهرة

بسمه ( بضيق) اتجوزتوا امتى ؟

اية ( لاحظت ضيقتها) من فترة كبيرة، ع فكرة هو متجوز قبلى  
ومخلف بنوته اسمها ريم

بسمه ( ابتسمت) ريم!! ده الاسم الى انتى بتحبيه  
ده مكشوف عنه الحجاب بقا

اية( اتضايقت من تريقتها) اولا عيب تتكلمى عن جوز خالتك  
باستهزاء كده

ثانيا هو سماها لانى فعلا بحب الاسم ده  
ولانها اتولدت كنا مع بعض وقتها

بسمه: ولما عرفتى انه متجوز مسبتهوش ليه ي خالتى! ده انتى  
جالك العازب والى معندوش حد  
والى مقطوع من شجرة ورفضتى

اية (بانكسار) لانى حبيته ي بسمة ، اول راجل يعاملنى ع انى  
ست بجد

اول راجل ميهتمش بسنى ولا بان شكلى عادى ولا بطروفى العادية  
مقارنة بيه

ويحب قلبى ويشوفنى من جوه  
لانه حنين !

حنين وبيقدرنى صح ، عمره م زعنلى  
وان زعلنا يراضينى ع طول  
لانه راجل بجد فزمن مفيهوش رجاله حقيقيين

بسمة: كنتى تحبى اتصرف انا تصرف زى ده

اية (بنرفزة) لا ! اقتلك فيها

بسمة: ي سلام ! ايشمنا بقا  
هبة: بسمة ... خالتو من حقها كل الى عملته كفاية ضحت بكل  
شىء عشاننا

هى دلوقتى بدات تعيش بجد  
انتى بدء يجيلك عرسان وهتتخطبى  
وانا كمان بعدك

وهى هتفضل لو حدها ... عمرها م كانت انانية ي بسمة حرام  
عليكى

بسمة: انا زعلانة عشان كان نفسي نفرحها ،نشوفها اخيرا  
فرحانه ولايسه فستان ابيض  
ومعاها راجل بيحبها

هبة: واضح ان عمو ايهاب بيحبها، هي فعلا متغيرة  
بس للاحسن ...يعنى هو بيسعدها  
مش كده ي خالتو؟

اية: اكثر من كده ي هبه ..

بسمة حست بانها ضايقت خالتها بكلامها  
بسمة: انا مقصدش از علك ...انا بس نفسي كنتى تقولى من الاول  
احنا كبار ومش صغيرين وهنتفهم ان ده سرك ومش هيطلع برة  
لحد م تظمنى علينا

هبة: بس معلش ي خالتو ،لما انتو مع بعض بقالكم كتير ليه  
قولتلنا دلوقت

اية: لانى شاكة انى ...حامل

بسمة وهبة اتفاجئوا للمرة الثانية

اية: ومعرفة هتصرف ازاي فالكارثة دي  
دي حاجة مبتستخباش

بسمة: هنعرفلها حل ،المهم قومي نكشفك ونتأكد  
وبعدها نفكر ع رواق

هبة: وعاوزين نشوفه ونتعرف عليه

اية: قريب ... هو عاوزني اقولكم من زمان وانا الى كنت باجلها

بسمة: طب يلا قومي البسي مينفعش نشوفك كده ونسكت  
وبليل نحضر فشارنا وناخد سهرتنا تحكى  
من طقطق لسلامو عليكو  
قضة حب الدمار الشامل ...الست يويو والكابتن ايهاب..

اية ضحكت وقامت وياهم ،الشئ المخيف عدى ع خير  
وفاضل مقابله الوحش  
الليل الاخير ،ربنا يستر...

#بقلمى\_نوراسماعيل



ب زفه حلوة لشباب بتنشد اناشيد دينيه عن الافراح من غير  
موسيقى او طبل وزمؤ

كانت ماشية حور زى الملاك بفستانها الابيض الى اتعمل خصيصا  
ليها تفصيل  
هدية من بابها ليها

الطرحه بستايل الفستان حاجه تحفه ومتشافتش قبل كده  
بعد م عمل لها حفلة كبيرة صادق بركات فبلدهم واتعزم البلد كلها  
وكباراتها

واتحمل يامن الهيصة عشان ده كان طلب حماه منه  
ويامن محبش يرفض مطلبه ، اتعرف ع كل الناس وقرايبها  
نهلة كانت زى الفراشه بتستقبل الناس  
وع وشها احلى فرحه

وطه كان موجود وفرح يامن بتواجهه فالفرح الى فالاقصر ،انما  
ايهاب ومحمد جهاد ومارسلينو

كانوا ع علم بالاحتفال الدينى تانى يوم فالمنصورة

تلبس الفستان تانى حور وروح المنصور مع حاشيتها عربيات  
مالهاش اول من اخر

وجمبها عريسيها

شارع بيت يامن من اوله نور وكهارب والزفة الدينية دى بتزفهم  
وهى فدراعه خجلانه  
ومامته ونهلة بيرشوا ملح عليهم لا من جمالهم يتحسدوا ...  
ويمنى بتزغرد ع اخرها

وقالبكونات كان كل الجيران بيبصوا ع بنت الاكابر الى سابت  
بلدها وباباها عشان تشتري راجل زى يامن  
حتى عمه روفيدا وقفت تبص ..

عالباب بتاع البيت ،وقفتهم والدة يامن تشربهم اللبن  
وظلعوا

استقبلوا والدها بحفاوة وكرم عندهم ومعداش كتير وجه ايهاب  
يبارك بس ملخقهمش تحت  
قعد شوية وفالعشا مرضيش ياكل ساب ظرف بنقطه يامن ومشى  
..

وبعدها مارسليينو ومحمد جهاد جم عالوصف سوا باتفاق مع  
بعض



واتعشوا مع المعازيم والضيوف وسايوا نقطة يامن برضو  
ورجعوا بلدهم  
رغم اصرار اهل يامن انهم يباتو لكن مرضيوش زي ايهاب .  
وظلع يامن مع عروسته

نهلة حضنتها اوى ونزلت ل اهل يامن

دخلت برجلها اليمين حور بتبص عالشقه ، فرحانه وكلها  
بيتر عش

يامن دخل وقفل الباب

يامن: مبارك وجودك ... ي حور

حور ( باستحياء ) يباركلى فيك ..

يامن : تعالى افرجك ع بيتك ... هو بسيط لكن بيكى هيكون ..

حور ( قاطعته ) هو جنة عشان انت الى عملته واحسن بيت فالدنيا  
عشان

جمعنى بيك فحلال ربنا

يامن بصصلها مبتسم اوى

حور: ممكن تفرجنى عليها؟

يامن: طبعا

حور شبكت ايدها فايده لاول مرة تعملها وتلمسه ،يامن حس انها  
لمست قلبه

فرجها الشقة حته حته كان مشطبها بشكل حلو وجميل وبسيط  
لكن انيق

وبعد م خدوا جولتهم فالشقة

حور: انا هغير بعد اذنك

يامن: اتفضلى بس كنت عاوز ...

حور( متاخده وضربات قلبها سريعه من الخوف بس ثابتته) ايه

يامن: نفسي... اغيرلك انا الفستان

ده . ( رفع النظارة ع عينه ) ده كان حلم حياتى مع شريكة عمرى

حور ( خايفه ومكسوفه ) بس...طاب

يامن: خلاص مش متضايق ، غيرى لوحدك  
حور: مش عاوزاه يزعل ( طيب الفستان بس

يامن ابتسم ، دخل معاها الاوضة  
اتدور وراها وفتح السوسته وهى مغمضه عيونها كسوف  
ونزل الفستان بشويش  
وهى بتشيل الطرحه من ع دماغها، انساب شعرها البنى الحرير  
ع كتافها

يامن شافها واذبهل ...هى مازالت بلبس تحت الفستان  
لكن شكلها المتغير اذهله!

يامن: بسم الله تبارك الله

حور ( اتكسفت وميلت فالارض ) ممكن بقا

يامن: حاضر

خرج يامن وغيرت حور بسرعة ولبست اسدال صلاه من هدومها  
وخرجت

له

كان هو غير فاوضة تانيه ولبس تريننج

حور: هتوضي للصلاه

يامن: كنت لسه هقولك انا اتوضيت

اتوضت وصلى بيها وقال دعاء وهو حاطط ايده ع دماغها  
،وبعدها

يامن: تاكلى؟

حور: لا ماليش نفس

قام يامن وخذ ايدها ووراها اوضة المكتب بتاعته وحب يعرفها ع  
كتبه ودنيته

عاوزها تفك

وبعدها خرجت قعدت فاوضة نومهم وهو قعد جنبها

حور: انا هغير الاسدال فالحمام

يامن: خليكى واطلع

حور: لا خليك

غيرت وحت ببيجاما عادية وقعدت ،يامن قعد جمبها  
ومسك كف ايدها وبصلها

يامن: تزوجنا اخيرا ! فعلا الخير فيما يختاره الله  
ويشاء السميع القدير ان تكون زوجتى زميلتى بقالها سنين

حور ابتمت

مسك كف ايدها وباسه وبصلها

حور: ( خايفه ) كنت بس عاوزة اقوك ع حاجه

يامن: اتفضلى

حور: انا ...انا( ميلت وشوشته وهو وشه استغرب )

يامن: ازاي! احنا لسه مصليين سوا !

حور: ماهو ...شكلها جت فجأة من التوتر والخوف ولا ايه

يامن ( بقبول) خيرا خيرا...ولايهمك  
انا هقوم اجيب المصحف اقرا جانبك هنا

حور: انا هنام لاني تعبانه من السفر

يامن: ماشى حبيبتى زى م تحبي، تحبي ابعثك ع مسكن لئالم؟

حور( فرحانه بكلمة حبيبتى وهيمانه فيه وفحنيته) لا...انا هبقى  
كويسه ان شاء الله

يامن: طيب انا موجود جمبك هقرأ الورد بتاعى وبعدها انام

حور: جنبي هنا( بخضه)

يامن: ماهو...انا جوزك ع م اظن وده

حور( بخجل) اصل ...

يامن ( بصلها بابتسامه حلوة) مالك طيب قلقانه من ايه ؟

حور: خلاص مفيش زى م تحب ( دخلت السرير ولتغطت) تصبح  
ع خير

يامن: وانتى من اهلى

حور اتدورتله ع كلمة من اهلى وابتسمت وغمضت عيونها فامن  
لاول ليله

بتتنفس نفس الهوا وبتقاسمه حبيب عمرها يامن!

♡♡♡♡♡♡♡♡♡♡♡♡♡♡♡♡♡♡♡♡♡♡♡

تاج فضى بيتحط ع راس رضوى تاتش اخير  
وكملت زينتها ك عروسة ...

نوران واقفه بتزغرد لها ومرات باباها واخواتها من  
ابوها وقرابيها  
وهند مش سيعاها الفرحة

جه محمد واخذها من الكوافير وركبوا العربية سوا

وزفة اسكدرانى من صحاب محمد وراه بالموتوسيكلات  
والعربيات وحركات

وشقالباطات طول الطريق لحد النادى ،دخلوا والكل منتظر  
وعمة محمد من فرحته رقصتلهم من عالباب وفايدها هند وامه  
بتزغرد وفرحانه واقفه جمبه  
وخطيب هند واقف وراه مبسوط ومبتسم

دخلوا وقعدوا وخدوه الشباب يرقصوه وسطهم جامد فرحانيين

شوية ووصل مارسلينو ولينزى معاه وايهاب واية!

اتفقوا ييجوا سوا فعربية ايهاب

نصاية وجه يامن مع زوجته حور عرايس مبقالهمش ايام

يباركوا ويهنوا

وتعقبهم طه ببشاشه وشه وفرحته ،سلم عاكل وع زوجاتهم

وقعد وياهم

نزلهم محمد جهاد بفرحه مجيهم وانهم شرفوه فالفرح

حزنوه وباسوا وكل حد ساب نقطته فجييب محمد بعد حلفان واخذ

وعطا

طلعوا سلموا عالعروسة هما وزوجاتهم

وقعدوا شوية ومشىوا عشان كل واحد يلحق سفره ،الا طه كان

مضطر يبات لان ملقاش تذاكر

للاقصر فنفس اليوم

نوران: بسم الله ماشاء الله عليكى زى القمر فورمة شعرك وكلك

ع بعضك زى القمر ي رضوى

رضوى ( ببرود) تسلمى ي نوران عقبالك



نوران: ع فكوؤة محمد خطيبك شكله كويس وابن ناس واحسن  
بكتيرمن الى كنتى بتتمنيه

رضوى: ابن خالتى ولحمى ودمى

نوران: ربنا يسعدكم سوا يارب وينسيكى وتعيشى وتحبيه ويحبك

رضوى (بضيق) الى فات ...قصرى العالى الى بنيته

فوق بعض حب وانتظار واحتمال وفالاخر طار!

عشان فوجئت بعد سنين انه مبنى فالهوا

يعنى كل تعبى راح ع سراب ،اتهيالى ان بنيت وخافظت ع شئ  
كبير

وهو مجرد رسمه طارت مع اول نفخة ريح

ودلوقت واقعى مع واحد تانى وشوية وابقا فحضنه واخلف عيال

ازاى معرفش!

نوران: انسى بقا وارضى بما قسمه الله ليكى صدقيني هترتاحى

رضوى: الحمدلله

بعد ساعات ،الفرح خلص ومشىوا المعازيم والعرسال

دخلوا شقتهم

واتقفل الباب ،محمد ساكت كانه عادى داخل مع واحد صاحبه

اخذ هدوم له ودخل اوضة الاطفال من غير ولا كلمة

هى استغربت ده حتى كلمة مبروك مقالهاش ولا ابتسم فوشها

دخلت غيرت ولبست قميص نوم وانتظرت ييجى ...

عدت ساعة ومحمد مطلعش من الاوضة !

رايحاله وهتخبط عالباب سمعته بيتكلم ففونه فوقفت .

محمد : متقلبيش ي الاء ( بانكسار وهيبتى يبكى) الاء

انا خونت عهدنا

انا خونت حبك ...انا اتجوزت ي الاء وانهاردة فرحى!

رضوى برة سمعته وحطت ايدها ع بوقها مخضوضة وكشرت

عالناحية التانية الاء فاتحه الخط وسامعاه وكاتمه الصوت من

عندها عشان ميسمعش ملاغية محمد ابنه وهو بيلعب

ودموعها نازلة ع خدها

محمد : الاء...انا لسه بحبك ومعرفش عملت كل ده ازاي وامتي  
كانى كنت مغيب وفوقت دلوقت عالحيقة دى  
انا اتجوزت غيرك وهتمام فحضنى واحدة غيرك وهخلف منها!

الاء ( بتبكي اوى بس مش سامعها)

محمد : الاء انا من هنا ورايح لو جيت ع بالك احسبيني من  
الاموات واطلبيلى الرحمة  
لانى من يوم بعدك ميت!

قفل السكة وغرق فبكاه بصوت على استقبال غريب لاول ليلة  
لحياته الزوجيه

ومن برة رضوى سامعاه

وقعدت عالارض مخضوضة ع حزينه على عرفته وسمعته

اما الاء فبعد م قفل السكة فضلت تبوس فونها كانها بتبوس  
صوته

بتبوس شفايفه

وجريت حضنت ابنها تشم ريحه ابوه فيه وتحبس الى باقى من  
دموعها .



#بقلمى\_نوراسماعيل



صباحبتهم، محمد جهاد ورضوى!

بعد الى سمعته رضوى والى حصل من محمد، فضل نايم فالالوضه  
جوه

وهى دخلت تنام لوحدها مصدومه بالى سمعته وباستقبال اول ليله  
مع جوزها

هو مش ناسي خطيبته السابقه!

لا عذرا...مش ناسي حبيبته ومراته.

الصبح صبح ، صحى محمد ساكت من غير ولا كلمة ودخل  
الحمام، رضوى مكانتش نايمه اصلا  
من حرقة الدم والضيقه

سمعت خطواته قامت ولبست روبها ودخلت المطبخ تحضر  
الفطار

طلع من الحمام وشافها واقفه

محمد:صباح الخير

رضوى(من غير نفس) صباح النور

محمد : بتعملى ايه ؟

رضوى : بحضرك الفطار

محمد : طيب انا ليا اكل معين بفطر بيه الصبح، هما الجماعة تحت

ممكن يطلعوا يباركوا

وعمى ومراته ولا شوية ولا ايه

رضوى اتدورت له بخنقه

رضوى : انا لا اعرف عاوز ايه ولا بتحب ايه ولاحتى حاسه انك

عاوز تبص لوشى وتتكلم معايا ولا مين طالع ومين نازل

محمد : ليه بتتكلمى كده

رضوى : عادى (رجعت تحضر الاكل )

\*محمد حس انه مزودها فقرر يخفف حده الجوم بينهم\*

محمد : انتى زعلانه عشان نمت جوه

رضوى : بعدم اهتمام ) مش فارقه

محمد : هو حقك

انك تزعلى بس انا كنت تعبان وو

رضوى مهتمتش وبتعمل فالاكل وهى ساكتة ومكشره ،ومحمد  
اتضايق من لامبالاتها

بس عارف انه حقها هى عروسة برضو.  
فقرر يتجنن حتى لو مش بمزاجه ..لتصليح غلظه منه.

محمد :تعالى عاوزك مش حابب اكل دلوقت

مسك كف ايدها وطلع برة المطبخ ودخل بيها لاوضته

رضوى :عاوزنى ف ايه؟

محمد (بيقفل باب اوضته وهو بيكلمها) نسيت اقولك مبروك ي  
عروسة امبارح !

فقرارة نفس محمد عارف ان رضوى مالهاش ذنب فالى حصل  
له،لكن فالحقيقة

هى عندها الذنب الى بتكفر عنه بجوازة زى كده .

#بقلمى\_نوراسماعيل



بتطبق الهدوم وبتحطها فالدولاب ، جه وقف جنبها يامن  
يساعدها

زى م عودها من اول يوم جواز

حور: انا قربت اخلص متتعيش نفسك معايا

يامن: ولو برضه اساعدك

\*بيرص الهدوم فالدولاب يامن\*

يامن: مالك ي حور حاسس انك مهمومه

حور: مفيش بس كل م افكر انك قربت تمشى، قلبي بيوجعنى

يامن (مسك كفوف ايديها) سلامة قلبك

حور ابتسمت له وبصاله بحب ، الاذان بياذن فالجامع

حور: هتنزل تصلى ؟

يامن: اه ...وانتى مش هتصلى؟

حور: اه ع طول دلوقتى (رجعت افكرت واتلخبطت)

يامن باصص لها ومبتسم

حور: اصل ...انا

يامن: اصل ايه ؟ مش غلط تكدي برضو

وكمان ع جوزك

ده الی دیننا قال علیه ؟

حور:(بخجل واحمرت)بص هو انا ...

يامن(رفع وشها له بحنيه وبصلها بحب ) من تانى يوم شوفتك

بتصلی و عرفت بس

قولت اسيبك براحتك

عملتی كده لیه

حور:(بهدوء) كنت خايفه

يامن(ماسك ايديها)كنتی قولتیلی وانا هقدر خوفك وهطمنك ،مش

نبتدی حیاتنا

ع كذب لبعض فامور بسیطه

ده غلط وكمان حرام وانا محبش ده

هزت راسها حور انها مقتنعه بكلامه



يامن خدها فحضنه لأول مرة من وقت جوازهم وباس دماغها  
بحنيه

يامن: انا نازل اصلى

حور: ماشى حبيبي وانا هصلى هنا

يامن: هطلع لك ع طول مش هقعد تحت ، كفاية ايام واسيبك

حور: مستتياك

مشى يامن عالصلاة ، ونوت لصلاتها حور  
وبعد م خلصت صلاتها ... لبست احلى روب عندها  
واتعطرت ... وحطت بسيط من الميكاب  
وعملت تسريحه شعر جميله ، عطرت المكان كله  
وسمعت فتح الباب

قعدت فمكانها ع سريرهم زى الاميرة ، دخل عليها وشافها كده  
ابتسم وقعد جنبها

يامن: الله اكبر ، ربنا يحفظك ليا ويحميكى من كل شر

حور خجلانه وباصه للارض

يامن: سماكى والدك حور عشان انتى من الجنة اصلا ،وكانه كان  
بيتو عدلى انا بالجنة عالارض

مسك كف ايدها وباسه ومسح بايده ع خدها،هى رفعت عيونها له  
وباست كف ايده  
الى ماشى ع خدها

حور: تعرف انى من اول يوم شوفتك فالكلية وانا حبيتك واتمنىك  
فحلل ربنا

\*يامن كان حاسس بس مستنى يتاكد منها\*

حور: كنت فكل سجده وكل فجر بسال الله عليك  
عمرى م مليت من دعائى  
حتى لو كنت مش حاسس بيا ...حتى لما خطبت  
حتى وانت مش منتبه لى من الاساس  
برضو اتمنىك عطيه من ربي ومشوفتش ان ربنا هيخل عليا  
بيها  
مهما طالت الايام

يامن(مبسوط ولسه ماسك ايدها)مكنتش اعرف انك بتحبينى كده

حور: حبي لك عاوز قلبين ع قلبي عشان يكفى كل شوق ولهفة  
السنين دى

يامن: وعمرك م بينتى ي حور

حور: عشان اتوعد بيك فالحلال ومنحرمش منك لما استعجل

يامن منشرح اوى لكلامها

حور: لما فاتحتنى انك عاوزنى اكون زوجتك ،بكيت بفرحه  
متوقعتهاش!

ربنا استجاب دعائى اخيرا

يامن: انا لو قعدت سنين عمرى كلها احلم بفرحه مش هتكون زى  
فرحتى بكلامك ده ي حور

حور: وكل الكلام ميبينش حاجه ... فعلى هيعرفك

انا اد ايه بحبك

يامن سمع منها الكلام وقلبه اتهمز من مكانه ،كانها خبطتت برقتها  
ع بابيه

عشان تفوقه وتدخل باقتحام لقلبه وتتربع ع عرشه

قام وحنها اوى وشالها وهى متشعبطه فرقبتة ودخلها لجوه  
السريير

بص لعيونها بحب لاول مرة وميل ع شفايفها  
وهى بايدها بتمشى ع شعره ،والتقوا لاول مرة زوج وزوجه  
وقريبا تحت مسمى العشق الاتنين سوا هيكونوا

#بقلمى\_نوراسماعيل



"تعالى لبابى يلا يلا يلا "

قاعد علارض ايهاب فاتح دراعاته ل ريم الى مشيت بسرعة عن  
اى طفل فسنها

وجايه عليه بخطواتها قلبه بيرقص وياها وهى بتمشى وتنط  
فحنه بفرحه

ويخليها مش عارفه تتنفس من كتر م بيبوسها

ايهاب(شايل ريم ويكلماها)يلا بينا نخلي ميس نسرين تلبسه  
ونروح كوك دور ناكل ولا نروح ماكد ونالذ وبالمره تلعب ي  
قمر

ريم بتضحك وهو بيزغزها اوى

ايهاب:مس نسرين لو سمحتى غيريلها ويلا عشان هنخرجها  
تلعب وتتفسح

البيبي سيتر:حاضر ي كابتن ،كنت بس عاوزة اقوك حاجه

ايهاب:اتفضلى

البيبي سيتر(نسرين) انا ملاحظه حاجه فريم

ايهاب:بخضه )مالها ريم

نسرين: لا متقلقش حضرتك حاجه مش مقلقه ،انا بس لاحظت  
ان ريم لما مشيت اسرع عضلات رجليها وجسمها بتفردهم  
بطريقة

ماشاء الله مرنه كده وده غريب ع سنها

ايهاب مبتسم ومستنيها تخلص كلام

نسرين: فانا كان عندى اقتراح اننا ندخلها مدرسة باليه وهما  
بيقبلوا من سنها وفوق

بيبقى تعليمهم اسرع وفمكانه الصح

ايهاب: دى فكرة هايئه جدا ...ممتاز

انا موافق

شوفى ممكن نعمل ايه

نسرين:اوك ي كابتن انا هشوف وابلغ حضرتك

ايهاب: (بيكلم ريم) انت هتبقى راقص باليه ي صغنن! نيلى كريم  
هتتافسها

ولا نادين

ي واد مين رد عليا مين

ريم بتضحك من زغزغه ودلع باباها فيها

نسرين:بعد اذن حضرتك اغيرلها

ايهاب:اوك وانا داخل اغير هدمى برضو

غيروا ونزلوا التلاته ، اكلوا سوا وايهاب لاعب ريم وصورها

صور كتير معاه ولوحدها

ورسم ع وشها وكانت مبسوطه اوى بالوقت الى بتقضيه مع  
باباها

وطريقة احتواءه ليها الى بتعوضها مامتها

رجعوا من برة التلاته ،ريم خلصانه وطاقتها فضيت لعب وجرى  
ودحرجه

ونامت فالطريق

اخذتها نسرین تغير لها وع اوضتها بعد م تاخذ حمام دافى الانسة  
ريم وتنام نوم اعماق.

دخل ايهاب لقي وصال موجوده ونايمه فالسرير،من غير صوت  
غير هدومه

وطلع فالفراندا يكلم اية يتظمن عليها وع يومها

حكوا كتير وانبسطوا اكثر باطمئنانهم ع بعض

طبعا المكالمه من حراره شوقهم لبعض كانت مولعه ...لكن م  
باليد حيله

ع الزوجه التانية انتظار الاجازة القادمة.

خلصت مكالمته ودخل ينام ،لقى وصال صحيت

شربت لبن دافى ورجعت تانى تنام ودى حاجه هى متعوده عليها  
وهو عارفها

بتنام جمبه ...

وصال(بصوت نيمان)انتو خرجتوا ؟

ايهاب: اها (بيستعد للنوم)

وصال:ممم مش ملاحظ حاجه طيب

ايهاب:(بفتور وبينام بجد) ايه هي

وصال:بقالنا كتير متلاقيناش سوا

ايهاب فوقته الكلمة فبص ناحيتها باستغراب

وصال:ايه غريبه؟

ايهاب: اه بصراحه

وصال: عادى يعنى مش من حقى ولا ايه

ايهاب:ي ستى حقك محدش قال حاجه بس هي بتيجى كده؟

وصال: لا مبتجيش ي ايهاب ،تصبح ع خير



ايهاب استغريها ولف وشه حتى رد عليها مردش....!

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

"ي سمرا تعالى ... اشكيلك عن حالى"

زفة وزيطه ل اسماء ومروان وفرحهم ، والكل بيهيص معاهم  
وليهم

حتى نهلة الى كان طلب مجنون منها انها تكتب كتابها هي و طه  
مع اسماء اخته  
فنفس الفرحة ..

تم الفرح ومشياوا اسماء ومروان ع عشهم السعيد ، وطلع طه مع  
زوجته نهلة  
لشقتة فوق يحضر هدومه

وع الجنان التانى ،، مسافرين للفيوم يقضوا الى باقى من اجازة  
طه  
هناك

اول م وصلوا استقبلوا اولى ايام حياتهم بفرحة اوى

نهلة: بدأت اتنفس... بدأت اعيش

ياااه

طه (واقف فضرها حاضنها) انا بحبك اوى

نهلة لفت له ومسكت ايده باستها

نهلة: عارف عاوزة كل يوم ابعت جواب شكر لصادق انه عتقنى

وانى خلاص بقيت حرة

وربنا قدر اعيش فترة حلوة وياك من حياتى

يومين ولا سنين مش فارقه المهم انى وياك

طه: ي حبيبتى العمر كله طالما وياكى يبقى هنا وسعد وانا كنت

هعوز ايه اكثر من كده

نهلة: استغربت صادق لما طلب اننا نتحوز ونبعد ونسيب البلد

قولت كده كده البلد دى انا مرتبطه بيها عشانك انت وهور

وهور مشيت

وانا معاك دلوقت ...يبقى متهمنيش البلد مدام معاك ان شالله

فجهنم

طه: انتى احلى حاجة حصلتى ،انتى سيبتى مشروع عمرك

سيبتى حقك فمؤخر

سيبتى حقك تعيشي ك زوجة عشانى

انا لو اعرف ان ع اد الشقا ربنا هيديني فالنهاية واحده زيك  
كنت فضلت طول عمرى اصلى لربنا شكر

نهلة: عارف ي طه ، غيرنا لو عرف بموضوعنا يقول حسبه  
صعبة ومش هتكمل

ويقول ان مفيش ست تقبل مع حبي ليك ي حبيبي  
الى انت فيه وتتعايش معاه

لكن الحقيقة ان الناس لو تبطل تاخذ بالمظاهر وتعرف الى قدامها  
وتعاشره

هتقدر تضحى بكل شي مدام يستاهل

طه: طيب احنا اتجننا واتجوزنا مع اسماء ومروان ولارتبنا  
هنعيش فين وازاي

بعد طلب الاستاذ اننا نبعد عشان شكله قدام الناس  
مع انى مش فاهم يعنى م كل الناس بتسيب وتطلق وبتتجوز تانى  
لكن هو عامل كانه بيدير الكون

نهلة: سيبك منه انا كمان مش عاوزة مشاكل ولا طايقه حته هو  
فيها اصلا

انا حابه نبعد

طه: متنسش اهلى ي حبيبتى هبعد ازاي طيب انا ليهم كل حاجه

نهلة: طيب هندبرها ونوازيها ان شاءالله  
يلا بقا عاوزين نستمتع بكل لحظة قبل م تمشى

طه: لاااا ده انا مخطئك خطه هتعجبك اووى

نهلة: لاي شيخ (بتضحك)

طه: تعرفى ان انا واسماء اختى كنا بنحبك انتى ومروان جوزها  
من طرف واحد ومن غير امل تعرفوا او تحبونا اصلا

نهلة: بجد! ووالاخر كلنا بقينا سوا اهو حبيبي

وهى شكلها مبسوط مع جوزها

طه(مبتسم) حب عمرها

نهلة: انا نفسي اعيش وياكم وفيبيتكم ،مع مامتك واخواتك واستناك  
تجلى اجازات

وعاوزه نقعد فاوضتك

مش عاوزه شقق ولاعزلة

عاوزه زيطة بيتكم واخواتك الكثير ودفا حزن مامتك الى  
اتحضنته لما كتبنا الكتاب

ومش هطلع ولا ادخل عشان الزفت صادق

بس اکون وسطکم

طه: مسح ع شعرها! انا بحبك اوى ، يلا عشان متاخرش

نهله: يلا

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

حقنة بتتضر ، وبيستعد مارسلينو ياخدها فدراعه  
ولينزى بتبص كويس عشان تديهاله  
اخدها خلاص..

لينزى: بالشفاء ي لينو

مارسلينو: لازم يعنى تجينى حمى قبل السفر بيوم (تعبان وبتغطيه  
لينزى)

لينزى: ربنا قال القلب الفرحان يطيب الجسم والروح المنسحقه  
تجفف العظم

اشكر ربنا برضو

مارسلينو: بشكره اهو بس التعب واخذ فيا اوى

حاسس ان روحى هتطلع

لينزى: لا هتخف متقلقش طلبتك من العدرا توقف ويانا ، وروحت  
الصبح ولعتك شمعاه  
يخفف عنك ربنا

مارسلينو : (باصلها بتركيز) يعنى هو كل ده عشانى !

لينزى: او مال عشان الجيران  
مارسلينو: او عا الطوب

لينزى: قصدى يعنى ... ان انت وتعبان كل ثانية يتعدى عليك  
همدان كده  
بزعل اوى

مارسلينو: ي واد انت ي حبيب  
لينزى (ابتسمت) طبعا مش جوزى وابو بنتى  
مارسلينو: عارفه ي لينزى ، ساعات الواحد بيحسب حسابات كده  
بدهماغه

ويفوجئ بالواقع حاجه تانيه فساعتها بيعرف نفسه انه كان  
جحش  
فاهمة حاجه

لينزى: لا ومتعوده ع كلامك المتخلف

مارسلينو: بسم الصليب ع البت بتشر عبقرية بسنانك دى

لينزى: ع فكرة بنتنا هتطلع لسانها طويل ليك ومخها تخين عشان  
جسم ابوها كده

مارسلينو: لا ونسيتى هتطلع موزة عشان امها فشر منى ذكى

لينزى: بس اسكت ومتعيبش

مارسلينو: عارفه ي بت انتى ... رغم انك دمك يلطش ورخمه

الا ولسانك عاوز حشه من لغوغه بس بتاثرى فيا

لينزى ابتسمت اوى وانبسطة وبعدين حست بوجع

لينزى (حطت ايدها ع بطنها) اه ...

مارسلينو: ايه هتولدى فالنص ! اول ست تولد فنص الشهر

غريبة من نوعك

لينزى: لا ي مارسلينو... انا تعبانه بجد

اه

حاطه ايدها ع بطنها وبتتالم اوى وفجأة نزلت ميه منها ب دم


مارسلینو: ایه ده! ده بجد

استنی استنی

لینزی (وqعت عالارض) ااه! ااه!



#بقلمی\_نوراسماعیل



لینزی ابتمت اوی وانبسطت وبعدين حسست بوجع

لینزی (حطت ایدها ع بطنها) اه ...

مارسلینو: ایه هتودی فالنص! اول ست تولد فنص الشهور

غریبة من نوعك

لینزی: لای مارسلینو... انا تعبانه بجد

اه

حاطه ایدها ع بطنها وبتتالم اوی وفجاة نزلت میه منها ب دم

مارسلینو: ایه ده! ده بجد

استنی استنی



لينزى (وقعت عالارض) ااه ااه ااه !  
مارسلينو: ده نهار اسود ومنيل ع دماغى ...فيه ايه

لينزى: ااه الم فظييع

مارسلينو: بتولدى ولا ايه استنى

لينزى: بولد ازاي وانا فالسادس ي حمار.... ااه (بتصرخ بوجع)

مارسلينو: حتى وانتى تعبانه مش سلمان من لسانك اعمل ايه ولا  
اتصرف ازاي  
ي عدرا اقفي جنبى

قومها مارسلينو وسندها تنزل عالسلم وتخرج من الشقه وواحدة  
واحدة نزلوا

مارسلينو: تاكس!

مفيش ولا تاكس راضى يوقف لهم ومش فيه تاكسيات اصلا

لينزى: بموووت ياربي ...يسوع نجينى ااه

مارسلينو (اتاثر بتعبها) يناس حد يوقلنا حرام عليكم

لينزى: ااه روحى بتطلع

مارسلينو: استنى طيب اشيك ولا اعمل ايه مفيش ولا تاكس او  
عربيه

جاية عليهم عربيه ملاكى وفيها شاب

الشاب: اركب اوصلك

مارسلينو: مستنين اى تاكس

الشاب: اركب بس مفيش ولا تاكس فالشارع

ركبوا بسرعة مارسلينو ولينزى بتتوجع وعلى اخرها ، وع اول  
مستشفى

وصلوا

مارسلينز: متشكر بجد

الشاب: ع ايه ربنا يقومها بالسلامه

دخل بيها بسرعة اول م شافوها حطوها ع نقال وعالطوارى

بسرعة جرى

استدعوا الدكاترة ليها، بعد سؤال حامل ف اد ايه وده اول بيبي  
ولا لا

وحصل ايه قبل كده

الدكتور: هي ولادة مبكرة

مارسلينو: ازاي ف ست بتولد فالسادس

الدكتور: احنا مستغربين بس هي فعلا بتولد

نحضر غرفة العمليات؟

مارسلينو: انت بتاخذ رأيي؟

الدكتور: طبعا لازم موافقه منك تتفتح غرفة العمليات، وف اقرار  
هتضى عليه

مارسلينو: طب انا ...يعنى هو الحاله صعبة اوى كده

الدكتور: بصراحه، مقلقه ولازم تصرف بسرعة

مارسلينو(اتضايق وخاف عليها) ماشى موافق

الدكتور: حضروا غرفة العمليات، عن اذنك

مارسلينو دخل ل لينزى الى لسه بتتالم وبتشد فملايات الى  
متعطيه بيها

لينزى: هموت ي مارسلينو (بتعب) هموت وهترتاح وو  
مارسلينو: متقوليش كده ي بت انتى انا مخضوض وخايف  
لوحدى

لينزى (بمنتهى التعب) كنت مش عاوزنى لا انا ولا البننت  
اديننا هنروح  
انا عارفة انك عمرك م حبتتى ولا كنت عاوزنى من الاساس

مارسلينو: يوووه ي لينزى اسكتى بقا احنا فيكى دلوقتى لازم  
تقومى

جم طقم التمريض اخدوها ودخلت غرفة العمليات وهو واقف برة  
قلقان ع مخضوض ع اول مرة يتحط فموقف زى ده

مر الوقت وطلعوا بالبننت غير مكتمله ملحقش يشوفها مارسلينو  
،عالحضانه جرى

هو واقف اول مرة يتحط فموقف هو مسئول عن اتنين ف بين  
الحياه والموت ولوحده

شويه وطلعت لينزى عالنقال فاقدة وعيها بسبب البنج، معدى  
معاهم مارسليينو  
بيبص عليها ولو هله وقف !

دخلوا بيها وحطوها فغرفة عاديه واراقت وخرجو

لممرضة: البنت فالحضانه وهى شوية وتفوق ...مبروك  
واقف مارسليينو لا سامع ولا شايف نزل عليه سهم الله !

#بقلمى\_نوراسماعيل

♡♡♡♡♡♡♡♡♡♡♡♡♡

بيحضر نفسه خلاص طالع عالمطار الطيارة قدامها ساعتين ..

يامن المرة دى متاثر وهو ماشى ،مهموم ومتضايق لكن مش  
مبين

كلام عيونه موضحه وفاضحه

اما حور ..

فهى بتمم ع مقتنياته كلها وهى بتحاول تمسح دموعها الى بتنزل  
ورا بعض

ع خدودها ومش عاوزة تبين له نهائى

حور: خلصت ي حبيبي

يامن جه عليها وحضنها اوى وباس دماغها بلهفه

حور: يامن ... (عيونها فيها دموع)

يامن: مش عاوز امشى ..مش عاوز اسيبك

خدها فحضنه بقوة وبكت هى بحرقه ع صدره وهو بيضمها له

يامن: اول مرة اتخنق من سفرى (رفع وشها له ومسح دموع  
عيونها)

انا بحبك ي حور

حور(بفرحه) بتقول ايه ؟

يامن: انا بحبك ي حور ... يانور عيني

وروح قلبي

وكل حياتى وحبيبتى (ضمها له تانى)

حور(فحضنه)اتمنيت اسمعها منك لما تكون من قلبك ، عمري م  
سالت ربنا عن حاجه

وخيب ظني

كل مرة بيرضييني ويراضييني

يامن:القلب كان اعمى لما شاف غيرك

حور:مش مهم ...دلوقتي فتح

يامن:فتح ع حوريتي ...حورية الجنة

فتح ع اجمل واحسن عطايا ربنا

وبحمد ربنا انه حصل كل الى حصل عشان يعرف ان اختيار ربنا  
دايما الاصلح

حور(هتبتدي تبكي تاني)يامن روحى رايحه وياك

يامن:تسلملى روحك ي روحى انا ، شهور وارجعلك ي سكنى

حور:الشهور هتعدى سنين ي يامن ،والله م اقدر استحمل

يامن: عشان خاطرى مش مستحمل فراقك ولادموعك

خلاص عيادتك بتتجهز

وهبعت دفعه اول م اوصل عشان تخلص تشطياتها

وهتنزلى لشغلك وحياتك هتتملى

حور(قطعت كلامه) ولو حياتى كلها مليانه زيته وهيصه وشغل  
وناس

فانا لوحدى من غيرك

مسكت كف ايده باسته من جوه

يامن: هسيبك قلبي وروحي هنا، وهروح جسد وبس

عمرك م تكونى وحدك ي سكن

حور:(مبتسمه) قالو الشيخ وحش وحياته مقفله وحيزهق اى حد  
يرتبط بيه

بيجو يشوفوا هديه ربنا ليا

ان الشيخ ده انسان عنده قلب كبير كله حب وخوف

بيخليه للحلال والى بيعشقه بياخد كل المخزون ده

يامن(ماسك وشها بايده وباسها بوسه طويله)بحبك..

حور:مش اد حبي لك، تروح وترحلى بالسلامه

يامن: باذن الله راجعك ي سكنى ووطنى ...هتغرب عنك ي حور

لا اله الا الله



خارج من باب شقته ومعاه الشنط وهى وراه نازله عالسلم  
قبل م يوصل لشقه اهله ندهت

حور: يامن !

يامن انتبه وطلع لها جرى لهفة عاشق وحضنها اوى وهو  
بيحبس دموعه

وهى بتنهار عياط فحضنه

وبالشديد القوى سابوا بعض ونزل مع اخوه يوصله

العربية منتظراه تحت

طلعت حور ملهوفه ع سريرهم ومسكت هدومه الى لسه مغيرها  
تشم ريحته

وتعيط وتدعى ربنا يرحلها بسرعة ..وبالسلامه !

#بقلمى\_نوراسماعيل



"ماشاء الله عليكى ي الاء مبتتعيش"

الاء : (بتضحك) وهتعب ليه شغلى ده بحبه وابنى معايا وولاد كثير  
بحبهم

امل (مرات ابن خال الاء) لا مبقصدش ، بقصد انك بتتحركى هنا  
وهنا عالميسات والدادات  
وبتشوفى الاطفال مفيش حاجه معملتيهاش ومفيش حاجه  
موقفاكى

الاء: اهو بعوض وقتى وبنبسط وبغير جو ، اسمع لعبهم او  
ضحكهم  
وضحكة محمد ابنى بالدنيا  
بينسونى الهم فعلا

امل: الهم انتى لسه صغيرة عليه ي الاء ، الدنيا لسه قدامك

الاء: قدامى ازاي بس ... (ضحكت بسخريه وهى بتبص عالاطفال  
وهى بتلعب)

امل: ع فكرة فعلا لسه دنيتك قدامك  
طب ايه رأيك .. متقدمك عريس

الاء: ايه ؟!

امل(مبتسمه)اه والله متستغربيش ، لما جيتى اخر مرة انت وطنط  
شافك عندى  
ابن عمى ...شاب يشرح القلب  
طول بعرض  
مدرس رياضيات فمدرسة ثانوى  
شافك واتهبل ...وع فكرة هتبقى انتى اول بخته  
مسبقش له اى ارتباط

الاء(مكشره)ايه الى بتقوليه ده ي امل

امل:بقول الى سامعاه،ومتقلقيش عرف بكل ظروفك ومتقبلها  
وموافق ع انه يبقى بابا لمحمد ورحلة علاج رجلك هيوقف جمبك  
وهيكون...

الاء(قطعت كلامها)ومين قال انى عاوزة اب لمحمد او عاوزة  
راجل فحياتى اصلا يصاحبنى رحله علاج

او اى شئ

محمد ابنى باباه موجود ...وانا مبفكرش فراجل ولا عاوزة ارتبط  
بعد ابو ابنى

امل (بخيبه ظن) ي الاء بتتنشفى دماغك ع ايه

الاء: عشان دى حياتى وانا حره

امل(بسخرية)ةانتى بقا فاكرة ان فرصك كثير وهتتعوض مثلا!

بنات البنوت مش لاقية جواز دلوقتى عشان تتشرطى

بقولك عريس ممتاز

الاء(اتضايقت منها)بصى ي امل الخلاصه

انا لايتشرط ولا زفت

انا عاوزاكم تسيبونى انا وابنى فحالنا...ممكن!

امل استغربتها وعوجت شفايفها واستاذنت منها ومشيت ..

فضلت الاء مكانها ساكته ،طلعت البورتفلى بتاعها وطلعت صورة

محمد جهاد

وكلمته فيها

الاء: يمكن انت خونت عهدى ...بس انا عمرى ك هخونك

حتى لو جوايا كسر منك...فهتفضل ابو ابنى

وحبيلبي...

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

"انا كويس حبيتى طمنيى عليكى انتى ، اهو بعمل الغدا بتاعى"

نهلة:بتحضر ايبه

طه:ال فاهيتا الى علمتيهالى دى (بيطبخ وساند الفون)

نهلة:انا هنا عملتهم حته اكله

طه(مبتسم)ي جاالامد ، عملتى ايه

نهلة:ورق عنب وجلاش بالجبن ولحمه فالفرن

طه:لا كده انا هسيب دبي وجايلك ع اول طيارة

نهلة (بتضحك) هتيجى عشان الاكل مش عشانى هاه

طه: ودى تيجى ده عشانك نسيب كل حاجه ي قمرى

نهلة:انا مبسوطه بينهم هنا اوى ، حاسه انهم اهلى بجد

بيحبونى وبحبهم من قلبي

طه: عشان انتى طيبه وفيكى خير ي حبيبتى حبوكى

نهلة: عاوزة استاذنك بس اروح لهور ، اسافرلها  
بعد م جوزها سافر هي نفسيتها وحشه  
زائد ان لحد الان باباها مخبي انه طلقنى وانى اتجوزت  
عاوزه اقولها الحقيقه منى ليها كده

طه (اتضايق) اكيد هترعل عشان ده باباها

نهلة: لا لا متقلقش هبتحبنى وعارفه استحملت اد ايه مع باباها

طه: ماشى ي نهلة زى م تحبي

نهلة: يومين وارجع اصلها وحشتنى اوى وكل يوم بنتكلم بتصعب  
عليا

طه: تمام

نهلة: هسيبك بقا ي حبيبي

طه: ماشى خدى بالك من نفسك

قفل طه مع نهلة وكان داخل محمد جهاد بشنطه من السفر  
وحسين راجع من شغله فنفس الوقت  
جرى يرحب بيه طه مبسرط

طه: الكوتش (بيحضنه ويبوسه) ولا العريس

محمد جهاد: بس عشان انت واطى وعرفت من ايهاب انت كمان  
اتجوزت  
ولا عزمت

طه: والله م عملت فرح ده جت كده ويدوب كتبنا الكتاب بس  
وسافرنا انا وهى

محمد جهاد: عالعموم ياعم الف مبروك  
كلهم هنا

طه: اه الكل م عدا سينو مع ان اول واحد فيكم اجازته خلصت  
معرفش

ليه مجاش بيعتله مش بيرد

ايهابطالع من اوضته ببدلته طالع عالمطار ..

محمد جهاد: ي كابتن (بيحضنه ويبوسه)

ايهاب: مبروك ي عريس ...

محمد :ايه راجع رحلة ولا ايه ملحقته اشوفك

ايهاب: جاى تانى متقلقش ،المهم ابقوا اسالوا عالواد مارسلينو

طه:مالو

ايهاب:مش عارف بكلمه مش بيرد ،تابعو كده لحد م يرد لحسن

يكون حصل حاجه عنده

طه داخل يشوف الاكل بتاعه ،لقى حسين بياكل فيه

طه:ايه ده!

انت بتاكل فاكلى ؟

حسين:(بياكل)اه فيه ايه ،م انتو بتاكلوا سوا وبتعملوا اكل لبعض

جت عليا يعنى

وبعدين انا جاى من شغلى ميت من الجوع



طه: هو انت جبله مبتحشش ي شيخ ايه الرزاله دى (شال الطبق  
من قدامه)

\*من بعيد\*

محمد جهاد: (بيبص عليهم) روح شوف فيه ايه عشان الشئ ده  
انا ماسك روحى عنه بالعافيه

ايهاب: انت يابنى ... انت يابنى

فيه ايه

حسين: هو عامل كل الهوليله عشان اكلت من طبقه حبه كنت  
جعان

طه: حبه ايه خلصتهم منك لله ونازل ع شغلى ومعديش وقت  
اعمل تانى

حسين: حصل ايه يعنى النبي موسى ع سابع جار واحنا فنفس  
المكان

وبيبقى حلوا تاكلوا سوا لكن انا ابن كلب

ايهاب (اخذ نفس عميق) ي حبيبي... ي بابا... ي سيدى

م تعمل لروحك اكل



حسين: بقولك ايه متغلطش (مسكه من هدومه)

طه(ببمسكه)بتمسك مين ي عيل معفن وقبحه انت

ايهاب(ببفصلهم)ولا ي اسمك ايه انت ،انت تمشى من هنا اقسام  
بالله

ده انت برمبل نطاعه ماشى عالارض  
غلطان وبتضرب !

حسين:انتو كل واحد يغلط شوية اكمنى ساكتلكم يعنى انا كفاءه  
ليكم كلكم بس بنفض  
حتى بابو عضلات ده الى مفكر نفسه حاجه

محمد جهاد سمعه وطلع من اوضته جرى وساب فونه عالكنبه  
وهيمسك فيه

محمد جهاد:انا دلوقت هعملك سمبوكسه فوشك تخليك لما تشوفها  
تفرح بشبابك

ايهاب:بي محمااااد اصبر ده عيل معفن وببستفزنا عشان نغلط

حسين:الى عندك هاته ي فاندام

محمد جهاد(عاوز يضربه)مانا هوريك متقلقش

\*يامن داخل من شغله لاقاهم كالعاده جرى عليهم\*

يامن: لاحول ولاقوة الا بالله عالمشهد الى بيتكرر كل كام يوم ده

ي جماعه مش كده

احنا كبار ميصحش

محمد جهاد: واكل اكل طه و غلط فايهاب وفيا يبقي يتربي ولا

ميترباش

يامن: ي حسين بتجر شكل ليه طيب

حسين: انا حر واعمل الى يعحبني

طه: مع نفسك متفتش ع حاجاتنا ده ايه ده

ايهاب: اسمع يا ض عشان كلنا جبنا اخرنا منك ، هنتلم امين

مش هنتلم

هنلبك كلنا علقه ونكتفك وهنطلعك حرامى ونرحلك فالآخر

\*فون محمد جهاد مرمى عالكنبه بيرن ومعمول سايلنت\*

حسين: ليبييه البلد مافيهاش قانون !

محمد : اه فيها قانون ام شلتوت قبل م تفيص وتموت، هعدمك  
العافيه ياض

حسين: متقدرش

يامن: بطل مقاوحه وعدى الايام فسلام حرام عليك  
بالله عليك ي محمد روح دلوقت ،وانت ي طه يدوب تلحق شغلك  
ومعلش ي ايهاب هنتاخر ع رحلتك شكلك  
يلا كل واحد ع شغله ،الله عدوها مرة الواحد تعب

مشيوا وسابو بعض بعد كلام يامن كرامه له ،وعدى حسين جمب  
الكنبه الى مرمى عليها الفون  
وبص لقي رضوى بصورتها بترن !

كان محمد بيشرب ميه فالمطبخ

مات فجده من الرعب ،جرى ع اوضته  
رضوى تعرف محمد منين ؟  
ويبقوا ايه لبعض

طب تكون قالتله ع اى حاجه ،قعد فمكانه زى الفار المبلول  
وقرر يحترم نفسه من هنا ورايح معاهم ،عشان متحصلش  
فالامور امور

وتيجى الطوبة فالمعطوبه..

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

بيفتح باب الشقه...

وداخل ايهاب لقى المشهد قدامه كالاتى

بورترية كبييرة بصوره هو وايه فالهونى مون ،كبيرة وثغيرة  
وع شكل كارتون  
متعلقه فكل حتة

ومكتوب بالسيفر ع لوحه "انت حبيبي ي سيد الرجاله"

ايهاب واقف من المفجاة فاتح بوقه وبس ،طلعت ايه لابسه حاجه  
منتهى الدلع والشفشى 😊

جريت عليه وحضنوا بعض وغرقوا فكريزة بوس لبعض بلهفه  
ورا بعض لحد م مال بيها عالارض ووقعت ووقع عليها

ايهاب(بحنيه)ايه ده!

اية:ايه ده ايه (بدلع)

ايهاب:ايه الحجات الحلوة دى ...ايه الى انت شايفه ده

ايه الى بيحصل ده

ايه:ايه الحلاوة دي ايه الطعامه ايبويه

•ضحكوا الاتنين قام وقومها من عالارض\*

ايهاب:عملتى امتى كل ده وجاتلك الافكار منين

اية: بص انت بتسيبلى مبالغ بالهبل مبعرفش اعمل بيهم حاجه

قولت اعمل حاجه ليك تسعدك

وفنفس الوقت كل مرة هتلاقى مفاجئات زى كده

ايهاب:طب ايوسك ولا اعضك ولا اكلك اكل ولا اعمل ايه

اية:حبنى(بصاله فعيونه)

ايهاب:اكثر من كده قلبى قرب يفرقع

اية:بعد الشر يارب انا وانت لا

ايهاب:بعد الشر عنك حبيبتى...انا بيعت الفلوس تجيبي حاجه

ليكى وللبنات  
تحبيبي الى نفسك فيه

اية: انت كل الى نفسي فيه  
تعالى

اخذته من ايده للحمام

اية: ع بال م تاخذ دوشك العشا يجهز ،وبعدها ف لعبة محضر هالك

ايهاب: اوعى بقا

اية: اوعى بقا

ايهاب: هات بوسه بقا

اية: لا استنى بقا

ايهاب: ليه بقا... قلبي يزعل بقا

ايه: سلامة قلب قلبي بقا (باسته خطف وزقته للحمام الى جاهز  
ومتعطر وكل حاجه تمام التمام)

ع بال م خد الدوش و طلع



قعد عالسفرة

ايهاب:والى عاوز ياكلك انتى

اية:انت تحت امره وبتاعته وملك ليه...بس يدوق عمايلى عشان  
يجهز للعبه(غمزتله)

ايهاب:(رد الغمزة)ي معلم!صدقينى اى ان كانت هتتقطعى

اية:هههههههه

اكلوا وقام غسل ايده ،ودخل اوضتهم الى مالياها شموع بريحه  
وورود

وصور تانى فيها عملتها ليهم

اية:بص ...دول عشر ورقات فيهم مكتوب كل جزء فجسمك

ودول عشرة فيهم كل جزء فجسمى

ودول عشرة فيهم اوامر

ايهاب(منتبه)يعنى ايه اوامر

ايه:خد اقرا (ادتله ورق كان بيقرأ ومبتسم وع واحده منهم ضحك  
بصوت عالى)

ايه:هتسحب ورقه من الاوامر وورقه من اجزاء جسمى وتشوف

تنفذ الامر

فهمت !

ايهاب (بيضحك) فهمت جدا ، عرفتها منين دى  
ده انتى مش ساهله

اية (بتضحك) عرفتها وخلص ، انا اساسا كل يوم بصحى واقول  
هسعدك ازاي انهاردة  
يلا نبدء

ايهاب: يخليكى ليا يارب ... يالا

سحب ايهاب اول امر وطلع لطشه خفيفه عاخذ  
عملها سحبت هى وطلع قرصه فكف الايد  
هى تسحب وهو يسحب ويضحكوا عالاوامر وعالى بيعملوه، مرة  
تيجى حجات مش راكبه  
وينفذوها وهما ميتين من الضحك  
زى عضه فالشعر ، ومرة تيجى احكام صعبه وقضوا ليلتهم  
ضحك وفرفشه

ايهاب (بيسحب) واااو (بيسحب ورقه تانى) ايوة بقا !

اية: ايه طلع ايه

بيوريها ليها ومطلع لسانه ليها وبيضحك وهي اتفاجعت وقامت  
من عالسريير

اية:لا كله الاده

ايهاب:انتى الى كاتبه بايدك وانتى الى قولتى عالعبه والمصحف  
م اسيبك

قامت تجرى قام وراها

ايهاب:بت ي اية جرى ايه هو سبق  
اية:(خايفه)ايهاالب

ايهاب:ي حياة وروح ايهاب،لاف حمل ولايخزنون  
كان برد فالمعدة وراح لحاله  
هطلع عينك جرى وهنفذ الامر برضو

اية(مزنوقه فكورنر وبتضحك)ايهاب عشان خاطرى غير الورقه

ايهاب:نووووو ده انا م صدقت

رفع ايدها الاتنين للحيط ومسكهم بايد واحده



حور: لا ي حبيبي متقلقش مش مشكله ولا حاجه ... هو خبر يفرح  
اول م عرفته قولت ابلك بيه انت الاول

يامن: خير يابا شغلتي

حور: انا (مرتبكه ومكسوفه) انا هبقى ماما وانت هتبقى بابا وكده  
يعنى

يامن(وشه استبشر وابتسم ابتسامه عريضة) حامل ي بابا !  
مبارك مليون مبارك ليا وليكى  
يجعله ذرية صالحه يارب  
وسند لىكى فالدنيا

حور(مبسوطه) كان نفسي تكون هنا اول م عرفت عشان اشوف  
فرحتك دى  
واترمى فحضنك واشم ريحتك الى وحشتى

يامن: مش هغيب عنك ي سكنى باذن الله  
المهم انتى تاخدى بالك من نفسك ومن صحتك كويس  
ومتعبيش نفسك  
وناجل شوية حوار تجهيز العياده لحد م تستقر حالتك الصحيه

حور: حاضر ، هى ابله نهلة اصلا جاىالى تزورنى

وهتبقى معايا كام يوم كده

يامن:مرتاحة عندك يابابا ؟

حور:اه والله...طنط معوضانى غياب بابا ويمنى زى اختى بتطلع  
تقعد معايا ونسهر سوا

او اتزل انا تحت وبتشيل عنى كثير فشغل البيت  
الحمدلله ربنا هبانى بهبة اهلك وانت ربنا يباركلى فيكم

يامن:دول اهلك ي كل اهلى ، ربنا يريح قلبك وبالك وتقوميلى  
بالسلامه  
يانور عينى

حور (مبسوطه)بحبك ي يامن...بحبك ياجوزى وحببي وابو ابنى

يامن:وانا كمان ي سكن ووطن يامن...بحبك اوى

حور:هسيبك عشان مشغلكش عن شغلك

يامن:كل م الاقى وقت هتصل بيكى حتى لو كنتى نايمه اصحى  
وظمنيى عنك ي روحى

حور:حاضر حببي...ربنا ييسرك امورك

ويهيا لك كل مافيه الخير والصالح

يامن:واياكى يارب العالمين ،نستودعك الله حبيبتي  
مع السلامه

حور:سلام ي حبيبي فحفظ الله

\*قفلوا يامن وحو ولسه ع وشه الابتسامه الحلوة\*

يامن(فنفسه)احمدك ربي حمدا عدد الانفاس ...

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

بيحضر هدومه فشنطه وهو ساكت ، لاول مرة التكشيرة تكون ع  
وشه كده

لاول مرة يبقى ساكت ومش بينكت ولا بيألش ولا حاجه

بالراحه بتتحرك لينزى من العملية ،ودخلت له وهو بيحضر  
فنفسه

لينزى:مارسليانو ...

مارسليانو بيكمل الى بيعمله ومبيردش كانها مبيتكلمش

لينزى:فيه ايه ل كل ده ؟

مارسليانو:مفيش ...

لينزر:اقف هنا واتكلم معايا مش بكلم نفسي !

اكيد حزنك ع بنتنا مش هيكون اكبر منى

الى عاشت وكت معايا وشربت 6شهور

مارسليانو(بيتكلم بطريقة جدية) فعلا انا حزين عشان بنتى ماتت

بس مع يسوع هي افضل

وفالسما هي ملاك واحسن من هنا كثير

لكن انا مش حزين ع بنتى الى راحت ادم حزين عالست الى

اتجوزتها

وعاشرتها

وبينا عهد مقدس شهد عليه الروح القدس

وتطلع كل ده بتخدعنى

لينزى:ده مش خداع ي مارسليانو

مارسليانو(بعصبيه غريبه منه) ي سلام!لاغش وكذب وخداع



مشوفتنيش وانا واقف مذهول وانتى طالعه من العمليات  
وانا بقولهم لا دى مش مراتى...مراتى لسه جوه

لينزى :انا عملت كده عشانك

مارسلينو:عشانى ايه ؟ عشانى تعيشينى مع ست بشعه  
وتطلعى مركبه كل ده

قال مركبه سنان ولابسالى نضاره كعب كوبايه تخفى نص وشك  
وملامحك

وموصلالى حواجبها ومنعكشه ام شعرها  
ليه

ليه حركات المهرجين دى ؟ انا بلعب وياكى ؟

لينزر:عشانك ،انا ضحيت انى ابقى عروسه زى اى عروسه  
وافرح بجمالى واتجمل بزياده  
عشانك

ضحيت اخرج وياك وحشه وماتشافش عشانك  
ضحيت بليلة عمرى عشانك  
سمعت منك الى م يتسمع

مارسلينو:وايه كان غاصبك! ايه كان غاصبك تلبسي ضب ويطلع  
وانتى بتتالمى من ولادتك

ايه كان غاصبك تلبسي نضارة معفنه فوشى ليل ونهار وتتعمى  
ايه كان غاصبك ع ميكياج وشك لتصويرك بشعه  
مين قالك تعملى كده

لينزى (بالم) انت

مارسليانو: انا!

لينزى: انت يالى بتجرى ورا المنظر وبس طول الوقت  
انت الى بتشم ريحه الجمال من ع بعد كام ميل

مارسليانو: انا حري ستى وده يخصك ف ايه

لينزى: يخصنى انى حبيتك من سنين وانت متعرفش، لورانس  
مرات اخوك  
انتمتى

كانت بتحكيلى كل حاجه عنك ، وكنت متابعه اكونتك  
وحكتلى مصايبك

لحد م فيوم وصلت ان كذا بنت من بتوعك عملتلك شكوى  
فالكنيسه

وكان هيتاخذ اجراء ضدك

باباك عرف

واهلك كلهم ، خافوا عليك

لورانس قالتلى

قولتلها هفكر وهحلها لكم... وفكرت ففكرة انكم مديونين ولازم  
نتجوز

دى الطريقة الوحيدة الى تغصبك ع جوازى

مارسلينو: واتغصب ليه ع جوازك ، انا لو شوفتك كنت دوبت  
فجمالك ده من اول لحظة

تكادى تكونى اجمل بنت عرفتها

عملتى ليه كده

لينزى: مكانش ينفع تعرفنى بشكلى ده، كنت كالعاده هتفرح  
بجوازتنا

ويوم والتانى وتقلبنى زى زيهم

لكن انا كان لازم اعرفك الجوهر

لازم اعرفك تتعامل مع الينت ع قلبها مش شكلها

ع روحها... مش شوية روج وبودر ولبس قصير

كان لازم غصب عنك تتعامل معايا بشكلى ده عشان تنساه وتبص  
لروحي

(بحسرة) روى الى حبتك من قبل م تتعامل معاك

بكل غلطاتك وقرفك وبلاويك

بتفاهتك

بحتى شكك المخبط والى انت شايف انه مش عيب  
لكن عيب ان البنبت تبقى وحشه وبشعه زى م بتقول

انا كان نفسي تعرف لينزى وتعاشرها ع انها انسان  
انا شوفت لهفتك عليا وانا بولد مش فوقتى وفيه خطر  
فرحت من قلبك وشكرت يسوع انى حسيت اخيرا الفرحة دى منك  
انك بجد بقيت تحس بيا وتتلهف عليا  
انك بدات تحبنى لانى انا زى م بحبك مش عشان انا موزة!

مارسلينو: ومبسوطه بانتصارك!

كسبتى معركتك

لينزى: ليه بتقولى انها معركة؟

مارسلينو: لما واحده داخله بخطه ع واحد هتجوزه وشغاله بقا

تشوف هتقتحمه ازاي

وترتب قبل مجيه عشان تعمل الهبل ده فوشها عشان تظبط  
الحكاية

واهل متفقين معاها وساييبنى عايش فقرف ومرار وهى تقدر  
تغير كل ده

لكن كان لها هدف

ومستنيه تحصل عليه لولا م تنزل الستارة عشان نسقلها

ونقولها هايل  
عرفتى تربيته الولد الوحش الشقى بتاع البنات  
عرفتى تلميه

لينزى: انا كنت عاوزاك تحبنى

\*واخد شنطته وطالع\*  
مارسلينو: احب واحده بتغشنى وبتمثل عليا عشان تعلمنى الادب  
وع فكرة  
حربك خسرانه ي مدام  
عشان انا هرجع للى كنت فيه

لينزى: معايا سكرين من كل حد وكل حاجه كنت بتعملها، ولافاكر  
انى معرفش  
مارسلينو: اعملى الى عاوزاه والكون كله متاحلك... عاوزك  
تحبسينى ي لينزى

\*فتح الباب وطالع\*

مارسلينو: عالقل فالسجن هلاقى ناس ع طبيعتها هناك... مش  
زى هنا

سابها وخرج وهى واقفه مكانها ،قعدت تبكى لوحدها  
كان صح ولاغلط الى عملته  
كان فصالحها ولاصالحه...هى متعرفش دلوقت غير انه  
جه بنتيجه عكسيه  
هل هتستسلم ولا تكمل؟

#بقلمى\_نوراسماعيل



صورة مشبكين ايديهم وهى واقفه وراه بتضحك وهو واقف قدام  
وباصصلها من الجنب  
بالابيض والاسود!

محمد . جهادفاتحها ومركز اوى ع الاء وبصتها وضحكتها ولون  
عيونها الى بيقلبوا ساعات بلون النيل  
لما تفرح

وشبكه ايديهم فبعض .

لسه الصور كلها عنده من يوم م شافها مش بس من يوم م  
خطبها

لسه كل حاجه حكو فيها سوا فباله

لسه كل الى بينهم موجود ...بس فالذكريات



الام:يلا البسي ومنتلكعيش ع بال م البس محمد

الاء: ي ماما لاعاوزه اروح ولا اجى

الام:عيد ميلادك وعاملينه البنات المدرسات فالحضانه بتاعتك

نكسفهم

الاء:انا كنت خلاص هقولهم انى مش فاضيه اليوم ده

الام:ي بنتى اخرجى من حبستك دى وشوفى الناس

حياتك مش كلها شغل ومحمد ابنك

الاء باصه لمامتها فونها رن ،بصت لاقت رقم محمد الدولى الى

مفيش غيره بيرن

الاء(باصه لل fon)طب ي ماما لبسي محمد وانا هخلص واطلعلكم

مامتها طلعت ...حريت بكرسيها الاء قفلت الباب

وردت ع محمد ....

الاء:الو

محمد جهاد: كل سنه وانتى طيبة ي لؤلؤ عيني

الاء:.....



محمد جهاد: عمرى م هنسى اليوم ده ي الاء ولا انساكى  
الاء: لازم تنسانى وتنسى اليوم وكل حاجه بينا  
انت خلاص اتجوزت وليك بيتك ومراتك  
والمفروض انك تفكر فيها هى

محمد: بالسهولة دى والى بينا ي الاء  
الاء: افكرلى من الذكريات الاسيه ...  
محمد: يعنى انتى نسيتى  
الاء (قلبها موجوع) مبقتش اخص ي محمد نسيته ولا لا  
محمد: انتى بتكديبي  
انتى لو عاوزانى انسى مترديش عليا

الاء: محمد ...متصلش بيا تانى وملكش دعوة بيا نهائى  
فيه ست ع ذمتك مالهاش ذنب

محمد: اعملك ايه تانى عشان تسامحى ،انا لسه بحبك  
راضيكى ذللى  
هاين عليكى تعبي

الاء: (بتسمح دموعها الى نازله) فين محاولاتك عشان اسامح  
مجرد تليفون كل فين وفين لما جرح قلبك ع فراقنا يوجعك

دورت عليا

منعت روحك تنطقها انتى طالق حتى لو دبحتك عشان تقول  
فتشت عليا الدنيا عشان مهما حصل متسبنيش وحدى بعدك انت  
وبابا

احنا كنا متجوزين بجد ي محمد

مفكرتش هعمل ايه فالمصيبة دى بعد م ماما عرفت وعينى منها  
فالارض

ولاقولت خلاص بقت عاجزة ومش هتفكر فجواز  
ولاحتى عشان عجزى رفضت انهيارى فطلب الطلاق وخرست اى  
لسان اذانى

وصممت عليا ودخلتني بيتك ملكه

لكن انت بكل برود بتتصل لما الحنين يوجعك

بتتصل تقول كلمتين تطفى نار شوقك ليا

لكن قصاد كده سيبتنى ومشيت وطلقت وروحت سافرت وشوفت  
حالك

وخطبت واتجوزت

ولسه بتسمع من اهلك وبتسمع وبتسمع

الى اكيد هما ورا جوازك لانك لسه بتحبني

بس حتى دى مش عارف تقولهم لا...سيبوني فحالى

محمد جهاد: انتى مصدقه نفسك انك مطلعانى غلطان فكل حاجه  
كده

الاء:ايوة انت غلطان وغلط مفيهوش غفران لانه عميق  
وانا مش عارفه اسامحك ولا انسي  
طلع كل حبك كلام ي جهاد والفعل قليل  
والبنت مننا بتحب الى يعافر عشانها مرة واتنين وتلاته ومليون  
ويقولها انتى غاليه  
الا انتى  
مش هسيبك  
مش هتمشى

محمد جهاد:مستعد اتصلح  
الاء:وانا مش مستعده لاي شئ يتعاد معاك من تانى ي جهاد ،دى  
اخر مرة تتصل بيا فيها  
ولو اتصلت مش هرد  
عشان حق مراتك الغليانه دى مبيقاش فرقبتى

\*وهى بتتكلم دخلت مامتها شايها ابنها\*

الام:خدى الواد مغلبنى من الصبح ع م لبسته شوفيه عاوز ايه

\*قفلت بسرعة الاء عشان محمد ميسمعش\*

محمد سمع طرايطيش زى م يكون خدى ابناك او ...سكت  
واستغرب

يبقى كلام اخته صح

محمد (بينه وبين نفسه)الاء اتجوزت عشان كده قلبها قوى !  
طب بالسرعة دى خلفت كمان...ياااه مخدتيش وقت ع جرحك  
يدبل ي الاء

وتتسي الى كان بينا

وانا الى تعبان عشان هبدء حياة مع غيرك حتى لو مبحبهاش  
عندك حق دى اخر مرة هكلمك فيها،ملكيش مكان فقلبي بعد  
انهارده!

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

ستاير ومفارش بتتلم وبتتخط فالغساله ،اضافت المسحوق وشغلت  
التايمر وقعدت..

رضوى: ستى اهى ماشيه...لسه مموتش

نوران (عالفون):فيه ايه بس ي رورو روقى كده ..ده انتى حتى  
عروسه

رضوى(بسخرية)عروسه! بس لحسن حد يسمعك يضحك

عروسة ايه ده كانت جوازه عالماشى كده

نوران: ي رضوى متخليش حبك لحسين يهد حياتك الجديده

رضوى: طب والله ي نوران انا مش بسبب الى فات ، انا عمرى م  
هكذب عليكى

بابا وكان عاوز يخلص منى و م صدق ييجى حد مناسب وقريبي  
وجاهز

قال يشيل

وانا كنت عايزة اخلص وانسى وابدء بجد

والله كانت نيتى انسى بقا واعيش واعرف اتعايش

يطلعلى الخازوق الكبير

نوران: ايه؟ اظن حماتك تبقى خالتك وحنونة

وجوزك انتى قولتى كويس ومش بيزعق وياكى ولا حاجه

فيه ايه

رضوى (اتنهدت) محمد جوزى... لسه بيحب خطيبته القديمه

نوران: لا! ازاي عرفتى

اكيد بيتهيالك

رضوى: بيتهالى ! انا سمعته بصوته ورعشه كلامه  
كل حرف بيقول انه بيعشق تراب رجليها

نوران: يالا هوى سمعته؟ وهو عرف  
يعنى هو لسه بيكلمها

رضوى: معرفش بقا، بيكلمها مبيكلمهاش  
انا بس عاوزة اعرف مدام بيحبها التجوزنى ليه؟  
وسابها ليه

نوران: يووووه ع حظك ي رضوى، بزعل عشانك اوى ي حبيبتى

رضوى (هتبتدى تبكى) كنت بدات اعود روى ع راجل بجد  
وهتجوز وهبكونلى بيت وولاد  
كنت بدات اقول لى نفسى فوقت هنقرب انا وهو وهيبقى حبي الى  
فالنور

وبالعشرة هنكمل حياتنا كويسين

يوم دخلتى اتصدمت بيه !

ده قالها انا خونت عهدك ، طب ليه يظلمنى فجوازه من غير روح  
كده

نوران: رضوى متستلميش... خليكى ورا جوزك

اعملى كل حاجة تخليه ميشوفش غيرك

رضوى: هو لسه بيحبها

نوران: بس مشيت واتجوزك انتى ، اتدلعى عليه واسالى عنه

كل شويه

حاوطيه باهتمامك

غيرى من شكك كل اجازة له وشكل البيت

هاتى حجات اعمالها سوا

اخرجوا

اتكلمى معاه كتير ، متسيبهوش لسكوته عشان مفكرش

لو زعلك انتى الى راضيه

مرة ع مرة هيدمنك انتى ووجودك ، وهى تروح لحال سبيلها بقا

رضوى: تفتكرى ي نوران ؟... انا والله عاوزة اعمر مخربش

وعاوزة ربنا يسامحنى ع كل الى غلظته زمان

وابتدى ع صفحه بيضا

نوران: طالما نيتك خير ان شاء الله هيسامحك ، ومتستلميش

قولى وايه يعنى انا الى هكسب فالآخر

وبكرة تقولى نوران قالت

رضوى: يارب ي نوران يارب... ادعيلى

نوران: بدعيلك ي حبيبتي من غير م تقولى ... ربنا يسعدك ويريح  
بالك

رضوى: يارب

#بقلمى\_ نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

"مين فالحمام، فيه حد؟"

حسين (من جوه) خلصت دش وطالع

طه: خلاص هطلع الى فوق

حسين: لا طالع اهو

\*دقيقتين وطلع حسين ودخل طه وبعدين طلع وقعد فالريسبشان  
جمب حسين\*

حسين: ليه الحزن والسكوت مخيمين كده

طه (بيص لحسين) يامن وجه نام

ومحمد برة

وايهاب لسه مجاش والوحيد الى بيعرف يطلعنا من الجو

مارسليو وده راجع حزنه مالميه بنته مكملتش يوم وماتت



عاوزنا نبقي ازاي

حسين سكت وبص للارض

حسين: عارف... انا عارف انكم مش بتحبوني  
وان كل واحد فيكم جواه لما بيشوفنى بيقول حاتك داهيه فتقل دمك  
م عدا يامن عشان متدين ف مش بيحب يشيل ذنب

\*طه بصله وضحك\*

حسين :بتضحك! انا مش وحش والله انتو الى بتستفزونى  
طه:يابنى انت الى مستفز ، يعنى تاخذ اوضه ايهاب فالاول  
وتدخل محمد القسم  
وتطلب له الشرطه وتاكل اكلى كذا مرة  
وتغسل ع مارسلينو  
بذمتك مين الى رخم وبيستفز مين

حسين:ياعم انتو عشان واخدين ع بعض وعارفين بعض من فترة  
مستقلنى

طه:ع فكرة محدش فينا عرف التانى الا هنا ،مش فمصر  
كلنا حصل بينا مشادات فالاول  
يعنى مخدناش بعضنا ع حب



حسین: عروسته منین ؟ قصدی اتجوز فین  
طه؛ اتجوز فاسکندریة بلده ایه الی اتجوز فین  
حسین: لا بقصد هو ومراته من نفس البلد و لا من حته وحته زی  
یامن

طه: انت عاوز توصل لایه ؟  
شغال تسال لیه کتیر فال موضوع ده

حسین(قلق) یا عم ولا بسال ولا حاجه انا بدردش معاک عشان  
تاخذ علیا

قام حسین و طالع اوضته ، من یومها هیموت و یعرف رضوی تبقا  
ایه لمحمد  
قربیته ولا مراته ولا اییییه؟

#بقلمی\_نور اسماعیل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

فشقة ایه وایهاب ...

كان فيه تلاقى جماعى كبيير وحافل م بين كلا من  
بسمه وهبة وایه وایهاب ،،، وبرنس ریم !

بسمه: عمو ایهاب بنوتك حته من القمر ماشاء الله

اية(شايلها) هى مسكرة اصلا (بتبوسها)ياناس عاوزة اكل حته

ايهاب: انا مصدقتش انها من اول مرة تاخذ عليكم كده

هبة: هى حلوة اوى ي عمو ومش شبهك

اية(بتبوسها)لا واخده الغمازات

بسمه: اعتقد شبه مامتها

\*اية اتضايقت وبصت للارض،ايهاب،لاحظ\*

ايهاب: هى شبه نفسها ،هى قمر لوحدها(اخذ ريم وقعد يبوس هو

كمان فيها وهى تضحك)

اية:ربنا يخليها لنا ي حبيبي وتشوفها احسن الناس

ايهاب: ونجيب لها اخوات حلوين منك ي قمر (باس اية فخدتها)

هقوم انا بقا ،عشان الحق اودى ريم لتيتها انهاردة هتبات وياها

واطلع اعمل كام حاجه كده قبل رحلتى

بسمة:ملحقناش نقعد معاكم طيب

ايهاب: انتو هتقعدوا هنا ... اوك وبكرة تروحوا البلد مع خالتكم  
هبعلكم اوبر يوصلكم للبيت

هبة: ماشى ياعمو تروح وتيجى بالسلامه

بسمه (بصوت واطى لايهاب) عمو كنت عاوزة اكلمك فموضوع  
كده (مبتسمه بكسوف)

\*اية من بعيد\*

اية: ملاحظة ان ف اسرار هاه ...

ايهاب (لاية) اطلى منها ي خالتو ، (لبسمه) لما اجى نحكى بقا  
نسكافيهك ومجك وفالفراندا اشطا ي شبح (غمز لها)

بسمه (ردت الغمزة) اشطا ي كبير

\*خارج وماسك فايده ريم\*

ايهاب: خدوا بالكم من نفسكم

اية(بلهفه جريت عليه) حبيبي خد بالك من نفسك

ايهاب:سايبك مبلغ فالفيزا

اية:مش عاوزة فلوس عاوزة سلامتک ،امتى خلتنى محتاجه حاحه

ايهاب: كنت عاوز اتكلم معاكى فحوار بس خليه لما ارجع

اية:ماشى ي حبيبي تروح وتجلى بالسلامه (باسته فخده وهو  
باسها بعدها فماغها وع ايدها)

باست ريم وسلموا عليه البنات ومشيووا ...

وصل ريم لمامته وطلع بعربيته ع مشاوييره،وقالطريق هى معاه  
عالفون مسابتهوش

ايهاب:اكيد موضوع بناتى وحابه تحكيه ويايا ي اية

اية:بس اول مرة بسمه تخبي ومتجريش تحكىلى اول واحده

ايهاب:المره دى حبت تغير هى ي ستى وتقولى انا

متكبريش الموضوع

اية:بس انت هتقولى مش كده

ايهاب:لا (بيضحك)




اية:ايهاب فيه ايه

\*صوت فرامل مرة واحده على ودربكه والمكالمه قطعت\*

اية:ايهاااااااااا!!



#بقلمى\_نوراسماعيل



ايهاب:لاشكله يهون اهو انا مش مصدقك ي يويا

اية:عمره م يهون ي حبيب يويا

ايهاب:(مركز فالطريق)ثوانى ي اية ، (لسواق عربيه جمبه)فيه

ايه ي حبيبي

مبرشم ولا ايه

اية:(قلقت)فيه ايه ي ايهاب

ايهاب:انت يبنى ...انت ي حمااااا داخل فين يخربيتك



اية:ايهاب فيه ايه

\*صوت فرامل مرة واحده على ودريكه والمكالمه قطعت\*

اية:ايهااااااب!!

\*دخلت بسمه ع صرختها اوضتها \*

بسمه: خالتي مالك

اية(دموع ع عيونها وشكلها مخضوضه) فيه ايه (بتجرب تتصل  
تاني)

ابوس ايدك رد وافتح التليفون

ي ايهااااب

بسمه:فيه ايه فهميني طيب

اية(بتعيط) كان بيكلمني وفجاة زعق وسمعت فرمله والخط اتقطع  
وفونه اتقفل

هموت قلبي هيقف

بسمه:استنى طيب اهدى هجرب اتصل انا

\*بتتصل بسمه برضو مققول ،فضلت كذا مرة لحد م فقدت الامل  
وقعدت تهدي خالتها وخذتها  
فحضنها\*

بسمه:والله هو كويس ...اهدى اكيد فى خناقه مثلا مع الى زعق  
وياه  
او فونه فصل وشويه يشحن ويتصل

اية بتعيط ويتمسح ع شعرها ومتوترة شغاله تتهز مكانها بحركة  
لا اراديه

فضلوا عالحال ده لحد م الفون ادى مسج ،جريت تفتحها لاقت  
فون ايهاب اتفتح  
اتصلت ع طول

اية:يامنت كريم يارب،الو ي ايهاب

الظابط: الو ايوة ي فندم  
اية(بقلق)ايوة مين حضرتك

الظابط:الاستاذ ايهاب عمل حادث عالطريق وانقلبت عربيته  
واتنقل ع مستشفى .....

واحنا دلوقت بناخد بياناته هو و لسه فاتحين موبايله نعرف  
نوصل لحد  
من اهله

اية(بتلطم )حصله ايه ...قولى حصله ايه  
الظابط:ي فندم اتفضلى روحيله ع عنوان المستشفى حضرتك  
زوجته

اية قفلت فوشه وجريت عالذولاب مجنونة

بسمة:هتروحي فين دلوقتى  
اية:فستين داهيه (بتطلع هدوم زى المجنونة)ده جوزى وحبيبى  
وعمرر  
اسيبه  
ده حياتى تفداه

بسمة:طيب ممكن تتلاقى بمراته هناك اهدى نفكر

اية:انا مهم عندى اتظمن عليه ،اشوفه قصادى  
بلا مراته ولا زفت ...اوعى

زفت بسمة ولفت طرحتها عالسلم وتزلت شاورت لاول تاكس !!

بسرعة بتجرى بلهفه جوة المستشفى ،سالت عن اسمه اتقال هو  
فين

دخلت له مغمض عيونه

ودم فوشه

وهدومه وبيقلعوه

اية(بانهيار)ايهاااب...قوم ي حبيبي

قوم ي عيونى...قوم ي ايهاب

الدكاترة:اتفضلى ي مدام برة

اية:لا قبل م اتظمن عليه ، او عوا محدش يطلعنى(بصريخ)ي

ايهااااب

ي ايهاااب رد عليا

خرجوها بالعافيه وقفلوا الباب وهى شايفاهم حاطوه ع كام جهاز

وكشوفات كتير

وبعدها

طلعوه ع اوضه تانيه ومنعوها تروح وراه ،ومحدش بيرد عليها

ماله؟

عياط وانهييار وتقطيع فطرحتها هتموت خلاص  
من كتر التعب قعدت عالارض تعيط زهى بتقول بلا وعى

اية: يارب ... يارب خدت كل حبايبي عندك

كلهم مش باقى ليا غيره

ماليش فالدنيا غيره

طب خدنى انا يارب وبلاش هو ، طب بلاش نومته دى وجعانى  
يارب

خلينى بداله (بتعيط اوى) اعمل ايه انا من غيره يارب

انا لاجامده وولانيه، انا اضيع من غيره

يارب يبقى كويس وخذ من صحتى انا ... خد نور عينى واشفيه  
يارب

\*لاقت ممرضه طالعه من عنده قامت وجريت عليها\*

اية: ياناس حد يرد عليا ، ماله

الممرضه: الدكاترة شاكين لانه اتقلب بالعربيه مرتين كسر  
فالجمجمه ونزيف فالمنخ

عن ادنك عشان عاوزنى

\*سابتها ومشيت بسرعة واية عياطها بقا نواح صوته على\*

اية:اه ي ايهاالاب...اللااللاه

شويه ودخلت ست شكلها ارستقراط ومعاها راجل له هيبه وكام  
شاب وبيسالو عن ايهاب محسن  
فقالواهم واية سمعت ووقفت قصادهم وهما داخلين  
معيظه ومبهدة ولا عارفه لبست ايه ولا بتعمل ايه

اية:انتو اهل ايهاب(وشها وعيونها بايظين عياط)

ماما ايهاب:اه كلمونا وقالوا انه عامل حادثه وانقلبت بيه عربيته

الاب:انتى مين ؟

اية(بتمسح دموعها )انا مراته ...اية!

\*اخواته الشباب بصوا لبعض باستغراب ومامته اتنهدت لانها  
عارفه بس

الموقف مش مستحمل\*

الام:هو حصل ايه ي اية ؟

اية: معرفش اى حاجه ، كان بيكلمنى وفجأة الخط قفل وهو  
عالطريق

قالولى اتقلبت بيه العربيه وكسر فجمجمته(ابتدا انهيار فدموع)  
ونزيف

(بتاخذ نفسها بالعافيه)انا هموت

هموت وراه

الام(ابتدت تبكى)حد يروح يسال فيه ايه

اية: يارب.. يارب طمنا عليه

الاب(بيتلقى اتصال)الو ي وصال ... اه هى احنا هناك

طب ماشى(قفل)

وصال ع وصول

الام: اية ي بنتى ...الموقف مش مستحمل

مراته جايه

اية(بحرقه)وانا كمان مراته ...وانا مش همشى من غير م اتظمن

انه بخير وبيتكلم

ويبرد عليا

الاب:بصى ي بنتى ...انا معرفش جوازكم ده كان امتى وليه  
لكن الى اعرفه دلوقت  
ان ابنى بين الحياه والموت  
وان مراته الى كل الناس عارفاها ع وصول،وان محدش ناقص  
مشاكل دلوقت  
والنار تتفتح  
كفايه الى هو فيه

اية:ونارى انا !جوزى بيموت  
حبيب عمرى...انى اتظمن عليه مش من حقى عشان مراته جايه

الام:اية(بحنيه)اسمعينى ...  
انتى بتحبي ايهاب،وايهاب حكالى انه بيحبك اوى  
اية(ببكاء) والله لو ربنا حلل العباده لغيره كنت ....

الام(دموعها نازله ع خدودها) اسمعينى ...عشان خاطره هو  
متعملش له مشكله دلوقتى  
وصال جايه  
هخلى حد من اخواته يوصلك لبيته وبكرة تعاليله واتظمنى عليه  
وانا دلوقت هاخذ نمرتك وهكون ع تواصل معاكى



اية (بحرقه) مش...

الام: عشان خاطرى (مسكت كفوف ايدها بحنيه) اول طلب اطلبه منك

اية بصالها بعيون مكسورة وماليها الدموع ،ولسه هنتكلم  
بهيبتها ونفختها دخلت وصال  
بطقطقه شوزتها العاليه قلقانه فعلا ، بجمالهاالغير عادى واناقتها

بصت عليها اية

وصال: ايه يا اونكل ...حد يقولى فيه ايه

الاب: مش راضيين يردوا ع حد

وصال: يعنى ايه ده استعباط ، اما اشوف

فين مدير المستشفى دى

دخلت وهى مش واخده بالهامن اية اصلا وبصوت على بتزعق

اية بصت لها بحسره ولملمت الباقي منها بعد م انتظرها

حد من اخوات ايهاب برة يوصلها زى م قالت مامته .

وفكريقها للبيت فتحت السلسله الذهب بتاعتبتاعتلى مفاتيحها الى  
عاملاها الى فيها ناحيه صورته  
مطبوعه وناحية صورتها هي  
وباست صورته وهي بتردد

ااية:يارب عشانه استحملت امشى زى الى عامله عمله وخايفه  
تتفضح  
ظمنى عليه وخذ روى وخليه هو  
خليك حنين عليه يارب...اسمع دعوة واحده غلبانه هو كل حاجه  
لها  
ومن غيره تموت...يارب!

اخوه سمعها وبص لها وكمل سواقه فطريقه اما هي ففضلت  
حاطة ايدها ع قلبها تهدي  
دقاته الى بتصرخ

صورته غرقان قدمه مش رايعه من بالها  
ولاصورة ذا كوين إن بشموخها وهي داخله...وصال  
غريمتها فمعركتها ، وشريكتها فحبيب عمرها !

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

سیشوار ومکواة شعر ، کریمات للشعر  
ومستحضرات تجميل کتیییر ، عند الکاشیر هند بتدفع تمنهم  
وخارجہ مع رضوی  
وهما بیتکلموا

هند: شوفی کده نسیت حاجه من المکتوب فالورقه عندک؟  
رضوی: لا ، جبتي کل حاجه

هند: مشاوير الجهاز دى تقطع النفس ، انا رجلى دابت  
وشوزاتى باظت

رضوی: يلا ربنا يتمك ع خير ان شاء الله هانت

هند: بت يارورو انتى بت عسولة والله  
عوضتيني بيقالى اخت وتنزل معايا مشاويرى دى

رضوی: ربنا يخليكى ي هند ، وانا والله بحبك زى م تكونى اختى  
واكثر

مش عشان محمد ولا عشان بنت خالتى

هند: يابنتى انا اتحب اصلا

رضوى:(بتضحك)قوليلى كنتى متصاحبه ع الاء خطيبه محمد  
القديمه

هند:وليه السيره الزفرة دى

رضوى: هههه ليه بتقولى كده

هند: بقولك ع سيرة الزفر،تعالى نضرب سمك واحنا بناكل  
هحكياك

رضوى:مش عاوزين نتاخر ،محمد قالى متتاخروش لما خدت  
اذنه

هند:ي ستى هناكل ونمشى الواحد هيقع من طوله من كتر اللف

دخلوا مطعم عالبحر ع طول ، سلموا شنطهم الكثير برة

واختارو تربييزة وطلبوا الاوردر

وقعدوا

هند: ي بنتى الاء الدكتور دى كانت شخصية دمها لزج وتقبل

اخرج مع مين واقول لمين

رضوى:بس انا شوفتها حسيتها غير كده

هند:ده عشان انتى طيبه، الاء دى بت سودة من جواها تدخليها

بشمعه

رضوی: انتی واخده منها موقف اوی ، مع ان بحس ان محمد کان  
بیحبها اوی

هند بیحبها ادی کانت واکلها بعقله لقمه ولاحسه الباقی ومش  
سایبه فتفوته

\*رضوی کثرت\*

هند: بصی من غیر م تزعلی ، یعنی هی کانت  
دلوقتی انا متاکده انه بیحبک والا مکانش اتجوزک  
مش صح ؟

رضوی (بخیبه امل) اه صح

هند: بصی بقولک ایه، البت دی کانت مُلعب عاوزاکی تکونی احسن  
منها

رضوی: مُلعب ازای؟

هند: کانت مسهوکه کده وبتتمایص وبتحط احمر واخضر  
وبتقعد تدلعه

ومحمد اخویا اهل کان ماشی وراها ومدلدل لسانه  
عاوزاکی تعملی اکثر منها وتعملی الی هی معملتوش  
ده حتی جوزک یعنی حلال ای حاجه  
لفی عقله بیکی

رضوی: طب اعمل ایہ انا بہتم بیه وبکلمہ مع ان مفکرش یکلمنی  
من ساعہ م راح  
دایما انا الی اتصل وارن  
وابعت فرسایل کل وقت  
هو بس بیرد

هند: دلوقت هو بس بیرد .. بکرة وبعده هو یبدا ومیستغناش عنک

رضوی: انا عارفه انی جوازہ وخلص لمحمد  
هند: لا مش جوازہ وخلص ولا حاجه، لما ینزل جننیہ بیکی  
هبقی اقولک ع کام حاجه کده  
تعملیها زی الیت دی، والخلفه رکیزی عالنقطه دی  
محمد بیموت فحاجه اسمها اطفال  
خلفی له اوام واشبکیه بیکی  
اکتر

واتدلعی کده واتمایصی متبقیش عامله زی الکُبه  
قصاده

رضوی: حاضر انا مستعدة اعمل ای حاجه بس یحبنی  
ربع حبها هی

هند: هيجبك اڪتر منها، دی بت شمال وسوابق

لكن انتى ادب و اخلاق و حاجه زى الفل

مفیش مقارنه اصلا

وهى بس شويه عيونها و شعرها الملونين

انما انتى جمال عربى و ربانى

رضوى: الله يخليكى ي هند

هند: اسمعى كلامى بس و تكسبى، هفضل معاكى لحد م نمسحها

ان كانت موجوده اصلا

ومتعبيش خليكى و راه

الراجل زى العيل الصغير تلاعبيه و تدلعيه تملكيه

بالحنيه

يبقى خاتم فصبا عك ، لكن هتسبيه و تقولى وانا مالى

ده مش معبرنى

ده انا الى بتصل

هتسبيه للفكر ي خايبه وانه يبص ع غيرك

رضوى: نوران قالتلى نفس الكلام

هند: نوران مين

رضوى: صاحبتى

هند: متحكيش الى بينك وبين جوزك لحد برة ، متعرفيش فيه  
نصايح

بتبقى غلط وبتخرب البيوت

اسمعى كلامى انا

وان شاء الله محمد هيقولك فيوم مفيش فالقلب غيرك

رضوى (ابتسمت) انا مستعدة اعمل كل الى عليا وارضيه

هند: هيرضى متستعليش، محمد اخويا حنين وطيب ومفتاحه  
سهل

بس انت. افهمى طبعه ومتعصلجيش وياه

\*الاكل حه وبيتحط قدامهم\*

هند: كفايانا كلام انا هموت من الجوع

رضوى: (بتضحك) يلا

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡

"كنت بتظمن عليك"

مارسلينو (ببرود) انا كويس

لينزى: نشكر ربنا ...



\*سكتو...\*

مارسلينو: عندك كلام عاوزة تقوليه ولا ايه عشان عاوز اقل  
لينزى: مارسلينو.. انا سامحتك فحجات كتير تعبتنى فيها  
وجرحتنى  
وخيانتك ليا  
قبل جوازنا وبعد

مارسلينو: لامتسامحيش... علقيلى المشنقه

لينزى: متوصلناش لطرق مسدوده

مارسلينو: انا بس عاوز اسال سؤال ..كنتى امتى هتقوليلى  
الحقيقه وتكشفى عن حمال وجهك ي فيرجينيا

لينزى: (اتضايقت) بتتريق

مارسلينو: لما اتربي صح

لينزى: ي مارسلينو كان نفسى تحب بجد وتعرفنى مش عشان  
شكلى تتقبلنى

مارسيلو: تخيلى بقا دلوقتى برغم جمالك انا شايفك ابشع من الاول

لينزى (هتبدى تبكى) انا معرفش انك بالسواد ده

مارسلينو: انا مينضحكش عليا ، عالاقل انا حتى لو كنتى عارفه  
الماضي بتاعى فانا قولت هولك

لينزى: انا بحبك ي لينو..

مارسلينو (حس بشكه فقلبه) وانا عاوز اقل..سلام

\*قفلوا سوا ،لينزى بتخسر ولا بتكسب

مارسلينو صح ولا غلط

الفكرة ان الى حصل كشف شخص تانى خالص

ل مارسلينو،شخص بيزعل بجد

وع اد الزعل ع اد م الموقف صعب ومن شخص ..نقدر تقول  
غالى

لان عمرنا م هنجرح ومنرضاش نعديها

الا لو كانوا الى ادونا... غاليين!

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡

قاعدین سوا ومنسجمین فالحكايات

الى اول مرة تسمع عنها حور من نهلة، وكانها بتسمع اخبار قنابل

نزلت ع بيت باباها... فجرتة!

حور(بتاثر) انا ازای معرفش كل ده

نهاة: عشان جوازك يمشى ...مكناش عاوزين نضايقتك وانتى

داخله ع فرحة عمرك

حور:ايوة بس مبقاش زى الاطرش فالزفه ، انتو هديتو كل الى  
بنكم فسنين

نهلة:باباكي ي حور هو الى هد كل حاجه الاول

حور: بس ي ابله نهلة...واضح انك حبتيه

حبيتي طه

وده سبب انك تصمى ع طلاقك من بابا

نهلة:مكديش عليكى،كنت منتظرة خروجك من البيت ووصولك

لبيت زوجك الى يستاهلك

فيوم من الايام واسيب باباكي

لكن مع ظهور طه فحياتي...

حور(قطعت كلامها)بس ده حرام...تعرفى حد وتحبيه غير زوجك

حرام

انا بتكلم ع اساس الدين واحترامك ع دماغى ي ابله نهلة انتى

فمنزلة امى

نهلة(بتبرر)والله ي حور محصلش اكر من الكلام،وياما طلبت

نبعد وياما سبته

بس..

حور: كان ممكن طلاقك من بابا يتم وبعدها تتكلموا وتقرروا  
علاقل مش هيكون ف ذنب فحق ربنا ولا حق جوزك الى انتى ع  
ذمته بغض النظر انه بابايا

نهلة عارفه انه غلط وساكته، حور حبت تهون هجومها عليها

حور: اى ان كان ...مبارك زواجك ولو ان  
نهلة: عمرى م هتخلى عنك ولا اسيبك كانى معاكى زى الاول  
واكثر

والى جاي فالسكه ده زى م يكون حفيدى حبيبي من بنتى

حور(حصنتها) عارفه ي ابله نهلة، ماما مكانتش هتحنى وتهتم بيا  
ادك

نهلة: هتقولى لباباكى انى قولتلك؟

حور: انتو ليه خايفين وماعلنتوش انفصالكم وعاوزك تسيبى البلد  
انتى وجوزك  
ليه كل ده

نهلة(بقلة حيله) اسالى باباكى، انا عن نفسى زهقت من المشاكل  
قاعده فبيت جوزى مع اهله  
وهو مسافر برة مصر

كافيين خيرنا شرنا

حور: بس عالاقل الناس تعرف بانفصالكم، عشان محدش يتعامل  
معاكى ع انك لسه زوجته  
حتى فشغك

نهلة: انا بعد فرحك قفلت البيوتى وسلمته لباباكى... وخلص  
هو عاوز يقول يقول

انا بعدت عن الناس والاضواء وبقيت فحالى  
راضيه بعيشتى الجديده... اهل جوزى بيخبونى  
وانا بصراحة بحبهم

وانتى عمرى م هتخلى عنك  
وخلص مبسوطه بحياتى كده ، اتجوزت راحل بحبه وبيحترمى  
وبيقدرنى

حور: ربنا يسعدك طول عمرى نفسى اشوفك مبسوطه ع اد م  
بتسعدينى

نهلة: وتقومى بالسلامه ي اجمل ماما (حضنتها)  
هتبقى احن ام فالدنيا يفرحك انتى ويامن يارب ويرزقك برهم

حور(حضناها) بحبك اوى ي ابله نهلة ربنا يخليكى ليا

#بقلمى\_نوراسماعيل



حسين بيتكلم فون مع باباه ،صوته مسموع لبرة اوضته  
رغم انه فوق.

حسين: انا مش هاین عليا اكلما ولا ابعث هدايا! كلام ايه ده يا بابا

الاب: ايوة عشان انت جلده وبخيل والفلوس بتعفن فجيبك

خطيبتك دى مالهاش حق عليك

تعبرها بهديه، تبعت لها زيارة فالمواسم

تكلما وتكمن ع احوالها

حتى ي اخی عن طريق النت يتاعكم ده مش هغرم حاجه ي

مقشف يابن المعفنين

حسين: هى يعنى اشتكت! لما نتجوز

الاب: نتجوز ايه دى عاوزة تفسخ ياموكوس

ولها حق

ايه يصبرها ع واحدريك، حتى مبعثش اى فلوس نشوفلك شقة

للإيجار

ليكم

ياواد حس ع دمك

حسين: عاوزة تفسخ تغور مش ناقصة وجع دماغ  
الاب: والله هي الكسبانه ي اخى انا لو عندى بنت مش هجوزها  
لواحد شبهك  
قرفتى ي شيخ  
\*قفل ابوه فوشه\*

حسين: يابابا قفلت! ده انا مكلمكم نت حتى!  
فيه ايه هو لازم اتهشنتك وابعت واتنيل  
وادفع ففلوس ودباديب وورد ومحن

\*نازل من اوضته وكان طه ومارسلينو ومحمد ويامن قاعدين  
فالريسبشان\*

كان طه بيتشات واتس مع اخته اسماء وهو قاعد وياهم..

طه: ربنا يعوض عليكم معلىش انتو لسه فبداية حياتكم  
اسماء: يلا الحمد لله... مروان زعلان اوى  
طه: قوليله ربنا يرزقكم باذن الله منعرفش لو حملك فضل كان  
ممكن ييجى فيه اعاقه ولا حاجه

اسماء: صح عندك حق، ع فكرة ابله نهلة عاملة اعلى اداء فالبيت

اخواتك وامك مالمش سيرة غيرها

طه (بعث ايموجي) عشان تعرفوا بس

اسماء: صحيح ملاقتش علاج لمشكلتك دي عندك حتى، حرام  
شكلها طيبه

نفسى تتسعدوا سوا

طه: وهو حد كان اشتكالك ي بهيمه انتى، هى راضيه وانا بحبها

اسماء: بس برضو ي حبيب اختك الحجات دي بتزود الحب

طه: احنا حبنا زايد من غير حاجه ويلا غورى اقفلى

اسماء: او عا تكون زعلت

طه: از عل من واحده هبله زيك... انا قاعد بس مع الشباب يلا  
امشى

وسلمى ع مروان

اسماء: يوصل وخد بالك من نفسك

قفل وركز مع كلامهم الى كان محوره حسين وفسخ خطوبته  
عشان بخله الى مش معترف بيه

حسين: وانا ليه اصرف عليها وابعت واتكلم وهى لسه مبقتش ع  
ذمتى

مش لما تبقى مراتى



مارسيلو: ولا ي طين انت ، يعنى ايه زعلان انها عاوزة افسخ  
وتستحملك ع بلاويك دى

ده انا هموت واعرف فالنتك دى مستحملك ازاي

يامن: بصوا ي جماعه من غير م نقلل منه ، النصيحه بالمعروف  
بص ي حسين

خطيبتك يعنى مشروع زوجه مستقبلى لك

لازم تهياه

تكلما كل فترة تظمن ع احوالها عشان ده حقها وبرضو مش  
كتير لانها مازالت اجنبيه عنك

ثانيا رسولنا الكريم قال تهادو تحابوا

مفيش مانع لو هديه زى كتاب تقراه تستفاد منه

فستان لها

البنات قلوبها طيبه واكل حاجه ترضيها

محمد جهاد: ثوانى ي شيخ يامن وهو ده فاهم الى بتقوله

ي راجل فكك

حسين(استحمل محمد عشان عاوز يحيب اخره)ياعم انا مش هرد  
ع تريقتك

عشان مش عاوز اعمل وياكم مشاكل تانى

بس بصراحه معايا فرائيبي ولالا

محمد :انت عاوز راعي انا  
مارسلينو:قوله انه كائن الجحوف  
حسين:ايه كائن الجحوف ده  
مارسلينو:جحش ع حوف  
طه:خلاصة الكلام انا ساكت بس سامعكم ،حسين انت فعلا  
مزودها وبخيل  
وبنات الناس يتعاملوش كده  
وابوك معاه حق، ي تتعدل ي تفسخ عشان متظلمهاش  
وتغير من روحك

محمد جهاد بيقلب فالفيس وهو سامعهم وبيسخر من كلام حسين  
بابتسامه جانبيه  
حسين:طب افرض عملت زى م قولتو وبعث هدايا وكلمتها  
وفالآخر النصيب مكانش معاها وفسخت  
ارجع الى صرفه ازاي

مارسلينو:خد فوار رانى حلو لما بطنك تمشى عليك،قال ارجع  
ازاي

محمد جهاد: ي حسين متزهقناش ي حسين  
مش عاوز تبعت وتدفع وتكع متجاوزش وارحم بنات الناس معاك

انت سنجلتك رحمة

(بيبص فالبوستات)

طه: هههههه عندك حق ي جهاد

محمد جهاد(بخضه تخوف) ايه ده! الحقوا

يامن:خير ا فيه ايه

محمد جهاد:ايهاب عمل حادثه وفالانعاش واحد من صحابه رافع

بوست ندعيه

كلهم:ايه!

حسين:ياتهار اسود!!!

♡♡♡♡♡♡♡♡♡♡♡♡♡♡♡♡♡♡

#بقلمى\_نوراسماعيل



"عاوزه تلبسي النقاب؟!!"

حور بتقيس النقاب وبتشوفوا ع وشها ايه

يمنى:مش هيتعبك ده عشان الحمل

حور: لا...حاسه انه مش هيتعبنى

بالعكس حابه نفسي بيه اوى

يمنى: وهو يامن الى قالك عليه يعنى

حور: لالا... انا حلمت كذا حلم وحاسه كده ان دى رساله من ربنا  
ليا انى البسه

يمنى: ممم طب فكرتى فالموضوع؟ اصلها خطوة مش ساهله

حور: فكرت واصلت... ونزلت اشتريت خلاص

باذن الله خروجاتي من هنا ورايح بيه

يمنى: مبروك ي حور.. ربنا يثبتك ع خطاه كمان وكمان

\*سمعوا صوت مامت يامن بتنادى من تحت\*

يمنى: هنزل اشوف ماما عاوزة ايه وحايالك

حور: ماشى ي يمنى

نزلت يمنى وطلعت ل حور تانى

يمنى: بتقول فيه ضيوف عاوزة تسلم عليكى.. بس من رائبي

متنزليش!

حور(باستغراب)ليه

يمنى: عشان الى تحت دى ...خطيبه يامن القديمه  
روفيده

وعمتها.ودى مش جايه تسلم ولا حاجه  
جايه تعايينك

حور(ابتسمت وبصفاء نفس) وايه المشكله ،انا هنزل اسلم عليها  
عادى

يمنى:بلاش ي حور

حور:احنا مش فحرب،انزلى وانا جايه وراكى

يمنى نزلت ودقايق ونزلت بعدها حور ،واول م دخلت بصت لها  
روفيده من فوق لتحت وهى شايله ابنها

حور:السلام عليكم ورحمه الله وبركاته

عمة روفيدة:اهلا اهلا ازيك ي حور ،طبعاً انتى عارفانى مانا  
جيت باركت اول الجواز

حور(بتسلم وبتبوسها)اه طبعاً ازيك ي طنط عامله ايه منورة  
عمة روفيدة:دى بقا روفيدة بنت اخويا ،متعلقه بيا اوى من زمان  
كل فترة كده تخطف رجلها وتيجى تقعد معايا  
حتى بعد م اتجوزت وخلفت

حور:ي اهلا وسهلا(باستحياء)

روفيدة: حلوة زى م قالو ،مبروك ي عروسه

حور: يبارك فيكى وفابنك هو اسمه ايه

روفيدة: معاذ

حور: يقر عينك بيه وتخاويه بذرية صالحه

روفيده(بتاكل فنفسها) ويديكى انتى كمان

ام يامن: م هى حور حامل الحمدلله

\*روفيدة هتطق\*

عمة روفيدة: تبارك الله ي ماشاء الله يقومك بالسلامه ي دكتورة

يارب

حور: تسلمى ...

يمنى: هعملكم شاي

عمة روفيده: خليكى متعمليش حاجه ،السكر لسه واخده البرشامه

بتاعته

ومباكلش ولا اشرب حاجه وراها

حور: الف سلامه ع حضرتك

عمة روفيده: الله يسلمك ي شهد انتى

ام يامن: وعاملة ايه ي روفيدة مع جوزك واهله

روفيدة: مش عارف يعملى ايه ولا ايه بجد وخصوصا بعد م خلفت

عاوز يجبلى حته من السما

يمنى:بس تخنتى ي روفيدة اوى عن زمان  
روفيده:والله بقا قاعده فعز ومبسوطه وبالى مرتاح متخنش ليه  
ولا عاوزانى افضل مسلوعه زى لما كان يامن خاطبنى زمان

\*قطعت الكلام عملت نفسها قال ايه غلظت فالكلمة وبصا فالارض  
،لكن حور ابتسمت لان  
فهمتها\*

عمة روفيدة:معلش اصل.....  
رزوفيدة:ايه ... عادى اكيد هى عارفه  
حور(مبتسمه)عارفه وحكالى ...كل شئ قسمه ونصيب  
عمة روفيدة: والنبي ي بنتى انتى بت زى العسل ي زين م اختار

روفيده:يعنى هو انا الى كنت وحشه ي عمتو!  
عمتهاحور(بتغمزها)يابت اسكتى مالك ي روفيدة فيه ايه  
يمنى: انتى مش هتكبرى هيفضل عقلك عيالى  
روفيدة: لا ي شيخه،سبتك النضج ي يمنى

عمتها:نستاذن احنا لحسن الحج زمانه طالع من الصلاة

ام يامن: لا والله اما تشربوا حاجه  
عمتها: يجعله عامر يارب

\*خارجين الاتنين ووضلتهم مامت يامن لتحت وطلعت\*

يمنى: طفلة بدماغ ست متجوزة ومخلفه ،انا عارفه يامن كان  
بيحبها ع ايه

\*غمزتها مامتها مرات اخوها قاعده\*

يمنى: اسفه ي حور

حور: بالعكس...مش زعلانه ربنا يهديها ويهدينى ويهدى بنات  
المسلمين يارب

يمنى: يعنى انتى مش زعلانه من حركاتها؟

حور: بقولك ايبيه تعالى نجرب النقاب ولفاته الجديده(بتشد يمنى  
تطلع معاها) عن اذنك ي طنط

ام يامن: اتفضلى ي حبيبتى

طلعوا سوا،حور عدت الموضوع بتكبير دماغ منها  
ولان اصلا هى متاكده ان يامن مش شايف ولا حاسس بغيرها



ولذلك فهي حاظه فبطنها...شادر بطيخ  
مهما اى حد حاول يعمل او يهز من تفكيرها شئ..

#بقلمى\_نوراسماعيل



ماسكين الفون ،بيطليوا النمرة الى خدوها من صحاب ايهاب  
بالفيس

نمرةنمرة زوجته دكتورة وصال عشان يتطمنا عليه  
ولان ولا حد فيهم عرف ياخذ اجازة من شغله وينزل ،وبالهم  
مشغول من ناحيته جدا  
عشرة كام يوم بس بالعمر!

يامن ماسك الفون وقاعدين حواليه  
يامن: اتكلم انت ي محمد ،انا شحنته  
محمد (بيتناول الفون جرس طويل ومفيش رد وفاالخر ردت)الو  
وصال:الو..مين  
محمد:انا محمد جهاد زميل كابتن ايهاب فالسكن  
فدبي

وصال:اها...

محمد جهاد: معلى كنا انا وزمايلى قلقانين بعد م عرفنا بخبر  
الحادثة دى

هو حصل ايه ؟

وعامل ايه دلوقت

وصال(بيروء) هو حاليا لسه فالعنايه وحالته مش مستقرة

اخذ الفون مارسلينو منه

مارسلينو: هو حصل ايه

وصال: حادث

مارسلينو: مانا عارف انه حادث وهو انا قولتلك راح يعزف  
فالابرا

يعنى الحادثة دى حصلت له ازاي عاوزين نفهم

وصال: انا معرفش غير انه كان بيفادى عربيه لورى كبيرة وجه  
فطريق معاكس

فاتقلب مرتين بالعربية

مارسلينو: ينفع نكلمه

وصال: بقول لحضرتك انه فالعنايه... ايه ده!

مارسلینو: انتی زهقانه مننا لیه ، م کنتی کیوت فالفرح لما  
شوفناکی

وصال: فرح!

طه اخذ الفون من مارسلینو

طه: معلش بس هو یقصد نتظمن ع حالته للاخر واسفین لازعاج  
حضرتک

وصال: انا قولت الی اعرفه وعن اذنک هقفل لان وقتی مش ملکی  
عن اذنک

\*قفلت من غیر حتی م یرد\*

طه (باستغراب) لیه التناکه دی. احنا بنتظمن ع جوزها  
مارسلینو: لالا لا دی اتحولت ، فالفرح کانت بتاخذ وتدی وقعدت  
تحکی مع لینزی مراتی  
وبتضحک وشابکه فدراع ایهاب زی الاخطبوط الکسیح  
وفر فوشه کده

ولا باین حادثه جوزها اثرت علیها

محمد: بی جماعه مستفدناش حاجه من الاتصال

يامن: بالظبط هو ده الى عاوز اقوله ، احنا لا اتطمنا على ايهاب  
ولا

ولا صحيا وصل لايه ... ولا عارفين ننزله

طه: استغفر الله العظيم

\*حسين نازل من فوق ع كلامهم\*

حسين: كلمتو ايهاب؟

طه: لا طبعا ده حالته حطيرة وقالعنايه ده الى عرفناه

حسين: يعنى رد وقالكم كده ... طب كويس

مارسلينو(باصص له بصه امتعاض وتضحك) ازاي رد وهو  
بيفيص

يابنى هو ربنا شاب من عندك المخ

وحاظط مكانه معجون سنان

ايه الى رد وطاب كويس

حسين: مش بتقولوا رد وقال انا فالانعاش

محمد بصله بسخريه وسابه ودخل اوضته

مارسيلو:اه رد وقالنا انا فالانعاش دلوقتى وانعم بصحه جيده  
ولو مش مصدقين هاخدلكم سيلفى الخراطيم وجهاز الصدمات  
القلبيه

حسين:ياه هي وصلت للقلب

مارسيلينو(زق حسين قعد عالكرسي ) اقعد ...اقعد هتمشيني  
بكرسي بعجل فقلب  
المكان

الراجل بيموت وده بيستفسر وصلت للقلب  
ولا لودانه

طه:مينفعش اتصالنا ده معملش حاجه

يامن واقف وبيفكرر ومرة واحده

يامن:ي محمد (رايح لاوضة محمد) هو صاحبه قالك زوجته  
اسمها ايه

محمد:دكتورة وصال

يامن:بس زوجته عرفت نفسها لزوجتى حور ففرحك ب اية مش  
وصال

مارسليو جه ووقف ع باب الأوضة جمب يامن

مارسلينو:ايه وصلتوا لحل نتظمن بيه عليه  
محمد :انت تقصد ان لها اسمين ولا ...

طه (جه عليهم)بتفكروا ف ايه ن فكر سوا ،ايهاب مش بيسيب حد  
فينا ي جماعه

محمد:صح ومش عاوزين نندل وياه ده ابو الرجوله

مارسلينو:انتو هتتقوننى زى الجدع ابو فالنه الى هناك ده  
احنا هنفعد نقول ابو الرجولة وابو المفهوميه وابو جلامبو  
وبلاص  
الشهامه

وننسي الراجل لحد م يتنيح  
اخلصوا حد يفكر فحل نتظمن عليه بدل مراته الى وقتها مزحوم  
وركناه صف تانى

محمد:طب نعمل ايه ي ذكى م ده الى قدرنا نوصله

يامن: لا احنا عاوزين رقم حد من اخواته ،ده هيظمننا اكثر علاقل

طه: شوف صحابه تانى ي جهاد

محمد (فتح الفيس)حاضر ...

حسين: لما يرد عليكم طمنوني،، هو برضو راجل جدع وادانى  
اوضته

اقل واجب ارفعله بوست ع صفحته واكتب له شدة وتزول

طه (بسخرية)شدة وتزول فبوست(سابه ومشى)

مارسلينو: لا انا عندى الفكرة الاحلى

حسين: ايه

مارسلينو: صور له عيش وحلاوة وقوله السحن للجدعان ي كابو

(ضرب حسين ع قفاه بخفه)ده عيان وبيموت مش مسجون

100 مرة اقول وافهم يخربيتك

\*يامن فاوضته بعث لهور مسج انها لو اخدت اكونت زوجه

ايهاب فالفرح

تيعتلها عاوزين يتظمنوا عليه وياريت تاخذ رقمها عشان يتظمنوا

من حور وهور قالتله هتعمل كده

وتطمئنهم فاقرب وقت\*

يامن كان مفكر ان مرات ايهاب هترد احسن وتقول المفيد لحو  
بما انها ست زيها وقابلو بعض فالفرح  
لكن هو مش عارف انهم زوجتين  
مش زوجه واحده وهما كانت مهمتهم الزوجه الاولى  
وحوور عليها الزوجه الثانيه!

#بقلمى\_نوراسماعيل



مارسلينو..

جديده فعلاقته ب لينزى انه بقا مهمشها اوى، بقا يعاملها كأنها لم  
تكن فحياته يوم

وبقا يرجع لاصول م كان زمان والعن

المهم...اتعرف ع بنت من لبنان وبتنزل دبي للشوبينج

بسرعة خدوا ارقام بعض وتشات فتشات

اصبحوا صديقين

واتفقوا ع ميعاد يتقابلوا فيه





مارسيلينو عوج شفایفه وعمل سكرين لساته مع هانا وبعته لها  
وكتب من تحت

مارسيلينو: يلا حظيه من ضمن متحفظاتك اني متلبس بخيانتك  
عشان نتطلق فالمحكمة

او اتسجن الى يريحك

انا بتكلم مع بنات وبقابل وانتى مش فحياتى اصلا

لينزى قرت الشات بتاعه الى بعته وقرت الكلام الى كتبه  
اتوجعت ،لكن كملت وبعته

لينزى: انا عارفه ان كل ده عند فيا

مارسيلينو: بقولك مش شايفك فحياتى اصلا اعند فمين

لينزى: برضو...مش هستسلم

وان كانت زى م سميت معركتى الاولى متعرفشمن عنها حاجه

فمعركتى التانيه معلنه بكسب قلبك من تانى

وانك ترجعلى

مارسيلينو: ببقى مبروك الهزيمة

لينزى: تتحدانى!

مارسيلينو: طبعاً

لينزى: والى يكسب؟

مارسيلينو: مش هخش فمجال انا مش عاوز اتكلم وياكى اصلاً

لينزى: عشان عارف نفسك هتخسر، اعمل الى عاوزه

هانا... مونتانا مش هتفرق

هترجلى

نقطه المية مستحيل تحت صخر، لكن مرة ع مرة

بتنحته وبتقدر

مارسيلينو: تمام اوى اقللى بقا ع ترعة المريوطيه دى عشان

نازل

اهيص شوية بعيد عن النكد والكذب الى ملا المكان

\*قفل انت ، لينزى ركزت تانى فكلامهم

هى اتحدت روحها قبله

وهتكسب مدام حطت لنفسها هدف، زى هدفها الاول انها تكسب

قلبه

واخى عملتها

#نور اسماعيل



"ربنا يطمنكم عليه يارب"

طه: تعرفى ،كلنا جينا منعرفش بعض

وياما شدينا سوا كلنا ،،بس العشرة خلطنا زى الاخوات

كلنا قلقانين ع ايهاب

افرض حصله حاجه

نهلة: باذن الله لا هيقوم بالسلامه، وشغلکم الرخم ده ولاحد راضى

ينزل حد منكم

طه: عشان كلنا كنا فاحازات قريبه

نهلة: باذن الله هو هيبقى كويس ويرجعكم وتطمنوا عليه

كنت عاوزة اقولك ع خير حلو عرفته من حور، هي حامل

طه: يامن قالى

\*يامن كان معدى وسمع اسمه فاوضة طه افكر انه بينادى لكن

مطلعش بينادى فمشى ع طول\*

نهلة: فرحناهم اوى ،يتم عليها وتقوم بالسلامه يارب

طه:يارب يامن وحوور يستاهلوا خير ربنا عليهم  
نهلة:وعاوزه اقولك ع حاجه كمانن

طه:قولى ي حبيبتي  
نهلة:انا كنت هعملهاك مفاجاة لما تنزل وتشوفها  
انا لبست الحجاب

\*طه ابتسم ع فرحته وابتسامته المشرقه كالعاده\*

نهلة:وبقيت اصلى الوقت بوقته، وبقيت احسن فعلاقتى بربنا اوى  
وبقيت البس غير خالص

طه:ايه المفاجأة الحلوة دى ،مبروك مليون مبروك ي نهلة  
يارب يحميكى وفميزان حسناتك

نهلة:وفيه حاجه كمان

طه:بترجعى عشرين سنه ورا وانتى بتكلمينى،بحس انى بكلم بنتى  
قولى ي حبيبتي  
ماهى مكالمه ماليانه مفاجئات

نهلة: انا هعمل مشروع وهنشترك فيه انا ونيه و اخواتك البنات  
طه (بتساؤل) مشروع ايه

نهلة: هاجر محل كوافير صغير هنا فالشارع ، وهشتغل زى شغل  
البيوتى بالظبط  
والبنات هتساعدنى

ونيه هتكلم صاحب البيت هنا يدينى المحل الى تحت ده  
هقبلكم الشارع ، زى شغل البيوتى بتاعى بس ع اصغر

طه: انتى عملتى نقله حضارية مش فبيتنا فالشارع كله، انتى ايه  
بس

برجلى الدنيا وبدلتى حياتى للأحسن  
انتى جاىالى منين بس

نهلة: انت الى فرحتنى من ساعة م جيت حياتى، انت الى بدلت  
التعب والههم

لفرحه ودفا وحنيه

انت ومامتك واخواتك

ربنا يديمكم ليا نعمة يارب

طه(بيص ع تنبيه فونه بفضل الشحن)ده الفون هيفصل شحن ي  
حببتي

هشحنه واكلمك تانى عشان ميفصلش معاكى وانتى بتتكلّمى

\*فصل فعلا\*

طه:يووووه

قام يوصله بالشاحن وخرج لقي يامن راجع لاوضته ماشى  
فالطرقه

يامن:حسيتك بتنادينى وبعدين عرفت انك بتتكلّم فون

طه: لا بس ...

طه حس ان ان الاوان يعرف انه جوز نهلة

طه:هو بس كانت المدام بتقولى ع خبر حمل زوجتك

يامن(بابتسامه)هى المدام تعرف زوجتى؟ااه نسيت انكم بلديات

طه:لا مش فكرة بلديات....المدام تبقى

نهلة مرات صادق بركات بيه

ابو حور ...مراتك!

يامن وقف ويلم ومعرفش ينطق لا خير وبشر !

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

من يوم حادثة ايهاب ، واية بتروح زى الحراميه تشوفوا وتمشى  
بسرعة

زى م بتتصل بيها والدته وتقولها انها تقدر تشوفه

وهو مش بيفوق !

الدكاترة قالوا انهم وقفوا النزيف،وان القلبه مرة فاتين بالعربيه  
عملت ضغط فقرات العنق

وكسر فالجمجمه ..وعشان كده هو فالانعاش لدلوقتى ..

وفاتصال من والدته ان تقدر تيجى تبات وياه انهاردة. ك مرافق

لان وصال مش بتستحمل تبات لتواجدها يوميا فعيادتها

ومستشفى باباها

وده بقا يتعبها انها تفضل فالمجال ده ليل ونهار

فبتروحله بالنهار وبتروح بليل حجتها ريم عشان تمشى من غير

م اهل ايهاب يتضايقوا منها

وبتقدر تيجى طول الليل جمبه اية تلاحظه وتراعيه



وفليله منهم ...

كانت قاعدة السرير الى جمبه لما نقلوه اوضة عادية  
وبتنام قاعده...سمعته بيفوق

ايهاب(مربوطه دماغه ومركبين له رقبه)ااه... ااه

اية قامت من مكانها وقعدت تبوس فايده وفوشه

اية:حبيبي ...قوم ي حبيبي  
حمدلله ع سلامتک(بتعيط)

ايهاب:انا فين....ااه

اية خرجت وندهت ع ممرضة ودكتور نوباتشى  
وجم له فرحوا انه فاق واسعفوه بسرعة ،وظقم من طقم  
التمريض

لغاية م ابتدا فعلا يفوق ايهاب ويستعيد قواه

الدكتور:هاه ي كابتن حمدلله عالسلامه  
ايهاب باصص له وباصص لهم ومبيتكلمش

اية: حبيبي...

ايهاب: انا ليه فمستشفى!؟

الدكتور: حصلك حادثة بس خلاص اديك قومت بالسلامه

شوية ادوية ومتابعه وهتبقى زى الفل ان شاء الله

ايهاب بيصلهم ويبص للمحالييل ولعدم قدرته عالالتفات بسبب  
رقبته

اية: هتصل بوالدتك ابشرها حالا ي حبيبي

رايحه تتصل مسك ايدها !

ايهاب: انتى مين ؟

اية وقفت والموبايل وقع منها عالارض وهى بتعيد الى سمعته ده  
كان بجد!

اية: انا... اية مراتك وحبيبتك ي ايهاب

ايهاب: انا مش فاكرك (مسك دماغه) ولا اصلا عارف اسمى ايهاب  
الى انتو بتنادوه ده

اية اتخضت وخرجت تنادى عالكتور من تانى

رحعوا معاها وهى بتحكى وكالعاده منهاره عياط ،وابتدوا يعيدو  
الكشف عليه

بس بشكل تانى

المره دى كشف عالذاكره

فيه ايه؟!!

اية واقفه بتفرك ايديها فبعضها المتلجين مستنيه تعرف النتيجه

ياترى فيه ايه

وحصل ايه

وبعد مشاورات وكلام بينهم بالمصطلحات الطبيه الى محدش  
يفهمها غيرهم ،بصوا لاية

اية:فيه ايه؟ هو مالو

الدكتور:احنا شاكين ان الحادثة عملته فقدان ذاكره...موقت!

لظمت ع بوقها ضربه واتنين وتلاته ،مش مستوعبه

وحريرت عليه جوة اوضته ومسكت ايده

اية:انا ايه ي ايهاب...اية مراتك حبيبتك

ايهاب بيصلها مستغربها ويبعد روحه عنها  
وقفت اية هو بجد يبعد نفسه عنها  
هو بجد مش عارفها ، هو الشهادة الوحيدة ليها انهم زوجين  
هتعمل ايه بقسيمه وشقه وصاحب الشأن مش عارفها  
خرجت تجرى فالمستشفى بتبكي ع اخرها  
خبطت فنقال معدى وكانها بتتحايل ع اى حاجه تخليها تغيب عن  
الوعى  
عن الى سمعته  
عن الدنيا، وقعت وفقدت الوعي..،



#صكوك\_الغفران

روايتى رقم 12

#بقلمى\_نوراسماعيل



بعد شهر...

رضوى واقفه بتحضر فالمطبخ الاكل وبتحضر فالاطباق عشان  
تطلعها عالسفرا  
ومحمد جهاد قاعد قدام التلفزيون بيتابع ماتش معين

رضوى:الاكل جهز ي محمد تعالى يلا

محمد قام وغسل ايده وقعد وياها عالسفرة وبدا ياكل

محمد جهاد:تسلم ايديك

رضوى(بابتسامة) يارب يعحبك بالهنا والشفاه

محمد جهاد:انا اجازتى دى انتى عامله قلبان فالبيت والاكل  
وشكك (بيضحك)

رضوى(بتمشى ايدها ع شعرها) للاحسن ولا لااوحش يعنى

محمد جهاد:لا للاحسن طبعاً

رضوى:دى اول اجازة تاخدها بعد فرحنا وكنت عاوزة اغير فكل  
حاجه عشان متخفقش من روتين البيت

محمد جهاد(بسخرية)انا متعودتش عليه فالاول عشان استغربه  
دلوقتي

كنتى استنيتى فترة اجازة واتنين يعنى

ثم مين اقترح عليكى لون الشعر ده

رضوى:هند كانت معايا فالكوافير واختارتهولى،ايه وحش

محمد جهاد: بالعكس مغيرك ومخلى شكلك جديد ،لايق عليكى  
اللون الاشقر

عشان عيونك عسلية

رضوى ابتسمت عشان جبر خاطرها

محمد جهاد: بس عارفه الاسود الاصلى بتاعك احلى

رضوى: حاضر مش هغيره تانى

\*بياكلوا وساكتين \*

رضوى: انت قربت تمشى وانا كنت عاوزة منك حاجة

محمد جهاد(بياكل)قولى

رضوى: الدكتورة كانت طالبه ....

محمد جهاد:دكتورة ايه ؟

رضوى:دكتورة النسا الى متابعه معاها

محمد جهاد(بياكل واستغرب)وبتتابعى ليه ؟مقولتليش

رضوى(قلقت،وشافته هيشرق ناولته كوبايه ميه وهى بتتكلم)

اصل انا قولت دى حاجة عاديه

انا روحتلها من ساعة اجازتك دى بس يعنى مش من زمان

محمد جهاد:مفيش خروج من غير م اعرف ان شالله للبقاله تحت

فاهمه؟

رضوى: حاضر

محمد: مالها بقا الدكتور دي؟

رضوى: انا روحتلها عشان اشوف موضوع الحمل  
محمد جهاد: وهو انا كنت موجود عشان يحصل حمل  
انا من جوازنا اول مرة اجى

رضوى: ماهو عشان محصلش فالاول، وكمان دلوقت قربت تمشى

محمد جهاد (قطع كلامها) مش عاوز كتر كلام ومبحبش انا  
التنطيط الكثير

لسه مبقلناش شهور وانا مش قاعد اصلا  
يبقى ع ايه

رضوى: بس انا عرفت انك بتحب الاطفال

محمد جهاد: ووقت م ربنا يريد يبجو ي رضوى، بتخفق من  
الحوارات دي

\*رضوى سكتت وبصت فطبقتها وكملت اكلها\*

محمد : الحمد لله (قام)

رضوى : شبعت؟

محمد جهاد: هنام شوية وصحيني ماشى

رضوى : حاضر ..

\*بتلم الاكل \*

رضوى : طب اعملك شاي قبل م تمام ؟

محمد جهاد: لا اعوز انام ع طول

رضوى : لا ده شاي بطعم التفاح جبته مع هند هيعجبك اصبر  
هعملهوك

محمد جهاد: لو طولتى هنام

\*دخل الاوضه وهى حضرت الشاي بسرعة وجت وراه\*

رضوى (بتناوله المچ) بالهنا والشفاه

محمد جهاد (اخذ المچ وركنه جمبه) لازم شاي يعنى (مبتسم)



رضوى ابتسمت وبصت للارض

محمد جهاد: ومعلمتيش لنفسك ليه

رضوى: عشان ... عشان عادى

محمد جهاد: طب بقولك ايه

رضوى: ايه

\*قام محمد وقفل باب ارضة نومهم وقلع تى شيرته الفوقانى  
وظفى النور \*

محمد جهاد : اصل اللون الاشقر ده مزاولنى بعد الاكلة المتينه  
بتاعتك دى

رضوى (بتضحك) م قولت وحش

محمد جهاد: لا حلو

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡

فكنكه البن الصغيرة ، ع سبرتايه امها الله يرحمها

محضرة قهوتها ومستنباها تغلى عشان تعمل وش مذبوط

غليت وفضتها فالفنجان بسرعة وهى بتتحرك بمنتهى الرتابه  
والمثل،

اخذت اية الفنجان وطلعت قعدت فالصاله وهى سرحانه

بسمه (بتغلس على خالتها وبتضحك) عملتلى معاكى

اية بتشرب ومردتش

بسمه: حاسبى ي خالتو

اية: ايه؟

بسمه : الفنجان متشعر هينكسر فايدك

اية بصت كده لاقته فعلا زى م بسمه قالت، بصت للشباك وهى  
لسه بتشرب منه

اية: مش مستحمل وشايل ومنكسرش... خليه

بسمه: بس ممكن ينكسر فاى وقت

اية: لا

بسمه:ليه يعنى؟معمول من ايه

سيبيه لا ينكسر ويبهلك

ااية(بسخرية) معمول من ايه ...معمول من فولاذ

من حجر

يستحمل مهما دقينا ع دماغه،ولو بس انه انكسر

لازم يمك نفسه عشان يفضل مستحمل الى شايله والى لسه  
هيشيله

\*بسمه بصالها ومش فاهمه\*

ااية:اهو خالتك عاملة زى كسرة الفجان دى!

من يومها مكسورة...من يومها شايله

من يومها لوحدها

ومبتنطقش

حتى لما ربنا وراها بعيونها النعيم ...مخدتش وقت

واتحرمت منه!

بسمه قامت وقعدت ع ايد الكرسي الى قاعده عليه ااية

وحضنتها

بسمة: انتى زعلانه من كلام مامت عمو ايهاب الى جت قالته لك؟

اية (بتمسح دمة من عيونها) هى عندها حق ،ابنها معادتش فاكر  
حاجه خالص

ولا انا ولا غيرى

وانا اه كنت بشرع الله بس فالسر... يبقى ايه لازمتمى؟

بسمة: انتى لسه مراته

اية: وعدى عليه شهر مبيخفش،جروحه خفت ومش فاكر حاجه  
وانا واقفه اتفرج

انا مش لاقيه طريق يوصلنى له عامله زى الغرقانه

(ابتدت تعيط)ايهاب لو شاف حالى والى جرائى هصعب عليه

بسمة:ورحمة ماما متعيطيش طيب

اية:بتقولى اتطلق بهدوء وتراضينى عشان بيته وبنته وكفايه ان  
لحد دلوقت هى معرفتش

بتقولى لما فاق وانا قولتله انى مراته

قال لوصال او مال انتى مين لما الثانية مراتى...دارو عالموضوع  
كانى عشيقه!

بسمه:ياخالتي الموضوع اتعقد عالاخر ومش عارفينه حل ،هما  
اصلا مكانوش يعرفوا  
بجوازكم واتفاحنوا وقت الحادثة

اية:امه كانت عارفه وقالها من زمان  
بسمة:خالتي متستسلميش...ربنا هيشفيه ان شاء الله  
وهيفتكرك وهترجعوا غصب عن اتخن تخين  
عمو ايهاب بيحبك واختارك

اية:عمو ايهاب مبقاش عمو ايهاب...وانا ضعت (بتمسح  
دموعها)

كنت ساكته وقافله بابي عليا وعليكم وكافيه بخيري وشرى  
ياريت م كان كل ده حصل ولاشوفته

بسمة: بتتمنى متكونيش شوفتية ي خالتو؟! الحاجه الوحيدة الى  
تفرح فحياتك

وخلتك تعيشي وتفرحي ووشك ينور وتصغرى عن عمرك  
تثولى ياريت لا

بصى...انا اعرف انها محنه

ومعايا بنت فالكلية زميلتى دايمتا تقول العسر موجود بين يسرين  
يعنى قرب فرج ربنا خلاص ...

اية اترمت فحضن بسمه و عيطت بحرقه ، وهما فحضن بعض  
جت اغنية  
عالتفزيون اية بتحبها وكانت دايمًا تبعتها لايهاب عشان طيار  
مينسهاش

ع بالى... عايدة الايوي

بسمه: الله سامعه... ع بالى... حبيبي ع بالى

اية: ع بالى وعمره م يغيب والله  
بسمه: وهيرجع ويملى حياتك فرح ويطلق الطاووس دى وتبقى  
انت. ست الكل  
ومعكم ريم  
وتعيشوا مبسوطين بكرة تقولى بسمه قالت

اية بصت للسما وقالت من جواها يارب وضغبت بصورته الى  
فسلستها  
ع صدرها كانها بتضمه... بقالها كثير مش طايله حضنه  
ومش مطمئه، ومشتاقه،،

#بقلمى\_نوراسماعيل



"ماهو بص...كل فولة مسوسة وليها كيال معفن"

حسين: عارف انا مفهمتش حاجه من المثل بتاعك ده بس هو  
شتيمه ليا

وانا اتعودت عليك يامارس

المهم،،، تفكر هلاقى واحدة تقبلنى بعيوبي بعد م خطيبتى  
فلسعتنى؟

مارسيلينو: غبي! هتلاقى بس ع شاكلتك

عشان بنات الناس متنفعش معاك

حسين: ي سلام! طب انا بقا ملاحظ انك ع طول تكلم حريم

وانت متجوز وعندكم فالمسيحية مينفعش ودى طفاسه

مارسيلينو(ضربه ع راسه بخفه) مال امك انت ...مال امك

بكلم ولا بخرم فسبح مالك انت

حسين: مش بتقول ان كل واحد بياخد الى شكله ،يعنى مراتك

مقضاياها مثلا زيك كده

مارسيلينو(قلب جد وكشر) لا اتعدل عشان مقومش اقعد عليك  
وانساك

اتكلم عدل انا بهزر اه بس متنكشش ع زعلى

حسين:ياعنا مش قاصد والله،قصدى انت مقضيها وربنا اداك  
واحد كويسه

قصدى اقول ...بص

ان المثل بتاعك غلط

مارسيلينو:طيب ي اور(باصص فشات الواتس )

حسين:طب انا نفسي اتجوز واحد تحبنى وتستحملنى

مارسيلينو:مش هتلاقى ي ضنايا،بص من غير هزار

هنتكلم جد

انت شكلك عملت حاجه طلعت خوازيق ع عينك

اصل الدين لازم يرجع ي عزيزى

حسين: (بيفتكر)مكانش قصدى ...مكانش قصدى العب والله

كنت عيل



مارسيلينو: ع اساس انك دلوقت راجل ومالو هدومك وماسك  
مديرية تغليف الشيبسي والكارتية!  
اطلع من نافوخي انا تعبان لوحدى

حسين: ي مارس بحب احكى وياك ، اسمعنى  
نفسى ففرصة من انسانه تحبنى لذاتى

مارسيلينو: متلاقيش

حسين: لنفسى

مارسيلينو: كان زمان

حسين: لشخصيتى

مارسيلينو تف جمبه بيرد ع حسين

حسين: جاتك القرف ياعم انت ، انا غلطان انى بحكى وياك

مارسيلينو: ايوة اسحب وحياه ابوك

حسين سابه ومشى...ومارسيلينو بيكلم البنات ع الواتس  
وفجاة جاتله كذا صورة من شات لينزى وجاله فالنوتفيكشن وهو  
بيتكلم  
ففتحهم

لقاها عامله لوك بشكلها الحقيقي فعلا،وزى القمر  
لبس وتاتوه  
وحركات

موزة من الاخر واحلى من تقفيل بلاد برة،شافهم اتلوح

مارسيلينو:ي شيخه يخربيتك مكنتيش عارفه تباى معايا من  
الاول ونضيف كده  
بدل لما كنت ببقا فحضنك كنت بحس ذكر سلطعون قابض عليا  
ده انتى ملين يحرقك بجاز

بعد م بص كثير فالصور بعثلها

مارسيلينو:عاوز اعرفك جنسك ايه بتبعنى ومبردش بعثالى صور  
ليه؟

لينزى قرت وبعثله ايكوجى بيغمز ويضحك وكتبت

لينزى: انا عملت سينت للكل يشوفوا اللوك وانت من ضمن

اسفين ياخويا

امسحهم

مارسيلينو: اسفين ياخويا! مين الكل الى بتبعتلهم دول يابنت

المبقعه ده انا هسود عيشتك

لينزى: ايببييه ي لينو خليك سيريلاكس كده

مارسيلينو: سيريلاكس وسيريلاك وريري. ايه انا مش بسهل

قدامك

ومحتاج تغيريلى

ردى بتبعتى لمين صور لابسه كده بتاتوهاتك الحلوة الى تقرف

دى

لينزى بعنت ايموجى بيضحك وكتبت

لينزى: عادى لاختى وصحباتى وقرائبي

مارسيلينو: قرايبك فيهم شباب يابنت المنكوبه!

لينزى: بطل غلطى حمار انت، وبعدين انت مالك فيهم شباب ولالا

مش انا مهمكش ومخصكش

مارسيلينو: ده عند ام لطفى الى بتتور وتطفى... بلا متخصنيش  
انتى لسه نيلتى زفتتى مراتى

لينزى: اووووه بتغيرى ي بكلوظة!

مارسيلينو: اغير ايه !ع واحده نص وشها شبه قفا ابوها

لينزى: ده كان زمان ياروح طنط ،دلوقت انا قمرايه وانت لسه  
تخين  
ومكلبظ وكعبور وبتمشى تدحرج

مارسيلينو: اه بتدحرج زى الانبويه وبوصل اسرع، غورى  
غورى يلعن ابو شكك

\*قفل انت ورمى الفون\*

مارسيلينو: البت فجرت ومحدش بيلمها... كان لازم اعمل فيها  
الريس سمعان من ذئاب الجبل  
حد يسيب الطلقه دى ي غبي....

بس برضو ،هفضل زى مانا كدبت عليا هى واهلى واهلها  
تشرّب...

داهيه فتاتوها اللعين

#بقلمى\_نوراسماعيل



ماشيه مانكشه جوزها وبتتمشى فالمحل بالراحه وبابن عليها  
ارهاق الحمل  
وتفقيه النقاب ببطنها الكبيرة!

يامن (ماسك طقم بناتى بيبي حلو)ده ماشاء الله رائع، ايه رائيك  
ي يامن؟

حور: حلو ي حبيبي ،بس ده عجبني اكثر

يامن:طب بصى نختار كله وفالاخر نفرز ،مهمتنا صعبه  
ولد وبنت

حور(بتطبطب عليه) يخليك لينا ويرزقك برزقنا ومنتحرمش من  
بعض يارب

يامن: ويباركلى فيكى يا نور عين يامن (بص للناس فال  
محل) احم احنا برة ي يامن

حور(مبتسمه من تحت النقاب) اه صحيح،طيب بص انت ميال  
للبس البناتى  
اختار انت  
وانا اختار لبس الولادى  
ونتقابل

يامن: ماشى يابابا ،بس انحركى بالراحه

حور(بتضحك) هو انا عارفه اتحرك اصلا  
يامن: يعينك يارب ويقومك بالسلامه

هو بيتفرج وبيختار بمنتهى السعادة،وهى الناحية التانيه  
نقوا الى نقوه  
وسابوا الى سابوه

وخرجو محملين اكياس فايد يامن فالناحيتين

يامن :باذن الله ربنا يرزقنى برزقهم ونجيب عربية (بيوقف  
تاكس)

حور:واحدة واحدة حبيبي مترهقش نفسك وتحمل روحك

ركبوا التاكس وقال يامن ع محل ايس كريم مشهور هناك راحوا  
عنده وهما داخليين

يامن: انا سمعتك من يومين بتقولى ليمنى ان نفسك تاكلى ايس  
كريم رول  
معمول قدامك

حور: ي حبيبي يخليك ليا يارب (فرحانه اوى)

جه الايس كريم ،وهو ابتدا ياكل وهى ع استحياء كانت بترفع  
نقابها تاكل  
من تحته من غير م حد ياخذ باله

كان ف بنت وشابين بياكلوا فتربيزة جمبهم ،وشايفينهم وشغالين  
ضحك

يامن لاحظ واستغرب بيضحكوا ع ايه

خلصوا البنت والشابين قبلهم وهما معديين ع تربيزتهم البنت  
رمت كلمه

البنت: الشيوخ واكياس الزباله بيتدلخوا وياكلوا ايس كريم

كمان!

حلو الدين سطر و سطر ده

الشباب بصولها وضحكوا و سلموا ع ايدها وخرجوا،يامن اتضايق  
ولاحظ

ضيقة فعيون حور عشان شبههوها بنقابها بكيس زباله

يامن طبطب ع كف ايدها وابتسم لها يهون عليها،خلصوا وقاموا  
وهما مروحين كان حاسس يامن بخنقة صدر حور

يدوب وصلوا ،حضنها ع طول

يامن:زعلانه ليه

حور(رفعت النقاب ودمعه)هو انا شكلى وحش بالنقاب

يامن:عيب حبيبي الى ثقته بربه ثم بنفسه تبقى مهزوزة كده

دى بنت نسال الله العفو مش عاوز اغتابها

ليه بتاخدى ع كلامها

حور:قالت عنى كيس زباله (عيطت)



يامن:فيه ناس كده السم مدسوس بكلامهم ، انسي

انتى كريمه بعفتك

وبغلافك الى بتغلفيه لروحك عشان جسمك بتاع جوزك وبس

واساسا عمره م يتعاب المحترم

لكن هى اسال الله لى ولها الهدايه

معها اتنين شباب ومتبرجه ،ربنا يعفو عنها

مين يتضايق من مين ويغير مين

وبعدين هى بتتريق اكمنا بناكل ايس كريم واحنا ملتزمين

ع اساس الملتزمين دول مقفول عليهم ويحرموا نور الشمس

مش بيغيشوا زى الناس فيما لا يغضب الله

بمسح دموع حور بايديه

يامن:انتى حور الجنان فى ارضه ، وانا بشوفك واى حد بيشوفك

بنت محترمه وكل بنت تغير من صلاحك مع ربنا

وبعدين انتى كنتى لابسه زهرى ،فيه كيس زباله زهرى

ولاهى عاميه

حور ضحكت

يامن: خلتينا ناخذ ذنب عشان تضحكى ...ايوة كده  
برضو روح يامن تبقى عامله كده من شخص ....بلاش بقا بتاخذ  
من حسناتى

يلا بينا ننزل نفرجهم ع الهدوم والشوزات الى جنبناها لحبايب بابا  
وماما

حور(مبتسمه) ربنا يخليك لينا ويباركلنا فعمرك وفيك يارب

يامن: تدوملى ضحكك ي ام ولادى

ابتسمت خدها فحضنه وباس خدودها ونزلوا يفرجوهم عالهدوم

الحب احتواء ،والجواز حب عشرة واطمننان ودفا  
والراجل الحنين رزق،عشان كده رزق حور كان مستخبي فيامن  
ومتشالها تاخده فالحلال لانها تستحق.

#بقلمى\_نوراسماعيل



مفیش شغل ،مش بیقدر یخرج لوحده  
مش عارف حاجه ولا فاهم حاجه  
العلاج والتدريبات عند الدكاترة مش جايبه نتیجه،،وفالآخر ايهاب  
ضاع!

يدوب شخص بيقرب الى حواليه ،بيسمع ان دى مراته ودى بنته  
ودول اهله ودول صحابه!

وصال بتجهز عشان تنزل وهو قاعد باصص لها

ايهاب: انا عاوز انزل

وصال: هتنزل ازاي وانت لحد الان مش فاكراي حاجه

ايهاب(بعصبية)اكيد مش هتحبس هنا ،عاوز اخرج

زهقان

انا تعبت

انا لاحاسس بيكي ولا عارفك ولا مصدق انك مراتي اصلا

مش حاسس شئ بيشدني ليكي

انا متأكد اني مكنتش عايش كده

يمكن ريم بتقولو انها بنتي ،لما بتجرة عليا بحس فعلا اني ابوها

يمكن حنية امي وابويا حاسسها

انتى لا

وصال: انت تاعبنى فاكر وتاعبنى ناسي ومش عاجباك انا فاي  
وضع

ايهاب: لان احساسى بيكى مش واصلنى انتى مين

وصال: هترجع تخرف وتقول فيه شخص تانى مراتك ومش انا!  
ايه الخادثة خلت مخك عجيب؟!!

قام ومن غير اى مقدمات نزل بقلم ع وشها!

ايهاب: لو كنت بجد جوزك فانتى ست قليلة الادب

وصال(منهارة) انت بتضربنى! انت اتجننت

ايهاب: انا عاوز اعرف انا مين ! انا مش الشخص المحبوس هنا  
ده

انا مش جوزك

انا مش دى عيشتى



ايهاب: انا معرفش الحياه الى بتقولوا عليها دى... انا تعبان  
انا متأكد انى مش بتاع حبسه  
ولا اختارت الست دى مش عاوزها

الام: عشان بنتك

ايهاب: امى... انا نزلت بروجرام البيك اب  
ورجعى ملفات كتير ممسوحه  
صور ليا مع البنت الى فوقت زمان وشوفتها  
ومسجات ، انا كاتبها عمرى كله  
وبقولها فالمسج ي ايه  
وبنتكلم كلام اتنين (استحى يكمل) اتنين استحاله ميكونوش حاجه  
لبعض

مين اية ي امى، ليه بسالكم ميتدوش  
وصلينى ليها  
انا مش عاوز وصال دى... عاوز اية!

مامته حضنته وبكت وياه وهو راعع ع رجله فحضنها  
وباباه واقف بقلة حيله قصاده...

#بقلمى\_نوراسماعيل



"استغربوا فالبداية بس خلاص يعنى ده امر واقع وهما عمرهم م يفهموا "

طه:بحس ان يامن من وقتها لدلوقنى رغم ان عدى كثير بيتجنب يتكلم معايا

نهلة كانت ع دراع طه وقامت تكلمه وشه لوشها

نهلة:حسوا ان الموضوع غريب؟ ولا استحرموا علاقتنا من قبل طلاقى  
عشان هما ملتزمين

طه:معرفش،حتى يامن مدنيش مجال اشرحه  
وعمره م اتعامل ع ان بينا قربه

نهلة:احنا معملناش حاجه غلط احنا اتجوزنا ع سنة الله ورسوله

طه:بس هما اكيد شايفين اننا غلطانين سواء هو ولا حور

عشان عرفتيني وانتى متجوزة واتطلقتى منه ومقولناش  
كل ده والمفروض انا قريبين ليهم وكلنا نفس العيله

نهلة: كنا هنمشى نبرر يعنى ي طه

طه: مش عارف... بس مضايقتى انهم بعاد كده وواخدين جنب

نهلة: طب ايه رأيك نخطف رجلنا للمنصورة يومين قبل سفرك  
وسفره

اكيد هناك فسكنكم مش هتعرفوا تحكوا فموضوع عائلى وشائك  
زى ده طول المدة دى

فبيتهم هنعرف نشرح ونرجع الميه لمجاريها

طه (مبتسم) دايم افكارك مجنونة كده

نهلة: انا بحبك وبحب اشوفك مرتاح ، غلطانه

طه: بالعكس ده انتى اجمل هديه ربنا بعتهالى

نهلة: وانت شكلك عاوز اسهر وانا عندى عروسة الصبح بدرى  
جايه وفيه تحضيرات



(باست شفايفه ونامت ع دراعه وادتله ضهرها)تصبح ع خير

طه:وانتى من اهله يارب

حضانها وحاوطها بدراعه وراحوا فنوم عميبيق للصبح

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡

بتقوم من ع سرير الكشف وبتلبس هدومها ،وبتقعد قدام مكتب

الدكتور

الدكتور:ممم لازم تحليل واشعه

لينزى:ليه ي دكتور ،،انا حاسه انه موضوع عادى

بقع من الشمس

الدكتور:بقع الشمس تبقى بالمناطق الظاهرة وبس

مش الظاهرة والمخفيه

وكمان البقع ميبقاش لاشكلها ولا لونها كده

لينزى بصاله بتركيز

الدكتور:بتشتكى من امتى بظهورها

لينزى:من فترة قريبه...دكتور حضرتك شاكك ف ايه بالظبط؟

الدكتور ببص ع الروشته

الدكتور :الفحص المبدئى بيقول ...لوكيميا!

سرطان دم

لينزى شهقت وحطت ايدها ع بوقها وسكتت

♡♡♡♡♡♡♡♡♡♡♡♡♡♡♡♡

#صكوك\_الغفران

#بقلمى\_نوراسماعيل



"شط اسكندرية...ي شط الهوا "

مامت الاء: ي شط اسكندرية وهوا اسكندرية ورمل البحر ،ياااه

وحشونى اوى

الاء سامعاها ومبتسمه

الام: مهما قعدت فالقاهرة لايحبها ولايحب زحمتها ،بحن نرجع  
لبيتنا الى قفلناه

بيت ابوكى وريحته ي الاء

الاء(سرحانه)مسيرنا يوم نرجع ي امى...

الام: امتى بس ...انا مش عاوزة اقوك كلام انتى عارفاه ومتاكده  
انه جواكى طول الوقت

احنا مشينا كاننا حراميه من بلدنا ومكاننا وبيوتنا

عاملين عامله وخايفين نتفضح

الاء:(قطعت كلامها)ماما ...انا عارفه كل الى عاوزة تقوليه

من يوم عيد ميلاد محمد ابنى وانتى فقلبك كلام ليا

بعيونك حسيته وسط البنات الى كانوا حاضرين ،بس عاوزانى  
اعمل ايه

الام:كلميه قوليله انك عندك ابن ،شوفيه فين كده كتير وزاد عن  
الحد

وانا ساكته اقول عشان تتحسن

وانتى مبتتحسنيش

الاء: انا الى اكلمه! انا الى ادور عليه

انا الى اشوفه فين

محمد جهاد ي امى لو لسه عاوزنى كان هد الدنيا من شرقها

لغربها بيدور عليا

مكانش سابنى بسهولة

الام: وهنقد العمر كله نعدد على فات، فيه عيل منه ومكتوب ع

اسمه

ومسيرة يحتاجه

وانا مش عايشالك العمر كله، هتعملى ايه

قوليلى عاوزة ايه ي بنتى

الاء: ابنى انا هكفيه وعمره م هحتاج حد

الام: هتوفرى له فلوس وعيشه، لكن عمرك م هتوفرى الى ابوه

يعمله له

وده ولد

احتياجه لابوه اكر منك

وهما بيتكلموا محمد الصغير نطق لاول مرة وقال

"بابا!"

سكتوا الاتنين وبلغوا، جريت جدته شالته وهى فرحانه  
انما الاء مفرحتش، عارفه انه محتاجه  
وهى كمان محتاجه، بس خلاص هو معادش محتاجهم  
ولا عاوزهم  
دخلت الاء اوضتها بكرسيها، جت قدام المراية تجرب هتعرف  
توقف ولا لا..  
هى مش عارفه ليه جاتها الفكرة وقت م قالت مامتها اتسندى ع  
راجل  
هى عاوزة تثبت انها تقدر تتسند ع روحها كويس اوى، تقدر  
تكون وتفضل وحدها  
لا عمره العجز ولا وحدتها هيقفوها..  
بتحاول... بتتسند ع ايدين الكرسي  
هتقوم.. وقفت لثوانى، رجلها خلت بيها ووقعت عالارض من  
تانى..

مش عارفه تقوم نفسها وتوصل للكرسي لوحدها

دخلت مامتها شافتها كده، بسرعة جريت عليها تشيلها  
وهى ملهوفه وقلقانه عليها.. عدلتها وحطتها عالسرير..

الام(شايله حفيدها) ي بنتى متنشفيش راسك اكر من كده، كان  
ابنك  
بيرد عليكى اهو

الاء:امى...محمد معادش عاوز حاجه مننا  
اتجوز ومن زمان وعارفه كل اخباره  
محمد لو باق عليا،كان علاقل مختارش يبدء حياه جديده مع  
واحد  
تانيه لمجرد انى مشيت وهو ناھى حياتى للنھايه!

الام:اتجوز!بيقولوك صحابك الى هناك ولا مين الى بيعرفك؟  
الاء: مش مهم...المهم ان محمد ابني مش اول عيل يتربي من  
غير ابوه  
اهو يعتبر انه يتيم  
وانى مش هتجوز ،قوليلى ي امى  
هيتربي ولالا

الام:خايفه عليكى من غدر الدنيا ي بنتى  
الاء(بحسره)مش هتغدر اكر من كده ي امى ....مش هييجى اد  
الى راح

الام:لازمك راجل يسندك وانتى لسه شباب وصغيرة وحلوة وفيكى  
الطمع

الاء:السند هو ربنا ،وعزوتى انتى وابنى  
ومش هتكسف منك واقولك ان بعد محمد جهاد ...  
حتى لو فقلبى منه مليون جرح مش بيدبل  
محدث هياحد مكانه ابدأ لا معايا ولا مع ابنه ...

كل محاولات امها باءت بالفشل،كل مرة تتهزم منها من قبل م  
تتكلم

هى عارفه ان بنتها ع حق لكن خايفه عليها  
دماغ الاء حجر صوان ...والى شافوا حالها وعارفين الى فيها  
مقدرين ان تفضل طول عمرها ع موقفها من جهاد  
مش هتخسر اد الى خسرتة...

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

"انا عاوزة اقابل حضرتك دلوقت !"

مامت ايهاب: دلوقتى؟ خير فيه ايه

اية: هتعرفى كل حاجه لما نتقابل، انا فطريقى للوصول للقاهرة  
عاوزه نتقابل فشقتى ... حضرتك عارفها طبعاً

مامت ايهاب: ماشى ي اية، بس ي ترى بخصوص الكلام الى  
قولتهولك  
فكرتى يعنى؟

اية: انا منتظراكى وهقول لحضرتك كل حاجه  
\*وصلت اية واستنت حماتها ، يدوب مسافه وقت وكانت جت  
وهتبدء المواجهه\*

مامت ايهاب: خير ي اية  
اية: (بثبات) انا عاوزه جوزى ... ومستحيل اسيبه  
فظروفه دى  
ومستحيل اتخلى عن حبنا لبعض لمجرد واحده تانيه تبقى مراته  
مش بتحس بيه  
ولا بتعرفه

مامت ايهاب (كشرت) انتى ...

اية (هتبتدى تبكى) انا تعبت ومحتاجه جوزى ، انا ازاي طاواعتكم  
وسيبته



انا ازای كل الوقت ده بعیده عنه  
ومستسلمه فحقى فيه (بحدة) انا عاوزة جوزى !

مامت ايهاب: حقاك فيه انتى سامحتى فيه من زمان من وقت لما  
اتجوزتوا فالسر

اية: انا خايفه ع بنات اختى وهو خايف ع بنته  
مامت ايهاب: مش مشكلتى دلوقتى انتو عملتوا كده بيه ، المشكله  
اكبر  
ان ف بيت ممكن يتدمر وبنت تضيع منه لو بس...

اية (قطعت كلامها) ليه طول الوقت مش شايفين غيرها وبيتها  
الى هى اصلا خربته  
باهمالها وبرودها لجوزها وبناتها  
ومع ذلك انتو فصفها وعاوزينى انا انسحب

مامته بتبصلها وهى بتتكلم

اية: مع ان متاكده ان جوزى تعبان من غيرى .... ومتاكده ان  
دواه معايا

وانتو عارفين ده بس مطمئنين عشان واحده كل همها منظرها  
ومنظركم قدام الناس وبس ومش مهم انتم

مامت ايهاب: اية... انا من اول لحظة حسيت انك بنت ناس  
ومؤدبة وانك بتحبي ايهاب ومترضيش تعملي له مشكله

اية: هاتولى ايهاب هنا... وانا مش هروح لاي حد  
ولا هعمل مشاكل، لكن لو فضلتموا مبعدين بيني وبين جوزي  
وعاوزيني اجي ع نفسي عشان خاطر واحده تانيه انا وهي زي  
بعض بالنسبة له  
هروح له واقوله  
وهي تعرف ولا متعرفش مش مشكلتي... انا اهم حاجه عندي هو  
ايهاب

مامت ايهاب قعدت باستكانه ، بتفكر  
واضح ان فعلا مفيش مفر ان اية تفضل مع ايهاب... لاهو ناسيها  
ولا هي عاوزة تسببه  
مامته اتأكدت من قوة رباطهم ببعض، لما هو حس بيها وهو  
ناسي  
وهي ثارت برغم هدونها عشانه..

فلحظات كان في اتصال من مامت ايهاب ل ايهاب ييجي ع عنوان  
اتدهوله

جه ايهاب، طالع العمارة بيفتكر

حجات بتيجى ع باله، وقت م طلعت معاه هنا واحده

الذاكرة بتتشوش بتروح وتيجى... شايف نفسه بيضحك وماسك  
كف ايد وطالع

خبط ع باب الشقة الى قالت له عليها مامته ، فتحت اية بلهفة  
ومن غير مقدمات

اخذته فحضنها وبقت بتعبر باشتياقها له بتقبيله ف وشه وفشعره  
وفعيونه

بطريقه عشوائيه لكن كانت لهفتها بتتكلم، فالاول ايهاب مش  
مستوعب

لكن بمرور دقائق

بدا يفتكر وشها

اللعبه اياها، دلعهم ع بعض ... الرقص سوا والضحك

بص لوشها وهى بتبوسه وابتسم وحضنها هو كمان وبقا يبوسها  
اوى

وهو حاضنها

مامته شافتهم وخرجت من الباب بهدوء، ايقنت ان الى بينهم  
عشق مستحيل ينمحي فيوم

حتى لو حصل ايه ...فيه شئ محفور فيهم وبينهم وميفصلوش الا  
الموت.

وقع عليها وهما لسه فحضن اشتياق لبعض اوى ، وهو بيفتكر

اية: انا حبيبتك ي روح قلبي... انا حياتك

انا تحت امرك ، امك وبنتك وصاحبتك

انا اية ي ايهاب

لو مليون فقد للذاكرة مستحيل تنساني ...مستحيل قلبك ميعرفنيش

مستحيل اتخلي عنك

ده انا منك ي حبيبي

وهي بتتكلم بصوتها ولهفتها ، بيفتكر فعلا

كلامهم اول مرة شات ، خناقهم

اول مرة شافها

عرضه عليها الجواز... ميلاد ريم بنته وضحكته اول مرة شالها

وجوده فحضن اية ساعة النوم

ايهاب (رفع وشه ليها) وحشتيني ... انا..

انا مستحيل انساكي

مستحيل

.....مكنتش عايش

كنت متأكد ان مش دى حياتى

اية:حمدلله ع سلامتک ي حبيبي،هنرحع ونفكر ونفتكر كل حاجه  
بس بالراحه

وواحد واحد

انا معاك

كنت غبية لما استسلمت وسبيتك كل ده

ايهاب:مش عاوز افكر غيرك،

اية: هنفكر شغلك وريم ،هنفتكر كل حاجه

وانا بحبك ومعاك

ايهاب:هو قلبي بيقول انه بيموت فيكى وعاوزك اوى

خدها فحضنه لمكانهم سوا ، ابتدا يفوق ع دنيته

لما مدت ايدها له حبيبته،نصه التانى!

#بقلمى\_نوراسماعيل



نهلة ماشيه فالشارع بتشتري حجات للبيت وبتجيب بضاعه  
لمحلها من الناس والمعارف الى كانت  
بتتعامل معاهم وقت البيوتى سنتر..  
ماشية ب اريحيه ،بتعمل الى عاوزاه فالحدود  
مفيش مرقبات ..مفيش متابعات...مفيش تقليل منها مهما عملت  
مفيش تهميش لشخصيتها  
بقالها فترة عايشه مرتاحه البال وسط اهل طه وبالوقت كسبت  
محبتهم وثقتهم  
ومبقوش عارفين يستغنوا عنها  
حتى اسماء اخت طه الى سكنت بعيد عنهم بتروحها وتودها  
وتسال عنها  
خصوصا بعد م عرفت بحملها الجديد لتانى مرة وبيدعوا ربنا  
يثبتته..

اما عنها هي وطه...

اتولد بينهم فوق الحب حب،حب عشرة وتفاهم ورضا

نهلة بقت متفهمه انها لو مع الشخص الى بتحبه ومرتاحه نفسيا  
ومزاجيا فهي اسعد الناس  
مش شرط فلوس... ولا شرط جنس  
مع ان ناس كتير هتختلف مع نهلة فالنقطة دي، لكن هي اختارت  
راحه قلبها وبالها عوضاً عن اى شئ.

اشترت وبضعت وراجعه للمحل بتاعها، وقفها واحده كانت راكبه  
عربية  
بتنادى عليها بقالها كتير وفالاخر نهلة اتنبهت..

نهلة(مبتسمه)ايه ده الصدفه الحلوة دي ،ازيك  
الست:عاملة ايه ي نهلة، اخبارك وحشاني موت بقالك فترة  
مختلفيه من ساعة م قفلتى البيوتى

نهلة:ماهو انا...

الست(قطعت كلامها) وايه التغيير ده ،انا دقت عشان اعرفك  
الحجاب واستايل لبسك اتغير خالص  
مالك ي بنتى...وفين عربيتك صحيح  
وليه بتشتري بنفسك

حتى بسال عليكى صادق بيه بيقولى بقالك فترة مسافرة

نهلة(باستغراب)صادق!

الست:بس مالك مش مهتمه بلبسك وشكلك زى زمان

نهلة:(بتحسس ع طرحتها ) بالعكس كده احسن

الست:مممم لا ستايلك الاول احسن ، عاوزة اقولك حاجه قبل  
الإشارة م تفتح

شوفى صادق ماله لان بجد شكله زعلان منك

ومش حابب يحكى مع حد حتى مع جوزى

نهلة:انا عاوزة افهمك بس انتى مش مديانى فرصة ،انا وصادق..

الست:تفهمينى ايه شكلكم باين ان ف حاجه كبيرة، ليليان بنتى  
شافتك فمرة مع راجل كده

شكله قريبك بتقولى طنط نهلة اتحجبت وكانت مع راجل واضح  
انكم كنتو مسافرين ولا ايه ولا راجعه من سفرك

نهلة:مممكن تسمعى شوية،لانى مش عارفه اتكلم الراجل ده يبقا  
ج..

\*الإشارة فتحت والعريبات اتحركت\*

الست:باباى بقا الإشارة فتحت،كلمينى من رقمك لان كل م اكلمك  
مقفول

بالاى



مشيت بسرعة بعربيتها وسابتها واقفه مكانها،الناس لسه مش  
عارفه انهم اتطلقوا من فترة كبيرة

داخلين ع سنه!

اتضايقت من كلامها انها بقت مبهدة وان صادق لسه مثبت  
علاقته بيها

متعرفش دافع بتاعه ورا ده ايه

خايف ع شكله لو قال اتطلقوا؟

طيب ناس كتير بتطلق وعادى الحياه بتمشى...ليه مقالش وطالب  
منهم يبعدوا

هى نفذت ده من غير اسئله عشان تتجنب المشاكل

ومرتاحه فعيشتها الجديده

لكن ولامتى هينصاعوا لاوامر صادق وينفذوها؟

ولامتى الناس هتفضل فاكره انها مراته وهى مرات طه ...!

#بقلمى\_نوراسماعيل



يامن وحوور..

خلصوا قراءة الورد اليومى من القران سوا،ونزل قعد شوية تحت  
مع اهله لان بكره الفجر

مسافر ع دبي.

لما طلع كانت حور مظبطه الدنيا كالعادة ،عشا حلو  
لابسة شئ مبهج وببحبه ...مظبطه نفسها رغم تعب الحمل  
والاجهاد  
طلع يامن واكلوا سوا..

كل مرة ببيجي ويمشى يامن لبيته،حور بتحاول تكون اهدا قصاده  
بتحاول تكون طبيعيه عشان ميمشيش قلقان عليها وع الى شايلاه  
جواها منه.

بعد قاعدة صفا نفسي ومودة ورحمة من ربنا مشرعا  
بينهم،كانت فحضنه

وبيتكلموا مع بعض بحميميه حلوة متعودين عليها.

يامن: (ع صدره نايمه براسها وباصين للسقف)قبل م نتجوز،قبل  
اصلا م اعرف

انى عاوز ارتبط بيكى..

حلمت حلم انى ماشى فصحرا واسعه ...عطشان وحران ومش  
عارف امشى

ازاى ولا اروح ع فين

حور:وبعدين

يامن:وبعدين ظهرتى انتى، قاعدة كده ومنكسه راسك ع رحلك

وفاتحه كفوف ايدك بحجات مش عارف افسر قمح ولا ايه  
المهم حبوب كتير

جريت زى الملهوف اكل من كفوف ايدك ، لحد م شبع  
فقولتلك عاوز اشرب عطشان  
روحتي طلعتى حاجه شربت منها لما ارتويت

حور:بسم الله ماشاء الله ،خير اوى كمل ولاخلص

يامن:لا لسه ي حبيبتى، كنت قايم وسايبك  
ادتنى ع فجة حذاء قولتلك اه انا محتاج واحد بس لان رجلى  
تعبتنى

قولتيلى لا حد الاتنين لازم سوا  
وبس

ولحد الان ...مفسرتش الحلم ده  
معرفةش ليه افكرته

حور :بص هو كله خير(اتعدلت وبصت لوشه) بس ليه قولتلك  
البس الاتنين سوا

هو انت(نفسها ضيق من الحمل)هتجوز عليا؟

يامن ضحك اوى ضحكة عاليه وباس دماغها ورحعها ع صدره  
تانى..

يامن: يارب اموت قبل م افكر واعملها

حور(بحنيه)بعد الشر بتقول ليه كده

يامن: رغم انه شرع الله ،لكن انا مش هطبقه

انتى باربع ستات

ب 100 ست

هتجوز ليه...ربنا يقينا شر فراغه العين

حور:يمكن تقلد صاحبك(بدلع )كابتن ايهاب

يامن:ايهاب الله يكون فعونه ،ع فكرة انا بس الى عرفت فزمايلنا  
من اللبس

الى حصل ساعتها

ان فيه زوجتين لما انتى كلمتى زوجته اية ووضحتك

معرفةش ايه اسبابه ،البيوت مليانه

مع انى مش شايف انه راجل متزوج لفراغه العين

او انه راجل مزواج....ربنا ستير علينا وع عباده

حور: احساس كده لما حكتلى طريقه مراته دكتوراة وصال دى انها  
هى سبب مشكلته  
فاتجوز

يامن: خلااص مش عاوزين نغتاب حد

حور: طب المهم، ايه تفسير الحلم ده عشان قلقانه منه

يامن: وتقلقى ليه بس ي حبيبتي (باس كفوف ايدها) انا معنديش  
النيه اصلا

بس حاسس ان التفسير ان ع ايدك

ربنا ادانى زينه الحياه الدنيا

المال... (حط ايده ع بطنها) والبنون!

حور ابتسمت

يامن: عشان كده انتى صممتى اخد الاتنين، انتى ربنا جعلك سبب  
ليا

ان يجينى رزق من حيث لا اعلم

وانتى السبب برضو فانى يكون لى اولاد

الاول انا مخدمتش بالى منك زميله مش اكثر، بعدين حسيتك

ونويت وربنا يبسر الحال انك تكونى زوجتى وتكمل زينه دنيتى

بالمال والبنون

حور(بصتله) انا بحبك اوى، وبحب تعبي فولادك عشان هما منك  
ربنا ميحرمناش منك وتجيني بالسلامه  
ويقدرنى واصبر ع بعدك الفترة دى (دمعت)

يامن: طب بتعيطى ليه بس

حور: عشان مش هتكون موجود فولادتى (بتعيط)

يامن: امر ربنا طيب ي بابا هنعمل ايه، ربنا يقومك بالسلامه  
وييجو صحيحين معافيين  
يارب

وباذن الله هكون معاكى وقتها لحظة بلحظة

حور: ادعيلى كتير ي يامن، انا فعلا خايفه

يامن: بدعيلك ي حبيبتى، دايم حافظك فودائع الله  
بين اللهم وامين

حضانها يطمنها، احتمت بيه كالعاده

ناموا فحضن بعض قبل م الساعات تعدى ويتفرقوا من تانى بسبب  
سفره

يامن حابب لو استقر يبدء ع شغل له كبير  
من غير اعتماد ع حد حتى لو كان حماه بشهرته وجاهه، عشان  
كده

هما الاتنين صابرين لحد م يوصلوا سوا.

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

من سينما ... لغدا برة ... لتصوير  
لمرواح النادى

لينزى عايشه حياتها جدا ، بعد تشخيص الدكتور الى مراحتلوش  
تانى

ولا عملت تحليل او اشعات من المطلوبة منها.

زائد نزول مارسيلينو اجازة ، وده كمان مبقاش فارق  
رجعت لحياتها العادية قبل الجواز والحمل، خروج وفسح وسفر  
طالما مارسيلينو حابب يكونوا اغراب بس بينهم وقدام الناس  
حابيب وزوجين مثاليين..

بتفتح الباب وداخله..،مارسيلينو فصاله الشقه قاعد.

لينزى: هاى

مارسيلينو:كنتى فين ده كله،وايه الى انتى لابساه ده

لينزى:كنت مع اصحابي ،وايه الى لابساه

عادى يعنى شيميز وبنظنون

مارسيلينو:شيميز ايه ؟ شفاف ومبين جسمك

لينزى: هو البيه بيغير ولا حاجه

مارسيلينو:بطلى ام استفزازك ده عشان مبعتكيش للسمما فجواب

لينزى:بص ي سينو ...عاوز تغير وتتحكم فلبسي

وفشكلى

وبخرج مع مين وبشوف مين وبعمل ايه كل يوم

نتصرف زى الازواج العاديين

فكل حاجه ...احنا مش هنمشى صفحه ونعدى 10

مارسيلينو:واذا كنت مش عاوز



لينزى:يبقى كلنا نتعامل زى م احنا عاوزين ،وقدام الناس نحافظ  
ع الى باقى من الصورة

\*دخلت وسابته\*

مارسيلينو: هو ايه علامه الى فرقبتك دى ؟

لينزى(ارتبكت)معرفش حساسيه طلعت ولا ايه

مارسيلينو:بس دى عامله زى البقعہ مش حبايه

لينزى:فكك ي لينو

مارسيلينو : طب انتى ...هتنامى لوحدك برضو؟

لينزى (قلبها فرح) ليه بتسال

مارسيلينو:اصل يعنى ...بخاف انام وحدى بيقلوا ابو رجل  
ملووحه بيطلع للى بينام وحده

لينزى:بقالك كتير بتنام لوحدك،مسمعتش ان فى حاجه طلعت  
وخطفتك يعنى

مارسلينو: خطفتي! خلاص روجي مطرح م كنتي

لينزي (بتلاعبه بايدها فدقنه) لما تبطل كلام مع الستات والبنات  
وترحلي ي امورة ... ساعتها هفكر

مارسلينو (اداهها بالشلوت ودخلها جوه وقفل) اجري بلا افكر  
يايت لحد من كام شهر كنت بشوفك حوله ي ام فاترينه فوشك

لينزي (من جوه) بطلناها وبقينا موزز وفيه ناس هتمووووت  
علينا

مارسلينو: موته تاخذ البعدا ، مستعد ارحعك بفاتربنا فوشك  
من تاني ببوكس مني اخليكي تصنجي تقوليلى بتقول ايه

لينزي: لو راجل اعملها

مارسلينو: راجل غصب عنك ، فاكرة استهبالك ان تغلطي فابوكي  
وامك

هخليه بجد

فتحت الباب شبه مغيره هدومها ومش لابسه ومتداريه بالباب

لينزى (بتمشى ايدها ع خدوده) اعمالها ي بيبي

\*مارسيلينو راح وهى ضحكت وقلت\*

مارسيلينو: هوريكى .... (بينه وبين نفسه) اااااه

هروح اعدى عالواد الى افكر بعد شوقه ايهاب ده وافجر مع  
بنات

ايشمعنا

قدامى البلح ومش طایل ومش اعوز اعبره اصلا

لينزى من جوه بتضحك، سمع ضحكتها ودخل اوضته يغير وهو  
كمان بيضحك..

هى وقفت ورا بابها ضحكتها اتحولت لتكشيرة، قصاد وجعها  
خوف من الفراق

بتخرج وتسهر وتتفسح عشان تعيش الى باقى

بس برضو مصممه

تعيش الى باقى مع حبيبها مارسيلينو، لكن هو مش فاهم.

#بقلمى\_نوراسماعيل



فون محمد جهاد ...

عالشاحن ، زن فدماغ حسين من ساعة م قرا اسم رضوى

وشاف صورتها ع فونه من يومها

والحاح ووش فنافوخه تقربله ايه ،خايف تقوله

خايف الى بينهم يتفضح

خايف يرجع

فيه ايه؟ حسين شخص حجات كتير فيه غلط

زى انه ينتهز فرصه ان محمد جهاد فالحمام بياحد دوش

ويتسحب يمسك فونه ،يفتح بسرعه

لحسن حظه مفيش باسوورد ..بسرعة بيدور فالاسماء

جاب اسمها

وجاب رقمها ونقل ع فونه،وقرر يضحى بمكالمه دولى عشان

يسكت الهسهس الى جواه

وبيتصل...

كانت رضوى معديه طالعه من اوضتها للحمام،سمعت فونها بيرن

عالشاحن

لاقت رقم دولى

فرجحت انه محمد وفرحت انه بيتصل بيها

رضوى:الو

حسين:الو رضوى

رضوى(مستغربه)مين الى بيتكلم

حسين: انا حسين...حسين ي رضوى

رضوى(اتخضت)يخربيتك عرفت نمرتى الجديده منين،وبتكلمنى  
ليه اصلا

وليه دولى

انت عاوز منى ايه

حسين:مممكن تهدى!!اهدى مش سامع منك حاجه

هو محمد جهاد يبقالك ايه

رضوى:وانت مالك ،انت تخرس خالص واوعى تتصل بيا تانى

واوعى تحاول توصللى تانى انت سامع

حسين:ي ستى انا

رضوى:ابعد عنى بقولك حرام كل الى حصللى من تحت راسك

وانا معميه

وكنت فغيبوبه

\*قفلت فوشه\*

حسين: الو... ي رضوى  
الو

بيتلفت وراه لقي محمد جهاد واقف وباصص له وهوماسك بايد  
موبايل جهاد وباید موبايله  
وزى الفار المبلول ... اتبل مكانه  
ومحطش منطق!



#صكوك\_الغفران

#بقلمى\_نوراسماعيل



حسين: الو... ي رضوى  
الو

بيتلفت وراه لقي محمد جهاد واقف وباصص له وهوماسك بايد  
موبايل جهاد وباید موبايله

وزى الفار المبلول ... اتبل مكانه  
ومحطش منطق!

محمد جاى عليه وع وشه غضب الله كله

محمد جهاد(متحفز) انت ماسك ام تليفونى ليه(مسك حسين من  
دراعه)

حسين(خايف) اهدى بس متدخلش قافش كده  
انا كنت ... اصل بص بفهمك اهو

محمد جهاد(بعصبيه) اخلص عشان انا ع اخرى منك ،الموبايل ده  
حاجه شخصيه  
ده مراتى مبتمسكوش ياض

ماسكه ليه وواقف متسحب زى الديب السحراوى

حسين(بيبيع ريقه) بص الشاحن عندى مش بيشحن كويس ،وكنت  
بجرب شاحنك ع موبايلى

محمد جهاد(زقه فدقنه) ع بابا ياض،ماسك موبايلى ليه وانت  
بتجرب الشاحن

شايفنى هندی وراكن الفيل جمب الفيلا

هطلع عين اهلك

\*صوت محمد عالی سمعه طه وجه جرى ع اوضة محمد لقاء  
المشهد

ماسك فخناق حسين\*

طه: صلوا عالنبی فیہ ایہ

حسین: ( بخوف) ی طه فهمه ،كنت بجر ب شاحنه ع موبایلی مش  
راضی یقبل

ولاشاحن

و كنت ماسك موبایله لاقیته بیشن عادی

كنت بقارن یعنی

هو عاوز یعمل مشكله ویضرب و خلاص

طه: یاسیدی ابعء عن جهاد هو انت ایہ ؟ عاوز شاحن تعالی  
اسالنی

انت و جهاد مینفعش اصلا یبقی بینكم تعامل

حسین: ایہ یعنی

محمد جهاد (بیمشی ایده ع وش حسین برخامه) عشان مش طایقك  
یا لا



طه:خلاص ي جهاد ...يالاي حسين تعالى اجبتك شاحن  
وتانى مرة بطل تدخل اوضنا من غيراذن عادتك الزباله دى

حسين:خلاص ياعم منيش رايح ولا جاى،معرفةش ايشمعنا انا الى  
بتعاملونى كده

دايما

خرج طه مع حسين ووقف محمد يقرب ففونه يتأكد ان حسين  
ملعبش فحاجه

وبعدين سابه

مخدش باله ان لو فتح اخر نافذة اتفتحت عالفون كان هيلاقى اسم  
رضوى

ويعرف كل حاجه..!

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

وبعد فترة عدت ...

ايهاب بدأت تتحسن عنده الذاكرة ،بمساعدة ربنا اولا واخيرا  
ثم ايه والدكتور وياه والتدريبات ...نجحوا واتذكر كل شئ

عرف يرجع شغله من تانى ،ورجع لاصحابه ف دبي من تانى  
وحكالهم ع التجربة كانت صعبه ازاي .

اكيد فاكيرين لما من فترة كبييرة حصل مشاده بينه وبين وصال  
وضربها ،هى اشتكت يومها لبابها

لكن اهلها لاول مرة يغلطوها ورحعوها بيتها وقالوا ان لازم  
تفضل مع جوزها فوقت تعب

وان الى عمله حتى لو غلط فبناء ع تعب اعصابه بسبب الى بيمر  
بيه

خلاصة القول

رجعت بيتها ولشغلها والى بيفضل من وقتها بتتابع بنتها!

اما عن ايهاب مع بنته فرجع احسن من الاول اهتمام وحب وحنان  
اه من وقت للتانى بيحس بصداع ودوخه نتيجة الحادث  
وساعات تشويش

وهو بياخذ له دوا لحد م كل الاعراض دى تروح لحالها نهائى لان  
ظمنوهم انها مساله وقت .

وعن اية ،حبيبته وزوجته التانيه

فهى كانت السبب الرئيسي ان ترجع حياته من تانى .

وبنات اختها فرحوا برجوعه اوى ليهم ولخالتهم .

والوقت لما عدى ، كانت برضو حكاية بسمه بتعدى

الى كانت وقت الحادث عاوزة تحكى لايهاب عنها ...

زميل ليها فالجامعه ابتدا بزماله ثم تلميح ثم اعجاب

ثم حب!

ولان تربية اية جات ثمارها بالخير، بسمه وقفته عند حده بان ي  
يطلب ايدها

ي يروح لحاله ويفضلوا زمائل.

وجت حادثه ايهاب قلبت الدنيا، وفضل زميل بسمه ع حاله بيحبها  
وفعلا

فاتح اهله عنها رغم صغر سنه لكنه وحيد فوافقوا انهم يقرأوا  
فاتحه

وحاليا حكت الحكاية من طقطق لسلامو عليكم لايهاب واية.

وايهاب شايف ان اية تفتح اهل بابا بسمه عن العريس عشان  
دى الاصول

وقد كان.

لكن انت الامور بما لم يحمد عقباه !

اية وايهاب كانوا فشقتهم ، وهى مش مبطله عياط..

ايهاب:وعلى ايه كل ده ي اية عاوز افهم

اية:بقولك شكوا فيا وقالولى اتغيرتى ،او مال لبس الذهب  
والموبايلات

واللبس ده منين من شغلك برضوا!

وكانوا بيتريقوا انى احلويت وان اكيد متجوزة عرفى ولا بعمل  
حاجه غلط

ايهاب: دول ناس مش مضبوطة الى تفكر كده ، وكمان هما  
بيضغطوا عليكى بوسيله سخيغه  
قال يعنى هيقعوكى

اية: ي اية عم البنات بيقولى ابنى فالكلية فالقاهرة وبيشوفك  
رجلك حدت ع هناك

ايهاب: دى قلة ادب وهما مالهم بحياتك اصلا  
اية: انا خايغه يعرفوا وياخدوا البنات ، ووقتها هيخرجوهم من  
تعليمهم  
وهيخلوهم عندهم خدامين عشان يذلوهم ويذلونى لان وقفت  
لابوهم فالمحكمة وخذتهم منه

ايهاب: ممكن تهدى وتفكرى احسن، مفيش حاجه من دى هتحصل  
بسمه هتتجوز وهبه هناخدها ونبعد ويولعوا بقا

اية: ايهاب .... ايهاب بص انا فكرت فحل (بتمسح عيونها)  
هما لو سالو فاي مكان حكومى هيعرفوا انى متزوجه

ايهاب:فالحلال ولا فالحرام ي اية متعصبينش وتجنينى معاكى

اية: طيب ...نتطلق !

ايهاب بصلها بتكشيرة وحشه

اية:نتطلق مؤقتا لحد جواز بسمه بس

ايهاب(بخيبه امل) يعنى انتى بتتخيلى عنى لمجرد تحافضى ع بنات  
اختك

يعنى بتبيغنى انا

اية:ايهاب افهمنى،هما مالهمش غيرى

لو اتخليت عنهم وثبتوا انا متجوزين هيضيعوا

ايهاب(بعصبية)وانا كمان ماليش غيرك افهمى بقا

اية(بتمسح عنيا)لا لىك ..والدتك ووالدك واخواتك ومراتك وبناتك  
وشغلك

لكن هما انا ابقالهم كل حاجه

وضحيت بكل حاجه عشانهم

مستحيل عالاخر كل حاجه تبوظ

ايهاب :ياااه...بالبساطه دى

عارفه لما تحسى بالخذلان من اقرب م ليكى ،انه يدوب محطه  
مؤقته

فاى وقت نقوله باى باى

وكل الى انتى ذكرتيهم دول ماليش فيهم حد غيرك انتى وبنتى  
بس عارفه....

وصال زمان مرضيتش اطلقها اه عشان شكلها قدام الناس

بس قالتلى لا لما انا عرضت الانفصال

لكن انتى بسهولة نطقتيها..بسهولة عرضتى وعاوزه

لانى مش مهم ادم ان مهمتك لبنات اختك اهم وان اهلهم  
ميشكوش

اية:وصال!اول مرة تقارنى بيها

ليه كده ي ايهاب ...ليه بتوحشها اوى كده

ايهاب:عشان حتى فمقارنتك بيها هى الى بتكسب ي ايه

لاول مرة ي اية

وبينكم انتو الاتنين ....ولا واحده اختارتنى

واحده اختيارها منظرها

وواحدة اختياراتها ناس تانيين اهم بكتير من علاقتنا ورباطنا  
ببعض

اية(بعصبيه)لا مش من حقه تقارنى بيها وتحطنا فميزان واحد  
،وتعليها عليا

الست الى اتنفخت وعليت بمنصبها وفلوس باباها ومركزها  
ونسياك

عمرى م اتقارن بيها

انا الى حببت وانا الى شيلت وانا الى اتحملت

وانا الى خلت اى حد يدوس عليا عشان افضل زوجه السر

وانا الى بحب الفتافيت الى بتديهاك قصاد الكم الى بتاخده هي  
حتى لو كان وقت

وانا الى استحملت قهرتى فبعدهك وانت فحضنها

انا متقارنش بيها...ابدا !

\*قام وقف وماشى\*

اية:رايح فين

ايهاب:لو قعدت اكر من كده،هنجرح بعض بزياده

وعلى ايه

مش طالبه...اقعدى وفكرى وشوفى عاوزة ايه

وان كنتى عاوزة الطلاق فانا مستحيل اضغط بوجودى عليكى الى  
بيهدد

بنات اختك وعيشتهم وياكى...

مشى ورزق الباب وراه بضيق نفضها من مكانها وهى قاعده ..

#بقلمى\_نوراسماعيل



"الف حمد لله ع سلامتكم ي سكنى"

حور(بتعب بتتكلم فالفون)الله يسلمك ي حبيبي ،تعبت تعب م يعلم  
بيه

الا ربنا

يامن:من اول م عرفت انك بتولدى وانا مشبتش سجاده الصلاة  
مش جايلى نوم وقلقان بس ثقتى بربنا كبيرة انها هتعدى ع خير  
وتقومى بالسلامه

انتى وولادى ي حبيبتى

حور:بابا عندى هنا وابله نهلة ع فكرة ،بس مجوش سوا  
ابله نهلة جاتلى قبل الولادة بيوم وبابا جه يوم م ولدت بليل



وغريبة سايب كل حاجه وراه ومشغولياته وموحد معايا

يامن:طبعاً ي حبيبتى ...والدك وانتى وحيدته

ازاى يسيبك حتى لو وراه مليون شغل

ياريتنى جمبك ي حبيبتى

حور:والله كلهم هنا مش سايبينى ابدأ ، بس هفضل محتاجه

حضنك برضو

يامن: ربنا م يبعدك عنى ابدأ ، ربنا يقرب البعيد ويوافقوا ع

اجازة حبيبتى يارب

حور:عمو وياسر هيروحوا يسجلوهم بكرة ان شاء الله

يامن: وليه اتاخروا كده

حور:كانوا بيتظمنوا عليا انا الاول،بصراحه فعلا اهلى التانيين

ربنا يخليهم لى يارب

وبابا عاجباه اسماء الى انت اختارتها وخصوصا البنوتة

بيقولى حلو زياد وجويرية

وخصوصا جويريه بيقولى اسمها مميز زي

يامن: عاوز اكلمه ، بقالى كتير مكلمتوش

حور: حاضر هناديك عليه ..

حور بتنادى ع باباها ،الى كان واقف فالمطبخ مع نهلة وهى  
بتحضر اكل ل حور

نهلة(بعصبيه بس موطيه صوتها)انت ايه فاهم انك ممشى الكون  
م تسيبنا فحالنا بقا ي اخى

صادق: انتى فاكرة ان الحيوان حته البرغوت الى تعدى حدوده  
وجه يهددى فمكتبي هعديهاله بالساهل  
انا سايبكم بمزاجى وحلاوة روح

نهلة(رمت الطبق من ايدها بضيق)او عى تغلط فيه تانى ،الراجل  
ده جوزى

وجزمته الى بيلبسها فرجله فوق راسي

لانه بيعاملنى دايماع انه تاج راسه ، عمرى م حقرنى

عمره ك اهملنى رغم بينا مسافات وبلاد

عمره م شافنى اكبر منه والبنات الصغيرة احسن واجمل منه

بيحترمنى وبيقدرنى،بيبذل كل جهده عشان بس ابتسم وافرح

هو ده معنى يعنى ايه راجل ...مش حيوان زى م بتقول  
ولو سمحت ي صادق

رد جميل عمر شوفته معاك حلو ومر  
انك تسيبنا فحالنا، وعرف الناس اننا اتطلقنا  
ماحناش اول ولا اخر ناس

صادق(اتضايق من مدحها ف طه) فعلا مكناش هنبقى اول ولا  
اخر ناس

لو كنت بمزاجى رميتك زى الكلبه  
مش تروحي تحبي وتعرفى وتدورى ع حل شعرك وهو يعمل فيها  
شجيع السيمما وييجى يهددى

نهلة: انت عاوز ايه ؟- انا جايه هنا لحورة اتمنيت ملاقكش  
او تتلكك بانك مش فاضى كالعاده من مشغولياتك

صادق: انتى اصلا بتيجى ليه عندها وبتوديهها ،دى تماحيك ي  
عزيرتى اسمحيلي اقولك (ببمشى صوابه ع دقنها)

نهلة: اوعى تلمسنى ! انت فاهم  
وخليك مرة واحدة كويس ومحترم ،وحوور هفضل اودها لحد م  
اشيب واموت  
واراعيهها هى وولادها لو فتانى بلد

\*خارجة بالاكل ل حور\*

صادق(مسك نهلة بعنف من دراعها) انا حذرتكم تخفوا اللعب لكن  
انتو مخفتوش

وحذرتكم من قلبتي وبرضو معتبرتوش ليا  
وقولتكم ابعدوا ومع ذلك بتظهروا فالصورة وبتقربوا

يبقى العين بالعين والسن بالسن...والبادى اظلم

نهلة:مبقتش اخاف منك...انا مسنودة ع راجل

صادق:بكرة تخافى لما تلاقيه غرقان قدمه وميكوتش ليا اى دخل  
فترحيله للاخره!

نهلة خافت ووقفت دقيقه وقلبها اتقبض ،بس كملت ع اوضة  
حور

حور:انتو فين،بنادى بابا يامن عاوز يكلمه

\*دخل باباها مبتسم باس راسها واخذ منها الفون يكلم يامن\*

نهلة بتبصله بتعجب، قادر يتلون ع كل لون  
انه يبقى وديع وهادى ويتحب فاوقات  
ويبقى شر وكتله من النار فاوقات تانيه ،الناس الى زى التعابين  
وليها فكل وقت لون يتخاف منها...ويتعملها حساب  
اصل دى اية من ايات المنافق  
والمنافق هو الوحيد ،الى عمرك م تقدر توصل ايه جواه  
والبعد عنه غنيمه.

#بقلمى\_نوراسماعيل



اتفتحت الشبابيك و البيان من تانى!  
اتنفضت التراب وخيوط العنكبوت، وصورة بابا الاء نورت من  
تانى لما اتلمعت .  
لاول مرة مامت الاء تنجح فمخطط وهى رجوعها لاسكندرية من  
تانى .

قالت ل الاء انها حاسه بتعب وان قلبها مقبوض وعاوزة ترجع  
بيتها تموت فيه ..  
الاء طبعا اتخضت عليها  
وقررت انها ترجع عن كل شئ كانت ناويه عليه ، اتصلت بخالها  
يعمل اجراءات بيع للحضانه

واتباعت بترخيصها..

واخذت الفلوس ورجعوا لبيتهم من تانى ، ساعدها خالها وابنه  
للاخر

انهم يشوفوا ليها اى شغل يشغلها  
فاسكندرية..

فاجرت محل قريب من بيتهم وعملته للفساتين السوارية  
والخطوبة والزفاف..

واتفقوا مع تاكسى بسواق يوديها ويجيبها دايمًا من شغلها او اى  
مشوار..

وبكده يكونوا عملوا كل حاجه، بعد م زادت كدبة الاء وقالت ان  
محمد جهاد جوزها

هيبقى يبجى كل فترة يشوف ابنه ويتطمئن عليهم عشان يبطلوا  
يسالو ويسيبوهم فحالهم بقى..

فرحت امها بالرجوع كانها سمكه ورحعت للميه من تانى، اما الاء  
فهى مش مبسوطه برحوعها لكان بيشهد ع حبها وغرامها  
الكبير

لاوضتها الى فيها ذكرى اول لمسة من جهاد ليها ك زوج  
لناس فاكرة وعارفه كل تفصيله بينهم وفاى صدغه  
ممكن تشوفه ويشوفها!

وع ذكر الصدغ ..

فمارسلينو بالصدفه بيقلب ففونه ،عالفيس شاف بروفايل مراته  
لينزي

دخل وقلب فيه

كلها بوستات فرحه وانشكاحات وخروجات وصور واكلات

وتاتوهات

مبسوطه فعلا وعائشه حياتها ...

ومش جايبه اي ذكر عن الي فات فحياتها ولا مقبلها ف جوزها  
ولا حتى ذكرى لبنتهم الي اتولدت قبل مياعدها غير مكتمله وماتت

..

مارسيلينو كل م يحس انه هيجن ،بيحس انها بيعاه وانه مش  
فدماغها

وعائشه حياتها

وان هي بتحافظ ع الي فاضل م بينهم ك ازواج

قدام الناس ...

لكن هو مش عارف ليه كان واقف ع كلمتين كاتباهم فبوست

بتقول فيه

"مخترتش ع بالك يوم ... ي مسهرني "

مارسيلينو الهلاهوطه الضحوك ،الي واخذ كل حاجه فالحياه

كوميديا حتى جوازه

حس بشكة القلب الى بيحكو عليها  
حس بالرعشه الى بتتقال فكلام اغانى الرومانسيه

حس ان الكلام ده عليه ،وليه  
وهو مش فاهم ولاحاسس ولا...مش عاوز يشوف  
عشان يفضل كده يكلم دى ويكلم دى  
ويفضل كده الواد الشقى الى لا الجواز بيوقفه ولا ست واحده  
بيفضل عليها  
رغم ان جواه متاكد ان فيه حاجه بدات ل لينزى ...لكن عناده  
اقوى ومتحكم فيه .

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

"جاته قطع ايده ان شاء الله ،لما ينزل اخوكى اجازة يشوفله  
صرفه وياه"

هند : لا ياعمتى محدش يقوله ، انا مش عاوزة محمد يعرف

الام(بتناولها ميه)انتى تقعدى تاكلى لقمه وترمى 10يضربك  
!حصلت

وانتى حامل



منه لله اشوف فيه يوم

رضوى: وبيضربك ليه اصلا ا

هند: راجل شكاك ومجنون، انا لو بتكلم معاكم يقولى كل ده مدة  
مكالمه

وكنتو بتقولوا ايه

اقوله عادى

لا لازم يعرف كنت بقولكم ايه وقولتولى ايه

وليه طولت كده

واكيد بنقل لكم الى بيحصل بينى وبينه

عمتها: انا هروح له ادوب الشبشب ع دماغه ، ايه الحنان ده

هند: لو فاتحه فيس بتكلمى مين عالفيس ومنزله الكلام ده ليه

وهاتى باسوردك

وياخد كل الارقام من ع موبايلى ويتصل بواحد واحد لايكون

فيهم شباب

\*رضوى اتضايقت وكشرت\*

الام: جرى ايه ، بنتنا زى البرانت

طب ايه رأيك. لازم اخوكى يعرف عشان يربيه

ويعرف ان وراه راجل

هند(بتعيط)انا كدبت عليه وقولت انك تعبانه ي ماما عشان  
يسيبني اطلع وفوجئت من كام يوم  
انه حاظط برنامج يسجل المكالمات ليا وانا مش حاسه ع موبايلي

رضوى:مكانش باين عليه،كان عامل فيها الحمل الوديع  
يعنى

عمة:اخص ع قلة اصله،ليه فاكرك من الشارع ولا ايه  
او مال ي حبيبتى وياروحى ويا مسدوحى كان ايه  
تمثيل ايام الخطوبه عشان نمشى جوازته المجنون ابن المجنونة

هند: وبيعيرنى يقولى انتى خدتك بايرة ومحدثش كان سائل فيكى  
ي مسحورة  
يالى معمولك سحر(بتعيط اوى)

الام:بايرة!ده ساق علينا اسكندرية كلها عشان نوافق

العمه:فاكرة اما جه ي اشجان كان عاوز يبوس الايادى عشان  
ياخذها



الى مش بتعمل غير العياط وبس..

وفوقت النوم

ناموا سوا فنفس السرير، رضوى نامت ع طول شقيانه طول  
النهار

تحت وفوق

لكن هند منامتش من التفكير

وشوية واتفزعت رضوى وهى نايمه ،خضت هند الى اصلا  
صاحيه

فوقتها وشربتها مية

هند:مالك ي بنتى ؟

رضوى (بتاخذ نفسها)لا بس بقالى فترة بشوف كابوس كده

هند:ايه طيب استهدى بالله

رضوى: بشوف محمد هيقتلنى

هند:اعوذ بالله،ايه الحلم ده

استعيذى بالله من الشيطان ايه الكابوس ده اكيد من الشيطان

رضوى ابتدت تعيط

هند:مالك يابت فيكى ايه

رضوى: هقوك بس احلفى بالى فبطنك متقوليش لحد

هند: ايه ي رضوى قلقتينى

رضوى: بصى... انا كنت بحب واحد

قبل محمد بكتير

معايا من زمان ابتدائى واعدادى و ثانوى حتى الكلية

هند: كملى ماله

رضوى: من فترة كبيرة، لاقيت رقم بيكلمنى دولى

وطلع هو كنت فاكره محمد

قالى تقرىي ايه لمحمد جهاد قفلت السكه فوشه و شتمته

هند: طيب فين المشكله ، خليه يغور مش سبتوا بعض من زمان

رضوى: اه ورحمة ماما من قبل حتى م محمد يخطبنى

انا خايفه اوى

هند: خايفه ليه طيب، وبعدين انتى قولتيلى. زمان انك لابتشوفى

نور الشمس

ولا الشارع يبقى ازاي

رضوی: ماہو ده کان عقاب من بابا

لما عرف، مع انه اتقدملی

هند(مذھولہ)طب وایه الی مخوفك ،يقوله انك كنتی تعرفیه یعنی؟

رضوی: اكبر،الی بینا اكبر من انی اعرفه وبس ی هند

انا استغفرت ربنا ع الی فات

بس من یومها خایفه اوی اتفضح عند محمد

وبشوف الكابوس ده یوماتی

اترمت فحضن هند تعیط ، و هند بتطبب عليها وهی مش مصدقه

كل ده یطلع من رضوی!

كانوا شایفینها ملاك ...وظلعت ماضیها كده ومتداری

صحيح ربنا ستیر

لكن هی قصة دین ولازم یترد ،لغیبه شخص اكلوا فلاحمه

من غیر ذنب.

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

#بقلمی\_ نور اسماعیل



"مالك شكك تعبانه"

وصال بترفع دماغها من ع ايدها ببطء وبتشرب النسكافيه  
بتاعها..

وصال: دماغى ثقيله اوى  
زميلة دكتورة : ايه حامل ولا ايه

وصال: (بسخرية) حامل! لا مش حامل  
مرهقه بس

زميله: انتى فعلا مبتاخديش راحه خالص ي وصال وده غلط  
وصال: اعمل ايه ، كله ع دماغى مبقدرش اتلفت وانتى بتشوفى  
زميله: ماشى بس الدنيا مش كلها شغل ، هيجرى الوقت هتلاقى  
نفسك كبرتى  
وطاقتك راحت  
وجسمك اتهد

ولا عيشتى شبابك ولا شغلك رجع عليكى بحاجه غير التعب

وصال: بالعكس، اليوم الاجازة بيعدى عليا بخنقه  
خدت عالشغل جدا

زميله:مشكلتك انك شخص عملى ،انتى لازم تفهمى ان الحياه  
لسه فيها حاجات كتير

خدى كابتن ايهاب وخدوا اجازة من شغلکم  
وريم القمر

واطلعوا سفارى ،او رحلة صيد  
اى حاجه بعيد

هتجددوا نشاطکم ،وهيفرق وياکم

وصال:انا وايهاب وريم! انا تقريبا بشوفهم صدف  
لما سالتينى حامل  
انا ضحكت

تقريبا من قبل الحادته بتاعته مفيش بينا اى تلاقى

زميله(باستغراب) يعنى ايه ؟واسمحيلى ازاي يعنى  
مفيش راجل بيقد طول المدة دى كده  
الا لو...

وصال:لو ايه

زميله:يعنى دى حاجه غريزيه وطبع فالبنى ادم



وصال: معتقدش ايهاب يعنى يكون قصدك بيخوننى!

زميله: مقصدش بالمعنى المفهوم

وصال: (بكبر) وهو اساسا هيلاقى احسن منى مين عشان يخوننى  
معاها

زميله: مش فكرة احسن، شكك انتى مشغوله ع طول  
وهو بصراحه يعتبر من الرجاله الملفته الى عندها كاريزما  
وجاذبيه

يعنى سهل جدا يبقى عنده معجبات طول الوقت

وصال ابتسمت بسخرية

زميله: وصال ... حتى لما قولتى مش هيخونك عشان مش هيلاقى  
احسن

مقولتليش عشان بيحبني

هو انتو مش بينكم زى م احنا شايفين ؟

وصال (بنفاد صبر اخيرا) انا لاول مرة مثلا اقعد واتكلم عن حياتي  
الشخصيه

واكون حاسه انى مرهقه نفسيا ومخنوقه بجد

بس عاوزة اتكلم فعلا

زميله: اتكلمى قولى ايه الى تا عبك

وصال: عاوزين نتفق اتفاق، ان الى هقوله عمره م هيطلع  
مش حابه صورتنا قدام الناس تتهز او نبان فاشلين

زميلة: بتهرجى ي بنتى طبعا مش هقول لحد، بس قوليلى مالك

وصال: انا وايهاب

عمرنا م كنا سوا كويسين، وعمرى م حسيت بيه جوزى بقا  
وحبيبي

وبتلهف لشوفته وقعادنا سوا

اتنين بعاد بتقربهم حاجه واحده... السرير!

وقدام الناس عندهم بنوتة حلوة اسمها ريم

معتقدش بقالى سنين مع ايهاب ف مرة حكينا سوا او اتكلمنا او  
سهرنا

بعد الهونى مون

وبصراحه انا الى مكنتش بحب الحجات دى، مبعرفش اقعد واتكلم

ماليش فكداه

مبعرفش اقول كلام حلو

مبعرفش اتدلع، مبعرفش اعمل الحركات دى بحسها مياعه  
وتمثيل

زميله:ليه مصعباها كده،الحجات اسهل مما يكون وده الى بيخلى  
اي بنت  
تملك قلب حبيبها

وصال:ليه مضطرة البس وش غير وشى  
ليه م اتحبش زى م انا

زميله:تتحي زى م انتى مفيش مشكله،بس الحياه بقت متعبه  
وعاوزه شويه حنيه عشان تمشى  
والدلع والحب بقوا يلينوا الصعب

وصال:مع احترامى ...بحسها مرقعه وقله ادب  
زميله:المرقعه دى بتجيب جدا مع اى راجل، اه مش هتبقى ع  
طول وطول الوقت  
لكنها سكه حلوة

جربي تعملى ده مع ايهاب الاول من ورا قلبك  
حبه حبه هتبقى من قلبك وهتحي ده جدا

وصال:(انتهدت)تحسي انها مهمه

زميله: عشان تكسبي قلب جوزك لازم تقدرى ع المهمة دى، وهى  
مش صعبه ولا حاجه  
تحبي واحده غيرك تكسبه؟

وصال: ايهاب مش بتاع ستات، اوف كورس نوت!

زميله: ي حبيبتي اى راجل عامل زى الببى الصغن اول م يلاقى  
شويه اهتمام ودلع تلاقيه يروح معاكى حتى لو منين

وصال: وايهاب اصلا معندوش وقت، ده كل يومين فحته

زميله: بس اكيد الطبع والغريزة الفطريه عاوزة ست  
وانتى مش عامله الى عليكى معاه  
بذمتك مش بتشتاقى للمستته؟

وصال: مش بالمعنى المفهوم، بس لما بقاله كتير بعد عنى  
حسيت انه بجد بعيد  
اصل ده الشئ الوحيد الى بيننا

زميله: طيب من غير كسوف... انتى وايهاب فوقت العلاقه  
(سكتت كسوف) مش بتبقوا مبسوطين؟

وصال:ايهاب بيعمل حجات كتير وفالاول كان بجد غريب  
بيمهد ويدلع ويلطف  
فالوقت الى انا عاوزاه ينجزنى...انا عارفه هو عاوز ايه

زميلة(مستغرباها وبتصحك)ي بنتى م هو مفهوم عاوز ايه بس  
الدلع  
مطلوب ياريت كل الرجاله تعمل كده

وصال:قصدك ان ايهاب كده تمام يعنى

زميله:جدا...وانتى لازم تبقى تمام زيه  
وهقولك تعملى ايه  
الاول هو هنا ولا مسافر

وصال:تقريبا...جاي بكرة

زميله:تقريبا! طيب بصى هقولك تعملى ايه  
وبالحرف تنفذى

الاول هتنفذى وخلص وبعدين هتنفذى بحب وهتدعيلى

...

اضواء هادية... اغانى رومانسيه اجنبيه  
البيت ساكت مفيهوش صوت لحد..

دخل ايهاب استغرب جدا فيه ايه؟ هو جه ع فيلته هو ووصال  
ولادى شقه اية

لاول مرة من بداية الجواز ،تنزل من عالسلم  
وصال لابسه روب شيك  
ومظبطه شعرها تسريحه جديده غير ديل الحصان وال بان  
الى ع طول عاملاهم

حاطه ميكاب حلو مش بسيط زى م اعتادت مغيره شكلها..

نازله مبتسمه من عالسلم

وصال:حمدلله عالسلامه (حضنته)

ايهاب استغرب الاول وبعدين ابتسم وحضنها..

وصال: انا وديت ريم لطنط ، واديت مس ريم والشغالين اجازة بعد  
م حضروا الاكل

ايهاب(باستغراب) انتى سايبه شغلك؟!  
وصال: خدت نص يوم بس انهاردة، عشان  
(بتحاول تقول كلام حلو) عشان استناك

ايهاب:(مبتسم) ايه سر التغيير الجذرى ده

وصال: مفيش.. حسيت بصراحه انك عندك حق  
انا الشغل واخذنى منكم  
والمفروض انك انت وريم ، كل حاجة فحياتى

ايهاب(مبتسم مذهول) انتى وصال فعلا، ولا البرشام ده بيعملى  
تهيؤات ولا ايه

وصال: متبقاش بايخ بقا، تعالى

اخذته من ايده وطلعوا فوق وهو بيبيص عليها وع كل حاجه  
باستغراب  
وحاسس ان ده حلم ولا ايه..

#بقلمى\_نوراسماعيل



حور ...

ع ايدها جويره بتسكتها، ةبتحضر لبن لزياد الى شايله يمنى  
عمته ..

حور: ياربي تعبت ... ااه دماغى هتفجر

ماما يامن: هاتى البت عنك ... واعملى انتى اللبن

حور: خلااص معدتش قادرة استحمل ، بيعيطوا سوا وبيزنوا سوا

ومش بيناموا نهائى

دماغى بتلف وهتفجر

يمنى: ربنا يعينك ي حور، بصراحه متعبين اوى

انا بسهر وياكى بصحى بقول فين الشرق والغرب

ماما يامن: معلش عدى اول شهر ، شهرين كمان ويتعدل نومهم

ويبقوا زى الفل





يمنى:يبقى هما طالعين لياسر بقاء، مع ان الاتنين واخدين شبه  
حور

كنت فاكرة انهم هيجو شبه يامن اخويا من حب حور فيه  
بس اتفاحت الاتنين نسخه من حور

حور(مبتسمه)كان نفسي يطلعوا شبهه عشان ابص فوشهم  
يعوضونى غيابه

مامت يامن: باذن الله يجى ليكى ولولاده بالسلامه  
وبعدين هما لو مش شبهه شكل ،ياخدوا طبعه وطبعك الحلو  
يارب

حور(بصالحهم وهما بيرضعوا ببيرونات) يارب يحفظهم لى من كل  
شر

ونفرح بيهم انا وباباهم  
ويرزقه برزقنا يارب ...

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

"تصدق بمين "



لينزى: انا حره شئ ميخصكش (محروق دمها عشان مقالش)

البس اقلع

انت مش قولت محدش له دعوة بحد

مارسيلينو: انتى ي بت متزعقيش وتعلى صوتك، مش لاقية حد

يلمك ولا ايه

لينزى: تعالى لمنى ي وحش الوحوش

مارسيلو: عارفه لولا المسافات الى بينا كنت جيت واكلت حتة من

زورك بصوتك المسرع ده

لينزى: يامامى بيغمى عليا من الخوف، انت نسيت شلاليتى

وبونيأتى ولا ايه

ولافاكرنى عشان بحبك هسكت

انا احبك اه بس امسكك ادشمك عادى

مارسيلينو(ابتسم عشان كلمه بحبك وبعدين رجع يفتكر

يهزقها)تدشملىنى!متجوز بت من حوارى

المطريه

متربية فالمدبح

لينزى: انجز عاوز ايه

مارسلينو: العب باليه

لينزى: هيهيهي خفه

مارسلينو: خفة بتتريقى !انا حمار انى عبرتك اصلا

لينزى: طب م انت حمار فعلا

مارسلينو: تصدقى انى معنديش دم انى عبرتك ي معزة انتى

لينزى: والمعزة بيتجوزها ايه غير رجدى

مارسلينو: جدى ي كلبه... جدى ي واطيه ي من صفايح الزباله  
مكانك

مااااشى لينسز هانم مسيرى اجيلك وانفخك

لينزى: (بمياعه ودلع) تعالى بس ونبقى نشوف هتتفخنى ازاي

مارسلينو(اعصابه راحت ) اه ي بنت العيان، فديقه بتقلبينى

جاتك القرف فحلاوتك

اسحبي غورى كرهتك

لينزى(بدلع)مش ادم انا بكرهك ي لينو ي بكلوظتى

قفلت سينو معاها وهو بيضحك ع طريققتها، هو اعلن بكل طرقه  
انه بيحبها  
مش فاضل غير لسانه  
وامتى هيقولها؟!!

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

اية..

صالحت ايهاب، بس بعد م عدى شوية  
كانت متضايقه من مقارنتها بضررتها الى هى شايفه انها فارقه  
عنها كتير  
ومتضايقه من بعده عنها وعدم صلحه لها  
فقررت تكلمه لانها متقدرش اكثر من كده، وبالمره تبشره ان اهل  
بسمه جه  
العريس وشافوه ووافقوا عليه وقروا الفاتحه وحددت معاهم لانها  
كانت موجوده  
ميعاد تلبيس الدبل...

ايهاب قبل اعتذارها برغم ضيقته منها لاول مرة وفرح لبسمه  
وكلمها وباركلها.

اما عن هند فجه جوزها وحاول يساوى الموضوع وياهم ، عمتها  
ومامتها قبل م يوصل لمحمد

اخوها

وضحك عليهم بالكلام المعسول ، واتهمها بانها ساعات بتطلع  
عن شعوره

وانها بتتجنى عليه فكلام كثير

عمتها ادتله فحنابه كثير وبهدلته، وبعدها مامتها صممت تيجى  
مامته تعرف وبنفسها تاخذها لبيتها وحصل  
ورجعت هند بيتها..

لكن كوابيس رضوى مش سايباها، خصوصا بانها كثفت اهتمامها  
بمحمد زياده عن الاول

ولما بتصادف ويتكلموا بتسمع لما ينادو ع حسين  
فايقنت ان حسين وياه فالسكن والرعب بقا اضعاف..

يامن وهور كابل الهدوء والسكينه، ع اد الحب ع اد ميلاد ولادهم  
اصبح عائق ف ان يامن يتلم ع حور 6دقايق يتكلموا ويتظمنوا ع  
احوال بعض... ي نايمه

ي بترضعهم

ي بتغسل او تطبخ

ي بتسكتهم... ي مش سامعه الفون لانه مقفول صوته و م صدقت  
يناموا!

طه ونهلة ..

طه زى م هو باهتمامه وحنانه الزايد حتى وهو بعيد عن مراته  
نهلة،الى مجابتش له اى سيرة عن  
كلام صادق واعتبرته بيهوش وسلمت امرها لله  
وهو بيحبها وفخور بوجودها مع عيلته البسيطة رغم انها اتعودت  
عالفاهيه.

لينزى ومارسليينو

قط وفار ،يناقروا ويخبطوا فيعض ويشتموا ويقفلوا...

هو مدارى حبه لها بكل يوم فيه جديد فحكايته مع بنات مش  
عارفهم ولافاكرهم

هو بس بيطارد حب لينزى من جواه .

وهى بتدارى مرضها عنه وعن الكل،وبتقرر تعيش الباقي من  
عمرها مبسوطه

بس كانت هتنبسط اكثر لو عاشت الباقي جمبه

وبتدارى فالصور بميكاب الفوتو البقع الى كترت جسمها،واللبس  
الغامق المتدارى.

الاء..

رحعت لشغل اتعودت عليه،قليل لو قابلت اصدقاء قدام



فكل دقيقة بتفتكر محمد كل م ابنها يكبر قدامها...  
خايفه فيوم يتلاقوا ، وخايفه يعرف بحكاية ابنه  
وساعتها معندهاش كلام يتقال!

وعندنا د . وصال الى بتمارس الى بيتقالها بالحرف لحد م تتعود  
ان "المياعه" شئ  
مطلوب لكل ست عاوزة تكسب قلب جوزها الى الدنيا بتبهدله  
شغل ومسؤوليات  
ومحتاج حنيه  
والغريب ان ايهاب متقبل منها ده لكن مش حاسه ومش عارف  
السبب..

وعن حسين..  
فهو قرب بزياده للشباب، بقا يستحمل تريقتهم عليه  
نفورهم منه  
هو مرة واحده حس انه عاوزهم صحاب ويغير من نفسه  
ده غير وسواسه من ناحيه محمد جهاد الى مش بيروح من  
دماغه..

محمد جهاد بقا...  
صراع قلبه ع الاء وعقله ع رضوى الى بتعمل المستحيل  
لارضاءه تاعبه ومش مريحه

وفكل الحالات هو بيمثل انه تمام وبخير  
واكثر شئ حازز فنفسه وواجعه، ان رضوى لحد الان محملتش  
منه

وهند اخته اتجوزت بعده بكتير وحامل ويامن الى اتجوز وياه  
عنده أطفال

حبه للاطفال بقا مضاعف زى وجعه بالظبط بس ساكت

وانهاردة هما كلهم لاول مرة يجتمعوا فالسكن سوا ال 6 لاشغالهم  
واتعزموا ع فرح ابن الشيخ راشد خليفه صاحب الفيلا  
وراحوا كلهم...

اشتغلت اغانى كتير، قام مارسيلينو كمعتاده يهزر ويضحك  
وقال يشغلوا اغنيه عم ي صياد محمود الليثى

واشتغلت

وقام وشد الخمسه معاه، يامن ضحك وسابه ومرضيش يقوم وياه  
هو موجود بالعافيه كرامه للشيخ لكن مخنوق من الاغانى والجو  
وعاوز يمشى

وحسين رقص مع مارسيلينو فعلا ومحمد جهاد وايهاب ضحكته  
من هنا وهنا

ماهو شهر يار الى بتتخاق زوجاته ع رضاه

رقصوا وهزروا وضحكوا وصورهم طه مقطع فيديو يهلك من  
الضحك للذكرى

اكلوا من الاوبن بوفيه فالفرح الى كله رجال ومفيش ستات  
ولا عروسه دول لوحدهم لان دي عاداتهم

وروحوا بيضحكوا ويالشوا ع بعض ، وخذتهم السهرة لان  
مصادف بكرة اجازة رسمى من العمل عند الكل  
وحليت الليله...

محمد جهاد: تعالو نلعب لعبه

يامن: لعبة ايه بلاش

مارسلينو: احنا هنلعب ي شيخ هو احنا هنسقى بعض خمره فبوقنا

ايهاب: ايه اللعبة ي جهاد

محمد جهاد: نلعب صراحه ، نجيب ازازة والى تيحى عليه يتسال

والى قدامه يساله

ايه رايكم؟

طه: فل...يلا وبكرة اجازة واليوم كله ع بعضه حلو





محمد جهاد: اذيت اقرب واحب الناس ليا ، ظلمتها وسيبتها وحدها  
بغبائى كنت معمى  
وكل م اصلح الغلظه اطينها اكثر

طه اتاثر بيه وحسين ركز معاه معقول ع رضوى؟  
ولف الازازة  
جت ع ايهاب يساله حسين

حسين: ليه لابس دبله ذهب ، حب فمراتك ولا عشان تقول انك ابن  
ناس  
ولا ايه

مارسيلينو: وحياء ريم م انت رادد ي شيخ

ايهاب(بيضحك)اولا لبستها عادى اختارتها زمان وقت جوازى  
ومغيرتهاش رغم ان عرفت انها حرام  
وبس لا عشان انى ابن ناس ولا ابن القنصلتيمية

لفوا الازازة طه يسال مارسيلينو

طه: ندمان ع ايه

\*يامن قاعد جمبهم بيتفرج\*

يامن: اسئلتك عميقه ي طه

طه ضحك وهما ايتسموا

مارسلينو:ندمان ...كنت الاول مبندمش

ونتكلم بصراحه

انا بحس انى مبعطش عشان اندم

بس مرة واحده اتناولت قلم اتشقليت قدام منى مترين

عرفت اندم ع اوقات ضيعتها بالكذب

وعرفت اندم ع شخص معرفتش قيمته كويس

ايهاب: اول مرة تتكلم بجد ياوض، اشرت فيا

مارسلينو: لا انا حلو واعجبك اوى

لفوا الازازة جت ايهاب يسال طه

ايهاب: نسال بعمق زيك ولا ايه







ايهاب:ويامن؟

طه:يامن الاول خوفت منه ،فكرته من الناس المتشددة دى

وقولت مش هيرتاح ويانا

لاقيته غلبان وطيب وبينصح بالراحة وهادى

فكرة حلوة وصورة كويسه عن الشيوخ والله

يامن:الله يعزك ي طه

لغوا الازازة حسين يسال جهاد

حسين:ليه اسمك مركب وجوازك صالونات ولاعادى

طه:ايه صالونات ولاعادى دى

مارسلينو(ضربه ع قفاه)ايش هادا والله نفس المعنى والله غبي

حسين:ياعم انت وهو بقصد صالونات ولاحب

محمد جهاد:اسمى مركب ابويا الى سمهولى عاوز تعرف روحه

الاخرة اساله،جوازي صالونات ي سيدى

حسين: هي الى ظلمتها ؟

محمد جهاد: ماهو سؤال واحد ولاهي هتاخذ اللعبة لحسابك

نفوا الازازة ايهاب يسال حسين

ايهاب: حبيت قبل كده؟

حسين(سرح لعند رضوى) هو مش حبيت بمعنى حبيت،بس

الوحيدة الى استحملت عيوبي

وقرفى الى انا عارفهم كويس

والوحيدده الى مكانتش عاوزة غير نتخطب وبس وغدرت بيها

وسيببتها

واحنا بقالنا سنين سوا

مارسلينو:بس بس الله يخربيتك ، اساسا هي متخلفه وعاميه

ومتربتش الى تحب واحد زيك واستحمله

وكمان عاوزة كانت ترتبط بيك ده ربنا نجاها نوسه

ياعم دى لو لسه عايشه لانها بقالها سنين حدثهم مع احف زيك

المفروض تصلى كل يوم انك غورت من وشها

بيلفوا الازازة محمد جهاد يسال ايهاب

محمد جهاد: نفسك ف ايه ؟

ايهاب:سؤال صعب ،طبعاً كلنا نفسنا فالسعادة وراحة البال

بس انا سعادتى وراحة بالى مهددين

نفسى تدوم

ونفسى متحرمش من اى حد من الى بحبهم حواليا

محمد جهاد :يارب

لفوا الازازة

حسين يسال طه

حسين: بتحب مراتك؟

مارسلينو: هو ليه اسئلتك بتحب مراتك عاوز مراتك هتخفق مراتك  
امتى

الستات عاملين لك ايه

يعنى ليه حاسس ان محدش بيحب حد زيك كده رخمين وناطعين

حسين:ي مارسلينو خف،بساله عادى ايشمعنا بتتظ فاسئلتى بس

مارسلينو: عشان اسئله كلبه ونطعه

طه:(بيضحك)اه بحبها وبحبها اوى ،وهى كل حاجه ليا اصلا

ايهاب:يارب يديم نعمة الزوجات الصالحه ...

امن طه ويامن فسره وراه ، لغىوا لحد م زهقوا وقالوا هيكملوا  
يوم تانى ييجى احازة ليهم

وقاموا

طه لقى مسج من نهله كاتباله

نهلة:مكنتش عاوزة ازعجك بس انا فمصيبه هنا،صادق رافع  
قضيه انى بجمع بين زوجين ومشكك فقسيمه الطلاق

بتاعتى

الحقنى

طه قرا المسج واتصل فونها اتقفل برج من دماغه طار والليله  
قلبت كابوس

وقررينزل فاول طيارة لمراته ع حسابه من غيؤ اجازات

لازم يلحق مراته من الكارثه

اما بالنسبة لايهاب فلينته هو كمان منتهتس ع خير، من وقت  
تغيير وصال هو مجابش سيرة ل اية  
مرة عرفت كان بيقول لمامته ع تغيير وصال فالفون وكان عند  
اية فشقتها  
ومرة سالتة ودحلبته فالكلام فعرفت  
قادت نار غيرتها ان بدات وصال تنافسها ع قلبه واهتمامه  
بقت بتخترع مشاكل من الهوا، وبقت عصبية جدا ع كل حاجه  
وبتتخانق وياه كتير لحد م ايهاب اتخنق  
وفمكالمه فنفس الليله بينهم...

ايهاب: اية !متخلفيش مشاكل ابوس ايدك

اية(بتزعق) انا بخلق مشاكل ...طبعا مش بقت هي عالجر  
وبقت كويسه ومفرحاك

ايهاب(عصبي)يوووووه مش كل كلمه تقوليلي وصال وصال  
انتى تعبتيني

اية: دلوقتي بقيت تاعباك بعد م كنت راحتك، م ده المتوقع هي  
تتعدل

تقوم ترميني لاني مؤقتة ي كابتن ايهاب

وبقيت عبئ

لان بتقول فنفسك لو كانت هي من الاول كده مكنتش اتجوزتني  
هي اجمل وهي مركز عالي وهي ام بنتك والاولى مش كده  
وهي الي اهلك راضيين عنها

ايهاب: اية تعبتيني ي اية دماغك بقت صغيرة اوى والعيشه بقت  
تقرف

اية (هتبتدي تعيط) عيشتي بقت تقرف طبعاً مانا بقيت اتقارن معاها  
وهي بقت تكسب  
طلقتني لو حابب وافضالها جوازها ناجحه قدام الناس وفك دماغك  
من المشاكل

ايهاب: يلعن ابو الجواز عالي عاوز يتجوز انا هطلقكم انتو الاتنين  
طلعتوا روى  
ياريتني م اتهببت وشوفتكم

\*قفل فوشها السكه مخنوق وسابها وحدها تعيط\*

#بقلمي\_نوراسماعيل



فمكتب صادق ...

المشهد كالاتى..

صادق ونهلة وطه ، هو ع مكتبه وهما قصاده

صادق: انا مطلقتكيش ، من حقى ارفع قضيه لما الاقى مراتى

بتتزوج اعدلها

والاقيها ماشيه مع واحد حقير وبتقول انها اتجوزته(بهدوء)طب

ازاى

تتجوزى وانتى اصلا مراتى

طه(ماسكاه نهلة) انت مجنون، انت راجل مختل

هى مراتى ومن حقى وانت مزور وحيوان وضلالى وحرامى

عشان هى مش من حقك

صادق(بضحكه سخرية) انا كنت واثق ان بحركه ورقه المحكمه

دى هتجيبى صرصارك ع ملا وشه

من برة

انا عملتها نكايه فيكم و عشان تعرفوا ان فاى وقت اعرف ابهدل

عليكم الدنيا واطربقها

مفيش قضايا ... لكن انا كنت عاوزك انت من ساعة م جيت

وهددتنى فمكاتى (ابتدا يتعصب)انت ي حته كلب



تضرب بالنار وملكش عندي دية  
لفيت دماغها وضحكت عليها كانت عايشه معايا ومش شايفه  
غيري  
خلتها تتمرد وتشوفك قال ايه راجل اد الدنيا وانت برغوت افعصه

طه: هو ده الى تاعبك ،انك مكنتش الاله ليها  
لكن ربنا واحد فالسما وانت مش هتشرع الكون ع مزاجك ي  
صادق بيه  
وهي فعلا كانت لازم تتمرد  
كان لازم اظهر فحياتها عشان اخيرا تعيش زي اى ست بدل م هي  
عبده عندك وعند بنتك

صادق :وبتحدانى لتانى مرة ي كلب(طلع مسدسه وشهره  
فوشهم)  
مش هاخذ فيك يوم

وهي هترحلى مذلوله تتمنى تعيش فالخير الى كانت فيه

نهلة:حرام عليك ي صادق سيبنا بقا فحالنا عروستك الخشب الى  
بتحركها ع مزاجك خيطها اتقطع واتحررت

صادق:هخليها تشنق نفسها بنفس الخيط

نهلة: انت عاوز ايه انا بكرهك وعمرى م ارجع لذلك وقله قيمتى  
تانى حتى لو هتوهبلى مال قارون  
عاوز ايبه سيبنى فحالى

صادق: انا هندمك ع كل لحظة اختارتى فيها تبعدى عنى وعن  
طوعى

عن خيانتك ليا

عن انك قدام الناس تبينى انك بتفضلى عليا الحقير ده

طه: انت خايب وغبي عشان باى شئ بتعمله عمرك م هتملكها  
تانى

بتكرهك ومش عاوزاك... فوووق

مبقتش تخاف منك

ولا حتى انا (فتح صدره) اتفضل اضرب لو عندك شجاعه  
ياصاحب التمثليات الخايبه

دى مراتى وكل عمرى وعمرى م هسيبها ولايفرقنا شئ

\*صادق استفزه شجاعته ومواجهتهم ليه وحضنهم لبعض وحبهم

الى باين فعيونهم قبل الكلام، اطلق لمسدسه الرد

ضرب طلقة ع طه... فتوانى وقفت قصادها نهلة

وجت فيها

وقعت عالارض فساعتها فمشهد ميتعداش الثوانى

لكن مكانش ع بال ابداء...!

♡♡♡♡♡♡♡♡♡♡♡♡♡♡♡♡♡♡

#بقلمى\_نوراسماعيل



بالراحه ،خطوة خطوة  
ماشية اسماء اخت طه بسبب الحمل جاى بزلال ع رجلها مبطاء  
حركتها شوية

والبيت لما اتغير ، اتغيرت كل حاجه اتعودوا عليها اتغيرت  
ومنها الباركيه الى بقى بدل البلاط  
وعشان كده خايفه اسماء ل رجلها تتشنكل وهى مدخله  
الاكل ل طه اوضته ..

دخلت وسندت بالراحه الصنية ،واستنته يصدق من قراءة القران

قاعد طه ،دقنه كبيرة

وشه اصفر

شعره مش مهذب ومنعكش

لابس اى لباس

بس فاتح المصحف وبيقراً بخشوع مش حاسس بالى حواليه

كل شوية ،عيونه تتملى دموع

يمسحها ببطء ويكمل قراية  
فضل عالخال ده ولاحاسس بوجود اسماء اخته  
ولا الاكل

لحد م هي اضطرت تقاطع قراءته

اسماء: طه ...حبيبي  
مش يلا عشان تاكل

طه ( صدق الله العظيم) لا ي اسماء ماليش نفس

اسماء: ملكش نفس دي تقولها لما تبقى واكل اكله جامدة وجاهى  
بعدها بشوية اتحط  
قدامك اكل فمش هتاكل

طه: اسماء ( بيتكلم بنفاد صبر) مش عاجز اكل

اسماء: ياخويا انت بقالك يومين عالخال ده

طه: معلى لما يجينى نفسي هبقى اكل ...سيبيني بس لوحدى

اسماء: يعنى ولحد امتى يا حبيب اختك ! لحد امتى انت بتروح  
مننا

وانت مش واخذ بالك

طه ( عمل حركة لامبالاه براسه ) عادى

اسماء: لا مش عادى ، البيت ده كله يتهد من غيرك ياطه

طه: بعد الشر عليكم ربنا يبارك فيكم لبعض

لكن انا

انا خلاص عملت الى عليا وتعبت والله

( ابتدت عيونه تتملى بدموع ) تعبت ولوحدى دايمًا

ووقت م ربنا بعث لى حبة حنيه ( مقدرش يمسك نفسه وابتدا  
يبكى )

ماهو كان زمانى انا....

اسماء ( قاطعته وقامت خدته فحضنها بسرعة ) متقولش كده بعد  
الشر عنك

خلاص اسكت بقا ياريتنى م اتكلمت

وهما بيتكلموا جه اخوهم وخبط ع باب اوضة طه

اخو طه : فيه تلاته شكلهم بهوات برة يا طه ،جاينك  
انا اول مرة اشوفهم

اسماء: وساييهم واقفين يا حمار

اخوها: لا دخلتهم طبعا وجيت اقول ل طه

طه : حاضر هغير هدومي وجاي لهم اهو ،اسماء روى قدمي  
اي حاجه ليهم  
ده كل واحد جاي من سفر

اسماء: دول ....

طه هز راسه ب اه

اسماء: يبقي نحضر عشا بقا مش مشروب ،غير واطلعلهم وانا  
فتوانى هحضر مع  
ماما

سابته اسماء وغير طه وطلع

واول م طلع وشافهم

وقفوا وباصين له بحزن ، رمى روحه فحضنهم وهو يبكي ومش  
مبطل !

قعدوا قصاده عالانترية ، وهو قاعد تحسوا انه متوه او دماغه  
متوهه ومش معاهم ولا فالدنيا اصلا

ايهاب:البقاء لله ي طه ...شد حيلك كده

محمد جهاد:مش عامل عزا ليها ليه ي طه؟ ولا فالصعيد  
مبيعملوش للستات

\*بتقدم القهوة اسماء\*

اسماء:نورتونا وحمدلله ع سلامتكم

طه(باصص للارض) انتو عرفتوا من يامن ؟

ايهاب:احنا اول مرة نعرف ان المرحومه طليقه حما يامن

طه هز راسه وسكتت

يامن: انت ليه مش عامل لها عزا

محمد جهاد :انا لسه سائل نفس السؤال ومجاوبنيش

طه(وهو متوه) اما اخذ حقها الاول

ايهاب استغرب وبص لمحمد جهاد

يامن: ده قضاء وقدر ي طه ، هو قال فالمحضر انه اطلق  
الرصاص

عن طريق الغلط لانه كان بينضف المسدس

طه(هيتعصب)انت مصدق الكلام ده؟ انت ي موزون ي عاقل  
ولاصحيح ده والد المدام

ايهاب:اهدوا ي جماعه ، هو بس فيه لبس فالحوار  
هى طليقتة

تروح ليه لمكتبه مثلا ويضرب النار هو  
ف حلقة مفقوده

محمد جهاد: حلقة مفقوده ايه، هو احنا هنعمل فيها وكلاء نيابه!  
قتل بالخطا وربنا يرحمها ويجعل مثواها الجنة  
مش هينفع تفاتيش الى فات ده



طه ساكت ويامن باصص لارض

عدى وقت ساكتين ، دخلت اسماء تقول ان العشا جاهز  
رفضوا كثير وبعشم مامت طه الحت عليهم يقوموا لان كلهم  
جايين من سفر

وطه مفيهوش اى حيل يتكلم لكن كان واقف وبعد محايلات قاموا  
واتعشوا ومسكوا فيهم للبيات لكن محمد كان حاجز قطر وايهاب  
هيرجع بعربيته

ويامن راجع لمراته الى فبيت باباها ورافضة الرجوع دلوقت  
وتسيب نهلة ع طول زى م بتقول

لحد دلوقتي مش مصدقه انها مانت، وانها تحت التراب وانها مش  
فحياتها من تانى.

ويامن متحمل لانه حقها

بس كلام طه وايهاب خلاه يشك فحاجه بجد غقله بقا يجيب  
ويودى فيها.

#بقلمى\_نوراسماعيل



"انا مبحبش اغير مكانى ي حور ولانومتى وبالكد اتعودت  
عالسكن مش كفايه:"

حور: لا مش عاوزة امشى ي يامن

يامن: يا حور... مدام نهلة خلاص راحت روحها للى خلقها  
مفيش فايدة القعاد

ووالدك مش موجود من يومها وفين وفين يقعد فقاعه العزا  
مع انى معرفش عامل ليه هو ليها عزا... هي مبعقتش مراته

حور: بس هي ست عشرة عمره سنين من عمرى انا، اقل م فيها  
ييقالها  
عزا فبيته

يامن: لا يا حور ده كلام مش منطقى ، الناس لما بتعزيه يقول  
طليقتى!

ولا زى م سمعت انهم فاكرين انها لسه زوجته

حور(بتعب ولا مبالاه)طليقته بقى ولا مراته ...اهى ماتت

يامن: انا الموضوع مش مريحنى ي حور بجد وفيه حاجه غلط

حور: عاوز تقول ايه ي يامن؟

يامن: عاوز اقول انها زوجه لظه ،ايه الى هيوديهها لوالدك وقت الحادث

وتتضرب بالنار ويكون غلط كمان

الكلام مش ركب ع بعض

حور: قصدك ايه ؟ (بطريقه غريبه)

يامن: اعقلى انتى الكلام كده،ظه بيقول ان فى حكاية ورا موضوع موتها

ومش عاوز يحكى ولا يقول

حور:(بعصبيه)حوار! اوام عملها حوار

هو اصلا من ساعة م ظهر فحياتها وهو برجلها ولخبط كيانه

كانت كويسه وراضيه ومعانا

ظه مين الى بيتكلم ،ظه ده اساس مشكلتها

مع اى حد فينا

يامن(بيحاول يتماسك)دى اول مرة تعلق صوتك عليا وتتعصبي ي حور !

\*حور حست بغلظها فبصت للارض\*

حور: انا اسفه

يامن: هعتبر ده مش هيتكرر تانى ،ولو كررتيه ليكى عقابك الى  
تختاريه ي حور

لان الزوجه الى بتعلى صوتها او بتفتعل مشاكل بتتسمى ناشز  
وانا اولا طريقتك معحبتيش ولا لهجتك فالكلام ع طه  
وكمان متحاوليش تدافعى عن والدك

حور: والدى مش مدان عشان ادافع عنه ..

يامن: (بقلق) انا مش مرتاح لكل الى بيحصل مع ان مالناش دخل  
فيه

بس ده والدك

وحمايا وده صاحبي

والمتوفاه طليقه ده وزوجه ده

فيه ايه ؟

طه مش عاوز يعمل عزا ، ووالدك بياخذ عزاها وبيتقاله البقاء لله  
فزوجتك

ليه مش معرف الناس الحقيقه

ولما جم لنا المنصورة زما، قالولنا والدك اشترط محدش يعرف

وهما كبروا دماغهم

بس هو ليه بيعمل كده

حور: انا نفسي استغربت ،بس مش معنى كده ان بابا مدان  
بابا طول عمره كان بيحب ابله نهلة  
فالواخر مشاكلهم كترت بس  
طه صاحبك ده مع احترامى ومش عاوزاه ياخد من حسناتى  
عاوز يعمل شو حواليه ع وفاتها  
هى راحت والى كان كان ...مهما حصل مش هترجع  
وحزننا عليها مش قليل وعمره م هيتداوى بين يوم وليله  
يامن اتهد تنهيدة جامده فيها تفكير وساكت ..

حور: مش فاهمة ايه الى قالقك ..

يامن(غير الموضوع) احنا قعدنا اسبوع هنا ،لازم نروح لولادك  
الرضع دول  
وغير كده مفيش فايده من قعادنا

حور هزت راسها بالموافقه ونامت جمبه ...  
نامت ع صدره فاتحه عيونها بتشم ريحه نهلة فالمكان الى اول  
مرة تدخله وهى مش فيه...  
ويامن فاتح عيونه وباصص للسقف  
خايف يكون فالامر امر...وساعتها مش هيسكت عن الحق  
بس لازم يتأكد ويعرف ايه الحكايه ..



مارسلينو (باندهاش) تانى! انتى تانى ومقالبك تانى

لينزى (اتخضت) اعااااا

قامت تجرى منه وبيجرى وراها فالشقه ..

مارسلينو: اه منك ي حشرة منقرضه .. كل شويه بمقلب شكل

والمسيح الحى شوفتها وقولت شبه حد اعرفه

وي لبيينو والمياعه دى بتاعتك

انا عاوزك تختارى مكانك فيبين فالسما عشان هنيحك دلوقت

لينزى (بتستخبي منه بمخده) اصبر بس ي لينو انا مكنتش بعمل

مقلب والله

مارسلينو: اومال بتصورى فيلم ي روح التوته

لينزى (وهى بتتحامى منه لسه وشكلها يضحك) لا بص حاولت

اقربلك باى طريقه او اكون فيومك

باى شكل

فاخترت الحكاية دى انى اعمل نفسي بنت من الى انت بتتصرمح

معاهم يابصباص يابو عين زايغه





وقفتم وبتمثل الخوف

مارسليينو:ليه عملتى كده ي منكوبه يابنت المناكيب

لينزى:(بدلع) عشان بحبك

مارسليينو:كدا به

لينزى:والله بحبك

مارسليينو: طب قربي

لينزى بتقرب وهى عامله روحها خايفه،مارسليينو بيبيص عليها  
كلها

لابسه حاجه دلوعه ومخلياها زى القمر ..

مارسيلينو:تعالى هنا

لينزى:جيت

مارسليينو: ايه الحلوة الى انتى فيها دى

لينزى: انا على طول حلوة بس نقول ايه لعمى القلب والنظر

مارسليينو:خلاااص بلاعه واتفتحت ،وايه البقع دى

بقيتى منقرشه كده ليه

لينزى(ارتبكت)من الشمس (قلبت طريققتها لدلع) او من التاتووو

مارسيلو(بدات اعصابه تروح) من ايه ي عنيا (بتريقه وماسك  
نفسه)

لينزى(بتلاعبه فخدوده بصوابعها)من التاتوو ي بكلوظتى

مارسلينو:انتى عملتى واحد جديد

لينزى:اها (بدلع)

مارسلينو:غير القديم

لينزى: اها

مارسلينو:طب م تيجى نقارن

زقها وضحكت ...

وبعد شويه ،كان وشه ليها بيتكلموا ف وش بعض

مشهد رومانسي لاول مرة بين مارسلينو ولينزى

بيلعب بصوابعه فشرها وهى ساندده خدها ع كف ايده ع ضوء  
الاباجورة

الخافت مدى احساس بالراحه رهيب..

مارسلينو:ليه بتعملنى كل ده(بهدوء مش بعاده سينو)

لينزى: عشان عاوزة احتويك بكل حاجه اقدر عليها، تقفل منى  
شات

اطلعك فمليون حاجه  
عاوزه اكون فيومك وحياتك  
عاوزه احس اهتمامك

مارسلينو: لينزى ...

لينزى (قلبها بيدق) ممم

مارسلينو: ايه البقع الى فجسمك دى شكلها غريب وتاتوه وفرموه  
كلام مش داخل دماغى

لينزى اتضايقت وقامت ، اتناولت هدمها ولبستها

مارسلينو: لينزى انا بسالك !

لينزى: عاوز ايه ي مارسلينو(بحزن وقاعده ع طرف السرير  
مدياله ضهرها)

مارسلينو: مش مصدق حوار تاتو وبتاع ، ده جسمك كله

لينزى: (عيونها مدمعين) انا مش عاوزة اتكلم فيه الموضوع ده

\*دورت وشها بعيد عنه تمسح دموعها، لاول مرة قلب مارسليينو  
يتحرك

راح ناحيتها ولف وشها بحنيه\*

مارسليينو: قوليلي مالك، انا قلقت

لينزي (بحب) قلقت ؟

مارسليينو (باصص فعيونها) اه قلقت

لينزي: هو انا اهمك ي لينو؟

مارسليينو: طبعا هو انتي عبيطه، ولا كل ده مش فاهمه

لينزي: مش فاهمه ايه

مارسليينو: انا مبقتش احب اتكلم مع بنات زي الاول، انا اتعودت ع  
وجودك

وبعمل كده عشان بغيظك

ومبقوش يفرقوا

انتى الى فرقتى ي لينزي

وفرحت بالمقلب الى عملتية فيا اوى ، حسيت انى برضو بهمك  
وانك مصممه عليا

لينزي (بتحبنى)؟

مارسليينو: ايه

لينزى:بتحبينى؟

مارسلينو: لينزى ...قوليلى مالك

لينزى:لما احس انك بجد بتحبنى ويهمك ...هقولك

خلى كل واحد فينا عنده الكلام الى موقفه ومش عاوز يطلعه  
للتانى ولايبوح فيه ..

قامت من مكانها وطلعت من الاوضه وهو سكت بخيبه امل ،نفس  
خيبه الامل الى عندها بالظبط.

#بقلمى\_نوراسماعيل



فخروجه برة ...

كان ايهاب واية ، فالفترة الاخيرة ملاحظ توترها وعصبيتها  
الزايدة

فقال ان من الواجب

يحتويها...

ايهاب: عاوز تفهمى حاجه ي حبيبي، انا عجبونى ستات كثير

لكن حبيت مرة واحده

وصال ست من الستات الى عجبونى ،لكن قلبي عمره م شاف  
غيرك

مانيش عيل اهل بمجرد شويه تغيير منها هي مش حساه وكانها  
بتسمع

هي مشكورة عليه مش هقلل ومن غير زعل  
خلاص بقا تكسب هي البريمو وانتى روحى مطرح م تروحي  
لا طبعا

اية: انت مبقتش تحتوينى زى الاول، ومبقتش تستحملنى  
ايهاب: ي حبيبتى انتى بقيتى عصبية اوى

اية: عشان خايفه تاخذك منى

\*ايهاب ضحك\*

اية: متضحكش، طبعا خايفه  
كانت الاول مجرد زوجه وبس مبتعملش اى شئ تجاهك لا انت  
ولا بنتك

دلوقتي بتهتم بيكم ويتخصصكم وقت  
انا بدا مكانى يتملى بناس تانيه

ايهاب: مسك كف ايدها) عمره م هيتلمى ... اتاكدى ان ده مكانك  
لوحذك

انا عاوز اقولك انى مبسوط بتغييرها عشان نفسية ريم وعشان  
البيت  
يفضل موجود

اية: ولحد امتى ،فيه وقت هعلن لكل الناس جوازي بيك  
واظن انت عارفه امتى  
انت بقا،، امتى هتعرفها

ايهاب(اتضايق)بلاش نسبق احداث،انتى عارفه ان كل خوفى من  
رد فعلها هي  
انى اخسر بنتى

غير كده ف وصال زمان او دلوقتى بعد تغييرها فهي لاتعنى لى  
القلب بعد م بيتجمد من شخص ....مستحيل يلين تانى  
مفيش مشاعر بينضحك عليها ابداءى اية

اية: انا قلقانه ومرعوبه انك فيوم متكونش جنبى او تفضلها هي

ايهاب: عمرى م احب اظلم حد منكم  
ابدا

لو هي عرفت واختارت تفضل ...ماشى  
عاوزه ننفصل ماشى بس تسيب بنتى

لكن انتى فمفيش سماح ابداءى انك تمشى ي اية ،فاهمه!

اية ابتسمت وهو ميل باس كف ايدها

ايهاب:الاكل اتاخر وانا جوعت

اية: انا عاوزة نتعشى بسرعه عشان نروح

ايهاب: ليه بقا

اية:محضرين حجات بقا

ايهاب:او عا بقا

اية:او عا بقا

ايهاب:للصبح بقا

ضحكوا وميلوا ع بعض وباسها فخذها ،وهو بيرفع وشه  
عدت بنوته من زميلات وصال دكتورة فالمستشفى تعرفه ويعرفها  
بصت له اوى  
وعدت مع الشاب الى جايه وياه وهو فضل باصص عليها  
واتحنح...

اية:ايه فيه حاجه؟

ايهاب: احم...البنت الى عدت دى زميله وصال

اية (بتبص)قصدك تقول يعنى



ايهاب: تقول ولا متقولش ... انا عن نفسي زهقت  
الى يحصل يحصل مش هتفرق

اية ابتسمت

ايهاب: ايه الابتسامه الحلوة دي  
اية: انت مش فارق معاك تعرف!  
ايهاب: ومن امتى فرق معرفتها او لا ، اهم حاجه بس بنتى  
ربنا يستر بس ويكون معايا  
فالمعركه

اية (بتضحك) معركه!

ايهاب: اه طبعا معركه وفيها مقاتلين خسران وكسبان  
وتارجت هوصله وهو بنتى

اية (بغيره) عالله بس متكونش هى حامل ويبقى فيه اتنين تارجت  
مش واحد

ايهاب بصلها وهو مبتسم

اية: انا ربنا يعلم بالنار الى بتبقى فيا وانا عارفه من بعد  
تغيرها انك فاليوم بتاعها بتكونوا...

ايهاب(حط ايده ع بوقها) شششش...انا شكلى هقوم اتعشى  
فالبيت

يلا بينا

اية: انا معملتش اكل استنى(بيشدها وقايم)

ايهاب: لا مانا هتعشى بيكى انتى ...

قامت اية وهى بتضحك وخرجوا سوا؛ والبنت باصة عليهم بصة  
غريبه

ومركزة نظرها لحد م اختفوا..

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

"ايمن!"

ايمن (صديق محمد جهاد القديم) الاء! هو المحل انتى شغاله فيه  
مكنتش عارف(بيسلم عليها وفى بنوتة حلوة واقفه وراه)

الاء(بابتسامه)المحل بتاعى ،اقعد ي ايمن (بتبص  
عالبنت)خطيبتك؟

ايمن:اه سارة خطيبتى جايين ننقى فستان لكتب الكتاب..انتى ايه  
الى حصلك ده

الاء:(بتدارى)عادى متحطش فداغك (بتنادى ع بنت شغاله  
معاها)الف الف ألف مبرروك ي سارة

البنت:الله يبارك فىكى

ايمن:الاء دى مرات (سكت وبعدين كمل) يعنى جوزها كان اعز  
اصحابي

حت بنت تفرج خطيبه ايمن عالفساتين

البنت:مش هتشوف معايا ي ايمن

ايمن:جربى وقيسى وورينى ،انا بس هتكلم مع الاء شوية

خطيبته مشيت مع مساعدة الاء فالمحل

الاء:شكلها امورة وبتحبك،ربنا يسعدكم

ايمن:مالك ي الاء ،حاسس انك اتغيرتى كثير كانك كبرتى كذا سنه

الاء بصاله وابتسمت وبصت فالارض

ايمن: سبحان الله دخلنا كذا محل ومكناش داخلين هنا رجلى تعبتنى  
بس هي قالت ده اخر واحد نشوف

الاء: ليا حظ اشوفك

الفرح امتى ان شاء الله

ايمن: يعنى مش كتير، لسه محدداش مش هكذب عليكى  
الواحد طالع عينه جهاز وشبكه وعفش

الاء: الله يكون فعونك الجهاز مش سهل

ايمن: وجهاد عامل ايه ... وهو فين اراضيه دلوقت  
العيال بيقولوا انه ساب الجيم مؤقت والكافيه

الاء: هو ... مسافر برة مصر بيشتغل

ايمن: انتى هتقولى عليا ندل، بس من يوم الى حصل وانا  
مبكلمهوش

رغم عشرتنا الطويله وانه كان لى اكثر من اخ

الاء: ربنا يهدى النفوس ي ايمن ...

ایمن هز راسه وسکتوا ،ورجع یتکلم تانی

ایمن:بس انا انخضیت ع شکک ده،انتی زی اختی ی الاء

قولیلی لیه کده

یعنی ایه السبب

قطعت سؤاله خطیبته دخلت توریه الفستان وعجبه علیها  
خصوصا

بعد م الاء قالت انهم لسه مستلمینه

وانها اول واحده تلبسه

والبنت صممت علیه ومش عاوزة تشوف غیره،فاجروه و عملت  
لهم

الاء خصم کبیر ع وعد ان فستان الزفاف یبقی من عندهم

مشیوا مبسوطین من غیر م ترد الاء ع ولا سؤال لایمن

المسافات بتقرب بینها و بین محمد جهاد...والخوف لایتصدموا  
فبعض فیوم

مش عاملین حسابهم علیه..

#بقلمی\_نور اسماعیل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

"وحقن التنشیط دی هتجیب نتیجه یعنی؟"

واقف محمد جهاد باصص فورقه روشته لرضوى ..  
رضوى (بتغير راجعه من عند الدكتور) اه ان شاء الله

محمد جهاد اتهد

رضوى: هو بيقولى المرة الجايه جوزك ييجى معاكى

محمد جهاد: ده ليه ان شاء الله

رضوى: بيقولى برضو عاوز تحاليل منك ،يمكن انا وانت سوا

الى معطلين الحمل

محمد جهاد(بعصبيه) لا طبعا انا زى الفل بلا احلل

رضوى: هو مقالش حاجه بيقول عشاننا احنا الاتنين (ارتبكت

بخوف)وبعدين ي محمد

انت عرفت منين انك كويس

محمد جهاد: عندك اثبات طبيعى ي ست هانم،ولا مش شيفانى

راجل

رضوى: العلاقة الزوجية مالهش دعوة بالخلفه

محمد جهاد: انتهينا(بصوت عالى)

مشيت رضوى دخلت اوضتها تكمل تغيير هدومها ،ومحمد بيبرطم

محمد جهاد:قال احل، ده انا عامل زى الباب ع راى اصحابي  
وتقولى حلل  
مهوشه دى ولا ايه

دخل وراها وهو بيلعب ففونه وهى لبست وبتسرح شعرها قدام  
المرايه

رضوى:بيقولى كمان لازم اخس ، ممكن وزنى الزايد يكون له اثر  
برضو

محمد جهاد:ياستى اعملى كل الى بيقولك عليه،اهم حاجه ربنا  
يكرمنا

كل الى فسنى واصغر والى اتجوز معايا وبعدى معاهم عيال

رضوى(بضيق) ان شاء الله هيكرمنا ...انا هحضرلك العشا

طلعت رضوى تحضر العشا ،وجه فون له من مارسلينو

مارسلينو: ي وحش الوحوش ،ازى حضرتك

جهاد:عامل ايه ي بكابوزا وحشت دين امى

مارسلينو:مش مصدق بوقك ي لمبي





عاوز اقوله الحريم بتروح وتيجى ...المهم الصحة  
وده هيموت وراها

محمد جهاد:ياعم شكله بيخبها اوى

من برة

رضوى:العشا ي محمد

قفل محمد مع مارسلينو وراح يتعشا،اكل ودخلت تغسل الاطباق  
رضوى

وهو نزل لاصحابه شويه

رجع لاقاها نايمه ، قعد قدام التليفزيون شويه

لحد م ابتدا ينام ع نفسه

قام ينام حمبه ، وفعر نومهم قامت مفزوعه رضوى. كالعادة  
فالايام الاخيرة

محمد جهاد: فيه ايه خضتيني...ايه الموضوع ده كتر اوى ده كل  
يوم

فيه ايه

رضوى بتترعش

محمد جهاد : طب اهدى ، جابلها ميه وشربت

رضوى : بشوف كوابيس ع طول

محمد جهاد: ليه ايه السبب ، فيه حاجه مخوفاكى

رضوى: اه...انت

محمد جهاد: انا! ليه متجوزة غول بخوفك ليه انا

رضوى بصتله مستعدة تبوح بكل الى جواها ، وبتقول وقوع البلا

ولا انتظاره


محمد جهاد : اتكلمى

رضوى: اصل انا زمان ...كنت اعرف واحد وو

عيونها وسعت ومنتبه وابتدا وشه يقفل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

#بقلمى\_نوراسماعيل



محمد جهاد: فيه ايه خضتيني... ايه الموضوع ده كتر اوى ده كل

يوم

فيه ايه

رضوى بتترعش

محمد جهاد : طب اهدى ، جابلها ميه وشربت

رضوى : بشوف كوابيس ع طول

محمد جهاد: ليه ايه السبب ، فيه حاجه مخوفاكى

رضوى: اه... انت

محمد جهاد: انا! ليه متجوزة غول بخوفك ليه انا

رضوى بصتله مستعدة تبوح بكل الى جواها ، وبتقول وقوع البلا

ولا انتظاره

محمد جهاد : اتكلمى

رضوى: اصل انا زمان ...كنت اعرف واحد وو

عيونها وسعت ومنتبه وابتدا وشه يقفل

محمد جهاد: كملى

رضوى :انا خوفت اقولك بس لازم تعرف انى كنت ع علاقه  
بواحد زمان انت تعرفه

محمد جهاد مستنهاش تكمل وراح نزل عليها بالقلم!

فاقت فعلا مخضوضه المرة دى من الكابوس الى عدى لانه  
مكانش حقيقه،قام محمد بيفرك فعينه  
مكشر

محمد جهاد: ي ستى هو احنا هنقطع الخلف بسبب خضاتك دى انا  
زهقت

هنام بعد كده لوحدى فالاوضة التانيه

رضوى(بتاخذ نفسها)انا اسفه ...

محمد نام وحط ع وشه مخده وهى قعدت تستغفر لحد م عرفت  
تروح فالنوم .

والصبح ...

رضوى: اكويك انهى فبول (قمصان)

محمد جهاد: كلهم ي رضوى ،بس اكوى واحد دلوقت عشان انزل

رضوى: حاضر

\*وهى بتكوى\*

محمد جهاد: انتى صحيح ي رضوى ،احلامك وكوايبسك الكثير  
دى ليه

بتتعبنى نفسيا الحقيقه

رضوى(ارتبكت) معلى مكانش قصدى اصحيك مخضوض

محمد جهاد: هى مرة!ده كل مرة ده كل ليله

انا بقيت ماشى اتخض

رضوى: عادى ي محمد

محمد جهاد: لا مش عادى ايه الى بيخضك واياه بتخافى منه  
وقاللك كده

وبعدين ده جديد كل اجازة ليا مكنتيش بتعملى كده

ايه الى جد

رضوى (خايفه) يعنى هو لازم يبقاله علاقه الكابوس بحاجه قالقانى

محمد جهاد: اه ي رضوى، واخلصى مش هقعد اقرر فيكى اليوم  
كله

انجزى وقولى فيه ايه

رضوى: هقولك بس تحلف برحمه ابوك م تعمل معايا حاجه

محمد جهاد (قلق) اتكلمى ع طول ومتقطعيش كده قولى الكلام مرة  
واحد

فيه ايه بيحصل من ورا ضهرى

رضوى (مرعوبه) مفيش حاجه والله ده موضوع قديم

محمد جهاد: قديم يعنى ايه

رضوى: يعنى حاصل من زمان ومن قبل م اعرفك

محمد جهاد (ابتدا يتعصب) قولتلك انجزى وقولى الكلام مرة واحد  
متقطعيش تقطعى كده

رضوى: حاضر هتكلم اهو ، انا زمان

يعنى فثانوى كنت معجبه بشخص (بتقطع فالكلام من الخوف)

وهو كمان كان معجب بيا

ومعاًيا من ابتدائى لحد الجامعه ...واتقدملى والله العظيم بس بابا  
رفضه عشان لسه طالب

محمد جهاد(كاظم غيظه يسمع للاخر) مقولتيش كده لما سالتك  
رضوى(بخوف)مكنتش اعرفك واخذت عليك عشان احكيك ي  
محمد

محمد جهاد: وايه الجديد انك تقولى وتحلمى ،لاخر مرة هقولك  
احكى ع طول  
عشان متغاباش عليكى

رضوى: انا وهو كنا ...انت عارف  
لكن والله من قبل حوازنا سيينا بعض وماليش علاقه بيه خالص  
محمد جهاد(مسكها من دراعها) ورحعتوا اتقابلتو تانى مش كده

رضوى(هتعيظ)لا والله ...ورحمة ماما  
انا لاشوفته ولاشافنى من يومها

محمد جهاد:او مال ايه انطقى (بيزقها بدراعها وهو ماسكه)  
رضوى: من فترة كبيرة(بوقها بيترعش والدموع ع خدودها)من  
فترة لاقيت رقم دولى بيتصل

كنت فاكرة انه انت  
رديت وطلع... هو

محمد جهاد: (عيونه بتطق شرار) عرف نمرتك ازاي يعنى، اكيد  
حد وصلها له

رضوى: والله معرف ، انا بس شتمته وقفلت  
لكن بالوقت عرفت انه .... انه

محمد جهاد (بز عيق) انه ايبويه

رضوى: ساكن وياك فالسكن ...

محمد جهاد: من فيهم ؟ اتكلمى مين فيهم وعرفتى منين

رضوى: لما بتقول اسمه مع اصحابك عرفت لانه سالنى تعرفى  
محمد جهاد منين وانا هزقته  
ومن وقتها مكلمنيش

لما جبثوا اسمه عرفت انه ساكن وياك

محمد جهاد (ضربها بالقلم والتانى ومسكها من وشها) مين فيهم  
قولى!



رضوى (متبهده) حسين !

محمد جهاد: ا.. \* حسين!!

حسييييين

من غير م يكون فوعيه لو حد شاف منظره، نزل ضرب ع رضوى  
مرحمهاش

فوشها وفجسمها بايدہ التقيه

هو لو ركز شويه هى مالهاش ذنب فاى حاجه، لكن محمد طول  
عمره اعمى..

محمد جهاد: طبعا كوابيسك وخوفك ان الى بينكم يتعرف

ياست خضرة الشريفه

ي ملاك (بيضرب)

يالى مفيش فاخلاقك، انضحك عليا وبوحتى بسرك وقت م خلاص  
حسييتى انك انكشفتى

بيضرب اوى وهى ابدت تدوخ من الضرب ، مامته سمعت صوته  
عالى لان صوته جهور

وصريخ رضوى

قلقت وطلعت وتابعتها عمته

محمد جهاد(بيخبط بابہ) افتحلهم اقولهم ادى الملاك الى اخترتها  
ونهشتوا فعرض التانيه  
الى كان كل ذنبها حبها ليا

فضربه من ضرباته ،اتطوحت راس رضوى اتخبطت فرجل  
الكرسي  
وقعت محطتش منطق ودم نازل منها!

محمد شافها وصدرة بيعلى وينزل من الجهد ،فتحلهم الباب

الام:فيه ايه يامحمد(شافت رضوى واقعه) يالاهوى!

العمة: ايه يابنى ايه الى عملته ده (بتجرى ع رضوى)حصل ايه  
بينكم

محمد جهاد: اعرفوا منها

العمة:مبتنطقش لاتكون ماتت فايدك يخربيتك

محمد جهاد: تموت وارتاح ...تموت

انتو السبب فكل ده ،انتو السبب انا قرفت



والخدم بتدخل ع صوت الطلقه وبيتخضوا من منظر نهلة وانهيار  
طه

وبكاه وفضنه ليها...

طه: مش هسيبك.... بقولك عمرى م اسيبك لو التمن حياتى الى  
هى فادتها

\*المشهد ده..\*

كل يوم بيتعاد قدام طه ،كل ثانيه كل لحظة  
وهو قاعد ساكت فمكانه

اسماء: طه... وبعدين ي حبيبي

طه: عاوزة ايه ي اسماء

اسماء: مش تقوم تشوف حالك، تحلق دقنك وتظبط نفسك كده  
وتشوف شغلك الى سيبتة فجاة تكلمهم لايفنشوك  
تليفونك مش مبطل رن

طه: ع اعتبار ان الى ماتت دى كلبة ولا تسوى... ف ندفنها  
ونحلق ونروش ونشوف حياتنا

اسماء(مقدرة حدته وانفعاله) لا ي حبيبي مقصدش بس  
الحي ...

طه:هتقوليلي كلام خايب ،الحي ابقا من الميت  
وتقعدى تقوليلي قوم واترحم عليها زى كلام امك وكمل حياتك  
ايشمعنا هي حياتها ووقت عشاني!  
ايه الانانيه دى  
دى واحده ضحت بروحها...روحها  
هتقولوا فيلم هندی هقول محدش يعرف حاجه ولا عمركم هتعرفوا

اسماء:عمرى م هقول فيلم هندی ي طه ولا هقلل من حزنك  
نهلة كلنا حبيناها وكلنا اتصدمنا بفراقها وحزاننا عليها

طه:بدليل انكم عاوزين تفتحوا الكوافير بتاعها يشتغل

اسماء:خلى اسمها موجود ي طه

طه(بيعيظ) اسمها راح زى م راحت،طب هعيش ليه  
الاول كنت عايش وخلص  
عشانكم

دلوقت بقيت عايش عشانها

قلبي طلعه صوت ي اسماء بيندهلها (دارى وشه بكفينه وبكى)

اسماء: انا والله حاسه بيك

طه: لا مش حاسه ، لا انتى ولا امك ولا اى حد  
انا بس ال حاسس عشان ده حالى انا وميخصش حد منكم

اسماء: ازاي طيب مش كانت واحده من البيت

طه: بس فالآخر بتنامى فحضن جوزك ومستنيه مولودك  
وكل واحد بيروح لحاله  
وانا بفضل فحالى ده للابد

اسماء: ولا متى ي طه، وليه مقولتتش انك كنت موجود وقت الحادثة

طه اتنهذ ومردش كان فونه بيرن وكان المتصل يامن

اسماء: هترد؟ تليفونك مبطلش رن

طه (مسك الفون) الو

يامن:السلام عليكم ورحمة الله وبركاته

طه:وعليكم السلام

يامن:ازى حالك انهاردة

طه:زى امبارح وزى كل يوم من ساعة م مشيت

يامن:وحد الله كده واطلب لها المغفرة،بلاش الى انت عامله

صلى الله واستغفر

طه:ونعم بالله،نارى مبتبردش موجوع قلبي

يامن:عندك حق مفيش اقوى من وجع الفراق خصوصا لو شخص

غالى

ربنا يصبر قلبك

ويربط عليه ،سيدنا رسول الله فقد ابناؤه الذكور ومعاش له ولد

ذكر واحد

وورا بعض

وكانت حكمة ربنا عظيمة مع انها فاجعه له فحد ذاتها

عشان تظل الرساله المحمديه الخاتمه لان معروف توريث النبوة

طه سامع وساكت

يامن:الى عاوز اقوله انه كل قدر له حكمه ، وان مهما الحزن

طال فكل شئ نافذ بيد الله

طه:مش بنساها عشان ناوی لحقها ي يامن

يامن:ي طه اخزی شيطانك دی وساوس استغفر ربنا  
يعنى هو انت لما تاخذ حقها هي هترجع؟

\*حور شايله جويريه وبتتيمها وسمعت واستوقفتها كلمة يامن \*

يامن:لا اهدى مفيش الكلام ده ، واكيد دي مجرد وساوس فداغك  
مش قتل ولا حاجة اكيد مش ده المقصود انت بس عشان بتحبها  
وعشان هي توفت بالطريقة دي

طه(اتنهد وعشان ينهي الحوار لان يامن مش فاهم)ماشى ي يامن

يامن:الله المستعان،انا راجع بمشيئه الله بكرة  
دبي لو عايز اى حاجة او عايز تبلغ اى حاجة قولى

طه:تسلم ي يامن

\*قفلوا سوا ،رجع طه لحزنه

وانتبهت حور تبء كلامها\*



حور: قفل؟

يامن: اه

حور: حق ايه بقا الى عاوز ياخده

يامن (بصلها بضيق) بتدخلي ليه فكلامى معاه

حور: لانه يخص بابا... هو اكيد بيقصد بابا مش كفايه الخراب

الى حل من ساعة م جه

يامن: ايه الطريقه دى ي حور متتكلميش عن حد بطريقه مهينه

ومتغاتبيش حد اصلا

حور: انا مش بغتابه، انا لو هو قصادى هقوله كفايه شووو بقا

شكلك وحش

عاوز يوصل لايه

يامن: طريقتك بتستفزنى للمرة التانيه، وع فكرة

لاول مرة اكون غاضب للحديث معاكى

حور (اتضايقت) ليه يعنى... عشان صاحبك

يامن: عشان بتدخلى بطريقة سيئه وعشان كلامى مبيتسمعش  
وعشان بتتعصبي  
بجد بدات احس بغضب شديد منك ي حور  
موضوع طه لايعنيكى تتصنتى عالمكالمه وتسالى عن تفاصيلها

حور: لان هو قاصد غدر ب بابا ، اقلق ولا لا  
مش عارف يفهم ان ده قضاء وقدر وانها ماتت خلاص بطريقة  
غلط

يامن: مسالتيش نفسك هتروح لوالدك ليه المكتب وقت وهو  
بينضف سلاحه؟  
طب الشرطه والناس فاكرينها لسه زوجته والموضوع عدى  
بسلطته وحصانته  
طب واحنا الى عارفين انها طليقته والموضوع كله مش مريح  
وانا كان نفسي اواجهه ليه بي فهم الناس انها مراته  
عشان يغطى ع ايه ؟ يعنى كان ناوى عالقتل ولا ليه  
وللاسف مشفتوش طول العزا

حور(بعلو صوت وعصبيه)يامن! بابا مقتلهاش  
ازاى تتهمه

ازاى تصدق كلام وخرافات من واحد زى طه  
ازاى تصدق انه يقتل ايله نهلة ويقتلها ليه

انا مسمحش ب ده

يامن اتضايق وبان ع وشه

يامن: بتعلى صوتك؟

حور اتاخذت وسكتت

يامن: وبتتصبي...

حور: انا... انا

يامن: طيب... من الوقت ده

لحد م امشى لسانك ميخاطبنيش

ولا هنام هنا ولا جنبك ولا فالشقة اصلا لحد م اطلع ع سفرى

ي ست ي متربيه ي متدينه يالى عارفه الدين والاصول

حور(بتحاول تمسك ايده) يامن انا .. اسفه انفعلت

يامن(بينتش ايده منها) ولاحتى تلمسينى ولا تحضرى ليا حاجه

ابعدى عنى

مش حابب حتى اشوفك

مشى ونزل وسابها، اول مرة يتخانقوا  
اول مرة تشوف غضب يامن وخايفه تكون موجه تمهيد لعواصف  
متعرفش شكلها ايه ...

لكن الى تعرفه انها غلطت وعاوزه تصلح غلطها باى شكل  
حتى مع ضيقتها انه بيتهم باباها وواقف مع صديقه ومصدقه!

#بقلمى\_نوراسماعيل



"بصى المطبخ ده ي خالتو ، عمى بيقول اختار الى عاوزاه"

اية(فرحانه)حلو ي حبيبتى ،تتهنى يارب

بسمه: احساس حلو اوى ي خالتو، يارب كل بنت تتجوز الى بتحبه  
انا باسس بيتى معاه خلاص

اية: كبرتى ي بسمه ، ياريت امك عاشت عشان تشوفك عروسه

بسمه: ياريت ، بس هى اكيد حاسه بيا وبفرحتى



اية: عاوزة اكمل رسالتى للاخرى بسمه من غير مشاكل  
هما مش ناسيين انى قهرت ابوكم لما خدتكم منه بعد م اتجوز

عمرهم م هيلاقو عليا غلظه ويعدوها

بسمه: ياربي ...

اية: او مال انتى فاكرة ايه، ده انا استغربت جدعتهم ان كل واحد  
هيجبك حاجه فجهازك  
الا م سالو عليكم ابدأ  
يلا...

بسمه: الحمد لله مخذلونيش قدام خطيبي ...

هبة: خالتو... هو عمو ايهاب مقالش لسه لمراته صح

اية (سرحت) لا لسه ... خايف ع بنته

احنا الاتنين خايفين ومستنين

احنا الاتنين زى م تقولوا كده بنسرق بعض بالحلال

بسمه: طب والشوق والحنين ي خالتو؟!!

اية سرحت عند ايهاب وابتسمت لكل الايام الحلوة الى بينهم  
والذكريات

الى بتجمعهم واهتمامه وحبه وتقديره ليها المستمر مهما حصل...

وعلى ذكر الشوق والحنين كان ف جلسه من ذكريات الحنين ل  
الاء وصاحبته

الاء: انا بعمل ناسيه لكن مبنساش ابا، مبنساش ضحكنا سوا  
مبنساش كلامه ولا حنيته

صاحبته: طيب م تحنى قلبك بقا كفايه هجر

الاء: ووجعى منه... لو حنيت هيرجع عشان ابنه

صاحبته: هو ميعرفش لحد الان بموضوع ابنه

هو لما بيكلمك بيبقا عاوزك انتى مصمم عليكى

لسه

متكابريش

لو كلنا مش هنسامح فحق الى ظلمونا هنعيش طول العمر اعداء

هنعيش فغابه

الاء (مدمعه) واحشنى اوى، باينه انى قويه وقدرت وجدعه وبقوم

وحدى

لكن برضو محتاجاه (بتبص لصوره باباها) ولبابا اوى

محمد ابنى كل يوم بيكبر بحس فعيونه بيسال

مين الى بتوريهولى فالصور ده

هو فين

طب لما يكبر هيقلولى سيبتو بعض ليه ياماما

مش عاوزة اوحش صورته قدام ابنه

صاحبته:وفرى ع نفسك وجع القلب

الاء:وارجعله زوجه تانيه، انا مرجعتش لما كنت هبقى وحدى

اهله لسه شايفينى وحشه

اومال لما يعرفوا انه....وفكتب الكتاب كمان

وابنه ده من قبل اشهار زفاننا

انا مش بعيد حصللى شلل بسببه ،اموت بسببهم وبسبب كلامهم

صاحبته:مين فيهم مبيغلطش ،وبعدين انتو متجوزين بس

ناقصكم اشهار

يعنى حلال

الاء:بس سيبتله نفسي...وده ميصحش

صاحبته:المهم هو ي الاء...انا متاكده ان البعد ده كله

علمه ازاي بعد كده يحافظ عليكى منهم او من نفسه



لسه محمد بيحبك ي الاء ولسه عاوزك

الاء: لا... مش عاوزنى نسينى

وبقا مع مراته والله اعلم حملت وخلف وبقت له عيله

وانا هنا وحدى

وحياتى وقفت عليه هو وبسببه

صاحبته: انا متاكده انه مش عايش وانه لسه بيجارى واقعه

وخلص

لكن قلبه لسه واقف عليكى

الاء(بحنين)وحشنى اوى

صاحبته: واكيد انتى وحشتيه .. ومسيركم هترجعوا

الاء: تفتكرى فيه حاجه هتتصلح

صاحبته: مفيش حاجه بتفضل ع حالها ،بس الى اعرفه ان ربنا

مبيظلمش حد

وان مسير كل حاجه تتصلح...وبعد كل الحزن ده هييجى فرج

الاء: يارب..

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡

خناقه جامده وصوت على فالشارع...

ما بين لينزى ومارسلىنو .

لينزى: مش مجبرة اروح معاك الدكتور واخذنى ليه بالعافيه

مارسلىنو: امشى ع طول عشان ممسكيش بالشلايت من هنا لحد  
الدكتور

لينزى: عاوز ايه انت

مارسلىنو: عاوز اعرف الى فجسمك ده ايه، وانجرى يلا

لينزى: وانت مالك كان جسمى ولا جسمك

مارسلىنو: يخربيت العسل، بغوص بشربات

قال كان جسمى ولا جسمك

بت اتعدلى

عشان مخدكيش شقلبه ع كتفى لحد هناك

لينزى: لو راجل اعملها (وقفت حطت ايدها فوسطها)



مذيع نشرة 6

لسه مفوقتش من صدمتى وانتى واخذنى كررر ورا بعض

يعنى ايه كانسر؟

لينزى: تقريبا مالوش تعريف غير كده، سرطان طيب

مارسلينو: عااا ف عارف، انا بقول يعنى ده بجد

ولا مقلب من مقابلك

لينزى (بضيق) لاي لينو، المرة دى مش مقلب

ده بجد

وممكن اخذك عند الدكتور او نكشف تانى هيتقال نفس الكلام

انا عندى لوكيميا

مارسلينو مذهول وباصص لها

لينزى: هو احنا ينفع نطلع فوق، نكمل كلام

احنا فالشارع!

مارسلينو مشى معاها سرحان ولحد م وصلوا شقتهم

لينزى:مالك

مارسليينو:انتى الكلام الى اتقال تحت ده بجد

لينزى:ايوة

مارسليينو:لينزى لو مقلب من مقالبك بليز قولى انا مش

ناقص ومش وقته نهزر فامراض وبواسير وبتاع

لينزى:انا مش بهزر،يشهد عليا الروح القدس انى بتكلم جد

مارسليينو(ابتدا يبان ع وشه الحزن) ده بجد،يعنى انتى

لينزى(بسلام نفس وابتسامه)بموت ...

مارسليينو:لا ي لينزى ،مفيش الكلام ده الناس بتتعالج منه عادى

لينزى:مش عاوزة اتعالج ي لينو

مارسليينو:لييبويه

لينزى:هتعالج عشان ايه،جايز لو بنتنا فضلت عايشه

كنت اتعالجت عشانها

معنديش اى دافع انى اعيش

مارسلينو: وانا

لينزى: انت ... انت لما مسكتنى من دراعى ونزلتنى بالعافيه عاوز  
تعرف مالى

فرحت فرحه مساعتيش

انت لتانى مرة مخضوض عليا ومشغول بيا

انا بهمك ي مارسلينو مش مجرد

قطع كلامها وخدها فحضنه اوى

مارسلينو(بحزن) انا بحبك.... انا بحبك ي لينزى اوى

لينزى طلعت من حضنه فرحانه

لينزى: بتقولها بجد ولا عشان انا تعبانه شفقت ع حالى

مكنتش عاوزة اعرف واسمعها لما تعرف

عاوزه اسمعها من الاول

مارسلينو: بلاش هبل، انا بجد بحبك بس كان صعب عليا اقول انى

انهزمت منك

انك كسبتى فالمرتين

تحببيني فيكى

وترجعيني ليكي

انتي الوحيدة ،وانتي وحشة وتقرفي الكلب حبيتك وحببت بنتي  
منك

وانتي زي القمر موتت فيكي ومستغنتش عنك ومبقتش اشوف حد  
ولا بيفرق  
غيرك

انا بجد بحبك ي لينزي

حضنته هي المرة دي

لينزي :فرحانه اوى اوى ...وانا بموت فيك ي لينو  
ومن زمان ومشوفتش غيرك رغم عبوبك

مارسلينو:انتي هتتعالجي فاهمه

لينزي: ي لينو

مارسلينو:انتي كل ده مفهمتيش درسك علم فيا ازاي ،هحبك وانتي  
وحشه وشعرك واقع وقرعه

وهحبك وانتي وشك اصفر وبتتعالجي

وهفضل وياكى لحد م تخفى

ونخلف تاني وتالت ونقدم للكنيسة ولاد صالحه ميكونوش زيي

لينزى: انت فعينى احسن حد، بيبقى شكلك قمر وانت بتتكلم بجد  
وباحساسك

مارسلينو: هنعوض بنتنا وهنبقى بيت صالح يرضى عنه يسوع  
فالسما

هنبقى سوا وهنتظبط عن كل خطيه عملناها  
هنفضل سوا ومش هسيبك وهنخلف ولاد كثير

(حضانها وهى مبسوطة فحضانها)

مارسلينو: اه صحيح...كنتى عاوزة تسمى البنت ايه  
انا مكانش فبالى حاجه

لينزى: انت دايم متوه وطبيخ كده

مارسلينو: اتلمى عشان متاخدش بوكس يخنفك  
لينزى: ورينى ازاي عشان شكلك نسيت علق زمان

مارسلينو: علق زمان ع اساس انك كنتى بتعلقينى فى اوكرة  
الباب



لينزى: تحب اعلقك

مارسلينو: انا الى هشعلقك بس بجد كنتى هتسمى البنت ايه

لينزى (بدلع) سيسيليا

مارسلينو: ايه ده ! هو انا كنت هخلف يخت فالنيل سيسيليا

ايه الاسم العجب ده

لينزى: يعنى هو مارسلينو الى حلو

مارسلينو: احلى من عنزى

لينزى: ولااا (عامله ايدها بوكس)

مارسلينو: لا ده كان زمان تعااالى

شالا شالها ع كتفه وحرى للاوضه وقفل الباب

مارسلينو: الحق اخذ حته من التاتو قبل م تبقى موميا

لينزى: لينووووة

مارسلينو: عثل ي ناس ، اكلك منين ي تاتو!

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

قليله..

بعد اقامه علاقه زوجية بين ايهاب ووصال ،تبادل كل حاجه الا  
سخونة المشاعر

هى لحد الان بتادى

وهو حتى الان بيرد عليها تمثيلها عشان الدنيا تمشى...

هى مقتنعه ان ده الى عليها وهيقرّب المسافات،وهو مقتنع ان

ده الى لازم يكون رد فعله عشان المركب تمشى...

قام ودخل ايهاب ياخذ دش،وصال فضلت فالسرير

لاحظت فونها بينور ويطفى كثير

قالت اكيد مكالمه مهمه ،وظلعت من المستشفى

وصال: الو

البنت: الوي دكتورة

وصال: خير

البنت: حضرتك دكتورة هما مصممة تمشى رغم انها نوباتشيه

وفى عندنا حالات

وصال: اديهالى

همت: الو

وصال: یعنی ایه تمشی ، عندك حالات وانتي نوباتشیه  
هی تکیه ولا ایه

همت: عاوزة امشی لان عندي ظرف فالبيت

وصال: مفيش ای سبب او عذر یخلیکی تمشی وتسیبی شغلك  
انا بدفع اد كده لیکی ولل زيك عشان تلتزموا

همت: انتی اهم حاجه عندك انك بتدفعی،ایه الجمود ده بقولك  
عندي ظرف  
لازم امشی

وصال: مش مشكلتي ،مشكلتك انتی  
ده شغل وتتحرق ای حاجه تعطله  
انا بقعد بالايام برة بيتی عشان الشغل

همت: لا همشی ولی يحصل يحصل ایه ده المفروض تراعى  
الناس وظروفها

وصال: انتى بتتحديني وتقوليلى همشى، من بكرة تقدمى استقالتك  
ي دكتورة

همت:طبيعى واحده زيك بالجمود والبرود ده جوزها ينفر منها  
ويعرف عليها بنات

عنده حق جوزك لما خانك

انا اماشوفته مرضتتش اعرفك لان بحسلك بالشفقه

بس قولت لازم احرق دمك ان شغلك ال بتفضليه ع اى حد واى  
حاجه ده هيخرب بيتك

قفلت مع وصال

قامت كلها نار كان خارج ايهاب من الحمام بالبرنس

وصال(بعده)انت بتخوننى ي ايهاب؟ مين الى كانت وياك وشافتك  
همت

قول!

ايهاب بهدوء بص لها واتنهد

وصال:اسمها ايه عشيقتك ي رد عليا، وفيه غيرها ولا لا

وعرفتھا منين


اتكلم

ايهاب:صحى الجملة..هى واحده  
ومراتى مش عشقتى

وصال بلمت واياهب بيتابع كلامه...

♡♡♡♡♡♡♡♡♡♡♡♡♡♡♡♡♡♡

#بقلمى\_نوراسماعيل



وصال: انتى بتتحدينى وتقوللى همشى، من بكرة تقدمى استقالتك  
ي دكتورة

همت:طبيعى واحده زيك بالجمود والبرود ده جوزها ينفر منها  
ويعرف عليها بنات

عنده حق جوزك لما خانك

انا امااشوفته مرضتتش اعرفك لان بحسلك بالشفقه

بس قولت لازم احرق دمك ان شغلك ال بتفضليه ع اى حد واى  
حاجه ده هيخرب بيتك

قفلت مع وصال

قامت كلها نار كان خارج اياهب من الحمام بالبورنوس

وصال(بحده)انت بتخوننى ي ايهاب؟ مين الى كانت وياك وشافتك  
همت  
قول!

ايهاب بهدوء بص لها واتهد

وصال:اسمها ايه عشيقتك ي ايهاب رد عليا، وفيه غيرها ولا لا  
وعرفتها منين  
اتكلم

ايهاب:صحى الجملة..هى واحده  
ومراتى مش عشقتى

وصال بلمت وايهاب بيتابع كلامه...

ايهاب:مراتى على سنة الله ورسوله زيها زيك بالظبط ومسمحش  
لاى حد  
يقول عنها عشيقتى

وصال قايمه بهدوء ناحيته بصاله بتركيز

وصال: زي زي مين (بهدوء)

ايهاب: زيڪ...زيها  
هي مراتى وانتي مراتى برضو

وصال:(بهدوء مخيف) مراتك يعنى ازاي؟!  
مراتك يعنى ايه

ايهاب:قوليلى ايه مدلوك للجواز ب اخرى ي وصال  
وانا اقولهوك  
لو مش عارفه مراتى يعنى ايه

وصال:انت اتجوزت فعلا ! الكلام ده بجد

ايهاب هز راسه بالاثبات

وبهدوء يسبق عاصفتها...اخذت نفس وبدا اعصارها  
الداخلى بيان ع وشها

وصال: يعنى انت اتجوزت !اتجوزت ست تانيه عليا انا  
عليا انا...

ايهاب باصص لها بثبات

وصال مسكت فاز شيك وكسرتها بعنف عالارض

ايهاب:ايه الجنان ده؟

وصال:جنان !!بتسال عن الجنان ي كابتن

تتجوز عليا انا

انت فاهم انت الى جنائك وصلك لفين

ايهاب(مسكها من دراعها) احترمي نفسك

وصال: او عى كده سيبنى ...بتتجوز عليا

ليه ؟

بتعوض ايه فيا ملاقتهوش

ايهاب:قولى لاقيتك امتى

وصال(بصرىخ)حتى بعد كل ده

ايهاب:بعد كل ده امتى؟ ردى عليا امتى

بعد م ودتيني بايدك لكل ده

بعد م قعدتى تزوقى تزوقى انى ابعده

جايه تقربي بعد م كل حاجه اتجمدت

عامله بالظبط زى الى بيسيح الجليد ع ضوء شمعه



وجايه دلوقت تقولى ايه الى بعوضه فغيرك

انتى كلك مكنتيش

عشان اعوض

انا وبنتي كنا وحدنا ،بلا زوجه او ام

كل حياتك شغلك وكل حياتك كيانك

كل همك دي وصال

واحنا طظ...ستين طظ طالما بالعين فبوقنا جزم

والصورة مش مهزوزة قدام الناس

دكتوراة ناحجه وكابتن طيار وسيم وبنوته زى القمر

عيله سعيده متكامله

المهم الواجبه ،والكسر الى جوه مش مهم

مفيش مهم قدامك غير كيانك يفضل ع صورته

حتى لو احنا من جوانا متدغدغين ل 100 حته

وصال:وااااا...تصدق اول مرة احس انى زباله اوى كده

وان دى مبررات هايئه منك للجواز عليا

وانك راجل عظيم مفيش فيك ولا غلطه...والغلط ماسكنى من فوق

لتحت

انت ازاي راجل مستحمل كل ده

انت ازاي اصلا كل ده مدينى تشانس اننا لسه قدام الناس

متجوزين

بجد انا مديونالك بكل ده

(بعصبيه وصريخ)

مديونالك انك هتخلينى من هنا ورايح اشوف نفسى فالمرايه ست  
بشعه

متتشافش عشان تتحب او يتعاش معاها  
مديونالك بانك بينت اد ايه قبحى اكثر من جمالى المزيف  
مديونالك انك بينت انى لاسه تنفع ولا زوجه ولا ام

\*هديو دقايق وهى تابعت كلامها \*

وصال: كل مرة بسحر خفى بتطلع صح وانى انا الغلطانه

حتى وانت عامل غلط شنيع

ابشع ست فالدنيا متتحملوش

انا الغلط وانا الى وديتك بايدى انك تختار غيرى تتجوزها وتعيش  
معاها حياتك

وانى انا ست متعاشرش ولا تطاق ...ياااه ده انت يتعمك تمثال  
والله

استحملت كل ده ازاي

ايهاب: بصى ي وصال، انا الى عليا عملته معاكى

كذا مرة احاول ،كذا مرة الفت نظرك

كذا مرة احاول وهى هى نفس الحيط السد بنوصلها سوا

ونفس المركب الغرقانه

وصال:ف تتجوز عليا!

ايهاب:احسن من خيانة فالحرام

وصال:وبتسمى الى حصل ده ايه ي كابتن؟ مش خيانه

ايهاب:لا مش خيانه،ده حقى

وعشان مخربش البيت ده وعشان بنتى مرضتش ابين اى شئ

وفضلت م بين هنا وهنا

وصال(بكل كبرياء) لا احنا هنوفر عليك الشحطه ، احنا بروضو

ميرضناش تعبك

انت من دلوقت

تعتبر ده مش بيتك

ومتحاولش تشوف ريم

روحها....روح لحرملك المصون التانيه

سيب المفاتيح وسيب كل حاجه

وورقه طلاقى توصلنى

ايهاب(وشه اتغير وهيتعصب) انتى بتقولى ايه ،مستحيل اسيب

بنتى

انتى فاهمه

وصال:ي شيخ ارحم،ارحم مش كده

صدقنى مش هتكسب كل حاجه ...الملك بتاعك مات فالعبيه ي  
كابتن

والشترنج بيعلن جوله جديده ليا

انسى ...ريم ي ايهاب

ايهاب:مستحيل تاخدى منى بنتى ...مستحيل  
ده يبقى اخر يوم فعمرك لو فكرتى ف ده

وصال:اوك...تعالى نشوف مين فينا

نفسه اطول من التانى

وانا هعرفك ي ايهاب انت وال...هانم الى اتجوزتها  
انت عملت ايه...ف مين؟

ايهاب:وده تهديد ي دكتورة ؟

وصال:اعتبروا زى م انت حابب ي كابتن ...ودلوقت

اتفضل لان بدات اتخنى من انى بتنفس وبقاسمك نفس الهوا

ايهاب:انا مش طايق اساسا اكون معاكى فنفس المكان

وصال:عشان ريم ...انا عارفه انك هتكون حابب ان متحصلش  
شوشرة وزعيق وتكسير من تانى

اعتبر ان عندك رحله ي كابتن

ايهاب:ع فكرة...انا فعلا همشى لانى مبقتش طابق اقعد اكثر من  
كده

لكن او عى تفكرى

او ييجى فخيالك

انك تقدرى تحرمينى من بنتى...او تحرمينى ادخل بيتى

ممكن متكونيش واعيه انتى اتجوزتى مين

او اقدر اعمل ايه...

لبس هدومه ونزل ومشى ...وهى فضلت قاعده فمكانها بقمه  
انهيارها

ضربت بكف ايدها فالحيط وغرقت فعياطها!

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡

بيحضر هدومه ،وبتلمس كف ايده بحنيه وهى بترص الهدوم وياه  
جوه الشنطه

لينزى :هتاخذ البرفيوم ده

مارسيلينو (عمل نفسه هيعض خدها وهى ضحكت بدلع) اموت  
فيك اعثل

لينزى: م تقول بقا

مارسيلينو: اه ماشى حظيه... (بيبص فكل حاجته)

كده انا خدت كل حاجه ؟

لينزى: اه

مارسيلينو: لينزى... مش عاوزين نعيد الكلام كتير

هتروحي حجز كشفك وتطمينيني قال ايه وهتعملى ايه

انتى عارفه لولا ميعاد السفر كنت جيت وياكى اشوف هيقول ايه

لينزى: متقلقش هروح فميعادى وسنوافيك الاخبار ي شبح

مارسيلينو: شبح! طب بص بقا ي برنس

يقول تحاليل واشعات نعملها بلاش مش عاوزة اتعالج ومش

عاوزه شعري يقع

ويطلعلى بقع

ومش عاوزة اكل شطه...مياكلش معايا كل ده كلام فالهجايبص

نتعالج وشعرك يقع وترجعى شكك يقرف..بالنسبة لى احسن

بكتير

من قعدتك زى القمر كده ويبقى فاضل ساعتين ونص فحياتك

لينزى ضربته فصدره يعدل كلامه

مارسليينو(عدل كلامه) يعنى قصدى انك لازم تاخذى بالك من  
نفسك

لان مش بعد م اتنيلت وحببتك ودى اول مرة تحصل  
احب واقع ع بوزى تتنحى مع القديسين والشهداء فوق  
واقعد وحدى هنا تحت العب فشعر رجلى

لينزى: تصدق انك بقف ... ومبتفهمش جاتك القرف  
عيل خبؤ

مارسليينو: خبؤ، يابت خايف لاتكونى مخبيه موسى فبوقك  
ايه خبؤ دى  
اسمها خرو

لينزى: طب بص بقا ياعم الخرو ، عاوزين نحكى كلام موزون كده  
زى شاي القهوة الحبر كده

مارسيلينو: اتفضل ياعم العالم قول الكلام الموزون بميزان  
الطماطم

لينزى: بص... انا هعمل التحاليل والاشعات وكل الهري ده  
وهتعالج

بس بشرط

زى م انا هضحى بجمالى وانوثتى ... انت قصادى تضحى

مارسلينو: اضحى ب ايه ... اشيل الرحم ؟

لينزى: هو هو هو عارف الى مصبرنى عليك دمك المختلط بعسل  
اسود فاخر

مارسلينو: اصل ايه التضحيه الى هقدمها والكلام الكبير ده  
اروح اتطوع فالجيش طيب

لينزى: اسمع بس بتكلم جد ، انا عاوزاك ... تخس!

مارسلينو(مصدرلها ودنه بضحك) ايه الكلام؟

لينزى: تبطل اكل وتلعب رياضه ... وتخس  
فيها ايه ي لينوووو

مارسلينو: بقولك ايه بلا لينو بلا فلالينو  
انا محدش ابدأ اى ان كان مين يقدر يقطع علاقتى بالاكل  
محدش يقدر يبعدنا عن بعض



لينزى:ايه ده ،ايشمعنا انا هسمع كلامك واتعالج ويبقى شكلى  
وحش

وماليش معالم

م تخلىنى كده احسن

مارسيلينو:بت ي هبابه انتى ...متحطيش عقده فالمنشار

انا عاوزك تتعالجى عشان تفضلى معايا

وهرجع اصلى لك واواظب انى اروح الكنيسه عشانك

ماله ده بحسمى

لينزى:السمنه هتاذيك ي لينو (بحنيه)عاوزه كل حد فينا يتخلى

عن الى بيحبه

ويحفز التانى

يحفز التانى يكمل فطريقه الصعب ...مش يمكن تكون السبب

انى اكمل فعلاجى !

مارسيلينو اتاثر بكلامها

لينزى:عاوزه بجد نتسابق مين يقدر الاول ، مين هيكسب التحدى

انا هتخلى عن جمالى عشان اكون معاك

وانت هتخلى عن حبك للاكل وهيتظبط شكك عشان نفسك  
وعشاني

كل واحد فينا يخوض تحدى

مارسلينو: لينزى انت بتهزرى ، علاجك مفيهوش نقاش  
لكن الى بتقوليه ليا ده هزار

لينزى: لا مش هزار ي لينو ... هتخس وانا هتعالج  
مفيش ده ... مفيش كله

مارسلينو: بتصعبها عشان يبقى عندك حق

لينزى (بدلع) طيب م ترمى الكورة فملعبي وتبدء قبلى  
وتحفزنى (غمزتله)

متقلقش ي لينو ... شكه دبوس

مارسلينو: انتى بتضحكى ع. ابن اختك

لينزى: طب تخيل كده ، انت وشك زى القمر  
لو وش وجسم

شوف بقا هتتظبط ظبطه شكلها ازاي  
شوف تضحيتك هتوصلك لفين وانت الكسبان...ي حمار

مارسليو :بطل ي كلمة حمار عشان متاكلش قلم يخنفاك

جری وراها فالشقه وهى بتجرى ،ياترى هيقبل التحدى  
حبها كبير للدرجه دى ولالا  
هنعرف

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

"قوم ...قوم ي طه "

بينتبه من نومه طه لقي نهلة قاعده قصاده باخر لبس كانت  
لابساه وبطرحتها  
وبصاله

طه(بمفجاة) انتى هنا بجد؟

نهلة:قوم بقى...فوق وسافر روح لشغاك

طه:مش. عارف اعمل كده...والله م عارف

نهلة:عشان خاطر ي بقا...طه انا هبقى احسن لو قومت ورجعت  
حياتك عادى

طه(باسى)من غيرك؟

نهلة:انا عاوزة اتظمن عليك ي طه. انا كده مش مرتاحه

(قامت وقفت من مكانها) ولوع حقى

فهيجى لحد عندك

بس اصبر

قام من نومه ،بيبص حواليه ملاقاش نهلة

كان بيحلم بيها كالعاده زى كل يوم

فكر فكلامها ،انشرح صدره لما شافها مبتسمه

هيعمل بوصيتها؟!!

اصل كلمة حقى هيجى لعندك مش اول مرة يشوفها تقولها

مفتاح بيفتح باب الفيلا ،وداخل طه بشنطه

يامن كان بيتغدا ،شافه قام يستقبله بفرحه

يامن(حضنه )ايوة كده حمدلله ع سلامتک

طه:بيسلم عليه ومبتسم) الله يسلمك ي يامن عامل ايه،وكلکم ايه  
اخبارکم  
وحشتونی

يامن:الحمدلله بخير

..(اخذ معاه شنطه وطالعین ع فوق كان نازل مارسلينو)

مارسلينو:ايوووة بقا طهطوووه (حضنه)

ايوة ياراجل فك واحلق دقنك انا قولت رجعت لايام الكهف  
الحريم موجوده المهم انت ي جدع وشوية الفكه الى فجيبيك

طه ابتسم كمجامله ع كلامه وطلع اوضته ويامن موصل معاه  
شنطه

يامن:ربنا يهديك للطريق الصح ،عاوز رائبي

اعمل صدقه جاريه ع روحها

وشيل من دماغك الافكار دى

طه(مبتسم ببهتان) متقلقش ي شيخ يامن، اولادك عاملين ايه

وام زياد

بتشوف باباها؟

يامن(قلق) كويسين نحمد ربنا ونشكره

طه:يستاهلوا الحمد

يامن:طب هسيبك تستريح ..

،نزل يامن يشيل اكله

ومارسيلينو عالحمام

وربع ساعه ، بعد م دخل محمد جهاد من برة

سمعوا تكسير وخبط ورقع!

مارسليينو:ايه ده فيه ايه ي بشر

طه نازل ملهوف

طه:فيه ايه ي جماعه

يامن : الصوت من اوضه حسين

راحو وفتحوا الباب لاقوا محمد جهاد واقف فيها وبيكسر

هنا وهنا اى حاجه يطولها

مارسلينو:جون سينا فيه ايه بتكسر فام الاوضه لبيه

محمد جهاد(ع وشه الغضب) بصوا ي جدعان،محدث يتدخل فاي  
شى يحصل  
ممکن

يامن:ازای یعنی هو لما بيعمل حاجه كلنا بنوقفله،وكده ده غلط ي  
محمد مالك بحاجته واوضته  
وهو فشغله دى غيبه وحرام

محمد جهاد:خلص الكلام ي شيخ يامن وبعد اذنكم محدش له  
دعوة

كمل تكسير واتدخل يامن يمنعه كان حه حسين من شغله

طلع سامع الخبط ده وجرى ع اوضته وهما واقفين قصاها

حسين(بعصبيه)ايه ده فيه ايه ،مين عمل كده

محمد جهاد :اهلااا...انا ي حيلتها

ومستعد اكسرك معاها كمان

حسين:الله! ده انت ناوى  
مالك عاوز ايه اقضيلك اوامر  
محمد.جهد:لا ولا حاجة بس الاوضه مش عجبانى فيها  
حجات عاوزة تتغير(خبط برجله لاب توب حسين وقع عالارض)

حسين:لا انت عاوز تتربي

دخل حسين جوة وضحك محمد جهاد وقفل الباب بالمفتاح  
\*هما برة\*

طه:فيه ايه ،محمد اتجنن ولا ايه  
مارسلينو:هياكلوا والمسيح الحى هيبلعوا الواد محمد شكله ناوى  
يكون قاتل اليوم  
بس فيه ايه

يامن:دى همجيه من جهاد ايه الى بيعمله ده،واهم بيزعقوا جوه  
ومكمل تكسير عادى

\*جوة عند جهاد وحسين\*



محمد جهاد (ماسكه من هدومه) عارف ليه عملت كل ده  
حسين: واضح ان شدة البوليس وحشتك عاوز تغير جو

محمد جهاد: انت تضحك عليا انا يااااض

دخل فيه زى الطور فبطنه جرى دفعه واحده وقع حسين عالارض  
ومحمد جهاد فوقه

محمد جهاد (بعنف بيضرب فيه) انت ي حته حيوان يقدر ي زباله  
تضحك عليا تقول بجرب الشواحن  
وانا من يومها بفكر تمسك موبايلى ليه ...ليه

بوكس فالتانى فالتالت فالرابع ،حسين قام عليه وعكسه وبيضربه  
او بيدافع عن نفسه

حسين: هى هبت منك ولا ايه ياعم الحلو ،جاي دلوقت تفتكر  
موضوع فات من كثير

محمد جهاد: (بيضربه)الحلو بعد الكشرى ي ابن الظريفه ده انا  
هعدم امك العافيه

محمد بيشيل حسين ويهد فيه وحسين بيحاول يضرب فيه برضو

\*الشباب برة\*

يامن(بيخبط) افتحوا فيه ايبيه  
مارسلينو:والله بياكلوا ياجدعان ، حسين رالاح رالاح

طه:مش وقت هزار ي سينو دول بيكسروا بعض

\*جوه عندهم\*

محمد جهاد:عاوز ايه من مراتى ي كلب (بيضرب)عاوز ايه من  
مراتى ي وسخ  
بتاخذ رقمها وبتتصل بيها ليه

حسين(ابتدا يخاف)ايه الى بتقوله ده او عى كده  
محمد جهاد:لو ربنا بيحبك تنفد من ايدى انا ناويها من ساعة م  
عرفت، كنت تعرفها زمان

وهى من عبطها حبت واستنت واحد وسخ زيك  
بسببك اكلتها البلاط فمصر خلتها مش نافعه تانى  
الى فات من حياتها معاك مش هعديه، عشان هى قبل م تكون  
مراتى فهى بنت خالتى  
(بيضرب)يعنى لحمى ودمى

كون ان عيل خيخه زيك يضحك عليها ويفضل معلقها وهى عشان  
هبله مصدقك ووراك

حسين بطل يدافع عن نفسه واثار لما عرف ان جهاد عرف وان  
رضوى اتضربت

حسين: ممكن تصبر (مسك ايدين جهاد)

محمد جهاد: اصبر! انت تنسي انى اسمع انا جاى اصفى حساب  
انا عملت كده عشان اخرق دمك

حسين: بص... انا مضحككش عليها

انا اسف عارف انها مراتك

مقصدتش اضحك غليها ولا اعلقها بيا

كنت عيل ومكنتش عارف بتصرف ازاي

رضوى... نعمة ي جهاد وانا معرفتش قيمتها الا بعدين (بيمسح  
بقه من الدم)

ليه ضربتها؟

مالهاش ذنب فاي حاجه... دى حفظت غيبتك

وبهدلتنى انى اتصلت

محمد جهاد(ابتدا يهدا)ملكش دعوة ضربتها ليه مراتى وانا  
حر(مسكه من رقبته جامد) انما انت  
بتاخذ نمرتها ليه

حسين: بتخنى ...سيب رقبتي مش عارف انطق

محمد جهاد:شششش مش عاوز اسمعك صوت  
اتخنى ولافور فداهيه

حسين(بيتكلم بالعافيه) مقصدتش اخذ نمرتها لحاجه وحشه ،كنت  
عاوز اعرف تعرفك منين

محمد جهاد:وانت مال امك،ثم عرفت منين انها تعرفنى  
حسين: انا شوفتها بتتصل مرة ...صدقنى مكنتش قصدى حاجه  
وحشه  
سيبنى بقا

حسين قلت ايد جهاد من عليه وببيص للخراب فاوضته

حسين:شوف ...انا لاهكلم شرطه ولاحاجه  
محمد جهاد:من افضال حضرتك ده

حسين: لاعشان عاذرك .. انا دلوقت بسبب الغربه والحجات الكثير  
الى حصلتلى ورا بعض  
وعشرتى ليكم  
اتغيرت حجات كثير فيا  
وعرفت غلطى بتاع زمان .. لو كانت حكتهك قولها تسامحنى

محمد جهاد(بقرف)متجيش سيرتها ع لسانك

حسين: ماشى...بس عاوز اقولك حاجه  
رضوى تعبت فبيت باباها جدا ،وانت دلوقت شكك يعنى ...بتاسي  
عليها

محمد جهاد: امك مالهاش فيها  
حسين: ماشى ياعم بس دى نضيحه ليك انا عرفتها بعدين  
بلاش تيجى عليها  
رضوى غلبانه

وقف وبص لمحمد فعيونه وهو مضروب ومتضحضح وجهاد  
باصصله  
\*برة\*

مارسلينو(لازق ودانه فالباب)سكتوا! خلاص ...خلاص ي رجاله

حضرُوا بَدَلِكُم السَّوْدَه

هَنْطَلَع عَ حَسِين

\*اَتَفْتَحُ البَابَ وَمَحْمَدٌ طَالَعُ اِيْدَه مَجْرُوْحَه \*

يَاْمَنُ: فَيَه اِيَه لِكُل دَه

مَحْمَدٌ مَشَى عَ طَوْلِ، بِيْبِصُوا عَ حَسِينِ قَاعِدِ وَسَطِ الْخِرَابِ  
مَضْرُوْبِ وَسَاكْتِ

مَارَسَلِينُو: اَنْتَ لَسَه حَى !لَوْلَه لَوْلُوْلُوْلَى

طَه: فَيَه اِيَه يَ حَسِينِ

حَسِينُ: مَفِيْشُ يَ جَمَاعَه ، بَعْدَ اذْنِكُمْ

قَفَلَ البَابَ حَسِينُ وَهَمَا لَسَه وَاَقْفَيْنِ مَنْدَهشِينِ

يَاْمَنُ رَا حَ يَغِيْرُ هَدُوْمَه نَاذِلَ وَطَه مَسْتَنَكِرُ فَيَه وَمَارَسَلِينُو قَضَاهَا  
الشَّ وَتَرِيْقَه عَلَيْهِم

اِنْمَا جِهَادٌ بِيْفِكْرٍ فِى اِتْقَالِ... هِيْعِيْدُ حَسْبَاتَه

ولا هي فضل ايدہ تسبق لسانہ كثير..

#بقلمى\_نوراسماعيل



عياط ورا بعض لابن هند ...

عيان وسخن اخذ عدوى من امه لان عندها حمى فاهملت فنفسها  
لحد م الاتنين

مسكهم المرض ومحدث جنبهم

ساكنه بعيد عن بيت اهلها

وجوزها لسوء الحظ مسافر يومين تبع شغله وهى والولد وحدهم

...

بالعافيه كلمت مامتها تقولها

لما كلموها كثير ومردتش ، راحولها عمتها وامها ورضوى

اسعفوها ورتبوا بيتها و عملوا اكل ومقدرتش تروح معاهم لببيت

باباها جوزها ماذنش وهى بتخاف منه

عمتها:الواد ده لازم يتكشف عليه

رضوى:ايوة ده حرارته عاليه اوى ، انا هوديه لدكتور

هند (عيانه) انا حجزت بالتليفون عند دكتور قريب هديكى عنوانه

ي رضوى  
ولو انك مش مستحمله

رضوى: لا والله خفيت ... هاتيه بس عنك

عمتها: اجى يابت وياكى

الام: لا ي عزه خليكى .. انا وانتى نقضى هند مش هقدر وحدى

رضوى: هاتى العنوان وقولى كشفه ع الساعه كام حجزاله وانا  
هنزلك

هند: بصى انتى تعدى الشارع وتاخدى الترام من الناحيه التانيه

.....

وصفت الطريق وادتها عنوان الدكتور واسمه ،لبسوا ابن هند  
ونزلت بيه رضوى عالوصف وكانت معاهم عالفون

وصلت وطلعت العياده كانت زحمة جدا ،قالت ع الحجز وقالولها  
تنتظر هى جت متاخر وفيه حالات قبلها



فضلت مستنيه ورايحه جايه بابن هند تهدي فيه يسكت  
واتنده ع طفل والتانى ،رضوى مش مركزة مع حد عاوزة تدخل  
عالدور  
لحد م ندهت البنيت

"محمد محمد جهاد!"

بتلف رضوى كانت واقفه عند شباك الاستراحه بالولد ،لاقت ست  
كبيرة داخله والاء  
ع كؤسى متحرك!!  
ودخلوا

هى فاكرة كويس ...دى الاء خطيبة محمد القديمه  
هى شافتها مرة واحدة وفالصور بس مستحيل تنساها  
الاء جمالهايتحفر فالذهن،زائد الاسم  
اسم الطفل  
محمد محمد جهاد ...معقول!

فضلت منتظرة ع احر من الجمر لحد م خلصوا كشف وخرجوا

البنيت:حضرتك بعد الكشف ده

رضوی (خارجہ جری وراہم) اوک ماشی ماشی

ورالاء ومامتھا

رضوی: لو سمحتی... الاء!

الاء وقفت بکرسینھا قبل م تدخل الاسانسیر ووقفت امھا

رضوی: انتی الاءالی کنتی خطیبہ محمد... انافاکراکی

الاء بصالھا باستغراب

رضوی: انتی انا متاکده... مش عارفانی انا بنت خالۃ محمد


\*ماسک محمد الصغیر فايد جدته\*

رضوی: هو ده ابن محمد جهاد؟ انا سمعت اسمه وهو بیئنده

طب ازای مش انتو کنتوا مخطوبین وبس ولاااا

الاء بصت لامھا بقلق وامھا سکتت ومیلت فالارض

#بقلمى\_نوراسماعيل



رضوى: لو سمحتى...الاء!

الاء ووقت بكرسيها قبل م تدخل الاسانسير ووقت امها

رضوى: انتى الاءالى كنتى خطيبه محمد ...انافاكراكى

الاء بصالها باستغراب

رضوى: انتى انا متاكده...مش عارفانى انا بنت خالة محمد

\*ماسك محمد الصغير فايد جدته\*

رضوى: هو ده ابن محمد جهاد؟ انا سمعت اسمه وهو بيتنده

طب ازاي مش انتو كنتوا مخطوبين وبس ولاااا

الاء بصت لامها بقلق وامها سكتت وميلت فالارض

رضوى: انتى مبرديش ع كلامى ليه؟

الاء: انا معنديش كلام ارد عليكى بيه  
رضوى: بس انا متاكدة انك الاء الى كانت خطيبه محمد وسمعت  
اسم الولد  
الى هو ابنك

المرضه جوه بتنادى ع ابن هند عليه الدور فالكشف

رضوى: بصى هدخل الكشف، وبعد اذنك تخليكى ال10دقايق دول

الاء(متوترة)انتى عاوزة ايه

ام الاء: ادخلى يابنتى واحنا مستتينك

الاء(بصت لامها) ماما!

الام: اسكتى انتى خالص كفايه بقا

رضوى ابتسمت ودخلت بسرعة كشف ابن هند ، خلصت الكشف  
وظلعت لاقتهم موجودين  
كلمت هند فالفون انها هتتاخر العياده مزحومه  
وروحت معاهم ..

طول الطريق ... الاء التوتر باين ع وشها وحركه ايديها وهزة  
رجلها

ورضوى بتبص لابن محمد

والى فيه علامه مميزة من باباه هى خدت بالها منها ع طول  
واكيد

الاء عارفها

شامه طالعه فرقبه محمد الصغير نسخه من نفس الشامه الى  
فضهر محمد جهاد

والاء واكيد رضوى لانها مراته شافوها

وصلوا للبيت ، ساعدت الاء تنزل من التاكس وتقعده عالكرسي  
وظلعوا فالاسانسير

ودخلت وياهم ، حضرت مامتها مشروب للضيفه  
وجت قعدت..

الاء: الولد ده ابن جهاد؟ (بتشاور ع ابن هند)

رضوى: لا ده ابن هند اخته ...

الام: وانتى مش من المنوفيه يابنتى ... احنا عارفين ان اخت الست  
ام محمد

الله يرحمها كانت عايشه مع جوزها فالمنوفيه

رضوى: اه... مانا ابقى ،،،، مرات محمد !

الاء بصالها وقلبها اتخطف وبصت لارض ورفعت عيونها  
لرضوى

الاء(بسخرية) اكيد هما الى جوزوكى له ، وهو وافق ع طول  
هما يرتبوا وهو يعمل  
هما يطبخوا وهو ياكل

رضوى اتضايقت ولاحظت ام الاء

الام:الاء!وبعدين

رضوى:معلش بس لانى مش هقدر اتاخر ، ممكن تقوليلى ده ابن  
محمد ولا لا

ولو ابنه ازاي وانتو كنتو مخطوبين بس

ام الاء: ليه مهم عندك تعرفى يابنتى رغم انك مراته

رضوى : معلش بس ي طنط هقول كل حاجه بس لما تقولولى

الاء: وهو تحقيق يعنى؟

رضوى: انا مش بحقق ، انا عاوزة افهم

انا لحد دلوقت معرفش سيبتو بعض ازاي وليه

وليه انتى ع كرسي متحرك  
انا معرفش حاجه

الاء:ليه جوزك محكاش ليكى ، ولا الست المصونه عمته والست  
اخته

منهشوش فلحمى وعرضى كالعاده

رضوى:لا مقالوش حاجه ...

الاء بصت لامها وامها هى الى اتولت مهمة توضيح الحقايق

الام: رضوى يابنتى...الى عاوزة تعرفيه ده جرح قديم اوى  
فقلب الاء وفقلبي عشان شايفه بنتى كده بسبب جوزك واهله  
الولد ده ايوة اين محمد جهاد  
ومحدث يعرف

وسبب عجز الاء ...محمد جهاد برضو  
وليوم الدين عمرى م هسامحه لاهو ولا اهله

الاء مستغربه كلام امها لاول مرة تحكى كده

الام: انا اول مرة اقول كده قدامها ،كنت بيان اقوى عشان اقويها

لكن مسير كل حاجه تتعرف  
والى عمل حاجه يشيلها

رضوى: سامعكى ي طنط

بدات تحكى مامت الاء ...والاء سامعه ومنكسه راسها فالارض  
ورضوى كل الى على وشها علامات اندهاش وبس.

#بقلمى\_نوراسماعيل



"ريم مش فالبيت ولا عند اى حد من معارفنا اتضطريت  
اطلع الرحله الى عندى وانا قلقان"

اية: اهدى ي ايهاب... اهدى ي حبيبي

موجوده ريم وبخير

اكيد مامتها خدتها فمكان تعرفه عشان تضايقتك

اكيد مش هتاذى بنتها ي ايهاب

ايهاب(بدموع وانهيال فاوضته) لا ريم بنتى بتضيع ي اية

ريم امها بتبهدلها عشان تكيدنى انا



مش عارفه ان ده بيضر بنفسيتها الله ينتقم منها

اية: مسالتهاش طيب ليه

ايهاب: مكانش عندي وقت ، اتصلت بيها مبيتنيش ترد

عارف انها كانت هترد ع الى عملته بانها تاذيني

بس متاذينيش فبنتي ي اية ... هتجنن (بيمسح دموعه)

اية (قلبها وجعها عليه) اهدى ي قلبي والله هي بخير هي زي م

نقول كده

بتلوي دراعك بيها

ايهاب: هموتها ... اقسم بالله لو نوت ع شئ يضرني فالبت لاموتها

اية: ي ايهاب اهدى دي ام ي حبيبي مش هتضر ضناها

ايهاب: دي مش ام ، دي غول اعمى وفشره مبيعرفش حد

خلتني امشي عشان تتكتك ازاي تنتقم مني

\*الباب عند اية خبط وفتحت هبة\*

اية: ثواني ي حبيبي بس حد واقف عالباب (بتبص) مين ي هبه

خرجت تشوف والفون ع ودنها لاقت وصال واقفه وبصالها  
بابتسامه سخيغه ..

اية اذبهلت وقلبها اتخض بس تماثلت الثبات قضاها

اية: حبيبي هكلمك تانى

ايهاب: مين ي اية ؟

اية: المدام ... د . وصال (باصه لوصال)

ايهاب استغرب وقام وقف

ايهاب: عرفت بيتك وعرفتك ازاي؟

وصال(بيروود) هو ده الكابتن ... ممكن بعد اذنك

\*اخذت الفون من اية\*

وصال: ايهاب

ايهاب: بتعملى ايه عندك

وصال: انا لحد الان مهديه الجو خااالص ، هقول كلمتين

للبرنس

بتاعتك

وبعدھا همشى ، فياريت تقولھا تسمع الكلام

ايهاب: البنت فين انا لو جيت هقطع خبرك ، تحمدى ربنا انى  
معرفتش اوصلك قبل سفرى

ي وصال

(بعصبية) متعديش قصادى

وعايزة

وصال(بضحكه) خد معاك المدام اهيه لان وقتى محدود وعاوزه  
امشى ..

اية اخدت الفون

اية: ايهاب انا...

ايهاب: اية ... اى ان كان الى عندها تقوله وخليها تغور من عندك  
عشان متعملش ليكى شوشرة

وهكلمك تانى

قفلت معاه

وصال: غريبة شكلك بنت بلد ... وكل ده سايبانى عالباب؟!!

اية (بقلق) اتفضلى

دخلت واتقفل الباب...



"الحمد لله احنا بخير يسلملى روحك وسؤالك يارب"

يامن: يدوم حمدكم فالخير، انا باعت حجات مع حد نازل مصر  
وفيه واحد صاحبي هيوصلها لحد عندكم فالبلد

حور: مش عاوزين غير سلامتك... يامن

يامن: نعم

حور: مش ناوى ترضى عنى بقا

يامن سمعها وسكت



اية : اتفضلى قولى الى عاوزة تقوليه ي دكتورة انا سامعاكى

وصال: (حطت رجل ع رجل قصاد اية) ممم كويس انا بحب اجى ع  
طول ودوغرى

مبحبش لا الف ولا الدوران

اية بصت ع رجلها فوشها، قامت هبت فيها هبة

هبة: لو سمحتى مش ذوق تحطى رجل ع رجل فوش حد وفبيتنا

اية: هبه ...متدخليش

وصال: ي حرااام ...دول بقا بنات اختك الى شقيتى وتعبتى عليهم

وسفوكى التراب

عشان تربيههم ...حاسه ان عمرك راح هدر (بسخرية)

اية: بناتى ...انا ربيتهم عالغفه وللاحترام ومبسوطه بضياع

عمرى عليهم

وسفى التراب ي دكتورة

وبعدين بنات اختى مش موضوعنا

وصال: لا ازاي...دول الاساس

انتى بسببهم اتجوزتى جوزى فالسر عشان محدش ياخذهم منك

وبسببهم اصلا اتجوزتى عشان ينتشلكم من حياه القشف دى

وتعرفوا

تلبسوا هدوم وذهب وشقق

برافو

نشنتى صح

اية: انا مسمحش ليكى ، فاهمه!



حور: ساكت ليه ي يامن

يامن: انا سامعك ي حور

حور: هجرك ليا طول ي ابو ولادى ، وحشتنى كلمة ي سكنى منك

يامن: غصب عنى اهجرك ... بس لما شوفت منك شخص ان  
معرفوش

ومش حابب زوجتى وام ولادى وحضنى وملجأى الوحيد  
تكون عليه

ده يخلىنى ابعده لحد م ترجعى حور الى اعرفك

حور: من يوم م مشيت لحد انهاردة وكل يوم هفضل اقولها

سامحنى ي حبيبي... سامحنى حقك عليا

يامن: حقى فيكى ي حور مش عليكى..

حور: وحقك فيا انى احترم جوزى فقربه وبعده وهجرانه وابعده  
عن الى بيزعله

واتعلم الدرس الى عاوز يقولهولى

من غير زعيق ... ولاضرب ... ولا اهانه

انا بحبك ي يامن ...اوى



اية:مسمحش ليكى باهانه ليا وللبنات فبيتى  
وصال:الاهانه دى انتى الى وصلتى نفسك ليها  
انتى الى اتدحلبتى لجوزى يعرفك وياخد عليكى ويتجوزك  
ياللى لو حلمتى بس بانك تشوفيه من بعيد  
تقومى تبوسى ايدك وش وضهر  
انتى !

انتى توصلينى اعمل تحريات مين الشخصية الى تقدر تتحدانى  
وتحط راسها براسى  
انتى توصلينى معرفش انام  
انتى تقلقى حياتى...تطلعى ايه عشان تعملى كل ده

اية :اطلع حضن جوزك وامانه ي دكتورة ،اطلع مستقر جوزك  
ودفاه

اطلع الست الى احتوته وشالته وحبته ومش عاوزة من الدنيا  
غير رضاه

انا الست الى مش حاطه راسى براسك لانى اعلى  
للاسف تتمنى تكونى معايا فنفس الكفه

انا الست الى وهبت وحببت واختارت راحته قبل راحتها  
انا الى ميقدرش يستغنى عنها عشان روحه فيا

لا بالدحلبه زى م قولتى ولا بالجرجره  
ايهاب كان محتاجلى وربنا جمعنا من غير مواعيد ولا ترتيب  
ايهاب كل الى كان عاوزه لقاءه فيا  
فيا انا

ليكى حق لاتعرفى تنامى ولا تعيشى بعد م عرفتى  
غرورك ازاي يصورك ان فيه ست تنتصر عليكى

وصال(بعصبيه) كلام العوانس الى قولتیه ده مش مجال للمقايضه  
قدامى

بنت بنوت قربت عالاربعين جه واحد اهل عاوز يثبت انه شهریار  
واتجوزها  
عنده حق

الى يتعود ع طعم التفاح اللبناى لازم يجيله يوم ويعوز يعرف  
الجميز طعمه ايه

حتى لو هيوجع بطنه لانه مقرف!

اياه: انتى ست قليله الذوق ولولا انك فبيتى كنت عرفتك يعنى ايه  
قرف

مشمش واجع قلبى غير ان ايهاب اتجوز وفضل صابر ومستحمل  
واحد زيك

متعجرفه ومنفوخه عالفاضى زى الطاوس



ربنا كان لازم يريح قلبه مع واحده زي عشان يرحمه من البلوة  
الى ابتلى بيها

وصال(بسخرية)تخيلى انى هعيط خلاص بسبب كلامك

واتاثرت جدا جدا

انتى ممثله هايله وشاطرة اوى

وهو راجل عبيط انه صدقك ...شوفى

كلمتين هتسمعيهم وهتفذيهم لانى قربت اتخنق من الاتموسفير  
الى هنا

اية:(بتريقه)نرشلك معطر جو عشان يريحك الاتموسفير!

وصال بصتلها من فوق لتحت بتكبر...

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

يامن:(اتنهدي)وانا كمان بحبك ي حور ،وحتى لو بينا خلافات

هتفضلى حبيبتى

وسكنى وسكن ولادى

حور:ان شاء الله ربنا مش هيجيب اى خلافات تانى ..ويردك لينا

سالم

ي حبيبي

يامن: يحفظكم ليا يارب .. لما الحاجه توصل قوليلي

حور: حاضر باذن الله ،كنت بس عاوزة اخذ اذنك فحاجه

يامن: خيرا

حور: عاوزة بس اروح لبابا يومين كده ،بسال عنه كل الى فالببيت

بيقولولى بيغيب بالايام وبييجى يبات بس

وحاله متغير

ومش بيرد ع تليفوناتى بيرد بمسج بس

يامن(اتخنى لما جت سيرته ومش عارف السبب) والولاد ي حور  
؟

مش كل مرة هتروحي لوالدك هتسيبهم

حور: اتنين تقال عليا ي يامن هاخدهم ازاي وحدي

يامن: ياسر موجود ولا مسافر فشغله

حور: لا موجود

يامن: خلاص ياسر يروح معاكى ،يومين وترجعى بالولاد ي حور  
ماشى

حور: طيب م اسيبهم وانا هرجع ع طول  
يامن: لا معلىش ...معلىش يابابا دول ولادك خديهم وياكى وخلصى  
زيارتك  
بسرة وارجعى  
ولو سمحتى يا ام زياد متراجعش الكلام كتير

حور: حاضر ي يامن الى تشوفه  
يامن: وقت م تنوى تروحي قوليلى ...ربنا يسلمكم ويحميكم من كل  
شر

حور: يارب ..تسلملى ي حبيبي  
خد بالك من نفسك

يامن: الله المستعان ،خدى بالك من جويرية وزياد وسلمى ع الى  
عندك كلهم  
فحفظ الله

#بقلمى\_نوراسماعيل



وصال: (بتضحك بصوت عالى فدخله بسمه من برة) انا اما  
شوفتك فالمستشفى

وقت حادثة ايهاب افكرتك واحده من الى بينضفوا

اية بصالها بضيق

بسمة: سلامو عليكم .. (بتبص باستغراب عالكل)

وصال: منفوخه اوى والحمدلله انه لاقانى والحمدلله انه حبنى وانا

الست الى مش عارف ايه

انتى بدمتك بنى ادمه واعيه

مدركه ايه الفرق الكبير والعالى بينى وبينك

شايفه... عندك عيون واحساس زيينا

بسمة: لو سمحتى انتى بتشتميه فبيتها ايه الاسلوب ده

اية: بسمه محدش فيكم يتدخل لا انتى ولا اختك، بصى ي دكتور

لا بالجمال

ولا الثقافه

ولا اللبس

بالقلب... بروحك الحلوة، الراجل ع ادم بيبص عالشكل والجاذبيه

بفضل برضو طوع الروح الجميله والطيبه والتوائم  
وانتى بفضل الله غنيه بجمالك وحسبك ونسبك وفقيرة جدا  
روحك تلطش وقبيحه  
ومعدومه الحساسه

وصال قامت وقفت

وصال:بصى انا مش هقعد اتكلم فمهاترات واسمع عباراتك الى  
ازعجتى جدا دى  
هتطلقى من ايهاب وتنسى اى حاجه م بينكم وكل حاجه كتبهاك  
واتاكدة انى هسيبك. فحالك تربي بناتك (بسخرية)وتعيشى  
وتصرفى من الشغل  
الى ع اده الى انتى فيه وبتقبضى منه 1000جنيه فالشهر

\*خارجة بغرور وماشية وقفتها اية\*

اية:وان قولت لا

اتدورت ليها وصال بتضحك

اية:لا هسيب جوزى ولا كانى سمعت حرف من كلامك

وصال: يبقى (بصت عالبنات) مش هسيبك. فحالك لا انتى

ولا هما

ولا هو

البنات اهلهم هيعرفوا ووقتها ي حرام هيحصل ما لا يحمد عقباه

وانتى برضو هتطلقى منه

وهو مش هيشوف بنته قانونى لباقى عمره

ده غير انى ممكن البسك مصيبه شرف تخلى اهلك يقتلوكى

او تعيشى طول عمرك مسجونه فبيتك خايفه من عيون الناس

وبرضو حبيب القلب هيسيبك

اية: (بخنقه ودموعها فعيونها) نفسى افهم عاوزه تطلقينى منه ليه

طالما هتسيبيه

وصال: لو طلقك مش هسيبه، مش حبا فيه

ايهاب ميفرقش عندى اد ان الناس تمسكنى سيرة

وفيوم وليله ابقا حديث مجتمع بسبب واحده زيك وحركة طائشه

منه

فكرى كويس ... اوك

سابتها ونزلت ، ووقفت اية بتنهار عالارض وقعدت  
جه وقت الكسرة الحقيقية

ايدين هبة وبسمه محاوطاها ... لكن هي حاسه باحساس واحد  
البرد بيسرقها من الحضن الى كله دفا،!

#بقلمى\_نوراسماعيل



قاعد مارسلينو فالريسبشان فالفيلا بيتشات واتس مع لينزى  
الى بيتظن عليها وبعتهاله سيلفى وهى فالمعمل بتحلل ومطلعه له  
لسانها وبتقوله

"انا بدات التحدى قبلك ي خبو"

رد عليها بفويس وهو بيضحك

مارسلينو : انسى الموضوع يعنى سييك... انا حبي خلاص مش  
نصييك

انا ميتلويش دراعى ي اوزتى

لينزى:يبقى مش كمل (ايموجى مطلع لسانه)

مارسلينو:خلاص هحاول ده انتى حقته ،خدى بالك من نفسك

بيضحك وبيتشات جه قعد جمبه حسين ..

حسين:مارسلينو ...انا عاوز اتجوز

مارسيلو(ساب الفون وبصله بازدرء) عاوز ايه خويا

حسين:اتجوز

مارسلينو:حاضر ...خد اجازة من شغلك ونجوزك بعد صلاة  
العصر عندكم كده

حسين:انا بتكلم جد

مارسلينو:يابنى هو انا والدتك وانا مالى م تندعى انا مالى

حسين:اصل حياتى الاول كانت زباله ودلوقت ازبل

مارسلينو:خلاص تف عالاتين واخلص هتقرفنا ليه معاك

حسين: عاوز بجد اشارك حد يسال عنى ويهزر معايا ونحكى سوا

مارسلينو:ايوة ومين الى هيدفع

حسين:يدفع ايه

مارسلينو:متاحذنيش ي اخ حسين،انت قربت تقتصد حتى

فمرواحك الحمام

وتخليها مرة بيبي بس فاليوم

فالغلبانه الى منعرفهاش دى عاوز تبليها بيك

دى هى الى هتدفع وتصرف عليك وعالى جابوك مكالمات ورسايل

وواتس وفيس



وييس ونوو وهاو وهاى وكروت وكريمات وشاورات  
واكيد هتجيب حاجه تساعد عالبلع من الصيدليه عشان تبلعك  
وتعرف تتعايش

حسين:الله! ليه ده كله

مارسلينو:ي حسين انت شراب ي حبيبي

حسين:شراب(رافع حاجبه)

مارسلينو: ايوة اسمع منى انا بجبلك الناهيه ،انت شراب معفن  
متغسلش من سنة 50

مين دى الى تتوكس 100وكسه ع وكستها وترضى بيك

حسين:ليه ي سينو ده انا كويس والله

مارسلينو:كويس من انهى اتجاه،يا ولا(بيضربه ع قفاه) ي ولا  
حد ياكل فرخه يا ولداه

ع 18 مرة ويغسل هدومه مرة فالشهر عشان المسحوق  
م تغسل بتفافه او فر

حسين:م الحياه صعبه اوى ي سينو

مارسلينو: صعبه انت هتشحت!م كلنا فالهوا سوا معاك

يابنى اعدل من نفسك واتظبط خلى الدنيا تتظبط وياك



حسين:طب ايه رايك انهم مش بيدونى فعلا اجازات

مارسلينو:ولو ادوك مش هتنزل ،الى زيك بيموت لازق فبدلته زى  
الصرصار ايو جناحات

لذلك بيستخدموا لك بيرسول قاهر الحشرات

حسين:ههههه خفه اوى ،طب انا هقوم اخد شاور بس...ممعيش  
شامبو

مارسلينو:يابنى انت ليه محسنا انك من مجاعه افريقيا،ليه قاطع  
ايدك وشاحت عليها

ليه شوية وهنسب لىك ولعيلتك

حسين:وهو انا قولتك هات شامبو من عندك

مارسلينو:لا كان ناقص تقولها

حسين:طه معاك شامبو لحد م اشترى

مارسلينو:ورحمة المرحومه م تديه ان شالله ابوك يبقى ظابط

طه (ابتسم)هما فاضلين شويه وهجيب جديد

حسين: هاتلى معاك

مارسلينو بصله بقرف يضحك

حسين: هحاسبه هحاسبه

مارسلينو: ياختتتى (بصوت عالى) هتعمل اكل ي جهاد

محمد: اه... هتاكل معايا؟

مارسلينو (فسره) يلعن لينزى فالارض (رجع كلم محمد) طب

اعمل حسابي معاك وتعالى عاوز

اخذ رائيك فحاجه

\*عمل عشا وحضر السفرة وقعد هو ومارسلينو وجه طه زود

طبق عمله

وقعد وياهم\*

حسين: هو ايهاب من ساعة م وصل مطلعش من اوضته

ليه

طه: تقريبا نايم

حسين: لا نور اوضته والى ..

مارسلينو(فسره)ولعوا فيك م لاقو مية يطفوك ي  
جلف(لمحمد)بقولك ي جهاد

انا لو عاوز اخس واعمل دايت والعب رياضه  
ياخدله ده كام سنه

محمد جهاد(بيضحك) عاوزة تخسى ي بكابوزا

مارسلينو:هتتريق هقلب السفرة ع دماغك واحميك بالعصير

محمد جهاد: اصل ده انجاز(بيضحك)ايه الى حصل  
بذمتك ايه رائيك ي طه

طه ابتسم ابتسامه جانبيه وبص عليهم وكمل اكله

مارسلينو: خلص يالى عامل فيها كوتش دورى افريقيا  
هتقول ولا اشوف مركز شباب السنبلالوين

محمد جهاد:لالالا انت جيت فمنطقتى،وخياتك ي سينو لاطبطك  
ظبطه هعمك فورمه تحلف بيها

مارسلينو:طب يعنى وانا بحرمة نفسي من الاكل...يعنى  
هتالم(بيمثل العياط)

محمد جهاد: متشحتفيش ي بطاطا هتعدى وهتبقى زى الفل

طه بيضحك وحسين ،طلع ايهاب من اوضته دخل الحمام وراجع  
تانى

محمد جهاد: ايهاب... تعالى كل

ايهاب: بالهنا ليكم (ماشى ع طول)

مارسلينو: هوبز ي حب مالك تعالى اقعد معنا واقف جنبى فالقرار  
المصيرى

الى هتخذه ده امر من الانتحار

ايهاب: معلىش ي سينو عاوز اقعد وحدى (دخل وقفل الباب)

حسين: مش بقولكم فيه حاجه

مارسلينو: قاعد انت زى البومه ام رجل نحس ،فقرت الراجل  
والمكان

وفقرتنا معاك

حسين: وانا مالى ي مارسلينو



وهو بهيبته ونفوذه وسلطاته، كان قاعد قصاد المقبرة بمنتهى  
الخشوع والحزن  
صديق بيه بركات

مش هو ابدأ صاحب الصورة الى عليها دلوقت

رتل المقرأ ،وقفه صادق عن اكمال ترتيله واداله مبلغ فقام  
وفضل وحده موجود  
هو ....وهى تحت التراب!

صديق: نهلة انتى بخير ؟

انا عارف انى عمرى م سالتك انتى بخير ولالا ، وعمرى م عرفت  
انتى حاسه ب ايه  
او عاوزة ايه

نهلة...نهلة انتى طيبه وهتسامحيني

انتى عارفانى كويس

انتى كنتى بتقوليلى اوقات يابابا فاكرة!

لما اتجوزتك زما ان قبل كل ده ، مفيش بنت بتزعل من ابوها

وانتى اكثر الناس الى كانت بتعذرني

بتعذرني عالتقصير بتعذرني ع شتمك وسبك

كنتى بترضى بقليلك منى

كنتى بتسامحيني لما بهينك واضربك واديكى

اكيد هتسامحيني دلوقت وانتى عارفه انى مكنتش اقصد



\*بشوزتها السودا تحت العبايه العنابي داخله بالراحه  
شايله بنتهاو بتباطى خطوات مش مسموع ولا مقصود\*

صادق: مكنتش اقصدك انتى... مكنتش اقصدك انتى ابدا  
كنت قصده هو

خر ب حياتى وبقا عامل زى الدبور الى بيزن ع طول  
كنت عاوزه يخفى من حياتك وحياتى وترجعيلى  
عمرى م قصدت تروحي ي نهلة  
وانتى موتتى ي نهلة... (ابتدا يتعب) انتى الى موتتى ي نهلة  
وهو عايش  
ي نهلة كنتى جيتى ليه معاه ... عشان قدرك  
ولا عشان تحملينى طول العمر بذنبك؟

حور: بابا!

بيتلفت صادق لقي حور وراه واقفه وعيونهم اتلاقت وفيها الف  
سؤال ...

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

#بقلمى\_نوراسماعيل



ترننيج سووت ،مخليه شكل مارسليينو نكته!  
لكن ظريفه عليه  
استلمه الكوتش محمد جهاد من كله دايت واكل صحى  
لعب عالتراد ميل وجرى ودحرجه ونط حبل  
ممنوع النشويات  
ممنوع دهون  
ممنوع سعرات حراريه عاليه ...  
ممنوع سكريات وحلويات...اما كان فاضل تكه لمارسليينو  
ويفرقع!

بيجرى فالتراك مرة واتنين ...وصل ل 7  
وهنج وقعد فالارض زى البطه ...

محمد جهاد:(بيقوم فيه)قوووووم

مارسليينو: مش قايم

محمد جهاد :قوووم يلا ياض متستعبطش احنا لسه بنسخن

مارسليينو:بنسخن ايبيه انا رجلى لفوا ع بعض

محمد جهاد:: انت هتحمراء ليبيه ،قوم ي سينو عشان مبقاش

كوتش عليك

بحق وحقيق واتغابي

مارسيلو: عليا الطلاق مانا قايم .. اهه

محمد جهاد: قووووم (بيزق فجسم سينو بضحك وهو مش متحرك)

مارسيلينو: انا بنتهي ... انا مش قادر خلاص

محمد جهاد: عشان خاطر لينزي .. يلا

مارسيلينو: ميتين لينزي 100 مرة هاین عليا انزلها مصر ماسك فرده جزمه واديها بيها ع دماغها

محمد جهاد: يا ض انت فعلا جسمك بدا يستجيب وعهد الله

مارسيلينو (بفرحه) وشرف امك!

محمد جهاد (بيضحك) وشرف امي ... قوم اخلص ركنك زي البطه كده

النادي كله بيتفرج

مارسيلينو (بيقوم معاه) انا تعبت والانجيل تعبت ياناس

ليه يحصل ده كله

محمد جهاد: يعنى ي راجل هي هتستحمل كيماوى يحرق فيها وفدمها

وشكلها يوحش



بس مش بيعرف يبين ده بكلام ،يعنى انت تشوف انه فوادى وهى  
فوادى

وانه ميعرفش اى شئ عنها

لكن الحقيقه غير كده

صاىق عاوز يجيب الارض والى عليها والسما والى فيها ل حور

صاىق فيه اوقات كان بيقولى احمى ربنا لوجودك هنا

بسببها

طه:كل اب بيحب ولاده

نهلة:بس مش زى صاىق وحور ...انا فعلا من كتر حبه لىها

كنت بغير

كان نفسى اتعامل منصانه ومتعززة زىها كده منه

احساس حلو لما تحس ان الى لىك معزز قىرك

مش بتحتاج اىا اىا تطبىب علىك

ولا بتحتاج اهماام ولا كلمه حنىنه

الاهتمام والحب نابع من البىب

من مكانك

طه:عنىك حق ...اىا كده كان بىحبها

مع ان مىبانىش علىه انه بىحب حى

نهلة:بىتهىالك ...صاىق بىحب حور

اد م انت بتحبني !

طه بببصلها وهي ع رجله بحنيه

طه: عارفه برغم فرق السن الى بينا البسيط، لكن انا دايم بحس

انك بنتي

اكثر من انك ستري وغطايا

بنتي الى عاوز ادلعها واشوف طلباتها واخليها مش محتاجه

حاجه

نهله قامت من ع رجله ومسكت ايده باستها بحب وبصتله بعيون

كلها حب

نهلة: انت عوضتني كل حاجه حلوة فالدنيا، عوضتني كل الى

اتحرمت منه

عوضي الجميل انت ي طه

طه: طول الوقت كنت خايف اكون مش عارف او افيكى حقك

نهلة: يلاهوى ... كل ده

ومش موفى حقى ... حقى انا خدته خلاص

هو انت ي طه ...

ساند راسه ع كفه ،بمسح دمه نزلت من عنيه وهو بيفتكر  
غصب عنه

وبعدين انتبه انه يمشى الزباين فالهايير..  
كمل شغله وهو عابس من غير ايتسامه  
ابتسامته غابت بغياب نهلة عن الدنيا

شويه...ورن فونه بمسح واتس اب  
فتحها وقراها وابتسم ابتسامه مش عاديه  
كتب كلمتين رد بيهم وقفل الفون وهو مبسوط ونظره عيونه فيها  
حماس  
مش متوقع..

#بقلمى\_نوراسماعيل



اهل ايهاب كلهم  
الاب والام واخواته ...واهل وصال  
باباها ومامتها وهى ...

كانوا فى اجتماع سوا ،محدث عارف السبب الحقيقى للتجمع  
هل تهدئة الاوضاع  
ولا قيام ثورة خامده فى نفوس كل حد من الطرفين  
ولا وضع النقط عالحروف  
ولا السبب الاساسى هو ...ريم

بابا وصال:الى عملته ي ايهاب اكبر غلط غلطته فحق نفسك وحق  
بنتى

\*ايهاب باصص لهم بصة وحشة ومتحفز\*  
بابا ايهاب:ابنى الى عمله ميستاهلش ابدأ الى عملته بنتك ي  
دكتور  
تخطف بنته وتحرمه منها  
دى جريمه

وصال(بيروء)انا مخطفتش بنتى...انا بحميها وكمان ده وضع  
هيحصل هيحصل  
كده كده حضانتها معايا  
مامت ايهاب:ريم فين ي وصال ،ريم مش موجوده فاى حته  
نعرفها  
بتخببها ليه



كل ده ياتر فنفسيه البنت بعدين

وصال:والله ي طنط انا عارفه بعمل ايه ،لما ابعث بنتى  
عن اجواء ممكن فعلا تسوء حالتها النفسيه  
زى جواز باباها من واحده جربانه ع والدتها  
وتشوف الصراعات القائمه حوالها دى  
الى بعمله ده ...لمصلحتها صدقيني

ايهاب(بعصبيه مشخص نظره ع وصال) فصالح مين  
امتى عرفتى الى فصالحها فهميني  
انتى متعرفيش ريم غير ال9شهور الى غصب عنك  
حملتها جواكى  
انتى تعرفى ريم منين

وصال(بسخرية)انت ناسي انى مامتها،ولا هتسبها للبنى ادمه  
الى خوننتى وياها

بابا وصال: ايهاب...طلق البنت دى واحنا هنلم الموضوع وهنخلى  
وصال تتنازل

عن قضيه الخلع وضم البنت

وهنعتبر انها نزوة وعدت بس توعدنا ان سيرك يكون سليم بعد  
كده

ايهاب(بسخرية واتعدل فقعدته ) لا بعد اذنك ي دكتور ، اوعدكم ب  
ايه ؟

بابا وصال:سيرك يتعدل ...انت معاك زوجه تتاقل بالذهب الكل  
يحسدك عليها

كونك انك تخونها دى فراغه عين منك

ايهاب(بيضحك بشكل مستفز ) اولا مش هعقب ع كلامك عشان  
هقلب

القاعدة لتهريج وده مش وقته

بس عندى نقطه واحده هقف عليها

سيرى مش معوج عشان اعدله

ده شرع الله الى ربنا محلله لما ببقى فى زوج كفران وطهقان من  
عيشته زيي

وعاوز يرتاح

مامت وصال:(بتعالى)انت طهقان من عيشة بنتى معاك!انت  
متخيل

كام حد بيحسدك عشان جوزها

ايهاب:ياطنط انا مش هقعد طول القاعده نغنى ل وصال  
بيحسدونى عليك

يالى ماليش بعديك  
طيب من الاخر عشان مرارتى اتفقت  
هى مفيش زيها  
وانا راجل مزواج  
مراتى وزوجتى المصونه وحببى اية مش هطلقها  
وبنتكم تسحب الخلع متسحبوش مش مشكلتى  
مشكلتى الوحيدة فكل ده بنتى ريم  
الى الهانم مخبياها الله اعلم فين ومخليه دمي يفور عشانها

وصال(بتحدى)بنتك مش هتشوفها تانى ي ايهاب ...ابدا  
بعد م اكسب قضيه الضم  
انا هخليك تحلم تشوفها بعينك  
وزوجتك المصون(بتريقه)هندمها ع اللحظة الى حلمت فيها انها  
تهدم  
حياتى وشكلى وسط الناس

بابا ايهاب: وصال مش من حقه تحرميه من ريم ،احنا لحد الان  
مقدرين

انهيارك وغضبك انه اتجوز عليكى  
وعملنا القاعده دى عشان نحل مش نعقد اكثر

اخو ايهاب الاصغر: وبعدين متهدديهوش انتو متعرفوش عيلتنا  
شكلها ايه

ولاجدورنا فالصعيد

متقدريش تخفى بنته ... ماشى!

وصال(بصت بسخريه لاخوه) ع فكرة الكلام مش موجه لك  
،ومخوفتش حقيقي

بجد انا بلغت اخوك هنشوف مين فينا نفسه اطول وهو افكر انى  
بهدد

مامت ايهاب: (بغضب) الى بتعمليه ده عواقبه وحشه

وصال:ابنكم الى بدا لما اتجنن ونسى نفسه وجاب واحده معفنه

متمسحليش العياده تتساوى بيا

وكمان يخرج ويدخل عادى يخلى الناس تتكلم عليا وعليه

ده حتى مش خايف منى

ايهاب(رفع حاجبه استنكار)اخاف من مين ي حجه؟

اخو ايهاب الاكبر: بصى ي دكتورة ...متخليش غيرتك تعميكى

وتحرق كل حاجه

حاولى تهدى ونفكر بعقل

وصال:غيره ايه ي بشمهندس ؟ (بسخريه بتضحك) انا اغير!

اولا مجاش حد زيي عشان اغير منه  
وايهاب انا مش زعلانة ابدأ على عمله وبعيظ وبسح دموع بقا  
زى الستات العبيطه  
(بغضب) كل الى حارق دمي ان الى بنيتة فسنين بيهدوه هو  
والسنكوحه بتاعته

ايهاب: انا لحد دلوقت عامل احترام لاهلى واهلك وحايش نفسى  
عنك

احترمى روحك

مامت وصال: انت بتهددها قدامنا؟ (بتكلم جوزها) هو ده الزوج  
المناسب لبنتك

بيهددوها وبيهدلونها قصادنا وضيعوا كرامتها وسط الناس

وصال: متضايق ي ايهاب عشان جبت سيرتها بعد كل الى عملته  
ليك

(قامت واقفه) طيب وحياء ريم

انا بقا هندمك وهجيبك ليا راعع ووالله وحياء تهديدك انت واهلك  
ليا

ريم م هتلمح طرفها لباقي حياتك تانى

ي حيوان يا ووالطى

فالحظة دي ايها عمى خالص ومشافش غير وصال هدف  
بغضبه قام

عليها ومسكها من شعرها

وقلم فالتانى ،فلتوها من ايدها بمعجزة

واخواته شدوه

وهى كريزة صراخ وبكا واهلها بيهدوها ،ومازالوا بيتكلموا كلام  
كثير

بالى ميصحش ومينفعش وهو لاسامع ولا شايف

اخذ بعضه ومشى ونزلوا اهله وراه

هو عاوز بنته ...حته منه ضايعه ولازم يلاقيهامهما كان التمن..

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡

"انا مكنتش عاوز اقولك ...بس امك وابوك قالولى لازم تعرف "

يامن:خير ي ياسر قلقتنى

ياسر: حور تليفونها متسرقش ولا حاجه

مراتك اتخطفت !

يامن (قام منفوض ) ايه!اتخطفت ازاي

اتخطفت یعنی ایه اتکلم

انا مش اتصلت بيه و قولتو ان موبايها اتسرق وانتو راجعين  
وكل م اطلب اكلها تقولوا نايمه او بتنيم الولاد او مش فاضيه  
انتو بتكذبوا عليا ؟

ياسر: اهدى ي يامن طيب عشان افهمك ، احنا مكناش عاوزين  
نقلقك عشان غربتك  
وبعدين قولنا ابوها كباره وهيتصرف

يامن:(بانهيار) فييبه اييبه انا مش قادر اسيطر ع نفسي اتكلم ع  
طول

ياسر(خايف ع اخوه) بص ،فاليوم الى كنا راجعين فيه  
من الاقصر من عند باباها  
قالت هخرج اسلم ع ناس وبعدين فيه عربيه خاصه هتوصلنا لهننا  
بولادك  
فقولتلها اجى وياكى  
قالتلى لاده بسرعه  
وسابت ولادك نايمين ،نيمتهم الخدامه الى فبيت ابوها دى

خرجت واستنتها و اتاخرت  
وبعدين طولت لآخر اليوم

انا قلقت

وكلمت الى فالبيت دول يبلغوا باباها ... وفعلا حصل

وجه وخرجنا نشوفها

وكل الى سالناه قالوا مشافوهاش

عمل نشره فالاقسام

ولسه محدش لاقاها...ولما طولت غيبيتها

انا جيت بعربيه خاصه بولادها لان معرفتش اتصرف

وابوها بيدور كل يوم بس مفيش نتيجة

يامن(قلبه بيدق بخوف بسرعه) انت بتتكلم جد،يعنى كل الى

حكيتة ده بجد

ياسر:ايوة هكذب ليه

يامن(بجنان وببيروح وييجى فالالوضه)حور فين ي ياسر

دى كانت امانتك

توصلها وتجيبيها

ياسر:وانا مالى هى الى صممت تنزل وحدها وانا محبتش اتقل

عليها

يامن:انا نازل ع اول طيارة



ياسر: متعطش شغلك طيب ابوها مش ساكت هتعمل ايه انت  
اكثر منه

يامن: انت تسكت ي ياسر بالله عليك ...  
انا مش طايق اسمع منك حرف

ياسر: وانا مالى طيب

يامن: سلام ي ياسر ... سلام

زى المجنون لبس واتصل بالمطار حجز تذكرة قدامها بالظبط  
رحلة للقاهرة  
ساعة ونص  
مخدش لاهدوم ولا حاجه  
يدوب المهم فحاجته الشخصيه وجرى ،شافوه طه وحسين  
ومارسلينو  
قاعدين فالريسيبشان بيتابعوا فيلم

مارسلينو: خارج دلوقت ي شيخ رايح فين (بيغمز بعنيه بهزار)

يامن (بضيق) سيبنى ي مارسلينو الله يرضى عنك

حسين:فيه حاجه فشغاك استدعوك  
مارسليانو:شايفه دكتورة نسا ي مقطف عنده حاله ولاده

طه :لابجد شكاك مش مطمئن رايح فين

يامن (باصص ل طه بتركيز)مراتي ...اتخطفت ي طه

فبلدكم

فالاقصر

كانت رايحه تزور والدها واتخطفت

حسين(اتخض)ايه ده!

مارسليانو(بجد)ده فعلا ي يامن ؟ طب وتتخطف ليه

تجارة أعضاء ولا ايه طيب طمنا

يامن:لسه معرفش...بس وحياة ربي

لو طلع الى فداغى صح

(بص ل طه)ربنا وحده اعلم هعمل ايه وقتها

مشى وقلل الباب وراه ...مارسليانو مندهش وبيتكلم مع حسين

حوالين

الموضوع ومتضايقين  
وطه واقف مكانه بلا حراك..

وصل المطار وانتظر رحلته لحد م جت ميعادها ، استعداد وخلص  
اوراقه

وقبل م يطلع الطائرة ويقفل فونه استلم فيديو عالواتس اب  
بس مش انتبه له وقفل فونه وطلع طيارته متجه للقاهرة..

#بقلمى\_نوراسماعيل



اما عنها ...اية

كسرة الفنجان ...الكسرة وراها وراها

بعد مواجعتها ب وصال والتحدى الى اتحطت فيه

الخسارة الى كانت لازم تخسرها

واحدى الكفتين الى لازم تميل كان صعب الاختيار بينهم

اما ايهاب

اما بنات اختها وسمعتها !

ولو اختارت ايهاب هتخسر بنات اختها وسمعتها هتبقى مهددة

بقضيه بتحضر لها وصال تلبسها

لها تلفيق

وهتخسر ايهاب بنته ..

مُران... حلوهما مُرا!

تعمل ايه ولا تفكر ازاي ،اي الجهات تخسرها للابد بلا رجعه  
الهدايه للصواب كانت بعيده عنها لانها كانت طول الوقت مشوشه  
تعمل ايه فحيرتها

لحد م فيوم

بسمه بنت اختها فكرت ...ان خالتها لازم تواجه اهلهم والناس  
والجيران  
والعالم كله بجوازها طالما مش غلط

وانهم هيتحملوا انهم يقولوا لاهلهم انهم عاوزين خالتهم وانهم  
عاشين زي م كانوا فامان مش بوجود راجل غريب معاهم وان  
خالتهم لسه محافظه ع امانتها..

لكن مش كل حاجه بتيجي زي م احنا عاوزين

اهل بسمه وهبة متفهموش ده ومسكوها نقطه ع اية لاذلالها  
فاكرين. كده هياخدوا حق اخوهم لما اخدت حضانه البنات منه  
جم وعملوا شوشرة وخدوا البناتين رغم ان بسمه قربت تتجوز  
وهبة كمان فتعليمها

البنات ظمنوها انهم هيبقوا فامان وهيظمنوها عليهم وانهم كبروا  
خلاص

بس هي تحل مشاكلها الاول...ومشيوا !

اية اختارت ايهاب ومخافتش ع سمعتها ولاتلافيق وصال

اية مضحتش ببنات اختها

ايه عارفه انهم راجعين لها وقريب كل واحده هتكون فبيتها

اية اخيرا اتمسكت بحب حياتها وبيتها

لكن منكرش خوفها من الى جاي

ووحدتها وهي باصه للحيطان بعد سنين طويله مع البنات بقت

وحدها

ومش بتطالب ايهاب بتواجده معاها

كفايه اوى الى هو فيه

لما تعدى الموجه دى ربنا هيحل امورهم سوا ...

كل الى بتعمله اية هي انها تلجا لله ،بعد م عيونها جفت من

الدموع

ع فراق بناتها

وع تدمير حياتها واستقرارها

وع كل الى هي فيه ..

#بقلمى\_نوراسماعيل



"الراجل مش بيشك فالست الا فحالة واحدة بس ،لما يحس انها تستاهل حد احسن منه

وانا عمرى م كنت عاوزة غيره ولا احسن منه

انا بحبه هو وعاوزاه هو بس هو مشافش ده"

رضوى: بس هو كان بيحبك وبيغير عليكى ،انا متاكده من ده

وصعب عليا ك مراته اقول ده

بس ده الى انا حسيته من زمان

الاء:الى بيحب حد بيوقف جنبه وعمره م يسيبه

بيقبله ولو فيه عيب بيقوومه

عمر م يسمح بكلمه تتقال عليه

رضوى:انا عاوزة اعرف ليه مخبيه ابنك عنه ده ايوه وحقه

صدقيني محمد هيموت ويبقى اب (عيونها دمعت)وشكلى كده

اتحرمت من انى اكون ام

الاء:اهله كانوا شايفينى وحشه وزباله من غير شئ و م صدقوا

حصل الى حصل وخدوا فيا نهش واكل فلحمى

اومال لما يعرفوا انى خلفت منه فكتب كتابنا

رضوى: ده ابنكم فالحلال ، اه هو غلط

بس مش حرام

ولازم الكل يعرف ، حاسه بقهرة خالتى وهى مش شايفانى بشيل  
من ابنها عوضه

ومبتتكلمش

انتى متعرفيش لو عرفوا بان له ابن...

الاء: لو سمحتى ي رضوى ...مش عاوزة حد يعرف ابدأ

انا مش عاوزة ارحله عشان ابنى واكون متغصبه

انا بشفق عليكى منه ... انا اترحمت من تسرعه وعصبيته

وتهوره وشكه وكلام ومعامله اهله الى تقصف العمر

رضوى: بس ابنكم من حقه يعرف ابوه

ام الاء: (معلش ي بنتى ، انتى مصممه يعرفوا

وده ممكن يعرفهم انك مبتخلفيش

وكمان ممكن يرجعهم لبعض يعنى يتجوزها عليكى

انا مستغرباكى

دى طيبه ولا غلب ولا ايه

رضوى (بغلب) عندك حق ، بس انا ربنا عارف ان مش هدفى حاجه

وحشه

وعارفه انه ممكن يطلقنى بمجرد ظهور الاء وابنه  
واطلع معيوبه ومحدث هيلومه  
وعارفه انه لسه بيحب الاء  
وبحس

بس ..صعبان عليا يعيش ابنهم من غيره  
زى م عيشت من غير امى واتلظمت واتبهذلت  
صدقينى وجود اب وام سوا ده بيصلح كتير  
حتى لو التمن خراب بيتى!  
انا كده كده مفيش اى حاجه باكيه عليها  
حياتى كلها تعب  
انا صعبان عليا الولد ...

"بقالى ساعه بقول الحمام محضرت هوش ليه"

رضوى:(فاقت من شرودها) هاه ...قايمه اهو

محمد جهاد:سرحانه ف ايه ي هانم؟فحبيب القلب

رضوى(اتضايقت)يامحمد ليه الكلام ده يعنى

والله م سرحانه فحد



محمد جهاد:ليه ...اسرحى وفكرى الذكريات عشان تبقى نهايتك  
المره دى

رضوى (بنفاد صبر ) فيه ايه ي محمد ،ليه عاوز تاخذ كل حاجه  
ومتسبش لغيرك حق

ايه لازمته الكلام الى يوجع ده

ضربنى وحولت البيت ع راسى واستحملت

بتعايرنى رايح جاى وسكتت

معامله من مناخيرك وقولت معلى

محمد جهاد:لا متعديش تعالى خدينى كام قلم

رضوى:ي محمد ليه بتحلل لنفسك الى بتحرمه ع غيرك

م انت حبيت وخرجت ووعدت واتكلمت

ي اخى

محمد جهاد(افتكر الاء واتهز) وخطبتها وكتب كتابي وكنا هنتجوز

مش دايرة ع حل شعرها

مرضيتش امشى وياها

...هاه

قالتلى تعالى البيت

رضوى: وانا ممشتش ... اه انا غلظت كنت صغيرة وهبله وم  
صدقت

حد حن عليا وقال كلمتين حلوين زي اى عيله هبله  
وهو كمان جه البيت ي محمد

محمد جهاد(بقرف) اخلصى مش هتفتحيلي حوارت ،حضرى  
الحمام

رضوى: الى عاوزة اقوله، ان كلنا بنضعف  
وبنعمل غلط

مهما كانت تربيتنا ومبادئنا  
فيه حاجه بتوصلنا لضعف وساعتها مبنعرفش نقاوم

محمد جهاد: قصدك ايه

رضوى: قصدى انها كانت مراتك من قبل م تتجوزوا قدام الناس

انت دخلت ب الاءك زوج وزوجه ي محمد

وعمرك م شوفتها شمال ولا قليله الادب

لكن بس بتعايرنى وددششت عضى ع قصة حب تفاهه قديمه

لمجرد انه زميل سكنك وانك حسيت انه ممكن يكون علم عليك

دايما تدى حق لروحك ومتديهوش لحد

محمد جهاد اتاخذ ووشه جاب الوان

محمد جهاد: انتى عرفتى منين قصة انى دخلت بيها من قبل  
الجواز دى؟

محدث فالدنيا يعرف الا انا وهى وامها

انطقى (مسكها من دراعها)

رضوى بصاله اوى

رضوى: ابوة عرفت ... ومش هو بس الى عرفته ده

فيه كمان ي محمد

محمد جهاد بغضب الدنيا مركز فعيونها ، لكن رضوى بصاله لاول  
مرة

من غير خوف

وهتتكلم...

♡♡♡♡♡♡♡♡♡♡♡♡♡♡♡♡♡♡♡♡♡♡♡

#بقلمى\_نوراسماعيل



فون مهم مع ايهاب ، بيتلقاه دلوقت يوميا

وشبه كل وقت  
قاعد فشقته مع اية ...الى بتهديه بحركه حنونه  
بطبطة ع ضره..

ايهاب:ايوة يعنى ايه ...ماهو ده نفس الكلام الى بتقوله  
ليا كل مرة تكلمنى فيها

اخوه:طب اعمل ايه اكثر من كده ، كل الى بيراقبوها هى واهلها  
بيقولوا ان سيرهم عادى  
شغلهم والفيلا الى هما فيها وبس  
وجوة الفيلا مفيش غيرهم هما التلاته

ايهاب:بنرفزة)اتصرف !اتصرفوا اتجسسوا ع تليفونها  
اعملوا حاجه  
انا عارفها جاحده ولا هتسال عنها بس عالاقل تكلمها او تكلم الى  
ريم عندهم

اخوه:ودى نعملها ازاي ي ايهاب شايفنا فالمخابرات  
،اهدى كده

ايهاب:اهدى ...طبعا اهدى

محدث حاسس بالنار الى جويا ... ماهى بنتى انا  
وقلبي انا

وعارف كنية البنى ادمه الى خدتها  
عمرها م هتسال عنها  
بنتى بتضيع منى

اخوه: ايهاب بنتك يعنى بنت اخويا وزى ولادى  
متقولش محدش هيحس بيك  
احنا سايبين الى ورانا واشغالنا وفعلا بندور عليها  
عاملين فرق بحث فكل حاجه  
وبنراقب تحركات مراتك واهلها ومفيش جديد  
لان فعلا ريم تهمنا عشان بنتنا فالآخر  
انت بس متعصب بزياده

ايهاب: عاوز اتطمئن عليها ياناس... اى حاجه تطمنى عليها  
انا لو فضلت كده هقتل وصال لانى قربت اتجنن

اخوه: محدش فينا ساكت ي ايهاب، شكل مراتك ودت بنتك مكان  
مش هنا  
وميخطرش ع بال حد

ايهاب:طب ازاي وامتي ...لو سفرتها هعرف  
دي حتى البيبي سيتر بتاعتها نسرين قالت  
مش عندها ومتعرفش حاجه عنها

ودتها فين بنت الكلب دي

اخوه:اهدي وكل حاجه هتتحل بهدوء، انا رائي تلايم الحوار  
وتحاول تقابل وصال وتتفاهموا  
لان العند مش جايب غير العند

ايهاب:مستحيل اقعدها ولامكان يجمعني بيها تاني  
لو شوفتها فوشي هساوي وشها بالارض

اخوه: ايهاب حاول تهدي وتفكر بالراحه ،وصال كل الي عاوزاه  
منك

تطلق مراتك

وهي هتلايم المواضيع ونعرف ريم فين

ونلم الفضايح دي

السيرة برة بقت ع كل لسان

متردش عليا دلوقت...فكر

بنتك ي ايهاب ...ولا مراتك عشان بتحبها

اللحم والدم مبيتعوضش ... لكن الستات ع قفا مين يشيل

قال اخو ايهاب كلمتينه وقفل بسرعة مستناش رد اخوه  
ايهاب سكت وهو حاطط الفون ع بقه

اية: حبيبي.... ان شاء الله هنتحل وهنلاقي ريم

ايهاب بيتدور لايه واترمى فحضنها زي طفل صغير وابتدى يبكي  
اول مرة ايه تشوف دموعه ، طول الوقت ايهاب قوى  
وييعرف يكون جامد حتى لو حنين  
اول مرة تشوفه ضعيف ومهزوز.

اية(تعبت لما شافت دموعه وحضنته اوى) سلامتك ي حبيبي  
سلامتك

ايهاب(بيبكي)موجوع اوى ... اوى

اية: سلامتك ي حبيبي من الوجع ، ان شاء الله اخواتك هيلاقوها  
وهي كويسه متقلقش

ايهاب: لاي اية ... لا بنتي مش كويسه

ريم مش كويسه

وصال متعرفهاش... لاتعرف امتي كنت ولا شربت

وصال رميتها فمكان مع اى حد ومتعرفش عنها حاجه  
دى حتى مبتروحش ليها مكانها  
هى عامله كل ده عشان تحرق دمي انا  
ومش مهم بنتها ...مش مهم اكلت ماكلتش  
عارفه تنام ولا لا  
بتعيط ولا ساكته

(انهار جدا فحضنها وهى ضمته عليها ودموعها نزلت بسببه  
حزن ع حاله الى وصله ايهاب وعالتوهه الى هما فيها..

بعد يومين اخدتهم فشققتها فالقاهرة مع ايهاب، وقت سفره للشغل  
رجعت بيتها الى فالبحيره  
وهى بتفكر ودماعها بتجيب وتودى  
ايهاب اختارها هى  
بس بيخسر بنته للابد  
حاله اتبدل  
مبقاش عاوز يتكلم ولا بينام  
اية عاوزه تساعد ...عاوزه تعمل حاجه ترضيه بيها  
بس مش عاوزة تضحي بيه وبحبه  
ومش عاوزة تكون انانيه ، وسط تفكيرها ووجدتها  
فالشقه من غير البنات



خطب باب الشقه تخبيط مزعج جدا

اية:ايوة مين

العسكرى:افتحى

اية(قلبها انقبض) فيه ايه ،انت مين

العسكرى:افتحى ي ستى ...بوليس

اية اتخضت وايدها اترعشت رغم انها معملتش حاجه

وبتفتح بخوف

الظابط:الست آية حسنى ؟

آية: ايوة (بخوف)..

الظابط:مطلوب القبض عليكى بتهمة سرقة مصوغات من السيدة

علويه نشات

آية(رجلها بتخبط فبعض)علوية مين ...انا معرفش حد والله

بالاسم ده

اكيد حضرتك فيه غلط



الست العجوزة: يابنتى كلى ...محدث هنا هياذيكى ولايعملك  
حاجه

حور:متشكرة مش عاوزة حاجه

الست مشيت وسابت الاكل قدامها ،وهى خارجة لاحقتها حور

حور:معلش بس لو سمحتى

الست:نعم

حور:هو احنا هنا فين

الست بصالها،جه شاب شكله عادى كده من برة

الشاب:متساليش كثير ي دكتورة،احنا بنقولك انك هنا فامان

ومحدث هياذيكى ابدأ

حور:ايوة بس انا فين ولامتى،البيت موجود وسط ارض زراعيه

ومفيش حواليكم حد

انا عاوزة ارجع لاولادى

وخايفه اتكلم مع حد منكم تموتونى

الست: ونموتك ليه يابنتى لاسمح الله، معناش زيك  
حور (بتوسل) طيب طالما عندك زيي، سيبوني اروح لولادى  
عاوزين ايه منى  
وخذتوني عندكم ليه، هو انا عملت ايه ليكم  
انا حتى معرفكمش

الشاب: ي دكتورة مساله ايام وهترجعى بيتك، معززة مكرمه

حور: طب هدفكم ايه؟ فلوس من بابا ولا عاوزين ايه

الشاب سابها وخرج والست كالعاده من ساعة م جت حور  
مبتردش ع ولا سؤال ليها...

يوم ورا يوم بيعدى ع حور فبيت ريفى وسط ارض زراعيه  
شبابيكه

كثير عشان يدخل شمس وهوا للبيت

وست عجوزة بتجبلها اكل

واوضه بسيطه نضيفه قاعده وبتنام فيها غصب عنها لما يغلبها  
النوم من كتر التفكير

مش بتنام

وشاب شكله طيب دايم قاعد برة

معدهاش قدرة تهرب ومتعرفش هي فين اصلا

وقريب ولا بعيد من بلدها ولا بلد جوزها ولا فين ...وايه الى بيحصل  
وليه

كلها اسئله معندهاش اجابه ليها...

كان بيحاول يامن يلاقيها اجابه ...

يامن : ازاي حضرتك لحد الان مش عارف تحدد هي فين !  
صديق:يامن انا مش ناقص ...انا مشطت الاقصر كلها مالهاش  
اثر

فالمستشفى اخر مرة شافوها فيها وبعدها اختفت

يامن:هي قالت لياسر رايحه لناس تعرفهم

صديق:بنتي بتروح لناس معينه فقرا تديهم صدقه من وقت للتاني  
وارجح ان ده المشوار الى كانت هتعمله بعد المستشفى وخطفوها  
الكلاب

لان سالت اذا كانت راحت قالولي مشافوهاش  
وعشان كده محدتش اخوك ياها لانه شئ سرى بينها وبين ربنا

يامن:صديق بيه ...انا كل الى اعرفه ان مراتي نزلت تزورك

ومرجعتش

انا عاوزها!



"مدام لينزى سليمان!"

لينزى:ايوة

البننت:اتفضللى ...التحليل ده تبع حضرتك

اخذته لينزى ومفهمتش منه حاجه ، معدى دكتور فالمعمل  
ورتلته الورقه وقالها الى فيها ...

روحت البيت وكانت بتكلم مارسليانو

مارسليانو: الحب الحب الشوق الشوق ، عملتى ايه ي بيلوبيف  
حياتى

لينزى: ياااه ده انت حافظ وقت استلامى للتحاليل

مارسليانو:طبعاً ي شبح العالم وهو انا اقدر

لينزى: (بتضحك)ياعم بنحبك ياعم

مارسليانو:ياعم واحنا كمان ياعم ،يلا بقا قوليلى متشحتفنيش

لينزى:تمام الامور ماشيه تمام جدا والعلاج بيستجيب

مارسليانو: بجد !

لينزى:اه نشكر ربنا ...وانت اخبار الدايت والاكل الصحى  
والرياضه

مارسلينو: مسحوووول مسحوووول يا ولدى  
لينزى: اجمدي وحش ... خليك تقيل لحد الفورمه

مارسلينو: انا حاسس ع اخر الدايت ده هبقى شاورما مش فورمه  
لينزى: لالا الدايت للجدعان ، انت ادها ي ليينو  
مارسلينو: متقوليش لينو بدلع كده عشان متلاقنيش ناطط فشنطه  
ونازل مصر

لينزى: بجد ي ليينو (بدلع)  
مارسلينو: يابت اتلمى واتعدلى انا ملصم نفسي بخلقه حسين  
العكرة  
ف وشى وساكت

لينزى (بتضحك) طيب نتكلم شويه جد  
مارسلينو: نتكلم  
لينزى: مستعد تسمع خبر كده او كده  
مارسيلو: ممم ع حسب اصل انا تعبت مفاجئات واخبار الحقيقه  
الفترة دى  
لينزى: على ايه  
مارسلينو: لامتاخدش فبالك ، اصل انا قاعد هنا ففيلم اكشن ربنا م  
يوركى



واحد مراته اتقتلت

وواحد بنته اتخطفت

وواحد مراته اتخطفت غير الاولانى

وواحد قارفنى وبيغسل شعره بكيس شامبو بنص جنيه

وواحد كل م يتضايق من حد مبيستناش

بيبلعه مش بيتفاهم

فالاكشن انا تعبت منه ... عاوز حاجه كوميدى

لينزى: ممم هي ممكن تكون تراجيدى ع فكرة

مارسلينو: احديها فوشى وانجزى

لينزى: انا حامل ي لينو

مارسليو:-----

لينزى: لينو، انت نمت

مارسلينو:-----

لينزى: لينو انت قفلت؟

مارسلينو:-----

لينزى: لينو انت اتخطفت ؟

رد عليا طيب

مارسلينو: بجد حامل

لينزى: اومال كده وكده  
مارسلينو: طيب حامل... ازاي  
لينزى: هو انت مش راجل ولا ايه  
لينزى: اتعدلى يابت عشان متاخذيش 7 قفيان ع فجة ، فاهم  
انا قصدى حامل ... طيب وتعبك

لينزى: انت خايف عاليبي  
مارسلينو: يابقرة افهمى، انا خايف عليكى انتى  
لينزى (ابتسمت) خايف عليا  
مارسلينو: طبعا، منكرش انى فرحت انك حامل تانى بس انتى  
تعبانه  
وبتعالجى  
هتشيلي كام حمل  
المرض ولا البيبي

لينزى: لو بجد خايف عليا كده ، فكلامك ده ادالى طاقة اد كده  
واقدر اتحمل الاتنين بنفس قويه  
لانك واقف ورايا وخايف عليا

مارسلينو (مبتسم) طبعا خايف عليكى، انتى بقيتى حاجه تانيه ليا  
يابت  
معرفش استغنى عنك ي جاموسه



ع طاسه عالنار ، واقف حسين بيطبخ لنفسه  
وشكله كده لايص ومش عارف  
دخل عليه طه

طه: بتعمل ايه (بيضحك)

حسين: اى اكل مش عارف جعان اوى  
طه: طب اطفى عالرك ده ... عندك بيض  
حسين: اه جبت استنى

جابله بيض ، كسره وقلبه طه وقطع فلفل الوان وشرايح جبنة  
تشدر

وخلطهم ببعض

وحبه دقيق صغيرة زدره ملح  
وفطاسه تيفال استوت ع نار هاديه  
وظلعها فطبق تقديم

طه: خد ياعم بالف هنا

حسين (مبتسم) منتحرمش ، لا طباخ بريمو

\*فون طه بيرن\*

طه:(قرا اسم يامن)الو

يامن: السلام عليكم

طه:وعليكم السلام ..ازيك ي يامن

يامن:طه ...مراتي فين (بحده)

طه:مراتك ! انا ف دبي ي يامن مالك

يامن:مراتي فين ي طه متلفش وتدور ، انا حاسس انك ورا الى  
بيحصل

وشغال اقول ان بعض الظن اثم

مراتي فين ي طه

طه(بز عيق)مراتك انا معرفش حاجه عنها ي يامن ...مش عشان  
اخذت قبلدى

يبقى اعرف هي فين

يامن:لا مش عشان قبلدك واخذت،عشان لك يد

عشان توعدت لصادق تاخذ بحق مراتك نهلة

وتوعدت انك تنتقم قصادى

لكن مراتي ذنبها ايه فكل ده ،ذنب ولادى وذنبى ايه

ده احنا واكلىن عيش وملح سوا

طه(قلبه اتعصر من كلام يامن) يامن انا ..

يامن:اتق الله ي طه ورجعها بيتها ،متخدهاش بذنب ابوها

حور مالهاش دعوة بكل الى حصل  
وانا عمرى م اديتك  
افتكر طفلين محتاجين دلوقت امهم

طه:(اتلغثم)وانا هعمل كده ايشمعنا دلوقت م كان من اول م حصل  
الى حصل

يامن:انا مش غبي ي طه،انت كنت منتظر مجيها لبلدكم ومن  
غيرى

عشان كده كنت بتسالنى عليها وبتزور والدها ولالا  
طه انا مستعد لاي شئ بس ترجعها بيتها  
ليه تحرق قلبى عليها زي م اتحرق قلبك ع مراتك  
كنت عملت ايه فحقتك وحش

طه(قلبه حن) يامن ...متقلقش حور مش هيحصلها حاجه

يامن(انتبه)يعنى هي عندك! يعنى انت عارف مكانها  
بالله عليك تقولى هي فين  
بالله

طه:يامن اسمعنى ،انا عاوز ابوها  
ومراتك مفيش شعرايه هتتلمس فيها

اتظمن .. انا عمرى م هوجع قلبك وقلب عيالك زى م اتوجعت ع  
فراق

اغلى الناس بايد ابوها

يامن: ي طه ممنوش فايده الى بيحصل، صادق عمره م هيستسلم  
طه: هيستسلم وهيركع عشان بنته  
وساعتها هاخذ حقى الى استنته كثير

يامن: هبلغ عنك ي طه (بعصبيه) رجع حور

طه (ببرود) طالما كده ... يبقى انا برة مصر ي يامن  
ومفيش اى شبهه عليا انى عملت كده  
ولا طرف ليا

عاوز تبغ عاوز تعمل اى حاجه اعلمها  
انا معرفش حاجه عن مراتك ...

\*قفلوا الخط سوا\*

يامن مش عارف يتصرف ازاي ، خايف بتهور طه مهما وعده  
ينتقم

لنهله من حور عشان يوجع قلب صادق زى م اتوجع  
ولا يصدق انه بس عاوز صادق وان هي مجرد طعم ...  
وفكل الحالات مش متظمن ...

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

خبطة واتنين عالباب ...فتحت ام الاء

لاقت محمد جهاد ف وشها !

محمد جهاد:ممكن ادخل

ام الاء:اتفضل

دخل بالراحة ببيص عالبيت الى مشافهوش من سنين وساب فيه

اجمل ذكرياته

واحلى ايام حياته

وهو ببطء داخل ،اتلهف عليه جرى محمد الصغير

ووقف قصاده

محمد الصغير(بلعثمه) ب..بابا!

محمد نزل ع ركبته وهو باوصلها وشاف الشامه فرقبتة، عيونه

غرقت

دموع فتوانى

وحضن الولد جامد اوى لدرجه ان الولد اتوجع



ام الاء: اقعد ي محمد اعملك حاجه تشربها  
محمد جهاد(حاضن ابنه وحطه ع رجله) فين الاء ؟

لسه مردتش مامتها، فتحت الباب بالمفتاح وهى بتزق عجلات  
الكرسي وبتدخل  
لاقتة فوشها ، اتخضت لوهله  
وبعدا مسكت نفسها...

الاء: كنت عارفه انها هتقولك ... غريبه مع انى اترجيتها

محمد جهاد: اترجيتها متقوليش ان ليا ابن كبير وفالسن ده  
وبعيد عنى ومتقيد ع اسمى ولا اعرف عنه حاجه ؟  
كنتى عاوزاها متعرفنيش !  
الانتقام فكل شئ الا كده

الاء: وانت ايه الى مضمك انه ابنك ؟

ام الاء: الاء!

محمد جهاد رفع ايده يضربها وبعدين مسك نفسه

الاء: ايه ؟ اضرب

م تضرب...م

محمد جهاد(بحنين) عمرى م عرفت اقسى عليكى انتى  
بالذات، عملتى كده ليه  
الاء: عملت ايه؟

انا بقولك ضامن منين انه ابنك؟مجاوبتنيش  
مش انا وحشة ومع صاحبك وكل واحد شويه زى م بيقولوا اهلك  
منين جالك انه اينك ي جهاد

محمد جهاد: عشان هو ابنى ي الاء  
الاء: لوع كلمة بابا الى اول م شافك اكيد قالها من غير م اشوفه  
فهو بيقولها لكل راجل يشوفه  
الدكتور...حد قريبي...واحد فالشارع  
اى حد

محمد جهاد: هو ابنى مش عشان الهبل الى بتقوليه ده ، هو ابنى  
بحنين  
الدم

هو ابنى قلبي حس بيه وعمرى م هتتفى حقيقه زى دى  
(مسك ايدها)ولاتتفى حقيقه انى فيوم حبيتك ولسه بحبك

الاء(نتشت ايدها منه بعنف واتدورت بكرسيها ادتله ضرها

تدارى دموعها) جاى امتى ي جهاد

جاى بعد ايه

بعد م حطمتنى وكسرتنى

بعد م سيبتنى وحدى عاجزة خايفه وضايعه

جاى تقول ده ابنى وانا بحبك وخلص كده تخلص ؟

(لفت له بكرسيها ادتله وشها)

الاء: لا متخلصش، لانك راجل متعرفش ربنا ومفتري

خدت حقك فيا تالت وملت

اهلك بهدلونى وسكتت

سلمتك شرفى وقولت ورايا راجل عمره م هيسيبنى

وبسبب كلمة عبيطه من واحد طلعت تجرى

تتهمنى وتتهم صاحب عمرك بالخيانة

محمد جهاد(بصوت عالى) وجيت واستسمحتك، ده ربنا بيغفر ي

شيخه

الاء: ع اساس انه اوبشن زياده ، ي سلام!

سامحى ي الاء فتسامح الاء

وملعون ابو حرقه قلبها ودمها

عادى ...البية الى مش بيشوف غير نفسه امر فنطيع

تطلقنى عادى وترمينى عادى  
وابنك فبطنى واتفضحت ،كفايه منظرى قدام امى ساعتها  
ده انت معملتش حساب ليوم كنا فيه اسعد اتنين

محمد جهاد: ميلت ع رجلك بوستها، اترجيتك وانتى صممتى

الاء: مش هنعيد الى فات ي جهاد، انت واحد انانى  
سيبتنى ومسالتش عنى روح فىن ولاهعمل ايه فحياتى  
ولا كانى كنت مراتك

روح واتجوزت وعيشت حياتك  
لاتعرف عملت ايه ولا عايشه ازاي انا وامى من غير سند  
روح لحالك ي جهاد

وانسى انى ارجعك ...سواء انا  
او الولد

لانه مش من حقك

ده ابنى انا

ابن عمرى وتعبي انا

امشى ومش عاوزة اشوفك تانى

محمد جهاد: تانى كبريانك! تانى تحكمتك فكل شئ ولازم اخضعك

تانى اتهاماتك

تانى تنشيف راسك

عارفه ده وصلنا لفين ي ست الاء (بعصبيه) شوفتى وصلنا لفين؟

٣ اتظلموا!

٣ انا ظلمتهم غصب عنى بسبب انانيتك وعجرتك و انك عمرك م شوفتى حد غير نفسك !

وجاية دلوقتى بكبريائك المعتاد تتهمينى بانى انانى وبوظت الدنيا وظالم ومفترى ومبرضيش ربنا!!

مرة واحدة شوفى نفسك قبلى فالمرآية ، انتى السبب مش انا ..

الاء(بسخرية) انا خليتك ظلمت 3

محمد جهاد : ايوة ... (بلين ع غير عادته وانكسار)

ظلمتك

وظلمت ابنى الى لسه شايفه وعارفه

وظلمتها هي...ظلمت رضوى الى مالهاش ذنب فالى حصلنا وحصل بينى وبينك

وانى اعاملها معاملة زباله عشان خدت مكانك

وانى اكرهها عشان هي الى بتبات فحضنى مش انتى

وانى محبش اسمع صوتها لانه بيكرنى انك مش معايا

وكله كان بارادتك ي الاء

انتى لو مرة و طيتى لكبريائك وسامحتى

مكانش هيبقى ده حالى وحالك  
لكن الوضع ده لازم يتغير

\*قايم وشايل محمد الصغير ابنه\*

الاء: انت واخذ ابني فين  
محمد جهاد: ده ابني ي الاء من صلبى وشايل اسمى  
وان الاوان يعرفنى واعرفه  
ومن حقى

الاء(بصريخ) لا مش من حقك ،سبب الولد  
ده ابني وفحضانتي انا

محمد جهاد: دوقى الى دوقته وانا متحسر ان ماليش سند  
ولا عوض  
ولا عمرى هكون اب

ام الاء: بضيق) انت بتستقوى اكمنا ولايا ضعاف ي محمد

محمد جهاد: مبستقواش ،بنتك الى استقوت عليا ومسامحتش  
خليها تعرف نتيجة كبريائها



العمه: حمد لله عالسلامه ي محمد (بتبص عالولد) مين الولا ده؟  
رضوى شافته معاه محمد واستغربت بس فضلت ساكته

الام: ابن مين ده ي محمد  
محمد جهاد : بصوله كده ...بيشبه واحد تعرفوه  
هند كانت عندهم بالصدفه وشوية وهتمشى...

هند:م تخلص هي فزورة ...ابن حد من صحابك يعنى

\*ابتدا يبكى الولد تانى\*  
الام: (شالته وباسته) مالك بس ي حبيبي ،م توديه يابنى لابوه  
بيعيط

العمه:حد سابه معاك لحد مشوار وراجع ولا ايه  
محمد جهاد:محدث سابه ..انا جبته لاهله  
هند:مين اهله يعنى(بتتيم ابنها ع دراعها) عيل تايه ده  
محمد جهاد: لا ي هند مش تايه ...انتم  
انتم اهله

العمه:اهل مين ي واد ي محمد انت اتخبطت فداغك



الام: جرى ايه ي محمد من وقت م دخلت وشك متغير قوت فيه  
حاجه

العمة: انطق وقول الالغاز الى بتقولها دي  
محمد جهاد(شال ابنه)بس ي حبيبي ...لا الغاز ولا حاجه  
ده محمد محمد جهاد

هند: ايه !!

العمة: احبيه عليك وعلى عملتك السوده ،خلفته من انهى داهيه ده  
ي ولا

الام(اتضايقت)بتتكلم جد يابنى؟ اطلعى ع شقتك ي رضوى دلوقت

محمد جهاد:وتطلع ليه رضوى ،هنقول كلام خادش للحياء  
اذا كانت رضوى الى رجعت هولى

هند:مش فاهمين حاجه ي محمد فهمنا وخلصنا بقا  
محمد جهاد:ده ابنى ...من الاء

العمة(دبت ع صدرها بعنف)الاء! الاء ي ولا تانى  
الاء جايب منها عيل وانتو كنتو حبالا مخطوبين  
احيه عليك مليون مرة



هند: انا سمعت انها اتجوزت ومشيت من اسكندريه

محمد جهاد: كفاياكم ظلم... الاء متجوزتش

الاء مشيت مكانتش عاوزة حته تجمعها بيا حتى لو نفس البلد

مشيت وشايله ابني ومقالتش

عارفين ليه مقالتش

عشان مش عاوزة ترجعلى تانى

عشان انتو اهلى

عشان بهدلتوها وجرحتوها وساعدتوني اكون اعمى واسيبها

مشلوله ووحدها

واطلقها

فضلتى ي عمتى تزنى تزنى انتى وهند ع ودانى ان الاء وحشه

وزباله وبتخوننى

والاء احسن الناس

الاء الوحيدة الى حبتها وارتاحت وياها

خربتوها عليا وعليها

هما كده... هي دايم كده

تحبوا جوز بنتكم يشيلها فعينه وفوق راسه هانم

وتحبه مرات الابن تتعامل بالحزمة ومتنطقش

وان حبها واکرمها تبقى ملعب وسحراله وكلام اهبل وفاضى

ليبييه

الاء مش بنت شمال

ورضوى الى اصريتوا نتجوز مش خضرا الشريفه

\*رضوى بصتله وبصت للارض\*

محمد جهاد: ابوس ايدكم بقا ارحموني ، انتو فرمتوني وبهدلتوني  
زى بالظبط حبة رمل بين دفتين رحايا

الاء لو شمال كانت اتجوزت ونزلت ابني من زمان من غير م  
اعرف

الاء فضلت وحدها معتمدة ع روحها واشتغلت برغم عجزها  
الاء سمت ابني محمد ع اسمى لانها لسه بتحبني ووفيه ليا  
حتى لو فقلبها جرح منى

ورضوى...رضوى الى عرفت كل حاجه وقالتلى وانا الى كنت  
هفضل طول عمرى اعمى معرفش

بوجود طفل ع اسمى شايله

وانا الى فقدت املى اكون اب

كنت هفضل اشتهى اكون اب لعيل وعندى ومعرفش

لان ببساطه مكنتش هتجوز ع رضوى لان نفسي اتسدت من الكل  
وكفايه ظلم بقا

العمة بصاله ومتاخده وامه وهند ساكتين

العمة: (بارتباك) وانا كنت ظلمت الاء ف ايه ،مش الى شايفاه  
بعينى

محمد جهاد: الاء ي عمتى مش زى م انتى شايفه بعينك عشان  
انتى حابه  
تشوفيه كده

الاء بنت بتعرف تحافظ ع نفسها جدا  
وكل الى حصل انها جميله بس وبتعرف تكون لها جاذبيه  
ده خلاكم تشوفوها وحشه  
عشان بتدلعنى وواخده بالها منى وبتوقف جمبي فزىقاتى  
مع ان ي عمتى هند لو عملت كده مع جوزها هتحمسيها تعمل  
اكثر  
ومش هتشوفيه وحشه

الاء ي عمتى كانت تسمع منكم وتفوت عشان عاوزانى وعاوزه  
بيتنا وعاوزه تعيش  
كانت تسمع الى محدش يستحمله  
وتقول بكرة اما اكون عندهم فبيتهم بتصرفاتى ومعاملتى  
هيجبونى

العمة: احنا عمرنا م كرهناها

محمد جهاد :جايز ...بس عمرك برضو م حبيتى انى اكمل  
واتجوزها

لكن يشاء ربك

يكونلى منها عيل عشان برضو يفضل بينى وبينها شئ مشترك  
لابد الابدین

العمة:طب وهو فيه واحدة كويسه تسيب روحها من قبل الجواز

محمد جهاد:ياعمتى صدقيني لو كنا عملنا حساب وفاة ابوها  
وكنا جنبناها هنا من غير زفه ولا فرح ولا يحزنون  
وبس وكانت بقت مراتى ودخلت عليها عادى ومكانش هيبقى فيه  
ملامه يعنى

بس انا كنت عاوز نعدى الفترة عشان اعمل فرح وافرحها

العمة : انا بس كنت ...

محمد جهاد: انا الى عاوز تقوليلى حاجه واحده شوفتيها من الاء  
ي عمتى

ولا امى ولا هند

حاجه واحده بس وساعتها هسكت وهقول عندكم حق

تربية الاء البنت الى ب100 راجل مفيش منها دلوقت

قوليلي فين وحشاتها ووحاشه اخلاقها

عمته بصت للارض ومعرفتش ترد ...

هند: ولاء فين دلوقت ،وجبت الولد منها ازای

محمد جهاد: رجعت بيت ابوها وخذت الولد عشان ادوقها من الى  
عملته

بس مجرد م مشيت قلبي وجعنى ناحيتها  
مش عاوز اقسى اكثر م قسيت ولا اخليها تكرهنى ده او لسه  
بتحبني

رضوى عيونها دمعت ومسحتهم بهدوء، عارفه انها برة الحسبة  
دى

وان لسه محمد بيحب الاء وعاوزها  
وان رضوى مالهاش مكان فقلبه ولاقلب اى حد

محمد جهاد(لاحظ دموع رضوى قام ناحيتها) اما انتى فانا اسف

لانى لازم اشكرك عشان عرفتيني

حتى لو ده هيجي عليكى

انا عرفت فعلا انك جواكى ابيض ومعدنك طيب ي رضوى

سامحيني ع اى وقت قسيت عليكى فيه

(لاول مرة يبوس دماغها بحنيه وطبطب عليها)

الام:الواد بيعيط يابنى عاوز امه حرام ي محمد رجعهولها  
العمة: وهو احنا بعد م عرفنا وشوفنا عوض لمحمد ،واسم اخويا  
الله يرحمه متشال نسيبه ي اشجان

الام:الولا لسه صغار ولازم يرجع لامه ي عزة،محدث يرضيه ده  
ابدا  
اه انا سته وهنا اهله

العمة:حتى لو ...حتى لو الظروف هتغصبنا اننا...

محمد جهاد:مش هتغصبنا ولا حاجه ي عمتى ...الاء مش عاوزة  
ترجع تانى  
عشان هي لسه لحد الان فعيونكم البت العايبه زى م انتى لسه  
قايله

هند:طب ايه ...هتتصرف ازاي  
وبعدين الاء لسه مخفتش من عجزها

محمد جهاد(بحزن) لا مخفتش ...ومش عارف اتصرف ازاي  
زى كل مرة باخد الامور من اولها من غير تفكير واقف فالنص  
معرفش هكمل





وبصنعه لطافه تحطى العقد... خلاص؟"

"او امرك ي دكتورة، اعتبرى كل ده حصل خلاص"

"شوفتى شكلها كويس؟"

"وانطبع فالذاكرة... متقلقيش"

مضروبة... ومتهانه ومتقطع هدمها ومتشاله الطرحه من ع  
دماغها ..

وقاعده ع جنب فالحجز زى الطفل اليتيم..

العسكرى : اية حسنى

اية (بضعف) ايوة ..

العسكرى : زيارة... قومى

قامت بضعف اية تلبس طرحتها ،معالم وشها بايظه من ضرب

ستات الحجز فيها

وصايه !

وجسمها مورم وشعرها منتوش ...

دخلت لاقت الدكتورة وصال قاعدة فاستقبالها...

الظابط: الدكتورة وصال طلبت تشوفك ،10دقايق وراجع

مشى الظابط من المكتب

وصال(بتمثيل)ايه ده ...الف سلامه

ايه كل الى فوشك ده

اية بصالها بضيق ...

وصال: هو انا مش قولتلك ...مش قولتلك لايميها

واتلقى منه

لا كنتى سيبتى ولاد اختك

ولا كان هو ضاعت منه ريم ومش عارف اراضيها

ولاكنتى نتى اتبهلتى البهدلة دى كلها

اية: (بضعف)انتى عاوزة ايه

وصال: انا عاوزة بس تعرفى انى مش بهدد ،وان اخدتك بالبوكس

من وسط اهلك دى تسوى منظرى الى بوظتية قدام الناس

لما هياتلك دماغك انك تبقى مكانى او تظهرى انك خدتى منى

جوزى وبيتى

اية: انا عمرى م فكرت زى م بتفكرى كده،ولا اخد مكانك ولا اظهر

اشوه سيرتك

## ولا اخطف جوزك

وصال: انا مش عاوزة كتر كلام ، لآخر مرة لسه قدامك فرصه

هتطلقى منه

وتسيبيه وتغورى فستين داهيه

هعرف اطلعك من هنا

هتفضلى معانده وراكبه دماغك انتى وهو ، انتو جربتوا انى مش  
بهدد

اية (بانكسار) انا تعبت ... تعبت من كل الى حصللى

سيبينى فحالى بقا

وصال: بايدك تتسابي فحالك ومحدش يمس شعره منك

اية: بعد ايه ... بعد فضيحتى فشارعى ومكانى وبين اهلى

وصال: كل ده مقدور عليه يتصلح ، بس لو تفوقى وتعرفى

حجمك اد ايه

ومتحطيش نفسك ابدأ فمكان اعلى منك

اية (بتعب) انا بس عاوزة اسال ... عملتى ده ازاي

وازای وصل عقد لشنطتی من غیر م اشوفه  
ومین الست علویه دی

وصال: ی حبیبتی انا اقدر البسك تهمة تودیكى ورا الشمس وانتى  
ولا ع بالك  
انا מבحبش الشر لحد  
بس انا فحیاتی مبكرهش حد ادك دلوقتی  
خصوصا بعد تمسكه بیكى كل ده الكابتن ومعرفش ع ایه

ایة: انا خلاص مش عاوزة حاجه ...لما یبجی ایهاب هقوله  
یطلقنی  
\*وصال ابتمت\*

ایة: انا تعبت وتعبت عشانه کمان ومبقاش عندی طاقه استحمل  
اکتر من کده  
(الدموع نازله تجرى ع خدودها)  
کفایه تلطیش من الدنيا بقا

وصال: لعلمك... حکم المحکمه بالخلع الجلسه الجایه  
یعنی کده کده انا خلعتہ عشان افضل محافظه عالی باقی  
من الی انتو بوظتوه فصورتی

انا مش عاوزاه يتهنى ع اى شئ

ااية (بتوسل) هترجى ريم له؟

وصال: مش شغلك، انتى ليكى اطلعك من القضية دى

لكن مالكىش علاقه بايهاب تانى

هيفضل معاه ريم ولا مش هيشوفها للابد

ااية: انتى ليه عاوزة تكوى قلبه ، انا خلاص هسيبه

رجعيله بنته

مستفاده ايه من كل ده

وصال: برضو مالكىش دخل... انا عمرى م هسامح فكل شئ

حاولتوا

انتو الاتنين تحطمونى فيه

ااية بصالها بضعف... دخل الظابط

وجه عسكرى رجع ااية للحجز من تانى ..



"انت الى خطفت بنتى ... انا لما هديت وفكرت ملاقتش غيرك  
انا هوديك فستين داهيه"

طه(بيضحك) يااااه ياباشا ، اخيرا

صادق:كنت هتفضل خاطفها ومعذبها لحد م اكلمك ي حيوان انت  
طه(ببرود)حتى لو بعد 100 سنه ي صادق بيه ،كنت هستنى  
مكالمتك

صادق:انطق قول عاوز ايه ...عاوز كام  
خلصنى وسيب بنتى ي صعلوك

طه:م تنزل بقا من قصرك العالى ونفختك دى ،انت خلاص مبقتش  
زى الاول

انا لا عاوز فلوس ولا حاجه  
والا كنت كلمتك اعوز فدية مثلا

صادق:اومال عاوز ايه ...انا يجيلى يوم واقعد اتحايل  
ع بعوضه زيك  
ميسواش

طه:معلىش...وعشان خاطرها هتعمل اكثر من كده

جرب حرقه القلب ي صادق باشا

صادق: هحرق قلبك ع اهلك واحد واحد ،لما احطهم كلهم فمحرقة  
وولع فيهم

طه: ولع فالى حابوهم مش فارقه ،راحت الغاليه ع ايديك  
والبركه فسيادتك

صادق: انت بتنتقم منى فبنتى ،انا هدمرك

طه:م دمرتتى والى كان كان ،اكثر من كده تدمير  
جه دورك بقا

صادق: انت كداب...انا بنتى مش عندك  
انت عاوز بس تحسنى انك تقدر تنتقم منى لنهله  
لكن ده بهدك

طه(بيضحك بسخريه)لاحول ولاقوة الا بالله الراجل بيخرف  
طب وحياتك انت انا هسمعك صوتها  
من وانا فمكاني  
خليك معايا



(عمل مكالمة جماعيه وضاف قريبه الى عندهم  
حور فبيتهم ،كلمه انه عاوز حور باباها يسمع صوتها  
دخل لها الاوضه واداهها الموبايل)

حور:الو ...

صادق(بانهيار واضح)حور ....بنتى حبيبتى  
متخافيش ي حور

حور:بابا انا هنا فين ولامتى ،عاوزه ارجع لاولادى يابابا ايه الى  
بيحصل  
(هتعيظ)

صادق:متخافيش ي حبيبتى

طه:اقفل من عندك خلاص

(فصل قريبه مكالمه حور )

صادق (فعلا بيبيكى بس مدارى) انت عاوز ايه

طه: صدقت بقا ياباشا ، بنتك مش هتاخذ منى دقيقه  
ادبحها وارمى جثتها ومحدث يعرف مكانها  
انا كده كده ضعت من بعد مراتى  
الى بايدك حرمتى منها  
عرفت الحكومه ولا معرفتش  
هبقى خدت حقى  
وشفيت غليلى ... هبقى دوقتك الى دوقتهاولى  
وانت كلك جبروت وفاكر ان الكون كله بيمشى بايدك

صادق: ارجوك متعملش حاجه فالبنت، حور مالهاش اى ذنب  
فكل ده

طه: ذنبها انها بنتك  
وانك ابوها  
والشر لازم له يوم ويوقف حده وتترد المظالم

صادق: انا مستعد ادفعلك الى عاوزه ... مستعد انى اعمل..

طه: قولتلك انها مش فلوس  
انا هدفى اكبر

صادق ساكت

طه: هدى انت ي باشا

صادق: مش فاهمك

طه: افهمك، هتفق ع مكان انا احده

اقابلك فيه

وبعدا هشوف اذا كنت هسيب بنتك

ولا اخليها عندى

صادق: عاوز تساومنى يعنى

طه: احسب الى تحسبه، المهم تفكر وترد بسرعه

لان زى م انت شايف الدكتور

مش مبسوطه بحبستها بعيد عن ولادها وخايفه

وع فكرة

اه محاوله منك انك تبلغ مش فصالحك

لانى هقتلها

وقولتلك قبل كده... ضربوا الاعور ع عينه

قال خربانه خربانه



شرب ميه كثير كثير طول فترة العمل، حركه كثير مبيقعدش  
عالمكتب

كثير

عامل وقت للغدا

وبرضو اكل خفيف، سناكس بين اوقات الاكل خضار وفاكهه

زبادى من غير سكر بعد الاكل

يخلص شغل، يرجع يتمرن ع جهاز المشى فالفيلا

ياخد بريك... ويروح الجيم الى اشترك فيه يلعب

ويتمرن

ويرجع تانى

يشرب مشروب طاقه ويبساعد ع حرق السعرات

وياكل سناكس

ويتعشا زبادى وثمره فاكهه !

اه فعلا ده بيحصل، مارسلينو مبسوط بالتغيير الى بقا فيه

ومكمل

حاسس ان صحته بقت احسن

مبقاش يصدع كثير ولايحس بتخمه اكل او تكاسل

او وخم

مبقاش يبص عالهدوم الى نفسه يحييها ومبيقدرش يلبسها  
او تدخل فيه..

عاوز يكون احسن ،كان داخل التحدى الاول عشان لينزى  
اما بمرور الوقت حب المغامرة وحس بالفارق بتاعها...

اما عن لينزى

الى فعلا قوية بارادتها ،كانت عند الدكتور وخارجه بتضحك بعد م  
قالها

"اظن دلوقتي انتى عارفه تعملى ايه "

عالتت جايبه معلومات وبتجمعهم كلهم وشغاله عليهم،ده غير  
متابعتها عند دكتورة النسا

لمتابعه حالة البيبي الى مستنياه جدا ومعرفه وضعه

وبتخرج وبتتفسح وبتشوف صاحبها بتروح الكنيسة وبتعمل كل  
ده

بنفس راضية وسلام نفسي رهيب

وهى فقمه نشاطها...اتنين بيكملوا بعض عشان يفضلوا مع بعض  
وهما حابين

..

الحب فعلا طلع...بيصنع المعجزات !

#بقلمى\_نوراسماعيل



"يمكن تليفونها باظ؟ ...بنات اختها ميعرفوش

هى فالبيت ولالا

ولا لسه فشقة القاهرة؟"

بتوتر بيمشى ايداه ع شعره بي فكر وهو واقف فالفراندا فالفيلا

شافه حسين وجه وقف معاه..

حسين:الجو حلو فعلا انهاردة

ايهاب مردش سرحان

حسين:هو حصل ايه بي ايهاب ،انت بطلت تجمعنا وتهزر وتضحك

انا مش قريب منك للدرجة

بس نفسي نتكلم سوا زي م بتتكلم معاهم

ايهاب بصله ورجع بص قدامه

حسين:انا عارف انكم مش بتستلطفوني بس والله

انا بتحسن





والشيخ راشد يجبلنا ناس جداد

ايهاب: ونبقى عاملين زي سكن الطلبة الى كل سنه بيجدد  
الطلبة الى فيه

حسين: ايوة فعلا هيبقى دمه ثقيل، ولو طه مثلا مشى مع ان  
شغلته ثابتته

او دكتور يامن ساب هنا وفتح عياده فمصر  
وانت بتيجي كل يومين  
هبقى قاعد مع ناس معرفهمش  
تصدق... حاجه رخمه اوى

ايهاب: حاجه رخمه ليهم هما ي حسين مش ليك انت

حسين: مش فاهمك

ايهاب (ولع سيجاره) بأش .. بهزري حسين متاخذش فبالك  
حسين : طيب برضو مش هنتكلم معايا تقولى مالك وتفك  
جربنى يمكن انفع

ايهاب: الدنيا ماشيه معايا بضرها ي حسين وحاطه عليا



فتح الفيديو وشافه....والى شافه حسسه انه بيتفرج

ع فيلم

بیشوف حاجه متصدقش صوت وصوره..

دور ع كل مسجات الواتس لان اكيد هو استلمه من هنا وهو مش  
واحد باله

لقى رقم غريب باعت له الفيديو فعلا

رقم مش محفوظ عنده ،اتصل بالرقم

وطلب مقابلته ...

سافر من بلده وقابل الشخص الى بعث الفيديو ...

وبعد مقابلته ..كان ماشى متوه عقله مش فيه

بعد كل الى عرفه وشافه

معملش غير حاجه واحده...مسك فونه وطلب رقم طه

طه:الو

يامن(بضيق) حقك عند صادق مستنده معايا بعيد عن حور خالص

ومن غير كل الى انت عملته ده


انزل مصر فاقرب وقت ي طه ...انزل وفك اسر زوجتى

طه (بقلق) مش فاهمك

يامن: مفيش وقت افهمك فيه ... انزل ع اقرب رحلة  
ومستنيك ..

♡♡♡♡♡♡♡♡♡♡♡♡♡♡♡♡♡♡

#بقلمى\_نوراسماعيل



"انا طول عمرى بشتغل مع صادق بيه وعمرى م خلفت له امر  
الراجل ده ع اد نفوذه وهيبته

الا انه مكانش بينسى حد من الى بيكونوا طوعه وفخدمته ...  
لكن كانت الى اكرم منه هى مدام نهلة الله يرحمها ، عمرها م  
نسيت مثلا

الاعیاد او المناسبات الى بتعدى عليها انا وزوجتى وابنى  
...الزيارات

والفلوس

بيننا وبينها

كانت ست محترمه وكويسه وكريمه جدا ، لما اتوفت وقالوا ان  
رصاص طائش

من صادق بيه وهو بينضف مسدسه

حزنت انا وزوجتى عليها جدا ...وبعد فترة كانت كاميرات  
المراقبه

قدام الفيلا وفمكتب صادق بيه متعطلين  
طلبنا الصيانه وكانت بتحفص كفاءتها للتصوير والمراقبه لحد

امتى

انا كنت موجود

ولما تفحصت مع المهندس الى اتصور بالكاميرا فى اخر فترة قبل

م تعطل

كنت لوحدى، فوجئت بالى حضرتك شوفته فالفيديو

مقتل مدام نهلة ووجود الاستاذ ده الى معرفتش اسمه غير جوه

الفيديو

واسمه طه

وصادق بيه بيقتل متعمد !

صوت وصورة ،شوفت وحسيت ان الدنيا بتلف بيا

احتفظت بالمقطع معرفش ليه

وعدت ايام وايام وشهور ،ضميرى واجعنى لسكوتى عن الحق

بس مش قادر ابليج بالى شوفته ومعايا الدليل

كنت اجبن من انى اواجه الحقيقه دى

لحد م فيوم ابنى تعب ،تعب عادى زى الاطفال

سخونه

راح لدكتور واتنين قالوا السخونه حمى

واتحجز فمستشفى ، ومن تحليل لتحليل

اكتشفوا ان ابنى عنده مرض مناعى نادر ومالوش علاج هنا

موتت وحسيت بضيق الدنيا عليا  
ابنى بيموت ومش عارف اعالجه ،،  
افتكرت ذنبي فحق ميته عمرها من عملت معايا انا وعيلتى غير  
كل طيب

انا ممكن ارد حقها وساكت

اخرس وايدى متكتفه

جريت اعمل الى عليا عشان انقذ ابني واكفر عن ذنبي  
دورت ع رقم الاستاذ طه رغم انى معرفوش والى عرفت انه هو  
زوج الست نهلة

وانها اتطلقت من صادق بيه بس هو مخبي

الحوار كله واضح فالفيديو

معرفتش اوصله ،افتكرت دكتورة حور

ابعتها الفيديو بس افتكرت ان ده والدها وممكن برضو تسكت

او تعمل معايا مشكله

فافتكرت حضرتك ي دكتور يامن ،انت راجل ملتزم ومش هتسكت  
عن الحق

جبت رقمك من المستشفى وبعثتك الفيديو

اتفضل حضرتك اتصرف... انا لحد هنا وعملت الى عليا وريحت  
ضميرى"

فبيت يامن فالمنصورة ،كان بيحكى كل الى حصل معاها

مع مقابله الشاب ده صاحب الفيديو  
ل طه بعد رجوعه من دبي..

طه(عيونه دمعت ع ذكر الى حصل)انا عايز الفيديو ي يامن  
يامن:وانا عاوز زوجتى تبات فحضن ولادى وانهاردة ي طه  
ثم انت ليه صحيح مقولتش انك كنت موجود وقت الحادث

طه(سرحان) عشان كنت مسيرى فيوم هاخذ بتارى منه  
يامن:عاوز تقتله!

طه(بلامبلاه)اقتله او يقتلنى...مش فارق المهم اخذ حقها منه

يامن:هتمشى تانى فسكك غلط؟ انت دلوقت ترجعلى حور  
وتروح تسلم الفيديو للشرطه  
وهى تعمل اللازم  
اظن كده حقك هيرجعك

طه(بابتسامه سخريه)والله! بالبساطة دى

انت مراتك كل الى غابته فترة

لكن انت متظمن انها موجوده وبخير...ومسيرها فيوم

تكون فوسط عيالك وبيتك

ومع ذلك هتجنن ومش عارف ترجعها ازاي

ومش عارف ترجع شغلك ولا تكمل حياتك

او مال انا!

انا غابت كل حياتي ... غابت الانسانيه الى خلتني احس اني راجل  
بجد

واني مش ناقص

الانسانه الى حبتني رغم اني اقل فالمستوى والماده

الانسانه الى عملتي قيمه وعيشتني احلى ايام حياتي

راحت قدام عيني وماتت فحضني ومش راجعه

تفتكر اعمل ايه ي يا من ؟

ترسي ع اني بس اقدم بلاغ بالفديو وهما يتولوا اللازم

او ميتولوش ماهو معاه حصانه

يطلع منها وعادي

اخر حصان ربحان اخسره

لا ي يا من ... هلعب قصاده لآخر نفس فيا

لاخر الجوله ونشوف مين فينا هيكسب

يا من (اتعصب) يبقى تطلع مراتي برة رهانك ، كده حور مالهاش

دعوة ي طه

طه: او مال ايه الى هي جيب صادق لحد عندي ، الفديو!

هي قولى بله واشرب ميته

يا من: متعندش ي طه ... مراتي مش طعم



طه:قولتلك محدش هيمس منها شعره وهترجعك زى الفل  
انا بس عاوزه هو لحد عندي

يامن باصصله ومتضايق  
يامن:انا مش موافق عالي انت بتعمله ده ،مش قانوني

طه:نهلة مرحتش بالقانون  
يامن:ومش هترجع بالي انت ناويله ده

طه: جايز صح هي مش راجعه، لكن ناري هتبرد

يامن:رجع حور لبيتها ،واصطفل انت وهو لحد الان انا مش عاوز  
اخذ اجراء ضدك

طه:مش هتقدر ي يامن

يامن:ليه بقا

طه:عشان مفيش دليل واحد عليا

يامن اتخنق وبص للارض...

طه:متقلّش ... هانت وهتبقى معاك  
وهاخد حقى...

#بقلمى\_نوراسماعيل



داخل جرى المستشفى زى المجنون ، ملهوف يلمحها بس قصاده  
لو حد لمسه هيحس بيه كتله نار معديه...

ايهاب:هى فييبين

ممرضه:حضرتك بتسال عن دكتورة وصال ي كابتن

ايهاب: فييبين دكتورة زفت

ممرضه2: ي كابتن مينفعش ارجوك الصوت

ايهاب:اخالصوا قولوا هى فين بدل م اولع فالمستشفى دى

ممرضه:هى جوه بتعمل سيزريال فاوضه العمليات

ايهاب راح لحد اوضه العمليه،زى الطور الاعمى دخل وسطهم  
وهما متعقمين

وست بتولد قيصرى

مسك وصال بعنف من دراعها

وصال(بخضه)ايه ده!

ايهاب:لولا الى بتولد دى مالهاش ذنب كنت جرجرتك دلوقتى  
خلصى ومستتيكى برة مش هتنقل من مكانى  
يا انا ي انتى ي وصال

خرج ايهاب من اوضه العمليات ،ووصال كملت العمليه متوترة  
من دخله ايهاب وشكله الى باين عليه ناوى عالشر

خلصت العمليه وغيرت وطالعه من الاوضه ،شافها مسكها وشدها  
من دراعها

بمعنى اصح بيجرجرها قصاده

وصال:انت اتجننت بتعمل ايه

ايهاب:قداااامى ....قداااامى عشان معملش فضايح هنا

وصال:هى حصلت الى عامله ده سيب دراعى

ايهاب:يلا (بيزقها وماسكها ونازلين والكل بيبيص عليهم)

وصال:انت خلاص اتجننت رسمى ، اوعى كده

ايهاب(زقها فعربيته وركب الناحية التانيه وهو بيتكلم بعصبيه)  
شغال اتعامل





ي ست ي جاحده (قلم ع وشها) لا بتروحيها ولا بتسالى  
(قلم تانى اصعب ايتدت تنهار وصال)  
البت فين ي وصال (بيضربها)  
لفقتى قضيه ل اية لبيبيه (بيضرب)

اسمعى ... اسمعى ي حته حيوانه  
هتصلى بالست الهانم علوية نشات والدتك تتنازل عن القضية  
وتقول ان اية مسرقتش حاجه  
وحالا تقولى مكان ريم فين لا الا والله هخليكى هنا م يسمع عنك  
الكلاب حتى

بتوسل بالايماه بتوصله وصال يفك كاماه بوقها عاوزة تقول  
حاجه ...

ايهاب: عاوزانى افك كاماته، حتى لو صرختى محدش هنا  
ومحدش هيسمع

وصال بتقوله لا هتقول حاجه

ايهاب: عارفه لو معملتيش حاجه من الى قولتك عليها  
زمان المستشفى بتتكلم ع جرجرتى ليكى قصادهم دلوقت

يعنى بحركه منى اخلى شكك الى طول الوقت محافظه عليه ومش  
شيفالنا غيره ده

اخليه زباله

والله

اعمل منك مسخ وبرضو هحبسك ومش هتشوفى نور الشمس  
وعارفه فين

فالبند ... بلدى هناك سوهاج

والله اخليكى تشتهى تميلى تبوسى رجلى ارجعك حياتك تانى

انا كنت غلطان لما اتعاملت باحترام

وكنت غلطان لما افكرت انك ست محترمه

لكن انتى زودتيهم اوى ... (برجله بقوة فرجلها) اوى

وصال لسه بتترجاه يفك بوقها براسها

ايهاب : هفك بوقك تكلمى الست امك تتنازل ودلوقت وتقولى مكان

ريم

ومسمعش صوتك تانى

فكها وصال دموعها بالمسكرة مهيب ومبوظ وشها غير تورم  
خدودها من الضرب

وصال: شايف ان دى رجوله (بتعب)

ايهاب:وانتى مين يتعامل برجوله وياكى ...انتى تاخدى بالجزمة  
وده تمامك

وصال: طيب ...طيب هقول لماما تتنازل ويمشوا اية

وهقولك ع مكان ريم

لكن هى مش فحضانتك ...المحكمة حكمتلى انا

ايهاب(عارف الحقيقه بس مش مبين)اسمعى هى كلمه واحده

البنيت هتكون معايا لأنك مش ام ومش هتحافضى عليها

وصال: المحكمة والقانون فصى ،مش هخفيها عنك ووقت م

تحب تشوفها شوفها

لكن مش هسيبهاك ي ايهاب

كفايه...انت كده خدت كل حاجه

ايهاب:مالكيش دعوة اخذ ولا لا،قال يعنى تفرق معاكى

انتى بس عاوزة تحرمينى منها عشان تقرفينى انا فحياتى

لكن هى متفرقش وياكى

والينت هتكون معايا

وصال سكتت تفكر وبعدين بصتله بتعب



وصال: ريم هتنازلك عن حضانتها بشرط وحيد ومش هتخلي عنه

ايهاب: كمان بتشرطي

وصال: لانه حقي وهتنازل عنه ،يبقى لازم مقابل

ايهاب: ايه هو ي هانم ... اشجيني ي دكتورة

وصال: تطلقها.... بالتلاته!

وساعتها هتنازل عن ريم ... وده شرطي الوحيد

اما بالنسبة للقضية ومعرفة مكان ريم

فانا هعملك كل ده لاني اساسا قرفت وتعبت من كل ده

وانتو لخبطولي حياتي جدا وعملتولي خلخله

وانا نفسي عاوزة استقر بقا

وبالنسبة لك فكر... بنتك ولاهي!؟

#بقلمي\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

"قول نكته بدل م الجو ساكت كده "

مارسلينو: شايفني فقرة عزب شو بروح امك يا ض

حسين: طب بتغلط ليه احنا قاعدين سوا والجو مهسك

مارسلينو:الجو ماله ؟

حسين:مهسك

مارسلينو:دى منوفى دى

حسين:لا اسيوطى

مارسلينو:عيل فاقد ورمة ...ممم طب تعالى اقولك نكته

افتكرتها

فمرة واحد قاعد سرحان ومعاه حبييته

بتقوله مالك ي حبيبي

قالها مفيش عندى مشكله كده فالشغل

قالتله ي حبيبي مش اتفقنا نقول احنا ...مشكلتنا..شغلنا احنا واحد

ومع بعض

راح قالها حاضر

سكرتيرتنا حامل مننا

حسين بااصله ومبلم:كده خلصت ؟

مارسلينو :اه خلصت

حسين بيضحك

مارسلينو:ياض عبيط حتى فالنكت ، بقولك حاجه هزار تتفهم ع

طول مستنى تعرف خلصت ولالا

عشان تضحك



حسين: طب بص ، تعالى نعمل اكل  
مارسليينو: عامل دايت وادي طور انت  
حسين: ماهو هنعمل اكل من بتاعك واكل معاك اكل دايت

مارسليينو: وادي دماغى فالحيط عشان ترتاح اهو  
حسين :استنى بس ، بحاول افكك ي سينوم احنا قاعدين وحدنا  
طيب نجرى الوقت

مارسليينو: اسحب وقوم نام ومترهقنيش اكثر مانا زهقان  
حسين: طب تعالى نرعى فاي رعى ، بكرة هوحشك لما تمشى من  
هنا  
وتقول فينك ي حسين

مارسليينو: لا مش هقول  
حسين: مش مهم ، انت صحيح هتبقى اب تانى قريب  
مارسليينو: اه ياخويا  
حسين: بتحب مراتك طيب  
مارسليينو: ليه السؤال ، ايه لزمته ي بارد ي كومة تراب  
حسين: والله بسال عادى  
مارسليينو: اه بحبها ... هديت اتبطينت

حسين:طب انا نفسي احب واتجوز زى كده واعيش حياه سعيده  
كده زيكم

مارسلينو:حياة مين الى سعيدة ي اعمى ،انت حمار ياض ولا  
بنف

سعيدة ماتت منتحرة بعد جملتك دى

حسين:ليه بس ياعم بتقول كده

مارسلينو: مين فينا حياته سعيده ،ايهاب الى ياروحى متقطع بين  
النتييه

وليامن الى مراته بخ ع كده مش هيشوفها تانى ليوم التلات  
الجاي

ولاطه الى مراته مش بخ ،اخترعوا عشانها البخ واتتيحت فالسما  
فوق

وعايش ومش عايش وعاملنا فيها عمرو دياب باسلوب درامى  
ولا تقصد جهاد الى غطس غطسه فمصر ومرجعش لدلوقت  
وشكله

دب خناقه مع سواق تاكس وهو رايح مشوار

حطه تحت العجل ولبس قضيه وقتى!

مين فينا حياته سعيدة

حسين:انت عارف عنهم كلهم كل حاجه ي دوده(بيغمزله) انت ي  
نمس عايش حياه فل



مارسلينو: قوم ي حسين اعملنا بيض ،ماهو انت مبتشتريش الا  
بيض

وانت الى يعرفك ع حقيقتك يلاقيك بيضه اصلا

حسين: طب بقولك ايه عندي اقتراح ،تعالى نخرج

مارسلينو: نروح فين

حسين: نلف حوالين الفيلا ونرجع

مارسلينو بص له جامد وبعدين عمل نفسه طب ساكت

حسين(بيهز فيه) مارسلينو...سينووو انت مومت ولا ايه

هتسبونى كلكم وحدى كده

خلاص اخرج وحدى بقا

قام حسين واتعدل مارسلينو وتف ناحيه ماهو ماشى

بطريقه تضحك..

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

طه واقف بيبس قدام المرايا

وبيبص عالصورة الى علقها عالحيط ل نهلة ، دخلت اسماء اخته

شايه بنتها

اسماء: الله اكبر، حاسه انك عريس ليه كده

طه: نازل ع مشوار مهم اوى ي اسماء

اسماء: هتقابل ناس مهمة يعنى

طه: هقابل واحد مهم جدا ،وممكن يوصلنى لحد بقالى كثير

مشوفتوش

وهموت واقابله

اسماء: ربنا يبسرلك الامور يارب ي حبيب اختك

طه: يارب

باس بنت اخته ومشى ،خرج من بيته رايح عالمكان الى اتفق

عليه

هو وصادق

وصل لهنالك ...وشوية ووصل صادق

صادق: فين حور ،انا فيلمك الهندي ده استحملته عشان بنتى

لو فاكر انك تعملى كمين وتخلينى اعترف

تبقى اهل فين البنت

طه: طيب مش تقعد ونرحب ببعض الاول احنا لسه اتكلمنا ياباشا

وبعدين اعمل كمين ليه عندك حق ده فيلم هندي ووحش كمان



صادق: احنا لابينا سلام ولا كلام ،فين بنتى  
طه: بنتك موجوده ..بس اقع الاول عاوز اقولك كلمتين

\*قع صادق\*

طه:تعرف ان نهلة جاتنى فحلم مرة وزارتنى...وقالتلى ي طه  
انا حقى هيجى لحد عندك  
وقتها مفهمتش  
بس بصراحه مستنتش ييجى حقها لحد عندى  
لكن لو كنت استنتيت كان فعلا وصلنى

صادق:انا مش فاهم منك حاجه ...م تخلصنى انا عاوز اشوف  
حور بخير  
مش فاضى لمهاتراتك دى

طه:معلش بس استحملنى،عارف انك جاى هنا ع مضد  
ومخنوق بس اعذرنى  
انا ده طلبى الوحيد وعشانه اخدت الدكتوراة  
انى اقبلك

صادق:خلصنى

طه:عارف حقها جه لحد عندى ازای ...فيديو ليوم الحادته

وانت بتطلع مسدسك

وبتتوعد بقتلى

فبتيجى فيها(عمل بايدى مسدس بيضرب) فماتت هى!

صوت وصورة

صادق(اتخض)وصلك ازای الفيديو ده ووازای اصلا كان ليا

تسجيل

صوت وصورة

اتكلم

طه:مش مهم وصل ازای،المهم انا عملت ايه بيه

انا ي صادق بيه قدمته للبوليس هما بقا يصطفلوا معاك

اظن المرة دى مش هتقلت بانه عيار طایش ولا حاجه

المرة دى كل حاجه قدام عينهم صوت وصورة

صادق:هى وصلت ي كلب انت (رايح يضربه)

طه:اهدى وهدى نفسك ياباشا ...يعنى تموت مراتى وتحرمنى

منها

وقبلها بتتوعد ليا انا القتل

وتعيش عادى كده واحنا نموت ملعون الى جابونا!

مش كل واحد ياخذ حقه ولا ايه

صادق: عمرى م قصدتها هى، كنت عاوز اخلص منك انت نهائى  
وارتاح  
من وجودك المزعج فحياتى  
بس...

طه: بس قتلتها هى صح ،كويس عشان كده انا اتصرفت  
نفس تصرفك  
انا برضو لو عليا اقتلك  
بس غصب عنى حبيت احرق قلبك بزيادة زى م حرقت قلبى  
وعيشتنى من غيرها  
انى اخليك محروم ياقى عمرك من فلذه كبذك  
الدكتورة حور  
غصب عنى مقصدهاش...قتلتها

صادق (بجنان)مسك طه من ياقته،بتقول ايه!

طه: ماتت ...كان لازم تدوق عذابى  
قولت اقتلك بس حسيت انى هريحك  
وانا مش عاوزك ترتاح

بيطلع صادق مسدسه بجنون الصدمه من جيبه وبيصوبه ع طه  
،كمين البوليس فعلا ظهوروا وبيقبضوا عليه فلتت رصاصه منه  
وضربها وصلت طه ... ووقع عالارض  
وصادق اتاخذ عال بوكس .. وفايده الكلبشات خلاص كده جريمته  
الاولى كامله  
ودلايلها كتير وجريمته التانيه  
تعمد قتل طه ...

#بقلمى\_ نور اسماعيل



"الست ام محمد !!!"

ام محمد جهاد : هتدخلونا ي ست ام الاء ولا نرجع

ساب ايدها محمد الصغير ودخل جرى ع مامته جوه اول م شافها

ام الاء: لاء طبعاً اتفضلوا

دخلوا هند وشايله ابنها وعمتها وام محمد سلموا ع الاء ومنها ع  
اوضة الصالون

وقعدوا

جابت ام الاء واجب الضيف وقعدت وياهم

ام محمد جهاد: اسمعى ياست ام الاء ، احنا لا هنتعاب ولانفتح  
فجروح قديمه

محمد ابني مخطفش ابنه

هو جه يقولنا انه مخلف من اسم النبي حارصها الاء ومكناش  
نعرف

لكن هو كان هيرحعهولها

هند : بعد اذنك ياماما هتكلم بس ، بصى ي طنط

محمد اخويا غلط زمان فحق الاء

وعرف غلطته

الاء: مش هو لوحده الى غلط ي هند

هند: واحنا كمان ي الاء ... انا وعمتى ضايقتاكي وجرحناكي كتير

دلوقت فيه وضع عاوز يتصلح

انتو لسه بتحبوا بعض وبينكم طفل

العمة: ومستحيل الواد يتربي بعيد عننا احنا اهله (غمزتها هند)

قصدي

يعنى نلم الشامى عالمغربي ولو ز علانه مننا  
فهو حقك (عاصرة ع نفسها لمونه) احنا محقوقين لك  
وغلطانين فحقك وجايين نطيب بخاطرك

الاء: بعد كام سنه ي طنط جايين تطيبوا بخاطرى

ام الاء: م خلاص ي الاء ي بنتى ، الناس جم لحد هنا وقبلهم  
محمد

وكمان ع راى الست ام محمد  
بلاش نفتح فجروح قديمه

الاء بصت للارض وتابعت ام محمد جهاد كلامها

ام محمد: الى تومرى بيه ي الاء هنعمله، شقه هتتفرشك من  
مجاميعه

عاوزه نعملك فرح نعملوك

بس نهدي الموضوع عشان حاطر ابنكم ، وكمان انتو لسه بتحبوا  
بعض

هند: عاوزين نرجع المية لمجاريها ي الاء ، محمد مرتاحش  
فجوازه

ومخلفش ، رضوى بنت خالتي بنت كويسه ومش فيها حاجه

بس هما كده

مش متركبين ع بعض

ومش مرتاحين سوا

ام الاء:طيب لو الاء وافقت..موقف مراته ايه

ام محمد:رضوى طلبت الطلاق(بحزن)ومحمد وافق عشان ينفذ  
رغبتها

البت مشوفناش منها حاجه

ودى رغبتها ...نصيبيهم وقف لحد هنا

العمة:ها ي الاء ...ولا اقولك ي لؤلؤ زى م كان بيقولك محمد  
فاكره

\*بيضحكوا عاوزين يلطفوا الجو\*

الاء:وانتو بقا عرفتوا انكم غلظتوا فحقى كده مرة واحده ولا لما  
اكتشفتوا ان لكم

ولد من لحمكم منى

العمة بصت لام محمد ومصمست شفايفها وهند اتكلمت

هند: محمد ي الاء يوم م رجعلنا بالولد قال كل الى فقلبه لينا  
واشتكى من كل الى مخبيه والى وصلكم لكده وكنا فيه سبب  
واحنا بصراحه يمكن لما اتواحنا وشوفنا حالته  
قررنا بقا نصلح الى باظ بايدنا

ام محمد: محمد لسه بيحبك ي الاء وربنا العالم جه عمل ايه فينا  
عشانك

الاء: غريبة...مخدش الموقف ده من زمان ليه

ام الاء: م خلاص ي الاء ...من حالك البيت رمى الحق عليك

سكتوا وباصين لها وهى حاضنه ابنها عالكرسي المتحرك

ام محمد :هاه...نفرح بقا ونبتدى فالتجهيزات ي عروسه

الاء سكتت شويه وبعدين اتكلمت

الاء: انا متشكرة لمجيتكم وانكم رجعتوا ابني بس (لمحت رجاء  
فعيون امها توافق)



سيبوني افكر لو سمحتوا

هما سكتوا وعمة محمد اتخنتت من الاء بس كتمت جواها، اخدوا  
قعدتهم وقاموا  
وسابوا لاء القرار ...

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

ريم بنت ايهاب ...

اتعرف مكانها وشافها وخدها فاحضانة شوق ولهفه ، ليله م  
عرفت وصال

بجواز ايهاب ودتها الساحل الشمالى عند ناس قرايبهم

تراعيها بيبي سيتر عند ولادهم من تانزانيا

وكانت بتظمن بس بالفون ، راح وجابها وفضلت يوم وياه وبعدها  
بقت مع وصال زى م قال القانون

اماعن قضية اية

فتنازلت السيدة علوية نشات عنها وقت م وضحت انه سوء تفاهم  
وان العقد بتاعها موجود وان الى لاقوه عيره مش الماس ومش  
بتاعها وده كان خدعه من وصال

عشان تعرف تطلعها تانى يعنى كانت قرصة وذن

اما عن شارع واهل اية فعرفتهم الحقيقه ان كان فيه سوء تفاهم  
وفرقت شربات عشان تعرف

ترفع راسها من تانى وسطهم...

لكن شرط وصال الوحيد فانها تتنازل عن حضانه ريم  
هى انها تشوف ورقه طلاق ايه وانه يطلقها بالتلاته  
الغريب ان ايهاب بي فكر فالوقت الى اية حسمت امرها

اية(بدموع)هتطلقنى ي ايهاب

ايهاب:لاي اية مستحيل،ايةانت هعرف احلها بعيد عن اننا نتفرق  
اية:بنتك مش هكون السبب انك تتحرم منها  
انا السبب كنت فوجع كثير لك وقلق

ايهاب:مين فينا الى تعب التانى ،انا الى تعبتك ي حبيبتي(مسك  
كفوف ايدها يبوسهم)

اية انا عارف انى بسببى اتعذبتى وخوفتى واتقهرتى  
وانك سمعتى كلام عمرك م كنتى هتسمعيه من واحده وضيعه  
وانك اتحملتى الى لايحتمل بس انا بحبك ومقدرش استغنى عنك  
ي اية

اية:ابوس ايدك ي ايهاب طلقنى ...ضناك ي ايهاب انا عارفه انك  
تعبان بحكم المحكمه انك تشوفها مرة فالشهر  
وتفضل مع وصال متطمئنش عليها

لاي ايهاب...سيبنى ي ايهاب(نزلت ع رجله تبوسها) ونزل وياها  
حاضنها

لاول مرة بيكوا سوا

ايهاب:حبيبي ...الى بتطلبية صعب عمرى م هنولها مرادها

هى قاهرها انى فضلتك عليها

اية:انا تعبت صراعات وحسابات ،تعبت تلطيش ي ايهاب

بالله عليك نفذ طلبها خليها تتنازل عن بنتك

وافضل فحالى بقا والله تعبت(بتعيط)

ايهاب: يعنى خلاص مش عاوزانى ي اية...خلاص

اية:عايزة ليك الراحه ي ايهاب ...وصدقنى انا كمان هرتاح

ايهاب:هترتاحى بعيد عنى ؟

ودت وشها بعيد

اية:بالله عليك تطلقنى

ايهاب:اية...

اية:طلقنى ووريها ورقه طلاقنا عشان تتنازل،بالله م تصعبها اكثر

من كده

سكتوا وهو باوصلها وهي مغمضة عيونها  
ايهاب: هنفكر لها فحل تانى، هجرجرها واكتفها تانى هولع فيها  
بس مش هسيبك

هخليها تمضى تنازل غصب عنها  
هعملها رعب فحياتها  
بس مش هتخلى عنك

اية(بانهيار)كفايه بقا، انا كنت بعيده عن كل وجع القلب ده  
كنت فحالى بربي بنات اختى وكفايه خيرى شرى  
مالى انا بكل ده وعلياب ايه  
طلقتى ابوس ايدك  
انا تعبت كلام وتوسلات

ايهاب حس فعلا انها مش عاوزاه وانها تعبت من كل الى دخلها  
فيه

ايهاب: زى م انتى عاوزة ي اية... انتى

(سكت كثير) انتى طالق !

مشى وسابها وقعدت مكانها تعيط كثير مفيش حاجه موقفاها

والكلمة بتتردد فودانها وخلص كده انتهت علاقتهم للابد  
بكلمة وورقة ...

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

ع طرف السرير  
من جهة قاعد يامن ومن جهة تانيه قاعده حور مديين ضهرهم  
لبعض..

حور : مدفعتش عنى ، صاحبك اخدنى وبهدلنى وبعدنى عن  
ولادى

ووقفت محلك سر

انا مش عارفه هحس بامان ازاي معاك من تانى

يامن: انا بعد كل ده وقفت محلى سرا! (قام وبص لها)

بعد كل ده

عالعموم انا مش منتظر منك تصفيق لان ده واجبي بس مكنتش  
متوقع تهمشيه

حور: كنت اول م عرفت انه واحدنى كنت بلغت عنه

يامن:مكاش فيه دلايل ي حور ، مكاش فيه  
انا عملت كل سبيل ممكن لتخليصك  
ثم بتلوميني ليه ووالدك السبب فكل الى اتخطيتي فيه  
انا الى اكتشفت ان زوجتي ممكن تسكت عن الحق ومتعملش  
بدينها لمجرد  
ان المخطئ ابوها  
عرفتي انه قتل طليقته متعمد من قبل م تشوفى الفيديو  
ومع ذلك كنتى هتسكتى لولا الى حصل  
مين فينا الى اكتشف ان معاه حد تانى ومش حاسسله بامان

حور:انت كنت عاوز ابلغ عن بابا  
يامن:من عدل ربنا، ومن المفروض عليكى من ست ربك  
زى بنتها لحد م اتجوزتى انك ميهونش عليكى دمها يروح هدر  
لمجرد انه ابوكى  
فين الالتزام ي حور..وفين التدين  
بتحيدى عن الدين بالعاطفه والدم  
شرع ربنا ميعرفش كده

حور:تروح مساعد الحرامى الى خطفنى وكمان تثبت دليل ع بابا  
عشان يتحبس

يامن:كنت عاوز اخلصك منه من غير اذى وانك مش انتى الى  
هتجيبى حق مراته

وبعدين مستحيل اشوف حق واسكت عنه

حور:ده جد ولادك ، عاوز نعيش بوصمه عار ان بابا قاتل

يامن:مش احسن من عذاب الضمير ي حور وعذاب ربنا فالآخره

حور:يامن...الطريق بينا اتسد بعد م بابا اتحبس

بسببك وبعد بهدلتى وسكوتك وانى احس انى مش فارقه معاك

لازم ناخد هدنه من بعض..او بريك فترة كبيرة

نشوف هنقدر نكمل مع بعض ولا خلاص كده

يامن:انتى عاوزانا نسيب بعض

حور:هنفكر بهدوء كل واحد لوحده ، ي ترى ده بجد الشخص الى  
ينفع

نكمل وياه ولالا

هروح بعد اذنك بيت بابا فالاقصر ومعايا ولادى

ووقت م تحب تشوفهم طبعاً

لانك هتفضل باباهم

وبعد م نوصل لقرار ياريت نبليغ بعض ...


قامت تحضر شنتطتها وسابت يامن فعلا حاسس ان لتانى مرة  
بيخطئ فقرار

ولا عندها حق

سابتة محتار ومضطر يوافق عالهدنه، هي الحل الوحيد

♡♡♡♡♡♡♡♡♡♡♡♡♡♡♡♡♡♡

#بقلمى\_نوراسماعيل



فعبادة دكتورة باطنى وقاولون ، كانت اية بتكشف .  
بقالها فترة تعبانه وحاسه بخمول وهزلانه ، فقالت اكيد قاولون  
او اى شئ، فحبت تظمن..

الدكتورة:متزوجه بي اية ؟

اية (بحزن)كنت ...مطلقه

الدكتورة:مطلقه من امتى كده

اية :من فترة بسيطه ...



الدكتورة :طيب قومي

قامت وقعدت عند مكتب الدكتورة

الدكتورة:مفيش اى مشاكل فالقاولون ولا مشكلة باطنيه من  
اساسه

اية:اومال التعب الى انا فيه ده ايه

الدكتورة: واضح كده انه ..حمل!

اية اتخضت :حمل ! دكتورة انا سنى كبير وواتعرضت ل(افتكرت  
الضرب فالحجز) يعنى اتعرضت

لحاجه عملتلى اجهاد جامد

اكيد مش حمل

الدكتورة:لاهو واضح كده انه حمل ،انا سمعت النبض فالسماعه  
ده واضح جدا

ولازم تروحي تتابعى مع دكتورة نسا وتوليد وتاكذلك

اية:(باندهاش)بس ازاي،هى غابت بقالها فترة بس انا اتعرضت  
لضغط

نفسى فترة قولت عشان كده

الدكتورة :مفيش شئ عند ربنا بنقوله ازاي،ومش حكاية سن او  
اجهاد اتعرضتيله

دى مشينه ربنا

حتى لو بتفكرى ع انك مطلقه ،فجايز انه يكون ده الوصل من  
تانى

اية خارجه من عند الدكتورة دماغها بتلف ، فنفس اليوم راحت  
لدكتورة نسا وتوليد

فنفس البرج الى كشفت فيه .

واتاكدت ...انه حمل فعلا وف3شهور وسليم وكويس ومحصلش  
له اى شئ

حكمة ربنا بقا!

كانت فرحانه اوى،اخيرا الايام حنت عليها

اخيرا فيه حاجه تفرح من حيث لاتحتسب ،فيه عوض من ايهاب

فيه حاجه منها هتفضل وياها ومش هتتخلى عنها ابدًا

فيه حتة منه لسه محدش يقدر يقطعها..

ايهاب ...اخيرا حصل ع تنازل رسمى لحضانه ريم بنته وبقت  
فحضانتها

الفيلا نورت بيها من تانى

لكن حياته ضلمت من بعد اية ،كل يوم بيتظمن عليها

كل يوم بيكلمها

حتى لو حاسس انها عاوزة تبعد وتقطع كل حاجة كانت بينهم  
حين قلبه زى ماهو ،متصل ..

ايهاب: كنت رنيت اكثر من مرة ومردتيش،فقلقت  
اية:(قلبها بيدق لسه زى م تكون اول مرة) كنت برة فمسمعتش  
معلش

ايهاب(حاضن ريم) عامله ايه  
اية (بتمشى ايدها ع بطنها) الحمدلله ،ريم عامله ايه وانت  
ايهاب:وحشتيني اوى ي اية  
اية شالت الفون من ع ودنها وفضلت تبوس فيه بعيون دامعه  
ورجعت حطته ع ودنها تانى  
اية:بخير طول م انت بخير

ايهاب(بتعب)وفينها الراحه فالبعد عنك  
اية سكتت كل مرة بيوحشها كده بس بتسكت وحاسه بتعبه وهو  
بعيد عنها،لان نارها هى اكبر  
اية:تعبان حتى ومعاك ريم وفحضنك

ايهاب:الراحه بالنسبه لى انتو الاتنين

اية سكتت فحب يتابع كلامه عشان ماتسكتش ويسمع كلامها اكثر  
وصوتها

ايهاب: صحيح بالمناسبة ،كنا امبارح فالنادى انا وريم ونزلنا  
البيسين  
وقالتلى بابي  
فيك واوا

اية(بخضه)يانهار ابيض متعور  
ايهاب:(ابتسم) مانا هقولك اهو ،بقولها فين ي ريما قالتلى قال  
ضهرك  
طلعت ويبص فمرايه  
لاقيت فعلا فيه خربشه قديمه بس عامله علامه  
(بيضحك وهى ضحكت)

اية:ااااه  
ايهاب:ااه افكرناها صح ،نفسى اعرف بتبقى ليه شرس مع ان  
ميبانش  
عليك شراسه  
اية: (قلبها اتخطف) بس بقا ي ايهاب

ايهاب:ا بس ايه طيب انتى وحشانتى اوى

اية(بتغير الموضوع)انا هقفل باخد دوا بيخلينى عاوزة انام كده  
عن اذنك



بقیت واعیه وفاهمه اکثر وندمانه ع کل حاجه غلط حصلت قبل  
کده

نوران: بس حاسه ان حالتک النفسیه کده احسن بکتیر ، یعنی مش  
متضایقه عشان انفصلتی انتی ومحمد

رضوی: مکنتش مبسوطه ولاز علانه ، حاجه کده عادیه

حتی محمد طلع کویس للاخر معایا

وصی بابا یتعامل معایا کویس واننا انفصلنا مش لعیب فیا

بس عشان هیرجع لمراته القدیمه

نوران: طب قولیلی ایه اخبارهم هنا ویاکی

رضوی: مش عارفه حاسه انی صعبانه ع بابا وطنظ ناهد

بیتعاملوا بحب معایا

ووافق بابا انی ارحع اکمل دراسه واعمل تمهیدی

اخی حاجه تشغنی وتملی وقتی من اول السنه ان شاء الله

نوران: فرحانه بالتغییر ده ی رضوی ؛ وفرحانه بیکی اکثر

ویارب یسعد قلبک ویدیکی قدام کل لحظه تعبتی فیها فرح وسعاده

یارب

حضنتها رضوی بحب او ی وابتسمت



الاء وافقت عالرجوع،ظاهريا عشان ابنها ولخاطر مامتها والناس  
الى اترجوها

ومحمد

وداخلها عشان فعلا وحشها ولسه بتحبه وعاوزاه ،بس كبرياء  
الانثى...

كتبوا الكتاب من جديد ، واتفرشت الشقه من جديد

ورجعت الاء ل جهاد عروسه من تانى !

الفرحه بدات ترجع لقلبها حتة ورا حتة، فكل مرة محمد بتعامله  
وياها بيثبت ندمه

وبيثبت انهم رجعوا عشان هو لسه بيحبها ومشالهاش من قلبه  
ابدا من يوم م حبها.

وبندم وتغيير معاملة اهله الجذرى لها،رجعت بكرامتها مرفوعه  
الراس من تانى..

المنبه بيرن ،الاء نايمه ونايم ع صدرها محمد جهاد وفارد دراعه  
بتفوق من المنبه وبتشيل دماغه بالراحه

الاء:جهاد...جهجهوتى

محمد جهاد:مممم

الاء:جهجهوتى قوم يلا ميعاد الرحله بتاعتك ،يلا حياتى





ودخل الحمام

خد دش واكل وبيلبس وواخد شنطته ونازل عشان يلحق طيارته  
ع دبي..

راحت لحد عنده بالكرسي ومحمد ابنهم تحت بقا كل حياه جدته  
وعمة محمد

جهاد ..وكمان هما فحكم العرسان..

الاء: هتوحشني يا

محمد جهاد: قلب ال ياا ... عيون ال ياا

بقولك ايه يابت م احطك فشنته واخذك معايا

الاء: بطل هزار ويلا ... لا اله الا الله ي جهجوهتي

محمد جهاد(بعثها بوسه فالهوا) محمد رسول الله ي روح  
جهجوهتك

اول مرة اروح العن السفريه ..

دخلت الاء وهي بتضحك على كلامه ، بصت لشقتها

الى بيضت حيطانها زمان وياه

لصورتهم الجديده سوا فكتب كتابهم اتنين حبيبه

اتنين عشاق ،داقوا مرار البعد وتمسكين ببعض

لاخر نفس بعد الرجوع

وهى بتبص حوالها هتعمل ايه ،خبط الباب قالت اكيد محمد ابنها  
طالع

فتحت لاقته محمد جهاد تانى

محمد جهاد(بيبوسها كتير كتير ) مش عاوز امشى والمصحف  
الشريف

الاء: يالا ااهوى عالدلع ،يابنى الطيارة تفوتك

محمد جهاد:مش مهم اروحلهم ع حمار

الاء:ي جهاد يلا ،وانا قاعده هنا مستنياك

محمد جهاد باوصلها اوى

الاء:ايه ي واد ؟

محمد جهاد: قولى مستنياك تانى لحسن من يوم رجوعنا وانا

حاسس

انه حلم

الاء(مشيت بالكرسى له وشدته من طرف قميصه نزلها وقالت  
بدلع)قاعده

هنا وع قلبك متربعه ومستنيه ومش ماشيه ي حماده

محمد جهاد(بيقلع البليزر) ابو ام حماده ع السفر عالنادى

الاء(بتضحك اوى) لالا لالا ده جنان امشى ياض من هنا هنرش ميه

اخلاص

محمد جهاد: ربنا عالمفتری ...و یصبرنی  
(بیبعت بوس فالهوا ) با ی ی حتہ من قلبی  
با ی یا حتہ من عینی  
اول م اوصل هیعتک ،وانتی تبعتی وتتصوریلی فکل الاوضاع

الاء:ههه یاالا یامجنون

مشی جهاد والاء مبسوطه وقلبها طایر، رجعت بیتها ملکه و متاکده  
من حب امیرها  
لیها

حتی لو فیہ عیوب...مميزاته تغطی وتخليها تشتريه العمر كله  
م دام فیہ انه يتصلح وهی تتصلح  
عشان حیاتهم وحبهم یستمروا...

#بقلمی\_نوراسماعیل



لابس حامل لدراعه لان مبيقدش يحركه بسبب الطلقه  
الى اخدها فكتفه اليمين..

اتعالج وخف ، وخرج من المستشفى معافى  
بدعوات والدته واخواته مالهمش غيره...  
طه

طول ماهو فالبنج مكانش بيقول اسم غير اسم نهلة، كانت روحها  
بتنهف حواليه وبتراقبه  
بابتسامه

كان طول ماهو فاقد الوعي شايفها مبسوطه ...

قام وفاق واتعافى وبقا يتحرك ،شغله عرفوا انه مريض وملازم  
الفراش

صور ورق حجزه فالمستشفى وبعته وقبلوه  
اول مكان راحه بعد م فاق ...مدفن نهله...!

طه قاعد قصاده ومربع عالارض ،بعد م حظ باقه ورد نوع كانت  
بتحبه جدا

وفسيل نخل

فوق قبرها...قرالها الفاتحة والى اتيسر من القران  
وصدق،وبدا يحكى وياها...

طه:حقك جه ي حبيبتى ، جه ي حبيبة طه  
جه ي غاليه

صادق اتسجن ...لسه فيه عدل فالبلد

لسه الناس بتعرف تفرق بين الحق والباطل

اتسجن وعمره م هيطلع ، ي يتعدم ي ياخذ مؤبد

ويقضى طول عمره كده

ككان نفسي طلقته تاخذ روحى عشان اجيلك

استفزيته عشان يقتلنى زى م كان عاوز

بس حكمة ربنا انى برضو افضل عايش وفالمرتين افلت من

رصاص

صادق

\*كان شايف كان روحها قاعده قصاده باخر لبس كانت لابساه  
ومبتسمه وسامعاه\*

طه: اخيرا ...قلبي ارتاح عليكى

هفضل عايش عشانك لحد م اجيلك

(دمع) ماهو ي تطلعى ي انزلك

وطالما مش هتطلعى....بدعى ربنا كل يوم انزلك قريب

ارتاحى فمكانك ي اغلى الناس وخلقى روحك ترتاح

ومتقلقيش عليا ... انا محتفظ بالى باقى من روحى عشان اهلى  
وان شاء الله هعمل صدقه جاريه ع روحك يمكن يكون فيها  
المغفرة ليكى عند رب العالمين

(افتكر لما كانت بتقوله اتحجبت وبقيت اقرا قران واصلى عشان  
ربنا يسامحنى ع اى شئ فات ، فعلا دمع كانه بيبيكى وقام من  
عالارض)

طه :مش هنساکى ...ربنا يريحنى بمجيتى عندك قريب  
يارب

(باس شاهد قبرها ونفض هدومه وخرج برة المدفن )

بص على القبر وعمل سلام وهو متأثر ومشى ،يرجع لحياته  
نص مرتاح ان الحق رجع  
وهيرتاح خالص لما يروح عندها لانه شايف انه حياته كده  
مؤقتة وحياته معاها ابدية  
بيدعى تكون فالجنة ويرزقه بالجنة هو كمان عشان يشوفها  
وتكون معاها ...

#بقلمى\_نوراسماعيل



مارسليانو..

عقدته فالشركه ك احد ممثلى العلاقات العامه وبينوب عنهم ف  
دبي

انتهى ...

ودع زمائل عشره سكنه ف دبي يامن ،ايهاب،طه،محمد جهاد  
وحسين ونزل ع استقرار لمصر..

بقا مع لينزى طول الوقت من بعد يوم شغله العادى ،متفرغ لها  
ول البيبي الى جاى  
مارسليانو فعلا اتغير بقا البيت ومراته والى جاى فالسكه  
هما كل حياته..

اما عن اخبار الدايت والتمارين ،فمارسليانو  
شد حيله جدا وكانت عزيمته قويه وارادته من فولاذ  
نزل 35 كيلو !!!

بقا جسمه اظبط كتير عن الاول،بانته وسامه وشه  
مبقاش تعبان ومنهك زى الاول  
بقا يدب فيه النشاط طول الوقت..

مارسليانو:لوووز ...

لينزى:ايوة ي سكر



مارسلينو: اخلصى ي حب فيومك عاوزين نلحق الفيلم

لينزى: انا جهزت اهو

مارسلينو: ايوه بقا والجيبه ضيقه، احلى كو عبيرة شوفتها فحياتى

لينزى بتضحك

مارسلينو: ايه الحامل السكاموز دى ،بس بصراحه ي حبي

ومتز عيش

لينزى: قول ي قلبي

مارسلينو: مناخيرك فرطحت

لينزى (وشها عمل ايموجى قرف) مش عشان شايله المزغود ابناك

مارسلينو: اوام ز غدتيه قبل م ييجى

لينزى: اعمل ايه مستحمله علاج و عيادات ومستشفيات وكمان

بتتريق

ع شكلى بعد الحمل

مارسلينو: اقول الحق ولا اكذب

لينزى: لا اكذب وخلينى احبك وخليك راجل حنتل مش عنخ

مارسلينو: عنخ! عنخ ي فردة باتا شمال ملعوب بيها 22 ماتش

طب يلا عشان متاخرش

بس بجد

موزة موزة...

لينزى (انبسطت) بجد بهرتك

مارسلينو: ده انا ياما بشوف معاكى انبهارات ، فستان وكولون  
وشعر

اه صح ي حبي شعرك موقعش يعنى

لينزى (ارتبكت) اص... اصل باخد حجات تثبته

مارسلينو: ايه باخد حجات تثبته ده بتبلى عشانه غراء يعنى؟

لينزى: ايه ي لينو

مارسلينو: ايه ي لينو ايه ، الكيماوى معروف بينزل الشعر

وانتى شعرك زى ماهو

وبسم الصليب وشك منور والدمويه راده فوشك وتختى وبكظتى

ده عيانه بكانسر ولا باللوز

لينزى (بتلعثم) ايه... ربنا موجود ي اخى ومعايا

مارسلينو: موجود ومعايا، انا من ساعة م جيت لاشايفاك بتاخذى

جلسات كيماوى ولا بتروحي مستشفيات ولا فيه نغز ابر

فدراعاتك

ولا لابسه التربون الى قرفنى فعيشتى كنتى بتلبسيه فالفيديو

لما اكلمك وتقوليلى محبش تشوفنى صلعاء ي سينو

واقولك الانثى صلعاء ي لوووز  
فين الكلام ده

لينزى: لينو عاوز ايه  
مارسلىنو: العب باليه ...قولى بطلتى تتعالجى ولا متعالجتيش اصلا  
وضحكى عليا  
يعنى انا عملت بالتحدى وانتى لا

سحب عصايه ضرب الدبان وبيجرى وراها

لينزى: اصبر بس عشان بطنى ...حفهك مش كده  
مارسلىنو: او مال  
لينزى: انا فعلا كشفت وحللت وعملت اشعات والمسيح الحى  
مكدبتش عليك

مارسلىنو: وبعدين  
لينزى: التحايل قالت ااا...قالت  
مارسلىنو: قالتلى قول حبتها ولا محبتهاش مردتش ارد ،انجزى  
يابنت المبقعه قالت ايه

لينزى: قالت انى...معنديش كانسر ولا حاجه

ده نقص فصايح كرات الدم البيضا وهى عملت البقع دى  
وبيشته فاعراضها مع الكانسر فالدوم  
والدكتور قالى اكل حجات لتعويض الكرات دى وباخذها ادويه

مارسلينو قعد یرج فدماعه يستوعب بشكل يضحك

لينزى: والمسيح الحى ده الى حصل (خايفه منه بهزار)

مارسلينو: يعنى انتى معندكيش سرطان

لينزى: لا

مارسلينو: وانا عملت رياضه ودائت واكل صحى وربطت بطنى اما  
طلع 3ميتين

اهلى قصاد تحدى بخ!

لينزى (بدلع) عشان خاطرک ي لينووو

شوف اهلويت ازای لما خسيت وبقيت بتجرى ورايا هایل

مارسلينو: يعنى ده مقلب من مقالبك

لينزى: متسميهوش مقلب ... كان قصدى شريف

مارسلينو: ايه قصدك شريف هتخطبيني من جديد

لينزى: كنت فرحانه بحبك ليا ووقوفك جمبي ي لينوووو

مارسلينو: لينو! لينو! هيمرملك دلوقت

شوفى هولداك لا دكتور ولا مستشفى ولا سحر ولا شعوده

لينزى بتجرى قصاده خايفه وهو وراها وبتصوت بطريقه تضحك  
ومضرب الدبان فايده وناويلها  
كسبت تالت تحدى  
كسبت تالت مقلب !

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

يامن وهور

ففترة هدنه لسه ، يمكن تعرف كل واحد منهم غلاوته فقلب

التانى وانه ميقدرش عالبعد ولا الانفصال...

يامن يوميا بيكلمهم يتظمن عليها هي والولاد ويبعتلهم  
مصروفاتهم

باكثر من الاول يمكن عشان باباها اتسجن فعلا

وفيه خدم وسواق ليهم مرتب فبيت باباها...

حور قلبها كل وقت بيشكها بالاشتياق لحبيب عمرها يامن

الى لاحلمت ولا اتمنت ولا سجدت لله تطلب غيره

اما عن يامن...

صعبان عليه انها اختارت البعد وفوقت الاختيار اختارت باباها  
رغم

انه مغلطش فحقها ولاحقه

صعبان عليه كل الحب الى شافوا منها وفعيونها وعلمه يحبها  
يروح فاول مطب بينهم ...

فاول غلظه كبيرة عندها القدرة تضحي بيه

راحت الايام وجت الايام

وكبرايائهم قصاد بعض كبير ... لحد مرة فى اجازة من اجازات  
يامن

كانت بنته عيانه وعشان دايمما جمب اخوها

اتعدى منها اخوها وتعب وراها وكانت مش قادرة عليهم حور  
وحدها

عرف يامن وراحلها وفضل وياها

فالكشوفات والمتابعات وكان بيبيات فاوضه وحده فالببيت كانه  
غريب

لحد يوم بعد م الولاد خفوا

كان بيجهز انه يمشى ويسافر عالمنصوره ، وواخد دش  
وبيلبس

خبطت عليه تقوله ع حاجه

فتح لها بالبورنوس ! فضلت باصه للارض وبعدين رفعت ليه  
نظرها

باشتياق وهو كمان كان مشتاقلها بس ساكت

حرب جواهم هما الاتنين بالحنين والشوق بس من براهم ساكتين  
وهاديين

فبصه طويله للاتنين بعتاب

اترموا فحضن بعض بلهفه ردت ع كل الى جواهم ، عالوضع ده

الحضن اکتفى بعتاب كل واحد فيهم للتانى

وردع كلا منهم عن غلظه، من غير عتاب

من غير لوم

رجعت حور وولادها ليامن معاه لبيتها ومستقرها راضيه وساكته

بقضاء انكتب ع والدها لانه كان مخطئ

ولان اولادها واخيرا... مالهاش الا بيتها وزوجها ..

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

جای ايهاب وساحب شنطه سفره وراه ببدله الطيران بتاعته

ماشى فى ارض المطار. راجع من رحله

لمحته اية ، جريت عليه بلهفه

بعد انتظار ليها طويل

ايهاب: (بفرحه) اية... ايه ي حبيبتي الى جايبك هنا فيه حاجه

وياكى

اية: متخضش ي ايهاب هو بس انا

ايهاب:ايه

اية: بص...ع طول كده من غير لقلقه ولا ارتباك

انا سمعت صوت قلبي لمرة واحده

ومسمعتش كلام حد

همشى الى قلبي عاوزه ونفسي فيه

وانا فالبعد عنك مش قادره خلاص...كل حد وله حاله

بسمه اتحدد جوازها وهبة اختها عايشه مكرمه عند عمها

وانت رجعتك ريم

والدكتوراة وصال عايشه حياتها بالطول والعرض،مش هسمح

انها تهدمنى

وتهدم حياة...ابنى

ايهاب(باندهاش بان ع عيونه)ابنك!

اية:انا حامل منك ي ايهاب (خدودها احمرت) والولد عاوز ابوه

بعفويه شالها ايهاب ولف بيها خلى المطار يتفرج عليهم

وزمايله والمضيفات

اية:البيبي ي ايهاب مش كده

ايهاب:انا هبقى اب للمرة التانيه...والمره دى منك

من حبيبة قلبي وعمرى





بشويه وبقت تمشى ع عكاز وقالو ان مع الايام هترجع تمشى  
نفسيتها اتحسنت ورجعلها الامان من تانى  
وفرح ايمن راحوه سوا صديق محمد جهاد ومعاهم ابنهم وكانت  
فرحة ايمن برحوع صديقه كبيره

اما عن رضوى

وقت م كانت بتعمل تحاليل للخلفه فاسكندريه ،كان فى شاب متابع  
صحتها وببيلغها باخر التطورات  
لانه كان بيشتغل المعمل  
وفصب عنه اتشدلها رغم انها وقتها كانت متجوزة ،واخذ نمرتها  
ك يعرفها وقت استلام العينه وكده ونسيت امره رضوى  
لحد مرة بعثلها بالغلط ع واتس  
ردت

اتاسف عن خطاه مرة تانيه بيهنى بقدوم رمضان بعدها العيد  
الكلام جاب بعضه

عرف انها اتطلقت ورجعت المنوفيه بلدها ،من غير قصد انشدوا  
لبعض اكثر

بس رضوى كانت بتتعامل بحدود

حفاظا ع ثقه ابوها الى رجعت فيها وكمان مشغولياتها بدراستها  
من تانى

من غير مقدمات راح اتقدم ، ووافقت رضوى

وشكل كده الدنيا ابتدت تضحكها من اول جديد ...ربنا يسعدها

ونيجى بقا لجوز الناقر ونقير القط والفار مارسلينو ولينزى  
فهما لسه ع نقار خصوصا بعد كل مقالب لينزى ووسامه  
مارسلينو الى ظهرت  
ولدت لينزى ولد زى القمر سموه كاراس  
كانوا فرحانين بيه وقربهم من بعض اكثر ربنا يديم السعاده

طه ...

استكمل حياته عادى ف دبي ك كاشير ،رجع تانى ميكونش له هم  
غير اهله  
وسعادتهم وجواز اخواته الى اصغر منه ورضا والدته...  
وكل فتره يببص ع الحجره الى اخدها باسم نهلة ذكرى مراته  
المرحومه  
صدقه جاريه ليها فمستشفى بهية لعلاج سرطان ثدى ،عاوز  
يكون لآخر لحظه  
بيقدر يبسد الى عليه ناحيتها ويكون راضى  
لحد م يختاره ربنا يروحها ...

ايهاب واية وريم

عائشين حياه حلوة اوى سوا، ريم حسنت بحنان ام بالفعل مش  
بيبي سيتر

واية طاقة حنان ماشيه عالارض رغم ان هيحيلها مولود بس  
مفرقتش فالمعامله

ابدا

بالعكس الى يشوفها يقول مفيش طاقة حب لابنها الى جاى

وايهاب البرنس

بيعامل الاتنين برنسيساته الصغيره والكبيره خصوصا بعد م عرف  
ان الى جاى ولد

وهو مبيعرفش يتعامل مع الولاد ... الجنس الناعم تخصصه ...

وصال بقا اصابها شئ فى اعصاب ايدها مش معروف خلاها  
مهزوزه وده بدا ينتشر بين مرضاها

وبدات تتسحب سمعتها وتبقى فالارض ومبيقاش نجمها على زى  
م كان..

نيجى بقا لحسين

الى اخيرا اخذ اجازة ونزل عشان فرحه ، خطبوله وهو بره  
واول مرة يشوفها ع الحقيقه مش صور ففرحهم ...

اتصل بيهم كلهم وطلب منهم يحضروا باستماته

ع ادم قدروا حاولوا واتفقوا سوا كلهم وراحوا الفرح ، كان  
مسخره الفرح

لكا اجتمعوا كلهم بزوجاتهم واوالادهم كل حد من بلد

بس وحشوا بعض جدا  
وفصورة السيلفى الى احدها مارسلينو ليهم وهما عالكوشه  
ال5شباب  
جمب حسين وهو عريس كانت مما اجمل ما يكون  
نكرى حلوة لجمع مكانش ع بال  
كل واحد من بلد  
كل واحد له حكايه ،كل واحد له ظرف  
كملوا بعض وتعايشوا عالحلوة والمره ...والصداقه مبتنتهيش  
لاباختلاف اماكن  
او ديانه  
او عيشه!

صك العفران ...  
صك بتقدمه او يتقدمك ، صك بتدفعه او يتدفعك  
كلنا بنغلط ...وكلنا لازم نتحمل الغلط ونسامح  
متحكمش ع حد لمجرد الظاهر ،عاشره واعرفه وبعدها احكم عليه  
خلى الموقف والاتنين والتلاته يتكلموا عنه مش انت ...  
محدث فينا مولود ملاك من غير اخطاء وبيفضل ع حاله  
الشر والخير بينهم خيط بس احنا عندنا عقل يميز  
كلنا جوانا وحوش وكلنا جوانا طيبين  
الشاطر الى يعرف امتى يطلع الى جواه فوقته الصح

اوعى تعيب ع حد ربنا بلاه ابتلاء...ممكن يبتليك ويكون بلاءك اعظم

صك عفراننا نقدمه لروحنا الى بنسى لها كتير باختيارات وكلام كتير غلط

الدنيا كروت..

كارت البنت وكارت الشايب وكارت الولد ،وحياتك دور انت بتلعبه باتقان

يبقى تفكر قبل م تلعب دورك كويس...عشان لو مش هتقدر عليه قول مش لاعب !!

كنتم مع روايتى رقم 12

#صكوك\_الغفران

اتمنى لكم حسن المتابعه والقراءة ونتقابل ع خير فى رواية جديده

/نور اسماعيل

#بقلمى\_نوراسماعيل

♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡♡

♡♡♡♡♡♡♡♡♡♡♡♡♡♡♡♡♡♡